

M. TULLII CICERONIS
O P E R A O M N I A

EX RECENSIONE

JO. AUGUSTI ERNESTI

QUI ET NOTAS SUAS ADJECIT.



VOLUMINIS QUARTI

PARS PRIMA

OPERA PHILOSOPHICA.



LONDINI:

TYPIS EXCUDIT J. F. DOVE;

PROSTANT VENALES APUD R. PRIESTLEY.

MDCCCXIX.

M. TULLII CICERONIS
EPISTOLARUM

AD
ATTICUM

LIBER V.

—
ARGUMENTUM.

Ex antepenultima epistola superioris libri, atque hujus secunda, intelligimus, cessatum esse scribi inter eos, annos ipsos duos, et menses paulo amplius sex: nimirum ex u. d. ix Kal. Nov. L. Domitio Ahenobarba et Ap. Claudio Pulchro coss. ad usque mensem Martium, cass. M. Marcello et Ser. Sulpicio: qui mense Ciceru pro consule, in provinciam Ciliciam, cum imperio, Roma profectus est, sibi et S. C. et lege Curiata traditam extra sortem: Appioque successit. Scriptæ sunt autem libri hujus epistolæ ex itinere magna ex parte: reliquæ ex provinciâ, quæ perrexit prid. K. Sext. cuoâ Roma egressus est, ut diximus, circiter K. Maii, Marcello et Sulp. coss. Quæ ex itinere scriptæ sunt, nihil continent memorabile: quæ in provincia, tantum, quæ moderatione, quæ abstinentiâ illam gubernavit: quoque machinæ coæpuraverit, si forte Parthi in suam provinciam irruptionem facere conarentur. Nam cum superiore anno, exercitum populi Romani, Crasso dux interfecto, miserabili clade affecissent: reliquiasque illius, haud sane magna manu, in Syriam persequenti, a Q. Cassio Longino fortissime repulsi fuissent: majori ac firmitori vi, hoc anno redierunt: ab eodemque Cassio rursum Syria excedere evacti sunt. Ita enim infra Ciceru: Interim rumore adstratus nostri, et Cassio, qui Antiochiam tenebatur, anticus accessit: et Parthis timor injectus est. Itaque erdentes ab oppido Cassius insecutus, rem bene gessit: quæ in fuga, magna auctoritate Osares dux Parthorum, vulnus accepit, eoque interiit paucis post diebus. Continetur item his epistolis, quomodo Cicero in Ammam, Pindenisso, oppido Eleutheræideâ captâ, nomen imperatoris assecutus fuerit: et quædam alia, haud magni ad historiam momenti. Cessatum est autem scribi inter eos toto consulatu Cu. Domitii Calpurni: M. Valerii Messallæ: item Cu. Pompeii Magni in, et Q. Metelli Scipionis.

CICERO ATTICO S.

1

EGO vero et tuum in discessu vidi animum, et meo sum ipse testis. quo magis erit tibi videndum, ne quid novi de-

1 Videndum, ne quid, &c.] Idem est etiam hoc erat, ne sibi provincia pro-
ep. 2. scilicet statim ab abitu in provin- garetur, idque ut evarent amici, rogabat

cernatur; ut hoc nostrum desiderium ne plus sit annuum. De Annio Saturnino curasti probe. De satisfando vero, te rogo, quoad eris Romæ, tu ut satisfacdes. et ²sunt aliquot satisfationes secundum Mancipium, ³vel Memmianorum prædiorum, vel Atilianorum. De Oppio, factum est ut volui, et maxime, ⁴quod necce aperuisti: quæ quidem ego utique ⁵vel versura [facta] solvi volo; ne extrema exactio nostrorum nominum expectetur. Nunc venio ad ⁶transversum illum extremæ epistolæ tuæ versiculum, in quo me ⁷admones de sorore. quæ res se sic habet. Ut ⁸veni in Arpinum, cum ad me frater venisset, in primis nobis sermo, isque multus, de te fuit: ex quo veni ad ea, quæ fueramus ego et tu inter nos [de sorore] in Tusculano locuti. nihil tam vidi mite, nihil tam placatum, quam tum meus frater erat in sororem tuam; ut etiam, si qua fuerat ⁹ex

2 *S. a. satisfationes s. m. j.* Hoc est vel, sunt exempla talium satisfationum, vel, et potes satisfacere pro me aliquot modis, vel Memmianis vel Atilianis prædiis, quod verius puto. v. Clavem in *satisfatio*.

3 *Et Memm. vel At.* Edd. pr. vel his tu *M. vel At.* Si prædia Iose Ciceronis fuere, emta ubi eo in auctione bonorum Memmii et Atilii Serrani, cum fuissent condemnati, sensus est, et has ad satisfationes uti potes vel Memmianis vel Atilianis prædiis: sin minus, sensus est, ut in illis prædiis factum est: sed hoc est durius, opinor. Vulgatum in his et *M. vel At.* durum est, debeturque Aldo. Ego edidi vel *M. vel A.*

4 *Quod necce aperuisti.* Recte necce pro nec ex ep. 5. factum: ultimum in quod absorpsit rō d. durum est ex ed. Jens. in qua est *qua necce*: hic deinde est *aperuisti*, ibi *exposuisti*, utrumque obscurius puto. Sensus est: promisisti Oppio, ea solutum iri.

5 *Vel versura facta solvi volo.* Facta est sine dubio a glossatore. *versuram facere* dicitur; nunquam *versura facta solvere*, sed semper *versura solvere*, itaque saltem uncis inclusi. Sensus est: malo solvi, quæ debeo, pecunia mutuo sumpta, quam committere, ut omnem pecuniam meam, aliis creditam, exacturus videar, eaque res a debitoribus meis timeatur. Utrum Cn. Oppius, Atilii Serrani gener, an aliquis negotiator alius intelligatur, non decernam; fuere plures Oppii nomine. v. Clav. Ceterum ea pecunia debebatur Cæsari. ep. 6.

6 *Transversum illum, &c.* Scriptus

fuerat in margine epistolæ, adeoque transverse.

7 *Admones de sorore. quæ res.* Hic addendum semper putavi tua, quod a verbo sequente absorptum esse potest. nam in tali textu semper pronomen possessivum additur, et infra est *frater meus erat in sororem tuam*. Max in his: *quæ fueramus* - - *de sorore in Tusc. locuti*, puto a glossatore esse *de sorore*, nam mihi quidem valde friget, et me semper offendit, etiam ob repetitionem nimis propinquam *de sorore, de sorore, in sororem*.

8 *Veni in Arpinum.* Sic ed. Rom. at ed. Jens. *Arpinum*, quod cetera secatur sunt. Illud cum in Ms. aliquo repertum esset, receptum, etsi insolens, vel propterea, ut alia, quia insolens; idque late et scrupulose defendit Malaspina. Ego id vitiosum credo. Natu quodnam substantivum intelligemus, cum hic esse debeat accusativus? In hac forum semper intelligitur *ager, fundus*, debet ergo esse in *Arpinum*. Si *Arpinum* non est a Cicerone: certe legendum *Arpinates*, nude per compendiarium aliquem scripturam *Arpinum* natum sit. in *Arpinum* autem non esset grammaticæ vitiosum, ut putavere, si maxime urbs intelligeretur. sed *Arpinum* hic non urbem notat; nec enim ibi fuit, sed est ager Arpinas, fines Arpini vel Arpinum. Sic est infra, XIV, extr. *scire te volui, me hinc Arpinum* sc. ire. Itaque *Arpinum* restitui.

9 *Ex ratione sumta offensio.* *Sumere* off. bene dicitur, ut *sumere inimicitias*. In ed. Rom. est *sumtus*, quod et in margine Cratandri notatum, et in Mss. repertum, a

ratione sumta offensio, non appareret. illo *sic* die. postridie ex Arpinati profecti sumus. ut in Arcano Quintus maneret, ¹⁰ dies fecit: ego Aquini, sed prandimus in Arcano. nosti hunc fundum. quo ut venimus, humanissime Quintus, Pomponia, inquit, ¹¹ tu invita mulieres, ego vero acciam pueros. nihil pôtuit, mihi quidem ut visum est, dulcius, idque ¹² cum verbis, tum etiam animo, ac vultu. at illa, audientibus nobis, ego sum, inquit, hic hospita. id autem ex eo, ut opinor, quod antecesserat Staius, ut prandium nobis videret. tum Quintus, en, inquit mihi, hæc ego patior quotidie. Dices, quid, quæso, istue erat? magnum: itaque me ipsum commoverat: sic absurde et aspere verbis vultuque responderat. dissimulavi dolens. discubui omnes præter illam; cui tamen Quintus de mensa misit; illa rejecit. quid multa? nihil meo fratre lenius, nihil asperius tua sorore mihi visum est: et multa prætereo, quæ tum mihi majori stomacho, quam ipsi Quinto, fuerunt. ego inde Aquinum; Quintus in Arcano remansit, et Aquinum ad me postridie mane venit, mihi que narravit, nec secum illam dormire voluisse; et eum discessura esset, fuisse ejusmodi, qualem ego vidissem. quid quæris? vel ipsi hoc dicas licet, humanitatem ei, in eo judicio, illo die defuisse. Hæc ad te scripsi fortasse pluribus, quam necesse fuit, ut videres, tuas quoque esse partes instituendi et monendi. Reliquum est, ut ante, quam proficiscare, mandata nostra exhaurias; scribas ad me omnia; Pomtinum extrudas; cum profectus eris, cures, ut sciam. sic habeas, nihil meherecule te mihi nec carius esse, nec suavius. A. Torquatum amantissime dimisi

Victorio quidem in omnibus, ut ait. editionis Rom. nullam mentionem facit. Forma loquendi, ex ratione sumta offensio, elegans est et Ciceroniana: non illud. dixisset: si qua fuerat e sumta offensio. usitatus tamen ex abbeset. ratione sumta offensio est, quæ ab idonea et justa causa orta est.

¹⁰ Dies fecit.] Sc. dies festus, aut aliam ob causam talis fuit, ut Quintus non posset ea die honeste abire.

¹¹ Tu invita m. ego accivero pueros.] Hæc lectio est ex ed. Rom. quamquam ea habet accivero. unde Asc. Aldus, &c. Editionem Jens. deseruere, qui alias sequuntur, in qua est ego vero acciam pueros: nec eam quisquam criticorum clarorum in-spexit. mihi autem hæc lectio placet, nec dubitavi recipere. nam futurum conjunc-

tivi hic alienum est. acciverim rectum esset, nullo modo accivero: uti dici potest ego ei dixerim, non ego ei dixero.

¹² Cum verbis, tum etiam animo ac vultu.] Alias tantum vultus opponitur in tali re, et sic post est: aspere verbis vultu-que responderat. Canegieterus ad Avianum ingeniose corrigit mmo ac vultu, sicut Perizonius, in Floro IV, 11, 3. ut mente, ita animo ac cultu, correxit mmo. Sed vultus ad mimum pertinet: essetque intelligendus modo gestus, nempe placidi et amantis. animus hic locum non habet comode, ubi de externis sermo est, e quibus animus intelligitur: sed tamen et mimus in tali sermone hominis placidi vix locum habet. Si de Pomponia esset, femina feroci et iracunda, placeret.

Minturnis, optimum virum : cui me ad te scripsisse aliquid, in sermone significes velim.

2

CICERO ATTICO S.

- p. 69. A. D. vi Id. Mai. cum has dabam litteras, ex Pompeia-
 a. no proficiscebar, ut eo die manerem in Trebulano apud Pontium. deinde cogitabam sine ulla mora justa itinera facere. In Cumano cum essem, venit ad me, quod mihi pergratum fuit, noster Hortensius: cui, deponenti mea mandata, cetera universe mandavi; illud proprie, ne pateretur, quantum esset in ipso, prorogari nobis provincias. in quo eum tu velim confirmes, gratumque mihi fecisse dicas, quod et venerit ad me, et hoc mihi, praetereaue si quid opus esset, promiserit. confirmavi ad eam causam etiam Furnium nostrum; quem ad annum tribunum plebis videbam fore. Habuimus in Cumano quasi pusillam Romam: tanta erat in his locis multitudo, cum interim Rufio noster, quod se a Vestorio observari videbat, strategemate hominem percussit. nam ad me non accessit. itane? cum Hortensius veniret, et infirmus, et tam longe, et Hortensius, cum maxima praeterea multitudo, ille non venit? non, inquam. non vidisti igitur hominem, inquis? qui potui non videre, cum per emporium Puteolanorum iter facerem? in quo ¹³illum, agentem aliquid, credo, salutavi; ¹⁴postea etiam jussi valere, cum me ¹⁵expense e sua villa, numquid vellem, rogasset. hunc hominem parum gratum quisquam putet? aut non in eo ipso laudandum, quod audiri non laborarit? Sed rodeo ad illud. Noli putare mihi aliam consolationem esse hujus ingentis molestiae, nisi quod spero non longiorem annua fore. hoc me ita velle multi non credunt, ¹⁶ex consuetudine
 b. aliorum. tu, qui scis, omnem diligentiam adhibebis, tum scilicet, cum id agi debebit. Cum ex Epiro redieris, de republica scribas ad me velim, si quid erit, quod opperiare. nondum enim satis huc erat allatum, ¹⁷quomodo Caesar

13 *Illum agentem aliquid c. salutari.*] Sc. praetens cum tractat res venales, velut ille apud Horatium, ep. I, 7. Philippus Volteium.

14 *Postea jam jussi valere.*] Jam hoc admodum friget. Ciceronem puto scripsisse: post etiam, vel postea etiam.

15 *Expense e sua villa - - rogasset.*] In hoc expense critici impense laborarunt: nec tamen satisfacere, alius exiens, quod

et in Ms. suo reperisse se dicit Lambinus; alius, ut Victorinus, spectans, e Pansa villa P. Manutius. Deligat sibi quisque, quod placet. Vulgatum quidem non est a Cicerone.

16 *Ex consuetudine aliorum.*] Quia alii quam diutissime cupiunt retinere provincias, et tantum desiderium Romae simulant.

17 *Q. C. f. de auctoritate perscripta.*] Sc. nuntium, senatum decrevisse, Marcello

ferret de auctoritate perscripta: eratque rumor ¹⁸ de Transpadanis, eos jussos in viros creare. quod si ita est, mag-nos motus timeo. sed aliquid ex Pompeio sciam.

CICERO ATTICO S.

3

A. D. VI Id. Mai. veni in Trebulanum ad Pontium. ibi mihi tuæ litteræ binæ redditæ sunt tertio abs te die: eodem autem, ex Pansæ Pompeiano Philotimo dederam ad te lit-teras. nec vero nunc erat sane, quod scriberem. Qui de republica rumores, scribe quæso. in oppidis enim summum video timorem; sed multa inania. quid de iis cogites, ¹⁹ et quando, scire velim. Ad quas litteras tibi rescribi velis, nescio. nullas enim adhuc acceperam, præter ²⁰ quæ mihi binæ semel in Trebulano redditæ sunt: quarum alteræ ²¹ edictum P. Licinii habebant, (erant autem Non. Mai. datæ,) alteræ rescriptæ ad meas Minturnenses. quam ve-reor, ne quid fuerit *σπουδαϊότερον* in iis, quas non accepi, quibus rescribi vis. Apud Lentulum ²² ponam te in gratiam. Dionysius nobis cordi est. Nicanor tuus operam mihi dat egregiam. Jam deest, ²³ quod scribam; et lucet. ²⁴ Bene-venti cogitabam hodie. nostra continentia et diligentia ²⁵ esse satisfaciemus. satis. A Pontio, ex Trebulano a. d. v Id. Mai.

CICERO ATTICO S.

4

BENEVENTUM veni a. d. v Id. Mai. ibi accepi eas litteras, quas tu superioribus litteris significaveras te dedisse: ²⁶ ad quas ego ipso eo die dederam ex Trebulano a

referente, ut ei succederetur, ei tamen scito intercessum esse.

18 De Transp. eos jussos IV viros creare.] Transpadani intelligendi, qui jus Latinum habent, velut coloniar, quæ ibi essent. eos Pompeius volebat accipere jus municipiorum, ut Romam venire omnes et suffragia ferre possent: municipiorum autem magistratus IV viri erant. Res narratur a Dione.

19 Et quando.] Si sana lectio est, int. quando futurum sit aliquid de oppidis. Pertinet, opinor, ad Transpadanam illam causam, de qua ep. superiori.

20 Quæ mihi binæ semel r. s.] Placet Ursini conjectura simul.

21 Edictum P. Licinii.] Quale fuerit, ignoratur. Putant intelligi provinciale, quod Cicero habere voluerit, ut eo uti in suo componendo posset.

22 Ponam te in gratiam.] Alias Cicero dicit in gratia, quod et viris doctis placet. Ed. Rom. habet Lentulo. Jens. Lentulum sine apud.

23 Quod scribam.] Edd. pr. male quid. male servavit Grævius, cum ep. 5. init. ipse dederit deest, quod ser.

24 Beneventi cogitabam h.] Int. esse. Sed malim Beneventum, cum Grævio, quia in hac forma iter intelligitur alibi.

25 Esse satisfaciemus.] Esse abest ed. Grævii. quæ correctio facillima. Sed vix est a librariis. an Cicero dilixit ex asse?

26 Ad quas ego ipse eo die d. ex Trebulano L. Pontio.] Male ipse edd. vulgg. Correxii ipso eo die, ut habent edd. Jens. Ald. &c. Rom. eo ipso die, etiam lenius. tunc dedi a Pontio, ut est in fine prioris, ubi et ed. Rom. habet L. Pontio.

Pontio. ²⁷ ac binas quidem tuas Beneventi accepi. quarum alteras **Funisulanus** multo mane mihi dedit, alteras scriba Tullius. Gratissima est mihi tua ²⁸ cura de illo meo primo et maximo mandato. sed tua profectio spem meam debilitat. ²⁹ ac me ille: illuc quidem labor, non quo; sed inopia cogimur eo contenti esse. De illo altero, quem scribis tibi visum esse non alienum, vereor adduci ut nostra possit; ³⁰ et, ut vis, *δυσδιάγνωστον*. esset quidem summe facilis: sed tu aberis, et me absente res. habebis mei rationem. nam posset aliquid, si utervis nostrum adesset, ³¹ agente Servilia, Servio fieri probabile. nunc, si jam res placeat, agendi tamen viam non video. Nunc venio ad illam epistolam, quam accepi a Tullio. De Marcello, fecisti diligenter. igitur senatus consultum si erit factum, scribes ad me: sin minus, rem tamen conficies. ³² mihi enim attribui oportebit, item Bibulo. sed non dubito, quin senatusconsultum expeditum sit, in quo praesertim sit compendium populi. De Torquato, probe. De Masone, et Ligure, cum venerint. De illo, quod Chærippus: quoniam hic quoque *πρόσνευσιν* sustulisti: o provincia! etiamne hic mihi curandus est? curandus autem? hactenus, ³³ ne quid ad senatum, consule, aut numera. nam de ceteris. Sed tamen commode, quod cum Scrofa. De Pontino, recte scribis. est enim ita, ut si ante Kalend. Jun. Brundisii futurus sit, minus urgendi fuerint M. Annius et Tullius. Quæ ³⁴ de Sicinio audisti, ca mihi probantur: modo ne illa exceptio in aliquem incurrat bene de nobis meritum. sed considerabimus. rem enim

²⁷ *Ac binas quidem tuas.*] Tuas hic friget: nec in superiore epistola additum est. Puto *binas alias*: quia sc. ante jam binas simul acceperat.

²⁸ *Cura de illo meo primo - - mandato.*] Putem esse de filia sua collocanda. nam et de eo intelligi posset, de quo ep. 1. init. et 2. sed illud sequentibus aptius.

²⁹ *Ac me ille, illuc labor, &c.*] Hæc vitiosa esse, non est dubium; et sunt tamen et hæc e correctione. sed nulla est certa correctio. Ed. Jens. habet *labat*, unde *labor* factum. Ed. Rom. neutrum habet: omisit nam alii Grævius. Sensus quidem hic est: unus quidem ex iis, qui filiam meam appetit, non satis placet, sed non est delectas copia, et oportet esse hoc Catone contentum: alter filiae non placet.

³⁰ *Et, ut vis, δυσδιάγνω.*] *Ut vis* Bosius edidit e Ms. alii et edd. vet. et tuis, quod

Grævius revocavit. nihili est. *ut vis*, non male. Suspensus etiam sum, *ut ais*. intelligendum est. nisi malis, est *ut ais*, d. sequentia vero ita sunt corrupta, ut corrigendi spes nulla sit. itaque iis nec me, nec lectores torquelo.

³¹ *Agente Servilia.*] Edidi *Servilia* pro *Servilio* ex L. VI, ep. 1. quod et vidit Tunstallus, p. 187. hic esse faciendum.

³² *Mihi enim attribui oportebit.*] Verbum *attribui* ap. Ciceronem de provinciis, pecunia, legionibus dicitur: hic opinor de pecunia, quia simpliciter dicitur.

³³ *Ne quid ad senatum, consule, aut numera.*] Ne quid ad senatum veniat, propter quod impediatur causa mea. Erant autem illa duo genera impediendi, cum clamaretur *consule vel numera*.

³⁴ *De Sicinio audisti.*] I. quæ: is tibi dixit.

probo. De nostro itinere, quod statuerō; ³⁴ de quinque præfectis, quid Pompeius facturū sit, cum ex ipso cognoro, faciam, ut scias. De Oppio bene curasti, ³⁵ quod ei DCCC exposuisti: idque, quoniam Philotimum habes, perface, et cognosce rationem: et, ut agam amplius, si me amas, prius quam proficiscaris, effice. magna me cura levaris. Habes ad omnia. etsi pæne præterii, chartam tibi deesse: ³⁷ mea cautio est; siquidem ejus inopia minus multa ad me scribis. tu vero ³⁸ aufer ducentos. etsi meam in eo parsimoniam hujus paginæ contractio significat, ³⁹ dum acta et rumores vellet. jam, si qua certa habes de Cæsare, exspecto litteras; et alias Pontino de omnibus rebus ⁴⁰ diligenter dabis.

CICERO ATTICO S.

5

PLANE deest, quod scribam. nam ⁴¹ nec, quod mandem, habeo: nihil enim prætermisum est: nec quod narrem: novi enim nihil: nec jocandi locus est; ita me multa sollicitant. tantum tamen scito, Idibus Mai. nos Venusia mane proficiscentes has dedisse. eo autem die credo aliquid actum in senatu. sequantur igitur nos tuæ litteræ, quibus non modo res omnes, sed etiam rumores cognoscamus. eas accipimus Brundisii. ibi enim Pontinum ad eam diem, quam tu scripsisti, exspectare consilium est. Nos Tarenti, quos cum Pompeio διαλόγου de republica habuerimus, ad te perscribemus, etsi id ipsum scire cupio, quod ad tempus recte ad te scribere possim, id est, quamdiu Romæ futurus sis, ut aut quo dem posthac litteras sciam, aut ne dem frustra. Sed antequam proficiscar, utique ⁴² explicatum sit illud

p. 71.
a.

³⁵ De quinque præfectis.] V. ep. 7. Sed ibi est quis: quod videtur et hic reponendum.

³⁶ Quod ei DCCC exposuisti.] V. supra ad ep. 1.

³⁷ Mea cautio est.] Sic ed. Jens. prima dedit. Rom. habet captio, ut et Mss. plures: idque late defendunt, inprimis Malaspina. Sed cautio verum est. mea cautio, tua cautio est, frequens et usitatum est Ciceroni et aliis. Sensus est: hoc ego cavere debeo, ne amittam commodum litterarum tuarum.

³⁸ Aufer ducentos.] Sesteritios ad emendam chartam, de mea pecunia. jocose.

³⁹ Dum acta et rumores vellet.] Hoc vellet ineptum est latinitate et sensu. Ma-

nus interpretatur, intelligendo, a te querere. Sed ita deberet esse, vult. Venit aliquando in mentem tollit, i. non memorat tibi, quæ tu forte libenter legas: melius nihil dum succurrit.

⁴⁰ Diligenter dabis.] Sic correxi ex ep. 9. ubi sunt litteræ diligenter datæ. Vulg. diligentes. non sio Latini: diligentes litteras dare.

⁴¹ Nec quod mandem - - nec quod narrem.] Vulg. omnes quid, male, ut aliis locis.

⁴² Explicatum sit illud H-S xx et DCCC.] An excidit de H-S? ut sit, de sesteritiis xx et DCCC. sive, ut ed. Rom. habet, sesteritium, in quo int. millibus.

H-S xx et dccc. hoc velim in maximis rebus et maxime necessariis habeas; ut, quod auctore te velle cœpi, adiutore assequar.

6

CICERO ATTICO S.

TARENTUM veni a. d. xv Kalend. Jun. Quod Pomtinum statueram exspectare, commodissimum duxi, dies eos, quoad ille veniret, cum Pompeio consumere: eoque magis, quod ei gratum esse id videbam; qui etiam a me petierit, ut secum et apud se essem quotidie: quod concessi libenter. multos enim ejus præclaros de republica sermones accipiam: instruam etiam consiliis idoneis ad hoc nostrum negotium. Sed ad te brevior jam in scribendo incipio fieri, dubitans, Romæne sis, an jam profectus. quod tamen quoad ignorabo, scribam aliquid potius, quam committam, ut, tibi cum possint reddi a me litteræ, non redantur. nec tamen jam habeo, quod aut mandem tibi, aut narrem. mandavi omnia, quæ quidem tu, ut polliceris, exhausties: narrabo, cum aliquid habebō novi. illud tamen non desinam, dum adesse te putabo, ⁴³ de Cæsaris nomine rogare, ut confectum relinquas. avide exspecto tuas litteras, et maxime, ut norim tempus protectionis tuæ.

7

CICERO ATTICO S.

QUOTIDIE, vel potius in dies singulos, breviores litteras ad te mitto. quotidie enim magis suspicor, te in Epirum jam profectum. sed tamen, ut mandatum scias me curasse; ⁴⁴ quot ante, ait se Pompeius [quinos] præfectos delaturum, novos, vacationes, judicariam causam. Ego cum triduum cum Pompeio et apud Pompeium fuisset, proficiscebar Brundisium ⁴⁵ a. d. xi Kal. Junias. civem illum egregium relinquebam, et ad hæc, quæ timentur, propulsanda paratissimum. Tuas litteras exspectabo, cum ut, quid agas, ⁴⁶ tum, ut ubi sis, sciam.

⁴³ De Cæsaris nomine.] De pecunia, quam ei debeo, H-S dccc, de quo supra.

⁴⁴ Quot ante, ait se P. quinos pr. d. novos; vacationes.] Sic edidit primus Victorius. Lectiones edd. valde corruptæ et variæ sunt. Sed nec hanc sine vitio puto esse. quinos est sine dubio a glossa e superioribus addita. quot non patitur numerum: nec novos verum puto. Grævius corrigit non vult v. &c. sc. deferri. mihi videtur

non vero. quod consentit ep. 11. ubi omnes vacationes negavisse præfectis dicitur: et VI, 1. Græcis Græcos judices dat Cicero, quod et in aliarum provinciarum, ut Siciliae, formula erat, ut provinciales haberent judices suos.

⁴⁵ A. d. xiii Kal.] Corrigan viri docti recte xi. nam venerat ad Pompeium a. d. xv. et ibi triduum manserat.

⁴⁶ Tum ut, ubi sis, sciam.] Conjeceram

CICERO ATTICO S.

8

ME et incommoda valitudo, qua jam emergeram, utpote cum sine febris laborassem, et Pontini exspectatio, de quo adhuc ne rumor quidem venerat, tenebat duodecimum jam diem Brundisii. sed cursum exspectabamus. tu si modo es Romæ; vix enim puto: sin es, hoc vehementer animadvertas velim. ⁴⁷ Roma acceperam litteras, Milonem meum queri per litteras injuriam, meam, quod Philotimus socius esset in bonis suis. id ego ita fieri volui de C. Duronii sententia; quem et amicissimum Miloni perspexeram, et talem virum, qualem tu judicas, cognoram. ejus autem consilium, meumque hoc fuerat; primum, ut in potestate nostra esset res, ne illum ⁴⁸ malus emtor alienus ⁴⁹ mancipiis, quæ per multa secum habet, spoliaret: deinde, ut Faustæ, cui ⁵⁰ cautum ille [esse] voluisset, ratum esset. erat etiam illud, ut ⁵¹ ipsi nos, si quid servari posset, quam facillime servaremus. nunc rem totam perspicias velim. nobis enim ⁵² scribuntur sæpe majora. sed si ille queritur, si scribit ad amicos, si idem Fausta vult, Philotimus, ut ego ei coram dixeram, mihi que ille receperat, ne sit invito Milone in bonis. nihil nobis fuerat tanti. sin hæc leviora sunt, tu judicabis. Loquere cum Duronio. scripsi etiam ⁵³ ad Camillum, ad Lamiam: eoque magis, quod non confidebam Romæ te esse. summa erit hæc: statues, ut ex fide, fama, reque mea videbitur.

p. 72.
a.

CICERO ATTICO S.

9

ACTIUM venimus a. d. xvii Kal. Quint. cum quidem et Corcyræ, et Sybotis, muneribus tuis, quæ et Arcus, et

ut hic esse addendum, quia Cicero in tali forma solet repetere: reperi tandem id ipsum in ed. Rom. unde recipere non dubitavi.

⁴⁷ Roma acceperam litteras.] Litteras mihi suspectum est de glossa, vel, si hoc Ciceronis sit, illud alterum per litteras, Massilie in exsilio erat Milo. itaque sua sponte intelligitur, cum per litteras questum esse apud amicos: infra tamen litteræ ejus memorantur.

⁴⁸ Malus emtor alienus.] Grævius putat et alienus. bene. Edd. pr. alienis. male.

⁴⁹ Mancipiis - - spoliaret.] Quod in iis pars esset bonorum Milonis emtorum, eaque adeo emtori deberentur.

⁵⁰ Cautum ille esse voluisset.] Atibi non additur esse in hac forma: nec bene sonat h. l. sæpe hoc esse a glossatoribus vel librariis additum est. Cautum voluerat Fauste, uxori, de dote.

⁵¹ Ipsi nos.] Qui sumus socii Philotimi in istis bonis emtis. itaque infra dicit: ex fide, fama, reque mea.

⁵² Scribuntur s. majora.] I. a scribentibus augentur, ut sit, quæ sunt leviora, ut infra dicit.

⁵³ Ad Camillum, ad Lamiam.] Camillum prædátorem et hujus rei peritum. Lamiam, nobilem illum apud Ciceronem? an alium? negotia quidem illum in Asia habuisse, atque adeo rei pecuniarie peritum fuisse, ex epp. ad Div. constat.

meus amicus Eutychides opipare et φιλοπροσπένεσθαι nobis congesse-
rant, epulati essemus Saliarem in modum. Actio
maluimus iter facere pedibus, qui incommodissime navi-
gassemus: et Leucatam flectere molestum videbatur. ac-
tuariis autem minutis, Patras accedere ⁵⁴ sine his impedi-
mentis, non satis visum est decorum. Ego, ut sæpe tu me
currentem hortatus es, quotidie meditor, præcipio meis,
faciam denique, ut summa modestia et summa abstinencia
⁵⁵ munus hoc extraordinarium traducamus. Parthus, velim,
quiescat, et fortuna nos juvet: nostra præstabimus. Tu,
quæso, quid agas, ubi quoque tempore futurus sis, quales
res nostras Romæ reliqueris, ⁵⁶ maxime de xx et dccc,
cura ut sciamus. id unis diligenter litteris datis, quæ ad me
utique perferantur, consequere. Illud tamen (quoniam nunc
abes, cum id non agitur: aderis autem ad tempus, ut mihi
rescripsisti) memento curare per te, et per omnes nostros,
in primis per Hortensium, ut ⁵⁷ annus noster maneat suo
b. statu, ne quid novi decernatur. hoc tibi ita mando, ut dubi-
tem, an etiam te rogem, ut pugnes, ⁵⁸ ne intercaletur. sed
non audeo tibi omnia onera imponere annum quidem utique
teneto. Cicero meus, modestissimus et suavissimus puer,
tibi salutem dicit. Dionysium semper equidem, ut scis,
dilexi, sed quotidie pluris facio, et mehercule in primis,
quod te amat, nec tui mentionem intermittere sinit.

10

CICERO ATTICO S.

UT Athenas a. d. vii Kal. Quint. veneram, exspectabam
ibi jam quartum diem Pontinum: neque de ejus adventu
certi quicquam habebam: eram autem totus, crede mihi,
tecum: et quamquam ⁵⁹ sine his per me ipse, tamen acrius,
vestigiis tuis monitus, de te cogitabam. quid quæris? non
mehercule alius ullus sermo, nisi de te. sed tu aliquid ⁶⁰ de

⁵⁴ Sine his impedimentis.] Lictoribus et aliis, quæ ad pompam proconsulis pertinerent et ad dignam speciem ejus.

⁵⁵ Munus hoc extraordinarium.] Proconsulatam, quem gereret alio, quam mos esset, h. e. post magistratam urbanam, tempore.

⁵⁶ Maxime de xx et de dccc.] Alterum de delevi, quod supra non additum est, nec in numeris talibus interponitur, sc. qui unius summe nomen exprimunt. Edd. pr. valde in his numeris vitiosi sunt, unde illud de natum est, tamquam duæ diversæ

summe essent.

⁵⁷ Annus maneat suo statu.] I. e. conditione ea, qua accepi, nempe ut unus sit. v. ad Div. VIII, 7.

⁵⁸ Ne intercaletur.] Sc. ne anno meo ex intercalatione aliquot dies accedant. cf. cp. 13. vox annum utique teneto; saltem hoc effice, ut unus annus provinciae maneat.

⁵⁹ Sine his, per me ipse, &c.] Sine his int. Athenis, vestigiis tuis monitus, locis iis in urbe, in quibus tu versari solitus esses, &c.

⁶⁰ De me ipso scire, &c.] Hæc lectio

me scire fortasse mavis. hæc sunt. Adhuc sumtus nec in me aut publice, aut privatim, nec in quemquam comitum. nihil accipitur lege Julia, nihil ab hospite. persuasum est omnibus meis, serviendum esse famæ meæ. belle adhuc. Hoc animadversum, Græcorum laude et multo sermone celebratur. Quod superest, elaboratur in hoc a me, sicut tibi sensi placere. sed hæc tum laudemus, cum erunt perorata. Reliqua sunt ejusmodi, ut meum consilium sæpe reprehendam, quod non aliqua ratione ex hoc negotio emergerim. o rem minime aptam meis moribus! o illum verum, *ἔρδοι τις!* Dices, quid adhuc? nondum in negotio versaris. nescio; et puto molestiora restare: etsi hæc ipsa fero equidem ⁶¹ fronte, ut puto, et vultu, bellissime; sed angor intimis sensibus: ita multa vel iracunde, vel insolenter, vel in ^{p. 73.} omni genere stultitiæ insulse, arroganter ⁶² et dicuntur et ⁶³ tacentur quotidie. quæ, non quo te colem, non perscribo, sed quia *δυσεξίμητα* sunt. itaque admirabere meam *βαδύτητα*, cum salvi redierimus: tanta mihi *μελέτη* hujus virtutis datur. ergo hæc quoque hactenus. ⁶⁴ Etsi mihi nihil erat propositum ad scribendum; quia, quid ageres, ubi terrarum esses, ne suspicabar quidem: nec hercule umquam tam diu ⁶⁵ ignarus rerum mearum fui; quid de Cæsaris, quid de Milonis nominibus actum sit: ac non modo nemo, sed ne rumor quidem quisquam, ut sciremus, in republica quid ageretur. quare si quid erit, quod scias de iis rebus, quas putabis scire me velle, per mihi gratum erit, si id curaris ad me perferendum. Quid est præterea? nihil sane, nisi illud: valde me Athenæ delectarunt: urbs duntaxat, et ⁶⁵ urbis ornamentum, et hominum amores in te, et in nos quædam benivolentia; sed multum est philosophia. *ἄνω κάτω* si quid est, est in Aristo, apud quem eram. nam Xenonem tuum, vel nostrum potius, Quinto concesseram: et tamen

a Jensonio est. Ed. Rom., ut codd. quidam, de ipso. Scripsi cum Grævio de me, deleto ipso, oppositur de me: itaque ipso hic locum non habet.

61 Fronte, ut puto, et volo.] Et volo est a Bosio, qui in libris scr. reperit. restitui veterem et veram edd. lectionem et vultu. frons et vultus sic sæpe junguntur ap. Ciceronem, ut: simulatio facillime sustinetur fronte atque vultu, ad Div. 1, 9.

62 Et dicuntur et tacentur.] A meis. dicitur autem proverbii modo. alias aptius

foret, dicuntur et aguntur. sed nihil mutandum.

63 Etsi mihi n. e. p. ad scribendum.] Est h. l. oratio *ἀνακρίλουτος*.

64 Ignarus rerum mearum.] Intelligit ea, quæ post dicit nomina Milonis et Cæsaris, quæ an et quomodo explicata essent, scire cupiebat. de istis nominibus supra est.

65 Urbis ornamentum.] Quodnam? imo ornamenta.

propter vicinitatem totos dies simul eramus invicem. Cum primum poteris, tua consilia ad me scribas; ut sciam, quid agas, ⁶⁶ubi quoque, et maxime quando Romæ futurus sis.

11

CICERO ATTICO S.

HUI! totiesne me litteras dedisse Romam, cum ad te nullas darem? at vero posthac frustra potius dabo, quam si recte dari potuerint, committam, ut non dem. Ne provincia nobis prorogetur, per fortunas! dum ades, quidquid
 b. provideri potest, provide. Non dici potest, quam flagrem desiderio urbis, quam vix harum rerum insulsiatam feram.
⁶⁷ Marcellus fœde de Comensi. ⁶⁸ etsi ille magistratum non gesserat; erat tamen Transpadanus. ita mihi videtur non minus stomachi nostro ac Cæsari fecisse. sed hoc ipse viderit. Pompeius mihi quoque videbatur, quod scribis Varonem dicere, ⁶⁹ in Hispaniam certe iturus. id ego minime probabam; qui quidem Theophani facile persuasi, nihil esse melius, quam nusquam illum discedere. ergo Græcus incumbet. valet autem auctoritas ejus apud illum plurimum. Ego has pridie Nonas Quint. proficiscens Athenis dedi; cum ibi decem ipsos fuisset dies. Venerat Pomtinus: una Cn. Volusius: aderat quæstor: tuus unus Tullius aberat. ἀφρακτα Rhodiorum, et dicrota Mytilenæorum habebam: ⁷⁰ et aliquid ἐπικὸν δέ. De Parthis erat silentium. quod superest, dii juvent. Nos adhuc iter per Græciam summa cum admiratione fecimus. nec mehercule habeo, quod adhuc quem accusem meorum. videntur mihi nosse nos, nostram causam, et conditionem profectionis suæ. plane serviunt existimationi meæ. Quod superest, si verum illud est: οἷα γ' ἡ δέσποινα, certe permanebunt. nihil

⁶⁶ *Ubi quoque.*] Quid hic est quoque? excidisse pulo tempore. nam certe intelligi deberet: quod insolitam est ac durum.

⁶⁷ *Marcellus fœde de Comensi.*] Quem ille male tractavit, forte virgis cecidit. Ceterum hæc lectio est a Bosio e vestigiis librorum veterum ser. et edd. qui hic mire corrupti sunt.

⁶⁸ *Etsi ille magistratum non gesserat.*] Fdidi gesserat pro vulgato gesserit, postulante latinitate; sed et e libris ita commemoratur. Sensus est: non poterat ille pro cive agnosci, quia nondum magistratus in civitate sua fuerat, per quem Latini accipiebant civitatem Romanam: tamen

erat Latinus, quia Transpadanus erat, nec sic debebat tractari. — Mox nostro est Pompeio.

⁶⁹ *In Hispaniam certe.*] Si non in aliam provinciam, tamen in Hispaniam.

⁷⁰ *Et aliquid ἐπικὸν δέ.*] Sic libri antiqui, oisi quod est ἐπικὸν σου, uno tenore. sensum facit Tunstallus, p. 133, huic: oportet aliquid gerere me illustre, dignum carmine epico. quæ sententia per se bona est, sed huic loco non nimis apto videtur. Sed tamen melior iis, quæ e correctioibus Victorii ἐπικαππων, et Bosii ἐπὶ ἄλλων δέ, sunt; neutra placet.

enim a me fieri ita videbunt, ut sibi sit delinquendi locus. sin id parum pro fuerit, fiet aliquid a nobis severius. nam adhuc lenitate dulces sumus; et, ut spero, proficimus aliquantum. sed ego hanc, ⁷¹ ut singuli dicunt, ἀνέξϊαν in unum annum meditatus sum. proinde pugna, ne, si quid prorogatum sit, turpis inveniar. Nunc redeo ad quæ mihi mandas: ⁷² ni præfectis excusationi sis, quos voles deserto. non ero tam μετέωρος, ⁷³ quam in Apuleio fui. Xenonem tam diligo, quam tu: quod ipsum sentire certo scio. Apud Patronem ⁷⁴ et p. 74. reliquos barones te in maxima gratia posui: et hercule a. merito tuo feci. nam mihi is, ter, dixit, te scripsisse ad se, mihi ex illius litteris rem illam euræ fuisse, quod ei pergratum erat. sed cum Patron mecum egisset, ut peterem a vestro Ariopago, ὑπομνηματισμὸν tollerent, quem Polycharmo prætore fecerant; commodius visum est et Xenoni, et post ipsi Patroni, me ad Memmium scribere, qui pridie, quam ego Athenas veni, Mitylenas profectus erat, ut is ad suos scriberet, posse id sua voluntate fieri. non enim dubitabat Xeno, quin ab Ariopagitis invito Memmio impetrari non posset. Memmius autem ædificandi consilium abjecerat: sed erat Patroni iratus. itaque scripsi ad eum accurate: ⁷⁵ ejus epistolæ misi ad te exemplum. Tu, velim, Piliam meis verbis consolere: indicabo enim tibi: tu illi nihil dixeris. Acepi fasciculum, in quo erat epistola Pilæ: abstuli, aperui, legi: ⁷⁶ valde scripta est συμπαθῶς. Brundisio quæ tibi epistolæ redditæ sunt sine mea, ⁷⁷ tum videlicet datas, cum ego me non belle haberem. nam illam

71 *Ut singuli dicunt.*] Nempe meorum comitum. sive, ut omnes in tali causa et re dicere solent.

72 *Ni præfectis - - deserto.*] Hæc est lectio Bosii, sed e Ms. sensum facit: si non postulas, ut præfecti, quos tu vis a me fieri, vacent muneribus militariibus, et tantum nomen habeant, quos voles faciam. qui sensus bonus est: nam præfecti illi tales abutebantur hoc nomine ad injurias faciendas, præsertim in pecuniis exigendis, ut negotiatores, de quo videbimus infra. Sed latinitas durior est, ni excusationi sis, malim: in præfectis excusatio ni sit, vel ni excusatio sit. antiqua edd. lectio est, in præfectis excusatio iis, quos voles, deserto, quam Grævius, etsi vitiosam, servavit.

73 *Quam in Apuleio fui.*] Quem sc. mihi commendasti, ut præfecturam ei da-

rem. Apuleius negotiator videtur esse, qui et prædicator, cujus mentio XII, 13. 17.

74 *Et reliquos barones.*] Sic Epicureos dicit. est autem hæc lectio edd. pr. pro quo libri quidam varones, quod Bosius et alii, etiam Tunstallus, præferunt: sed est modo diversa scriptura. v. baro in Clav.

75 *Cujus epistolæ.*] Est ea, quæ prima est L. XIII, ad Div.

76 *Valde scripta est συμπαθῶς.*] Forte rectius erat: nam miserat eum fasciculo clauso ad Piliam.

77 *Tum videlicet datas.*] Sio edd. pr. aliæ data, quod servavit Grævius. Putem fuisse: tum v. data sunt, excusat scilicet se, quod sine sua illæ venerint ad Atticum, quia non belle se habuerit, nam intelligi sunt, durius est h. l.

⁷⁸ ῥομανανδρίαν excusationem ne acceperis. Cura, ut omnia sciam, sed maximè, ut valeas.

12

CICERO ATTICO S.

NEGOTIUM magnum est navigare, atque id mense Quintili. sexto die Delum Athenis venimus. pridie Nonas Quintil. a Piræeo ad Zostera, vento molesto, qui nos ibidem Nonis tenuit. A. d. VIII Idus ad Ceo jucunde. inde Gyarum sævo vento, non adverso: hinc Scyrum, inde Delum, utroque citius, quam vellemus, ⁷⁹ cursum confecimus.

- b. Jam nosti ἀφρακτα Rhodiorum. nihil, quod minus fluctum ferre possit. itaque erat in animo nihil festinare, ⁸⁰ Delo nec movere, nisi ⁸¹ omnia ἀκρωτηρίων οὖρα vidissem. ⁸² De Messala ad te statim, ut audivi, de Gyaro dedi litteras: et id ipsum consilium nostrum etiam ad Hortensium: cui quidem valde συνηγωνίων. sed tuas de ejus judicii sermonibus, et mchercule omni de reipublicæ statu litteras exspecto, πολιτικώτερον quidem scriptas, (quoniam ⁸³ meos cum Thallumeto nostro pervolutas libros,) ejusmodi inquam litteras, ex quibus ego, non quid fiat, (nam id vel Helenius, ⁸⁴ vir gravissimus, potest efficere, cliens tuus,) sed quid futurum sit. etiam cum hæc leges, habebimus consules. omnia per-spicere poteris, de Cæsare, de Pompeio, de ipsis judiciis. Nostra autem negotia, quoniam Romæ commoraris, amabo te, explica. Cui rei fugerat me rescribere, de struc laterum, plane rogo. ⁸⁵ De aqua, si quid poterit fieri, eo sis animo, quo soles esse: quam ego cum mea sponte, tum tuis sermonibus æstimo plurimi. ⁸⁶ ergo aliquid conficies. Præterea, si quid Philippus rogavit, quod in sua re faceres, id velim facias. Plura scribam ad te, cum constitero: nunc eram plane in medio mari.

⁷⁸ ῥομανανδρίαν.] V. Ind. Græc. Ed. Rom. addit me.

⁷⁹ Cursum confecimus.] Hoc mihi videtur esse glossatoris.

⁸⁰ Delo nec me movere.] Me aberat Mss. Balliol. Helnst. placebatque Grævio. recte.

⁸¹ Omnia ἀκρ.] Sic edd. pr. recte. omnia οὖρα. Bosius fecit omnia, quod et Gruterus secutus est. non bene. illa οὖρα non sunt signa bona, sed res ipsa, ventus secundus.

⁸² De Messala.] Reo ambitus, VIII, 2.

4. ejus avunculus erat Hortensius, itaque ad hunc retulit consilium suum.

⁸³ Meos - libros.] Int. politicos. quæ lectio Attici indicabat, cum rei politicæ studiosum esse.

⁸⁴ Vir gravissimus.] Edd. pr. vir gravissimus. correxit e Mss. Malaspina. recte. dixit homo grat. non vir.

⁸⁵ De aqua.] Int. Crabra. de qua ad Div. XVI.

⁸⁶ Ergo quid conficies.] Victorinus edidit aliquid, quod secutus est Græv. bene.

CICERO ATTICO S.

13

EPHESUM venimus a. d. XI Kal. Sext. ⁸⁷sexagesimo et quingentesimo post pugnam Bovillam. navigavimus sine timore et sine nausea; sed tardius, propter aphractorum Rhodiorum imbecillitatem. De concursu legationum, privatorum, et de incredibili multitudine, quæ mihi jam Sami, sed mirabilem in modum Ephesi præsto fuit, aut audisse te puto, aut quid ad me attinet? ⁸⁸Verumtamen. ⁸⁹Decu-
 mani, ac si venissem cum imperio, Græci quasi Ephesio prætori se alacres obtulerunt. ex quo te intelligere certo scio, multorum annorum ⁹⁰ostentationes meas nunc in discrimen esse adductas. sed, ut spero, utemur ea palæstra, quam a te didicimus; omnibusque satisfacimus; et eo facilius, quod in nostra provincia confectæ sunt pactiones. ⁹¹Sed hactenus, præsertim cum cenanti mihi nuntiaret Cæs-
 tius, se de nocte proficisci. Tua negotia Ephesi curæ mihi fuerunt: Thermoque, tametsi ante adventum meum libera-
 lissime erat pollicitus tuis omnibus, tamen Philogenem et Scium tradidi; Apollonidiensem Xenonem commendavi. omnino omnia se facturum recepit. Ego præterea ratio-
 nem Philogeni permutationis ejus, quam tecum feci, edidi. ergo hæc quoque hactenus. Redeo ad urbana. Per for-
 tunas! quoniam Romæ maues, primum illud præfulci at-
 que præmuni, quæso, ut simus annui; ne interealetur qui-
 dem. deinde exhauri mea mandata; maximeque, ⁹²si quid potest, de illo domestico, scrupulum, quem non ignoras; deinde de Cæsare: cujus in cupiditatem te auctore incubui; nec me piget. et, si intelligis, quam meum sit scire et cu-
 rare, quid in republica fiat: fiat autem? immo vero etiam quid futurum sit, perscribe ad me omnia; sed diligentissi-
 me: in primisque, ecquid judiciorum status, aut factorum

87 Sexagesimo et quingentesimo post p. B.] Edd. pr. sexagesimo et quinto: vitiose sine dubio. illud edidit e Ms. Bosius. Pontedera in epist. antiquitatum Lat. et Gr. p. 321. supputatione sua conficit DLV dies. quæ supputatio si vera est, Cicero numerum plenum posuisse videri potest. pugna Bovilla est cædes Clodii.

88 Verumtamen.] Int. dicam, abrupte, ut alibi dictum in correctione.

89 Decumani, si venissem cum imp.] Edd. pr. Decumanis venissem. alii edidere ac si v. quod pro certo recepit Grævius. respondet sane bene alteri membro quasi

Eph. prætori. intelligendum autem est, in Asiam, ut ibi pro imperio agere possem: quod non erat.

90 Ostentationes meas.] De studio erga publicanos. — tua palastra i. e. tuis consiliis.

91 Sed hactenus.] Int. ista. Sed malim addi hæc, ut est nox. et int. scripsi.

92 Si quid potest, de illo domestico.] Ursinus malebat potes. Ed. Rom. habet quoad potest. de illo domestico, sc. de filia collocanda. debebat esse de i. d. scrupulo, quem: sed alterius collocationis græcissantis et alia exempla sunt.

aut futurorum etiam, laboret. De aqua, si curæ est, si quid Philippus aget, animadvertas.

14

CICERO ATTICO S.

ANTEQUAM aliquo loco consedero, neque longas a me, neque semper mea manu litteras expectabis. cum autem erit spatium, utrumque præstabo. nunc iter conficiebamus æstuosa et pulverulenta via. Dederam Epheso pridie: has dedi Trallibus. In provincia mea fore me putabam Kal. Sextilibus. ex ea die, si me amas, ⁹³παράπηγμα ἐναύσιον commoveto. tamen interea hæc, quæ vellem, mihi afferebantur: primum otium Parthicum, dein consecræ pactiones publicanorum, postremo seditio militum sedata ab Appio, stipendiumque eis usque ad Idus Quint. persolutum. Nos Asia accepit admirabiliter. adventus noster nemini ne minimo quidem fuit sumtui. spero meos omnes servire laudi meæ. tamen magno timore sum: sed bene speramus. omnes jam nostri, præter Tullium tuum, ⁹⁴venerunt. erat mihi in animo recta proficisci ad exercitum, æstivos menses reliquos rei militari dare, hibernos jurisdictioni. Tu, velim, si me nihilo minus nosti curiosum in republica, quam te, scribas ad me omnia, quæ sint, quæ futura sint. nihil mihi gratius facere potes: nisi tamen id erit mihi gratissimum, si, quæ tibi mandavi, confeceris; in primisque illud ἐνδύμυχον, quo ⁹⁵mihi scis nihil esse carius. Habes epistolam plenam festinationis et pulveris. reliquæ subtiliores erunt.

15

CICERO ATTICO S.

LAODICEAM veni pridie Kal. Sext. ex hoc die clavum anni movebis. nihil exoptatius adventu meo, nihil carius, sed est incredibile, quam me negotii tædeat. ⁹⁶non habet satis magnum campum ille tibi non ignotus cursus animi, et industriæ meæ præclara opera cessat. quippe, jus Laodiceæ me dicere, cum Romæ A. Plotius dicat? et cum

p. 76.
a.

⁹³ Παράπηγμα ἐναύσιον commoveto.] lim venerant.

Primus græca edidit Cratander. intellexere viri docti, sermonem esse de gnomone; in epist. seq. est clavum anni movere. Sed ei rei non aptum est παράπηγμα. Tunstallus, p. 128. rectissime correxit παράπνηγμα, quod nos recipere, propter evidentiam rei, non dubitavimus. v. Ind. Gr.

⁹⁴ Venerunt.] Propter sequentia ma-

⁹⁵ Mihi scis nihil esse carius.] Int. majoris curæ: est enim τὸ ἐνδύμυχον ille, quem ante, ep. 13. dixerat scrupulum domesticum. infra, ep. 17. vocat domesticam et maximam curam suam.

⁹⁶ Non habet - - cessat.] Sic cum Grævio edidi, qui habet in Mss. Balliol. et Helmstad. reperit, cessat in hoc. habet et in cd. Rom. est.

exercitum ⁹⁷ noster amicus habeat tantum, me nomen habere duarum legionum exilium? denique hæc non desidero; lucem, forum, urbem, domum, vos desidero. sed feram, ut potero: sit modo annuum. si prorogatur, actum est. verum persfacile resisti potest. tu modo Romæ sis. Quæris, quid hic agam? ita vivam, ⁹⁸ ut maximos sumtus facio. mirifice delector hoc instituto. admirabilis abstinentia ex præceptis tuis: ut verear, ne illud, ⁹⁹ quod tecum permutavi, versura mihi solvendum sit. Appii vulnera non refrico: sed apparent, nec oculi possunt. iter Laodicea faciebam a. d. 111 Non. Sext. cum has litteras dabam, in castra in Lycaoniam: inde ad Taurum cogitabam, ut cum Moeragene signis collatis, si possem, de servo tuo deciderem. clitellæ bovi sunt impositæ, plane non est nostrum onus: sed feremus: modo, si me amas, sit annuum. adsis tu ad tempus, ut senatum totum excites. mirifice sollicitus sum, quod jam diu ignota sunt mihi ista omnia. quare, ut ad te ante scripsi, cum cetera, tum respublica, cura, ut mihi nota sit. ¹⁰⁰ Plura scribebam tarde reddituro. sed dabam familiari homini ac domestico, C. Andronico Puteolano. tu autem sæpe dare tabellariis publicanorum poteris, per magistros scripturæ et portus ¹ nostrarum dioecesium.

CICERO ATTICO S.

16

ETSI in ipso itinere et via discedebant publicanorum tabellarii, et eramus in cursu: tamen surripiendum aliquid putavi spatii, ne me immemorem mandati tui putares. itaque subsedi in ipsa via, dum hæc, quæ longiorem desiderant orationem, summatim tibi perscriberem. Maxima expectatione in perditam et plane eversam in perpetuum provinciam nos venisse scito pridie Kal. Sextiles. moratus triduum Laodiceæ, triduum Apameæ, totidem dies Synnade, audivimus nihil aliud, nisi ² imperata ἐπικεφάλαια sol-

⁹⁷ Noster amicus.] Bibulum alii, alii alium intelligunt. ironice dictum esse patet. igitur de Pompeio et Cæsare non cogitandum.

⁹⁸ Ut maximus sumtus facio.] Nempe, de meo, patet e sqq.

⁹⁹ Quod tecum permutavi.] Quam pecuniam tu mihi mutuam dedisti per procuratores tuos in provincia, eam e fructibus provincie reddere iis non possum. nempe litteris suis Cicero pecunias as-

signaverat; quod in permutatione intelligitur.

¹⁰⁰ Plura scribebam tarde reddituro.] Scribebam pro scribam dedi, quod in aliquot Mss. repertum est. id requirit sequens dabam.

¹ Nostrarum dioecesium.] Asiaticarum illarum trium, quæ Cilicie provincie Ciceronis, adjectæ erant, ut in ep. ad Div. tradit XIII. 53. 67.

² Imp. ἐπεκεφ. solvere non posse.] Ver-

vere non posse: *ὥρας* omnium venditas: civitatum gemitus, ploratus: monstra quædam non hominis, sed feræ nescio ejus immanis. Quid quæris? ³ tædet omnium nos vitæ. levantur tamen miseræ civitates, quod nullus sit sumtus in nos, neque in legatos, neque in quæstorem, neque in quemquam. scito, non modo nos fœnum, aut quod lēge Julia dari solet, non accipere, sed ne ligna quidem; nec, præter quatuor lectos et tectum, quemquam accipere quidquam: multis locis ne tectum quidem, et in tabernaculo manere plerumque. itaque incredibilem in modum concursus fiunt ex agris, ex vicis, ⁴ ex domibus omnibus. uchercule etiam, adventu nostro, reviviscunt; justitia, abstinentia, clementia tui Ciceronis. itaque opiniones omnium superavit. Appius, ut audivit nos venire, in ultimam provinciam se coniecit Tarsum usque: ibi forum agit. De Partho silentium est: sed tamen concisos equites nostros a barbaris nuntiabant ii, qui veniebant. Bibulus ne cogitabat quidem etiam nunc in provinciam suam accedere. id autem facere ob eam causam dicebant, quod tardius vellet decedere. Nos in castra properabamus, quæ aberant bidui.

17

CICERO ATTICO S.

p. 77. ^a ACCEPI Roma sine epistola tua fasciculum litterarum: in quo, si modo valuisti, et Romæ fuisti, Philotimi duco esse culpam, non tuam. hanc epistolam dictavi sedens in rheda, cum in castra proficiscerer, a quibus aberam bidui. ⁵ paucis diebus habebam certos homines, quibus darem litteras. itaque eo me servavi. Nos, tametsi hoc te ex aliis audire malo, sic in provincia nos gerimus, quod ad abstinentiam attinet, ut ⁶ nullus teruncius insumatur in quemquam. id fit etiam et legatorum, et tribunorum, et præfectorum diligentia. nam omnes mirifice *συμφιλοδοξοῦσιν*

ba solvere non posse mihi suspecta sunt et insititia videntur. omnino tributa in capita odiosa fuere, ut Cicero alibi dicit in epp. ad Div. et sequentia genera omnia simpliciter dicuntur.—*ὧραι* sunt possessiones, quod ipsum verbum est in ed. Jens. et aliis inde ductis. Ed. Rom. habet latinis litteris onas.

³ Tædet omnium nos vitæ.] Hoc nihili est. Conjecturæ variae sunt, probo eam, quæ t. omnino eos vitæ corrigendum putat. Infra dicuntur reviviscere.

⁴ Ex domibus.] In hoc sæpe hæsi: conieci et oppidis.

⁵ Paucis diebus habebam.] Pro habiturus eram, nisi inde per contractionem factum habebam: ut perfecta infinitivi passivi confluxere interdum in libris in activa, v. c. *habitu* esse in *habuisse*.—itaque eo me servavi, i. e. eo distuli scribere ipse, quæ per librarium scribi nolui.

⁶ Nullus t. insumatur in quemq.] Sc. a provincialibus in quemquam meorum.

gloriæ meæ. Lepta noster mirificus est. Sed nunc pro-
 pero. perscribam ad te paucis diebus omnia. Cicerones
 nostros Deiotarus filius, qui rex ab senatu appellatus
 est, secum in regnum. dum in æstivis nos essemus, il-
 lum pueris locum esse bellissimum duximus. Sextius ad
 me scripsit, quæ tecum esset de mea domestica et maxima
 cura locutus, et quid tibi esset visum. amabo te, incumbe
 in eam rem, et ad me scribe, ⁷quid et possit, et tu cen-
 seas. Idem scripsit, Hortensium de proroganda nostra
 provincia dixisse nescio quid. mihi in Cumano, diligentis-
 sime, se, ut, annui essemus, defensurum, receperat. si quic-
 quam me amas, hunc locum muni. dici non potest, quam
 invitum a vobis absim. et simul hanc gloriam justitiæ et ab-
 stinentiæ fore illustriorem spero, si cito decesserimus: id
 quod Scævolæ contigit, qui solos novem menses Asiæ præ-
 fuit. Appius noster, cum me adventare videret, profectus
 est Tarsum usque Laodicea. ibi forum agit, cum ego sim in ^{b.}
 provincia; quam ejus injuriam non insector. satis enim
 habeo negotii in sanandis vulneribus, quæ sunt imposita
 provinciæ. quod, do operam, ut faciam quam minima illius
 contumelia. sed hoc ⁸Bruto nostro velim dicas, illum fe-
 cisse non belle, qui adventu meo, quam longissime potu-
 erit, discesserit.

CICERO ATTICO S.

18

QUAM vellem Romæ esses, si forte non es: ⁹nihil
 enim certi habebamus, nisi accepisse nos tuas litteras a. d.
 XIII Kal. Sext. datas: in quibus scriptum esset, te in
 Epirum iturum circiter Kal. Sextiles. sed, sive Romæ es,
 sive in Epiro, Parthi Euphraten transierunt duce Pacoro,
¹⁰Orodi, regis Parthorum, filio, cunctis fere copiis. Bibu-
 lus nondum audiebatur esse in Syria. Cassius in oppido
 Antiochiæ cum omni exercitu. nos in Cappadocia ad Tau-
 rum cum exercitu ad Cybistra. hostis in Cyrrhestica; quæ

⁷ Quid et possit et tu censeas.] Possit
 intelligunt fieri. Sed id est in censeas.
 quia in hoc additur tu, videtur et in pri-
 mo membro pronomen fuisse. forte scrip-
 sit Cicero: quid ille possit et tu censeas.
 ita primum referetur ad illud: quæ esset
 de mea -- cura tecum locutus, alterum ad
 hoc: quid tibi esset visum.

⁸ Bruto nostro.] Marco, qui fuit Ap-
 pii gener.

⁹ Nihil certi habebamus, nisi accepisse
 nos tuas litteras, &c.] Non hæc bene co-
 hærent. nam illud nihil certi habebamus est,
 nihil certi sciebamur, cognoramus nuntiis
 aut litteris, de ea re, Romæ sit, nec ne.
 Sed ei non convenit. nisi accepisse nos t. l.
 itaque mihi verba accepisse nos suspecta
 sunt, quibus deletis omnia plana forent.

¹⁰ Orodi.] V. ad ep. 21.

Syria pars proxima est provinciae meae. his de rebus scripsi ad senatum: quas litteras, si Romae es, videbis, putesne reddendas, et multa, immo omnia: quorum κεφάλαιον, ne quid inter cæsa et porrecta, ut ajunt, oneris mihi addatur aut temporis. nobis enim, hac infirmitate exercitus, inopia sociorum, praesertim fidelium, certissimum subsidium est hiems. ea si venerit, nec illi ante in meam provinciam transierint, unum vereor, ne senatus, propter urbanarum rerum metum, Pompeium ¹¹nolit dimittere. quodsi alium ^{a.} ad ver mittit, non laboro: nobis modo temporis ne quid prorogetur. Hæc igitur, si Romae es: sin abes, aut etiam si ades; hæc negotia sic se habent. Stamus animis, et, quia consiliis, ut videmur, bonis utimur, ¹²speramus etiam manu, ¹³tuto consedimus, copioso a frumento, Ciliciam prope conspiciente, expedito ad mutandum, loco; parvo exercitu; sed, ut spero, ad benivolentiam erga nos consentiente: quem nos, Deiotari adventu cum suis omnibus copiis, duplicaturi eramus. Sociis multo fidelioribus utimur, ¹⁴quam quisquam usus esset: quibus incredibilis videtur et nostra mansuetudo et abstinencia. delectus habetur civium Romanorum: frumentum ex agris in loca tuta comportatur. si fuerit occasio, manu; sin minus, locis nos defendemus. quare bono animo es. video enim te, et, quasi coram adsis, ita cerno συμπάθειαν amoris tui. sed te rogo, (si ullo pacto fieri poterit,) si integra in senatu nostra causa ad Kal. Jan. manserit, ut Romae sis mense Januario. profecto nihil accipiam injuriæ, si tu aderis. amicos consules habemus, nostrum tribunum plebis Furnium. verum tua est opus assiduitate, prudentia, gratia. tempus est necessarium. sed turpe est, me pluribus verbis agere tecum. Cicerones nostri sunt apud Deiotarum; sed, si opus erit, deducuntur Rhodum. Tu, si es Romae; ut soles, diligentissime: si in Epiro; mitte tamen ad nos de tuis aliquem ta-

11 Nolit dimittere.] Ad bellum contra Parthos gerendam, aut in provinciam aliam, v. infra, ep. 21.

12 Speramus etiam manu.] Manu operitur animis. Stamus animis, et manu. sed hic nexus velut divellitur forma illa, et speramus etiam manu: firmetur, si addatur ut: ut speramus. sed et sic aliquid duri est.

13 Tutto consedimus, &c.] Ed. Rom. addit: in Amano, cujus lectionis apud

Manutium mentio: illi, Ciliciam prope conspiciente, satis convenit, item ei, quod infra est, locis nos defendemus. Sed videtur natum ex etiam manu. nam tum in Amano fuisse non videtur.

14 Quam quisquam usus esset.] Faerni liber habebat est, quod ipso et Ursinus praeferebat: idque et mihi olim, primum legenti, in mentem venit: sed esset verum est: quam quisquam alius, nostro loco missus, usus esset.

bellarium; ut et tu, quid nos agamus, et nos, quid tu agas, quidque acturus sis, scire possimus. Ego ¹⁵ tui Bruti rem sic ago, ut suam ipse non ageret. ¹⁶ sed jam exhibeo pupillum, neque defendo. sunt enim negotia et lenta, et inania. faciam tamen satis. tibi quidem, cui difficilius est, quam ipsi. sed certe satisfaciam utrique.

CICERO ATTICO S.

19

OBSIGNARAM jam epistolam eam, quam puto te modo perlegisse, scriptam mea manu, in qua omnia continentur, cum subito Appii tabellarius a. d. xi Kal. Octob. septimo quadragesimo die Roma celeriter (hui tam longe!) mihi tuas litteras reddidit. ex quibus non dubito, quin tu Pompeium exspectaris, dum Arimino rediret, et jam in Epirum profectus sis: magisque vereor, ut scribis, ne in Epiro sollicitus sis non minus, quam nos hic sumus. ¹⁷ De Attelliano nomine scripsi ad Philotimum, ¹⁸ ne appellaret Messalam. Itineris nostri famam ad te pervenisse lætor, magisque lætabor, si reliqua cognoris. Filiolam tuam tibi jam Romæ jucundam esse gaudeo; eamque, quam nunquam vidi, tamen et amo, et amabilem esse certo scio. ¹⁹ etiam atque etiam valet, Patron, et tui condiscipuli. Quæ de Tarentinis in militia laboravi, ea tibi grata esse gaudeo. Quod scribis libente te ²⁰ repulsam tulisse cum, qui cum sororis tuæ filii patruo certaret; magni amoris signum. itaque me etiam admonuisti, ut gauderem. nam mihi in mentem non venerat. non credo, inquis. ut libet: sed plane gaudeo: quoniam τὸ νερμεσῶν interest τοῦ φθονεῖν.

15 Tui Bruti rem.] Pecuniariam. ei debebat Ariobarzanes. cf. VI, 1.

16 Sed jam exhibeo pupillum.] Int. Ariobarzanes, cujus tutelam susceperat, ut est l. c. alludit ad factum illud suum, cum in judicio Ser. Gallum exhibuerat iudicibus ad misericordiam movendam in judicio patris. Sed quid est neque defendo? nam illud exhibeo pertinet ad defendendum. an legendum atque? nihil melius video. nam et causa defensionis subjicitur.

17 De Attelliano nomine.] Corrigit viri docti Atikiano.

18 Ne appellaret Messalam.] Qui videtur sponsor pro Atilio fuisse.

19 Etiam atque etiam valet Patron, &c.] Variant huc libri valde. Hæc lectio

ost a Bosio: quæ nec ipsa mihi probatur. nam Patron non erat apud Atticum. Tuustallus, p. 174. sic constituit: e. a. e. vale. De Patrone et tuis condiscipulis (hos ablativos habent edd. pr.) quæ de parietinis in militia laboravi, &c. ut hæc de Patrone, &c. epistola finita jam addiderit, cujus generis et alia exempla sunt in his epistolis. parietina etiam Manatio placere. nempe ex ad Div. XIII, 1. militiam intelligit peregrinationem suam ex VI, 2. in peregrinatione militave nostra. Non displicet.

20 Repulsam tulisse cum, &c.] In petitione auguratus. intelligit Hirrum et deinde sororis tuæ filii patruum semel ipsam. res est in epp. Cælii. pro certaret forte melius sit certavit.

SATURNALIBUS mane se mihi Pindenissæ dediderunt, septimo et quadragésimo die, postquam oppugnare eos cœpimus. qui (malum) isti Pindenissæ? qui sunt? in-
 /p. 79. quics: nomen audiui numquam. ²² quid ego faciam? potui.
 a. Ciliciam, Ætoliā, aut Macedoniā reddere? hoc jam sic habeto, nec hoc exercitu hic tanta negotia geri potuisse. quæ cognosce *ἐν ἐπιτομῇ*. sic enim concedis mihi proximis litteris. Ephesum ut venerim, nosti; qui etiam mihi gratulatus es illius dici celebritatem, qua nihil me umquam delectavit magis. inde oppidis, iis, ²³ qua ieram, mirabiliter accepti, Laodiceam pridie Kal. Sext. venimus. ²⁴ ibi morati biduum, perillustres fuimus, ²⁵ honorificisque verbis omnis injurias revellimus superiores. quod idem dein Apameæ quinque dies morati, et Synnadis triduum, Philomeli quinque dies, Iconii decem, fecimus. nihil ea jurisdictione æquabilius, nihil lenius, nihil gravius. inde in castra veni a. d. VII Kal. Septemb. a. d. III exercitum lustravi apud Iconium. ex his castris, cum graves de Parthis ²⁶ nuntii venissent, perrexi in Ciliciam per Cappadociæ partem cam, quæ Ciliciam attingit, eo consilio, ut Armenius Artavasdes, et ipsi Parthi Cappadocia se excludi putarent. cum dies quinque ²⁷ ad Cybistra [Cappadociæ] castra habuissem, certior sum factus, Parthos ab illo aditu Cappadociæ longe abesse; Ciliciæ magis imminere. itaque confestim iter in Ciliciam feci per Tauri pylas. Tarsum veni a. d. III Non. Octob. inde ad Amanum contendi, qui Syriam ²⁸ a Cilicia ima aquarum divortio dividit; qui mons erat ²⁹ hostium plenus sempiternorum. hic a. d. III Idus Octob. magnum numerum hostium occidimus. castella munitissima, nocturno Pomtini adventu, nostro matutino, cepimus, incendimus. imperatores appellati sumus. castra paucos

²² Quid ego faciam? potui, &c.] Ms. Balliol. quid ergo f. quod recte placet Grævio. Ego locum sic constituerim: Quid ergo? non potui, &c. Ms. Helmst. habet non. edd. pr. numq. quod et ipsum non displicet.

²³ Qua ieram.] Malim ieramus. nam meri hic sunt plurales: et illud est e' correctione: edd. pr. quæ erant.

²⁴ Ibi morati biduum.] Ep. 16. est triduum

²⁵ Honorificisque verbis.] An in Appium?

²⁶ Nuntii venient.] Immo venissent.

²⁷ Ad Cybistra Cappadociæ.] Cappadociæ delendum puto.

²⁸ A Cilicia ima.] Ima abest ed. Jons. et aliis libris edd. et scr. In ed. Rom. est in. ima est a Bosio, qui in Ms. suo reperit. Grævius corrigit ultima: sed id redundat, ut opinor. puto delendum.

²⁹ Hostium sempiternorum.] Parthorum, quos et alibi sic appellat.

dies habuimus, ea ipsa, quæ contra Darium habuerat apud Issum Alexander, imperator haud paullo melior, quam aut tu, aut ego. ibi dies quinque morati, direpto et vastato ^{b.} Amano, inde discessimus. scis enim dici quædam *πανικά*, dici item *τὰ κενὰ τοῦ πολέμου*. rumore adventus nostri, et Cassio, qui Antiochia tenebatur, animus accessit, et Parthis timor injectus est. itaque eos, cedentes ab oppido, Cassius insecutus, rem bene gessit. qua in fuga, magna auctoritate Osaces, dux Parthorum, vulnus accepit, coque interiiit paucis post diebus. erat in Syria nostrum nomen in gratia. Venit interim Bibulus. credo voluit ³⁰ appellatione hae inani nobis esse par. in eodem Amano cepit laureolam in mustaceo quærere. at ille cohortem primam totam perdidit, centurionemque primipili, nobilem sui generis, Asinium Dentonem, et reliquos cohortis ejusdem, et Sex. Lucilium, T. Gavii Cæpionis, locupletis et splendidi hominis, filium, tribunum militum. sane plagam odiosam acceperat cum re, tum tempore. Nos Pindenissum, quod oppidum munitissimum Eleutheroecilium omnium memoria in armis fuit, (feri homines et acres, et omnibus rebus ad defendendum parati,) cinximus vallo et fossa: aggere maximo, vineis, turre altissima, magna tormentorum copia, multis sagittariis, magno labore, apparatu, multis sauciis nostris, incolumi exereitu, negotium confecimus. Hilara sane Saturnalia. militibus quoque, equis exceptis, reliquam prædam concessimus. mancipia vænibant ³¹ Saturnalibus tertiis. ³² Cum hic scribebam, in tribunali res erat ad H-S CXX. hinc exereitum in hiberna agri male pacati deducendum Quinto fratri dabam. ipse me Laodiceam recipiebam. Hæc adhuc. sed ad præterita revertamur. Quod me maxime hortaris, et, quod pluris est, quam omnia, in quo laboras, ut etiam ³³ Ligurino *μῶμῳ* satisfaciam: moriar, si quicquam fieri potest elegantius. nec jam ego hanc continentiam appello, quæ virtus voluptati resistere videtur. ego in vita mea nulla umquam voluptate tanta sum adfectus,

p. 80.
a.

30 Appellatione hac inani.] Imperatoris.

31 Saturnalibus tertiis.] Tertio Saturn. die. sic enim loquebantur, v. Gronov. ad Liv. XXX, 36.

32 C. h. scribebam in tribunali, res erat, &c.] An ergo hanc talem epistolam in tribunali sedens scripsit? Immo distinguendum post scribebam. In tribunali facta est

auctio: inde oi, cum ista scriberet, nuntiatum est de summa pecuniæ jam facta.

33 Ligurino μῶμῳ.] Unde Ligurinus dicatur Momus ille, nemo pro certo dixerit. Non displicet tamen Bosii ratio, qui a Græco *λεγωμῶ* ductum verbum putat; ut sit, qui ubique clamet. Ciceronem esse vanum hominem, et gloriosum.

quanta adficior hac integritate. nec me tam fama, quæ summa est, quam res ipsa, delectat. quid quæris? fuit tanti: me ipse non noram: nec satis sciebam, quid in hoc genere facere possem: recte *πεφυσίωμαι*. nihil est præclarius. ³⁴interim hæc *λαμπρά*. Ariobarzanes opera mea vivit, regnat. *ἐν παρόδῳ*, consilio, et auctoritate, et quod insidiatoribus ejus *ἀπρόσαιτον* me, non modo *ἄδωροδόκηρον* præbui, regem regnumque servavi. interea e Cappadocia ne pilum quidem. ³⁵[atque etiam spero toto anno imperii nostri teruncium sumtus in provincia nullum fore.] ³⁶Brutum abjectum, quantum potui, excitavi: quem non minus amo, quam tu; pæne dixi, quam te. Habes omnia. Nunc publice litteras Romam mittere parabam. uberiores erunt, quam si ex Amano misissem. at te Romæ non fore? ³⁷sed est totum, quod Kal. Mart. futurum est. vercor enim, ne, cum de provincia agetur, ³⁸si Cæsar resistat, nos retineamur. his tu si adesses, nihil timerem. Redeo ad urbana: quæ ego diu ignorans, ex tuis jucundissimis litteris a. d. v Kal. Jan. denique cognovi. eas diligentissime Philogenes, libertus tuus, curavit, perlonga et non satis tuta via, perferendas. nam quas Lenii pueris scribis datas, non acceperam. ³⁹Jucunde de Cæsare, et quæ senatus decrevit, et quæ tu speras: quibus ille si cedit, salvi sumus. Incendio Plætoriano ⁴⁰quod Scius ambustus est, minus moleste b. fero. Lucceius de Q. Cassio cur tam vehemens fuerit, et quid actum sit, ardeo scire. Ego, cum Laodiceam venero, Quinto, sororis tuæ filio, ⁴¹togam puram jubeor dare; ⁴²cui moderabor diligentius. Deiotarus, cujus auxiliis magnis

³⁴ *Interim hæc λαμπρά.*] Intellego, contemno, parvi duco.

³⁵ *Atque etiam - fore.*] Hæc in edd. ante Malaspinam sunt post *pæne dixi quam te*. Malaspinam secuti sunt omnes. Jac. Gronovius in veterem locum reposuit.

³⁶ *Brutum abjectum - excitavi.*] Cum desperaret pecuniam, quam sibi Ariobarzanes deberet, se recepturum, Cicero effecit apud regem, ut pecuniam reddere vellet, ut primum posset.

³⁷ *Sed est totum, quod, &c.*] Sed omnia mihi in hoc sunt, quod Kal. Martii decerneretur, de provinciis.

³⁸ *Si Cæsar resistet.*] Puto scribendum esse resistat.

³⁹ *Jucunde de Cæsare.*] Melius pnto jucunda.

⁴⁰ *Quod Leius adustus est.*] Sine dubio

legendum *ambustus*, quod est in hac re proprium et perpetuum verbum. nec dubitavi sic corrigere. est de judicio sermo. Sed *Leius* etiam vitiosum est. nomen hoc nuspiam occurrit. Scribendum *Seius*.

⁴¹ *Togam puram jubeor dare.*] Sc. a fratre, qui hoc ei mandaverat, ut est L. VI, 1. sed id tamen durius h. l. est, propter illud adjunctum, *cum Laodiceam venero*. *Jubeo* habet ed. Jensoni et seqq. ad Victorium usque, qui o Mss. dedit *jubeor*, quod etiam est in ed. Rom. est sane hoc quoque durum, *jubeo dare*: nam dabat ipse: unde infra, l. o., est *cogitabam dare*: sed dabat tamen per ministros ad tribunal. Deligat lector.

⁴² *C. moderabor diligentius.*] quam a patre factum est; et erat minus continens.

usus sum, ad me, ut scripsit, cum Ciceronibus Laodiceam venturus erat. Tuas etiam Epiroticas exspecto litteras; ut habeam rationem non modo negotii, verum etiam otii tui. Nicanor in officio est, et a me liberaliter tractatur: quem, ut puto, Romam cum litteris publicis mittam; ut et diligentius perferantur, et idem ad me certa de te et a te referat. Alexis quod mihi toties salutem adscribit, est gratum. sed cur non suis litteris idem facit, quod ⁴³meus ad te Alexis facit? Phemio quæritur *κέρως*. Sed hæc hactenus. Cura, ut valeas, et ut sciam, quando cogites Romam. etiam atque etiam vale. Tua, tuosque Thermo et præsens Ephesi diligentissime commendaram, et nunc per litteras: ipsumque intellexi esse perstudiosum tui. Tu velim, quod antea ad te scripsi, de domo Pammeni, des operam, ut, quod tuo meoque beneficio puer habet, cures, ne qua ratione convellatur. utrique nostrum honestum existimo; tum mihi erit pergratum.

CICERO ATTICO S.

21

TE in Epirum salvum venisse, et, ut scribis, ex sententia navigasse, vehementer gaudeo: non esse Romæ meo tempore pernecessario, submoleste fero: hoc me tamen consolor: non spero te istic jucunde hiemare, ⁴⁴et libenter requiescere. Cassius, frater Q. Cassii, familiaris tui, pudentiores illas litteras miscrat, (de quibus tu ex me requiris, quid sibi voluerint,) quam eas, quas postea misit, quibus per se scribit confectum esse Parthicum bellum. Recesserant illi quidem ab Antiochia ante Bibuli adventum, sed nullo nostro *ἐννεμήματι*. hodie vero hiemant in Cyrrhestica, maximumque bellum impendet. nam et ⁴⁵Orodis, regis Parthorum, filius in provincia nostra est: nec dubitat Deiotarus, (cujus filio pacta est Artavasdis filia, ex quo sciri potest,) quin cum omnibus copiis ipse prima æstate Euphraten transiturus sit. quo autem die Cassii litteræ victrices in senatu recitatæ sunt, id est, nonis Octobribus, eodem meæ tumultum nuntiantes. Axius noster

p. 81.
a.

⁴³ *Meus Alexis.*] Est Tiro, quem Cicero eodem modo amabat, quo Atticus Alexin suum. et est in hoc quoque fortasse non proprium nomen.

⁴⁴ *Et libenter requiescere.*] Hoc delet Ursinus auctore Ms. vetere: placet Junio,

etiam mihi.

⁴⁵ *Orodes.*] Sic edd. pr. sed id vitiosum. Correxì *Orodi*, ut supra, ep. 18. fecimus ex Div. XV, 1. constantiæ causa. alii habent *Orodis*, ut ep. 18. Grævius dedit *Oroda*.

ait, nostras auctoritatis plenas fuisse; illis negat creditum. Bibuli nondum erant allatae: quas certo scio plenas timoris fore. Ex iis rebus hoc vereor, ne, cum Pompeius propter metum rerum novarum nusquam dimittatur, Caesari nullus honos a senatu habeatur; dum hic nodus expediatur, non putet senatus, nos, ⁴⁶ antequam successum sit, oportere decedere; nec in tanto motu rerum tantis provinciis singulos legatos praesse. Hic, ne quid mihi prorogetur, ⁴⁷ quod ne intercessor quidem sustinere possit, horreo: atque eo magis, quod tu abes, qui consilio, gratia, studio multis rebus occurreres. ⁴⁸ Dices me ipsum mihi sollicitudinem struere. cogor: et velim ita sit. sed omnia metuo. etsi bellum ἀκροτελεύτιον habet illa tua epistola, quam dedisti nauseans Buthroto: *tibi, ut video et spero, nulla ad decedendum erit mora.* mallet, *ut video*: nihil opus fuit, *ut spero*.

- b. acceperam autem satis celeriter Iconii per publicanorum tabellarios a Lentuli triumpho datas. in his γλυκύπικρον illud confirmas, moram mihi nullam fore: deinde addis, si quid secus, te ⁴⁹ ad me [fore] venturum. ⁵⁰ angunt me dubitationes tuæ: simul et vides, quas acceperim litteras. nam quas Hermoni, centurionis Camulæ, ⁵¹ [ipse] scribis te dedisse, non accepi. Lenii pueris te dedisse, sæpe ad me scripseras. eas Laodiceæ denique, cum eo venissem, III Id. Febr. Lenius mihi reddidit, datas a. d. x Kal. Octobres. Lenio tuas commendationes et statim verbis et reliquo tempore re probabo. hæ litteræ cetera vetera habebant, unum hoc novum, de Cibyrtis pantheris. multum te amo, quod respondisti M. Octavio, te non putare. sed posthac omnia, quæ certa non crunt, pro certo negato. nos enim et

⁴⁶ *Antequam successum sit.* Ante, quam de provinciis decretum factum sit: quod tum fieri nondum potuerat, inprimis propter Cæsarem.

⁴⁷ *Quod ne int. q. sustinere possit.* I. e. intercedendo impedire sustineat, si maxime aliquem mihi intercessorem e tribunis parem. sc. quod de intercessione relatum iri putet.

⁴⁸ *Sed dices.* Sed puto delendum. nam nuspiam additur, et ortum sine dubio est ex ultimis litteris in *occurreres* et prima in *sed*. Non dubitavi delere.

⁴⁹ *Ad me fore venturum.* Sic edd. pr. alii dedere esse, e Faerni libro. valde defendunt illud fore, ut Grævius, et sunt

alia exempla. v. Clav. Sed tamen *angunt* Ciceronem nullum exemplum est, et est hic siue dubio a librariis e propinquo temere repetitum, sicut esse a glossatore additum. itaque saltem uncis inclusi.

⁵⁰ *Pungunt me dubitationes tuæ.* Pungunt Victorius dicit, se ex antiquo Ms. dare. Sed erat jam in ed. Jensoni, quam hic deseruere sequentes editores, edideruntque ex Rom. *angunt*, quod et ipse restitui. *Pungere* dicitur de acri sensu ex aliqua re: de quo hic non est sermo; sed de sollicitudine continua: in qua est angere.

⁵¹ *Ipsæ scribis t. d.* Cur ipse? nuspiam additur. nec in tali textu locum habet.

nostra sponte bene firmi, et mehercule auctoritate tua inflammati vicimus omnes (hoc tu ita reperies) cum abstinentia, tum justitia, facilitate, clementia. Cave putes quicquam homines magis umquam esse miratos, quam nullum teruncium, me obtinente provinciam, sumtus factum esse, nec in rempublicam, nec in quemquam meorum, præterquam in L. Tullium legatum. is, ceteroqui abstinens,⁵² sed Julia lege, transitans, semel tamen in diem, non, ut alii solebant, omnibus vicis,⁵³ [præter eum semel, nemo accepit] facit ut mihi excipiens sit, cum teruncium nego sumtus factum. præter eum accepit nemo. has⁵⁴ a nostro Q. Titinio sordes accepimus. Ego, æstivis confectis, Quintum fratrem hibernis et Ciliciæ præfeci: Q. Volusium,⁵⁵ tui Tiberii generum, certum hominem, sed mirifice etiam abstinentem, misi in Cyprum, ut ibi pauculos dies esset; ne cives Romani pauci, qui illic negotiantur, jus sibi dictum negarent: nam evocari ex insula Cyprios non licet: ipse in Asiam profectus sum Tarso nonis Januariis: non mehercule dici potest, qua admiratione Ciliciæ civitatum, maximeque Tarsensium. postea vero quam Taurum transgressus sum, mirifica exspectatio Asiæ nostrarum diocesium, quæ sex mensibus imperii mei⁵⁶ nullas meas acceperat litteras, numquam hospitem viderat. illud autem tempus quotannis ante me fuerat in hoc quæstu. civitates locupletes, ne in hiberna milites reciperent, magnas pecunias dabant: Cyprii talenta Attica cc. qua ex insula (non ὑπερβολικῶς, sed verissime loquor) numus nullus, me obtinente, erogabitur. Ob hæc beneficia, quibus illi obstupescunt, nullos honores mihi, nisi verborum, decerni sino: statuas, fana τέθριππα prohibeo: nec sum in ulla re alia molestus civitatibus; sed fortasse tibi, qui hæc prædicem de me. pèrfer, si me amas. tu enim me hæc facere voluisti. Iter igitur ita per Asiam feci, ut etiam fames, qua nihil miserius est, quæ tum erat

p. 82.
a.

52 Sed Julia lege, transitans, &c.] *mel* additum ex antecedenti. Mox recte *Transitans* est e Manutii correctione. ante erat *transita*, quod librarii fecere, retuleruntque ad lege Julia, velut violata lex Julia intelligeretur. Sed est iter faciens per provinciam. itaque et interpanxi post Julia lege. ea permittebat tales sumtus. v. supra, ep. 10.

53 Præter eum semel n. accepit.] Hæc sunt sine dubio spuria, ut judicabat etiam Grævius. sunt repetita e sequentibus, se-

mel additum ex antecedenti. Mox recte Malaspina vult excipiendum sit: i. e. exceptio addenda.

54 A nostro Titinio.] Qui eum mihi commendavit, ut legatum facerem.

55 Tui Tiberii.] Qui sit, nondum reperi.

56 Nullas meas acceperat litteras.] Sc. quibus pecunia ei imperaretur et erogatio aliqua facienda.

in hæc mea Asia, (messis enim nulla fuerat,) mihi optanda fuerit. quacumque iter feci, nulla vi, nullo iudicio, nulla contumelia, auctoritate et cohortatione perfeci, ut et Græci, et cives Romani, qui frumentum compresserant, magnum numerum populis pollicerentur. Idibus Februariis, quo die has litteras dedi, forum institueram agere Laodiceæ Cibyraticum et Apamense ex Idibus Mart. ibidem Synnadense, Pamphylium, (tum Phemio dispiciam ⁵⁷ κέρας Aonium) Isauricum: ex Idibus Mai. in Ciliciam, ut ibi Junius consumatur. velim tranquille a Parthis. Quintilis, si erit, ut
 b. volumus, in itinere est, per provinciam redeuntibus, consumendus. venimus enim ⁵⁸ in provinciam, Laodiceam, Sulpicio et Marcello consulibus, pridie Kal. Sextiles. inde nos oportet decedere a. d. 1111 Kal. Sext. Primum contendam a Quinto fratre, ut se præfici patiatur: ⁵⁹ quod et illo et me invitissimo fiet. ⁶⁰ sed aliter honeste fieri non potest, præsertim cum virum optimum, Pomtinum, ne nunc quidem retinere possim. rapit enim hominem Postumius Romanam, fortasse etiam Postumia. Habes consilia nostra. nunc cognosce de Bruto. Familiares habet Brutus tuos quosdam creditores Salaminiorum ex Cipro, M. Scaptium et P. Matinium; quos mihi maiorem in modum commendavit. Matinium non novi. Scaptius ad me in castra venit. pollicitus sum curaturum me, Bruti causa, ut ei Salaminii pecuniam solverent. egit gratias. præfecturam petivit. negavi me cuiquam negotianti dare: quod idem tibi ostenderam. ⁶¹ Cn. Pompeio petenti probaram institutum meum: quid dicam? Torquato, de M. Lenio tuo, multis aliis. si præfectus vellet esse syngraphæ causa, me curaturum, ut exigeret. gratias egit: discessit. Appius noster turmas aliquot equitum dederat huic Scaptio, per quas ⁶² Salaminios coerceret; et eundem habuerat præfectum. vexabat Sala-

57 κέρας Aonium.] Supra dixerat tantum κέρας. v. Clav. hic addit Aonium, musicum.

58 In provinciam, Laodiceam.] Laodiceam suspicatus sum additam esse e superioribus per notam glossatoris, ubi Laodiceam primam urbem provinciae se ingressum dixit. alibi simpliciter provinciam memorat: et ita aptius est sequens, inde nos oportet decedere: non præcise ex urbe Laodicea. sed fortasse argutati sumus interdum.

59 Quod et illo et me i. f.] Hic quod puto pro illo legendum ipso. ratio rei est, quod ea res invidiam facere utique poterat: quasi præfectus esset, quia frater esset.

60 Sed aliter honeste f. n. p.] Sc. quia alium non habebat, quam tuto præficere posset, cum Pomtinus nollet.

61 Cn. P. petenti.] Pro aliquo negotiatore, ut ei darem.

62 Salaminios coerceret.] Cogeret pecunias, quas ei deberent, solvere.

minios. ego equites ex Cyprio decedere jussi. moleste tulit Scaptius. quid multa? ut ei fidem meam præstarem; cum ad me Salaminii Tarsum venissent, ⁶³et una Scaptius, imperavi, ut pecuniam solverent. multa de syngrapha, de Scaptii injuriis. negavi me audire. hortatus sum; petivi etiam, pro meis in civitatem beneficiis, ut negotium conficerent: denique dixi me coacturum. homines non modo p. 83.
non recusare, sed etiam hoc dicere, se a me solvere. quod a.
enim prætori dare consuessent, quoniam ego non acceperam, se a me quodam modo dare; atque etiam minus esse aliquanto in Scaptii nomine, quam in vectigali prætorio. collaudavi homines. recte, inquit Scaptius: sed subducamus summam. interim cum ego in edicto tralaticio, centesimas me observaturum, haberem, ⁶⁴cum anatocismo anniversario; ille ex syngrapha postulabat quaternas. quid ais? inquam. possumne contra meum edictum? at ille profert senatus consultum Lentulo Philippoque consulibus, UT, QUI CILICIAM OBTINERET, JUS ⁶⁵EX ILLA SYNGRAPHA DICERET. cohorrui primo: ⁶⁶etenim erat interitus civitatis. reperio duo senatus consulta iisdem consulibus de eadem syngrapha. Salaminii cum Romæ versuram facere vellent, non poterant; ⁶⁷quod lex Gabinia vetabat [e syngrapha jus dicere]. tum ii Bruti familiares, freti gratia Bruti, dare

63 Et in his Scaptius.] Primum hic et me offendit, quod in hac forma non solet addi, nec aptum est in his: quia Scaptius non erat Cyprius. itaque prætuli lectionem ed. Jens. et una Scaptius. quam et Ascensius, Aldus et alii secuti sunt.

64 Cum anatocismi anniversario.] Dissentiant, anatocismi legendum sit, an *anatocismo*: illud defendente Grævio: hoc probante Corrado, Lambino. Quia *anniversarium* substantivè nuspam dicitur apud bonæ latinitatis auctores, *anatocismi anniversario* veram esse non potest. Itaque Corradum in textu secutus sum. Sed mihi totum verbum *anniversario* suspectum est, quod alias simpliciter dicuntur *centesima cum anatocismo*, etiam in hac epistola: inestque *ad anniversarium* in ipso anatocismo, ut patet e VI, 3. ubi est: *centesimis, renovato in singulos annos fœnore*. item ep. 1. *centesimas sexcentum cum renovatione annorum singulorum*.

65 EX ILLA SYNGRAPHA.] Nempe Scaptius et Matrinus impetraverant decretum senatus, quo illa syngrapha firmaretur, ne magistratus provincialis eam ex

edicto suo irritam redderet.

66 Et erat enim.] Sic et Rom. male. at Jens. *etenim erat*, quod et sequentes habent. illud post revocatum est ad usque Gruterum. Grævius et tacite delevit.

67 Quod lex Gabinia vetabat.] An univérse: ne provincialibus liceret pecuniam Romæ mutuum sumere, aut dare. nequam: nam id quidem absurdum fuisset. Sed lex ea voluit coercere feneratorum avaritiam in usuris, quarum modum nulla lex statuerat. unde crudelitas eorum in usuris supra modum creverat. Sanxit igitur, ne magistratus ex syngraphis jus dicerent, sed ex edicto, in quo modus usurarum statueretur. Id paullo post diserte dicit Cicero, patetque ex eo, quod in SCto, quod ejus legis gratiam fecerat, fuit, ut Ciliciæ magistratus ex syngrapha illa jus diceret, quam Saptius et Matrinus cum Salaminis fecissent. Hinc, re recenti, nemo provincialibus pecunias credere volebat: et hoc est, *Salaminii cum versuram facere vellent, non poterant*. Sed illud, quod in lege erat, excidit e textu Ciceronis. Idque addidi, sed inclusum uncis.

volebant quaternis, si sibi senatus consulto caveretur. fit gratia Bruti senatus consultum, UT NE VE SALAMINIIS, NE VE QUI EIS DEDISSET, FRAUDI ESSET. pecuniam numerarunt. ⁶⁸at postea venit in mentem foeneratoribus, nihil se juvare illud senatus consultum, quod ex syngrapha jus dici lex Gabinia vetaret. tum fit senatus consultum, ⁶⁹UT EA SYNGRAPHA ESSET QUA VI CETERÆ. Sed ut eodem; cum hæc disseruissem, seducit me Scaptius; ait se nihil contra dicere: sed eos putare, talenta ccc se debere; ea se velle accipere: ⁷⁰debere autem eos paullo minus: rogat, ut eos ad ccc perducam. optime, inquam. voco illos ad me, remoto Scaptio. quid vos? quantum, inquam, debetis? respondent, CVI. refero ad Scaptium. homo clamare. quid opus est? inquam. rationes conferatis. ⁷¹assidunt, subducunt: ad numum convenit. illi se numerare velle, urgere, ut acciperet. Scaptius me rursus seducit: rogat, ⁷²ut rem sic relinquam. dedi veniam homini impudenter petenti. Græcis querentibus; ⁷³ut in fano deponerent, postulantibus, non concessi. clamare omnes qui aderant, nihil impudentius Scaptio, qui centesimis cum anatocismo contentus non esset: alii, ⁷⁴nihil stultius. mihi autem impudens magis, quam stultus, videbatur. nam aut ⁷⁵bono nomine centesimis contentus erat, aut, non bono, quaternas centesimas sperabat. Habes meam causam: quæ si Bruto non probatur; nescio, cur illum amemus: ⁷⁶sed avunculo ejus certe probabitur, præsertim cum senatus consultum modo factum sit, puto, postquam tu es profectus, in creditorum causa,

68 Et postea venit in mentem f.] Et hic alienum est. itaque mut delendum est, aut at scribendum. hoc malui.

69 UT ET EA SYNGRAPHA.] Ed. pr. habent ex ea s. id ex puto temere repetitum e præcedentibus, ubi est ex syngrapha, post ab editoribus mutatum in et, cum potius delendum esset.

70 Debere autem illos paullo minus.] Illos delendum est, repetitum e superioribus. In ed. Jens. est etiam utroque loco eos, ut et post est, quod melius puto.

71 Adsidunt.] Ed. Jens. et sqq. adsident. Ed. Rom. adsunt, vitiose pro adsidunt: quæ forma et alibi est apud Ciceronem.

72 Ut rem sic relinquam.] I. e. ne decernam, sed infectam relinquam.

73 Ut in fano deponerent.] Sc. ut usuræ consistenter. depositio autem pecu-

niarum fiebat in templis.

74 Nihil stultius.] Qui non acciperet pecuniam, cum posset, et periculum perdendæ pecuniæ adiret.

75 Bono nomine c. c. erat.] Obscurius est hinc. nnu intelligi potest impudentia in hoc, quod contentus esset centesimis in bono nomine: nam hoc erat honestum. An excidit non? bono nomine centesimis non contentus erat. nam hoc impudens erat, quia contra edictum, et avaritiam turpem probebat. et ante sic est: nihil impudentius S. qui centesimis - contentus num esset. non bono, q. c. sperabat, nam ab alio post Ciceronem magistratu sperabat se fortasse impetraturum, ut quaternas centesimas solvere Salaminii cogerentur.

76 Sed avunculo ejus.] M. Catoni, viro gravi et amanti æquitatis. v. VI, 2.

ut centesimæ⁷⁷ perpetuo fœnore ducerentur. hoc quid intersit, si tuos digitos novi, certe habes subductum. in quo quidem, ⁷⁸ὁδοῦ πάρεργον, Lucceius M. F. queritur apud me per litteras, summum esse periculum, ne culpa senatus, his decretis, res ad tabulas novas perveniat. commemorat, quid olim mali ⁷⁹C. Julius fecerit, cum dieculam duxerit: numquam respublica plus. Sed ad rem redeo. meditare adversus Brutum causam meam: ⁸⁰si hæc causa est, contra quam nihil honeste dici potest; præsertim cum integri rem et causam reliquerim. Reliqua sunt domestica. De ἐνδομύχῳ, probō idem, quod tu, ⁸¹Postumiæ F. ille, quoniam Pontidia nugatur. sed vellem adesses. a Quinto fratre his mcusibus nihil exspectaris. nam Taurus propter nives ante mensem Junium transiri non potest. ⁸²Thermum, ut rogas, creberrimis litteris fulcio. ⁸³P. Valerium negat habere quicquam Deiotarus rex, eumque, ait, a se sustentari. Cum scies, Romæ intercalatum sit, necne; velim ad me scribas certum, quo die mysteria futura sint. Litteras tuas minus paullo exspecto, quam si Romæ esses: sed tamen exspecto.

⁷⁷ Perpetuo fœnore.] V. Clav. in perpetuus.

⁷⁸ ὁδοῦ πάρεργον.] In parentheses dictum accipio; ut hoc obiter addam.

⁷⁹ C. Julius f. cum dieculam duxerit.] In h. l. explicando non consentiunt viri docti. ego fateor me non intelligere, quia historiam ignoro. de dilatione solutionis sermonem esse credo, per quam fides sub lata sit, ut nemo nemini pecuniam crederet.

⁸⁰ Si hæc causa est, &c.] Nam in causa intelligitur res controversa.

⁸¹ Postumiæ F. ille, qu. Pontidia nugatur.] F. int. filius, si ille verum est; sed videtur mihi ille natus e fil. explanate scripto vitiose, ut in edd. pr. est filiæ.

Ergo ille deleverim; et scribam Postumiæ filium, i. e. Serv. Sulpicium; pendet enim e proba. Tam dedi Pontidia, ut habent edd. pr. quoniam Pontidia, quæ alium commendarat, nugatur: nec ejus filius est intelligendus. Sic Servilia commendarat Servium Sulp. unde dicit VI, 1. malo hunc a Pontidia, quam illum a Servilia.

⁸² Thermum -- cr. litteris fulcio.] Ed. Jens. celeberrimis. Fulcio litteris i. e. firmo in benivolentia et voluntate, quam mihi ostendit se commendatione mea habere erga te tuosque.

⁸³ P. Valerium negat, &c.] Videtur Attico debuisse, et, quia in Deiotari regno erat, ab eo auxilium petisse.

M. TULLII CICERONIS EPISTOLARUM.

AD ATTICUM

LIBER VI.

— ARGUMENTUM.

Qui has M. Tullii epistolas in libros distribuit, is mihi videtur, libri alius initium hinc maxime fecisse, quod hæc aliis consulibus, quam superioris libri scriptæ fuerint: nempe L. Æmilio Paulo: C. Claudio Marcello: quem Suetonius Marci Marcelli patruelem facit; Dio, sobrinum; vel ex aliorum opinione, fratrem. Hic igitur liber certum argumentum nullum habet, quod ad remp. pertineat. Nam bellum Parthicum, cuius hic mentio fit, in metu potius, quam re ipsa fuit: cum anno superiore, qui ab illo cæpto quartus fuit, finem acceperit. De rebus urbanis, quod odiosa quædam se Cicero audisse scribit, tale fuit. Cæsari cum vereretur, ne se iniqui sui provincia atque exercitu spoliarent: sicque cogeretur, si consul fieri vellet, privatus ac præsens petere: L. Paulum consulem et C. Curionem tribunum pl. antea suis actionibus adversantes, grandi mercede sibi conciliavit: quorum opera factum est, ut retineret exercitum. Nam cum de illo remittendo referretur, Curio ita est assensus, si reliqui quoque dimitterent: Pompeium notans sine dubio. Hoc anno Cicero de provincia decessit III Kalend. Sext. atque Idib. Oct. Athenis fuit, unde postrema libri huius epistola data est. Reliqua sunt privata atque domestica: de Tullia Dolabella collocanda: et aliis rebus.

1

CICERO ATTICO S.

ACCEPI tuas litteras a. d. quintum Terminalia Laodiceæ, quas legi libentissime, plenissimas amoris, humanitatis, officii, diligentiae. his igitur respondebo; sic enim postulas: nec οἰκονομίαν meam instituiam; sed ordinem conservabo tuum. Recentissimas a Cybistris te meas litteras habere ais, a. d. x Kal. Octob. datas: et scire vis, tuas ego quas acceperim. omnes fere, quas commemoras, præter eas, quas scribis Lentuli pueris et Equotutico et Brundisio datas. quare non οἰχίσται tua industria, quod vereris, sed præclare ponitur; si quidem id egisti, ut ego delectarer.

nam nulla re sum delectatus magis. Quod meam βασιλίαν in Appio tibi, libertatem etiam in Bruto probo; vehementer gaudeo: ac putaram secus. Appius enim ad me ex itinere his terve ὑπομεμψιμοίρους litteras miserat, quod quædam a se constituta rescinderem. Ut, si medicus, cum ægrotus alii medico traditus sit, irasci velit ei medico, qui sibi successerit, si, quæ ipse in curando constituerit, mutet ille: sic Appius, cum ἐξ ἀφαιρέσεως provinciam curarit, sanguinem miserit, quidquid potuit detraxerit, mihi tradiderit enectam, προσανατρεφομένην eam a me non libenter videt; sed modo succenset, modo gratias agit. nihil enim a me fit b. cum ulla illius contumelia. tantummodo dissimilitudo meæ rationis offendit hominem. quid enim potest esse tam dissimile, quam illo imperante exhaustam esse ¹ sumtibus et jacturis provinciam; nobis eam obtinentibus, numum nullum esse erogatum nec privatim, nec publice? Quid dicam de illius ² præfectis? comitibus? legatis? etiam de rapinis? de libidinibus? de contumeliis? nunc autem domus mehercule nulla tanto consilio, aut tanta disciplina gubernatur, aut tam modesta est, quam nostra tota provincia. ³ Hæc nonnulli amici Appii ridicule interpretantur: qui me idcirco putent bene audire velle, ut ille male audiat, et recte facere, non meæ laudis, sed illius contumeliæ causa. Sin Appius, ut Bruti litteræ, quas ad te misit, significabant, gratias nobis agit, non moleste fero: sed tamen eo ipse die, quo hæc ante lucem scribebam, cogitabam ejus multa inique constituta et acta tollere. Nunc venio ad Brutum, quem ego omni studio, te auctore, sum complexus: quem etiam amare cœperam: ⁴ sed, dico, revocavi me, ne te offenderem. noli enim putare, me quicquam maluisse, ⁵ quam ut mandat is, facere: nec ulla de re plus laborasse. mandatorum autem mihi libellum dedit: iisdemque de rebus tu mecum egeras. omnia sum diligentissime

1 Sumtibus et jacturis.] Sumtus ad impensas ad itinera, &c. pertinent, jactura ad largitiones ac dona, quæ provincialibus exprimantur. v. Clav. in jactura.

2 Præfectis, comitibus, legatis.] De comitibus v. dicta in Clave. hic ab iis distinguuntur præfecti, cum aliis locis eorum nomine contineantur.

3 Hanc n. A. Appii.] Hanc referunt ad dissimilitudinem: sed fatentur melius esse, si scribatur Hæc. quia in Ms. reperit

Ursinus, recepi.

4 Sed, dico, revocavi me.] Dico absolute dictum, pro vere dicam, non celabo, aut simili quo.

5 Quam, ut mandat is, facerem.] Corrigitur ut mandatis satisfacere, et id quidem e Mss. quibusdam, vel quam mandatis satisfacere. Sed cur nemo hæsit in tempore? ego corrigam ut mandavit is. etiam mox puto scribendum dederat; nam sequitur statim egeras.

persecutus. Primum, ab Ariobarzane sic contendì, ut talenta, quæ mihi pollicebatur, illi daret. quoad mecum rex fuit, perbono loco res erat: post a Pompeii procuratoribus sexcentis premi coeptus est. Pompeius autem cum ob ceteras causas plus potest unus, quam ceteri omnes, tum quod putatur ad bellum Parthicum esse venturus. ei tamen sic
 p. 85. nunc solvitur: tricesimo quoque die talenta Attica XXXIII,
 et hoc ex tributis: ⁶nec id satis efficit in usuram menstruam. sed Cnæus noster clementer id fert: sorte caret: usura, nec ea solida, contentus est. alii neque solvit cuiquam, nec potest solvere. nullum enim ærarium, nullum vectigal habet. Appii instituto tributa imperat. ea vix, in fœnus Pompeii quod satis sit, efficiunt. Amici regis duo tresve perdivites sunt: sed ii suum tam diligenter tenent, quam ego, aut tu. equidem non desino tamen per litteras rogare, suadere, accusare regem. Deiotarus etiam mihi narravit, se ad eum legatos misisse de re Bruti: eos sibi responsum retulisse, illam non habere. et mehercule ego ita judico, nihil illo regno spoliatus, nihil rege egentius. itaque aut tutela cogito me abdicare, aut, ut pro Glabrigone Scævola, ⁷fœnus et impendium recusare. Ego tamen, quas per te Bruto promiseram præfecturas, M. Scaptio, L. Gavio, qui in regno rem Bruti procurabant, detuli. nec enim in provincia mea negotiabantur. tu autem meministi, nos sic agere, ut quot vellet, præfecturas sumeret, ⁸dum ne negotiatori. itaque duas ei præterea dederam. sed ii, quibus petierat, de provincia decesserant. Nunc cognosce de Salaminii: quod video tibi ⁹etiam novum accidisse, tamquam mihi. numquam enim ex illo audiivi, illam pecuniam esse suam. quin etiam libellum ipsius habeo, in quo est, *Salaminii pecuniam debent M. Scaptio et P. Matinio, familiaribus meis.* eos mihi commendat: adscribit etiam, et quasi

6 *Nec id satis efficitur in usuram mensiv.*] Non id satis efficitur, nullo modo latinum est. Scribendum efficit: illud tributum, illa exactio XXXIII talentorum non tantum efficit pecuniam, quantum opus est. sic et statim post, ea tributa vix efficiunt in fœnus P. quod satis ait. non dubitavi sic corrigere. de verbo *efficere* in hac tali re vid. Clav.

7 *Fœnus et impendium recusare.*] Fœnus est b. l. ipsa sors; impendium usuræ, quas dat debitor, in quibus est impendium. nam et in nomine funeraturum inest pecunia locata. bene hoc docuit Gronovius in

Mantissa ἀρετῆς, p. 104. tota res alias dicitur bonam copiam ejurare, Franci *bunquerouter*. Scævola fuit avus Glabrigonis pupilli, atque tutor.

8 *Dum ne negotiatori.*] Int. eas peteret, deferri vellet. *negotiatori* pro *negotiantur* edidit Victorinus, ut ait, e veteri libro: forte ex ed. Rom. quæ sic habet. *Secutus* est P. Manutius.

9 *Etiam novum accidisse, tamquam mihi.*] Non placet etiam, tamquam. ant. glossam puto esse *tamquam mihi*, aut legendum *tam - quam mihi*.

calcar admovet, intercessisse se pro iis magnam pecuniam. confeceram, ut solverent, centesimis sexennii ductis cum renovatione singulorum annorum. at Scaptius quaternas postulabat. metui, si impetrasset, ne tu ipse me amare desineres. nam ab edicto meo recessissem, et civitatem, in Catonis et in ipsius Bruti fide locatam, meisque beneficiis ornatam, funditus perdidissem. Atque hoc tempore ipso impingit mihi epistolam Scaptius Bruti, rem illam suo periculo esse: quod nec mihi umquam Brutus dixerat, nec tibi: etiam, ut præfecturam Scaptio deferrem. id vero per te exceperamus, ne negotiatori: quodsi cuiquam, huic tamen non. fuerat enim præfectus Appio; et quidem habuerat turmas equitum, quibus inclusum in curia senatum Salamine obsederat, ut fame senatores quinque morentur. itaque ego, quo die tetigi provinciam, cum mihi Cyprii legati Ephesum obviam venissent, litteras misi, ut equites ex insula statim decederent. His de causis credo Scaptium iniquius de me aliquid ad Brutum scripsisse. sed tamen hoc sum animo: si Brutus putabit me quaternas centesimas oportuisse decernere, qui in tota provincia singulas observarem, itaque edixissem, idque etiam acerbissimis fœneratoribus probaretur; si præfecturam negotiatori denegatam queretur, quod ego Torquato nostro in tuo Lenio, Pompeio ipsi in Sex. Statio negavi, et iis probavi; si equites deductos moleste feret: accipiam equidem dolorem, mihi illum irasci, sed multo maiorem, non esse eum talem, qualem putassem. Illud quidem fatebitur Scaptius, me jus dicente, sibi omnem pecuniam ex edicto meo auferendi potestatem fuisse. Addo etiam illud, quod vereor, tibi ipsi ut probem: consistere usura debuit, quæ erat in edicto meo. deponere volebant: impetravi ab Salaminis, ¹⁰ ut silerent. veniam illi quidem mihi dederunt; sed quid iis fiet, ¹¹ si huc Paullus venerit? sed totum hoc Bruto dedi, qui de me ad te humanissimas litteras scripsit: ad me autem, etiam cum rogat aliquid, contumaciter, arroganter, ἀκολωγήτως solet scribere. tu autem velim ad eum scribas de his rebus, ut sciam, quo modo hæc accipiat. facies enim me certiolem. atque hoc superioribus litteris ad te diligenter

p. 86.

¹⁰ Ut silerent.] De deponenda pecunia in fano, ut supra memoravit.

¹¹ Si huc Paullus venerit.] Qui cum

Bruto conjunctus ei omnia concedet, quæ petet. is tum consul erat, poteratque Ciceroni succedere.

perscripseram: sed plane te intelligere volui, mihi non excidisse illud, quod tu ad me quibusdam litteris scripsisses; si nihil aliud de hac provincia, nisi illius benivolentiam, deportassem, mihi id satis esse. sit sane; quoniam ita tu vis: ¹² sed tamen cum eo credo, quod sine peccato meo fiat. Igitur ¹³ meo decreto soluta res Scaptio statim. Quam decretum sit, tu judicabis; ne ad Catonem quidem provocabo. sed noli me putare ἐγκελεύματα illa tua abjecisse, quæ mihi in visceribus hærent. siens mihi meam famam commendasti. quæ epistola tua est, in qua mentionem non facias? itaque irascatur, qui volet: patiar. τὸ γὰρ εὖ μετ' ἐμοῦ, præsertim cum ¹⁴ sex libris, tamquam prædibus, me ipsum obstrinxerim, quos tibi tam valde probari gaudeo; e quibus ¹⁵ unum ἱστορικὸν requiris de Cn. Flavio Cn. F. ille vero ante decemviros non fuit: quippe qui ædilis curulis fuerit: qui magistratus multis annis post decemviros institutus est. quid ergo profecit, quod protulit fastos? occultatam putant quodam tempore ¹⁶ istam tabulam, ut dies agendi peterentur a paucis. nec vero pauci sunt auctores, Cn. Flavium scribam fastos protulisse, ¹⁷ actionesque composuisse: ne me hoc, vel potius Africanum, (is enim loquitur,) commentum putes. Οὐκ ἔλαθε σὲ illud de gestu histrionis; tu scelestè suspicaris, ego b. ἀφελῶς scripsi. De me imperatore scribis te ex Philotimi litteris cognosse. sed credo te, jam in Epiro cum esses, binas meas de omnibus rebus accepisse, unas a Pindenisso capto, alteras a Laodicea, utrasque tuis pueris datas. quibus de rebus, propter casum navigandi, per binos tabellarios misi Romam litteras publice. De Tullia mea tibi assentior; scripsique ad eam, et ad Terentiam, mihi placere. tu enim ad me jam ante scripseras, ac vellem te ¹⁸ in tuum veterem gregem retulisses. ¹⁹ correctæ vero

¹² Sed tamen cum eo.] Hac addita conditione vel exceptione.

¹³ Meo decreto s. r. Sc. statim.] I. e. quantum quidem in me fuit, Scaptius accipit pecuniam suam. nam decernebatur pecuniæ solutio: si ille modo accipere voluisset. — Quam decretum sit, non habet plenum sensum: puto excidisse bene; aut ejusmodi quid.

¹⁴ Sex libris.] De republica. Brant tum tantum sex scripti. post alii additi: nam ad Q. Fr. III, 5. novem memorantur.

¹⁵ Unum i. requiris.] I. vitiosum esse

putas.

¹⁶ Istam tabulam.] Fastorum, quæ nunc publice proposita est, ut omnes dies actionum scire possint.

¹⁷ Actionesque composuisse.] V. Clav. in actio.

¹⁸ In tuum veterem gregem ret.] Ordinem equestrem, et filiam equiti Rom. locasset.

¹⁹ Correcta epistola Memmiana.] I. e. quæ erat de Memmio proco Tullia, eo errore agnito et correcto jam malo hunc, equitem, quam illum, patricium.

epistola Memmiana, nihil negotii fuit. multo enim malo hunc a Pontidia, quam illum a Servilia. quare adjunges ²⁰ Aufium nostrum, hominem semper amantem mei; nunc, credo, eo magis, quod debet etiam fratris Appii amorem erga me cum reliqua hereditate crevisse; qui declaravit, quanti me faceret, cum sæpe, tum in Bursa. næ tu me sollicitudine magna liberaris. ²¹ Furnii exceptio mihi non placet. nec enim ego ullum aliud tempus timeo, nisi quod ille solum excipit. sed scriberem ad te de hoc plura, si Romæ esses. ²² In Pompeio te speciem omnem otii ponere non miror: ita res est; removendumque censeo ²³ illud *dissimulantem*. Sed enim, ²⁴ *οικονομία* si perturbatior est, tibi assignato: te enim sequor *σχεδιάζοντα*. Cicerones pueri amant inter se, discunt, exercentur: sed alter, uti dixit Isocrates in Ephoro et Theopompo, frenis eget, alter calcaribus. Quinto togam puram Liberalibus cogitabam dare. mandavit enim pater. ea sic observabo, quasi intercalatum non sit. Dionysius mihi quidem in amoribus est. pueri autem ajunt, eum furenter irasci. sed homo non doctior, nec sanctior fieri potest, nec tui meique amantior. Thermum, ²⁵ Silium vere andis laudari. valde se honeste gerunt. adde M. Nonium, Bibulum; me, si voles. jam ²⁶ Scrofa, vellem, haberet, ubi posset. est enim lautum negotium. ceteri ²⁷ infirmant *πολίτευμα* Catonis. Hortensio quod causam meam commendas, valde gratum. De ²⁸ Amiano, spei nihil putat

p. 37.
a.

²⁰ *Aufium nostrum*.] Nomen hoc quidem vitiosum est. Corradus conjicit C. *Aufium*, qui illis temporibus quaestor fuit. ad Q. fr. III, 3. mihi videtur *Aufidium*, sc. Larconem, qui Pisone et Messala Coss. trib. pl. fuerat. mox pro *amantem me* Malaspina inavult α. nci, c perpetua Ciceronis consuetudine, et sic in Mss. repererat. recepi. *adjunges* his, de quibus deliberatur.

²¹ *Furnii exceptio*.] Trib. pl. qui sc. de successione provinciarum tulerat, sed ita, si Parthus nihil moveret. nam hoc ne faceret, timebat Cicero, ut sempiternus hostis Romanorum, et supra dixit.

²² *In Pompeio*.] Revincavi lectionem add. pr. *In Pompeium* e quibusdam Mss. inductum est auctore insolentia.

²³ *Illud dissimulantem*.] Quod tribuisti Pompeio, cum eum dissimulantem appellasti, illud verbum sc. edd. pr. male *illum*.

²⁴ *Οικονομία*.] Ordo epistolæ hujus in rebus scribendis.

²⁵ *Silium*.] Sic edidi cum Grævio pro *Silvium*. Sermo est de magistratibus provinciarum Ciceroni vicinarum. Bithyniæ prætor Silius ut Nonius Sullenas Cretæ et Cyrenaicæ.

²⁶ *Scrofa*.] Tremellius, provinciam cupiebat habere, in qua esset materia laudis et gloriæ. *lautum negotium* indicat, sermonem esse de certa provincia, in quam tum esset mittendus prætor, cum eam alius repudiasset.

²⁷ *Infirmant πολιτεύμα Catonis*.] Sensus est: ceteri, præter eos sc. quos laudavi, magistratus provinciarum exemplo suo tollunt rationem administrandæ reip. in provinciis, quæ Catoni probatur, de qua dixit supra, II, 1. nam *πολίτευμα* apud optimos Græcorum, imprimis apud Polybium, sic dicitur, ut *πολιτεία*. qui pro actione in rep. cepere, intellexere de provincia ab Catone ex prætura repudiata. Sed illud antecedentibus melius censentis.

²⁸ *Amiano* - Terentii - Maragenses.]

esse Dionysius. Terentii nullum vestigium agnovi. Mæragenes certe periit. feci iter per ejus possessionem, in qua animal reliquum nullum est. hæc non noram ²⁹ tum, cum cum Democrito tuo locutus sum. Rhosiaca vasa mandavi. Sed heus tu, quid cogitas? in felicitatis lancibus et splendidissimis canistris, olusculis nos soles pascere; quid te in vasis fictilibus appositurum putem? Κέρας Phemio mandatum est: reperietur; modo aliquid illo dignum canat. Parthicum bellum impendet. Cassius ³⁰ ineptas litteras misit. necdum ³¹ Bibuli erant allatæ: quibus recitatis, puto fore, ut aliquando commoveatur senatus. equidem ³² sum in magna animi perturbatione. si, ut opto, non prorogatur ³³ nostrum negotium; habeo Junium et Quintilem in metu. esto; duo quidem menses sustinebit Bibulus. quid illo fiet, quem reliquero, præsertim si fratrem? quid me autem, si non tam cito decedo? magna turba est. mihi tamen cum Deiotaro convenit, ut ille in meis castris esset cum suis copiis omnibus. habet autem cohortes quadringenarias nostra armatura xxx; equitum cīo cīo. erit ad sustentandum, quoad Pompeius veniat; qui litteris, quas ad me mittit, significat, suum negotium illud fore. hiemant in nostra provincia Parthi. exspectatur ipse Orodes. quid quæris? aliquantum est negotii. De Bibuli edicto, ³⁴ nihil novi, b. præter illam exceptionem, de qua tu ad me scripseras, ³⁵ nimis gravi præjudicio in ordinem nostrum. ego tamen habeo ἰσοδυναμοῦσαν, sed ³⁶ tectiorem, ex Q. Mucii P. F. edicto Asiatico, extra quam si ita negotium gestum est, ut eo stari non oporteat, ex fide bona: multa que sum secutus

Debitores Attici fuisse, colligi potest ex ultimo, de Mæragenis prædiis.

²⁹ Tum, cum cum Democrito.] Edd. pr. non habent alteram cum: et potuit absorberi a primo, semel scripto, sed his legendo. sed tamen male sonat, deleverim. potest et dici loqui alicui.

³⁰ Ineptas litteras.] Falso gloriantes: gloriosos dixit V, 1.

³¹ Bibuli nondum e. allatæ.] Non gloriosæ, ut Cassii, sed periculum demonstrantes.

³² Sum magna a. p.] Addendum in, quod et libri quidam habent, absorptam a littera m.

³³ Nostrum negotium, &c.] Provincia nostra, menses J. et Q. metuo, ne aliquid periculi afferant: sed tamen spero, si per illud spatium parem utroque fure bello.

³⁴ Nihil novi.] Sic Lambinus, Manutius &c. edd. pr. nihil novi. sed quid est nihil novi? an mutavi? sc. in edicto meo, ut visum Bosio. sed Ciceronis edictum prius Bibuli edicto. ergo veterem lectionem veram puto: quod ad edictum Bibuli attinet, in eo nihil novi est, præter illam exceptionem. Dictum est ad exousandum Bibulum.

³⁵ Nimis gravi præjud. in n. ordinem.] Hæc verba sunt ex epistola Attici. in iis est reprehensio exceptionis ex eo, quod negotiatoribus valde periculosa sit.

³⁶ Tectiorem.] Sc. quia non commemorabat discrete certum causæ et vitii genus, ut negotiatores sentirent statim, eam ad se pertinere, et sibi nocere posse. Ed. Rom. habet certiorē, Jons. rectiorem. bene. Victorius e Ms. tectiorem.

Scævolæ; in iis illud, in quo sibi libertatem censent Græci datam, ut Græci inter se disceptent suis legibus. Breve autem edictum est propter hanc meam διαίρεσιν, quod duobus generibus edicendum putavi: quorum unum est provinciale, in quo est de rationibus civitatum, de ære alieno, de usura, de syngraphis; in eodem omnia de publicanis: alterum, quod sine edicto satis commode transigi non potest, de hereditatum possessionibus, de bonis possidendis, ³⁷ magistris faciendis, vendendis: quæ ex edicto et postulari et fieri solent. tertium, de reliquo jure dicundo, ἀγραφον reliqui. dixi me de eo genere mea decreta ad edicta urbana accommodaturum: itaque euro, et satisfacio adhuc omnibus. Græci vero exultant, quod ³⁸ peregrinis iudicibus utuntur. nugatoribus quidem, inquires. quid refert? tamen se αὐτονομίαν adeptos putant. vestri enim, credo, graves habent, Turpionem sutorium, et Vtictium mancipem. De publicanis quid agam, videris quærere. habeo in deliciis, obsequor, verbis laudo, orno; efficio, ne cui molesti sint. (τὸ παραδοζότατον,) usuras eorum, quas pactionibus adscripserant, servavit etiam Servilius. ego sic. diem statuo satis laxam; quam ante si solverint, dico, me centesimas ducturum: si non solverint, ex pactione. itaque et Græci solvunt tolerabili fœnore; et publicanis res est gratissima. sic illa jam habent, pleno modio, verborum honorem, invitationem crebram. quid plura? sunt omnes ita mihi familiares, ut se quisque maxime putet. sed tamen ³⁹ μηδὲν αὐτοῖς. scis reliqua. De statua Africani, (ὡ παραγμάτων ἀσυγκλώστων! sed me ipsum delectavit in tuis litteris,) ain' tu? Scipio hic Metellus proavum suum nescit ⁴⁰ censorem non fuisse? atqui nihil habuit aliud inscriptum, ⁴¹ nisi Cos. ea statua, quæ ad Opis per te posita in excelso est. in illa item, quæ est ad Πολυδεύκον, hercule inscriptum est, Cos. quam esse ejusdem, status, amictus, anulus, imago ipsa declarat. at mehercule ego cum in turma inauratarum equestrium, ⁴² quas hic in Capitolio posuit, animadvertissem in

p. 88.

a.

³⁷ Magistris faciendis, vendendis.] Vendendis pertinet ad bona: si loco suo est, postponitur magistris, quia ante magistris fiunt, quam vendantur bona.

³⁸ Peregrinis iudicibus.] I. e. suis, non Romanis. dicuntur peregrini more Romano. nam Græcis non erant peregrini.

³⁹ Μηδὲν αὐτοῖς.] I. concedo contra jus cum injuria aliorum.

⁴⁰ Censorem non fuisse.] Sic jam ed. Rom. Jenson. omisit non, et inde sequentes: unde difficultas oblata. Sed recte non repositum est. est sic et infra in ed. Rom.

⁴¹ Nisi consul.] Sic e Mss. duobus Bosius. at ita jam erat in ed. Rom.

⁴² Quas hic Metellus.] Grævius auc-

Serapionis subscriptione ⁴³ Africani cognomen, erratum fabrilē putavi, nunc video Metelli. O! ἀνιστορησάν turpem! Nam illud de Flavio et fastis, si secus est, commune erratum est; et tu belle ἡπόρησας; et nos publicam prope opinionem secuti sumus, ut multa apud Græcos. quis enim non dixit, Εὐπολιν, τὸν τῆς ἀρχαίας, ab Aleibiade, navigante in Siciliam, dejectum esse in mare? redarguit Eratosthenes. adfert enim, quas ille post id tempus fabulas docuerit. num idcirco Duris Samius, homo in historia diligens, quod cum multis erravit, irridetur? Quis Zaleucum leges Locris scripsisse non dixit? num igitur jacet Theophrastus, si id a Timæo, tuo familiari, reprehensum est? Sed nescire, proavum suum censorem non fuisse, turpe est; præsertim cum post eum consulem, nemo Cornelius, illo vivo, censor fuerit. Quod de Philotimo, et de solutione

- b. H-S xx de scribis; Philotimum circiter Kalend. Januar. in Chersonesum audio venisse: ac mihi ab eo nihil adhuc. reliqua mea Camillus scribit se accepisse; ea quæ sint, nescio, et aveo scire. verum hæc posterius et eorum fortasse commodius. Illud me, mi Attice, in extrema fere parte epistolæ commovit: scribis enim sic, τί λοιπόν? deinde me obsecras amantissime, ne obliviscar vigilare, et ut animadvertam, quæ fiant. ⁴⁴ num quid de quo inaudisti? etsi nihil ejusmodi est. πολλοῦ γε καὶ δεῖ. nec enim me fecellisset, nec falleret. sed ista admonitio tua tam accurata, nescio quid mihi significare visa est. ⁴⁵ De M. Octavio, iterum jam tibi rescribo, te illi probe respondisse. paullo vellem fidentius. Nam Cœlius libertum ad me misit, et litteras accurate scriptas: ⁴⁶ sed de pantheris fœde, ac civitatibus. rescripsi, alterum me moleste ferre, si ego in tenebris laterem, nec audiretur Romæ, nullum in mea

tore Ms. Balliol. ejiciendum putabat Metellus. recte. Ed. Rom. non habet. Jensonius addidit, est a glossatore. delevi.

⁴³ Africani imaginem.] Sic omnes inde a Jensonio. interpretantur de capite Africani imposito statuæ pro Serapionis capite. sed id est ineptum. caput hoc non dicebatur imago. et dicitur in subscriptione fuisse. Ed. Rom. habet Africanum agmen. Legendum est Africani nomen, vel cognomen: quod recipere non dubitavi. atque hoc potest dici fabrilē erratum.

⁴⁴ Num quid de quo inaudisti.] Sc.

meorum, qui aliquid fecerit, quod mihi vitio verti possit.

⁴⁵ De M. Octavio.] Ædile designato, v. ad Div. VIII, 2. 3. iterum jam. nam jam scripserat V, 21.

⁴⁶ Sed de Pantheris fœde ac civitatibus.] Pertinet ad ep. ad Div. VIII, 9. fœde, quia petebat ea, quæ honeste fieri non possent: civitatibus, quarum agros immunes fieri petebat Fetidii in gratiam. moleste ferebat Cicero, tale quid a se peti, in quo suspicio easse posset, se pecuniam a civitatibus accepisse, ut agros immunes faceret.

provincia numum; nisi in æs alienum, erogari; docuique, nec mihi conciliare pecuniam licere, ⁴⁷ nec illi capere: monuique eum, quem plane diligo, ut, cum alios accusasset, cautius viveret. illud autem alterum, alienum esse existimatione mea, Cibratas imperio meo publice venari. Lepta tua epistola gaudio exultat. etenim scripta belle est, neque apud eum magna in gratia posuit. Filiola tua gratum mihi fecit, quod tibi diligenter mandavit, ut mihi salutem adscriberes: gratum etiam Pilia: sed illa officiosius, quod mihi, ⁴⁸ quem numquam vidit. igitur tu quoque ⁴⁹ salutem utrique adscribito. Litterarum datarum ⁵⁰ prid. Kal. Januar. suavem habuit recordationem clarissimi jurisjurandi: quod ego non eram oblitus. ⁵¹ magnus enim prætextatus illo die fui. Habes ad omnia, non, ut postulasti, *χρῦσα χαλκείων*; sed paria paribus respondimus. Ecce autem alia ^{p. 89.} pusilla epistola; quam non relinquam *ἀναντιφώνητον*. ^{a.} ⁵² Bene mehercule potuit Lucecius Tuseulanum; nisi forte: solet enim cum suo tibicine: et velim scire, quis sit status ejus. Lentulum quidem nostrum, ⁵³ præ ære, Tusculanum proscripsisse audio. cupio hos expeditos videre: cupio etiam Sextium; adde, si vis, Cœlium; quibus omnibus est, *αἰδεσθαι μὲρ ἀνήρασθαι, δεῖσαν δ' ὑποδέχθαι*. ⁵⁴ De Memmio restituendo ut Curio cogitet, te audisse puto. De Egnatii Sidicini nomine, nec nulla, nec magna spe sumus. Pinarium, quem mihi commendas, diligentissime Deiotarus

47 *Nec illi capere.*] Fetidio vel Cœlio, qui hoc petisse videntur, ut pecuniam a civitatibus caperet, quibus id impetrasset. Si ad Cœlium pertinet, quod malim, nam et sequenti ad eum pertinent, legendum etiam videtur ipsi.

48 *Quem jam pridem numquam vidit.*] Vidit edidi cum Grævio, ut voluit Malaspina, sed sic jam edd. Rom. Jens. et alii veteres. *jam pridem* deleri volebat idem Malaspina, probabatque Grævius, sed nolebat deleri, quia in libris omnibus est. ego non dubitavi delere, quia manifeste absurdum est.

49 *Salutem utrique adscribito.*] Sc. cum Roman scribes.

50 *Pridie Kal. Jan.*] Est pro nominativo, dies sc. qui fuit pridie Kal. Jan. quo die epistola tua data est. ea die Cicero abiens consulatu, cum orationem ad populum habere, intercedente tribuno plebis, de consulatu suo non liceret, juravit, se remp. servasse.

51 *Magnus prætextatus illo die fui.*] Offendor in *prætextatus*. Vereor, ne in eo aliud quid lateat, aut sit insititium.

52 *Bene m. potuit.*] Int. vendere salubri pretio, et commode ad æs alienum dissolvendum. reliqua interpretantur: nisi forte maluit retinere, quia ibi libenter est cum servulo suo, tibicine, ut Manutius. alii aliter. Tunstallus, p. 123. intelligit *stat*, i. e. adhuc sustinet æs alienum, adjunctus altero Lucecio: quod placet. nam convenit sequenti, *qui sit ejus status*, quod ad rem pecuniariam pertinet, et de utriusque ære alieno alibi est.

53 *Præ ære Tusc. proscr.*] Sic correxit Hosius. Ed. Rom. habet *Pr. Jensoni præter*. post e Ms. *præ re* datum. quod interpretantur præter rem, sine necessitate. Sed illud etiam *præ ære* abundat. nam ex re intelligitur, uris alieni causa proscriptum fuisse, ut ante in Lucecio.

54 *De Memmio restit.*] V. Clav. in C. Memmius.

curat, graviter ægrum. Respondi etiam minori. Tu, velim, dum ero Laodiceæ, id est, ad Idus Mai. quam sæpissime mecum per litteras colloquare: et cum Athenas veneris, (jam enim sciemus de rebus urbanis, de provinciis, quæ omnia in mensem Martium sunt collata,) utique ad me tabellarios mittas. Sed heus tu, jamne vos a Cæsare, ⁵⁵ per Herodem, talenta Attica L extorsistis? in quo, ut audio, magnum odium Pompeii suscepistis. putat enim, suos nummos vos comedisse; Cæsarem ⁵⁶ in Nemorensi ædificando diligentiore fore. hoc ego ex P. Vedio, magno nebulone, sed Pompeii tamen familiari, audiui. Hic Veditus venit mihi obviam cum duobus essedis, et rheda equis juncta, et lectica, et familia magna: pro qua, ⁵⁷ si Curio legem pertulerit, H-S centena pendat necesse est. erat præterea cynocephalus in essedo: nec decrant onagri. numquam vidi hominem nequiores. sed extremum audi. Diversatus est Laodiceæ apud Pompeium Vindullum: ibi sua deposuit, cum ad me profectus est. moritur interim Vindullus: quæ
b. res ad Magnum Pompeium pertinere putabatur. C. Venonius domum Vindulli venit: cum omnia obsignaret, in Vedianas res incidit. in his inventæ sunt quinque plangunculæ matronarum, in quibus una sororis amici tui, ⁵⁸ hominis Bruti, qui hoc utatur; et illius Lepidi, qui hæc tam negligenter ferat. hæc te volui *παραστορήσαι*. sumus enim ambo belle curiosi. Unum etiam velim cogites. audio Appium *προφυλαιον* Eleusine facere. num incepti fuerimus, si nos quoque Academia fecerimus? puto, inquis. ergo id ipsum scribes ad me. quidem valde ipsas Athenas amo. volo esse aliquod monumentum. ⁵⁹ odi falsas inscriptiones statuarum alienarum. sed ut tibi placebit: faciesque me, in quem diem Romana incidant mysteria, certiores, et quo

55 *Per Herodem.*] Hoc nomen profecto verum non est. Laubinus in Ms. reperit *per Erotem*. quod non displicet. est nomen liberti vel procuratoris, atque id et alibi ap. Ciceronem est.

56 *In Nemorensi ædificando d., &c.*] Hoc est e correctione Turnebi, Adv. XXIV, 20. enimvero cur hoc displicuisset Pompeio? immo placere debebat.

57 *Si C. legem pertulerit.*] Legem viariam, opinor, de qua v. Clav. vel sumtuarum aliquam.

58 *Hominis Bruti.*] Ludit in Bruti nomine ex umbigo, quod et appellative in-

telligi potest, *bruti*: declarat sequens, qui *hoc utatur* familiari. Similis ambiguitas faceta est in sequente, et illius Lepidi: qui sane non est lepidus, cum hæc tam leniter fert.

59 *Oñi falsas inscriptiones st. a.*] I. contemno statuas nobis honoris causa positas, quarum inscriptiones falsæ, fictæ sunt, assentandi causa, nec adeo monumenta vera et honorifica, sed si ipse ejusmodi monumentum fecero, id nobis veram gloriam affert. Vulgo accipiunt de mutatis inscriptionibus statuarum. quod nullum aptum loco sensum habet.

modo hiemaris. Cura, ut valeas. ⁶⁰Post Leutricam pugnam die septingentesimo sexagesimo quinto.

CICERO ATTICO S.

2

CUM Philogenes, libertus tuus, Laodiceam ad me, salutandæ causa, venisset, et se statim ad te navigaturum esse diceret; has ei litteras dedi: quibus ad eas rescripsi, quas acceperam a Bruti tabellario. Et respondebo primum postremæ tuæ paginæ; quæ mihi magnæ molestiæ fuit; quod ad te scriptum est a Cincio ⁶¹de Statii sermone: in quo hoc molestissimum est, Statium dicere, a me quoque id consilium ⁶²probari. probari autem? de isto hactenus. dixerim ⁶³me vel plurima vincla tecum summæ conjunctionis optare: ⁶⁴et i sunt amoris arctissima: tantum abest, ut ego ex eo, quo astricti sumus, laxari aliquid velim. ⁶⁵illum autem multa de istis rebus asperius solere loqui, sæpe sum expertus, sæpe etiam lenivi iratum. id scire te arbitror. in hac autem peregrinatione, militiæ nostræ sæpe incensum ira vidi, sæpe placatum. quid ad Statium scripserit, nescio. quidquid acturus de tali re fuit, scribendum tamen ad libertum non fuit. mihi autem erit maxime curæ, ne quid fiat secus, quam volumus, quamque oportet. nec satis est in ejusmodi re, ⁶⁶se quemque præstare: maximæ partes istius officii sunt pueri Ciceronis, sive jam adolescentis: quod quidem illum soleo hortari, ac mihi videtur matrem valde, ut debet, amare, teque mirifice. sed est magnum illud quidem, veruntamen multiplex pueri ingenium: ⁶⁷in quo ego regendo habeo negotii satis. Quoniam

p. 90.
a.

⁶⁰ *Post Leutricam pugnam.*] Inter Milonem et Clodium, qua Clodius interfectus est. puto sic dixisse, quia ea libertus et securitas Romæ sic per Milonem restituta est, ut illa Leutricia Græciæ, a dominatione Lacedæmoniorum liberata per Epaminondam.

⁶¹ *De Statii sermone.*] Qui dixerit, Q. Ciceronem dimissurum uxorem suam, Attici sororem.

⁶² *Probari. probari autem, &c.*] Victorius ait, se hunc locum fæde (in ed. Jens. sqq.) corruptum e codice antiquiori suo sic correxisse. Enimvero sic erat jam in ed. Rom.

⁶³ *Me vel plurima vincula - - optare.*] Scribendum puto *plura*: sc. nedum illud affinitatis vinculum rumpi velim: etsi vincula, quæ sunt ex amore, sunt arctiora

vinculis affinitatis.

⁶⁴ *Etsi sunt.*] Sic ed. Jensoni, &c. Ed. Rom. *sint*, quod Grævius repertum in Mss. suis male recepit: est sententia directe pronuntiata.

⁶⁵ *Illum autem.*] Q. fratrem meum.

⁶⁶ *Se quemque præstare. ac maxime partes i. o., &c.*] Exquisite, se præstare, ipsum facere, quod debeas. at sequens *ac maxime partes sunt*, &c. sine dubio est vitiosum. nam nec cohæret apte antecedenti, nec est bene latinum. Correxì *maximæ partes sunt*, deleta copula. vitium ortum est ab e pro æ, ut sæpe, scriptum et in edd. pr. expressum.

⁶⁷ *Quo ego regendo.*] Scripsit Cicero in quo e. r. sic enim Latini semper: littera m in ingenium absorpsit, ut sæpe. Edd. pr. etiam habent quod.

respondi postremæ tuæ paginæ prima mea; nunc ad primam revertar tuam. Peloponnesias civitates omnes maritimas esse, ⁶⁸ hominis non nequam, sed etiam tuo iudicio probati, Dicæarchi tabulis credidi. is multis nominibus in Trophouiana ⁶⁹ Chæronis narratione Græcos in eo ⁷⁰ reprehendit, quod mare tam secuti sint: nec ullum in Peloponneso locum excipit. cum mihi auctor placeret, (etenim erat *ιστορικώτατος*, et vixerat in Peloponneso,) admirabar tamen; et, vix accredens, communicavi cum Dionysio. atque is primo est commotus: deinde, quod tum ⁷¹ de isto Dicæarcho non minus bene existimabat, quam tu de C. Vestorio, ego de M. Cluvio, non dubitabat, ⁷² quin ei crederemus. ⁷³ Arcadiæ censebat esse Lepreon quoddam maritimum;

b. ⁷⁴ Tenea autem, et Aliphæra, et Tritia *νεώκτιστα* ei videbantur; idque *τῷ τῶν νεῶν καταλόγῳ* confirmabat, ubi mentio non fit istorum. atque istum ego locum totidem verbis a Dicæarcho transtuli. ⁷⁵ Phliasios autem dici sciebam: et ⁷⁶ ita, fac, ut habeas: nos quidem sic habemus. sed primo me *ἀναλογία* deceperat, *Φλιοῦς*, *Ὀποῦς*, *Σιποῦς*. quod *Ὀπούντιοι*, *Σιπούντιοι*. sed hoc continuo correximus. Lætari te nostra moderatione et continentia video. tum id magis faceres, si adesses, atque hoc foro, quod egi ex Idibus Febr. Laodiceæ ad Kalend. Mai. omnium dioecesium, præter Ciliciæ. mirabilia quædam effecimus: ita multæ civitates omni ære alieno liberatæ, multæ valde levatæ sunt: omnes, suis legibus et iudiciis usæ, *αὐτονομίαν* adeptæ, revixerunt. His ego duobus generibus facultatem ad se ære alieno liberan-

68 Hominis non nequam - - Dicæarchi.] Nequam mihi non nptum h. l. videtur: nec reperi sic, pro non satis docto, dici. Conieci non meo tantum.

69 Charonis.] Sic ed. Rom. A Jensonio fluxit Charontis. Habent tamen Charonis et edd. Crat. P. Mamtiii. et sic placuit Corrado et aliis. Ant. Augustinus malebat Charontis. nempe Charon indutus est narrans, quæ in antro Trophouii audisset. In antro Trophonii Charon esse non potuit.

70 Reprehendit, quod mare tam secuti sunt.] Sine dubio corrigendum sint. semper conjunctivus est in hac constructione.

71 De isto Dicæarcho.] An Dicæarcho est a glossatore? Sic videbatur et P. Manatio.

72 Quin ei crederemus.] I. e. credere deberemus: nisi excidit recte vel jure.

73 Arcadiæ esse censebat esse Lepreon quoddam maritimum.] Censebat int. Dicæarchus. Sed quare quoddam? nam est unum tantum. Legendum videtur quoddam: Lepreon urbem, quæ jam esset remotior u mari, olim maritimam fuisse: deinde remotam a mari esse vel aggestu terræ, ut alie, vel tractatam ad interiora. distabat autem tum, ut Strabo tradit, XL stadiis a mari.

74 Tene autem.] Grævius corrigit Tenea. recte. Sic semper Græcis et Latinis dicitur, in singulari. non dubitavi sic corrigere.

75 Phliasios.] Cicero videtur reprehensus esse ab Attico, quod scripsisset Phliuntios.

76 Ita, fac, ut habeas.] I. e. in exemplo tuo (sc. librorum de Rep.) sic corrige: et sic ego in meo exemplo correxi.

das aut levandas dēdi; uno, quod omnino nullus in imperio meo sumtus factus est, (nullum cum dico, non loquor *ὑπερβολικῶς*,) nullus, inquam, ne teruncius quidem. hac autem re, incredibile est, quantum civitates emerſcint. Accessit altera. Mira crant in civitatibus ipsorum furta Græcorum, quæ magistratus sui fecerant. quæſivi ipse de iis, qui annis decem proximis magistratum gesserant. aperte fatebantur. itaque, sine ulla ignominia, suis humeris pecunias populis retulerunt. populi autem, nullo gemitu, publicanis, quibus hoc ipso lustro nihil solverant, etiam superioris lustri reddiderunt. itaque publicanis in oculis sumus. gratis, inquis, viris. sensimus. Jam cetera jurisdictio ⁷⁷ nec imperita, et clemens cum admirabili facilitate. aditus autem ad me minime provinciales. nihil per cubicularium. ante lucem inambulabam domi, ut olim candidatus. grata hæc et magna, mihiq̄e nondum laboriosa ⁷⁸ ex illa vetere militia. Nonis Mai. in Ciliciam cogitabam: ibi cum Junium mensem consumsissem, atque utinam in pace! (magnum enim bellum impendit a Parthis) Quintilem in reditu ^{p. 91.} ponere. annuæ enim mihi operæ a. d. III Kalend. Sext. emerentur. magna autem in spe sum, mihi nihil temporis prorogatum iri. Habebam acta urbana usque ad nonas Martias; c quibus intelligebam, Curionis nostri constantia ⁷⁹ omnia potius actum iri, quam de provinciis. ergo, ut spero, propediem te videbo. Venio ad Brutum tuum, immo nostrum: sic enim mavis. Equidom omnia feci, quæ potui aut in mea provincia perficere, ⁸⁰ aut in regno experiri. omni igitur modo egi cum rege, et ago quotidie, per litteras scilicet. ipsum enim triduum quatrimumve mecum habui turbulentis in rebus, quibus cum liberavi. sed et tum præsens, et postea creberrimis ⁸¹ non destiti rogare et petere mea causa; suadere et hortari sua. multum profeci, sed quantum, non plane, quia longe absum,

⁷⁷ *Nec imperita.*] Falsum hoc. Lege *impedita*: sic et Corrado et Tunstallo placuit, edidit Brutus. Bosius correxit *impetrata* c Ms. mox ed. Rom. *nec demens*, ut Ms. Balliol. quod ex *imperita* natum videtur: et *clemens* Jensonus edidit.

⁷⁸ *Ex illa vetere militia.*] Sc. urbana et forensi, cum causas adhuc ageret.

⁷⁹ *Omnia potius actum iri, quam de provinciis.*] Eum nullo modo concessu-

rum, ut aliquid novi de provinciis decerneretur, ut prorogentur.

⁸⁰ *Aut in regno experiri.*] I (T.) Ariobarzani.

⁸¹ *Non destiti r. et p.*] Sc. ut pecuniam debitam solvat, de quo supra dictum. In Ms. Faerni fuit *creberrimis litteris*, per glossam. at ed. Jens. Asc. &c. *creberrime*. mihi utrumque videtur esse a glossatore. nam frigide abundat, cum res sit in destiti.

scio. Salaminios autem (hos enim poteram coercere (ad-
dixi, ut totum nomen Scaptio vellent solvere; sed cen-
tesimis ductis a proxima quidem syngrapha, ⁸² nec perpe-
tuus, sed renovatis quotannis. numerabantur numi: noluit
Scaptius. ⁸³ tun' qui ais, Brutum cupere aliquid perdere?
quaternas habebat in syngrapha. fieri non poterat: ⁸⁴ nec,
si posset, ego pati possem. audio omnino Scaptium pœni-
tere. nam quod senatus consultum esse dicebat, ut jus ex
syngrapha diceretur; eo consilio factum est, quod pecuniam
Salaminii contra legem Gabiniam sumserant. vetabat au-
tem Auli lex, jus dici de ita sumta pecunia. decrevit igitur
senatus, ut jus diceretur ista syngrapha. nunc ista habet
juris idem, quod ceteræ, nihil præcipui. Hæc a me ordine
b. facta, puto me Bruto probaturum; ⁸⁵ tibi, nescio; Catoni
certe probabo. sed jam ad te ipsum revertor. Ain' tandem
Attice, laudator integritatis et ⁸⁶ elegantiae. *ausus es hoc ex
ore tuo?* inquit Ennius: ut equites Scaptio ad pecuniam
cogendam darem, me rogare? an tu, si mecum esses, qui
scribis morderi te interdum, quod non simul sis, paterere me
id facere, si vellem? non amplius, inquis, quinquaginta.
Cum Spartaco minus multi primo fuerunt. quid tandem isti
mali ⁸⁷ in tam tenera insula. non fecissent? non fecissent
autem? immo quid ante adventum meum non fecerunt?
inclusum in curia senatum habuerunt Salaminium ita mul-
tos dies, ut interierint nonnulli fame. erat enim præfectus
Appii Scaptius, et habebat turmas ab Appio. id me igitur
tu, cujus mehercule os mihi ante oculos solet versari, cum
de aliquo officio ac laude cogito, tu me, inquam, rogas,
præfectus ut Scaptius sit? alias hoc statueramus, ut nego-
tiatorem neminem: idque Bruto probaveramus. habeat is
turmas? cur potius, quam cohortes? ⁸⁸ sumtu jam nepos

⁸² Nec perpetuis, sed renovatis quotan-
nis.] I. e. non quæ semper novas ex se
gignerent usuras, sed quæ tantum quotan-
nis repeterentur. v. Cluv. in *Centesima*.

⁸³ Tun' qui ais B.] Edd. pr. Tu, qui
ais B. Tunstallus, p. 132. corrigit: tun',
queris, Br. cupere aliquid perdere sc. de
pecunia sua. nempe pecunia illa Bruti
erat. malim tun', ais, Brutum, &c.

⁸⁴ Nec si posset, ego pati possem.] In
possem hæsi semper. vel delendum et pote-
ram intelligendum, aut sic scribendum
videtur.

⁸⁵ Tibi, nescio.] Intellige an, vel adde.

sc. sim probaturus.

⁸⁶ Elegantiae nostra.] Nostræ Malaspi-
na et Grævius auctoribus Mas. suis deleri
volebant. at aberat etiam ed. Rom. non
dubitavi delere. Loquitur de integritate
et elegantia universæ. elegantiae, i. e. recti
in agendo judicii.

⁸⁷ In tam tenera insula.] Cypro sc.
ubi homines molles, minus fortes, qui non
resistere, nec ferre ullam vim possent mi-
litarem.

⁸⁸ Sumtu jam nepos evasit Scaptius.]
Sic Victorius e vestigiis codicis sui edi-
disse se dicit. Sed id jam erat in margine

evadit Scaptius. Volunt, ⁸⁹ inquis, principes. scio. nam ad me Ephesum usque venerunt, flentesque equitum scelera, et miserias suas detulerunt. itaque statim dedi litteras, ut ex Cypro equites ante certam diem decederent: ob eamque causam, tum ⁹⁰ ob ceteras, Salaminii nos in cælum decretis suis sustulerunt. sed jam quid opus equitatu? solvunt enim Salaminii. nisi forte id volumus armis efficere, ut fœnus quaternis centesimis ducant. et ego audebo legere umquam, aut attingere ⁹¹ eos libros, quos tu dilaudas, si tale quid fecero? nimis, nimis, inquam, in isto Brutum amasti, dulcissime Attice: nos, vereor, ne parum. atque hæc, scripsi ego ad Brutum, scripsisse te ad me. cognosce nunc cetera. Pro Appio ⁹² nos hic omnia faciemus; honeste tamen, sed plane libenter: nec enim ipsum odimus: et Brutum amamus: et Pompeius mirifice a me contendit; quem mcherecule plus plusque in dies diligo. C. Cœlium quæstorem huc venire audisti. nescio, quid sit: sed, ⁹³ Pammenia illa mihi non placent. Ego me spero Athenis fore mense Septembri. tuorum itinerum tempora scire sane velim. *ἐνθελειαν* Sempronii Rusi cognovi ex epistola tua Corcyræa. quid quæris? invideo potentiae Vestorii. Cupiebam etiam nunc plura garrere; sed lucet: urget turba: festinat Philogenes. Valebis igitur, et valere Piliam et Cæciliam nostram jubebis litteris: salvebis a meo Cicerone.

CICERO ATTICO S.

3

ETSI nil sane habebam novi, quod post accidisset, quam dedissem ad te Philogeni, liberto tuo, litteras: tamen cum Philotinum Romam remitterem; scribendum aliquid ad te fuit. Ac primum illud, quod me maxime angebat, (non

ed. Cratandri, nescio unde, quæ in textu habet, *sumtum jam nec rudes pascet Scaptius*. Atque eo pertinet, quod Victorius dicit, hanc lectionem jam perspexisse videri Germanos. sensus est: non est mirum, eum sumtuosius militum genus habere velle: nam omnino jam sit sumtuosior. edd. pr. *sumtum jam ne posse evadit Scaptius*. Pro *evadit* e vestigiis horum librorum malim *evadit*.

89 *Inquis*.] Mss. quidam, et edd. Jenson. Asc. Ald. Crat. &c. *inquit*. quod melius videtur Græviu. illud Victorius dedit, quod est in ed. Rom. Videtur utique ad Atticum potius pertinere, quam

ad Scaptium. Ceterum ironice id dictum.

90 *Ob ceteras*.] Ex ed. Jensoni fluxit. Ed. Rom. habet *cetera*, quod et in Mss. suis reperit Grævius, quod malim.

91 *Eos libros quos, &c.*] Int. libros de republica.

92 *Nos hic omnia faciemus*.] Sic Græv. se ait edidisse e duobus Mss. suis, eumque se imitatum esse dicit Gronovius. at sic etiam edd. pr. Rom. Jems. Asc. Aldi. Primus facimus edidit P. Manutius. Sed id tamen mihi melius videtur. nam dudum fecerat: ut est in ep. seq.

93 *Pammenia*.] Negotia Pammenis, de quibus supra, V, 20. extr.

quo me aliquid juvare posses: ⁹⁴quippe res enim est in manibus: tu autem abes longe gentium:

Πολλὰ δ' ἐν μεταχειρίῳ

Νότος κυλινδει κύματ' εὐρείης ἀλός) ⁹⁵obrepsit dies, ut vides, (michi enim a. d. III Kal. Sext. de provincia decedendum est,) nec succeditur. quem relinquam, qui provinciæ præsit? Ratio quidem et opinio hominum postulat fratrem: primum, quod videtur esse honos: nemo igitur potior: deinde, quod solum habeo prætorium. Pomtinus enim ⁹⁶ex pacto et conventu (nam ea lege exierat) jam a me discesse-
 rat. Quæstorem nemo dignum putat. etenim est levis, libidinosus, sagax. De fratre autem primum illud est: per-
 suaderi ei non posse arbitror. odit enim provinciam et her-
 cule nihil odiosius, nihil molestius. deinde, ut mihi nolit ne-
 gare; quidnam mei sit officii? cum bellum esse in Syria magnum putetur, id videatur in hanc provinciam. eruptu-
 rum; hic præsidii nihil sit; sumtus annuus decretus sit; videaturne aut pietatis esse meæ, fratrem relinquere; aut diligentia, nugarum aliquid relinquere? magna igitur, ut vides, sollicitudine afficior, magna inopia consilii. quid quæris? ⁹⁷toto negotio nobis opus non fuit. ⁹⁸quanto tua provincia melior? decedes, cum voles; nisi forte jam decessisti: quem videbitur, præficies Thesprotiæ et Chaoniæ. necdum tamen ego Quintum conveneram, ut jam, si id placeret, scirem, possetne ab eo impetrari: nec tamen, ⁹⁹si posset, quod vellem, habebam. Hoc est igitur ejusmodi. reliqua plena adhuc et laudis et gratiæ, digna iis libris, ¹⁰⁰quos tu laudas. conservatæ civitates; cumulate publica-
 nis satisfactum: offensus contumelia nemo; decreto justo et severo perpauci; nec tamen quisquam, ut queri audeat. res gestæ dignæ triumpho: de quo ipso nihil cupide age-
 mus; sine tuo quidem consilio certe nihil. Clausula est

94 Quippe res enim.] Sic ed. Jens. et proxima. enim omittit Rom. Aldi, &c. omisit et Grævius. barro tamen, an quippe enim sic dicatur ut quippe quia. nec de-
 lere aous sunt.

95 Obrepsit dies.] Credo legendum obrepit. nam nondum aderat dies ille.

96 Ex p. et conventu.] Bosius e suis libris scr. dicit se edere conventu. Sed ita eodd. vet. omnes usque ad P. Manu-
 tinum, qui fecit conventu. et alibi illa forma est apud Ciceronem.

97 Toto negotio nobis opus non fuit.]

Int. provinciæ suscipiendæ et adminis-
 trandæ. debebamus provinciam non reci-
 pere.

98 Quanto tua provincia melior.] Hæc
 per joenum dicta sunt.

99 Si posset.] Recte restituit Grævius
 si pro nisi, quod nescio quomodo primum
 in ed. Viet. irrepsit, et a Grutero serva-
 tum est.

100 Quos tu laudas.] Restitui lectio-
 nem edd. pr. pro quos dilaudas. nam addi
 deberet tu, ut ep. superiori: repetitum
 est ex eadem epistola.

difficilis in tradenda provincia. sed hæc Deus aliquis gubernet. De urbanis rebus scilicet plura tu scis; sæpius et certiora audis. equidem doleo, non me tuis litteris certior fieri. huc enim odiosa afferebantur de Curione, de Paulo: non quo ullum periculum videam stante Pompeio, vel etiam sedente; valeat modo: sed mehercule Curionis et Paulli, meorum familiarium, vicem doleo. formam igitur mihi totius reipublicæ, si jam es Romæ, aut cum eris, velim mittas, quæ mihi obviam veniat, ex qua me fingere possim, et præmeditari, quo animo accedam ad urbem. est enim quiddam, advenientem non esse peregrinum atque hospitem. Et, quod pæne præterii, Bruti tui causa, ut sæpe ad te scripsi, feci omnia. Cyprii numerabant. sed Scaptius centesimis, renovato in singulos annos tenore, contentus non fuit. Ariobarzanes non in Pompeium prolixior per ipsum, quam per me in Brutum: ¹ quem tamen ego præstare non poteram. erat enim rex perpauper; aberamque ab eo ita longe, ut nihil possem, nisi litteris; quibus pugnare non destiti. summa hæc est. pro ratione pecuniæ ² liberalius est Brutus tractatus, quam Pompeius. Bruto curata hoc anno talenta circiter c. Pompeio in sex mensibus promissa cc. jam in Appii negotio quantum tribuerim Bruto, dici vix potest. quid est igitur, quod laborem? Amicos habet meras nugas, Matinium, Scaptium; qui, quia non habuit a me turmas equitum, quibus Cyprum vexaret, ut ante me fecerat, fortasse succenset; aut quia præfectus non est, quod ego nemini tribui negotiatori; non C. Vennonio, meo familiari; non tuo M. Lenio; et ³ quod tibi Romæ ostenderam me servaturum, in eo perseveravi. sed quid poterit queri is, qui, auferre pecuniam cum posset, noluit? Scaptio, qui in Cappadocia fuit, puto esse satisfactum. is a me tribunatum cum accepisset, quem ego ex Bruti litteris ei detulissem, postea scripsit ad me, se uti nolle eo tribunatu. Gavius est quidam; cui cum præfectu-

¹ Quem tamen, &c.] Int. regem, non possum pro certo dicere, cum pecuniam solaturum Bruto, quam debet.

² Liberalius est Br. tr.] Pro vulgato *Liberius restitui liberalius*, quod Bosius et Gruterus receperunt, Grævius et Gronovius repudiaverunt, etsi probabant cum Victorio. nam in tanta evidentia nihil dubitationis est, quo minus recipiatur etiam sine

libris, ut multa alia. *liberaliter tractari* est apud eundem Ciceronem in ep. ad Div. Compendium scripturæ attulit vitium.

³ Quod tibi - in eo perseveravi.] Secutus sum Ursini librum, cujus lectionem structura orationis desiderat, pro vulgato *in quo*.

ram detulissem Bruti rogatu, multa et dixit et fecit cum quadam mea contumelia P. Clodii canis. is me nec proficiscentem Apameam prosecutus est; nec, cum postea in castra venisset, atque inde discederet, numquid vellem, rogavit; et fuit aperte mihi, nescio quare, non amicus. hunc ego si in praefectis habuissem, quem tu me hominem putares? qui,
 b. ut scis, potentissimorum hominum contumaciam numquam tulerim, ferrem hujus adseclae? etsi hoc plus est, quam ferre, tribuere etiam beneficii aliquid et honoris. is igitur Gavius, cum Apameae me nuper vidisset Romam proficiscens, me ita appellavit: (Culleolum vix auderem:) unde, inquit, me jubes potere cibaria praefecti? respondi lenius, quam putabant oportuisse, qui aderant; me non instituisse iis dare cibaria, quorum opera non essem usus. abiit iratus. ⁴hujus nebulonis obiratione si Brutus moveri potest, licebit eum solus ames; me æmulum non habebis. sed illum eum futurum esse puto, qui esse debet. tibi tamen causam notam esse volui: et ad ipsum hæc perscripsi diligentissime. omnino ⁵(soli enim sumus) nullas umquam ad me litteras misit Brutus, ne proxime quidem de Appio, in quibus non inesset arrogans, ἀκονώρητον aliquid. tibi autem valde solet in ore esse,

Granius autum

Non contemnere se, et reges odisse superbos:

in quo tamen ille mihi risum magis, quam stomachum, movere solet: sed plane parum cogitat, quid scribat, aut ad quem. Q. Cicero puer legit, ut opinor, et certe, epistolam inscriptam patri suo. solet enim aperire, idque de meo consilio; si quid forte sit, quod opus sit sciri. in ea autem epistola erat illud idem ⁶de sorore, quod ad me. mirifice conturbatum vidi puerum. lacrymans mecum est questus. quid quæris? miram in eo pietatem, suavitatem, humanitatemque perspexi: quo majorem spem habeo, nihil fore aliter, ac deceat. id te igitur scire volui. Ne illud quidem prætermittam: Hortensius, filius, fuit Laodiceæ, gladiatoribus, flagitiose et turpiter. hunc ego patris causa vo-

⁴ Hujus nebulonis obiratione.] Obiratione est a Besio, qui in uno Ms. se reperisse dicit, pro antiquo operatione. Sed id verbum etsi analogiam habet, tamen nusquam alibi occurrit, credoque cum Laminino legendum esse oratione, præsertim

cum in Ms. fuerit peroratione.

⁵ Soli enim sumus.] Nemo ergo audit, quæ tibi dico de Bruto. ex Terentio est.

⁶ De sorore, quod ad me.] Scripseras ep. superiore: eam Quintum dimittere velle.

cavi ad cenam, quo die venit; et ejusdem patris causa ⁷ nihil amplius. is mihi dixit, se Athenis me exspectaturum, ut mecum decederet. recte, inquam: quid enim dicerem? omnino puto nihil esse, quod dixit. ⁸ nolo quidem; ne offendam patrem, quem mehercule multum diligo. sin fuerit meus comes, moderabor ita, ne quid eum offendam, quem minime volo. Hæc sunt; etiam illud. Orationem Q. Celeris mihi velim mittas contra M. Servilium. litteras mitte quamprimum: si nihil; nihil fieri, vel per tuum tabellarium. Piliæ et filiæ salutem. Cura, ut valeas.

CICERO ATTICO S.

4

TARSUM venimus nonis Juniis. ibi me multa moverunt: magnum in Syria bellum; magna in Cilicia latrocinia; mihi difficilis ratio administrandi, quod paucos dies habebam reliquos anni muneris: illud autem difficillimum; relinquendus erat ex senatus consulto qui præesset. nihil minus probari poterat, quam quæstor Mescinius. nam de Coelio nihil audiebamus. rectissimum videbatur, fratrem cum imperio relinquere: in quo multa molesta, discessus noster, belli periculum, militum improbitas, sexcenta præterea. o rem totam odiosam! sed hæc fortuna viderit: quoniam consilio non multum uti licet. Tu, quando Romam salvus, ut spero, venisti, videbis, ut soles, omnia, quæ intelliges nostra interesse, in primis de Tullia mea: cujus de conditione quid mihi placeret, scripsi ad Terentiam, cum tu in Græcia esses: deinde de honore nostro. quod enim tu abfuisti, vereor ut satis diligenter actum in senatu sit de litteris meis. Illud præterea *μυστικώτερον* ad te scribam: tu sagacius odorabere: *τῆς δάμαρτός μου ὁ ἀπελεύθερος (οἶσθα ὃν λέγω) ἔδοξε μοι πρώην, ἐξ ὧν ἀλογυνόμενος παρεφθέγγετο, ἡ πεφυρακέναι τὰς ψήφους ἐκ τῆς ὠνῆς τῶν ὑπαρχόντων τοῦ Κροτωνιάτου τυραννοκτόνου. δέδοικα δὲ, μήτι νοήσης. εἰς δῆπου τοῦτο δὴ περισκεψάμενος, τὰ λοιπὰ ἐξασφάλισαι.* non quæo tantum, quantum vereor, scribere. Tu autem fac, ut mihi tuæ

⁷ *Nihil amplius.*] Int. feci. intelligit autem, se eum non reprehendisse, coercuisse, ne patrem offenderet, ut e sqq. patet.

⁸ *Nolo quidem, ne o. p.*] Obscurius hoc est, et nescio an vitiosum. Sensus esse debet, ut Manlius vidit: nolo qui-

dom eum esse in comitatu meo, ne offendam patrem, si habuero. Sed quare hoc timebat? an excidit non? *nolo quidem:* non cum prohibebo a comitatu meo: nam hoc poterat patrem offendere.

litteræ volent obviæ. Hæc festinans scripsi in itinere atque agmine. Piliæ et puellæ Cæciliæ bellissimæ salutem dices.

5

CICERO ATTICO S.

NUNC quidem profecto Romæ es: quo te, si ita est, sal-
vum venisse gaudeo: unde quidem quamdiu abfuisti, ⁹ma-
gis a me abesse videbare, quam si domi esses. minus enim
mihi meæ notæ res erant, minus etiam publicæ. quare velim,
etsi, ut spero, te hæc legente ¹⁰aliquantum viæ processero,
tamen obvias mihi litteras quam argutissimas de omnibus
rebus crebro mittas, in primis de quo scripsi ad te antea:
τῆς ξυναύρου τῆς ἐμῆς οὐξ ἐλευθέρος, ἔδοξέ μοι θαμὰ βατταρίζων,
καὶ ἀλύνων τοῖς ξυλλόγοις, καὶ ταῖς λίσχαις ὑπὸ τι πιφυρακέναι
τὰς ψήφους ἐν τοῖς ὑπάρχουσι τοῖς τοῦ Κροτωνιάτου. hoc tu
indaga, ut soles; ast hoc magis. ἐξ ἄστεως ἐπταλόφου τειχῶν
παρέδωκεν μνῶν κδ. μη. ὀφειλημάτων Καμίλλω. ἐαυτὸν τε ὀφεί-
λονται μνᾶς κδ. ἐκ τῶν Κροτωνιατικῶν καὶ ἐκ τῶν Χερρόνη-
σιατικῶν μη' καὶ μνᾶς κληρονομήσας χμ. χμ. τούτων δὲ μηδὲ
ὀβολὸν διαλύσασθαι, πάντων ὀφειληθέντων τοῦ δευτέρου μηνὸς
τῇ νομηνίᾳ. τὸν δὲ ἀπελεύθερον αὐτοῦ, ὄντα ὁμώνυμον τῇ
p. 95. Κόνωνος πατρὶ, μηδὲν ὀλοσχερῶς πεφροντικέναι. ταῦτα οὖν,
a. πρῶτον μὲν, ἵνα πάντα σώζηται· δεύτερον δὲ, ἵνα μηδὲ τῶν τόκων
ὀλιγωρήσης τῶν ἀπὸ τῆς προεκκειμένης ἡμέρας. ὅσας αὐτὸν ἡνέ-
γκαμεν σφόδρα δέδοικα. καὶ γὰρ παρῆν πρὸς ἡμᾶς κατασκευόμενος,
καὶ τι σχεδὸν ἐλπίσας· ἀπογνοῦς δὲ, ἀλόγως ἀπέστη, ἐπειπῶν,
εἶκω· αἰσχρόν τοι δηρὸν τε μένειν· meque objurgavit vetere
proverbio, τὰ μὲν διδόμενα. Reliqua vide, et, quantum fieri
potest, ¹¹prospiciamus. Etsi annum tempus prope jam
emeritum habebamus: dies enim XXXIII erant reliqui:
sollicitudine provinciæ tamen vel maxime urgebamus. cum
enim arderet Syria bello; et Bibulus, in tanto mœrore suo,
maximam curam belli sustineret; ad meque legati ejus, et
quæstor, et amici litteras mitterent, ut subsidio venirem:
etsi exercitum infirmum habebam; auxilia sane bona, sed

9 Magis - - quam si domi esses.] Nam
in Græcia cum esset Atticus, proprie mi-
nus aberat a Cicerone, quam cum esset
Romæ.

volebat Grævius tamen. recte, ego delevi.
abest et ab ed. Rom. Ceterum tamen na-
tum esse potest & jam.

11 Prospiciamus.] Grævius bene cor-
rigit prospiciamus.

10 Aliquantum viæ processero.] Deleri

ca Galatarum, Pisidarum, Lyciorum; hæc enim sunt nostra roborā: tamen esse officium meum putavi, exercitum habere quamproxime hostem, quoad mihi præesse provinciæ per senatus consultum liceret. sed, quo ego maxime delectabar, Bibulus molestus mihi non erat; de omnibus rebus scribebat ad me potius: et mihi decessionis dies λεληθώς obreptat: qui cum advenerit, ἄλλο πρόβλημα, quem præficiam; nisi Calvus quæstor venerit; de quo adhuc nihil certi habebamus. Cupiebam mehercule longiorem epistolam facere: sed nec erat res, de qua scriberem; nec joculari præ cura poteram. Valebis igitur, et puellæ salutem Atticulæ dices, nostræque Piliæ.

CICERO ATTICO S.

6

EGO, dum in provincia omnibus rebus Appium orno, subito sum factus accusatoris ejus socer. id quidem, inquis, dii approbent. ita velim: teque ita cupere certo scio. sed crede mihi, nihil minus putaram ego; qui ¹² de Ti. Nerone, qui mecum egerat, certos homines ad mulieres miseram; qui Romam venerunt, factis sponsalibus. sed hoc spero melius. mulieres quidem valde intelligo delectari obsequio et comitate ¹³ adolescentis. cetera noli ἐξ ακανθίζειν. Sed heus tu, πυροῦς εἰς ἤμυν Athenis? placet hoc tibi? etsi non impediabant ¹⁴ mei certe libri (non enim ista largitio fuit in cives, sed in hospites liberalitas) me tamen ¹⁵ de Academiæ προπύλῳ jubes cogitare; cum jam Appius de Eleusine non cogitet. De Hortensio te certo scio dolere. equidem exerceor. decreram enim cum eo valde familiariter vivere. Nos provinciæ præfecimus Cœlium: puerum, inquires, et fortasse fatuum, et non gravem, et non continentem. assentior: fieri non potuit aliter. Nam quas multo ante tuas acceperam litteras, in quibus ἐπέχειν te scripseras, quid esset mihi faciendum de relinquendo; eæ me pungebant. Videbam enim, quæ tibi essent ἐποχῆς causæ; et erant eædem mihi: ¹⁶ puero tradere me? fratri autem? illud non utile

¹² De Ti. Nerone.] Est is, qui postea Liviam duxit, tum Tulliam petebat.

¹³ Adolescentis.] Dolabellæ: qui tum, cum Tulliam dacebat, jam consul fuerat. Sed consul creatus est longe ante ætatem legitimam, anno quinto et vicesimo, ut Dio tradit.

¹⁴ Mei certe libri.] De republica.

¹⁵ De Acad. προπύλῳ.] Sc. ædificando. in sequente de Eleusine puto aliquid latere in Appium.

¹⁶ Puero tradere me: fratri autem.] Hæc interrogative accipiendæ sunt. ne abest edd. pr. Sequens illud non utile nobis non intelligo quomodo coherereat reliquæ orationi. Referunt ad fratrem: sed

nobis. Nam præter fratrem nemo erat, quem sine contumelia quæstori, nobili præsertim, anteferebam. tamen, dum impendere Parthi videbantur, statueram fratrem relinquere, aut etiam reipublicæ causa contra senatus consultum ipse remanere: qui posteaquam, incredibili felicitate, discesse-
 runt; sublata dubitatio est. videbam sermones: hui! fratrem reliquit? num est hoc, non plus annum obtinere provinciam? quid, quod senatus eos voluit præesse provinciis, qui non præfuissent? at hic triennium. ergo ¹⁷ hæc ad populum. Quid, quæ tecum? numquam essem sine cura, si
 p. 96. a. quid iracundius, aut contumeliosius, aut negligentius;
¹⁸ quæ fert vita hominum. quid, si quid filius puer, et puer bene sibi fidens? qui esset dolor? quem pater non dimittebat; teque id censere, moleste ferebat. At nunc Coelius,
¹⁹ non dico equidem, quid egerit; sed tamen multo minus laboro. Adde illud: Pompeius, eo robore vir, iis radicibus, Q. Cassium sine sorte delegit, Cæsar Antonium: ego sorte datum offenderem? ut etiam inquireret in eum, quem reliquisset? Hoc melius: et hujus rei plura exempla: senectuti quidem nostræ profecto aptius. At te apud eum, dii boni! quanta in gratia posui; eique legi litteras non tuas, sed librarii tui. Amicorum litteræ me ad triumphum vocant, rem a nobis, ut ego arbitror, propter hanc *παλιγγενεσίαν* nostram, non negligendam. quare tu quoque, mi Attice, incipe id cupere; quo nos minus inepti videamur.

7

CICERO ATTICO S.

QUINTUS filius, pie sane, me quidem certe multum hortante, sed currentem, animum patris sui sorori tuæ reconciliavit. eum valde etiam tuæ litteræ excitarunt. quid quæris? confido rem, ut volumus, esse. Bis ad te antea scripsi de re mea familiari, si modo tibi redditæ litteræ sunt, Græce, ἐν αἰνιγμοῖς. scilicet, ²⁰ nihil est movendum. sed

ita non addidisset illud: quod si abesset, omnia facilia forent.

¹⁷ Hæc ad populum.] l. c. hæ rationes pertinent ad rempublicam et iudicium populi de successore a me relicto.

¹⁸ Quæ fert vita hominum.] Lenius dixit, quam sensit. Quintus erat iracundior, vehementior, &c. et in eo genere sæpe peccarat in Asiæ administratione, ut ex epistola Ciceronis ad eum de administratione provinciæ, intelligitur.

¹⁹ Non dico eq. quid egerit.] Sensus est: non possum quidem commemorare multa, quæ ipse in provincia fecerit, ad probandam ejus dignitatem.

²⁰ Nihil est movendum.] Int. non jure et severe agendum est ad exigendam pecuniam. mox ita mihi suspectum est. nam et durum h. l. est, et, si deleatur, omnino salva et facilia sensu sunt. Est autem ita primum in ed. Jens. Rom. habet aut. in qua est etiam ante, receperit.

tamen, ἀφελῶς percunctando de nominibus Milonis, et, ut expediat, ut mihi recepit, hortando, aliquid ita tu proficies. Ego Laodiceæ quæstorem Mescinium ²¹exspectare jussi, ^{b.} ut confectas rationes lege Julia apud duas civitates possim relinquere. Rhodum volo puerorum causa: inde quamprimum Athenas: etsi etesiæ valde reflant: sed plane volo his magistratibus, quorum voluntatem in supplicatione sum expertus. Tu tamen mitte mihi, quæso, obviam litteras, numquid putes reipublicæ nomine tardandum esse nobis. Tiro ad te dedisset litteras, nisi cum ²²graviter ægrum reliquissem. sed nuntiant, melius esse. ego tamen angor. nihil enim illo adolescente castius, nihil diligentius.

CICERO ATTICO S.

8

CUM instituissem ad te scribere, calamumque sumsissem, Battonius e navi recta ad me venit domum Ephesi, et epistolam tuam reddidit 11 Kal. Octobres. Lætatus sum felicitate navigationis tuæ, opportunitate Piliæ, etiam meherecule sermone ejusdem de conjugio Tulliæ meæ. Battonius autem miros terrores ad me attulit Cæsarianos: cum Lepta etiam plura locutus est: spero, falsa, sed certe horribilia: exercitum nullo modo dimissurum: cum illo prætores designatos, Cassium tribunum plebis, Lentulum consulem facere: Pompeio in animo esse, urbem relinquere. Sed heus tu, numquid moleste fers ²³de illo, qui se solet anteferre patruo sororis tuæ filii? at a quibus victus? sed ad rem. Nos etesiæ vehementissime tardarunt. ²⁴detraxit xx ipsos dies etiam aphractus Rhodiorum. Kal. Octob. Epheso conscendentes hanc epistolam dedimus L. Tarquittio, simul e portu egredienti, sed expeditius naviganti. nos Rhodiorum aphractis, ceterisque longis navibus tranquilli-

p. 97.
a.

21 *Exspectare jussi.*] Hæc est lectio ed. Rom., eaque optima, revocata a P. Manutio, Lambino, &c. In aliis ut in scriptis varie interpolatus est.

22 *Graviter ægrum Issi reliquissem.*] Issi est e conjectura P. Manutii. alii aliud nomen exsculpere e lectione Jens. Escæ vel excoagitare tentarunt. Tunstallus, p. 144. corr. ἀσπρία. Nil melius quam sequi ed. Rom. quæ tantum habet quod edidi.

23 *De illo.*] Corradus in quæstura intelligit M. Catonem, alii Hirrum: quod verius. is igitur competitor Ciceronis in

augurato, qui etiam in ædilitatis petitione a Cælio Rufo victus erat, ut e Cælii epistola 3. constat.

24 *Detraxit - - aphractus.*] Hoc sine dubio vitiosum est. Ms. Ursini habebat *detrazere* - - *aphractus*: unde Tunstallus, p. 144. fecit: *detrazeram et jam aphractus Rhodiorum - - Epheso conscendentes. Detrazere* verum puto: pertinetque ad *etesiæ*. tum post *dies* interpungam. *etiam aphractus Rh.* sc. detraxit nobis aliquid dierum, nempe propter imbecillitatem navigii, quam tribuit aphractis, V, 13. et inf.

tates aucupaturi eramus. ita tamen properabamus, ut non posset magis. De raudusculo Puteolano, gratum. Nunc velim dispicias res Romanas: videas quid nobis de triumpho cogitandum putes; ad quem amici me vocant. ego, nisi Bibulus, qui, ²⁵ dum unus hostis in Syria fuit, pedem porta non plus extulit, quam domo sua, adniteretur de triumpho, æquo animo essem. nunc vero αἰσχροὺν σιωπᾶν. sed explora rem totam: ut, quo die congressi erimus, consilium capere possimus. At multa; qui et properarem, et ei litteras daren, qui aut mecum, aut paullo ante venturus esset. Cicero tibi plurimam salutem dicit. tu dices utriusque nostrum verbis et Piliæ tuæ, et filiae.

9

CICERO ATTICO S.

IN Piræca cum exissem prid. Idus Octob. accepi ab Acasto, servo meo, statim tuas litteras: quas quidem cum expectassem jam diu, admiratus sum, ut vidi obsignatam epistolam, brevitatem ejus, ut aperui, rursus σύγχυσιν litterularum, ²⁶ quæ solent tuæ compositissimæ et clarissimæ esse: ac, ne multa, cognovi ex eo, quod ita scripseras, te Romam venisse a. d. XII Kalend. Octob. cum febris percussus vehementer, nec magis, quam debui, statim quæro ex Acasto. ille et tibi et sibi visum, et ita se domi ex tuis audisse, ut nihil esset incommode. id videbatur approbare, quod erat in extremo, febriculam tum te habentem scripsisse. sed amavi tamen, admiratusque sum, quod nihilo minus ad me tua manu scripsisses. quare de hoc satis. spero enim, quæ tua prudentia et temperantia est, et hercule, ut me jubet Acastus, confido te jam, ut volumus, valere. A Turannio te accepisse meas litteras gaudeo. παραφύλαξον, si me amas, τὴν ²⁷ τοῦ φυρατοῦ φιλοτιμίαν αὐτότατα. hanc, quæ me hercule mihi magno dolori est: dilexi enim hominem. procura, quantulacumque est, Præcianam hereditatem, prorsus

²⁵ Dum unus hostis in Syria fuit.] Sic non dubitavi rescribere pro *homines* ex ep. 2. L. VII. ubi eandem rem eodem modo dicit: *qui pedem porta, quoad hostis eis Piræphratem fuit, non extulit: - - quam domo sua sc. Roma: in consulatu, cum per oculo menses non egressus est domo, metn Cæsaris.*

²⁶ Quæ solent tuæ compositissimæ, &c.] Mss. quidam *copiosissimæ*: sic et ed. Jens.

et quæ ex ea fluxere. probat Junius et, ut videtur, Grævius: ut hoc opponatur brevitati, ut alterum, *clarissimæ*, confusioni. Sed hic de sola confusione sermo est, cognita post apertas litteras: tuæ int. cum a te ipso litteræ scriptæ sunt.

²⁷ Τοῦ φυρατοῦ φιλοτ.] Philotimi liberti. mox dices iterum int. Philotimo, cum volet illam hereditatem, velut meo nomine, exigere.

ille ne attingat. dices, numos mihi opus esse ad apparatus triumphi: in quo, ut præcipis, nec me *κενὸν* in expetendo cognosecs, nec *ἀτυφον* in abjiciendo. Intellexi ex tuis litteris, te ex Turannio audisse, a me provinciam fratri traditam. adeon' ego non perspexeram prudentiam litterarum tuarum? *ἐπέχειν* te scribebas. quid erat dubitatione dignum, si esset quidquam, cur placeret fratrem, et talem fratrem, relinqui? *ἀθέτησις* ista mihi tua, non *ἐποχή*, videbatur. monebas de Q. Cicerone puero, ut eum quidem neutiquam relinquerem. *τοῦμὸν ὄνειρον ἐμοί*. eadem omnia, quasi collocuti essemus, vidimus. non fuit faciendum aliter, meque *ἐπιχρονία ἐποχή* tua dubitatione liberavit. sed puto te acceperisse de hac re epistolam, scriptam accuratius. Ego tabellarios postero die ad vos eram missurus, quos puto ante venturos, quam nostrum Saufeium. sed cum sine meis litteris ad te venire, vix rectum erat. Tu mihi, ut polliceris, de Tulliola mea, id est, de Dolabella, perscribas; de republica, quam prævideo in summis periculis; de censoribus, maximeque ²⁸ de signis, tabulis, quid fiat, referaturne. Idibus Octob. has dedi litteras: quo die, ut scribis, Cæsar Placentiam legiones quatuor. quæso, quid nobis futurum est? ²⁹ In arce Athenis statio mea nunc placet.

28 De signis, tabulis quid fiat: referaturne.] Intell. de modo signorum et tabularum, et an censores ad senatum referant, ut modus luxuriæ in eo genere statuatur.

29 In arce Ath.] Sic bene Victorius: sic fere ed. Rom. nisi quod pro *in arce* vitiose est *marte*. Est jocus. malim hic manere, quam Romam venire, ubi nihil securum jam est.

EPISTOLARUM

AD

ATTICUM

LIBER VII.

ARGUMENTUM.

Continentes sunt libri hujus epistolæ cum superioribus, ut hæc ipsa prima illa esse videatur, quam proxima superiore, postero die se daturum, promiserat. Scriptæ porro sunt partim ex itinere, dum ex provincia rediit: partim ex fuga, quam, audito Caesaris adventu, cum consulibus totoque senatu excutus est. Nam cum ad urbem prid. Non. Januarii accessit, ibidemque spe triumphi, quem sibi frequens senatus, ut ipsemet scribit ad Tironem, efflagitabat, moratur: XIII Kal. Febr. mentio illo, ut diximus, accepto, coactus est exire, atque eam cogitationem omittere. Etenim, cum in sententiam Scipionis S. C. factum esset, ut ante certam diem Caesar exercitum dimitteret: si non faceret, cum adversus remp. facturum videri: eique S. C. M. Antonius, Q. Cassius tribunus pleb. intercessissent: de intercessione relatum, acerbissimeque decretum fuisset: illi, urbe cedentes, ad Casarem se, qui tum erat Ravennæ, contulissent: Caesar, iis maxime auctoribus, trajecto Rubicone, Arminum, quod erat extra provinciam illius, cum venisset, tantus pavor repente urbem invasit, ut passim fuga turpissima facta sit. Continent autem Epistolæ priores, a prima usque ad decimam, quæ incipit, Subito consilium cepi, hasitationem, sollicitudinem, quæ Ciceronis animi, quoniam modo cum Casare Pompeioque se gereret, cum utrique esset amicus, et illum uterque suis annumeraret: posteriores usque ad finem libri, cum multa alia, tum querelam de Pompeio: tum sine ratione gesta esse omnia ab illo atque geri; accusationem impudentiæ Caesaris: legationem L. Caesaris ad Pompeium et consules, C. Caesaris nomine: et quæ illi ad hæc responderint. Reliqua privata sunt. Scriptæ porro sunt illæ L. Paullo, C. Marcello Coss. Illud etiam sciendum, abfuisse Ciceronem annum et menses circiter octo. Profectus est enim in provinciam ineunte Maio, Ser. Sulpicio et M. Marcello Coss. in eaque et in itinere L. Paulli et C. Marcelli consulatu consumto, ad urbem fuit, prid. Non. Jan. consulatum L. Lentulo et C. Marcello ineuntibus.

CICERO ATTICO S.

DEDERAM equidem L. Saufeio litteras, et dederam ad te unum, quod, cum non esset temporis mihi ad scribendum

satis, tamen hominem tibi tam familiarem sine meis litteris ad te venire nolebam. sed, ¹ut philosophi ambulant, has tibi redditum iri putabam prius. sin jam illas accepisti, scis, me Athenas venisse prid. Idus Octobres; e navi egressum in Piræeum tuas ab Acasto nostro litteras accepisse; conturbatum, quod cum febre Romam venisses; bono tamen animo esse coepisse, quod Acastus ea, quæ vellem, de allevato corpore tuo nuntiaret; ²cohorruisse autem me, quod tuæ litteræ de legionibus Cæsaris afferrent; et egisse tecum, ut videres, ne quid φιλοτιμία ejus, quem nosti, nobis noceret; de quo jam pridem ad te scripseram. Turannius autem ³secus tibi Brundisii dixerat; quod ex iis litteris cognovi, quas a Xenone, optimo viro, accepi. Cur fratrem provinciæ non præfecissem, exposui breviter. hæc fere sunt in illa epistola. Nunc audi reliqua. Per fortunas! omnem tuum amorem, quo tu es amplexus, omnemque tuam prudentiam, quam mehercule in omni genere judico singularem, ⁴confer te jam ad eam curam, ut de omni statu meo cogites. videre enim mihi videor tantam dimicationem; nisi idem Deus, qui nos melius, quam optare auderemus, Parthico bello liberavit, respexerit rempublicam; sed tantam, quanta numquam fuit. ⁵age, hoc malum mihi commune est cum omnibus. nihil tibi mando, ut de eo cogites. illud meum proprium πρόβλημα, quæso, suscipe. videsne, ut te auctore sim ⁶utrumque complexus? Ac vellem a principio te audisse amicissime monentem,

Ἄλλ' ἐμὸν οὐποτε θυμὸν ἐνὶ στήθεσσιν ἔπειδες.

Ἠπαρίδος.

sed aliquando tamen persuasisti, ut alterum complecterer,

1 *Ut philosophi ambulant.*] Nempe tam, non assueti lahorī, præsertim e schola Epicuri, e qua Saufeius erat.

2 *Cohorruisse me, quod, &c.*] *Me e* Mss. se addere dicit Malaspina et ulii. Sed est in primis edd. Rom. Jens. Asc. Aldi, &c. onissum postea. In vulgata lectione non placet. sed mihi *cohorruisse* suspectum est, nec bene coit sequentibus, *quod tuæ litteræ, &c.* An legendum *conterruisse me, id, quod tuæ litteræ, &c.*

3 *Secus tibi dixerat.*] Secus ac factum est a me, sc. de fratre Ciliciæ præposito.

4 *Confer te jam.*] Sic cum Grævio dedi pro *converte jam*: in quo saltem te addi deberet. Sed illud e vestigiis Mss. eruunt recentiores. nemo insepit ed. pri-

nam, Romanam, in qua plane sic est. in ed. Jens. etiam est *confer*, sed sine *te*, quod videtur vitio operarum exoidisse: nam ed. Asc. quæ inde fluxit, habet *confer te*, item Aldina, &c. Sed has edd. nemo insepit.

5 *Age, hoc malum, &c.*] Quid hic age? plane alienum est ab hac forma orationis, putoque legendum esse *atque*. nam *age* in tali forma est fac, finge, quod sequi debet responsio, quæ hic nulla est.

6 *Utrumque.*] Pompeium et Cæsarem, quod et a glossatore in libros quosdam scriptos irrepsit, estque et in edd. pr. Rom. Jens., &c.

7 *Παρίδος.*] Ἐνικα, qua nil dulcius est.

quia de me erat optime meritus; alterum, quia tantum valebat. ⁸ feci igitur. itaque effeci omni obsequio, ut neutri illorum quisquam esset me carior. ⁹ hæc enim cogitabamus; nec mihi, conjuncto cum Pompeio, fore necesse peccare in republica aliquando; nec, cum Cæsare sentienti, pugnandum esse cum Pompeio: tanta erat illorum conjunctio. nunc impendet, ut et tu ostendis, et ego video, summa inter eos contentio. me autem uterque numerat suum, nisi forte simulat alter. nam Pompeius non dubitat (vere enim judicat) ea, quæ de republica nunc sentiat, mihi valde probari. utriusque autem accepi ejusmodi litteras eodem tempore, quo tuas; ut neuter quemquam omnium pluris faceret, quam me, videretur. Verum quid agam? non quæro illa ultima, (si enim castris res geretur, video cum altero vinci satius esse, quam cum altero vincere,) sed illa, quæ tum agentur, cum venero; ne ratio absentis habeatur, ut exercitum dimittat. DIC M. TULLI. quid dicam? exspecta, amabo te, dum Atticum conveniam? non est locus ad tergiversandum. contra Cæsarem? ubi illæ sunt densæ dexteræ? nam ut illi hoc liceret, adjuvi, ¹⁰ rogatus ab ipso Ravennæ de Cœlio tribuno plebis. ab ipso autem?

p. 99.
a.

etiam a Cnæo nostro, ¹¹ in illo divino tertio consulatu. aliter sensero? αἰδέσθαι non Pompeium modo, sed Τρωάδας, καὶ Τρωάδας: Πουλυδάμης μοι πρώτος ἐλεγχέειν καταθήσει. quis? tu ipse scilicet, laudator et factorum et scriptorum meorum. ¹² Hanc ergo plagam effugi per duos superiores Marcellorum consulatus, cum est actum de provincia Cæsaris. nunc incido in discrimen ipsum. itaque, ¹³ ut stultus primus suam sententiam dicat, mihi valde placet, de triumpho nos moliri aliquid: extra urbem esse cum justissima causa. tamen da-

8 Feci igitur: itaque effeci.] Dedi effeci ex edd. Jens. Asc. Aldi, &c. pro feci, quod est a Victorio. Sed et post effeci delevi. quidam recentiores, ut Brutus, etiam atque pro itaque. Grævius malebat idque effeci o. o. Sed id mihi valde languet. melius est atque.

9 Hæc enim cogitabamus, nec mihi, &c.] Non placet hæc forma orationis, præsertim in Cicerone. Solet dicere sic enim, &c. Sed mihi etiam in mentem venit: Nec enim cogitabamus (vel cogitabam) mihi, &c.

10 Rogatus ab ipso Ravennæ.] Ut Cœlio persuaderem de rogatione illa pro Cæsare ferenda.

11 In illo divino tertio consulatu.] I. en, quo Cæsarem reliquit.

12 Hanc ergo plagam.] Edidi cum Grævio ergo, qui sic in Ms. Balliol. reperit: ego dudum ex te sic legendum judicavi. At sic jam ed. Rom. Imhet. — per duos sup. M. cons. nempe dum absuit Roma.

13 Ut stultus primus suam sententiam dicat.] Hoc nullo modo sanum est. Si verum esset, in nomine stulti intelligendus esset aliquis notus Attico, quem pro statu uterque haberet, quique appeteret honorem sententiæ primæ. etiam suam languet, nec in hac forma additur a Cicerone. Venit in mentem aliquando: alius primus sententiam dicat.

bunt operam, ut eliciant sententiam meam. ridebis hoc loco fortasse. quam vellem etiam nunc in provincia morari! plane opus fuit, si hoc impendebat. etsi nil miserius. ¹⁴nam *ἔδού πάρεργον*, volo te hoc scire; omnia illa prima, quæ etiam tuis litteris in cælum ferebas, ¹⁵*ἐπίτηκτα* fuerunt. Quam non est facilis virtus! quam vero difficilis ejus diuturna simulatio! cum enim hoc rectum et gloriosum putarem, ex annuo sumtu, qui mihi decretus esset, me C. Coelio ¹⁶quæstori relinquere annum, referre in ærarium ¹⁷ad H-S CIO; ingemuit nostra cohors, omne illud putans distribui sibi oportere; ut ego amicior invenirer Phrygum et Cilicum ærariis, quam nostro. sed me non moverunt. nam et ¹⁸mea laus apud me plurimum valuit: nec tamen quicquam honorifice in quemquam fieri potuit, quod prætermiserim. Sed hæc fuerit, ut ait Thueydides, *ἐκβολὴ λόγον* non inutilis. Tu autem de nostro statu cogitabis: primum, quo artificio tueamur benivolentiam Cæsaris: deinde de ipso triumpho, quem video, nisi reipublicæ tempora impediunt, *εὐπόριστον*. Judico autem cum ex litteris amicorum, tum ex supplicatione; quam ¹⁹qui non decrevit, plus decrevit, quam si ^{h.} omnes decreasset triumphos. ei porro assensus est, unus, familiaris meus, Favonius, alter iratus, Hirrus. Cato autem et scribendo affuit, et ad me de sententia sua jucundissimas litteras misit. sed tamen gratulans mihi Cæsar de supplicatione, ²⁰triumphat de sententia Catonis: nec scribit, quid ille sententiæ dixerit, sed tantum, supplicationem eum mihi non decrevisse. Redeo ad Hirrum. cœperas cum mihi placare: perfice. habes Scrofam, habes Silium. ad eos ego etiam antea scripsi, et ad ipsum Hirrum. Locutus enim erat cum iis commode, se potuisse impedire, sed noluisse: assensum tamen esse Catoni, amicissimo meo;

14 Nam *ἔδού πάρεργον*.] Ut ab instituta oratione paulum degrediar.

15 *Ἐπίτηκτα*.] Sic ed. Rom. Asc. a quibus aberravit Aldus edens *ἐπίτηκτα*, unde et in alias quasdam, ut Cratandrinam venit, illa prima int. quæ in provincia fecerat, cum tanta laude.

16 Quæstori relinquere annum.] Anni sumtum, qui ipsi decretus a senatu erat, de meo dare.

17 Ad HS CIO.] Ed. Rom. explanate ad sestertia mille. Gravius autem corrigit H8 x sestertium decies. nam sic loquuntur Latini, non sestertia mille. placet. c x facile fieri potuit vetus signum millenarii ∞.

sunt 25000 sentatorum amplius.

18 Mea laus.] Eleganter conscientia recte factorum, quod est, ut in Tusculanis II, 26. ait, theatrum virtutis omnium optimum et maximum.

19 Qui non decrevit.] I. e. Cato, qui plus decrevit quam ceteri, quia sententia sua dixerat, supplicationem esse inferiorem dignitate Ciceronis. vid. epistolam Catonis L.XV. ad Div. quam epistolam mox jucundissimam vocat.

20 Triumphat de Catonis sent.] Sc. quod putat me a Catone abalienatum esse, quod non decreverit supplicationem.

cum is honorificentissimam in me sententiam dixisset; nec me ad se ulla litteras misisse, cum ad omnes mitterem. Verum dicebat. Ad eum enim solum, et ad Crassipedem non scripseram. Atque hæc de rebus forensibus. Redeamus domum.²¹ dijungere me ab illo volo. Mirus est *φωράτης*, germanus²² Lartidius.

ἀλλὰ, τὰ μὲν προτερύχθαι ἐάσωμεν, ἀχνομένοι περ.

reliqua expediamus. Hoc primum, quo accessit cura dolori meo: sed hoc tamen, quidquid est,²³ Præcianum, cum iis rationibus, quas ille meas tractat, admisceri nolo. Scripsi ad Terentiam, scripsi etiam ad ipsum, me, quidquid possem numorum, ad apparatus sperati triumphi²⁴ ad te redacturum. ²⁵ Ista puto *ἄμειπτα* fore: verum ut lubebit. ²⁶ Hanc quoque suscipe curam, quemadmodum experiamur. id et ostendisti quibusdam litteris, ex Epiro an Athenis datis, et in eo ego te adjuvabo.

2

CICERO ATTICO S.

p. 100. BRUNDISIUM venimus vii Kalend. Decembr. usq²⁷ tua felicitate navigandi: ita belle nobis flavit ab Epiro lenissimus Onchesmites. Hunc *σπονδευάζοντα*, si cui voles *τῶν νεωτέρων*,²⁸ pro tuo vendita. Invalitudo tua me valde conturbat. significant enim tuæ litteræ, te prorsus laborare. ego autem, cum sciam, quam sis fortis, vehementius esse quiddam suspicor, quod te cogat cedere, et propemodum infringat: etsi alteram quartanam Pamphilus tuus mihi dixit decessisse, et alteram leviolem accedere. Terentia

21 *Dij. me ab illo volo.*] A Philotimo liberto, opera ejus uti amplius nolo.

22 *Lartidius.*] Imitator Laertis, Ulyssis.

23 *Præcianum.*] Hereditas Præciana. v. Epp. VI, 9.

24 *Ad te redacturum.*] *Ad te*, ut tu eam recipias et serves. paullo durius hic sonat: et mihi interdum pro glossa suspectum fuit. Si esset *per te*, bene haberet.

25 *Ista puto ἄμειπτα fore.*] Recte ista. edd. vet. ita. Græcum non habent edd. pr. Prima Cratandri habet græcum verbum, sed *ἀμειπτά*, quod falso Victorius dicit a Germanis editum pro *ἄμειπτα*. nec dubitandum, id e. Ms. sumtum esse. nec id repetiit Hervagiana, sed veteres secuta est. Sensus est: quia ita rem ago, ut ei non alium libertum similemve præ-

fero, puto non habiturum, quod queratur. Sed id ei liberum sit, irascatur, nec ne.

26 *Il. q. curam, quemadmodum experiamur.*] Arbitror nd Philotimum pertinere; quemadmodum eum renovere bono quodam modo a re nostra pecuniaria administranda, et pecuniam nostram, quam in manibus habet, ei exlorquere possimus. quidam de triumpho petendo intelligunt: sed ei non conveniunt sequentia: ostendisti quibusdam litteris, et in eo ego te adjuvabo. quamquam et in illa ratione non video sensum eorum commodum satis.

27 *Tua felicitate.*] Qua tu es usus vel uti soles? an quia ventus ille secundus flavit ab Epiro, et quasi ab Attico?

28 *Pro tuo vendita.*] Non dubitavi sic cedere de certissimo J. F. Gronovii judicio, pro vendita.

vero, quæ quidem eodem tempore ad portam Brundisinam venit, quo ego in portum, mihiq[ue] obvia in foro fuit, L. Pontium sibi in Trebulano dixisse narrabat, etiam cam decessisse. Quod si ita, est quod maxime mehercule opto; idque spero ²⁹ tua prudentia et temperantia te consecutum. Venio ad epistolas tuas, quas ego sexcentas uno tempore accepi, aliam alia jucundiores, ³⁰ quæ quidem erant tua manu. ³¹ Nam Alexidis animum amabam, quod tam prope accedebat ad similitudinem tuæ litteræ: manum non amabam, quod indicabat te non valere. cujus quoniam mentio facta est; Tironem Patris ægrum reliqui, adolescentem, ut nosti, ³² et adde, si quid vis, probum: nihil vidi melius. itaque careo ægre. quamquam videbatur se non graviter habere; tamen sum sollicitus, maximamque spem habeo in M. Curii diligentia, de qua ad me scripsit Tiro, et multi nuntiarunt. Curius autem ipse sensit, quam tu velles se a me diligi, et eo sum admodum delectatus. et mehercule ³³ est, quem facile diligas. ἀνθρώπων in homine urbanitas est. ³⁴ ejus testamentum deporto Ciceronum signis ob- b. signatum, ³⁵ cohortisque prætoriae: ³⁶ fecit palam te ex libella, me ex teruncio. In Actio Coreyrae Alexio me opipare muneratus est. Quinto Ciceroni obsisti non potuit, quo minus Thyamim videret. Filiola tua te delectari lator, et probari tibi, φυσικὴν esse τὴν πρὸς τὰ τέκνα. et-

29 *Tua prudentia et temp.*] I. e. diligentia, quo verbo utitur ep. 5. extr.

30 *Quæ quidem erant tua manu.*] Erant dixit, quia plures erant ipsius manu scriptæ. sed fortasse Cicero scripsit erat.

31 *Nam Alexidis animum amabam - - manum non am.*] Sic edd. et scr. omnes. quia manum in priori membro melius convenit rei, Manutius id reponi volebat pro animum, in altero membro omitti, quod secutus est Grævius. Sed ita hinc oratio: nam in altero membro substantivum necessarium videtur. an scribendum rem non a. quod convenit etiam sequenti, cujus g. m. f. i. e. invaliditudo. In ed. Aldi et aliis est bis manum.

32 *Et adde, si quid vis, probum.*] Non placet et: quod in hac forma numquam additur: nec quid: putoque scribendum, adde, si vis.

33 *Est, quem facile diligas.*] Sic ed. Rom. et inde alia, ut Ald. Asc. Man. quam est in ed. Jens. revocavit Victorius, Malaspina, &c. quem melius convenit forme orationis facile diligas. sed post dili-

gas interpungendum est, ut feci. in fine addidi est, ex eadem ed. Rom.

34 *Ejus testamentum deporto duorum Cic. signis obs.*] Hæc lectio est e correctione criticorum, ut Manutii, qui tamen et deleri volebat duorum, et pro eo poni Romam: quod et Grævio placebat. Ego duorum delevi, quia ejus nullum vestigium est in edd. vet. ut nec Romam, quo verbo nec opus erat.

35 *Cohortisque prætoriae.*] Non intelligenda est cohors militaris prætoriae, sed illa, quæ comites prætoris habebat, præfectos, scribas, medicos, &c. v. Clav. quod ex eo intelligitur facile, quia militaris cohortis signa non ceperant tabulæ.

36 *Fecit palam te, &c.*] Primum palam mihi vitiosum videtur, et a glossatore natum, qui non concoquebat fecit sine adjunctione. intelligendum est heredem e testamento. tum scripsi ex libella cum Grævio pro ex liberis m. sed libella jam edidit Jenkinson, inde Ascensius, Aldus et alii. v. et Clav. tum pro me ex ix uncis, me ex teruncio. v. Clav. in teruncius.

enim, si hæc non est, nulla potest homini esse ad hominem naturæ adjunctio; qua sublata, vitæ societas tollitur. ³⁷ *Bene eveniat*, inquit Carnecades, spurce: ³⁸ sed tamen prudentius, quam Lucius noster et Patro: qui, cum omnia ad se referant, ³⁹ nec quidquam alterius causa fieri putent, et cum ea re bonum virum oportere esse dicant, ne malum habeat, non quo id natura rectum sit; ⁴⁰ non intelligunt, se de callido homine loqui, non de bono viro. sed hæc, opinor, sunt in iis libris, quos tu laudando, animos mihi addidisti. Redeo ad rem. commodo expectabam epistolam, quam Philoxeno dedisses: scripseras enim, in ea esse de sermone Pompeii Neapolitano: ⁴¹ eam mihi Patro Brundisii reddidit: Corcyrae, ut opinor, acceperat. nihil potuit esse jucundius. ⁴² erat enim de republica, de opinione, quam is vir haberet, integritatis meæ; de benivolentia, quam ostendit eo sermone, quem habuit de triumpho. sed tamen hoc jucundissimum, quod intellexi, te ad eum venisse, ut ejus animum erga me perspiceres. hoc mihi, inquam, accidit jucundissimum. De triumpho autem nulla me cupiditas unquam tenuit ante Bibuli impudentissimas litteras, ⁴³ quas amplissime supplicatio consecuta est. ⁴⁴ a quo si ea gesta essent, quæ scripsit; gauderem, et honori faverem: nunc illum, qui pedem porta, quoad hostis eis Euphratem fuit, non extulerit, honore augeri; me, in cujus exercitu spem illius exercitus habuit, idem non assequi, dedecus est nostrum, ⁴⁵ nostrum

³⁷ *Bene eveniat.*] Omisit verbum spurceum *παλαιοτάτης*.

³⁸ *Sed tamen prudentius.*] Carrexere plures prudentius, quod et Grævius recepit. Acntior Lambinus, qui hoc non ad spurce referri vidit: nam in sequentibus nihil est obsceni: eumque secutus est Gruterus. Lucius est Santeius; pro Patro scripsi Patro ex edd. Jens. Ascens. Uterque fuit Epicureus.

³⁹ *Nec quicquam.*] Conjeci olim nec addendum esse. addidi ex ed. Rom. ed. Jens. habet non putent, item Ascens. Ald. Crat. Primi omisere Viet. et Manut. negationem.

⁴⁰ *Non intelligunt.*] Correxoram pro intelligant conjectura, cum reperi sic esse in edd. pr. nam interrogatio, quam Busius adsciscit, ab h. l. est aliena.

⁴¹ *Eam mihi Patro Br. reddidit.*] Credo, in principio excidisse cum: ita coheret recte cum superiori expectabam, ex la-

litate elegantia.

⁴² *Erat enim de republ.*] Suspicio, aliquid post hæc verba excidisse ejusmodi, cujus sunt post cetera de opinione - de benivolentia: quod Ciceroniana elegantia in similitudine membrorum postulat.

⁴³ *Quas amplissime supplicatio consecuta est.*] Amplissime intellige, modo honorificentissimo, sc. propter decretum verbis honorificis factum. Sed mihi tamen suspectum est, legendumque puto amplissima, propter verbum consecuta, cui illud non est aptum: dixisset decreta est: et amplitudo fuit in numero dierum, ut e sequentibus patet.

⁴⁴ *A quo si ea gesta essent, quæ scripsit.*] Correxì sine dubitatione essent, pro sunt: nam id postulat sequens gauderem, ut Corradus jam monuit: et vitium latinitatis, quod in tirone non feratur, non ferendum est in Ciceronis libris.

⁴⁵ *Nostrum inquam, te conjungens.*]

inquam, te conjungens. itaque omnia experiar; et ut spero, assequar. quod, si tu valeres, jam mihi quædam explorata essent. sed, ut spero, valebis. De raudusculo Numeriano multum te amo. ⁴⁶ Hortensius quid egerit, aveo scire. ⁴⁷ Cato quid agat: qui quidem in me turpiter fuit malivulus. dedit integritatis, justitiæ, clementiæ, fidei mihi testimonium, quod non quærebam; quod postulabam, ⁴⁸ id negavit. itaque Cæsar iis litteris, quibus mihi gratulatur, et omnia pollicetur, quo modo exultat Catonis, in me ingratis-simi, injuria? at hic idem ⁴⁹ Bibulo dierum xx. ignosce mihi. non possum hæc ferre, nec feram. Cupio ad omnes tuas epistolas; sed nihil necesse est. jam enim te videbo. illud tamen de Chrysippo: nam de altero illo minus sum admiratus, operario homine. sed tamen ne illo quidem quidquam improbius. Chrysippum vero, quem ego, propter litterularum nescio quid, libenter vidi, in honore habui, discedere a puero, insciente me? mitto alia, quæ audio, multa: mitto furtiva: fugam non fero, qua mihi nihil visum est sceleratius. itaque usurpavi ⁵⁰ vetus illud Drusi, ut ferunt, prætoris in eo, ⁵¹ qui eadem liber non juraret; ⁵² me istos liberos non addixisse; præsertim cum adesset nemo, a quo recte vindicarentur. id tu, ut videbitur, ita accipies. ⁵³ ego tibi assentiar. Uni tuæ disertissimæ epistolæ non rescripsi, in qua est de periculis reipublicæ. quid rescriberem?

Nullo modo mihi probabitur, conjungens esse a Cicerone. Credo Ciceronem scripsisse, *te contingens*: quocum facile illud permutari potuit eleganter autem sic dixit: supra, I, 16. est *contagio turpitudinis* de societate dedecoris.

⁴⁶ *Hortensius quid egerit.*] Int. in autione quid profecerit.

⁴⁷ *Cato quid agat.*] Visum mihi est, legendum esse *C. quid agat*, aut *quid agit*. nam illa *aveo scire* pertinet ad superius: nec hoc *agere* Catonis quiequam conjunctionis habet cum superiori.

⁴⁸ *Negavit id.*] Alii jam viderunt legendum esse *id negavit*, quod mihi quoque videtur. alii delent *id*, quos Grævius secutus est.

⁴⁹ *Bibulo d. xx.*] Grævius probat lectionem Ms. Ursini, in quo fuit *Bibulo decrevit*, sc. ordinariam supplicationem, non tot dierum. male. immo intelligitur hinc illud, quod supra dixerat, amplissimam supplicationem decretam fuisse: et consentit talis supplicatio iis, quæ de jac-

tantia litterarum Bibuli scripsit supra: omninoque tum numerus dierum in supplicationibus valde auctus est.

⁵⁰ *Vetus illud Drusi -- prætoris.*] V. Clav. in C. Drusus.

⁵¹ *Qui eadem liber non juraret.*] Quæ scilicet jurasset domino servus, se liberum domino vel patrono præstiturum: quod dicitur in *jure libertatis causa jurare*. Et non obligabatur valide servus, nisi et post manumissionem juraret, ut tradit Paullus L. VII. ad Plautium. Ergo servus Drusi manumissus noluerat jurare, quæ ante missionem juraverat: Drusus illam manumissionem irritam fecit.

⁵² *Me istos liberos non addixisse.*] Nempe per venditionem illam servi imaginariam, quæ proprie manumissio est, vel emancipatio. — cum Cicero liberos fecerat istos libertos, non erat, cui de more venderet, cui magistratus addiceret in mancipio.

⁵³ *Ego tibi assentiar.*] Sic pro assentior legendum semper judicavi. et sic in edd. pr. reperi.

valde eram perturbatus. sed, ut nihil magnopere metuam, Parthi faciunt, ⁵⁴ qui repente Bibulum semivivum reliquerunt.

3

CICERO ATTICO S.

- b. A. D. VIII Id. Decemb. Herculenum veni, et ibi tuas litteras legi, quas Philotimus mihi reddidit: e quibus hanc primo aspectu voluptatem cepi, quod erant a te ipso scriptae: deinde earum accuratissima diligentia sum mirum in modum delectatus. Ac primum illud, in quo te ⁵⁵ Dicæarcho assentiri negas, etsi cupidissime expetitur a me sit, et approbante te, ne diutius anno in provincia essem, tamen non est nostra contentione perfectum. sic enim scito, verbum in senatu factum esse numquam de ullo nostrum, qui provincias obtinuimus, quo in his diutius, quam ex senatus consulto maneremus: ut jam ne istius quidem rei culpam sustineam, quod minus diu fuerim in provincia, quam fortasse fuerit utile. sed, QUID SI HOC MELIUS? sæpe opportune dici videtur, ut in hoc ipso. Sive enim ad concordiam res adduci potest, sive ad bonorum victoriam; utriusvis rei me aut adiutorem velim esse, aut certe non expertem. Sin vincuntur boni; ubicumque essem, una cum iis victus essem. quare celeritas nostri reditus ἀμεταμέλητος debet esse. quodsi ista nobis cogitatio de triumpho injecta non esset, quam ⁵⁶ tu quoque approbabas, næ tu laud multum requireres illum virum, qui in VI libro informatus est. quid enim tibi faciam, qui illos libros devorasti? ⁵⁷ quin nunc ipsum non dubitabo rem tantam abjicere, si id erit rectius. utrumque vero simul agi non potest, et de triumpho ambiciose, et de republica libere. sed ne dubitaris, quin, p. 102. quod honestius, id mihi futurum sit antiquius. Nam quod
- a. putas utilius esse vel mihi, quod tutius sit, ⁵⁸ vel etiam ut reipublicæ prodesse possim, me esse cum imperio: id eoram considerabimus quale sit. habet enim res deliberationem; etsi ex parte magna tibi assentio. De animo autem

⁵⁴ Q. repente B. semivivum reliquerunt.] liberare Ciceronem.

Ex provincia sua sponte exierunt, cum Bibulum metu examinasset.

⁵⁵ Dicæarcho.] Auctori vitæ practicae, non otiosæ, ut Epicurus.

⁵⁶ Tu q. approbas.] Sine dubio scribendum approbas: res enim pertinet ad præteritum tempus. nec dubitavi hoc vitio

⁵⁷ Quin nunc ipsum non d.] Nunc ipsum est pro hoc ipso tempore: similiter nunc ipsum est infra, L. XII, &c.

⁵⁸ Vel etiam ut reip. prodesse possim.] Concinnius et superiori membro aptius foret vel reipublicæ, ut p. p. sive cui pr. p.

LIBER VII.

meo erga rempublicam, bene facis, quod non dubitas: et illud probe judicas, nequaquam satis pro meis officiis, pro ipsius in alios effusione, ⁵⁹ illum in me liberalem fuisse: ejusque rei causam vere explicas; et eis, quæ de ⁶⁰ Fabio Caninioque acta scribis, valde consentiunt: quæ si secus essent, totumque se ille in me profudisset; tamen illa, quam scribis, custos urbis, me præclaræ inscriptionis memorem esse cogeret; nec mihi concederet, ⁶¹ ut imitarer Volcatium, aut Servium, quibus tu es contentus; sed aliquid nos vellet nobis dignum et sentire et defendere. quod quidem agerem, si liceret, alio modo, ac nunc agendum est. De sua potentia dimicant homines hoc tempore, periculo civitatis. nam, si respublica defenditur; cur ea, consule isto ipso, defensa non est? cur ego, in cujus causa reipublicæ salus consistebat, defensurus postero anno non sum? cur imperium illi, aut cur illo modo prorogatum est? cur tantopere pugnatum est, ut de ejus absentis ratione habenda decem tribuni plebis ferrent? his ille rebus ita convaluit, ut nunc ⁶² in uno civi spes ad resistendum sit: qui mallet, tantas ei vires non dedisset, quam nunc tam valenti resisteret. sed quoniam res eo deducta est, non quæram, ut scribis, τοῦ σκάφοι τὸ τῶν Ἀτρειδῶν; mihi σκάφοι unum erit, quod a Pompeio gubernabitur. illud ipsum, quod ais, quid fiet, cum erit dictum? DIC M. TULLI, σύντομα, Cn. POMPEIO ⁶³ ASSENTIOR. ipsum tamen Pompeium separatim ad concordiam hortabor. sic enim sentio; maximo in periculo rem esse. vos scilicet plura, qui in urbe estis. verumtamen hoc video, cum homine audacissimo paratissimoque negotium esse; omnes damnatos, omnes ignominia affectos, omnes damnatione ignominiaque dignos ⁶⁴ illuc facere, omnem fere juventutem, omnem illam urbanam ac perditam plebem, tribunos valentes, addito ⁶⁵ C. Cassio, omnes, qui ære alieno premantur: quos plures esse intelligo, quam puta-

59 *Illum in me liberalem fuisse.*] Intelligent Cæsarem.

60 *Fabio Caninioque.*] Legatis Cæsaris. historiam ignoramus.

61 *Ut imitarer Volcatium aut Servium.*] Medios scilicet inter Cæsarem et Pompeium.

62 *In uno civi res ad resistendum sit.*] Valde se torsere viri docti in hoc loco, qui in scr. et edd. varie interpolatus est. Vulgatum est ex edd. pr. Rom. Jens. &c.

Gronovius malebat *vis sit ad r.* quod placeat, vel spes, quod prætulerim. res et spes et alibi in libris scr. confunduntur.

63 *Assentior.*] Sic ed. Jens. et aliæ pr. ed. Rom. assentiar.

64 *Illuc facere.*] Corradus corrigebat *illuc*. bene. quia Junius in Mss. reperit, reoepi.

65 *C. Cassio.*] Sic edd. at C. fuit Pompeianus. Itaque Corradus corrigebat Q.

ram. causam solum illa causa non habet; ceteris rebus abundat. hic omnia facere omnes, ne armis decernatur; quorum exitus semper incerti, nunc vero in alteram partem magis timendi. Bibulus de provincia decessit, Veientonem præfecit. in decedendo erit, ut audio, tardior: quem cum ornavit Cato, declaravit, iis se solis non invidere, quibus nihil aut non multum ad dignitatem posset accedere. Nunc venio ad privata. fere enim respondi tuis litteris de republica, et iis, quas in suburbano, et iis, quas postea scripsisti. ad privata venio. Unum etiam de Coelio. tantum abest, ⁶⁶ut meam ille sententiam moveat, ut valde ego ipsi, quod de sua sententia decesserit, pœnitendum putem. sed ⁶⁷quid est, quod ei vici Luceii sint addicti? hoc te prætermisisse miror. De Philotimo, faciam equidem, ut mones. sed ego mihi ab illo, hoc tempore, non rationes expectabam, qua tibi edidit, verum id reliquum, quod ipse in Tusculano me referre in commentarium mea manu voluit, quodque idem in Asia mihi sua manu scriptum dedit. id si præstaret, quantum mihi æris alieni esse ibi edidit, tantum, et plus etiam ipse mihi deberet. sed in hoc genere, si modo per rempublicam licebit, non accusabimur post-hac: neque hercule antea negligentes fuimus, sed amicorum multitudinem occupati. ergo utemur, ut polliceris, et opera et consilio tuo: nec tibi erimus, ut spero, in eo molesti. ⁶⁸De serperastris cohortis meæ, nihil est, quod doleas. ipsi enim se collegerunt admiratione integritatis meæ. sed nie moverat nemo magis, ⁶⁹quam is, quem tu neminem putas. idem et initio fuerat, et nunc est egregius. sed in ipsa decessione significavit, sperasse se aliquid; et ⁷⁰id, quod animum induxerat paullisper, non tenuit: sed cito ad se rediit, meisque honorificentissimis erga se officiis victus, pluris ea duxit, quam omnem pecuniam. Ego a Curio tabulas accepi, quas mecum porto. Hortensii legata cognovi. nunc aveo scire, quid hominis sit, et quarum

p. 103.

a.

66 *Ut meam ille sententiam moveat.*] Sc. de Pompeio sequendo.

67 *Quid est, quod ei vici Luceii sint addicti.*] Hæc est lectio Victorii e vestigiis codicis sui. sic et habuit liber Tormesii et alius Junii. Ingeniose et valde probabiliter Tunstallus, p. 123. corrigit, *quod mei vicini Luceii sint addicti?* Luceii erant vicini Ciceronis Tusculano. Epp. ad Div. V, 15.

68 *De serperastris cohortis meæ.*] Hæc est, quæ supra, ep. 2. *pratoria* dicta est. de serperastris v. Clav. de re ep. 2.

69 *Quam is, quem tu neminem putas.*] Fortasse quæstor Mescinius, de quo ita scribit L. VI, 3. 4. ut ad eum hoc referri possit.

70 *Id, quod animum induxerat.*] Videtur addendum in, quod in animum induxerat.

rerum auctionem instituat. nescio enim, cur, ⁷¹ cum portam Flumentanam Coelius occuparit, ego Puteolos non meos faciam. Venio ad Piræea, in quo magis reprehendendus sum, quod homo Romanus *Piræea* scripserim, non *Piræeum*, (sic enim omnes nostri locuti sunt,) quam quod *in* addiderim. non enim hoc ut oppido præposui, sed ut loco: et tamen Dionysius noster, qui est nobiscum, et Nicias Cous non rebatur, oppidum esse Piræea. sed de re videro. nostrum quidem si est peccatum, in eo est, quod, non ut de oppido, locutus sum, sed ut de loco; secutusque sum, non dico Cæcilium, *Mane ut ex portu in Piræeum*, (malus enim auctor Latinitatis est,) sed Terentium, cujus fabellæ, propter elegantiam sermonis, putabantur a C. Lælio scribi: *Heri aliquot adolescentuli coimus in Piræeum*. et idem, *Mercator hoc addebat, captam e Sunio*. quodsi *ἄμυνος* oppida volumus esse; tam est oppidum Sunium, quam Piræeus. sed, quoniam Grammaticus es, ⁷² si hoc mihi *ζήτημα* ^{b.} persolveris, magna me molestia liberaris. ⁷³ Ille mihi litteras blandas mittit. facit idem pro eo Balbus. mihi certum est, ⁷⁴ ab honestissima sententia digitum nusquam. sed scis illi reliquum quantum sit. putasne igitur verendum esse, ne aut objiciat id nobis aliquis, si languidius, ⁷⁵ aut repetat, si fortius? quid ad hæc reperis? solvamus, inquis. age, a Cælio mutuabimur. hoc tu tamen consideres velim. puto enim, in senatu si quando præclare pro republica dixerò, ⁷⁶ Tartessium istum tuum mihi exeunti, Jube sodes numos curare. Quid superest? etiam. gener est suavis mihi, Tulliæ, Terentiæ: quantumvis vel ingenii, vel humanitatis. satis. reliqua, quæ nosti, ferenda. ⁷⁷ scis enim, quos aperuerimus: qui omnes, præter eum, de quo per te egimus,

⁷¹ Cum portam Flumentanam Coelius occupavit.] Intell. prædium prope portam Flumentanam. Ad eandem igitur rationem Puteolos accipe prædium Hortensii Puteolanum, Baulon.

⁷² Si hoc mihi ζήτημα persolveris.] Videtur dicere debuisse dissolveris: sed ζήτημα ad rem pecuniariam pertinet, et ad pecuniam debitam Cæsari: itaque jocose dixit persolveris. cf. ep. 8. extr.

⁷³ Ille mihi, &c.] Intellige Cæsarem.

⁷⁴ Ab honestissima sententia.] De qua est supra, ep. 1.

⁷⁵ Aut repetat, si fortius.] Int. pecuniam, quam debeo. Sed videtur addendam ille, ut respondeat τῷ aliquis in

membro priori.

⁷⁶ Tartessium istum tuum.] Balbum Gaditanum.

⁷⁷ Scis e. quos aperuerimus.] Hæc sunt paullo obscuriora. Sensus est: scis quales cognoverimus inquirendo, qui fidem meam petierunt, præter unum illum, cujus tu procus fuisti: qui omnes mihi sunt irati maxime et ulciscendi cupidi. ultionis autem genus posuit, quod tum, cum e provincia decessisset, maxime in promptu erat, accusare de repetundis. ratio jocularis est: nam ipsi nec rem nec fidem habent: itaque, quod ipsi facerent, si in provinciam venirent, id me fecisse putant, aut calumniabantur.

EPIST. AD ATTICUM

reum me facere rentur. ipsis enim expensum nemo ferret. Sed hæc coram. nam multi sermonis sunt. Tironis reficiendi spes est in M'. Curio: cui ego scripsi, tibi eum gratissimum facturum. Dat. v Id. Decemb. a Pontio ex Trebulano.

CICERO ATTICO S.

p. 104. ^{a.} DIONYSIUM, flagrantem desiderio tui, misi ad te, nec mehercule æquo animo; sed fuit concedendum: quem quidem cognovi cum doctum, quod mihi jam ante erat notum, tum sanctum, plenum officii, studiosum etiam meæ laudis, frugi hominem, ac, ⁷⁸ ne libertinum laudare videar, plane virum bonum. Pompeium vidi III Id. Decembres: fuimus una horas duas fortasse. magna lætitia mihi visus est affici meo adventu: de triumpho hortari, ⁷⁹ suscipere partes suas; monere, ne ante in senatum accederem, quam rem confecissem; ne dicendis sententiis aliquem tribunum alienarem. quid quæris? in hoc officio sermonis nihil potuit esse prolixius. de republica autem ita mecum locutus est, quasi non dubium bellum haberemus. nihil ad spem concordiae: plane illum ab se alienatum, cum ante intelligeret, tum vero proxime judicasse: venisse Hirtium a Cæsare, qui esset illi familiarissimus, ad se non accessisse: et, cum ille a. d. VIII Idus Decemb. vesperi venisset, Balbus de tota re constituisset a. d. VII ad Scipionem ante lucem venire; multa de nocte eum profectum esse ad Cæsarem. hoc illi ⁸⁰ *τεκμηριώδες* videbatur esse alienationis. quid multa? nihil me aliud consolatur, nisi quod illum, cui etiam inimici alterum consulatum, fortuna summam potentiam dederat, non arbitror fore tam amentem, ut hæc in discrimen adducat. quodsi ruere cœperit; næ ego multa timeo, quæ non audeo scribere. sed, ut nunc est, a. d. III Nonas Jan. ad urbem cogito.

⁷⁸ Ne libertinum laudare v., &c.] Ne tantum ut libertinum laudem: nam istæ virtutes cadunt in libertinum: addam laudem e genere majori: vir bonus est, seu su sc. latino. Baberius ad Tusc. III, 8. etiam addendum putabat ut, quia re vera libertus Attici erat: placet.

⁷⁹ Suscipere partes suas.] Rarum dicendi genus. s. p. meas usitatum est, et id

quoque h. l. dicere poterat: se pro re mea facturum, quæ ipse non possem. Sed dixit suas: quæ alias partem virilem dicunt Latini. igitur dicit, se pro virili laboraturum pro triumpho meo.

⁸⁰ *τεκμηριώδες* - alienationis.] Forma hæc inusitata est Græcis. unde mihi alienationis interdum de glossa suspectum fuit.

CICERO ATTICO S.

5

MULTAS uno tempore accepi epistolas tuas: quæ mihi, quamquam recentiora audiebam ex iis, qui ad me veniebant, tamen erant jucundæ. studium enim et benivolentiam declarabant. ⁸¹Invaliditudine tua moveor: et, Piliam in idem genus morbi delapsam, curam tibi afferre majorem sentio. date igitur operam, ut valeatis. De Tirone, video tibi curæ esse; quem quidem ego, etsi mirabiles utilitates mihi præbet, cum valet, in omni genere vel negotiorum, vel studiorum meorum, tamen propter humanitatem et modestiam malo salvum, quam propter usum meum. Philogenes mecum nihil umquam de Luscio locutus est: ^{b.} de ceteris rebus habes Dionysium. Sororem tuam non venisse in Arcanum, miror. De Chrysippo, meum consilium probari tibi, non moleste fero. Ego in Tusculanum nihil sanc hoc tempore. devium est τοῖς ἀπαντῶσιν, et habet alia δὲ ἄλλοις. sed de Formiano Tarracinam pridie Kal. Jan. inde ⁸²Pomtinam summam: inde Albanum Pompeii: ita ad urbem III Nonas, natali meo. De republica quotidie magis timeo. non enim boni, ut putant, consentiunt. quos ego equites Romanos, quos senatores vidi? qui acerrime cum cetera, tum hoc iter Pompeii vituperarent: pace opus est. Ex victoria cum multa mala, ⁸³tum certe tyrannus existet. sed hæc propediem coram. Jam plane ⁸⁴mihi deest, quod ad te scribam. nec enim de republica, quod uterque nostrum scit eadem: et domestica nota sunt ambobus. reliquum est jocari, si hic sinat. nam ego is sum, qui, illi concedi, putem utilius esse quod postulat, quam signa conferri. Sero enim resistimus ei, quem per annos decem aluimus contra nos. quid sentis igitur? inquis. nihil scilicet, nisi de sententia tua; nec prius quidem, quam nostrum negotium aut confecerimus, aut deposuerimus. Cura igitur, ut valeas. aliquando ἀπορρῖψαι quartanam istam diligentia, quæ in te summa est.

81 Invaliditudine tua.] In ed. Gronoviana male In valitudine, ut et in quibusdam vet. est, ut Jens. Asc. 1.

82 Pomtinam summam.] Regionem ad summam Pomtinæ paludis partem.

83 Tum certe tyrannus.] Sic pro tyrannus ex ed. Viet. et Mss. suis edidit Grævius. at sic jam edd. pr. Rom. Jens. In

ed. Asc. est tyrannis: quod ceteri secuti sunt. Visum est multis melius convenire.

84 Mihi deest, quod.] Grævius in Mss. reperit nihil est, quod: nec ei displicet. ed. Rom. non est, quod. Vulgata est a Jensonio, qui et vitiose quid: idque Aldus et alii imitati sunt: sicut et in proximæ ep. initio omnes edd. pr. habent.

6

CICERO ATTICO S.

PLANE deest, quod ad te scribam: nota omnia tibi sunt: nec ipse ⁸⁵ habeo, a te quod exspectem. tantum igitur nostrum illud solemne servemus, ut ne quem istuc euntem sine litteris dimittamus. De republica valde timeo: nec adhuc fere inveni, qui non concedendum putaret Cæsari, quod postulare, potius, quam depugnandum. est illa quidem postulatio opinione valentior. cur autem nunc primum ei resistamus? οὐ γὰρ ἂν τόδε μείζον ἔπει κακόν, quam cum quinquennium prorogabamus; aut eum, ut absentis ratio haberetur, ferebamus. nisi forte hæc illi tum arma dedimus, ut nunc cum bene parato pugnaremus. Dices, quid tu igitur sensurus es? non idem, quod dicturus. sentiam enim omnia facienda, ne armis decertetur; dicam idem, quod Pompeius: neque id faciam humili animo. ⁸⁶ sed rursus hoc permagnum reipublicæ malum est: at quodam modo mihi præter ceteros non rectum, me in tantis rebus a Pompeio dissidere.

7

CICERO ATTICO S.

DIONYSIUS, *vir optimus, ut mihi quoque est perspectus, et doctissimus, tuique amantissimus, Romam venit xv Kal. Jan. et litteras a te mihi reddidit*: tot enim verba sunt de Dionysio in epistola tua. ⁸⁷ Illud, puto, non adscribis; et tibi gratias egit. atqui certe ille agere debuit: et, si esset factum, quæ tua est humanitas, adscripsisses. mihi autem nulla de eo *παλινφθία* datur propter superioris epistolæ testimonium. sit igitur sane bonus vir. ⁸⁸ hoc enim ipsum bene fecit, quod mihi sui cognoscendi penitus etiam istam facultatem dedit. Philogenes recte ad te scripsit. curavit enim, quod debuit. eum ego uti ea pecunia volui, b. quoad liceret. itaque usus est menses XIII. Pontinum

85 *Habeo, a te quod exspectem.*] Correxerunt vulgatum quid, sicut dudum illud quid post deest ab editoribus posterioribus correctum est.

86 *Sed.*] Est h. l. objicientis.

87 *Illud, puto, non adscr.*] Mire hic variant libri scr. et edd. Rom. Jens. putate. Asc. 1. peccato, ex Mediol. opinor, quod Cratand. secuta est. Ald. privatus, quod P. Manut. et alii secuti sunt. Corradus interpretatur, quod ad me magis

proprie pertinet. Victorius fecit puto: Bosius puta tu, nempe ex putato, quod in libris quibusdam scr. fuit: id Gruterus secutus est. Grævius puto, sed male servato tu, restituit. nihil omnium placet, et puto aliud quid latere. Sed non multum refert.

88 *Hoc enim ipsum - - istam fac.*] Nempe, quod mihi gratias non egit, ostenditque, se non esse gratum: item quod male de me locutus est, ut est in ep. seq.

cupio valere : ⁸⁹et, quod scribis in urbem introisse, vereor quid sit : nam id nisi gravi de causa non fecisset. Ego, quoniam ⁹⁰III Nonas Januar. Compitalicius dies est, nolo eo die ⁹¹in Albanum venire, ne molestus sim familiæ. veniam ⁹²III Nonas igitur : inde ad urbem pridie Nonas. Tua ληψις quem in diem incurrat, nescio ; sed prorsus te commoveri incommodo valitudinis tuæ nolo. De honore nostro, nisi quid occulte Cæsar per suos tribunos molitus erit, cetera videntur esse tranquilla. tranquillissimus autem animus meus, qui totum istuc æqui boni facit ; et eo magis, quod jam a multis audio constitutum esse Pompeio et ejus consilio, in Siciliam me mittere, quod imperium habeam. id est Ἀβδηρικόν. nec enim senatus decrevit, nec populus jussit, me imperium in Sicilia habere. sin hoc respublica ⁹³ad Pompeium defert ; qui me magis, quam privatum aliquem, mittat ? itaque, si hoc imperium mihi molestum erit ; utar ea porta, quam primam videro. Nam quod scribis, mirificam exspectationem esse mei, neque tamen quemquam bonorum, aut satis bonorum dubitare, quid sensurus sim : ego, quos tu bonos esse dicas, non intelligo : ipse nullos novi : ⁹⁴sed ita, si ordines bonorum quærimus. nam singulares sunt boni viri. verum in dissensionibus ordines bonorum et genera quærenda sunt. Scnatum bonum putas, per quem sine imperio provinciæ sunt ? ⁹⁵numquam enim Curio sustinisset, si cum eo agi cœptum esset : quam sententiam senatus sequi noluit : ex quo factum est, ut Cæsari non succederetur. an publicanos ? qui numquam firmi : sed nunc Cæsari sunt amicissimi : an fœneratores ? an agricolas ? quibus optatissimum est otium. nisi eos timere putas, ne sub regno sint, qui id numquam, dum modo otiosi essent, recusarunt. Quid ergo ? exercitum retinentis, cum legis dies transierit, rationem haberi placet ? mihi vero ⁹⁶ne absentis quidem. sed, cum id datum est, illud una datum est. annorum enim decem imperium : et ita la-

p. 106.
a.

89 *Et, quod scribis.*] Videtur legendum sed vel at.

90 *In Albanum.*] Pompeii.

91 *Ad Pompeium defert.*] Sic bene Grævius restituit pñst Lamb. et Junium. Vulgatum refert alienum est. mox male idem tacite primum pro primam.

92 *Sed ita, si ordines b. q.*] Sed id ita intelligo, ut ordinem in rep. nullum bonum putem : nam singuli boni viri adhuc

sunt, qui ea non probant, quæ fiant, ut h. l. quod provinciis non decernuntur magistratus.

93 *Numquam e. Curio sustinisset.*] Sc. repugnare senatui, si decrevisset, successores mittendos, et contra temp. facturam, qui intercedat.

94 *Ne absentis quidem.*] Etiam si exercitum amisisset.

tum placet? placet igitur etiam me expulsus, et agrum Campanum periisse, et adoptatum patricium a plebeio, ⁹⁵Gaditanum a Mitylenæo: et Labieni divitiæ, et Mamuræ placent, et Balbi horti, et Tusculanum. sed horum omnium fons unus est. imbecillo resistendum fuit: et id erat facile. nunc legiones XI, equitatus tantus, quantum volet; Transpadani, plebes urbana, tot tribuni plebis, tam perditæ juventus, tanta auctoritate dux, tanta audacia. cum hoc aut depugnandum est, aut habenda e lege ratio. depugna, inquis, potius, quam servias; ut quid? si victus eris, proscribere? si viceris, tamen servias? quid ergo, inquis, acturus es? idem quod pecudes, quæ dispulsæ sui generis sequuntur greges. Ut bos armenta, sic ego bonos viros, aut eos, quicumque dicentur boni, sequar, etiamsi ruent. quid sit optimum male contractis rebus, plane video. nemini est enim exploratum, cum ad arma ventum est, quid futurum sit: at illud omnibus, si boni victi sunt, nec in cæde principum clementiorem hunc fore, quam Ciinna fuerit, nec moderatiorem, quam Sulla, in pecuniis locupletium. *ἐμπολιτεύομαι σοι* jaundudum: et facerem diutius, nisi me lucerna desereret. Ad summam, DIC M. TULLI. assentior Cn. Pompeio, id est T. Pomponio. Alexim, humanissimum puerum, nisi forte, dum ego absum, adolescens factus est, (id enim agere videbatur,) salvere jubeas velim.

8

CICERO ATTICO S.

- b. QUID ⁹⁶opus erat de Dionysio tam valde affirmare? an mihi nutus tuus non faceret fidem? suspicionem autem eo mihi majorem tua taciturnitas attulerat, quod et tu soles conglutinare amicitias testimoniis tuis; et illum aliter cum aliis de nobis locutum audiebam. sed prorsus ita esse, ut scribis, mihi persuades. itaque ego is in illum sum, quem tu me esse vis. Diem tuum ego quoque ex epistola quadam tua, quam incipiente febricula scripseras, mihi notaveram; et animadverteram, posse, pro re nata, te non incommode ad me in Albanum venire III Nonas Januar. sed, amabo te, nihil incommodo valitudinis feceris. quid enim est tantum in uno, aut altero die? Dolabellam video Li-

⁹⁵ Gaditanum a Mitylenæo.] Balbum a Theophrane.

⁹⁶ Opus est.] Scribendum esse erat, sequentia, faceret, &c. ostendunt.

vīa testamento cum duobus coheredibus esse in triente; sed juberi mutare nomen. est πολιτικὸν σκέρμα, rectumne sit nobili adolescenti, mutare nomen mulieris testamento. sed id ⁹⁷ φιλοσοφώτερον διευκρινήσομεν, cum sciemus, ⁹⁸ quantum quasi sit in trientis triente. Quod putasti fore, ut ante, quam istuc venirem, Pompeium viderem; factum est ita. nam vi Kal. ⁹⁹ad Lavernium me consecutus est. una Formias venimus, et ab hora octava ad vesperum secreto collocuti sumus. Quod quæris, ecqua spes pacificationis sit: quantum ex Pompeii multo et accurato sermone perspexi, ne voluntas quidem est. sic enim existimat, si ille, vel dimisso exercitu, consul factus sit, σύγχυσιν τῆς πολιτείας fore. atque etiam putat, eum, cum audierit, contra se diligenter parari, consulatum hoc anno neglecturum, ac potius exercitum provinciamque retenturum. sin autem ille fureret; vehementer hominem contemnebat, et suis et reipublicæ copiis confidebat. quid quæris? etsi mihi crebro ξυνὸς ἐννόλος occurrebat; tamen levabar cura, virum fortem et peritum, et plurimum auctoritate valentem audiens, πολιτικῶς de pacis simulatæ periculis disserentem. habebamus autem in manibus Antonii concionem, habitam x Kal. Januar. in qua erat accusatio Pompeii usque a toga pura, querela ¹⁰⁰ de damnatis, terror armorum: in quibus ille, quid censes, aiebat, facturum esse ipsum, si in possessionem reipublicæ venerit, cum hæc quæstor ejus, infirmus et inops, audeat dicere? quid multa? non modo non expetere pacem istam, sed etiam timere visus est. ¹ Ex illa autem sententia ita relinquendæ urbis movet hominem, ut puto. mihi autem illud molestissimum est, quod solvendi sunt numi Cæsari, et instrumentum triumphi eo conferendum.

p. 107.
a.

⁹⁷ φιλοσοφώτερον.] Non hic de philosophia cogitandum, sed est diligentius, accuratius. patet e subjecta ratione, quæ ad rem pecuniariam pertinet. et φιλοσοφῶν sic dicitur, pro diligenter considerare rem.

⁹⁸ Quantum sit in trientis triente.] Nempe si Dolabella non adibat hereditatem, quod nomen mutare nollet ex testamento, tamen fortasse coheredes ipsi hereditatem concederent, si ad eos parum rediret, Dolabella ab hereditate exclusæ.

⁹⁹ Ad Lavernium.] Sic edd. pr. Bosius fecit L. Avernium i. e. lacum A. quod Gruterus secutus est. Sed Lavernii etiam alibi mentio.

¹⁰⁰ De damnatis.] So. in consulatione ejus tertio.

¹ Ex illa autem sententia ita rel. urbis.] Valde in hoc loco laborarunt viri docti. Ed. pr. Rom. habet *ira*, quod Aso. Ald., &c. secuti sunt, ed. Jens. neutrum habet. ex *ira* factum est *ita*, ut est in sor. quibusdam, sed sine sensu. quod tamen Gruterus secutus est. Pantagathus corrigebat *Mea autem sententia non rel. urbis*, quod recepit Lambinus. Puto ex natum esse e præcedente est: legendumque *illa a. sententia non relinquenda urbis*, quæ sane erat Ciceronis.

est enim ἀμορφον, ἀντιπολιτενομένου χρεωφειλέτην esse. Sed hæc, et multa alia coram.

CICERO ATTICO S.

²QUOTIDIENE, inquis, a te accipiendæ litteræ sunt? si habebo, cui dem, quotidie. at jam ipse ades. tum igitur, cum venero, desinam. Unas video mihi a te non esse redditas; quas L. Quintius, familiaris meus, cum ferret, ad bustum Basili vulneratus et ³despoliatus est. videbis igitur, numquid fuerit in his, quod me scire opus sit: et simul tu hoc διευκρινήσεις πρόβλημα, sane πολιτικόν: ⁴cum sit necesse, aut haberi Cæsaris rationem, illo exercitum vel per senatum, vel per tribunos plebis obtinente, aut persuaderi Cæsari, ut tradat provinciam atque exercitum, et ita consul fiat; aut, si id non persuadeatur, haberi comitia sine illius ratione, illo patiente, atque obtinente provinciam; aut, si per tribunos plebis non patiatur, tamen quiescat, rem adduci ad interregnum; aut, si ob eam causam, quod ratio ejus non habeatur, exercitum adducat, armis cum eo contendere; illum autem initium facere armorum, aut statim nobis minus paratis, aut tum, cum comitiis, amicis ejus postulantibus, ut e lege ratio habeatur, impetratum non sit: ire autem ad arma, aut hanc unam ob causam, quod ratio non habeatur, aut addita causa, si forte tribunus plebis senatum impediens, aut populum incitans, notatus, aut senatus consulto circumscriptus, aut sublatus, aut expulsus sit, dicensve se expulsus, ad illum confugerit: suscepto autem bello, aut tenenda sit urbs, aut ea relictæ, ille commeatu et reliquis copiis intercludendus: quod horum malorum, quorum aliquod certe subeundum est, minimum putes. Dices profecto, persuaderi illi, ut tradat exercitum, et ita consul fiat. est omnino id ejusmodi, ut, si ille eo descendat, contra dici nihil possit: idque eum, si non obtinet, ut ratio habeatur retinentis exercitum, non facere miror. nobis autem, ⁵ut quidam putat, nihil est timendum magis, quam ille consul. at sic malo, inquires, quam

² Quotidiene.] In edd. pr. hæc epistola coheret præcedenti.

³ Despoliatus est.] Puto dispoliatus, ut alibi est.

⁴ Cum sit necesse.] Consequens est in verbis quod horum malorum.

⁵ Ut quidam putant.] Recte Tunstallus, p. 148. corrigat putat, ut ad Pompeium pertineat. nam sic et mox est. nec dubitari recipere. Sic et mox correxi putet, nam ibi putat edd. pr.

cum exercitu. certe. ⁶ sed istud ipsum, dico, magnum malum putat aliquis: neque ei remedium est ullum. cedendum est, si id volet. vide consulem illum iterum, quem vidisti consulatu priore. ⁷ at tum imbecillus plus, inquis, valuit, quam tota respublica. quid nunc putas? et eo consule, Pómpēio certum est esse in Hispania. o rem miseram! si quidem id ipsum deterrimum est, quod recusari non potest; et ⁸ quod ille si faciat, jam jam a bonis omnibus summam ineat gratiam. Tollamus igitur hoc, quo illum posse adduci negant: de reliquis quid est deterrimum? concedere illi, quod, ut idem dicit, impudentissime postulat. nam quid impudentius? tenuisti provinciam per decem annos, non tibi a senatu, sed a te ipso per vim et per factionem datos. præterit tempus, non legis, sed libidinis tuæ: fac tamen, legis. ut succedatur, decernitur: impedis; et ais, habe mei rationem. habe tu nostrum. exercitum tu habeas diutius, quam populus jussit, invito senatu? Depugnes oportet, nisi concedis. cum bona quidem spe, ut ait idem, vel vineendi, vel in libertate moriendi. jam si pugnandum est: quo tempore, in casu; quo consilio, in temporibus situm est. itaque te in ea quæstione non exerceo. ad ea, quæ dixi, asser, si quid habes. equidem dies noctesque torqueor.

p. 108.
a.

CICERO ATTICO S.

10

SUBITO consilium cepi, ut, antequam lueret, exirem; ⁹ ne qui conspectus fieret, aut sermo, lietoribus præsertim laureatis. de reliquo, neque hercule, quid agam, nec, quid acturus sim, scio: ita sum perturbatus temeritate nostri ¹⁰ amentissimi consilii. tibi vero quid suadeam, cujus ipse consilium exspecto? Cnæus noster quid consilii ceperit,

6 Sed istuc ipsum sic, o magnum malum putet al.] Sine dubio est hoc vitiosum. J. Fr. Gronovius corrigit s. istud ipsum, sicut est, m. m. putat aliquis. Ego corripi: sed istud ipsum, dico, magnum m. p. u. nam est repetitio superioris de malo, quod sit in consulatu Cæsaris. Ita una modo littera mutatur: nec dubitavi in textum recipere.

7 At tum imbecillus plus, inquis, valuit.] Inquis non rectum puto. non enim hæc est oratio Attici, contra cujus sententiam disputatur, sed Pompeii, de quo ante bis ostenditur. Itaque scribendum puto inquit.

8 Quod ille si faciat.] Cæsar, ut consul fiat, vel se consulem alii faciant, omnia provincia. tum jam jam alienum est: nihil melius scio, quam corrigere tamen; quod h. l. aptissimum sit.

9 Ne qui conspectus fieret aut sermo.] I. e. ne oculi hominum omnium in me convertantur, et sermones oriantur. Sic conspici dicitur, quod insolentia sua convertit oculos hominum. Sic in epp. ad Div. incurrit hæc laurus non modo in oculos, sed etiam in vultus, nostri dicunt ein Aufsehen machen.

10 Amentissimi consilii.] De urbe relinquenda, v. ep. seq.

capiatve, nescio, adhuc in oppidis ¹¹coarctatus et stupens. omnes, si in Italia consistat, erimus una: sin cedet, consilii res est. adhuc certe, nisi ego insanio, stulte omnia et incaute. Tu, quæso, crebro ad me scribe, vel quod in buccam venerit.

11

CICERO ATTICO S.

- b. QUÆSO, quid hoc est? aut quid agitur? mihi enim tenebræ sunt. Cingulum, inquis, nos tenemus: Anconem amisimus. Labienus discessit ab Cæsare. utrum de imperatore populi Romani, an de Hannibale loquimur? o hominem amentem et miserum, qui ne umbram quidem umquam τοῦ καλοῦ viderit! atque, hæc, ait, omnia facere se dignitatis causa: ubi est autem dignitas, nisi ubi honestas? ¹²num honestum igitur, habere exercitum nullo publico consilio? occupare urbes civium, quo facilius sit aditus ad patriam? χρεῶν ἀποκοπὰς, φυγὰς καθόδους, sexcenta alia scelera moliri, τὴν θεῶν μεγίστην ὄρε' ἔχειν τυραννίδα? sibi habcat suam fortunam. unam mehercule tecum apricationem in illo Lucretino tuo sole malim, quam omnia istiusmodi regna; vel potius mori milies, quam semel istiusmodi quidquam cogitare. quid si tu velis? inquis. age quis est, cui velle non liceat? sed ego hoc ipsum velle, miserius esse duco, quam in crucem tolli. una res est ea miserius, adipisci, quod ita volueris. Sed hæc hactenus. libenter enim in his molestiis ἐνσχολάζω σοι. redeamus ad nostrum. Per fortunas! quale tibi consilium Pompeii videtur? hoc quæro, quod urbem reliquerit. ego enim ἀπορώ: ¹³tum nihil absurdius. urbem tu relinquas? ergo idem, si Galli venirent. non est, inquit, in parietibus respublica, at in aris et focis. fecit idem Themistocles. fluctum enim totius barbariæ ferre urbs una non poterat. at idem Pericles non fecit, annum fere post quinquagesimum, cum præter mœnia nihil teneret. nostri olim, urbe reliqua capta, arcem tamen retinuerunt.

p. 109. Οὕτω που τῶν πρόσθεν ἐπευθόμεθα κλέα ἀνδρῶν. rursus a.

11 Coarctatus et stupens.] Coarctatus cunt, sed sensum non dicunt. recte Græcū multitudinem omnium Pompeianorum, qui ex urbe fugerunt, et stupens, nesciens, quid consilii capiat.

12 Num honestum igitur.] Sic edd. friget, aut deleam, aut tamen legam: nempe pr. Rom. Jens. &c. recentiores pro num ut sit correctio τῷ ἀνωτέρω. dedere nisi. et in eo ἀποσιώπων esse di-

13 Tum nihil absurdius.] Tum h. l.

autem ex dolore municipali, sermonibusque eorum, quos convenio, videtur hoc consilium exitum habiturum. mira hominum querela est, ¹⁴(nescio istic: sed facies, ut sciam:) sine magistratibus urbem esse, sine senatu. fugiens denique Pompeius mirabiliter homines movet. quid quæris? alia causâ facta est: nihil jam concedendum putant Cæsari. hæc, tu mihi explica, qualia sint. Ego negotio præsum non turbulento. vult enim me Pompeius, esse, quem tota hæc Campana et maritima ora habeat ἐπίσκοπον, ad quem delectus et summa negotii referatur. itaque vagus esse cogitabam. Te puto jam videre, quæ sit ὄρμη Cæsaris, qui populus, qui totius negotii status: ea velim scribas ad me, et quidem, quoniam mutabilia sunt, quam sæpissime. acquiesco enim et scribens ad te, et legens tua.

CICERO ATTICO S.

12

UNAM adhuc a te epistolam acceperam, datam XII Kal. in qua significabatur, aliam te ante dedisse, quam non acceperam. sed quæso, ut scribas quam sæpissime, non modo si quid scies, aut audieris, sed etiam si quid suspicabere, maximeque, quid nobis faciendum aut non faciendum putes. Nam quod rogas, curem, ut scias, quid Pompeius agat, ne ipsum quidem scire puto; nostrum quidem nemo. Vidi Lentulum consulem Formiis x Kal. vidi Libonem: plena timoris et erroris omnia. ille iter Larinum: ibi enim cohortes, et Luceriæ, et Theani, reliquaque in Apulia. inde b. utrum consistere uspiam velit, an mare transire, nescitur. si manet; vereor, ne exercitum firmum habere non possit. ¹⁵sin discedit: quo, aut qua, aut quid nobis agendum est, nescio. nam istum quidem, cujus φαλαγισμόν times, omnia teterrime facturum puto. nec cum rerum prolatio, nec senatus, magistratuumque discessus, nec ærarium clausum tardabit. Sed hæc, ut scribis, cito sciemus. interim velim mihi ignoscas, quod ad te scribo tam multa toties. acquiesco enim, et tuas volo elicere litteras, maximeque consilium, quid agam, aut quo me pacto geram; demittamne me penitus in causam? Non deterreor periculo, sed dirumpor

14 Nescio istic.] Videtur exoidisse gatum *discedet* e contextu, ut ante est, si an: *nescio an istic*, apud vos: tales sint sc. *manet*, infra rursus si *Italia cedit*: cum sic in edd. pr. reperi.

15 Sin discedit.] Sic correxeram vul-

dolore. Tam nullo consilio, aut tam contra meum consilium gesta esse omnia! An cuneter et tergiverser, et iis me dem, qui tenent, qui potiuntur? αἰδέσθαι Τρωῆας nec solum civis, sed etiam amici officio revocor; etsi frangor sæpe ¹⁶ misericordia puerorum. ut igitur ita perturbato, etsi te eadem sollicitant, scribe aliquid, et maxime, si Pompeius Italia cedit, quid nobis agendum putes. M'. quidem Lepidus (nam sumus una) eum finem statuit, L. Torquatus eundem. me cum multa, tum etiam lietores impediunt: nihil vidi umquam, quod minus explicari posset. itaque a te nihil dum certi exquiro, sed quid videatur. denique ipsam ἀπορίαν tuam cupio cognoscere. Labienum ab illo discessisse, propemodum constat. si ita factum esset, ut ille Romam veniens magistratum et senatum Romæ offenderet, magno usui causæ nostræ fuisset. damnasse enim sceleris hominem amicum, reipublicæ causa, videretur: quod nunc quoque videtur; sed minus prodest. non enim habet, cui ^a prosit: eumque arbitror poenitere: nisi forte id ipsum est falsum, discessisse illum. nos quidem pro certo habebamus. et velim, (quamquam, ut scribis, domesticis te finibus tenes,) formam mihi urbis exponas, ecquod Pompeii desiderium, ecqua Cæsaris invidia appareat: etiam quid eeneas de Terentia et Tullia, Romæ cas esse, an mecum, an aliquo tuto loco. et hæc, et si quid aliud, ad me scribas velim, vel potius scriptites.

13

CICERO ATTICO S.

DE Vennonianis rebus tibi assentior. Labienum ἥρωνα iudico. facinus jamdiu nullum civile præclarius: qui ut aliud nihil, hoc tamen profecit; dedit illi dolorem. sed etiam ad summam profectum aliquid puto. ¹⁷ amo etiam Pisonem: cujus iudicium de genere suspicio visum iri grave. quamquam, genus belli quod sit, vides. ita civile est, ut non ex civium dissensione, sed ex unius perditæ civis audacia natum sit. is autem valet exercitu; tenet multos spe et promissis; omnia omnium concupivit. huic tradita urbs est, nuda præsidio, referta copiis. quid est, quod ab eo non me-

* 16 Misericordia puerorum.] Int. nos-
trorum; quod quibusdam visum exci-
disse. sed et alibi simpliciter dicuntur, ut
cp. 17.

17 Amo c. Pisonem.] Illum Gabinii
collegam quondam: qui tum censor, ad-
ventante Cæsare, urbem pariter reliquerat,
eaque re ostenderat, sibi Cæsaris, cujus
socer erat, causam improbari: quod dici-
tur iudicium de genere, et quidem grava.

tuas, qui illa templa et tecta, non patriam, sed prædā putet? quid autem sit acturus, aut quō modo, nescio, sine senatu, sine magistrātu. ne simulare quidem poterit quicquam πολιτικῶς. nos autem ubi exsurgere poterimus? aut quando? quorum dux quam ἀσπράγγητος, tu quoque animadvertis; ¹⁸ cui ne Picena quidem nota fuerint: quam autem sine consilio, res testis. ut enim alia omittam ¹⁹ decem annorum peccata, ²⁰ quæ conditio non huic fugæ præstitit? ^{b.} nec vero nunc quid cogitet scio: ac non desino per litteras sciscitari. nihil esse timidius constat, nihil perturbatius. itaque nec præsidium, cuius parandi causa ²¹ ad urbem retentus est, nec locum ac sedem præsidii ullam video. spes omnis ²² in duabus, invidiose retentis, pæne alienis legionibus. nam delectus adhuc quidem invitorem est, et a pugnando abhorrentium. conditionum autem amissum tempus est. quid futurum sit, non video. commissum quidem a nobis certe est, sive a nostro duce, ut, e portu sine gubernaculis egressi, tempestati nos traderemus. itaque de Ciceronibus nostris dubito quid agam. nam mihi interdum amandandi videntur in Græciam. de Tullia autem et Terentia, cum mihi ²³ barbarorum adventus proponitur, omnia timeo: cum autem Dolabellæ venit in mentem; paululum respiro. sed velim consideres, quid faciendum putes: primum πρὸς τὸ ὀσφαλές (aliter enim mihi de illis, ac de me ipso, consulendum est:) deinde ad opiniones; ne reprehendamus, quod eas Romæ velimus esse in communi bonorum fuga. quin etiam tibi et Peduceo, (scripsit enim ad me,) quid faciatis, videndum est. is enim splendor est vestrum, ut eadem postulentur a vobis, quæ ab amplissimis civibus.

18 Cui ne Picena q. nota fuerint.] Cui ne Picenum quidem ita cognitum fuit. cum esset satis vicinum urbi, ut intelligeret, id in primis idoneum esse ad Cæsarem ab urbe arcendum, et id occuparet et se Cæsari advenienti opponeret. Pertinet hoc ad Polybii præceptum, qui in bono duce in primis esse debere vult geographiæ scientiam talem, quæ situs, regionum, opportunitates, incommoda, &c. ad bellum gerendum habeat, ejusque ignorantia sæpe graviter peccasse duces belli.

19 Decem annorum peccata.] Pompeii, inde ab eo tempore, quo se cum Cæsare conjunxit: qui fuisse decem anni.

20 Quæ conditio.] Int. a Cæsare proposita Pompeio conservandæ pacis causa.

melius fuit omnem conditionem a capere, quamvis duram, quam urbem ita relinquere.

21 Ad urbem retentus est.] Cum in provinciā suā ire posset Hispaniam, quam per legatos administrabat.

22 In duabus - - legionibus.] Quas Pompeius retinuit in Apulia, cum Cæsari essent decreta: sub specio Parthioi belli: unde ei magna invidia, sive, ut Cæsar dicit de B. C. I, 4. infamia.

23 Barbarorum adventus ad urbem.] Delevi cum Grævio ad urbem, quod ab ejus Mss. aberat, etiam in Memm. non repperit est. abest et ab ed. Rom. Barbari sunt Galli, quos multos in exercitu Cæsar habebat.

sed de hoc tu videbis, quippe cum de me ipso, ac de meis te considerare velim. Reliquum est, ut, et quid agatur, quoad poteris, explores, scribasque ad me, et quid ipse conjectura assequare: quod etiam a te magis exspecto. nam, acta omnibus nuntiantibus, a te exspecto futura. *μάν-
τις δ' ἄπιςτος*. Loquacitati ignoscas, quæ et me levât, ad te quidem scribentem, et elicit tuas litteras. ²⁴ *Ænigma Oppiorum ex Velia* plane non intellexi. est enim ²⁵ numero Platonis obscurius. ²⁶ jam intellexi tuum. Oppios enim de Velia ²⁷ succones dicis. in eo æstuavi diu: quo aperto, reliqua patebant, et cum Terentiæ summa congruebant. L. Cæsarem vidi Minturnis a. d. viii Kal. Febr. mane, cum absurdissimis mandatis, non hominem, sed scopas solutas: ut id ipsum mihi ²⁸ ille videatur irridendi causa fecisse, qui tantis de rebus huic mandata dederit; nisi forte non dedit, et hic, sermone aliquo arrepto, pro mandatis abusus est. Labienus, vir mea sententia magnus, Theano venit a. d. ix Kal. ibi Pompeium consulesque convenit. qui sermo fuerit, et quid actum sit, scribam ad te, cum certum sciam. Pompeius ab Theano Larinum versus profectus est a. d. viii Kal. eo die mansit Venafri. aliquantum animi videtur nobis attulisse Labicnus. sed ego nondum habeo, quod ad te ex his locis scribam. ista magis exspecto: quid illinc afferatur; quo pacto de Labieno ferat; quid agat Domitius in Marsis, Iguvii Thermus, P. Attius Cinguli; quæ sit populi urbani voluntas; quæ tua conjectura de rebus futuris: hæc velim crebro, et quid tibi de mulieribus nostris placeat, et quid acturus ipse sis, scribas. ²⁹ Si scriberem ipse, longior epistola fuisset; sed dictavi propter lippitudinem.

A. D. vi Kal. Febr. Capuam Calibus proficiscens, ³⁰ cum leviter lippirem, has litteras dedi. L. Cæsar mandata Cæ-

²⁴ *Ænigma Oppiorum, &c.*] Quæ mihi de Oppiis, fœneratoribus a monte Velia, scribis obscurius: seu potius, quæ Oppii dixerunt. nam mox sequitur *tuum* sc. ænigma. res pertinet ad pecuniam creditam, forte Terentiæ.

²⁵ *Numero Platonis.*] Mss. quidam *Timeo Platonis*.

²⁶ *Jam int. tuum.*] Sc. ænigma. Corradus hic facit initium novæ epistolæ.

²⁷ *Succones.*] V. Clav.

²⁸ *Ille.*] Cæsar. mox *sermone aliquo*. int. Cæsaris de me.

²⁹ *Si scriberem ipse.*] I. si ipse possem scribere. forte tamen legendum *si scripsissem ipse*, propter sequens *fuisse* et *dictavi*.

³⁰ *Cum leviter lippirem.*] Sic libri antiqui edd. et scr. Lambinus o corrupta scriptura duorum codd. fecit *fluenter*, quod Bosius et Gruterus secuti sunt. id verbum est ap. Lucretium.

saris detulit ad Pompeium a. d. viii Kal. cum is esset cum consulis Theani. probata conditio est, sed ita, ut ille de iis oppidis, quæ extra suam provinciam occupavisset, præsidia deduceret. id si fecisset, responsum est, ad urbem nos redituros esse, et rem per senatum confecturos. ³¹ spero esse in præsentia, pacem nos habere. nam et illum furoris, et hunc nostrum copiarum supponit. Me Pompeius Capuam venire voluit, et adjuvare delectum: in quo parum prolixè respondent Campani coloni. Gladiatores Cæsaris, qui Capuæ sunt, de quibus ante ad te falsum ex Torquati litteris scripseram, sane commode Pompeius distribuit, binos singulis patribus familiarum. ³² scutorum in ludo 100 fuerunt: eruptionem facturi fuisse dicebantur. sane multum in eo reipublicæ provisum est. De mulieribus nostris, in quibus est tua soror, quæso videas, ut satis honestum nobis sit, eas Romæ esse, cum ³³ ceteræ ulla dignitate discesserint. hoc scripsi ad eas, et ad te ipsum antea. velim, eas cohortere, ut exeant; præsertim cum ea prædia in ora maritima habeamus, cui ego præsum, ut in his pro re nata non incommode possint esse. nam si quid offendimus, ³⁴ in genere nostro; quod quidem ego præstare non debeo. sed id fit majus, quod mulieres nostræ præter ceteras Romæ remanserunt. tu ipse ³⁵ cum Sexto, scire velim, quid cogites de exeundo, de totaque re quid existimes. quidem pacem hortari non desino: quæ vel injusta utilior est, quam iustissimum bellum. sed hæc, ut fors tulerit.

CICERO ATTICO S.

15

UT ab urbe discessi, nullum adhuc intermisi diem, quin aliquid ad te litterarum darem: non quo haberem magnoperc, quod scriberem; sed ut loquerer tecum absens: quo mihi, ³⁶ cum coram id non licet, nihil est jucundius. Capuam cum venissem a. d. vi Kal. pridie, quam has litteras

p. 112.
a.

31 Spero esse in præsentia.] Hoc sine dubio vitiosum. Victorius et alii etiam edidere, de conjectura, quod et Grævius secutus est. malim ipse.

32 Scutorum in ludo, &c.] Reposui veterem lectionem pro Victoriana conjectura, scutorum. tot gladiatores in uno ludo esse non potuere: scutorum, gladiatorum ante mentio est, qui in eruptionem facturi intelligendi.

33 Ceteræ ulla dignitate.] Feminæ, in

quibus quicquam dignitatis esset.

34 In genere nostro.] Offendimus in Dolabella, Canariano. ea offensio augebatur, quod credebant homines, Ciceronem clam cum Cæsare facere, quia uxor ejus et filia Romæ manebant, cum omnes aliæ honestiores discessissent.

35 Cum Sexto.] Peducæo.

36 Cum coram id non licet.] Edd. pr. liceret. Ms. Helmst. cum eorum licet, quod placet Grævio.

dedi, consules conveni, multosque nostri ordinis. omnes cupiebant Cæsarem, abductis præsiidiis, stare conditionibus iis, quas tulisset. uni Favonio, leges ab illo nobis imponi non placebat: sed is haud auditus in consilio. Cato enim ipse jam servire, quam pugnare, mavult. sed tamen ait, in senatu se adesse velle, cum de conditionibus agatur, si Cæsar adductus sit, ut præsidia deducat. ita, quod maxime opus est, in Siciliam ire non curat: quod metuo ne obsit, in senatu esse vult. Postumus autem, de quo nominatim senatus decrevit, ut statim in Siciliam iret, ³⁷ Furfanoque succederet, negat se sine Catone iturum: et suam in senatu operam, auctoritatemque ³⁸ quam magni aestimat. ita res ad Fannium pervenit. is cum imperio in Siciliam præmittitur. In disputationibus nostris summa varietas est. plerique negant, Cæsarem in conditione mansurum; postulataque hæc ab eo interposita esse, quo minus, quod opus esset ad bellum, a nobis pararetur. ego autem eum puto facturum, ut præsidia deducat. vicerit enim, si consul factus erit, et minore scelere vicerit, ³⁹ quam quo ingressus est. sed accipienda plaga est. sumus enim flagitiose imparati cum a militibus, tum a pecunia; quam quidem omnem, non
 b. modo privatam, ⁴⁰ quæ in urbe est, sed etiam publicam, quæ in ærario est, illi reliquimus. Pompeius ad ⁴¹ legiones Attianas est profectus: Labienum secum habet. ego tuas opiniones de his rebus exspecto. Formias me continuo recipere cogitabam.

16

CICERO ATTICO S.

OMNES arbitror mihi tuas litteras redditas esse, sed primas præpostere, reliquas ordine, quo sunt missæ, per Terentiam. De mandatis Cæsaris, adventuque Labieni, et

³⁷ *Furfanoque.*] Hoc secutus cum aliis pro *Fuffano* vel *Fufano*, quod edd. pr. habent, revocavitque Bosius. *Fuffani* nulli fuere, certe clari, qualis hic intelligendus prætor Siciliæ. *Furfano* primus dedit P. Man.

³⁸ *Quam magni aestimat.*] *Quam* in vulgatis recentius adest. Grævius auctoribus suis Mss. et ed. Vict. reposuit. at id erat jam in edd. pr. primus omisit P. Manutius.

³⁹ *Quam quo ingressus est.*] *Quam* quo cœpit agere contra rempublicam per vim, cum non esset consul. in quo ipso magnum

scelus fuit.

⁴⁰ *Quæ in urbe est.*] Int. in foro et apud feneratoros: nam et publica in urbe est. Videtur addidisse ad æquanda membra, quia in altero est: quo in ærario est.

⁴¹ *Legiones Attianas.*] Quas P. Attius Varus habebat. de Attio supra est, ep. 13. Legiones hæc iterum sunt infra, ep. 20. Lipsius epp. ad Belg. II, 16. putabat legendum *Appianas*, quas Appianus legatus habebat, duas sc. illas abductas a Cæsare per ipsum illum Attium, de quibus supra. probat Grævius, ut videtur.

responsis consulum ac Pompeii, scripsi ad te litteris iis, quas a. d. v Kal. Capua dedi: pluraque præterea in eandem epistolam conjeci. nunc has expectationes habemus duas: unam, quid Cæsar acturus sit, cum acceperit, ea, quæ referenda ad illum data sunt L. Cæsari; alteram, quid Pompæius agat: qui quidem ad me scribit, paucis diebus se firmum exercitum habiturum; spemque affert, si in Picenum agrum ipse venerit, nos Romam redituros esse. Labienum secum habet, non dubitantem de imbecillitate Cæsaris copiarum: cujus adventu Cnæus noster multo animi plus habet. Nos a consulibus Capuam venire jussimus ad Nonas Febr. Capua profectus sum Formias a. d. III Kal. eo die cum Calibus tuas litteras hora fere nona accepissem, has statim dedi. De Terentia et Tullia tibi assentior; ad quas scripseram, ad te ut referrent: si nondum profectæ sunt, nihil est quod se moveant, quoad perspiciamus, quo loci sit res.

CICERO ATTICO S.

17

TUÆ litteræ mihi ⁴² gratæ jucundæque sunt. De pueris in Græciam transportandis tum cogitabam, cum fuga ex Italia quæri videbatur. ⁴³ nos enim Hispaniam petcremus: ^{p. 113.} illis hoc æque commodum non erat. tu ipse ⁴⁴ cum Sexto etiam nunc mihi videris Romæ recte esse posse. etenim minime amici Pompeio nostro esse debetis. nemo enim unquam tantum de urbanis præsidiis detraxit. videsne me etiamolari? Scire jam te oportet, L. Cæsar quæ responsa referat a Pompeio, quas ab eodem ad Cæsarem ferat litteras. scriptæ enim et datæ ita sunt, ut proponerentur in publico: in quo accusavi mecum ipse Pompeium, qui, ⁴⁵ cum scriptor luculentus esset, tantas res, atque eas, quæ in omnium manus venturæ essent, Sextio nostro scribendas dederit. itaque nihil unquam legi scriptum *σημνωδέστερον*, perspicere tamen ex litteris Pompeii potest, nihil Cæsari negari, omniaque et cumulate, quæ postulet, dari, quæ ille, amen-

⁴² *Gr. jucundæque sunt.*] Alias dicitur fuerunt. nam hic non de litteris univcrse loquitur, sed iis, quas proxime acceperat.

⁴³ *Nos enim Hisp. petcremus.*] Sc. si ex Italia abeundum esset. Malaspina intelligebat si. In Hispaniam autem ire cogitabant, quod ibi esset exercitus Pompeianus.

⁴⁴ *Cum Sexto.*] V. ad ep. 14.

⁴⁵ *Cum scriptor luculentus esset.*] Pertinet manifeste ad Pompeium. int. ipse, quod videtur omisisse, quia modo præcessit: nisi vero transpositum est. nam ibi mecum est apud mo; non ut alias, uti me. nam nullum hic Ciceronis peccatum est conjunctum cum Pompeii peccato.

tissimus fuerit, nisi acceperit, præsertim cum impudentissime postulaverit. quis enim tū es, qui dicas, si in Hispaniam profectus erit, si præsidia dimiserit? tamen non conceditur; minus honeste nunc quidem, violata jam ab illo republica, illatoque bello, quam si olim de ratione habenda impetrasset: et tamen vereor, ut his ipsis contentus sit. nam cum ista mandata dedisset L. Cæsari, debuit esse paullo quietior, dum responsa referrentur. dicitur autem nunc esse acerrimus. Trebatius quidem scribit, se ab illo 1x Kal. Febr. rogatum esse, ut scriberet ad me, ut essem ad urbem: nihil ei me gratius facere posse. hæc verbis plurimis. intellexi ex dierum ratione, ut primum de discessu nostro Cæsar audisset, laborare eum cœpisse, ne omnes abessemus. itaque non dubito, quin ad Pisonem, quin ad Servium scripserit. illud admiror non ipsum ad me scripissse, non per Dolabellam, non per Cœlium egisse: quamquam non aspernor Trebatii litteras, a quo me unice diligi scio. rescripsi ad Trebatium, (nam ad ipsum Cæsarem, qui mihi nihil scripsisset, nolui,) quam illud hoc tempore esset difficile: me tamen in prædiis meis esse, neque delectum ullum, neque negotium suscepisse. in quo quidem manebo, dum spes pacis erit: sin bellum geretur; non deero officio, nec dignitati meæ, pueros ὑπεκθήμενος in Græciam. totam enim Italiam flagraturam bello intelligo. tantum mali excitatum partim ex improbis, partim ex invidis civibus. sed hæc paucis diebus ⁴⁶ ex illius ad nostra responsa responsis intelligentur, quorsum evasura sint. tum ad te scribam plura, si erit bellum: sin autem etiam induciæ, te ipsum, ut spero, videbo. Ego 111 Non. Febr. quo die has litteras dedi, in Formiano, quo Capua redieram, mulieres exspectabam: quibus quidem scripseram, tuis litteris admonitus, ut Romæ manerent. sed audio maiorem quendam in urbe timorem esse. Capuæ Non. Febr. esse volebam, quia consules jusserant. quidquid huc erit a Pompeio allatum, statim ad te scribam: tuasque de istis rebus litteras exspectabo.

46 Ex illius ad nostra responsa responsis.] autem dedi pro si a. ex edd. pr. ut et Græc. Non placet idem verbum sic bis positum. vius dedit. ejus formæ et alia exempla Credo responsa esse delendum. max sin sunt.

CICERO ATTICO S.

18

QUARTO Non. Febr. mulieres nostræ Formias venerunt, tuaque erga se officia, plena tui suavissimi studii, attulerunt. eas ego, quoad sciremus, utrum turpi pace nobis, an misero bello esset utendum, in Formiano esse volui, et una Cicerones. ipse cum fratre Capuam ad consules (Nonis enim adesse jussi sumus) ^{p. 114.} 111 Non. profectus sum, cum has litteras dedi. Responsa Pompeii grata populo, et probata concioni esse dicuntur. ita putaram. quæ quidem ille si repudiarit, jacebit: ^{a.} 47 si acceperit? Utrum igitur, inquires, mavis? responderem, si quemadmodum parati essemus, scirem. Cassium, erat hic auditum, expulsum Aneone, eamque urbem a nobis teneri. si bellum futurum est, negotium utile. Cæsarem quidem, L. Cæsare cum mandatis de pæce misso, tamen aiunt acerrime delectum habere, loca occupare, ^{a.} 48 vincere præsidiis. ô perditum latronem! o vix ullo otio compensandam hanc reipublicæ turpitudinem! sed stomachari desinamus, tempori pareamus, cum Pompeio in Hispaniam eamus. hæc opto in malis; quoniam illius alterum consulatum a republica, ne data quidem occasione, repulimus. Sed hæc hactenus. De Dionysio, fugit me ad te antea scribere: sed ita constitui; exspectare responsa Cæsaris, ut, si ad urbem rediremus, ibi nos exspectaret; sin tardius id fieret, tum cum arecesseremus. omnino quid ille facere debuerit in nostra illa fuga, quid docto homine et amieo dignum fuerit, cum præsertim rogatus esset, scio. sed hæc non nimis exquiro a Græcis. tu tamen videbis, si erit, quod nolim, arecessendus, ne molesti simus invito. Quintus frater laborat, ut tibi, quod debet, ab Egnatio solvat: nec Egnatio voluntas deest: nec parum locuples est: sed cum tale tempus sit, ut Q. Titinius (multum enim est nobiseum) viaticum se neget habere; idemque debitoribus suis denuntiarit, ut eodem fœnore uterentur; atque hoc idem etiam L. Ligus fecisse dicatur; nec hoc tempore aut domi numos Quintus habeat, aut exigere ab Egnatio, aut versuram usquam facere possit; miratur, te non habuisse rationem hujus publicæ difficultatis. ego autem;

47 Si acceperit.] Int. pax turpis consequetur, aut simile quid mali, quod mali ominis causa noluit exprimere.

48 Vincire præsidiis.] Vulg. vinciri.

male, ut res ipsa docet. et edd. pr. habent *vincire*: i. e. firmare. miror de latinitate hac dubitare potuisse viros doctos, etiam Grævium.

b.

etsi illud *ψευδοησιόδειον* (ita enim putatur) observo, μηδὲ δίκην, praesertim in te, a quo nihil umquam vidi temere fieri; tamen illius querela movebar. hoc, quidquid est, te scire volui.

19

CICERO ATTICO S.

NIHIL habeo, quod ad te scribam. quin etiam epistolam, quam eram elucubratus, ad te non dedi. erat enim plena spei bonae; quod et concionis voluntatem audieram, et illum ⁴⁹ conditionibus usurum putabam, praesertim suis. ecce tibi 11 Non. Febr. mane accepi litteras tuas, Philotimi, Furnii, Curionis ad Furnium, quibus irridet L. Caesaris legationem. plane oppressi videmur: nec, quid consilii capiam, scio: nec mehercule de me laboro: de pueris quid agam, non habeo. Capuam tamen proficiscebam haec scribens, quo facilius de Pompeii rebus cognoscerem.

20

CICERO ATTICO S.

BREVILOQUEM jam me tempus ipsum facit. pacem enim desperavi: bellum nostri nullum administrant. cave enim putes, ⁵⁰ quidquam esse minoris his consulibus: ⁵¹ quorum ego spe audiendi, et cognoscendi nostri apparatus, maximo imbri Capuam veni pridie Nonas, ut eram iustus. illi autem nondum venerant, sed erant venturi, inanes, imparati. Cnæus autem Luceriae dicebatur esse, et adire cohorts legionum Attianarum, non firmissimarum. at illum ruere nuntiant, et jam jamque adesse, non ut manum conferat, (quicum enim?) sed ut fugam intercludat. Ego autem in Italia καὶ συναποθανεῖν. nec te id consulo. sin extra, quid ago? ad manendum hiems, lictores, improvidi et negligentes duces; ad fugam hortatur amicitia Cnæi, causa bonorum, turpitudine conjungendi cum tyranno: qui quidem incertum est, Phalarimne an Pisistratum sit imitaturus. Hæc velim explices, et me juves consilio. etsi te ipsum istic jam calere puto. sed tamen quantum poteris. ego si quid hic hodie novi cognoro, scies. jam enim aderunt consules ⁵² ad

49 Conditionibus usurum.] In ed. Grut. est usum, vitio, opinor, operarum, quod servavit Gronovius.

50 Quicquam minoris h. e.] Minus curari ab his consulibus.

51 Quorum ego spe audiendi aliquid, et cognoscendi n. a.] Omisi cum Grævin aliquid, quod a Jensonio venit, ab ed. Rom

abest: quam nemo editorum inspexit. glossator non cepit phrasin quorum audiendi, pro, quorum audiendorum: sed ejus et alia exempla sunt.

52 Ad suas Nomus.] Quas ipsi statuerunt, ut ad eas conveniremus Capuam, ut supra dixit.

suas Nonas. Tuas quotidie litteras exspectabo. ad has autem, cum poteris, rescribes. Mulieres et Cicerones in Formiano reliqui.

CICERO ATTICO S.

21

DE malis nostris tu prius audis, quam ego. istinc enim emanant. boni autem hinc quod exspectes, nihil est. Veni Capuam ad Nonas Febr. ita ut jusserant consules. eo die Lentulus venit sero: alter consul omnino non venerat VII Idus. eo enim die ego Capua discessi, et mansi Calibus. inde has litteras postridie ante lucem dedi. hæc, Capuæ dum fui, cognovi: nihil in consulibus, nullum usquam delectum. nec enim conquisitores *φαινοπροσπεῖν* audent; cum ille adsit contra; cum noster dux nusquam sit, nihil agat: nec nomina dant. deficit enim non voluntas, sed spes. Cnæus autem noster (o rem miseram et incredibilem!) ut totus jacet! non animus est, non consilium, non copiae, non diligentia. mittam illa, fugam ab urbe turpissimam, timidissimas in oppidis conciones, ignorationem non solum adversarii, sed etiam suarum copiarum. hoc cujusmodi est? VII Id. Febr. Capuam C. Cassius tribunus plebis venit, ⁵³ attulit mandata ad consules, ut Romam venirent, pecuniam de sanctiore ærario auferrent, statim exirent urbe relicta. redeant: quo præsidio? deinde exeant: quis sinat? Consul ei rescripsit, ut prius ipse in Picenum. at illud totum erat amissum: sciebat nemo præter me ex litteris Dola-bellæ. mihi dubium non erat, ⁵⁴ quin ille jam jamque foret in Apulia: Cnæus noster in navi. ego quid agam, *σκέμμα* magnum: neque mehercule mihi quidem ullum, nisi omnia essent acta turpissime, neque ego ullius consilii particeps. sed tamen, quod me deceat. ipse me Cæsar ad pacem hortatur. sed antiquiores litteræ, quam ruere cœpit. Dola-bella, Coelius, me illi valde satisfacere. mira me *ὑποπία* torquet. juva me consilio, si potes: et tamen ista, quantum potes, provide. nihil habeo, tanta rerum perturbatione, quod scribam. tuas litteras exspecto.

53 Attulit mandata.] Sc. a Cn. Pom. ad persequendum Pompeianum. — in navi, peio. fugiens ex Italia in Græciam.

54 Quin ille.] Cæsar. — in Apulia,

PEDEM in Italia video nullum esse, qui non in istius potestate sit. De Pompeio scio nihil; cumque, nisi in navim se contulerit, exceptum iri puto. o celeritatem incredibilem! hujus autem nostri! sed non possum sine dolore accusare eum, de quo angor et crucior. Tu cædem non sine causa times: non quo minus quidquam Cæsari expediat ad diuturnitatem victoriæ et dominationis: sed video, quorum arbitrio sit acturus. recte sit. censeo cedendum de oppidis his. ego consilii. quod optimum factu videbitur, facies. cum Philotimo loquere: atque adeo Terentiam habebis Idibus. Ego quid agam? qua aut terra, aut mari persequar eum, qui ubi sit, nescio? etsi terra quidem qui possum? mari quo? tradam igitur isti me? fac posse tuto. multi enim hortantur. num etiam honeste? nullo modo. quid? a te petam consilium, ut soleo? explicari res non potest. sed tamen, si quid in mentem venit, velim scribas, et ipse quid sis acturus.

QUINTO Id. Feb. vesperi a Philotimo litteras accepi, Domitium exercitum firmum habere; cohortes ex Piceno, Lentulo et Thermo ducentibus, cum Domitii exercit^{us} conjunctas esse; Cæsarem intercludi posse, eumque id timere; bonorum animos recreatos Romæ, ⁵⁵improbos quasi perculsos. Hæc, metuo equidem, ne sint somnia: sed tamen M'. Lepidum, L. Torquatum, C. Cassium tribunum plebis, (hi enim sunt nobiscum, id est, in Formiano,) Philotimi litteræ ad vitam revocaverunt. ego autem illa metuo ne veriora sint, nos omnes pæne jam captos esse, Pompeium Italia cedere: quem quidem (o rem acerbam!) persequi Cæsar dicitur. persequi Cæsar Pompeium? quid? ut interficiat? o me miserum! et non omnes nostra corpora opponimus? in quo tu quoque ingemiscis. sed quid faciamus? victi, oppressi, capti plane sumus. Ego tamen, Philotimi litteris lectis, mutavi consilium de mulieribus: quas, ut scripseram ad te, Romanam remittebam: sed mihi venit in mentem, multum fore sermonem, me judicium jam de causa

⁵⁵ Improbos q. perculsos.] Præcedens membrum bonorum animos videtur postulare improborum: ut et Laubinus sensit.

publica fecisse; qua desperata, quasi hunc gradum mei reditus esse, quod mulieres revertissent. De me autem ipso tibi assentior, ne me dem incertæ et periculosæ fugæ; cum reipublicæ nihil prosim, nihil Pompeio; pro quo emori cum pie possum, tum lubenter. manebo igitur: ⁵⁶etsi vivere. Quod quæris, hic quid agatur: tota Capua, et omnis hic delictus jacet. desperata res est; in fuga omnes sunt: nisi quid ejusmodi fuerit, ut Pompeius istas Domitii copias cum suis jungat. sed videbamur omnia biduo triduove scituri. Cæsaris litterarum exemplum tibi misi: rogaras enim; cui nos valde satisfacere, multi ad me scripserunt: quod patior facile, dum, ut adhuc, nihil faciam turpiter.

CICERO ATTICO S.

24

PHILOTIMI litteræ me quidem non nimis, sed eos, qui in his locis erant, admodum delectarunt. ecce postridie Cassio litteræ Capua, a Lucretio, familiari ejus, Nigidium a Domitio Capuanum venisse; eum dicere, Vibullium cum paucis militibus e Piceno currere ad Cuæum, confestim sequi Cæsarem, Domitium non habere militum III millia. idem scripsit, consules Capua discessisse. non dubito, quin Cnæus in fuga sit; modo effugiat. a consilio fugiendi, ut tu censes, absum.

CICERO ATTICO S.

25

CUM dedissem ad te litteras tristes, et metuo ne veras, de Lucretii ad Cassium litteris Capua missis; Cephalio venit a vobis, attulit etiam a te litteras hilariores, nec tamen firmas, ut soles. omnia facilius credere possum, quam quod scribitis, ⁵⁷Pompeium exercitum habere. nemo huc ita affert, omniaque, quæ nolim. o rem miseram! malas causas semper obtinuit, in optima conceidit. quid dicam? nisi, illud eum scisse; neque enim erat difficile: hoc nescisse. erat enim ars difficilis, ⁵⁸recte rempublicam regere. Sed jam jamque omnia sciemus, et scribemus ad te statim.

⁵⁶ *Etsi vivere.*] Int. nolo. id consulto reticuit, ne malum omen faceret, aut sollicitudinem moveret Attico.

⁵⁷ *P. exercitum habere.*] In Ms. Bal-liol. erat *exercitum firmum*, quod placebat Gravio. nam certe exercitum Pompeius habebat, sed non firmum. nisi vero prop-

terea dixit Cicero, non habere exercitum, quia firmus erat.

⁵⁸ *Recte remp. regere.*] Idem Ms. habebat *remp. gerere*: quod sane hic dici poterat: sed verbum *artis*, *difficilis ars erat*, requirit potius *regere*, quam *gerere*.

CICERO ATTICO S.

NON venit idem usu mihi, quod tu tibi scribis: *quoties exorior?* ego enim nunc paullum exorior, et maxime quidem iis litteris, quæ Roma afferuntur, de Domitio, de Picentium cohortibus. omnia erant facta hoc biduo. lætiora. itaque fuga, quæ parabatur, repressa est. Cæsaris interdicta,

Si te secundo lumine hic offendero,

respuuntur. Bona de Domitio, præclara de Afranio fama est. Quod me amicissime admones, ut me integrum, quoad possim, servem; gratum est. Quod addis, ne propensior ad turpem causam videar; certe videri possum. ego me ducem in civili bello, quoad de pace ageretur, negavi esse: non quin rectum esset; sed quia, quod multo rectius fuit, id mihi fraudem tulit. plane eum, cui Cnæus noster alterum consulatum deferret et triumphum: at quibus verbis? pro suis rebus gestis amplissimis; inimicum habere nolueram. ego scio, et quem metuam, et quam ob rem. sin erit bellum, ut video fore; partes meæ non desiderabuntur. De H-S millib. xx Terentia tibi rescripsit. Dionysio, dum existimabam vagos nos fore, nolui molestus esse. tibi autem, b. crebro ad me scribenti de ejus officio, nihil rescripsi: quod dicam ex dic expectabam, ut statuerem, quid esset faciendum. nunc, ut video, pueri certe in Formiano videntur hie-maturi: num et ego, nescio. si enim erit bellum, cum Pompeio esse constitui. quod habebo certi, faciam, ut scias. ego bellum foedissimum futurum puto; nisi qui, ut tu scis, Parthicus casus exstiterit.

M. TULLII CICERONIS
EPISTOLARUM

AD

ATTICUM

LIBER VIII.

ARGUMENTUM.

Scriptæ sunt libri hujus epistolæ consulibus item L. Cornelio Lentulo et C. Claudio Marcello; continentque historiam dierum xvi, Pompeii videlicet Pompeianorumque trepidationem: curam in delectu habendo: gesta a Cæsare in Piceno, et in Pelignis ad Corfinium; Domitii, Domitianorumque deditionem; sollicitudinem Ciceronis, aut potius æstum, Atticum consulentis, si Pompeius Italia excedat, quid sibi faciendum sit: navigandumne cum illo, an in suis prædiis manendum: et multa in utramque partem disputantis.

CICERO ATTICO S.

CUM ad te litteras dedissem, redditæ mihi litteræ sunt a Pompeio. cetera de rebus in Piceno gestis, quæ ad se Vibullius scripsisset; de delectu Domitii; quæ sunt vobis nota; ¹ nec tamen tam læta erant in his litteris, quam ad me Philotimus: (ipsam tibi epistolam misissem; sed subito fratris puer proficiscebatur: cras igitur mittam :) sed in ea Pompeii epistola erat in extremo, ipsius manu: *Tu, censeo, Luceriam venias: nusquam eris tutius.* Id ego in eam partem accepi; hæc oppida atque oram maritimam illum pro derelicto habere: nec sum miratus, eum, ² qui caput ipsum reliquisset, reliquis membris non parcere. Ei statim rescripsi, hominemque certum misi de comitibus meis,

¹ *Nec tamen tam læta erant in his litteris, quam a. m. Ph. scripserat.*] Valde hic variant libri scr. et edd. nec locus est nunc quoque sine vitio. Primo in his litteris puto esse spurium et a glossatore: satis est in principio esse litteræ et post parentheses *sed in ea epistola.* ea porro glossa peperit quos pro *quam* in edd. pr. Deinde scripserat, pro quo *dederat* habent

libri quidam, pariter est glossa; abestque ab ed. Juss. idque delevi. intelligi potest e superiori scripsisset, et alibi quoque omittitur a Cicerone.

² *Qui caput reliquisset - non parcere.*] Caput Italiæ, Romam. *non parcere*; nempe non pepercerat Romæ, cum eam relinquendo hostibus permiserat occupandam. v. ep. seq. med.

non me quærere, ³ubi tutissime essem: si me vellet sua, aut reipublicæ causa Luceriam venire, statim esse venturum: hortatusque sum, ut oram maritimam retineret, si rem frumentariam sibi ex provinciis suppeditari vellet, hoc me frustra scribere videbam. sed uti in urbe retinenda tunc, sic nunc in Italia non relinquenda testificabar sententiam meam. sic enim parari video, ut Luceriam omnes copiæ contrahantur: ⁴et ne is quidem locus stabilis, sed ex eo ipso, si urgeamur, paretur fuga. quo minus mirere, si invitatus in eam causam descendo, in qua neque pacis, neque victoriæ ratio quæsita sit umquam, sed semper flagitiosæ et calamitosæ fugæ. Eundem; ut, quemcumque fors tulerit casum, subeam potius cum iis, qui dicuntur esse boni, quam videar a bonis dissentire. etsi propediem video bonorum, id est, lautorum et locupletium, urbem refertam fore, municipiis vero his relictis, refertissimam. quo ego in numero essem, si hos lictores molestissimos non haberem. nec me M'. Lepidi, L. Volcatii, Ser. Sulpicii comitum pœniteret; quorum nemo nec stultior est, quam L. Domitius, nec inconstantior, quam App. Claudius. Unus Pompeius me movet, beneficio, non auctoritate. quam enim ille habeat auctoritatem in hac causa, qui, cum omnes Cæsarem metuebamus, ipse cum diligebat? postquam ipse metuere cœpit, putat omnes hostes illi oportere esse? Ibimus tamen Luceriam: nec cum fortasse delectabit noster adventus. dissimulare enim non potero, mihi, quæ adhuc acta sunt, displicere. Ego si somnum capere possem, tam longis te epistolis non obtunderem. tu, si tibi eadem causa est, me remunerere sane velim.

2

CICERO ATTICO S.

- b. MIHI vero omnia grata; et quod scripsisti ad me, quæ audieras; et quod non credidisti, quæ digna diligentia mea non erant; et quod monuisti, quod sentiebas. Ego ad Cæsarem unas Capua litteras dedi, quibus ad ea rescripsi, ⁵quæ mecum ille de gladiatoribus suis egerat, breves, sed

3 Ubi tutissime essem.] Sic libri sor. et edd. omnes. Victorius et Lambinus e Charisio L. II, p. 173. ed. Putsch. edidit tutissimo, quod omnes secuti sunt. ego, quia ea forma est contra analogiam, nec aliud exemplum aspiciam ejus occurrit, uno Charisii libro, non sum imitatus. In-

fra, ep. 11. est tutissime fore.

4 Et ne is q. locus stabilis, sed.] Puto post stabilis excidisse sit: quod hic facile fieri potuit.

5 Quæ mecum ille.] Int. Pompeius; de gladiatoribus suis, v. VII, 14.

benivolentiam significantes, non modo sine contumelia, sed etiam ⁶ cum maxima laude Pompeii. id enim illa sententia postulabat, qua illum ad eoneordiam hortabar. eas si quo ille misit, in publico proponat velim. Alteras eodem die dedi, quo has ad te. non potui non dare, cum et ipse ad me scripsisset, et Balbus. earum exemplum ad te misi. Nihil arbitror fore, quod reprehendas. si qua erunt, doce me, quo modo ea effugere possim. Nihil, inquires, omnino scripseris. qui magis effugas eos, ⁷ qui volent fingere? verumtamen ita faciam, quoad fieri poterit. Nam quod me hortaris ad memoriam factorum, dictorum, scriptorum etiam meorum; facis amice tu quidem, mihiq; gratissimum: sed mihi videris aliud tu honestum meque dignum in hac causa judicare, atque ego existimeni. mihi enim nihil ulla in gente umquam, ab ullo auctore reipublicæ ac duce, turpius factum esse videtur, quam a nostro amiceo factum est: cujus ego vicem doleo: qui urbem reliquit, id est patriam; pro qua et in qua mori præclarum fuit. Ignorare mihi videris, hæc quanta sit clades, es enim etiam nunc domi tuæ. ⁸ sed, invitis perditissimis hominibus, esse diutius non potes. hoc miserius, hoc turpius quidquam? vagamur egentes cum conjugibus et liberis. in unius hominis, quotannis periculose ægrotantis, anima positas omnes nostras spes habemus, ⁹ non expulsi, sed evocati e patria; quam non servandam ad reditum nostrum, sed diripiendam et inflammandam reliquimus. ita multi nobiscum sunt, non in suburbanis, non in hortis, ¹⁰ non in ipsa urbe: et si nunc sunt, non erunt. nos interea, ne Capuæ quidem, sed Luceriæ: et oram quidem maritimam jam relinquemus; Afranium exspectabimus, et Petreium. nam ¹¹ in Labieno parum est dignitatis. ¹² Hic tu in me illud; des, id feras. nihil de me dico;

p. 119.
a.

6 Cum maxima laude Pompeii.] Edd. pr. cum hujus max. laude Pompeii, ut et in Ms. reperit Ursinus. Placet Faerni sententia, qui servabat hujus, et debebat Pompeii, ut a glossa natum. Puto verum esse. illum intellige Cæsarem.

7 Qui volent fingere.] De 'mo, quæ sentiam, dixerim.

8 Sed, invitis p. hominibus, e. d. n. p.] Venit mihi in mentem, aut legendum: sed, nisi inv. aut post hominibus interpungendum. non post tuæ.

9 Non expulsi, sed evocati.] Illud ad Cæsarem, hoc ad Pompeium pertinet.

10 Non in ipsa urbe.] Urbe abest Mss. quibusdam, item ed. Rom. Vict. Jensonus primus edidit, et post cum omnes ad Victorium. urbem intellige Capuam. Sed non constant sibi hæc: multi nobiscum sunt -- et si nunc sunt. An non excidit in primo? ita non multi n. sunt. Sed omnino locus est vitiosus et obscurus.

11 In Labieno parum est dignitatis.] Opinor, quia transfuga erat. v. supra, VII, 11.

12 Hic tu in me illud, &c.] Hic locus vitiosus est, ut omnes videre. nec est certa medicina. Videant interpretes, qui

alii viderint. Hic quidem quæ est? domi vestræ estis, et eritis omnes boni. quis tum se mihi non ostendit? quis nunc adest hoc bello? sic enim jam appellandum est. Vibullii res gestæ sunt adhuc maximæ. id ¹³ ex Pompeii litteris cognoscas: in quibus animadvertito illum locum, ubi erit *δενλῆ*. videbis, de Cnæo nostro ipse Vibullius quid existimet. Quo igitur hæc spectat oratio? ego pro Pompeio lubenter emori possum. facio pluris omnium hominum neminem. ¹⁴ sed non ita uno in eo judico spem de salute reipublicæ. significas enim aliquanto secus, quam solebas: ut etiam, Italia, si ille cedat, putes cedendum. Quod ego nec reipublicæ puto esse utile, nec liberis meis: præterea neque rectum, neque honestum. sed cur? poterisne igitur videre tyrannum? quasi intersit, audiam an videam, aut locupletior mihi sit quaerendus auctor, quam Socrates; qui, cum xxx tyranni essent, pedem porta non extulit. Est mihi præterea præcipua causa manendi: de qua utinam aliquando tecum loquar! Ego xiiii Kalend. cum eadem lucerna hac epistolam scripsissem, qua inflammam ^b ram tuam, Formiis ad Pompeium, ¹⁵ si de pace agetur, profecturus; si de bello, quid ero?

3

CICERO ATTICO S.

MAXIMIS et miserrimis rebus perturbatus, cum coram tecum mihi potestas deliberandi non esset, uti tamen tuo consilio volui. Deliberatio autem omnis hæc est: si Pompeius Italia cedat, quod cum facturum esse suspicor, quid mihi agendum putes: et quo facilius consilium dare possis; quid in utramque partem mihi in mentem veniat, explicabo brevi. Cum merita Pompeii summa erga salutem meam, familiaritasque, quæ mihi cum eo est, tum ipsa reipublicæ causa me adducit, ut mihi vel consilium meum cum illius consilio, ¹⁶ vel fortuna [cum fortuna] conjun-

velint. Tanstallus, p. 63. sic corrigit: *Hic tu in me (dignitatem) desideras. Illud des, id feras. desideras excidisse putat ob similitudinem sequentium, des, id feras. mox: quis istum se mihi nunc ostendet?*

¹³ *Ex Pompeii litteris.*] Eas adiecerat suis.

¹⁴ *Sed non ita uno, &c.*] Non eodem modo, ut illum amo, in judicio, &c.

¹⁵ *Si de pace ageretur, profectus, &c.*]

Sic hodie vulgati. Edd. pr. *profecturus*, ut Rom. aut *profectus* ut Jons., &c. Similiter variant libri. Haud dubie verum est *profecturus*, sc. ap. Pompeium consilio meo. sed inde necessarium est *ageretur*. Res manifesta est. Itaque sic edidi. idem placuit Tanstallo, p. 79.

¹⁶ *Vel fortuna cum fortuna.*] Verba cum fortuna sunt e sola conjectura Malaspina: itaque et Grævius omisit. et pos-

genda esse videatur. Accedit illud: si maneo, et illum comitatum optimorum et clarissimorum civium desero, eadendum est in unius potestatem: qui, etsi multis rebus significat se nobis esse amicum, et, ut esset, a me est (tute scis) propter suspicionem hujus impendentis tempestatis multo ante provisum: tamen utrumque considerandum est, et quanta fides ei sit habenda; et, si maxime exploratum eum nobis amicum fore, sitne viri fortis et boni civis, esse in ea urbe, in qua cum summis honoribus imperiisque usus sit, res maximas gesserit, sacerdotio sit amplissimo præditus, ¹⁷ non futurus sit sui juris, subeundumque periculum sit, cum aliquo forte dedecore, quando Pompeius rempublicam recuperarit. In hac parte hæc sunt. vide nunc, quæ sint in altera. Nihil actum est a Pompeio nostro sapienter, nihil fortiter; addo etiam, nihil nisi contra consilium auctoritatemque meam. omitto illa vetera, quod istum in rempublicam ille aluit, auxit, armavit: ille legibus per vim et contra auspicia ferendis auctor: ille Galliæ ulterioris adjunctor: ille gener: ille in adoptando P. Clodio augur: ille restituendi mei, quam retinendi, studiosior: ille provinciæ propagator: ille absentis in omnibus adjutor: idem etiam tertio consulatu, postquam esse defensor reipublicæ cœpit, contendit, ut decem tribuni plebis ferrent, ut absentis ratio haberetur: quod idem ¹⁸ ipse sanxit lege quadam sua; Marcoque Marcello consuli, ¹⁹ finienti provinciis Galliis Kal. Mart. restitit. Sed, ut hæc omittam, quid foedius, quid perturbatius hoc ab urbe discessu, sive potius turpissima fuga? quæ conditio non accipienda fuit potius, quam relinquenda patria? malæ conditiones erant, fateor: sed num quid hoc peius? At recuperabit rempublicam. quando? aut quid ad eam spem est parati? non ager Picenus amissus? non patefactum iter ad urbem? non pecunia omnis

sunt e superiori, cons. m. cum ill. consilio intelligi. puto tamen conjecturam esse veram. Saltem unciis inclusi.

17 *Non futurus sit sui juris.*] Sic primus edidit Jensonus, quem omnes secuti sunt, præter J. Gronovium, qui de conjectura edidit *nomen futurus*, eleganter sane, ex antiquiori (ed. Rom.) et Mss. prope omnium lectione *non futurus*. Malui cum Grævio vetrem add. lectionem sequi, cujus sensus optimus est. non liberum esse alibi dicit, idque in summo malo ponit.

18 *Ipse sanxit lege quadam sua.*] Nempe ea, de qua Suetonius tradit, Cæs. 28. lege de imperio magistratuum.

19 *Finienti provinciis Galliis Kal. Mart.*] Ilanc lectionem prætulī, quæ et ipsa in Mss. reperta est, etiam adjuncto verbo *diem*: sicut in altera et vulgata hodie lectione *f. provincias Gallias* ed. Rom. habet *Kal. Martiarum die*. Mss. quidam *Kal. Martii die*. Viduum ortum est ab non intellecto verbo *finienti*, quod librarii intellexere vulgari modo, cum sit decernere finem, v. Clav.

p. 120.
a.

et publica et privata adversario tradita? denique ²⁰ nulla causa, nullæ vires, nulla sedes, quo concurrant, qui rempublicam defensam velint. Apulia delecta est, inanissima pars Italiæ, et ab impetu hujus belli remotissima: fuga et maritima opportunitas visâ quæri desperatione. invite cepi Capuam, non quo munus illud defugerem, ²¹ sed sic ne causam, in qua nullus esset ordinum, nullus apertus privatorum dolor: bonorum autem esset, aliquis, sed hebes, tu solet; ²² et, ut ipse sensissem: multitudo et infimus quisque propensus in alteram partem, multi mutationis rerum cupidi. Dixi ipsi, me nihil suscepturum sine præsidio et sine pecunia. itaque habui nihil omnino negotii; quod ab initio vidi, nihil quæri præter fugam. Eam si nunc sequor, b. quonam? Cum illo non: ad quem ²³ cum essem profectus, cognovi in iis locis esse Cæsarem, ut tuto Luceriam venire non possem. infero mari nobis, incerto cursu, hieme maxima navigandum est. Age jam, cum fratre, an sine? cum filio, aut quomodo? in utraque enim re summa difficultas erit, summus animi dolor. Qui autem impetus illius erit in nos absentes fortunasque nostras? acrior, quam in ceterorum; quod putabit fortasse, ²⁴ in nobis violandis aliquid se habere populare. Age jam, has compedes, fascēs, inquam, hos laureatos efferre ex Italia, quam molestum est? Qui autem locus erit nobis tutus, (ut jam placatis utamur fluctibus,) antequam ad illum venerimus? qua autem, aut quo, nihil scimus. At si restitero, et fuerit nobis in hac parte locus; idem fecero, quod in Cinnæ dominatione Philippus, quod L. Flaccus, quod Q. Mucius, quoquo modo ea res huic quidem cecidit; qui tamen ita dicere solebat, se, id fore, videre, quod factum est; sed malle, quam armatum ad patriæ moenia accedere. aliter Thrasybulus, et fortasse melius. sed est certa quædam illa Mucii ratio atque sententia: est illa etiam Thrasybuli; et, cum sit necesse,

20 Nulla causa.] Non consentiunt interpretes. Sensus est similis locis superioribus, ubi causa dicitur nullam causam habere: nempe omnia, quæ tum pro causa jactabantur, ea jam ante fuerant, nec tamen Pompeius iis motus fuerat, ut Cæsari adversaretur.

21 Sed sic ne causam.] Edd. pr. *sed sine causa*. quidam correxerunt: *sed sic, ne causam*, sc. depererem. Sed omnia ista dura sunt, nec apta seriei orationis non quo

- sed, quæ postulat *sed ut causam*. idque et consentit sequentibus.

22 Et, ut ipse sensissem.] Scil. cum in exsilium mitterer.

23 Cum essem profectus.] Sic edd. pr. aliæ edd. vet. *profecturus*: quod est facilius. Sed illud quoque intelligi commodè potest: cum jam discessissim et essem in itinere.

24 In nobis viol. - populare.] Scil. quod ex optimatibus esset.

servire tempori, et non amittere tempus, cum sit datum. Sed in hoc ipso habent tamen iidem fascēs molestiam. sit enim nobis amicus, quod incertum est: sed sit; deferet triumphum. ²⁵ non acciperene periculosum sit, an accipere invidiosum ad bonos? o rem, inquis, difficilem et inexplicabilem! atqui explicanda est: qui enim fieri potest? ac ne me existimaris ad manendum esse propensiorē, quod plura in eam partem verba fecerim: potest fieri, quod sit in multis quæstionibus, ut res verbosior hæc fuerit, illa verior. quamobrem, ut maxima de re, æquo animo deliberanti, ita mihi des consilium velim. Navis et in Caieta ^{p. 121.} est parata nobis et Brundisii. sed ecce nuntii, scribente me hæc ipsa noctu in Caleno, ecce litteræ, Cæsarem ad Corfinium, Domitium Corfinii cum firmo exercitu, et pugnare cupiente. non puto etiam hoc Cnæum nostrum commissurum, ut Domitium relinquat: ctsi Brundisium Scipionem cum cohortibus duabus præmiserat; legionem Fausto conscriptam, in Siciliam sibi placere a consule duci, scripserat ad consules. Sed turpe Domitium descrere erit, implorantem ejus auxilium. Est quædam spes, mihi quidem non magna, sed in his locis firma, Afranium in Pirenæo cum Trebonio pugnasse, pulsum Trebonium, etiam Fabium tuum transisse cum cohortibus: summa autem, Afranium cum magnis copiis adventare. id si est, in Italia fortasse manebitur. Ego autem, cum esset incertum iter Cæsaris, quod vel ad Capuam, vel ad Luceriam iturus putabatur, Leptam ad Pompeium misi et litteras; ipse, ne quo inciderem, reverti Formias. Hæc te scire volui, scripsique sedatiore animo, quam proxime scripseram, nullum meum judicium interponens, sed exquirens tuum.

CICERO ATTICO S.

4

DIONYSIUS quidem tuus potius, quam noster, ejus ego cum satis cognossem mores, tuo tamen potius stabam iudicio, quam meo, ²⁶ ne tui quidem testimonii, quod ei sæpe apud me dederas, veritus, superbum se præbuit in fortuna, quam putavit nostram fore: ejus fortunæ nos,

²⁵ Non acciperene per. sit, an accipere scripsisse: non accipere, ne periculosum i. a. b.] Hæc non placent, nam sententia sit: accipere invidiosum ad bonos, ne aut as- non satis constat: et variant libri. ed. firmando accipiendum, aut intell. metuo ne. Rom. habet: non accipere: ne periculosum ²⁶ Ne tui quidem testimonii - - veritus.] sit, invidiosum ad bonos. puto Ciceronem V. Clav. in verbor.

- b. quantum humano consilio effici poterit, motum ratione quadam gubernabimus. cui, qui noster honos, quod obsequium, quæ etiam ²⁷ ad ceteros contemti cujusdam hominis commendatio defuit? ut meum iudicium reprehendi a Quinto fratre, vulgoque ab omnibus mallet, quam illum non efferre laudibus; Cicronesque nostros meo potius labore subdoceri, quam me aliumvis magistrum quærere. ad quem ego quas litteras, dii immortales! miseram? ²⁸ quantum honoris significantes? quantum amoris? Dicæarchum mehercule, aut Aristoxenum diceres arcessi, non unum omnium loquacissimum et minime aptum ad docendum. sed est memoria bona. me dicet esse meliore. quibus litteris ita respondit, ut ego nemini, cujus causam non reciperem. semper enim, *si potero; si ante suscepta causa non impediar*. numquam reo cuiquam, tam humili, tam sordido, tam nocenti, tam alieno, tam præcise negavi, quam hic mihi. plane sine ulla exceptione præcidit. nihil cognovi ingratius: in quo vitio nihil mali non inest. Sed de hoc nimis multa. Ego navem paravi: tuas litteras tamen exspecto; ut sciam, quid respondeant consultationi meæ. Sulmone C. Attium Pelignum aperuisse Antonio portas, cum essent cohortes quinque, Q. Lucretium inde effugisse, scis; ²⁹ Cnæum ire Brundisium desertum. confecta res est.

5

CICERO ATTICO S.

CUM ante lucem iix Kal. litteras ad te de Dionysio dedissem, vesperi ad nos eodem die venit ipse Dionysius, auctoritate tua permotus, ut saspicor. quid enim putem aliud? etsi solet eum, cum aliquid furiose fecit, pœnitere.

p. 122. ³⁰ numquam autem certior fuit, quam in hoc negotio. nam,

a.

²⁷ Ad cet. contemti cujusdam hominis.] Ad ceteros et ad commendatio referri potest et ad contemti. hoc malim. Sed cujusdam non placet: putoque delendam.

²⁸ Quantum honoris significantes.] Sic inde a Jensonio editur. Grævius o lectione Mss. Ball. Helmst. quantum honoris significationem conjiciebat quantum h. significationem. At in ed. Rom. plane est quantum hon. significationem, quantum amoris. nec id displicet, cum illud significantes aures meas suboffendat.

²⁹ Cnæum ire Brundisium desertum.] Hoc primum in margine ed. Crat. reperi: receperit in textum Vict. P. Manutius, &c. ed. Rom. habet Cn. noster Brundisium de-

servit, ut Græv. in Ms. Balliol. reperit atque edidit. Sed putabat excidisse *Domitium* ante *deservit*. ed. Jens. et seqq. usque ad Vict. Quo noster Cnæus? Brundisium desertum. Jensoniana lectio, quæ et in Mss. Pal. reperta est, omnium minime librarium sapere videtur. Sed non audeo decernere.

³⁰ Numquam a. certior fuit q. i. h. n.] Quare, aut quomodo certior? sensit Lambinus et alii, feceruntque *territior*. quod est sane durum. Mihi videtur legendum *tetrior*: quod rei optime convenit. littera t in initio verborum media ætate sic exprimitur, ut facile cum e confundas, ut sæpe vidimus. hinc certior nasci potuit.

quod ad te non scripseram, postea audiui, a tertio miliario
tum eum *ρίψαι*

Πολλὰ μάτην κεράσσειν ἐς ἡέρα θυμήναντα

multa, inquam, mala eum dixisse; suo capiti, ut ajunt. sed
o meam mansuetudinem! Conjeecebam in fasciculum una
cum tua vehementem ad illum epistolam: hanc ad me re-
ferri volo; nec ullam ob aliam causam ³¹ Pollicem, servum
a pedibus meis, Romam misi. eo autem ad te scripsi, ut,
si tibi forte reddita esset, mihi curares referendam; ne in
illius manus perveniret. Novi si quid esset, scripsissem.
pendeo animi exspectatione Corfiniensi; in qua de salute
reipublicæ decernitur. Tu fasciculum, qui est *URS M'. CU-*
RIO inscriptus, velim cures ad eum perferendum; Tiro-
nemque Curio commendes; ut ei, ut petii, si quid opus erit
in sumtum, eroget.

CICERO ATTICO S.

6

OBSIGNATA jam epistola, quam de nocte daturus
eram, sicut dedi, (nam eam vesperi scripseram,) C. Sosius
prætor in Formianum venit ad M'. Lepidum, vicinum nos-
trum, cujus quæstor fuit; Pompeii litterarum ad consu-
lem exemplum attulit.

Litteræ mihi a L. Domitio ³² *a. d. XIII Kalend. Mart.*
allatæ sunt: earum exemplum infra scripsi. nunc, ut ego
non scribam, tua sponte te intelligere scio, quanti reipublicæ
intersit, omnes copias in unum locum primo quoque tempore
convenire. tu, si tibi videbitur, dabis operam, quamprimum
ad nos venias. præsidii Capuæ, quantum constitueritis esse
satis, relinquas.

Deinde supposuit exemplum epistolæ Domitii, quod
ego ad te pridie miscram. Dii immortales, qui me horror ^{b.}
perfudit! quam sum sollicitus, quidnam futurum sit? hoc
tamen spero, magnum nomen imperatoris fore, magnum in
adventu terrorem, ³³ spero etiam, quoniam adhuc nihil nobis

³¹ Pollicem servum a p. m.] Pro glos-
semate habet Ursinus servum a p. m.

³² A. d. XIII Kal. Mart.] Pontedera
in Antiqu. Rom. et Græc. Em. p. 322. et
hunc et alterum numerum XIII qui est in
edd. pr. vitiosum esse judicat, et litteras
illas datas fuisse XII, IV, aut V Id. Febr.

³³ Spero etiam, &c.] Locum hunc
valde corruptum esse, viderunt omnes.
nec sensus commodus efficitur, cujuscum-
que vel libri lectionem vel viri docti con-
jecturam sequamur. itaque iis commemo-
randis non molesti erimus lectoribus nos-
tris.

obfuit, nihil mutasse: nec tegentia hoc, quod cum fortiter et diligenter, tum etiam hercule. modo enim audiui, quartanam a te discessisse. moriar, si magis gauderem, si id mihi accidisset. Piliæ dic, non esse æquum, eam diutius habere, nec id esse vestræ concordiae. Tironem nostrum ab altera relictum audio. sed cum video in sumtum ab aliis mutuatum. ego autem Curium nostrum, si quid opus esset, rogaram. malo Tironis verecundiam in culpa esse, quam illiberalitatem Curii.

7

CICERO ATTICO S.

UNUM etiam restat amico nostro ad omne dedecus, ut Domitio non subveniat. at nemo dubitat, quin subsidio venturus sit. ego non puto. deseret igitur talem civem, ³⁴et eos, quos una scis esse? cum habeat præsertim et ipse cohortes xxx? nisi me omnia fallunt, ³⁵deseret. incredibiliter pertimuit. nihil spectat, nisi fugam: cui tu (video enim quid sentias) me comitem putas debere esse. Ego vero, quem fugiam, habeo; quem sequar, non habeo. ³⁶quod enim tu meum laudas, et memorandum dicis, malle, quod dixerim, me cum Pompeio vinci, quam cum istis vincere: ego vero malo, sed cum illo Pompeio, qui tum erat, aut qui mihi esse videbatur; cum hoc vero, qui ante fugit, quam scit, aut quem fugiat, aut quo, qui nostra tradidit, qui patriam reliquit, Italiam relinquit, si malui; ³⁷contigit; victus sum. quod superest, nec ista videre possum, quæ, ³⁸numquam timui, ne viderem; nec mehercule istum, propter quem mihi non modo meis, sed memet ipso carendum est. Ad Philotimum scripsi de viatico, sive ³⁹a Moneta, (nemo enim solvit,) sive ab Oppiis, tuis contubernalibus. ⁴⁰cetera apposita tibi mandabo.

34 Et eos, quos una scis esse.] Sic legitur e correctione Viotorii, sumta ex cod. ejus scr. quam tamen et margo Cratandri habebat, quem P. Manutius et ceteri secuti sunt. Vulgata ante erat, ex ed. Rom. et eos una, quos is secum habeat, præsertim ex ipso coh. xxx. Ed. Jensoni etiam vitiosior, quam nemo secutus est.

35 Deseret.] Grævius addi vult Domitium, quia nomen ejus hic in libris est, post xxx, tum scr. tum edd. antiquis.

36 Quod e. tu meum laudas.] Edd. inde a Jens. addunt consilium, id Victorius et Mss. se delevisse dicit: sed et ab

ed. Rom. aberat. Prodiçis Grævius tacito dedit ducis.

37 Contigit.] Factum est, quod volui. facetus locus, contigit, victus sum, per conjunctionem verbi felicia significantis contigit, cum verbo tristi, victus sum. Mox istum intellige Cæsarem.

38 A Moneta.] Ex officina numorum cudendorum, quæ erat ad eadem Monetæ, sc. pro argento non signato petendo signato. nemo enim solvit, qui mihi debet, ut ab iis petere pecuniam possim.

39 Cetera apposita tibi m.] Offendit me verbum apposita. vix credo esse a Ci-

CICERO ATTICO S.

8

O REM turpem, et ea re miseram! sic enim sentio, id demum, aut potius id solum esse miserum, quod turpe sit. Aluerat Cæsarem: eundem repente timere cœperat: conditionem pacis nullam probarat: nihil ad bellum pararat: urbem reliquerat: ⁴⁰ Picenum amiserat culpa; in Apuliam se compegerat: ibat in Græciam: omnes nos ἀπροσφωνήτους, expertes sui tanti, tam inusitati consilii, relinquebat. ecce subito litteræ Domitii ad illum, ipsius ⁴¹ ad consules. fulsisse mihi videbatur τὸ καλὸν ad oculos ejus, et exclamasse ille vir, qui esse debuit,

Πρὸς τοῦθ' ὃ, τι χρεὶ καὶ παλαμάσθων,
Καὶ πάντ' ἐπ' ἐμοὶ τεκταινέσθων.
Τὸ γὰρ εὖ μετ' ἐμοῦ.

at ille tibi, πολλὰ χαίρειν τῷ καλῷ dicens, pergit Brundisium. Domitium autem ajunt, re audita, et eos, qui una essent, se tradidisse. o rem lugubrem! itaque intereludor dolore, quo minus ad te plura scribam. tuas litteras exspecto.

CICERO ATTICO S,

9

⁴² EPISTOLAM meam quod pervulgatam scribis esse, non fero moleste. quin etiam ipse multis dedi describendam. ea enim et acciderunt jam et impendent, ut testatum b. esse velim, de pace quid senserim. cum autem ad eam hortarer, cum præsertim hominem, non videbar ullo modo facilius moturus, quam si id, quod eum hortarer, convenire ejus sapientiæ dicerem. eam si *admirabilem* dixi, cum eum ad salutem patriæ ⁴³ hortabar; non sum veritus, ne viderer assentari; cui tali in re lubenter me ad pedes abjecissem. Qua autem est, *aliquid impertias temporis*; non est de pace, sed, de me ipso, et de meo officio, ut aliquid cogitet. Nam quod testificor, me expertem belli fuisse; etsi id re perspectum est, tamen eo scripsi, quo in suadendo

cærone: is sic non dicit, cum res necessarias exprimere vult. Si est a Cicrone, significat, his conjuncta vel similia, ut de Inv. II, 50.

⁴⁰ Picenum amiserat culpa.] An addendum sua: nam tamen videtur dicendum fuisse, cujus culpa amiserit.

⁴¹ Ad consules.] Malunt viri docti ad consulem, sc. Lentulum, ad quem scrip-

siasse Cicero describere narrat. Fortasse plurali usus est e more. ad consules scribit in re publica, qui ad unum scribit.

⁴² Epistolam meam.] Ad Cæsarem sc. de qua supra, ep. 2.

⁴³ Hortabar.] Frustra Grævius e libris suis hortarer probat. quia cum temporis vim habet, hortabar dicere debuit Cicero.

plus auctoritatis haberem; eodemque pertinet, quod causam ejus probo. Sed quid hæc nunc? utinam aliquid profectum esset! nã ego istas litteras in concione recitari velim; si quidem ⁴⁴ille ipse ad eundem scribens in publico proposuit epistolam illam, in qua est, *pro tuis rebus gestis amplissimis*: amplioribusne, quam suis, quam Africani? ita tempestas ferebat. si quidem etiam ⁴⁵vos duo tales ad quintum milliarium: quid, nunc ipsum, unde se recipienti? quid agenti? quid acturo? quanto autem ferocius ille causæ suæ confidet, cum vos, cum vestri similes non modo frequentes, sed læto vultu gratulantes viderit? Num igitur peccamus? minime vos quidem. sed tamen signa conturbantur, quibus voluntas a simulatione distingui posset. Quæ vero senatus consulta video? sed apertius, quam proposueram. Ego Arpini volo esse pridie Kal. deinde circum villulas nostras errare, quas visurum me postea desperavi. *ἐὺγενῇ* tua consilia, et tamen pro temporibus non incauta, mihi valde probantur. Lepido quidem (nam fere ^{a.} *συνδιημερεύομεν*: quod gratissimum illi est) numquam placuit ex Italia exire, Tullo multo minus. crebro enim illius litteræ ab aliis ad nos commeant. sed me illorum sententiæ minus movebant. minus multa dederant illi reipublicæ pignora. tua mehercule auctoritas vehementer movet. affert enim et reliqui temporis recuperandi rationem, et præsentis tuendi. sed, obsecro te, quid hoc miserius, quam alterum plausus in foedissima causa quærere, alterum offensiones in optima? alterum existimari conservatorem inimicorum, alterum desertorem amicorum? Et mehercule quamvis amemus Cnæum nostrum, ut et facimus, et debemus; tamen hoc, quod talibus viris non subvenit, laudare non possum. nam sive timuit; quid ignavius? sive, ut quidam putant, meliorem suam causam illorum cæde fore putavit; quid injustius? Sed hæc omittamus. ⁴⁶augemus enim dolorem retractando. vi Kal. vesperi Balbus minor ad me venit, occulta via currens ad Lentulum consulem, missu Cæsaris, cum litteris, cum mandatis, cum promissione provinciæ, Romam ut redeat; cui persuaderi posse non arbitror,

⁴⁴ Ille ipse.] Pompeius.

⁴⁵ Vos duo tales.] Int. Atticum et S. Peducum. v. VII, 12. Mox nunc ipsum est hoc ipso tempore, ut alibi usurpat Ci-

cero: unde, sc. e bello cum civibus gesto.

⁴⁶ Augemus dol. retractando.] Int. vulnere, ex ipso verbo, quod ad vulnus refertur notum est.

⁴⁷ nisi erit conventus. idem ajebat, nihil malle Cæsarem, quam ut Pompeium assequeretur: id credo: et rediret in gratiam: id non credo; et metuo, ne omnis hæc clementia ad ⁴⁸ unam illam crudelitatem colligatur. Balbus quidem major ad me scribit, nihil malle Cæsarem, quam principe Pompeio sine metu vivere. tu puto hæc credis. sed, cum hæc scribebam v Kalend. Pompeius jam Brundisium venis-
 nis-
 se poterat. expeditus enim antecesserat legiones Luce-
 ria. sed hoc *τέρας* horribili vigilantia, celeritate, diligentia
 est. plane, quid futurum sit, nescio.

CICERO ATTICO S.

10

DIONYSIUS cum ad me præter opinionem meam ve-
 nis-
 set, locutus sum cum eo liberalissime; tempora expo-
 sui: rogavi, ut diceret, quid haberet in animo: me nihil
 ab ipso invito contendere. respondit, se, ⁴⁹ quod in numis
 haberet, nescire quo loci esset: alios non solvere, aliorum
 diem nondum esse, dixit. etiam alia quædam de servulis
 suis, quare nobiscum esse non posset. morem gessi: di-
 misi a me, ut magistrum Ciceronum, non lubenter; ut ho-
 minem ingratum, non invitus. Volui te scire, quid ego de
 ejus facto judicarem.

CICERO ATTICO S.

11

QUOD me magno animi motu perturbatum putas; sum
 equidem, sed non tam magno, quam tibi fortasse videor.
 Levatur enim omnis cura, cum ⁵⁰ aut constitit consilium,
 aut cogitando nihil explicatur. lamentari autem licet. ⁵¹ il-
 lud tamen totos dies. sed vereor, ne, nihil cum proficiam,
 etiam dedecori sin studiis ac litteris nostris. consumo igitur
 omne tempus, considerans, quanta vis sit illius viri,
 quem nostris libris satis diligenter, ut tibi quidem vide-
 mur, expressimus. Tene-
 ne igitur, moderatorem illum rei-

⁴⁷ Nisi erit conventus.] Sc. a Balbo, *habere in numis*, eaque dicitur de pecunia
 ut coram res agatur. nec tempus relinqua-
 tur, rem referendi ad Pompeium: an ali-
 quid ad largitionem pertineat hic lateat,
 ut nonnullis visum, non dixerim.

⁴⁸ Unam crudelitatem.] Ut Pompeius
 interficiatur.

⁴⁹ Quod in numis haberet.] Sic ed. Rom.
 et inde alie. quidam scr. *nominibus*, quod
 Lamb. et Manutius probant, recepit et
 Grævius. Propria Ciceronis phrasia est

habere in numis, eaque dicitur de pecunia
 et que in arca est, et qua fœnori data,
 opponiturque prædiis. Verr. III, 86. *ha-*
bet in numis, in urbanis prædiis.

⁵⁰ Aut constitit consilium.] I. consi-
 lium certum captum est. alia lectio est
cum constant consilia. non male, sed vulga-
 tum melius et facilius.

⁵¹ Illud tamen totos dies.] Int. non
 placet.

publicæ quo referre velimus omnia? nam sic quinto; ut opinor, in libro loquitur Scipio: *Ut enim gubernatori cursus secundus, medico salus, imperatori victoria; sic huic moderatori reipublicæ beata civium vita proposita est; ut opibus firma, copiis locuples, gloria ampla, virtute honesta sit, hujus enim operis, maximi inter homines atque optimi, illum esse perfectorem volo.* Hoc Cnæus noster cum antea numquam, tum in hac causa minime cogitavit. dominatio quæsitæ ab utroque est: non id actum, beata et honesta civitas ut esset. Nec vero ille urbem reliquit, quod eam tueri non posset; nec Italiam, quod ea pelleretur: sed hoc a primo cogitavit, omnes terras, omnia maria movere, reges barbaros incitare, gentes feras armatas in Italiam adducere, exercitus conficere maximos. genus illud Sullani regni jampridem appetitur, multis, qui una sunt, cupientibus. An censes, nihil inter eos convenire, nullam pacificationem fieri potuisse? hodie potest. sed neutri *σκοπὸς* est ille, ut nos beati simus; ⁵² uterque regnare vult. Hæc, a te invitatus, breviter exposui. voluisti enim me, quid de his malis sentirem, ostendere. *προδεδεικνύω* igitur, noster Attice, non ariolans, ut illa, cui nemo credidit, sed conjectura prospiciens;

⁵³ *Jamque mari magno.*

non multo inquam secus possum vaticinari: tanta malorum impendet *ἰλιός*. atque hoc nostra gravior est causa, qui domi sumus, quam illorum, qui una transierunt, quod illi quidem alterum metuant, nos utrumque. cur igitur, inquis, remansimus? vel tibi paruius; ⁵⁴ vel non occurrimus; vel hoc fuit rectius. conculcari, inquam, miseram Italiam videbis proxima æstate, et quati utriusque vi, mancipiis ex omni genere collectis: ⁵⁵ nec tam irruptio pertimescenda,

⁵² *Uterque regnare vult.*] Græviana habet *repugnare*: nescio consulto, an operarum vitio. nihil quidem de hac lectione Grævius.

⁵³ *Jamque mari magno.*] Reliqua vid. de Divia. L. I.

⁵⁴ *Vel non occurrimus.*] Pompeio sc.

⁵⁵ *Nec tam irruptio - - interitus.*] *Irruptio* est lectio antiqua edd. Rom. Ascens. &c. Victorius e scriptura, quam in codice antiquo dicit se reperisse, *iptio*, fecit *proscriptio*, quod ceteri deinde secuti sunt. ea scriptura est in ed. Jens. ut cetera,

quæ ex illo antiquo codice affert, in quo forte illa ipsa editio intelligenda, ut alibi ed. Rom. Sed quomodo e *proscriptio* fiat *iptio*? Immo est compendium ineptum, lectionis veræ *irruptio*, quæ est in ed. Rom. nec ea est loco movenda. *irruptioni* hostili, bene ut gravior opponitur *interitus*, non *proscriptioni*. Jac. Gronovius e conjectura, haud probabili, in textum recepit *sectio*. Græviana conjectura melior est, *directio*, mox servavi *universæ* sc. Italiae, ex eadem ed. Rom. in qua, ut sæpe pro *a* est *e*. nonnulli libri habent ut ed.

quæ Luceriæ multis sermonibus denuntiata est, quam universæ interitus: tantas in configendo utriusque vires video futuras. Habes conjecturam meam. tu autem consolationis fortasse aliquid expectasti: nihil invenio; nihil fieri potest miserius, nihil perditius, nihil foedius. Quod quæris, quid Cæsar ad me scripserit; quod sæpe: gratissimum sibi esse, quod quierim: oratque, in eo ut perseverem. Balbus minor hæc eadem mandata. iter autem ejus erat ad Lentulum consulem cum litteris Cæsaris, præmiorumque promissis, si Romam revertisset. verum, cum habeo rationem dierum, ante puto transmissurum, quam potuerit conveniri. Epistolarum Pompeii duarum, quas ad me misit, negligentiam, ⁵⁶ meamque in rescribendo diligentiam volui tibi notam esse. earum exempla ad te misi. Cæsaris hic per Apuliam ad Brundisium cursus quid efficiat, exspecto. utinam aliquid ⁵⁷ simile Parthicis rebus! simul aliquid audiero, scribam ad te. tu ad me velim bonorum sermones. Romæ frequentes esse dicuntur. scio equidem te in publicum non prodire. sed tamen, audire te multa, necesse est. Memini librum tibi afferri a Demetrio Magnete (ad te missum scio) *περὶ ὁμοιοτάς*. eum mihi velim mittas. vides, quam causam mediter.

CN. MAGNUS, PROCOS. S. D. M. CICERONI, IMP.

QUINTUS Fabius ad me venit a. d. iv Kalend. Febr. is nuntiat L. Domitium cum suis cohortibus xi, et cohortibus xiv, quas Vibullius adduxit, ad me iter habere: habuisse in animo proficisci Corfinio, a. d. v Id. Febr. C. Hirrum cum v cohortibus subsequi. censeo, ad nos Luce-
riam venias. nam te hic tutissime puto fore.

M. CICERO, IMP. S. D. CN. MAGNO, PROCOS.

A. D. xv Kalend. Mart. Formiis accepi tuas litteras: ex quibus ea, quæ in agro Piceno gesta erant, cognovi com-
modiora esse multo, ⁵⁸ quam ut erat nobis nuntiatum; Vi-

Jens. universam, vel universum, e quo Bosius fecit *universim*: melius conjecisset *universorum*.

⁵⁶ Meamque in rescribendo dil.] Grævius e suis Mss. edidit scribendo, quia opponeretur melius *litterarum negligentia*: in vulgata idem exprimitur, et simul responsio ad illas litteras.

⁵⁷ Simile Parthicis rebus.] I. e. irruptiones et incursiones breves, quales Parthorum fuerant, cum esset in provincia, et quales esse solent.

⁵⁸ Quam ut erat nobis nuntiatum.] Ut mihi suspectum est. non solet in hac quidem forma addi *quæ*.

bullique virtutem, industriamque libenter agnovi. Nos adhuc ⁵⁹in ea ora, ubi præpositi sumus, ita fuimus, ut navem paratam haberemus. ea enim audiebamus, et ea verebamus, ut, ⁶⁰quodcumque tu consilium præcepisses, id nobis persequendum putaremus. nunc, quoniam auctoritate et consilio tuo in spe firmiore sumus : si teneri posse putas Taracinam, et oram maritimam, in ea manebo : etsi præsidia in oppidis nulla sunt. nemo enim nostri ordinis in his locis est, præter M. Eppium, quem ego Minturnis esse volui, vigilantem hominem et industrium. nam L. Torquatum, virum fortem et cum auctoritate, Formiis non habemus : ad te profectum arbitramur. ego omnino, ut proxime tibi placuerat, Capuam veni eo ipso die, quo tu Teano Sidicino es profectus. volueras enim me cum M. Considio proprætore illa negotia tueri. Cum eo venissem, vidi T. Ampium delectum habere diligentissime, ab eo accipere Libonem, summa item diligentia, et in illa colonia auctoritate. fui Capuæ, quoad consules. iterum, ut erat dictum ab consulibus, veni Capuam ad Nonas Februar. cum fuissem triduum, recepi me Formias. Nunc quod tuum consilium, aut quæ ratio belli sit, ignoro. si tenendam hanc oram putas, quæ et opportunitatem ⁶¹et dignitatem habet, et egregios cives, et, ut arbitror, teneri potest ; opus est esse, qui præsit. sin omnia in unum locum contrahenda sunt ; non dubito, quin ad te statim veniam : quo mihi nihil optatius est : idque tecum, quo die ab urbe discessimus, locutus sum. Ego, si cui adhuc videor segnior fuisse, dum ne tibi videar, non laboro : et tamen, si, ut video, bellum gerendum est, confido me
b. omnibus facile satisfacturum. M. Tullium, meum necessarium, ad te misi : cui tu, si tibi videretur, ad me litteras dares.

CN. MAGNUS, PROCOS. S. D. M. CICERONI, IMP.

S. V. B. E. Tuas litteras libenter legi. recognovi enim tuam pristinam virtutem etiam in salute communi. Consules ad eum exercitum, quem in Apulia habui, venerunt. Magnopere te hortor, pro tuo singulari perpetuoque studio

⁵⁹ In ea ora ubi præpositi sumus.] Pato scribendum esse cui : nam verbum præpositi sumus simpliciter eo sensu, quo hic est, vix commode dicitur.

⁶⁰ Quodcumque tu consilium præce-

pisses.] Durius est consilium præcipere : vereor, ne consilium sit a glossa, ut supra, ep. 7.

⁶¹ Et dignitatem.] Ex urbe Capua, quæ erat, ut supra dicit, quasi altera Roma.

in rempublicam, ut te ad nos conferas; ut communi consilio reipublicæ afflictæ opem atque auxilium feramus. censeo, via Appia iter facias, et celeriter Brundisium venias.

M. CICERO, IMP. S. D. CN. MAGNO, PROCOS.

CUM ad te litteras misissem, quæ tibi Canusii redditæ sunt, suspicionem nullam habebam, te reipublicæ causa mare transiturum; eramque in spe magna, fore, ut in Italia possemus aut concordiam constituere, qua mihi nihil utilius videbatur, aut rempublicam summa cum dignitate defendere. interim, nondum meis litteris ad te perlatis, ex his mandatis, quæ D. Lælio ad consules dederas, certior tui consilii factus, non exspectavi, dum mihi a te litteræ redderentur, confestimque cum Quinto fratre, et cum liberis nostris iter ad te in Apuliam facere cœpi. cum Teanum Sidicinum venissem, C. Messius, familiaris tuus, mihi dixit, aliique complures, Cæsarem iter habere Capuam, et eo ipso die mansurum esse Eserniæ. Sane sum commotus; quod, si ita esset, non modo iter meum interclusum, sed meipsum plane exceptum putabam. itaque tum Cales processi, ut ibi potissimum consisterem, dum certum nobis ab Esernia de eo, quod audieram, referretur. At mihi, cum Calibus essem, affertur litterarum tuarum exemplum, quas tu ad Lentulum consulem misisses. hæ scriptæ sic erant: Litteras tibi a L. Domitio a. d. xiiii Kal. Mart. allatas esse, (carumque exemplum subscripscras,) magnique interesse reipublicæ scripscras, omnes copias primo quoque tempore in unum locum convenire; ⁶² et ut, præsidii quod satis esset, Capuæ relinqueret. His ego litteris lectis, in eadem opinione fui, qua reliqui omnes, te cum omnibus copiis ad Corfinium esse venturum: quo mihi, cum Cæsar ad oppidum castra haberet, tutum iter esse non arbitrabar. Cum res in summa exspectatione esset, utrumque simul audimus, et quæ Corfinii acta essent, et te iter Brundisium facere cœpisse: cumque nec mihi, nec fratri meo dubium esset, quin Brundisium contenderemus; a multis, qui e Samnio Apuliaque veniebant, admoniti sumus, ut caveremus, ne exciperemur a Cæsare; quod is in eadem loca, quæ nos petebamus, profectus, celerius etiam, quam nos possemus,

p. 127.
a.

62 Et ut - - Capuæ relinqueret.] Quis? nempe Lentulus, forte tamen fuit relinqueretur.

⁶³ eo, quo intenderet, venturus esset. quod cum ita esset; nec mihi, nec fratri meo, nec cuiquam amicorum placuit committere, ut temeritas nostra non solum nobis, sed etiam reipublicæ noceret; cum præsertim non dubitarem, quin, si etiam tutum nobis iter fuisset, te tamen jam consequi non possemus. interim accepimus tuas litteras, Canusio a. d. x Kalend. Mart. datas, quibus nos hortaris, ut celerius Brundisium veniamus; quas cum accepissemus a. d. 111 Kalend.

- b. Mart. non dubitabamus, quin tu jam Brundisium pervenisses: nobisque iter illud omnino interclusum videbatur, neque minus nos esse captos, quam qui Corfinium venissent. Neque enim eos solos arbitrabamur capi, qui in armatorum manus incidissent, sed eos nihilo minus, qui regionibus exclusi, intra præsidia, atque intra arma aliena venissent. Quod cum ita sit, maxime vellem primum semper tecum fuisse; quod quidem tibi ostenderam, cum a me Capuam rejiciebam: quod feci non vitandi oneris causa, sed quod videbam, teneri illam urbem sine exercitu non posse: accidere autem mihi nolebam, quod doleo viris fortissimis accidisse. quoniam autem, tecum ut essem, non contigit: utinam tui consilii certior factus essem! nam suspicione assequi non potui; quod omnia prius arbitratus sum fore, quam ut hæc reipublicæ causa in Italia non posset ducere te consistere. Neque vero nunc consilium tuum reprehendo, sed fortunam reipublicæ lugeo: nec, si ego, quid tu sis secutus, non perspicio, idcirco minus existimo, te nihil nisi summa ratione fecisse. Mea quæ semper fuerit sententia, primum de pace vel iniqua conditione retinenda, deinde de urbe, (nam de Italia quidem nihil mihi umquam ostenderas,) meminisse te arbitror. sed mihi non sumo, ut meum consilium valere debuerit: secutus sum tuum; neque id reipublicæ causa, de qua desperavi, quæ et nunc afflicta est, nec excitari sine civili perniciosissimo bello potest: sed te quærebam: tecum esse cupiebam: neque ejus rei facultatem, si qua erit, prætermittam. Ego me in hac omni causa facile intelligebam pugnandi cupidis hominibus non satisfacere. primum enim præ me tuli, me nihil malle, quam pacem; non quin eadem timerem, quæ illi: sed ea bello

p. 128.

a.

63 *Eo, quo intenderet, venturus esset.*] exidere, quæ sunt inter *nec mihi, nec Intenderet dedi pro intenderat*: quod cum *fratri meo, nec cuiquam amicorum*, et sumihi dudum placuisset, in edd. Jens. Asc. perius *nec mihi nec fratri meo*. et aliis antiquis reperi. In ed. Rom. hic

civili leviora ducebam. inde, suscepto bello, cum pacis conditiones ad te afferri, a teque ad ea honorifice et large responderi viderem; duxi meam rationem; quam tibi facile me probaturum, pro tuo in me beneficio, arbitrabar. Memineram me esse unum, qui pro meis maximis in rempublicam meritis supplicia miserrima et crudelissima pertulissem: me esse unum, qui, si offendissem ejus animum, cui tum, cum jam in armis essemus, consulatus tamen alter, et triumphus amplissimus deferbatur, subjicerer eisdem præliis: ut mea persona semper ad improborum civium impetus ⁶⁴aliquid videretur habere populare. atque hæc non ego prius sum suspicatus, quam mihi palam denunciata sunt: neque ea tam pertimui, si subeunda essent, quam declinanda putavi, si honeste vitare possem: quam brevem illius temporis, dum in spe pax fuit, rationem nostram vides; reliqui facultatem res ademit. Iis autem, quibus non satisfacio, facile respondeo. neque enim ego amicior C. Cæsari umquam fui, quam illi: neque illi amiciores reipublicæ, quam ego. hoc inter me et illos interest; quod, cum et illi cives optimi sint, et ego ab ista laude non absim, ego conditionibus, quod idem te intellexeram velle, illi armis disceptari maluerunt. quæ quoniam ratio vieit; perficiam profecto, ut neque respublica civis a me animum, neque tu amici desideres.

CICERO ATTICO S.

12

MIHI molestior lippitudo erat etiam, quam ante fuerat. dictare tamen hanc epistolam malui, quam Gallo Fabio, amantissimo utriusque nostrum, nihil ad te litterarum dare. nam pridie quidem, quoquo modo potueram, scripseram b. ipse eas litteras, quarum vaticinationem falsam esse cupio. hujus autem epistolæ non solum ea causa est, ut ne quis a me dies intermittatur, quin dem ad te litteras; sed etiam hæc justior, ut a te impetrarem, ut sumeres aliquid temporis; quo quia tibi perexiguo opus est, explicari mihi tuum consilium plane volo, ut penitus intelligam. Omnia sunt integra nobis. nihil prætermisum est, quod non habeat sapientem excusationem, non modo probabilem. nam certe neque tum peccavi, eum ⁶⁵imparatam jam Capuam,

64 *Aliquid habere populare.*] V. ad ep. Jens. et seqq. Rom. ut codd. quidam, male *imparatam*, est enim ab re alienum.

65 *Imparatam jam Capuam.*] Grævins *ignavia delectus* opponitur diligentiae del. jam deleri volebat, *imparatam* recte ed. quæ supra commemorata est.

non solum ignaviæ delectus, sed etiam perfidiæ suspicionem fugiens, accipere nolui; neque cum post conditiones pacis per L. Cæsarem et Fabatum allatas, cavi, ne animum ejus offenderem, cui Pompeius jam armatus armato consulatum triumphumque deferret. Nec vero hæc extrema quisquam potest jure reprehendere, quod mare non transierim. id enim, etsi erat deliberationis, tamen obire non potui. neque enim suspicari debui; præsertim cum ex ipsius Pompeii litteris, idem quod video te existimasse, non dubitarim, quin is Domitio subventurus esset. et plane, quid rectum, et quid faciendum mihi esset, diutius cogitare malui. Primum igitur, hæc qualia tibi esse videantur, etsi significata sunt a te, tamen accuratius mihi perscribas, velim: deinde aliquid etiam in posterum prospicias, ⁶⁶ fingasque, quem me esse deceat, et ubi me plurimum prodesse reipublicæ sentias; ecquæ pacifica persona desideretur; an in bellatore sint omnia. Atque ego, qui omnia officio metior, recordor tamen tua consilia; quibus si paruissem, tristitiam illorum temporum non subiissem. memini, quid

p. 129. mihi tum suaseris per Theophanem, per Culeonem: idque

a. sæpe ingemiscens sum recordatus. quare nunc saltem ad illos calculos revertamur, quos tum abjecimus; ut non solum gloriosis consiliis utamur, sed etiam ⁶⁷ paullo salubribus. sed nihil præscribo. accurate velim perscribas tuam ad me sententiam. Volo etiam exquiras, quam diligentissime poteris, (habebis autem, per quos possis,) quid Lentulus noster, quid Domitius agat, quid acturus sit, quemadmodum nunc se gerant, num quem accusent, num cui succenseant. quid dico, num cui? num Pompeio? omnino culpam omnem Pompeius in Domitium confert: quod ipsius litteris cognosci potest: quarum exemplum ad te mitto. Hæc igitur videbis; et, quod ad te ante scripsi, Demetrii Magnetis librum, quem ad te misit de concordia, velim mihi mittas.

66 Fingasque, quem me esse deceat.] omnes. paullo pro paulum, ut et alibi
 Ducta est forma ex eo, quod fingere hominem dicunt, qui cum præceptis docent, qualis esse debeat, et quomodo personam v. c. oratoris sustinere debeat. mox, ubi - sentias, refertur ad scribas, quod in fingas lateat κατ' ἐμμαν.

67 Paullo salubribus.] Sic edd. et libri

omnes. paullo pro paulum, ut et alibi occurrit, etsi rarius cum adjectivis positivis. salubrioribus, quod quidam maluerunt, plane alienum est. Vult Atticum etiam salubritatis habere rationem, non tantum gloriæ: sed tamen plus hujus quam illius: ideo dixit paullo salubribus.

CN. MAGNUS, PROCOS. C. MARCELLO, L. LENTULO, COSS. S. D.

EGO, quod existimabam, dispersos nos, neque reipublicæ utiles, neque nobis præsidio esse posse, idcirco ad L. Domitium litteras misi, primum uti ipse eum omni copia ad nos veniret: si de se dubitaret, ut cohortes XIX, quæ ex Piceno ad me iter habebant, ad nos mitteret. quod veritus sum, factum est, ut Domitius implicaretur; neque ipse satis firmus esset⁶⁶ ad eastra facienda: quod meas XIX, et suas XII cohortes tribus in oppidis distributas haberet: (nam partim Albæ, partim Sulmone collocavit:)⁶⁹ neque se, si vellet, expedire posset. nunc scitote, me esse in summa sollicitudine. nam et tot et tales viros periculo obsidionis liberare eupio: neque subsidio ire possum; quod his duabus legionibus non puto esse committendum, ut illuc ducantur; ex quibus tamen non amplius XIV cohortes contrahere potui: quod Brundisium præsidium misi: neque Canusium sine præsidio, dum abessem, putavi esse dimittendum.⁷⁰ D. Lælio mandaram, quod majores copias sperabam nos habituros, ut, si vobis videretur, alteruter vestrum ad me veniret; alter in Siciliam cum ea copia, quam Capuæ et circum Capuam comparastis; et cum iis militibus, quos Faustus legit, proficisceretur; Domitius eum XII suis cohortibus eodem adjungeretur; reliquæ copię omnes Brundisium cogerentur, et inde navibus Dyrrachium transportarentur. nunc, cum hoc tempore nihilo magis ego, quam vos, subsidio Domitio ire possim, se per montes explicare; non est nobis committendum, ut ad has XIV cohortes, quas ego dubio animo habeo, hostis accedere, aut in itinere me consequi possit. Quamobrem placitum est mihi, ac ita video censi⁷¹ Marello, et ceteris nostri ordinis, qui hic sunt, ut Brundisium ducerem hanc copiam, quam mecum habeo. Vos hortor, ut quodcumque militum contrahere

68 *Ad castra facienda.*] Sc. quæ opponeret hostibus, i. e. ad prælia consequenda extra urbem.

69 *Neque se, s. v. expedire posset.*] Se est a Lambino, quem secutus est Gruterus. Ejecit Grævius. Lambinum recte fecisse puto. nam *expedire* pertinet non ad cohortes, sed ad Domitium, quem dicit Pompeius implicatum esse. Cohortes pertinent ad infirmitatem ante memoratam.

Itaque se servavi.

70 *D. Lælio.*] Recepi cum Grævio pro *Dellio*. Sic et supra est, ep. 11. et sæpius hoc vitium occurrit.

71 *Marcello.*] In ed. Rom. et aliis inde additur M. item ut in Mss. quibusdam. sed de C. hic sermo est, ad quem et epistola scripta est, nam is cum Lentulo consul fuit.

poteritis, contrahatis, et eodem veniatis quamprimum. arma, quæ ad me missuri eratis, iis, censeo, armetis milites, quos vobiscum habetis. quæ arma superabunt, ea si Brundisium jumentis deportaritis, vehementer reipublicæ profueritis. De hac re ⁷²velim nostros certiores faciatis: ego ad P. Lupum et C. Coponium prætores misi, ut se nobis conjungerent, et, militum quod haberent, ad vos deducrent.

p. 130. CN. MAGNUS, PROCOS. S. D. L. DOMITIO,
PROCOS.

MIROR, te ad me nihil scribere, et potius ab aliis, quam a te, de republica me certiolem fieri. Nos, disjecta manu, pares adversariis esse non possumus. ⁷³conjunctis nostris copiis, spero nos et reipublicæ et communi salutis prodesse. quamobrem cum constituisses, ut Vibullius mihi scripserat a. d. v Id. Feb. Corsinio proficisci cum exercitu, et ad me venire; miror, quid causæ fuerit, quare consilium mutaris. nam illa causa, quam mihi Vibullius scribit, levis est, te propterea moratum esse, quod audicris, Cæsarem Firmo progressum in Castrum Truentinum venisse. Quanto enim magis appropinquare adversarius cœpit, eo tibi celerius agendum erat, ut te mecum conjungeres, priusquam Cæsar aut tuum iter impedire, aut me abs te excludere posset. Quamobrem etiam et etiam te rogo et hortor, id quod non destiti superioribus litteris a te petere, ut primo quoque die Luceriam ⁷⁴advenias, antequam copiæ, quas instituit Cæsar contrahere, in unum locum coactæ nos a nobis distrahant. sed si erunt, qui te impedian, ⁷⁵ut villas suas servent, æquum est me a te impetrare, ut cohortes, quæ ex Piceno et Camerino venerunt, quæ fortunas suas reliquerunt, ⁷⁶ad me missum facias.

⁷² Velim nost. c. faciatis.] Velim reposui pro *vellem*, ut dudum videram corrigendum esse ex latinitate. nunc et sic in ed. Rom. reperi. ed. Jens. et inde aliove. *vellem* - - *faceretis*: quod ipsum quoque bene habet: sed illud melius. incitior correctoris alienus in edd. recentiores irrepsit *vellem*, ut sæpe.

⁷³ Conjunctis n. copiis.] Sic legi pro contractis placebat Grævio e Mss. suis: quia sic et ed. Rom. recepi. infra est *coactæ copiae*.

⁷⁴ Advenias.] Vulgo vitiose *advenires*.

nam præcedit rogo et hortor, et sequitur *distrabant*. Librarii male retulerunt ad *destiti*.

⁷⁵ Ut illas suas servent.] Intelligunt *cohortes*: sed ita omisisset *illas*. Græv. bene corrigit *villas suas*. nam mox sequitur *quæ fortunas suas reliquerunt*. cf. et ep. 13. ubi in eadem sententia *agri, villula*. non dubitavi recipere.

⁷⁶ Ad me missum facias.] Pro *missas*. v. Perizon. ad Sanctii Min. p. 1125. sed est durius. aliud exemplum in hac forma nusquam exstat.

CN. MAGNUS, PROCOS. S. D. L. DOMITIO,
PROCOS.

LITTERAS abs te M. Calerius ad me attulit a. d. XIII Kal. Mart. in quibus litteris scribis, tibi in animo esse, ob-
servare Cæsarem; et, si secundum mare ad me ire cœpisset, confestim in Samnium ad me venturum; sin autem ille circum istæc loca commoraretur, te ei, si propius accessisset, resistere velle. Te animo magno et fortî istam rem agere existimo: sed diligentius nobis est videndum, ne distracti pares esse adversario non possimus; cum ille magnas copias habeat, et majores brevi habiturus sit. Non enim, pro tua prudentia, debes illud solum animadvertere, quot in præsentia cohortes contra te habeat Cæsar, sed quantas brevi tempore equitum et peditum copias contrahaturus sit. cui rei testimonio sunt litteræ, quas Bussenius ad me misit; in quibus scribit, id quod ab illis quoque mihi scribitur, præsidia Curionem, ⁷⁷ quæ in Umbris et Tuscis erant, contrahere, et ad Cæsarem iter facere. quæ si copiae in unum locum fuerint coactæ, ut pars exercitus ad Albam mittatur, pars ad te accedat; ut non pugnet, sed locis suis repugnet, hærebis: neque solus cum ista copia tantam multitudinem sustinere poteris, ut frumentatum eas. Quamobrem te magnopere hortor, ut quamprimum cum omni copia huc venias. Consules constituerunt idem facere. ego Metuscilio ad te mandata dedi, providendum esse, ne duæ legiones sine Picentinis cohortibus in conspectum Cæsaris committerentur. Quamobrem nolito commoveri, si audieris me regredi, ⁷⁸ si forte Cæsar ad me veniet. cavendum enim puto esse, ne implicatus hæream. nam neque castra, propter anni tempus et militum animos, facere possum: neque ex omnibus oppidis contrahere copias expedit; ne receptum amittam. itaque non amplius XIV cohortes Luceriam coegi. Consules præsidia omnia deducturi sunt, aut in Siciliam ituri. Nam aut exercitum firmum habere oportet, quo confidamus perrumpere nos posse, aut regiones ejusmodi obtinere, e quibus repugnemus: id quod neutrum nobis hoc tempore contingit; quod et magnam partem Italiæ Cæsar occupavit, et nos non habe-

p. 131.
a.

⁷⁷ Quæ in Umbris et Tuscis.] Eddidi teros dicunt quam Umbriam.
Umbris, ut placebat Grævio, qui in Mss. ⁷⁸ Si forte Cæsar ad me veniet.] Me-
sius repererat. sic et ed. Rom. Melius
lius foret veniat propter si forte.
consequitur ⁷⁹ Tuscis: et Umbras potius ve-

mus exercitum tam amplum, neque tam magnum, quam ille. itaque nobis providendum est, ut summam reipublicæ rationem habeamus. Etiam atque etiam te hortor, ut cum omni copia quamprimum ad me venias. possumus etiam nunc rempublicam erigere, si communi consilio negotium administrabimus: sin distrahemur, infirmi erimus. mihi hoc constitutum est. His litteris scriptis, Sica a te mihi litteras attulit et mandata. Quod me hortare, ut istuc veniam: id me facere non arbitror posse; quod non magnopere his legionibus confido.

CN. MAGNUS, PROCOS. S. D. L. DOMITIO,
PROCOS.

LITTERÆ mihi a te redditæ sunt a. d. xxi Kal. Mart. in quibus scribis, Cæsarem apud Corfinium castra posuisse. quod putavi et præmonui, fit, ut nec in præsentia committere tecum prælium velit; et, omnibus copiis conductis, te implicet, ne ad me iter expeditum tibi sit: atque istas copias conjungere optimorum civium possis cum his legionibus, de quarum voluntate dubitamus: quo etiam magis tuis litteris sum commotus. neque enim eorum militum, quos mecum habeo, voluntati satis confido, ut de omnibus fortunis reipublicæ dimicem: neque etiam, qui ex delectibus conscripti sunt a consulibus, convenerunt. Quare da operam, si ulla ratione etiam nunc efficere potes, ut te explices, huc quamprimum venias, antequam omnes ⁷⁹copiæ adversariorum convenient. neque enim celeriter ex delectibus huc homines convenire possunt: et, si convenirent, quantum iis committendum sit, quod inter se ne noti quidem sunt, contra veteranas legiones, non te præterit.

13

CICERO ATTICO S.

LIPPITUDINIS meæ signum tibi sit librarii manus, et eadem causa brevitatís: etsi nunc quidem, quod scriberem, nihil erat. omnis expectatio nostra erat in nuntiis Brundisinis. Si nactus hic esset Cnæum nostrum, spes dubia pacis: sin ille ante tramisisset, exitiosi belli metus. sed videsne, in quem hominem inciderit respublica? quam acutum, quam vigilantem, quam paratum? Si mehercule

⁷⁹ Copiæ adversarium.] Durius hæc contractio est in tali oratione. ed. Rom. habet adversariorum, quod recepi.

neminem occiderit, nec cuiquam quidquam ademerit, ab his, qui eum maxime timuerant, maxime diligetur. Multum mecum municipales homines loquuntur, multum rustici. nihil prorsus aliud curant; nisi agros, nisi villulas, nisi numulos suos. et vide, quam conversa res est. illum, quo antea confidebant, metuunt; hunc amant, quem timebant. Id quantis nostris peccatis vitiisque evenerit, non possum sine molestia cogitare. quæ autem impendere putarem, scripseram ad te; et jam tuas litteras exspectabam.

CICERO ATTICO S.

14

NON dubito, quin tibi odiosæ sint epistolæ quotidianæ, cum præsertim neque nova de re aliqua certiore te faciam, neque novam denique jam reperiam scribendi ullam sententiam. sed, si dedita opera, cum causa nulla esset, tabellarios ad te cum inanibus epistolis mitterem; facerem inepte. euntibus vero, domesticis præsertim, ut nihil ad te dem litterarum, facere non possum: et simul (crede mihi) ^{p. 132.} requiesco paullum in his miseriis, cum quasi tecum loquor; cum vero tuas epistolas lego, multo etiam magis. omnino intelligo, nullum fuisse tempus post has fugas et formidines, quod magis debuerit mutum esse a litteris: propterea, quod neque Romæ quidquam auditur novi; nec in his locis, quæ a Brundisio absunt propius, quam tu, biduum, aut triduum. Brundisii autem omne certamen vertitur huius primi temporis. qua quidem exspectatione torqueor. sed omnia ante nos sciemus. eodem enim die video Cæsarem a Corfinio post meridiem profectum esse, id est, Ferilibus, quo Clausio manet Pompeium. eo modo autem ambulat Cæsar, et iis diariis militum celeritatem incitat, ut timeam, ne citius ad Brundisium, quam opus sit, accesserit. Dices, quid igitur proficis, qui anticipes ejus rei molestiam, quam triduo sciturus sis? nihil equidem. sed, ut supra dixi, tecum perlibenter loquor: et simul scito, labare meum consilium, illud, quod satis jam fixum videbatur. non mihi satis idonei sunt auctores ii, qui a te probantur. quod enim umquam eorum in republica forte factum exstiterit? aut quis ab his ullam rem laude dignam desiderat? nec mehercule laudandos existimo, qui trans mare belli parandi causa profecti sunt: (quamquam hæc ferenda non erant:) video enim, quantum id bellum, et quam pestiferum futu-

rum sit: sed me movet unus vir; cujus fugientis comes, rempublicam recuperantis socius videor esse debere. Totiesne igitur sententiam mutas? ego tecum, tamquam mecum loquor. quis autem est, tanta quidem de re, quin varie secum ipse disputet? simul et elicere cupio sententiam
 b. tuam; si manet, ut firmior sim; si mutata est, ut tibi assentiar. Omnino ad id, de quo dubito, pertinet, me scire, quid Domitius acturus sit, quid noster Lentulus. de Domitio varia audimus, ⁸⁰ modo esse in Tiburti, haud lepide: quod cum lepidius accessisset ad urbem: quod item falsum video esse. ait enim Lepidus, eum nescio quo penetrasse itineribus: occultandi sui causa, an maris apiscendi? ne id quidem scit. ignorat enim de filio. addit illud, sane molestum; pecuniam Domitio satis grandem, quam is Corfinii habuerit, non esse redditam. de Lentulo autem nihil audimus. Hæc velim exquiras, ad meque perscribas.

15

CICERO ATTICO S.

A. D. v Non. Mart. epistolas mihi tuas Ægypta reddidit, unam veterem iv Kal. quam te scribis dedisse Pinario, quem non vidimus; in qua exspectas, quidnam præmissus agat Vibullius; qui omnino non est visus a Cæsare: (in altera epistola, video, te scire, ita esse:) et, quemadmodum redeuntem excipiam Cæsarem; quem omnino vitare cogito; et, ⁸¹ aut Hæmonis fugam intendis, commutationemque vitæ tuæ; quod tibi puto esse faciendum: et ignoras, Domitius cum fascibusne sit; quod cum scies, facies, ut sciamus. Habes ad primam epistolam. Secutæ sunt duæ, pridie Kal. ambæ datæ, quæ me convellerunt de pristino statu, jam tamen, ut ante ad te scripsi, labantem. Nec me movet, quod scribis, ⁸² *Jovi ipsi iniquum*. nam periculum in utriusque iracundia positum est: victoria autem ita incer-

80 *Modo esse in Tiburti, haud lepide, &c.*] Loca vitiosa et molestus criticis. nec quicquam certi repertum est. Sensus postulat *haud vere*: nam de altero dicit, quod item *fulsum* video esse. Gravius post Tiburti non improbabilius conjicit excidisse Lepidi: quod est in ed. Rom. Tum post *quod cum*, &c. etiam constructio stare non potest. debet enim esse accusativus cum infinitivo Conjeci: inde (e clausula *taù lepide*) cum Lepidis accessisse ad urbem. Forte ergo sic legendum: *modo, esse in*

Tiburti Lepidi: haud vere. inde cum l. accessisse ad urbem. Sed sine libris melioribus frustra laboramus in hoc loco.

81 *Aut Hæmonis fugam.*] Pertinere hoc ad transitum Attici trans mare in Græciam, facile intelligitur: de qua et VII, 1. in fine querit: sed de lectione nihil certi extricatum est, aut extricari potest.

82 *Jovi ipsi iniquum.*] Ad Pompeium pertinet, qui minatus erat omnibus, qui se non sequerentur.

ta, ut deterior causa paratior mihi esse videatur. nec me consules movent, qui ipsi pluma aut folio facilius moventur. officii me deliberatio cruciat, cruciavitque adhuc. cautiore certe est mansio: honestior existimatur trajectio. malo interdum, multi me non caute, quam pauci non honeste fecisse existiment. De Lepido et Tullo quod quaeris; illi vero non dubitant, quin Caesari praesto futuri, in senatumque venturi sint. Recentissima tua est epistola Kal. data: in qua optas congressum, pacemque non desperas. sed ego, cum haec scribebam, nec illos congressuros, nec, si congressi essent, Pompeium ad ullam conditionem accessurum putabam. Quod videris non dubitare, si consules transeant, quid nos facere oporteat: certe transeunt, vel, quo modo nunc est, transierunt. sed memento, praeter Appium, neminem esse fere, qui non jus habeat transeundi. nam aut cum imperio sunt, ut Pompeius, ut Scipio, Setinas, Fannius, Voconius, Sextius, ipsi consules, quibus more majorum concessum est, vel omnes adire provincias; aut legati sunt eorum.⁸³ sed nihil dissero. quid placeat tibi, et quid propemodum rectum sit, intelligo. Plura scriberem, si ipse possem. sed, ut mihi videor, potero biduo. Balbi Cornelii litterarum exemplum, quas eodem die accipi, quo tuas, misi ad te, ut meam vicem doleres, cum me derideri videres.

BALBUS CICERONI, IMP. S.

OBSECRO te, Cicero, suscipe curam et cogitationem dignissimam tuae virtutis, ut Caesarem et Pompeium, perfidia hominum distractos, rursus in pristinam concordiam reducas. crede mihi, Caesarem non solum fore in tua potestate, sed etiam maximum beneficium te sibi dedisse iudicaturum, si huc te rejicis. velim, idem Pompeius faciat: qui ut adduci tali tempore ad ullam conditionem possit, magis opto, quam spero. sed, cum constiterit, et timere desierit, tum incipiam non desperare tuam auctoritatem plurimum apud eum valituram. Quod Lentulum meum, consulem, voluisti hic remanere, Caesari gratum, mihi vero gratissimum mediis fidius fecisti. nam⁸⁴ illum tanti facio, qui non Caesarem magis di-

⁸³ Sed nihil dissero.] Sc. de officio aliqua in utramque partem disputantium. meo, s. ut supra dixi, quid me facere oporteat, quid propemodum, ut post rectum ego. Sed est durum, praesertim cum stasit. Disserere est philosophorum, de re tui iterum sit qui. forte erat ut a Balbo.

⁸⁴ Illum tanti facio, qui.] Qui pro ut

ligam : qui si passus esset, nos secum, ut consueramus, loqui, et non se totum etiam et etiam ab sermone nostro avertisset, minus miser, quam sum, essem, nam cave putes, hoc tempore plus me quemquam cruciari, quod eum, quem ante me diligo, video in consulatu quidvis potius esse, quam consulem. quodsi voluerit tibi obtemperare, et nobis de Cæsare credere, et consulatum reliquum Romæ peragere, incipiam sperare, etiam consilio senatus, auctore te, illo relatore, Pompeium et Cæsarem conjungi posse. quod si factum erit, me satis vixisse putabo. Factum Cæsaris de Corfinio totum⁸⁵ te probaturum scio. ⁸⁶ quomodo in hujusmodi re, commodius cadere non potuit, quam ut res sine sanguine confieret. Balbi mei tuique adventu delectatum te, valde gaudeo. is quæcumque tibi de Cæsare dixit, ⁸⁷ quæque Cæsar scripsit, scio, re tibi probabit, quæcumque fortuna ejus fuerit, verissime scripsisse.

16

CICERO ATTICO S.

OMNIA mihi provisa sunt, præter occultum et tutum iter ad mare superum. hoc enim mari uti non possumus hoc tempore anni. illuc autem, quo spectat animus, et quo
^{134.} ^{a.} res vocat, qua veniam? cedendum enim est celeriter; ne forte qua re impediatur atque alliger. nec vero ille me ducit, qui videtur; quem ego hominem ἀπολιτικώτατον omnium jam ante cognoram; nunc vero etiam ἀστρατηγικώτατον. non me igitur is ducit, sed sermo hominum, qui ad me a Philotimo scribitur. is enim me ab optimatibus ait conscindi. quibus optimatibus, dii boni? qui nunc quo modo occurrunt? quo modo autem se venditant Cæsari? ⁸⁸ municipia vero Deum: nec simulant, ut cum de illo ægroto vota faciebant. sed plâne, quidquid mali hic Pisistratus non fecerit, tam gratum est, quam si aliud facere prohibuerit. hunc propitium sperant; illum iratum putant. quas fieri censes ἀπαρτήσεις ex oppidis? quos honores? metuunt, inquires: credo: sed mehercule illum magis. hujus insidiosa clementia delec-

⁸⁵ *Me probaturum scito.*] Edd. pr. sciet. utrumque male. non de suo judicio scribit, ut patet e subjecta ratione, sed de judicio Ciceronis. Itaque recte Grævius dedit te p. scio, ut Ursinus in libro vetere reperit: Idque et ipse secutus sum.

⁸⁶ *Quomodo in h. re, c. c. non potuit.*] *Quomodo in h. re, est, ut in tali. id est durius. malim non deleri. conficeret* Victorius dicit se e codicibus antiquis dedisse pro

conficeretur. Sed sic est jam in ed. Rom. ⁸⁷ *Quæque Cæsar scripsit.*] Grævius Cæsar delendum putat. In sequentibus libri valde variant. In lectione vulgata re - - fuerit, in parenthesis accipienda sunt. Sed lectio est incerta.

⁸⁸ *Municipia vero Deum.*] Sic Victorius edidit, int. faciunt; nempe ex ad eum, quod ex Mss. laudant, cum sit et in edd. pr. Rom. Jens., &c.

tantur: illius iracundiam formidant.⁸⁹ iudices DCCCL, qui præcipue Cnæo nostro delectabantur, ex quibus quotidie aliquem video,⁹⁰ nescio quas ejus Lucerias horrent. itaque quæro, qui sint isti optimates,⁹¹ qui me exturbent, cum ipsi domi maneant. sed tamen, quicumque sunt, αἰδέσθαι Τρωάς. etsi, quâ spe proficiscar, video; conjungoque me cum homine, magis ad vastandum Italiam, quam ad vincendum parato. demum quem exspecto. et quidem, cum hæc scribebam, IV Nonas, jam exspectabam aliquid a Brundisio. quid autem aliquid? quam inde turpiter fugisset, et victor hic qua se referret, et quo. quod ubi audissem, si ille Appia veniret, ego Arpinum cogitabam.

M. TULLII CICERONIS
EPISTOLARUM

AD

ATTICUM

LIBER IX.

ARGUMENTUM.

Continentur item hoc libro Cnæi fuga Brundisium, atque inde in Macedoniam transmissio, quæ fuit Idibus Martiis, præmissis antea consulibus L. Cornelio Lentulo et C. Claudio Marcello, cum omnibus sane magistratibus, cunctoque senatu: æstus animi ægrituloque Ciceronis, Atticum consulentis, cum Pompeius Italia cesserit, quid sibi faciendum sit: redeuntemque Cæsarem a Brundisio, quo Pompeium fuerat persecutus, cœspectarene debeat; et quo maxime in loco, quo vultu sermoneque excipere: denique congressus ipse cum Cæsare, et utriusque discessus. Quæ omnia acciderunt diebus paullo plus viginti. Nam quotidianæ inter eos erant litteræ.

⁸⁹ Iudices DCCCL.] Nempe quos Pompeius ex omnibus ordinibus legerat. Sed Plutarchus et Velleius habent DCCCLX. unde hunc numerum hic reponi volunt quidam.

⁹⁰ Nescio quas e. Luceria horrent.]

Intelligunt proscriptionem Luceriae denuntiata, ex lectione ep. 11. sed eam lectionem nos non probavimus, aliud puto intelligi, quod tamen nescio.

⁹¹ Qui me exturbent.] I. e. ex Italia exire et Pompeium sequi velint.

CICERO ATTICO S.

ETSI, cum tu has litteras legeres, putabam fore, ut scirem jam, quid Brundisii actum esset; (nam Canusio ¹ VIII Kal. profectus erat Cnæus; hæc autem scribebam pridie Nonas, XIV die postquam ille Canusio moverat;) tamen angebar singularum horarum expectatione: mirabarque, nihil allatum esse ne rumoris quidem. nam erat mirum silentium. sed hæc fortasse *κενόσπουδα* sunt; quæ tamen jam sciantur, necesse est. illud molestum, me adhuc investigare non posse, ubi P. Lentulus noster sit, ubi Domitius. quæro autem, quo facilius scire possim, quid acturi sint; iturine ad Pompeium; et, si sunt, ²qua quandove ituri sint. urbem quidem jam refertam esse optimatum audio; Sosium et Lupum, quos Cnæus noster ante putabat Brundisium venturos esse, quam se, jus dicere. hinc vero vulgo vadunt. etiam M. Lepidus, quocum diem contere solebam, cras cogitabat. nos autem in Formiano morabamur, quo citius audiremus: deinde Arpinum volebamus. inde, iter qua maxime *ἀναπάντητον* esset, ad mare superum, remotis sive omnino missis lictoribus. audio enim, bonis viris, qui et nunc, et sæpe antea magno præsidio reipublicæ fuerunt, hanc cunctationem nostram non probari, multaque in me et severe, ³in conviviis tempestivis quidem, disputari. cedamus igitur, et, ut boni cives simus, bellum Italiæ terra marique inferamus, et odia improborum rursus in nos, quæ jam extincta erant, incendamus, et Luccelli consilia ac Theophani persequamur. nam Scipio vel in Syriam proficiscitur, sorte; vel cum genero, honeste; vel Cæsarem fugit, iratum. Marcelli quidem, nisi gladium Cæsaris timuissent, manerent. Appius et eodem timore, et inimicitiarum recentium: et tamen, præter hunc et C. Cassium, reliqui legati, Faustus proquæstor: ego unus, cui utrumvis liceret: ⁴frater acce-

p. 135.

a.

1 VIII Kal. profectus e. Cn.] L. VIII, 14. dixit, Pompeium Feralibus profectum mane. Ea quia in vetere anno erant IX Kal. Mart. ut ex Ovidio constat, sic corrigendus numerus, ut doceat Pontedera loco supra cit. p. 319. Hinc porro XIV dies erant ad prid. nonas Mart. sic ergo correx.

2. Qua quandove ituri sint.] Vulgo sunt. sed sint latinitas postulat, et habent edd. Jens. Asc. Ald. &c. Victorius primus sunt, ex ed. Rom. opinarer, si certum

esset, ea ipsum usum.

3. In conviviis tempest. quidem.] Hoc additur irridendi causa. ab hominibus ebriis reprehendebatur inter pocula.

4. Frater accedet.] Sic bene Grævius cum Maunzio, nam *accederet* factum est, quod librarii putabant id. verbum conformandum esse *τῷ* liceret. Eodem modo natum est mox *irascetur*, quod ex ed. Rom. fluxit, pro quo legendum esse *irascetur* semper existimavi: quia et sic est in edd. Jens. Asc. Ald. &c. correx.

det; quem socium hujus fortunæ esse, non erat æquum: cui magis etiam Cæsar irascitur. sed impetrare non possum, ut maneat. dabimus hoc Pompeio, quod debemus. nam me quidem alius nemo movet; non sermo bonorum, qui nulli sunt; non causa, quæ acta timide est, agatur improbe. uni, uni hoc damus, ne id quidem roganti, nec suam causam (ut ait) agenti, sed publicam. Tu quid cogites de transeundo in Epirum, scire sane velim.

CICERO ATTICO S.

2

ETSI Nonis Mart. ⁵ dic tuo, ut opinor, exspectabam epistolam a te longiorem; tamen ad eam ipsam brevem, quam III nonas ⁶ ἐπὶ τὴν λῆψιν dedisti, rescribendum putavi. Gaudere ais te, mansisse me; et scribis, in sententia te manere. mihi autem superioribus litteris videbar non dubitare, quin cederem, ita, si et Cnæus bene comitatus concendisset, et consules transissent. utrum hoc tu parum commeministi, an ego non satis intellexi, an mutasti sententiam? sed aut ex epistola, quam exspecto, perspiciam, quid sentias, aut alias abs te litteras eliciam. Brundisio nihil dum erat allatum. o rem difficilem, planeque perditam! quam nihil prætermittis in consilio dando! quam nihil tamen, ⁷ quod tibi ipsi placeat, explicas! non esse me una cum Pompeio, gaudes: ⁸ ac proponis, quam sit turpe, me adesse, cum quid de illo detrahatur, nec fas esse approbare. certe. ⁹ contra igitur? dii, inquis, averruncent. quid ergo fiet, si in altero scelus est, in altero supplicium? impetras, inquis, a Cæsare, ut tibi absesse liceat, et esse otioso.

ceretur revocavit Victorius, qui totum hunc locum ex suo codice vetere, ut appellat, refluxit. — cui *mugis etiam Cæsar irascitur*, quia ejus legatus fuit, et liberatissimo ab eo tractatus.

⁵ *Dic tuo.*] Quo febris accedit, quatum laborabat Atticus. v. VII, 8. sic et infr. ep. 4. extr.

⁶ *Ἐπὶ τὴν διάληψιν.*] Sic primus Victorius: ante ab Aldo erat *ἐπὶ δειλῶν*. uatu in edd. ante eum nullum verbum græcum est, ne in Rom. quidem, quæ alias græca habet. Tum Cicero aliis locis habet *λήψιν*, quod est proprium Græcorum verbum, qui et *ἐπιλήψιν* dicunt. Victorius dicit *διάληψιν* esse idem, sed non firmit exemplo. Atque constat, ab Hippocrate *διαλαμβάνειν* in morbis significare interuisionem,

unde *διάληψις* esset intermissio febris potius quam accessio. Itaque placet Lamblini sententia, qui *διὰ* delendum putavit atque deleuit.

⁷ *Quod tibi ipsi placeat.*] *Ipsi* omisit tacite Grævius. Sed id est necessarium ad sententiam. nam quid sibi placeret, scripserat in consilio Ciceroni dando: quid ipse facturus esset, non scripserat.

⁸ *Ac proponis - approve.*] Hoc totum nec inter se, nec cum antecedente coherere videtur. Sed in libris nihil auxilii. Forte pro *ac* scribendum *at*.

⁹ *Contra igitur?*] Int. dicam. Sermo autem est de rebus, quæ in senatu aguntur. nam ante in *adesse* intelligendum, in senatu, ut e seqq. patet.

supplicandum igitur? miserum. quid, si non impetraro? et de triumpho erit, inquis, integrum. quid, ¹⁰ si hoc ipso premar? accipiam? quid fœdins? negem? repudiari se totum, magis etiam, quam olim in xx viratu, putabit. ac solet, cum se purgat, in me conferre omnem illorum temporum culpam: ita me sibi fuisse inimicum, ut ne honorem quidem a se accipere vellem. quanto nunc hoc idem accipiet asperius? tanto scilicet, quanto et honor hic illo est amplior, et ipse robustior. Nam quod negas te dubitare, quin magna in offensa sim apud Pompeium hoc tempore; non video causam, cur ita sit, hoc quidem tempore. qui enim amisso Corfinio denique certior me sui consilii fecit, is queretur, Brundisium me non venisse, cum inter me et Brundisium Cæsar esset? deinde, etiam scit ἀπαρρησίαστωρ esse in ea causa querelam suam. me putat de municipiorum imbecillitate, de delectibus, de pace, de urbe, de pecunia, de Piceno occupando plus vidisse, quam se. sin, cum potuero, non venero; tum erit inimicus: quod ego non eo vereor, ne mihi noceat: (quid enim faciet?)

p. 136.
a.

Τίς ὃ ἔστι δούλος τοῦ θανάτῳ ἀφροντικῶν;

sed quia ingrati animi crimen horreo. confido igitur adventum nostrum illi, quoquo tempore fuerit, ut scribis, ἀσμένιστον fore. Nam quod ais, si hic temperantius egerit, consideratius consilium te daturum; qui hic potest se gerere non perdit? vita, mores, antefacta, ratio suscepti negotii, socii, vires bonorum, aut etiam constantia. Vixdum epistolam tuam legeram, cum ad me, currens ad illum, ¹¹ Postumus Curtius venit, nihil nisi classes loquens et exercitus: eripiebat Hispanias: tenebat Asiam, Siciliam, Africam, Sardiniam: confestim in Græciam persequabatur. eundum igitur est, nec tam ut belli, quam ut fugæ socii simus. nec enim ferre potero sermones istorum, quicumque sunt. non sunt enim certe, ut appellantur, boni. sed tamen id ipsum scire cupio, quid loquantur; idque ut exquiras, meque certior facias, te vehementer rogo. Nos adhuc, quid Brundisii actum esset, plane nesciebamus. cum sciemus, tum ex re et ex tempore consilium capiemus; sed utemur tuo.

¹⁰ Si hoc ipso premar.] Nempe, triumpho mihi decernendo eo redigar, ut, quid agam, nesciam.

¹¹ Postumus Curtius.] Cæsarianus, qui

Cæsaris victorias futuras jactando Cicero-nem ad Cæsarem traducere volebat: eripiebat, dicebat, Cæsarem eripiturum Pompeio, et sic cetera. ed. Rom. habet Postumius.

CICERO ATTICO S.

3

DOMITII filius transiit Formias viii Id. currens ad matrem Neapolim, mihiq̄ nuntiari jussit, patrem ad urbem esse; cum de eo curiose quæsisset servus noster Dionysius. nos autem audieramus, eum profectum sive ad Pompeium, sive in Hispaniam. id cujushmodi sit, scire sane velim. nam ad id, quod delibero, pertinet, si ille certe nusquam discessit, intelligere Cnæum, non esse faciles nobis ex Italia exitus, cum ea tota armis præsidiisque teneatur, hieme præsertim. nam, si commodius anni tempus esset, vel infero mari liceret uti. nunc nihil potest, nisi supero, tramitti; quo iter interclusum est. quæres igitur et de Domitio et de Lentulo. A Brundisio nulla adhuc fama venerat: et erat hic dies vii Id. quo die, suspicabamur, aut pridie Brundisium venisse Cæsarem. nam Kal. Arpis manserat. sed si Postumum audire velles, persecutus erat Cnæum. transisse enim jam putabat, conjectura tempestatum ac dierum. ego nautas eum non putabam habiturum: ille confidebat, et eo magis, quod audita naviculariis hominis liberalitas esset. sed tota res Brundisina jam quo modo habcat se, diutius nescire non possum.

CICERO ATTICO S.

4

EGO etsi tamdiu requiesco, quamdiu aut ad te scribo, aut tuas litteras lego: tamen et ipse egeo argumento epistolarum, et tibi idem accidere certo scio. quæ enim soluto animo familiariter scribi solent. temporibus his excluduntur: quæ autem sunt horum temporum, ea jam contrivimus. sed tamen, ne me totum ægritudini dedam, sumsi mihi quasdam tamquam θέσεις, quæ et politicæ sunt, et temporum horum; ut et abducam animum ab querelis, et in eo ipso, de quo agitur, exercear. eæ sunt hujusmodi:

Εἰ μενετέον ἐν τῇ πατρίδι τυραννουμένη; Τυραννουμένης δ' αὐτῆς, εἰ παντὶ τρόπῳ τυραννίδος κατάλυσιν πραγματευτέον, καὶν μέλλῃ διὰ τοῦτο περὶ τῶν ὅλων ἢ πόλις κινδυνεύσει; Εἰ εὐλαβητέον τὸν καταλύοντα, μὴ αὐτὸς αἰρηται; Εἰ πειρατέον ἀρήγειν τῇ πατρίδι τυραννουμένη καιρῷ καὶ λόγῳ μᾶλλον, ἢ πολέμῳ; Εἰ πολιτικὸν τὸ ἡσυχάζειν, ἀναχωρήσαντά ποι, τῆς πατρίδος τυραννουμένης; Εἰ διὰ παντὸς ἴτεον κινδύνου τῆς ἐλευθερίας πέρι; Εἰ πόλεμον ἐπακτέον τῇ χώρῃ, καὶ πολιορκη

p. 137. ^{a.} τέον ταύτην τυραννουμένην ; Εἰ καὶ μὴ δοκιμάζοντα τὴν διὰ πολέμον καταλυσιν τῆς τυραννίδος, συναπογραφτέον ὅμως τοῖς ἀρίστοις ; Εἰ τοῖς εὐεργέταις καὶ φίλοις συγκινδυνεύτεον ἐν τοῖς πολιτικοῖς, καὶ μὴ δοκῶσιν εὖ βεβουλευσθαι περὶ τῶν ὅλων ; Εἰ ὁ μέγала τὴν πατρίδα εὐεργετήσας, δι' αὐτό τε τοῦτο ἀνῆκεστα παθῶν καὶ φθονηθεὶς, κινδυνεύσειεν ἂν ἐθελοντῆς ὑπὲρ τῆς πατρίδος ; Εἰ ἐφετέον αὐτῷ ἑαυτοῦ ποτε καὶ τῶν οἰκειοτάτων ποιῆσθαι πρόνοιαν ἀφεμένῳ τὰς πρὸς τοὺς ἰσχύοντας διὰ πολιτείας ;

In his ego me consultationibus exercens, et disserens in utramque partem, tum græce, tum latine, et abduco parumper animum a molestiis, et τῶν προῦργων τι delibero. Sed vereor, ne tibi ἀκαίρος sim. si enim recte ambulaverit is, qui hanc epistolam tulit, in ipsum tuum diem incidit.

CICERO ATTICO S.

NATALI die tuo scripsisti epistolam ad me plenam consilii, summæque cum benivolentiæ tum etiam prudentiæ. eam mihi Philotimus postridie, quam a te acceperat, reddidit. Sunt ista quidem, quæ disputas, difficillima, iter ad superum, navigatio infero, discessus Arpinum, ne hunc fugisse, mansio Formiis, ne obtulisse nos gratulationi videamur : sed miseriùs nihil, quam ea videre, quæ tamen, jam, jam, inquam, videnda erunt. Fuit apud me Postumus : scripsi ad te, quam gravis. venit ad me etiam Q. Fufius, quo vultu ! quo spiritu ! properans Brundisium, scelus accusans Pompeii, levitatem et stultitiam senatus. hæc qui in mea villa non feram, Curtium in curia potero ferre ? Age, finge me quamvis ἐνστομάχως hæc ferentem : quid illa, DIC M. TULLI, quem habebunt exitum ? Et omitto causam rei publicæ, quam ego amissam puto cum vulneribus suis, tum medicamentis iis, quæ parantur ; de Pompeio quid agam ? cui plane (quid enim hoc negem ?) succensui. Semper enim causæ eventorum magis movent, quam ipsa eventa. hæc igitur mala, (quibus majora esse quæ possunt ?) considerans, vel potius judicans, ejus opera accidisse et culpa, inimicior cram huic, quam ipsi Cæsari ; ut majores nostri funcstio rem diem esse voluerunt Alliensis pugnae, quam urbis captæ ; quod hoc malum ex illo ; itaque alter religiosus etiam nunc dies, alter in vulgus igno-

tus: sic ego, decem annorum peccata recordans, in quibus inerat ille etiam annus, qui nos, hoc non defendente, ne dicam gravius, afflixerat; præsentisque temporis cognoscens temeritatem, ignaviam, negligentiam, succensebam. sed ea jam mihi exciderunt. beneficia ejusdem cogito; cogito etiam dignitatem. intelligo, serius equidem, quam vellem, propter epistolas sermonesque Balbi; sed video plane, nihil aliud agi, nihil actum ab initio, quam ut hunc occideret. ego igitur, si quis apud Homerum, cum ei et mater et dea dixisset,

Αὐτίκα γάρ τοι ἔπειτα μεθ' Ἑκτορα πύτμος ἔτομος,

matri ipse respondit,

Αὐτίκα τεθναίην, ἐπεὶ οὐκ ἄρ' ἔμελλον ἱταίρῳ

Κτεινομένῳ ἐπαμῦναι

quid, si non *ἱταίρῳ* solum, sed etiam *εὐεργέτῃ*? addo, tali viro, talem causam agenti; ¹² et ego vero hæc officia mercanda vita puto. optimatibus vero tuis nihil confido, nihil p. 138. jam ne inservio quidem. video, ut se huic dent, ut daturi a. sint. quidquam tu illa putas fuisse de valitudine decreta municipiorum præ his de victoria gratulationibus? timent, inquires. at ipsi tum se timuisse dicunt. sed videamus, quid actum sit Brundisii. ex eo fortasse ¹³ mea consilia nascentur, aliæque litteræ.

CICERO ATTICO S.

6

NOS adhuc Brundisio nihil. Roma scripsit Balbus, putare jam Lentulum consulem transmisisse, nec cum a minore Balbo conventum; quod is hoc jam Canusii audisset: inde ad se eum scripsisse: cohortesque sex, quæ Albæ fuissent, ad Curium via Minucia transisse: id Cæsarem ad se scripsisse, et brevi tempore cum ad urbem futurum. ego utar tuo consilio; neque me Arpinum hoc tempore abdam: etsi, Ciceroni meo togam puram cum dare Arpini vellem, hanc eram ipsam excusationem relicturus ad Cæsarem. sed

12 Et ego vero.] Post longiorem parenthesis, necit sequentia initio ego igitur. Sed et verum non puto. an ortum esse? quod in hac forma poni solet, pro inquam.

13 Mea consilia nascentur.] Mea edd. pr. in quo multi hæserunt, et varia tentaverunt. sane non valde placet mea. Grævio placebat certa. sequens alique littera, sc. ad te, videtur postulare, alia, nova, aut simile quid.

fortasse in eo ipso offendetur, cur non Romæ potius. sed tamen, si est conveniendus, hic potissimum. tum reliqua videbimus, id est, et quo, et qua, et quando. Domitius, ut audio, in Cosano, et quidem, ut ajunt, paratus ad navigandum: si in Hispaniam, non probo: si ad Cnæum, laudo: quovis potius certe, quam ut Curtium videat; quem ego patronus aspicere non possum. quid alios? sed, opinor, quiescamus; ne nostram culpam coarguamus, qui, dum urbem, id est patriam, amamus, dumque rem conventuram putamus, ita nos gessimus, ut plane interclusi captique simus. Scripta jam epistola, Capua litteræ sunt allatæ hoc exemplo. Pompeius mare transiit cum omnibus militibus, quos secum habuit. hic numerus est hominum millia xxx. et consules, duo et tribuni plebis, et senatores, qui fuerunt cū eo, omnes cum uxoribus et liberis. Conscendisse dicitur a. d. iv Nonas Mart. ex ea die fuere septemtriones venti. naves, quibus usus non est, omnes ¹⁴ aut præcidisse, aut incendisse dicunt. de hac re litteræ L. Metello tribuno plebis Capuam allatæ sunt ab Clodia socru, quæ ipsa transiit. ante sollicitus eram et angebar, sicut res scilicet ipsa cogebat, cum consilio explicare nihil possem: nunc autem, postquam Pompeius et consules ex Italia exierunt, non angor, sed ardeo dolore:

Οὐδὲ μοι ἦτορ
ἔμπεδον, ἀλλ' ἀλαλύκτῃμαι·

non sum, inquam, mihi crede, mentis compos; tantum mihi dedecoris admisisse videor. ¹⁵ Me non primum cum Pompeio, qualicumque consilio uso, deinde cum bonis esse, quamvis causa temere instituta? præsertim cum ii ipsi, quorum ego causa timidius me fortunæ committebam, uxor, filia, Cicerones pueri, me illud sequi mallent? hoc turpe, et me indignum putarent? nam Quintus quidem frater, quidquid mihi placcret, id rectum se putare ajebat, id animo æquissimo sequebatur. tuas nunc epistolas ¹⁶ a primo lego. hæc me paulum recreant. primæ monent et rogant, ne me projiciam. proximæ te gaudere ostendunt, me reman-

¹⁴ Aut præcidisse.] V. Clav. in præ-
eidere. tins est.

¹⁵ Me non primum.] Delevi cum
Grævio ne in *Mene*, quod Vict. addidit.
Superiores omnes Me non: idque elegau-

¹⁶ A primo lego.] I. e. ex ordine tem-
poris, initiumque facio a prima, ut non-
nulli corrigi voluerunt. sed sæpe sic et a
primo.

sisse. eas cum lego, minus mihi turpis videor, ¹⁷ sed tam diu, dum lego : deinde emergit rursum dolor, et *αἰσχροῦ φαντασία*. quamobrem obsecro te, mi Tite, eripe mihi hunc dolorem, aut minue saltem, aut consolatione, aut consilio, aut quacumque re potes. quid tu autem possis? aut quid homo quisquam? vix Deus jam. Equidem illud molior, quod tu mones sperasque fieri posse, ut mihi Cæsar concedat, ut absim, cum aliquid in senatu contra Cnæum agatur. sed timeo, ne non impetrem. venit ab eo Furnius, (ut quidem scias, quos sequamur) Q. Titinii filium cum Cæsare esse nuntiat: sed p. 139. illum majores mihi gratias agere, quam vellem. quid autem a. me roget, (paucis ille quidem verbis, sed *ἐν δυνάμει*.) cognosce ex ipsius epistola. me miserum, quod tu non valuisti. una fuisset: consilium certe non defuisset

Σὺν τε δὴ ἔρχομένῳ.

sed acta ne agamus; reliqua paremus. me adhuc hæc duo fefellerunt; initio spes compositionis, qua facta, volebam uti populari, vita sollicitudine sencetutem nostram ¹⁸ liberari; deinde bellum crudele et exitiosum suscipi a Pompeio intelligebam. Melioris mediusfidius civis et viri putabam, quovis supplicio affici, quam illi crudelitati non solum præesse, verum etiam interesse. videtur vel mori satius fuisse, quam esse cum iis. Ad hæc igitur cogita, mi Attice, vel potius excogita. quemvis eventum fortius feram, quam hunc dolorem.

CÆSAR, IMP. S. D. CICERONI, IMP.

CUM Furnium nostrum tantum vidissem, neque loqui, neque audire meo commodo potuissem, properarem, atque essem in itinere, præmissis jam legionibus; præterire tamen non potui, quin et scriberem ad te, et illum mitterem gratiasque agerem: etsi hoc et feci sæpe, et sæpius mihi facturus videor; ita de me mereris. in primis a te peto, quoniam confido, me celeriter ad urbem venturum, ut te ibi videam, ut tuo consilio, gratia, dignitate, ope omnium re-

¹⁷ Sed tam diu, dum lego.] Tam diu mihi de glossa suspectum semper fuit: teque vetus revocavit Grævius. Sequens membrum deinde, &c. non satis consentit nam id est in dum. primo, spes compositionis, qua facta, &c.

¹⁸ Liberari.] Sic edd. pr. et sic res consentiet, si addatur, quod: deinde bellum c. et exitiosum, quod suscipi a P. videbim.

rum uti possim. Ad propositum revertar: festinationi meæ brevitatiq̃ue litterarum ignosces. reliqua ex Furnio cognosces.

p. 141.

CÆSAR OPPIO CORNELIO S.

a.

GAUDEO mehercule, vos significare litteris, quam valde probetis ea, quæ apud Corfinium sunt gesta. consilio vestro utar libenter, et hoc libentius, quod mea sponte facere constitueram, ut quam lenissimum me præberem; et Pompeium, darem operam, ut reconciliarem. tentemus hoc modo, si possumus omnium voluntates recuperare, et diuturna victoria uti: quoniam reliqui crudelitate odium effugere non potuerunt, neque victoriam diutius tenere, præter unum L. Sullam, quem imitaturus non sum. hæc nova sit ratio vincendi; ut misericordia et liberalitate nos muniamus. id quemadmodum fieri possit, nonnulla mihi in mentem veniunt, et multa reperiri possunt. De his rebus, rogo vos, ut cogitationem suscipiatis. Cn. Magium, Pompeii præfectum, deprehendi. scilicet meo instituto usus sum, et eum statim missum feci. jam duo præfecti fabrūm Pompeii in meam potestatem venerunt, et a me missi sunt. si volent grati esse, debebunt Pompeium hortari, ut malit mihi esse amicus, quam his, qui et illi et mihi semper fuerunt inimicissimi: quorum artificiiis effectum est, ut respublica in hunc statum perveniret.

b.

BALBUS CICERONI, IMP. S.

S. V. B. E. Posteaquam litteras communes cum Oppio ad te dedi, ab Cæsare epistolam accepi, ejus exemplum tibi misi; ex quibus perspicere poteris, quam cupiat concordiam et Pompeium reconciliare, et quam remotus sit ab omni crudelitate: quod eum sentire, ut debeo, valde gaudeo. De te et tua fide et pietate idem mehercule, mi Cicero, sentio, quod tu; non posse tuam famam et officium sustinere, ut contra eum arma feras, a quo tantum beneficium te accepisse prædices. Cæsarem hoc idem probaturum, exploratum, pro singulari ejus humanitate, habeo; eique cumulatissime satisfacturum te certo scio, cum nullam partem belli contra eum suscipias, neque socius ejus adversariis fueris. atque hoc non solum in te, tali et tanto viro, satis habebit, sed etiam mihi ipse sua concessit vo-

luntate, ne in iis castris essem, quæ contra Lentulum aut Pompeium futura essent; quorum beneficia maxima haberem: sibi que satis esse dixit, si rogatus urbana officia sibi præstitissem; quæ ¹⁹etiam illis, si vellent, præstare possem. itaque nunc Romæ omnia negotia Lentuli procuro, sustineo; meumque officium, fidem, pietatem his præsto. sed mehercule rursus jam abjectam compositionis spem non desperatissimam esse puto; quoniam Cæsar est ea mente, qua optare debemus. hac re mihi placet, si tibi videtur, te ad eum scribere, et ab eo præsidium petere, ut petisti a Pompeio, me quidem approbante, temporibus Milonianis. præstabo, (si Cæsarem bene novi,) eum prius tuæ dignitatis, quam suæ utilitatis rationem habiturum. Hæc quam prudenter tibi scribam, nescio: sed illud certe scio, me ab singulari amore ac benivolentia, quæcumque scribo, tibi scribere: quod te (ita, incolumi Cæsare, moriar) tanti facio, ut paucos æque ac te caros habeam. De hac re cum aliquid constitueris, velim mihi scribas. nam non mediocriter laboro, ut utrique, ut vis, tuam benivolentiam præstare possis: quam mehercule te præstaturum confido. Fac valeas.

p. 142.
a.

BALBUS ET OPPIUS S. D. M. CICERONI.

²⁰ NEDUM hominum humilium, ut nos sumus, sed etiam amplissimorum virorum consilia ex eventu, non ex voluntate, a plerisque probari solent: tamen freti tua humanitate, quod verissimum nobis videbitur, de eo, quod ad nos seripsisti, tibi consilium dabimus: quod si non fuerit prudens, at certe ab optima fide et optimo animo proficiscetur. Nos, ²¹nisi, quod nostro iudicio Cæsarem facere oportere existimamus, ut simul Romam venerit, agat de reconciliatione gratiæ suæ et Pompeii, id eum facturum, ex ipso cognovissemus, te hortari desineremus, ut velles iis rebus interesse, quo facilius et majore cum dignitate per te, qui utrique es conjunctus, res tota conficeret: aut, si ex contrario putaremus Cæsarem id non facturum, et eum velle

¹⁹ Etiam illi, si vellem, pr. p.] Edd. pr. et Mss. illis, Lentulo et Pompeio. recte. nam et mox est his. illi est a Bosio. Sed quid si vellem? volebat enim. Puto scribendum vellent.

²⁰ Nedum - - sed etiam.] Insolenter pro Non modo - - sed etiam. Sic et infra, X, 18.

²¹ Nisi id.] Delevi cum Malasp. Lamb. Gravio id. abest et ab ed. Rom.

cum Pompeio bellum gerere sciremus; numquam tibi suaderemus, contra hominem, optime de te meritum, arma ferres; sicuti te semper oravimus, ne contra Cæsarem pugnares. sed cum etiamnum, quid facturus Cæsar sit, magis opinari, quam scire possimus: non possumus, nisi hoc;
 b. non videri cam tuam esse dignitatem, neque fidem omnibus cognitam, ut contra alterutrum, cum utrique sis maxime necessarius, arma feras: et hoc, non dubitamus, quin Cæsar pro sua humanitate maxime sit probaturus. nos tamen (si tibi videbitur) ad Cæsarem scribemus, ut nos certiores faciat, ²² quid hac re acturus sit: a quo si erit nobis rescriptum, statim, quæ sentiemus, ad te scribemus: et tibi fidem faciemus, nos ea suadere, quæ nobis videntur tuæ dignitati, ²³ non Cæsaris rationi, esse utilissima: et hoc Cæsarem, ²⁴ pro sua indulgentia in nos, probaturum putamus.

7

CICERO ATTICO S.

p. 139.

a.

SCRIPSERAM ad te epistolam, quam darem iv Id. sed eo die is, cui dare volueram, non est profectus. venit autem eo ipso die ille celeripes, quem Salvius dixerat: attulit uberrimas tuas litteras, quæ ²⁵ mihi quiddam quasi animulæ restillarunt. recreatum enim me non queo dicere. sed plane τὸ συνέχον effecisti. ego enim non jam id ago, mihi crede, ut prosperos exitus consequar. sic enim video, nec duobus his vivis, nec hoc uno, nos umquam rempublicam habituros. ita neque de otio nostro spero jam, nec ullam acerbitatem recuso. unum illud extimescebam, ne quid turpiter facerem, ²⁶ vel, dicam, jam effecissem. sic ergo habeto, salutes te mihi litteras misisse: neque solum has longiores, quibus nihil potest esse explicatius, nihil perfectius; sed etiam illas breviores, in quibus hoc mihi jucundissi-

²² Quid hac re.] Melius foret hac de re: sed et supra sic est in ep. præced. in tamen addunt edd. Ascensii et alii.

²³ Non Cæsaris rationi.] Edidimus rationi, ut videbatur legendum Grævio, pro vulgato actioni. Sic habent edd. Jens. Asc. Aldi, &c. actioni est in ed. Rom.

²⁴ Pro sua ind. in nos.] Sic edd. Rom. Asc. Ald., &c. recte. placebat et Grævio. in suos primus dedit Jensonus. Cæsar utique in omnes suos indulgens potuit fuisse: sed hic debet aliquid esse, quod his proprium esset.

²⁵ M. quiddam q. animulæ restillarunt.]

Hæc lectio est a Bosio e Ms. Edd. pr. valde primum vitiosæ, deinde variæ. in ed. Rom. lectione sensus nullus est. in ed. Jens. et Asc. est stillarunt, cetera corrupta. Aldinæ quiddam quæ starem instillarunt. Proclivis sum, ad stillarunt præferendum: unum illud obstat, quod Cicero videri potest restillarunt scripsisse, quia sequitur recreatum.

²⁶ Vel, dicam, jam effecissem.] Cur effecissem, et non fecissem? sic legendum puto. etiam alibi efficere inculcatum est proficere.

mum fuit, consilium factumque nostrum ²⁷ a Sexto probari: pergratumque mihi tu fecisti, a quo diligi me, et, quid rectum sit, intelligi, scio. Longior vero tua epistola non me solum, sed meos omnes ægritudine levavit. itaque utar tuo consilio, et ero in Formiano: ne aut ad urbem ἀπάντησις mea animadvertatur: aut, si nec hic nec illic eum videro, devitatum se a me putet. Quod autem suades, ut ab eo petam, ut mihi concedat, ut idem tribuam Pompeio, quod ipsi tribuerim: id me jam pridem agere intelliges et litteris Balbi et Oppii; quarum exempla tibi misi. misi etiam Cæsaris ad eos, sana mente scriptas; quo modo in tanta insania. sin mihi Cæsar hoc non concedat; video tibi placere illud, me πολίτευμα de pace suscipere: in quo non extimesco periculum. cum enim tot impendeant, cur non honestissimo depecisci velim? sed vercor, ne Pompeio quid oneris imponam;

p. 140.
a.

²⁸ Μή μοι γοργεῖν κεφαλὴν λεινωῖο πελώρου

intorqueat. mirandum enim in modum Cnæus noster Sullani regni similitudinem concupivit. εἰδώς σοι λέγω. ²⁹ nihil ille umquam minus obscure tulit. cum hocne igitur, inquires, esse vis? beneficium sequor, mihi crede, non causam, ut in Milone, ut in. ³⁰ sed hactenus. Causa igitur non bona est? immo optima: sed agetur (memento) foedissime. primum, consilium est, suffocare urbem et Italiam fame, deinde, agros vastare, urere, pecuniis locupletum non abstinere. sed, cum eadem metuam ab hac parte: si illinc beneficium non sit, rectius putem quidvis domi perpeti. sed ita meruisse illum de me puto, ut ἀχαριστίας crimen subire non audeam. quamquam a te ejus quoque rei justa defensio est explicata. De triumpho tibi assentior: quem quidem totum facile et libenter abjecero. ³¹ egregie probō fore, ut, dum agamus, ὁ πλοῦς ὠραῖος obrepat: si modo, inquis, satis ille erit firmus. est firmior etiam quam putabamus. ³² de

²⁷ A Sexto.] Peducco. mox pergratumque mihi tu fecisti, int. quod cum eo de consilio aut facto meo es locutus.

²⁸ Μὴ μοι - - intorqueat.] Ne irato vultu me terreat.

²⁹ Nihil - - minus obscure tulit.] Contextus videtur postulare, nihil minus occultavit, quam hanc suam cupiditatem, nihil magis præ se tulit. alias etiam intelligi potest de offensione non dissimulata,

si quis in hoc genere ei adversaretur, de pace loqueretur.

³⁰ Sed hactenus.] Hæc addit Grævius e Mss. suis, quod alias in hac formula additur.

³¹ Egregie probō, fore.] Plane puto verum esse, quod scribis, dum nos de triumpho agimus, ut opportunitas navigandi ad Pompeium non prætermittenda subito existat.

³² De isto.] Non de persona, sed de

isto licet bene speres. promitto tibi, si valebit, tegulam illum in Italia nullam relicturum. tene igitur socio? contra mehercule meum iudicium, et ³³ contra omnium antiquorum auctoritatem: nec tam ut illa adjuvem, quam ut ³⁴ hæc ne videam, cupio discedere. noli enim putare tolerabiles horum insanias, nec uniusmodi fore. etsi quid te horum fugit? legibus, judiciis, senatu sublato, libidines, audacias, sumtus, egestates tot egentissimorum hominum, nec privatas
 b. posse res, nec rempublicam sustinere. Abeamus igitur inde qualibet navigatione: etsi id quidem, ut tibi videbitur: sed certe abeamus. sciemus enim, id quod exspectas, quid Brundisii actum sit. Bonis viris quod ais probari, quæ adhuc fecerimus, scirique, ab iis nos non profectos, valde gaudeo; si est nunc ullus gaudendi locus. De Lentulo investigabo diligentius: id mandavi Philotimo, homini forti ac nimium optimati. Extremum est, ³⁵ ut tibi argumentum ad scribendum fortasse jam desit: (nec enim alia de re nunc ulla scribi potest; et de hac quid jam amplius inveniri potest?) sed quoniam et ingenium suppeditat, (dico mehercule, ut sentio,) et amor, quo et meum ingenium incitatur; perge, ut facis, et scribe, quantum potes. In Epirum quod me non invitas, comitem non molestum, subirascor: sed vale. nam, ut tibi ambulandum, ungendum, sic mihi dormiendum. etenim litteræ tuæ mihi somnum attulerunt.

8

CICERO ATTICO S.

³⁶ CŒNANTIBUS pridie Idus nobis, ac noctu quidem, Statius a te epistolam brevem attulit. De L. Torquato ³⁷ quod quæris, non modo Lucius, sed etiam Aulus profectus est; ³⁸ alter multos D. ³⁹ De Reatinorum corona

re, negatū capiunt. ego malim de Cæsare, ut sit hoc Attici. sed bene speres est ironicum.

³³ Contra om. antiquorum auctoritatem.] Romanorum, clarorum in rep. virorum exempla, qui mori malebant, quam talibus interesse.

³⁴ Hæc ne videam.] Quæ Cæsariani faciunt.

³⁵ Ut tibi a. ad scr. desit.] Si maxime tibi desit materia scribendi. nec enim - - inveniri potest, in parenthesi accipienda.

³⁶ Cœnantibus, &c.] Hæc epistola in ed. Rom. cum septima cœnaret. male. ceterum epistolæ Cæsaris, Balbi, item

Balbi et Oppiorum subjicienda est. itaque nos fecimus. in omnibus edd. usque a Jensoniana ei postponuntur.

³⁷ Quod modo quæris.] Modo delendum esse, recte judicat Malaspina. quia in duobus Mss. non reperit, delevi.

³⁸ Alter multos D.] Sic e Ms. dedit Bosius. D. intelligit dies, ut dedit Grævius. Sed intelligi potest, abrupte scribente Cicerone, ut sæpe in his epistolis.

³⁹ De R. Corona.] Intelligo, quod scribis apud Reatinos sub corona venditus esse captivos. alii de concione et circulis accipiunt, in quo sermones facti de Punteo maligni.

quod scribis, moleste fero in agro Sabino sementem fieri proscriptionis. Senatores multos esse Romæ, nos quoque audieramus. ecquid potes dicere, cur exierint? In his locis opinio est, conjectura magis, quam nuntio, aut litteris, Cæsarem Formiis a. d. xi Kal. Apr. fore. hic ego vellem habere Homeri ⁴⁰illam Minervam simulatam Mentori, cui dicerem:

Μέντορ πῶς τ' ἄρ' ἴω, πῶς τ' ἄρ' προσπύξομαι αὐτόν;

p. 141.

nullam rem umquam difficiliorem cogitavi. sed cogito tamen; nec ero, ut in malis, imparatus. sed cura, ut valeas. puto enim, diem tuum heri fuisse.

CICERO ATTICO S.

9

TRIS epistolas tuas accepi postridie Idus. erant autem IV, III, pridie Idus datæ. igitur antiquissimæ cuique primum respondebo. Assentio tibi, ut in Formiano potissimum commorer: etiam ⁴¹de supcro mari; palpaboque, ut antea ad te scripsi, cequonam modo possim, voluntate ejus, nullam reipublicæ partem attingere. Quod laudas, quia oblivisci me scripsi ante facta et delicta nostri amici: ego vero ita facio. quin ea ipsa, quæ a te commemorantur, secus ab eo in me ipsum facta esse, non memini: tanto plus ⁴²apud me valere beneficii gratiam, quam injuriæ dolorem, volo. faciamus igitur, ut censes, colliganusque nos. σοφιστεύω enim, simul ut rus decurro, atque in decursu θέσεις meas commentari non desino. sed sunt quædam earum perdifficiles ad judicandum. ⁴³De optimatibus, sit sanc ita, ut vis: sed nosti illud, Διονύσιος ἐν Κορνηθῳ. Titinii filius apud Cæsarem est. Quod autem quasi vereri videris, ne mihi tua consilia displiceant; me vero nihil delectat aliud, nisi consilium et litteræ tuæ. quare fac, ut ostendis, ne destiteris ad me, quidquid tibi in mentem venerit, scribere. mihi nihil potest esse gratius. Venio ad alteram nunc epistolam. Recte non credis de numero militum. ipso dimidio plus scripsit Clodia. falsum etiam de corruptis navibus.

p. 143.

a.

40 Illam Minervam.] Alteram illam, quod est in vulgatis, delevi. non est in edd. pr. nec hic vim habere potest aliquam repetitio ejus.

41 De supcro mari.] Per id non esse navigandum, si abire vellet ex Italia, scripserat.

42 Apud me valere.] Sic semper in hac forma Cicero; sic edd. pr. non ad me,

ut recentiores dedere.

43 De optimatibus, &c.] Sensus est: sit ita, optimates Romæ probare, quod in Italia manserim, non secutus Pompeium, cum tutus hic sim a Cæsare: sed Cæsar, quamvis jam potens, potest, ut ille Dionysius, potentia sua privari, victore Pompeio. quid tum fiet?

Quod consules laudas; ego quoque animum laudo, sed consilium reprehendo. ⁴⁴dispersu enim illorum, actio de pace sublata est; quam quidem ego meditabar. itaque postea Demetrii librum de concordia tibi remisi, et Philotimo dedi. nec vero dubito, quin exitiosum bellum impendeat, cujus initium ducetur a fame. et me tamen doleo non interesse huic bello; in quo tanta vis sceleris futura est, ut, cum parentes non alere nefarium sit, nostri principes antiquissimam et sanctissimam parentem, patriam, fame necandam putent. atque hoc non opinione timco, sed interfui sermonibus. omnis hæc classis Alexandria, ⁴⁵Colchis, Tyro, Sidone, Arado, Cypro, Pamphylia, Lycia, Rhodo, Chio, Byzantio, Lesbo, Smyrna, Miletó, Coö, ad intercludendos commercatus Italiæ, et ad occupandas frumentarias provincias comparatur. at quam veniet iratus! et iis quidem maxime, qui eam maxime salvam volebant, quasi relictus ab iis, quos reliquit. itaque mihi dubitanti, quid me facere par sit, permagnum pondus affert benivolentia erga illum; qua de tanta perire melius esset in patria, quam ⁴⁶patriam servando evertere. ⁴⁷De Septentrione, plane ita est. metuo, ne vexetur Epirus. sed quem tu locum Græciæ non direptum iri putas? prædicat enim palam, et militibus ostendit, ⁴⁸se largitione ipsa superiorem, quam hunc fore. Illud me præclare admones, cum illum videro, ne nimis
b. indulgenter, et ut cum gravitate potius loquar. plane sic faciendum. Arpinum, cum eum convenero, cogito, ne forte, aut absim, cum veniet, aut cursem huc illuc via deterrima. Bibulum, ut scribis, audio venisse, et redisse pridie Idus. Philotimum, ut ais epistola tertia, exspectabas. at ille Idib. a me ⁴⁹profectus est. eo serius ad tuam illam epistolam, cui ego statim rescripseram, redditæ sunt

⁴⁴ *Dispersu illorum.*] Sic plerique Mss. sic et ed. Rom. *dispersione* Jens. Asc. Ald. Crat. Victorius illud revocavit. Sed P. Man. edidit *discessu*, post eum alii, quod Malasp. servavit; cui assentitur. n. in sua sponte, non vi, abierant: nec dispersio de duobus dicitur.

⁴⁵ *Colchis.*] Nomen populi pro regionis nomine *Colchide*. intelligenda autem est regio Pontica. nam Pompeius Ponto imperasse naves, constat.

⁴⁶ *Patriam servando evertere.*] Quam patriam evertere, dum eam servare videri volumus, in belli communionem veniendo,

et contra dominationem defendendo patriam.

⁴⁷ *De Septentrione.*] Regionibus Græciæ versus septentrionem, in quas iro, et bellum contra Cæsarem parare vult Pompeius.

⁴⁸ *Se largitione ipsa, &c.*] Qua uti non potest, nisi direptionibus pecuniæ copias paraverit. *quam hunc* est fortasse a glossatore; nimis enim languet, nec sic alibi Cicerō.

⁴⁹ *Profectus est.*] Opinor erat, propterea exspectabas, et redditæ sunt sc. tibi.

meæ litteræ. De Domitio, ut scribis, ita opinor esse, ut et in Cosano sit, et consilium ejus ignoretur. ⁵⁰ Iste omnium turpissimus et sordidissimus, qui consularia comitia a prætore ait haberi posse, est ille quidem, qui semper in republica fuit. itaque nimirum hoc illud est, quod Cæsar scribit in ea epistola, ⁵¹ cujus exemplum ad te misi, se velle uti CONSILIO meo; age, esto hoc commune: GRATIA; ineptum id quidem; sed, puto, hoc simulat ad quasdam senatorum sententias: DIGNITATE; fortasse ⁵² sententiæ consularis. illud extremum est, OPE OMNIUM RERUM. id ego suspicari cœpi tum ex tuis litteris, aut hoc ipsum esse, aut non multo secus. nam permagnæ ejus interest, rem ad interregnum non venire. id assequitur, si per prætorem consules creantur. nos autem in libris habemus, non modo consules a prætore, sed ne prætores quidem creari jus esse, idque factum esse nunquam: consules, eo non esse jus, quod majus imperium a minore rogari non sit jus; prætores autem, cum ita rogentur, ut collegæ consulum sint, quorum est majus imperium. aberit non longe, quin hoc a me decerni velit, neque sit contentus Galba, Scævola, Cassio, Antonio.

Τότε μοι χάνει εἰρεῖα χθών.

sed quanta tempestas impendeat, vides. Qui transierint senatores, scribam ad te, cum certum habebo. De re frumentaria recte intelligis; quæ nullo modo administrari sine vectigalibus potest: nec sine causa et eos, ⁵³ qui circum illum sunt, omnia postulantes, et bellum nefarium times. Trebatium nostrum, etsi, ut scribis, nihil bene sperat, tamen videre sane velim: quem fac horteris, ut properet. opportune enim ad me ante adventum Cæsaris venerit. De Lanuino, statim, ut audiui Phameam mortuum, optavi, si modo esset futura respublica, ut id aliquis emeret meorum: neque tamen de te, qui maxime meus, cogitavi. sciebam enim te ⁵⁴ quoto anno, et quantum in solo, solere quærere: neque

p. 144.
a.

⁵⁰ Iste omnium turpissimus.] Putant esse Lepidum, post triumvirum, qui tum prætor fuerit, et voluerit consules creare.

⁵¹ Cujus exemplum.] Quod est supra, scriptæ ad Ciceronem, ep. 6.

⁵² Sententiæ consularis.] Sic Bosius edidit, quem secutus est Gruterus. edd. vett. *sententia consularis*, pro quo et conjecit Corradus *sent. consulari*. Bosii lectio melior. intelligitur dignitas et auctoritas sententiæ consularis, quæ uti cupie-

bat pro sua causa Cæsar, sc. ut consules crearentur. v. infra: *aberit non longe*, &c.

⁵³ Qui c. illum sunt.] Pompeianos. nam oratio ad Pompeii partes transiit, inde a verbis: *qui transierint*, sc. ad Pompeium in Epirum.

⁵⁴ Quoto anno, &c.] Sc. reddant fructibus sortem, in eo positam emendo, *quantum in solo*, v. Clav. in *solum*. dicit, eum non oblectationem in prædiis emendis spectare, sed reditus.

solum Romæ, sed etiam Deli ⁵⁵tuum digamma videram. verumtamen ego illud, quamquam est bellum, minoris æstimo, quam æstimabatur Marcellino consule, cum ego istos hortulos propter domum, Antii quam tum habebam, jucundiores mihi fore putabam, et minore impensa, quam si Tusculanum refecissem. ⁵⁶volui H-S. D. egi per prædem, ille daret, Antii cum habcret venale: noluit. sed nunc omnia ista jacere puto propter numorum caritatem. mihi quidem erit aptissimum, vel nobis potius, si tu emeris. sed ejus dementias cave contemnas. valde est venustum. quamquam mihi ista omnia jam addicta vastitati videntur. Respondi epistolis tribus: sed cxspecto alias. nam me adhuc tuæ litteræ sustentant. D. Liberalibus.

10

CICERO ATTICO S.

- NIHIL habebam, quod scriberem. neque enim novi quidquam audieram, et ad tuas omnes rescripseram pridie.
- b. sed, cum me ægritudo non solum somno privaret, verum ne vigilare quidem sine summo dolore pateretur, tecum ut quasi loquerer, in quo uno acquiesco, hoc nescio quid, nullo argumento proposito, scribere institui. Amens mihi fuisse videor a principio, et me una hæc res torquet, quod non, omnibus in rebus labentem, vel potius ruentem Pompeium tamquam unus manipularis secutus sim. vidi hominem xiv Kal. Febr. plenum formidinis. illo ipso die sensi, quid ageret. numquam mihi postea placuit; nec umquam. ⁵⁷aliud in alio peccare destitit. nihil interim ad me scribere, nihil nisi fugam cogitare. quid quæris? sicut ἐν τοῖς ἐρωτικοῖς alienant immundæ, insulsæ, indecoræ: sic me illius fugæ negligentiaque deformitas avertit ab amore. nihil enim dignum faciebat, quare ejus fugæ comitem me adjungerem. nunc emergit amor; nunc desiderium ferre non possum; nunc mihi nihil libri, nihil litteræ, nihil doctrina prodest: ita dies et noctes, ⁵⁸tamquam avis illa, mare prospecto;

⁵⁵ Tuum digamma.] V. Clav. in h. v.

⁵⁶ Volui H-S. Q.] Intelligunt quingenties. Sed ita ellicitur summa pecuniæ major, quam pro tali prædio. Manutius intelligit quingentis millibus. In ed. Rom. post H-S est lacuna. et sequitur, et cum Q. egi. Locus est corruptus: nec enim sanare possum. Ceterum quia numeri ap. Latinos non per primam verbi litteram ex-

primantur, sed per signa, scripsi D. e quo et Q. nasci potuit.

⁵⁷ Aliud in alio.] Sc. genere: i. e. in omni genere rerum susceptarum. Sed tamen suspicatus sum aliud ex alio. nam illius formæ exemplum non reperi.

⁵⁸ Tamquam avis illa.] Illa sc. ap. Platonem, ep. 9. ubi se dicit inclusum hortis, velut cavea, prospicere extra et avo-

evolare cupio. Do, do poenas temeritatis meae: ctsi quae fuit illa temeritas? quid feci non consideratissime? si enim nihil praeter fugam quaereretur, fugissem libentissime: sed genus belli crudelissimi et maximi, quod, nondum vident homines, quale futurum sit, perhorruui. quae minae municipiis? quae nominatim viris bonis? quae denique omnibus, qui remansissent? quam crebro illud, *Sulla potuit, ego non potero*? Mihi autem haescrunt illa: male Tarquinius, qui Porsenam, qui Octavium Mamilium contra patriam; impie Coriolanus, qui auxilium petiit a Volscis; recte Themistocles, qui mori maluit; nefarius Hippas, Pisistrati filius, qui in Marathoniam pugna cecidit, arma contra patriam ferens. at Sulla, at Marius, at Cinna recte, immo jure fortasse. sed quid eorum victoria crudelius? quid funestius? hujus belli genus fugi, et eo magis, quod crudeliora etiam cogitari et parari videbam. me, quem nonnulli conservatorem istius urbis, quem parentem esse dixerunt, Getarum, et Armeniorum, et Colchorum copias ad eam adducere? me meis civibus famem, vastitatem inferre Italiae? ⁵⁹ Hunc primum mortalem esse, deinde etiam multis modis posse extinguere cogitabam: urbem autem, et populum nostrum servandum ad immortalitatem, quantum in nobis esset, putabam; et tamen ⁶⁰ spes quaedam me obtentabat, fore, ut aliquid conveniret potius, quam aut ⁶¹ hic tantum sceleris, aut ille tantum flagitii admitteret. alia res nunc tota est, ⁶² alia mens mea. Sol, ut est in tua quadam epistola, excidisse mihi e mundo videtur. Ut aegrotō, dum anima est, spes esse dicitur; sic ego, quoad Pompeius in Italia fuit, sperare non destiti. haec, haec me fefellerunt; et, ut verum loquar, aetas jam a diuturnis laboribus devexa ad otium, domesticarum me rerum delectatione molliit. nunc, si vel periculo experiundum erit, experiar certe, ut hinc avoleam. ante oportuit fortasse. sed ⁶³ ea, quae scripsi, me tardarunt, et auctoritas maxime

p. 145.
a.

lare cupere. nam illa cum Bosio intelligere adverbialiter pro illac, non patiuntur cetera, mare, evolare cupio.

⁵⁹ Hunc.] Ad Caesarem pertinet.

⁶⁰ Spes obtentabat.] Sic consensu libri esse debet pro tenebat, quod in hac sententia dicitur. Ceterum hujus verbi exemplum nullum aliud est.

⁶¹ Hic - - sceleris, ille - - flagitii.] Caesar tyrannide invadenda, Pompeius Italian ad vastitatem vocanda.

⁶² Alia mens mea.] Nempe, quia tota res est commutata, etiam mens mea mutata est. Sic edd. pr. Meus primi omiserunt Victorius et P. Manutius. intelligunt: quia tota res mutata est, etiam mea mutari debuit: male. quid est hic res mea? quis sic loquitur? mutatis rebus mutantur consilia: et id factum tum, ut patet et aeqq. itaque veterem lectionem revocaui.

⁶³ Ea, quae scripsi.] Sc. paullo ante: sic bene e. Mss. suis Graevius. nam de iis,

tua. nam cum ad hunc locum venissem, evolvi volumen epistolarum tuarum, quod ego sub signo habeo, servoque diligentissime. erat igitur in ea, quam x Kalend. Febr. dederas, hoc modo: *sed videamus, et Cnæus quid agat, et illius rationes quorsum fluant. Quodsi iste Italiam relinquet; faciet omnino male, et, ut ego existimo, ἀλογιστως: sed tum demum consilia nostra commutanda erunt.* Hoc scribis post diem quartum, quam ab urbe discessimus. deinde viii
 b. Kalend. Febr. *tantummodo Cnæus noster, ne, ut urbem ἀλογιστως reliquit, sic Italiam relinquat.* Eodem die das alteras, quibus mihi consulenti planissime respondes. est enim sic *sed venio ad consultationem tuam. si Cnæus Italia cedit, in urbem redeundum puto: quæ enim finis peregrinationis?* Hoc mihi plane hæsit: et nunc ita video, infinitum bellum junctum miserrima fuga; quam tu peregrinationem ὑποκορίζη. Sequitur χρησμός vi Kalend. Februar. *Ego, si Pompeius manet in Italia, nec res ad pactionem venit, longius bellum puto fore: sin Italiam relinquit, ⁶⁴ ad posterum bellum ἄσπονδον strui existimo.* Hujus igitur belli ego particeps et socius et adjutor esse cogor; ⁶⁵ quod et ἄσπονδον est, et cum civibus. Deinde vii Idus Februar. cum jam plura audires de Pompeii consilio, concludis epistolam quandam hoc modo: *Ego quidem tibi non sim auctor, si Pompeius Italiam relinquit, te quoque profugere. summo enim periculo facies, nec reipublicæ proderis; cui quidem posterius poteris prodesse, si manseris.* Quem φιλόπατριν ἀ πολιτικόν, hominis prudentis et amici, tali admonitu, non moveret auctoritas? Deinceps iii Idus Februar. iterum mihi respondes consulenti sic: *Quod quæris a me, fugamne fidam, ⁶⁶ an moram desereudam utiliore putem: ego vero in præsentia subitum discessum, et præcipitem profectionem, cum tibi, tum ipsi Cnæo inutilem et periculosam puto: et satius esse existimo, vos dispertitos, et in speculis esse. sed medius fidius turpe nobis puto esse, de fuga cogitare.* Hoc

quæ Atticus scripserat, post dicit, maxime auctoritas tua.

64 *Ad posterum bellum - - strui.*] Ad p. pro in p. Sed quorsum id additur, quod est clare satis in *strui*? et quomodo hæc tota sententia differt a priori, ubi longum bellum putat fore?

65 *Quod et ἄσπ. est, et c. c.*] Addidi est, quod add. pr. habent, sed sine et, quod exciderat.

66 *An moram desereudam.*] Sic edd. vett. et plures scr. quod varie mutatum est. mora desereuda esset incerta: sed non credo id Atticium sio dixisse. dixisset *in fidam*. quid scripserit, nondum reperi. Sed et epitheton *fida* mihi non satis certum videtur. nec tamen id corrigendum est *fadam*, vel *defadam*, ut cum Bosio Gruterus dedit. nam ita non Atticus sordiditatem ejus demum ostendisset.

turpe Cnæus noster biennio ante cogitavit: ita sullaturit
 animus ejus, et proscripserit diu. Inde, ut opinor, cum tu ^{p. 146.}
 ad me quædam ^{a.} γενικώτερον scripsisses, et ego mihi a te quæ-
 dam significari putassem, ut Italia cederem: detestaris hoc
 diligenter XI Kalend. Mart. Ego vero nulla epistola signi-
 ficavi, si Cnæus Italia cederet, ut tu una cederes: aut, si
 significari, non dico fui inconstans, sed demens. In eadem
 epistola alio loco, Nihil relinquitur, nisi fuga: cui te so-
 cium neutiquam puto esse oportere, nec umquam putavi.
 Totam autem hanc deliberationem evolvis accuratius in
 litteris IX Kalend. Mart. datis. Si M. Lepidus et L. Vol-
 catius remanent, manendum puto, ita ut, ⁶⁷ si salvus sit Pom-
 peius, et constiterit alicubi, hanc ^{νεκρίαν} relinquant, et te in
 certamine vinci cum illo facilius patiaris, quam cum hoc in
 ea, quæ perspicitur futura, colluvie regnare. Multa dispu-
 tas huic sententiæ convenientia. inde ad extremum. Quid
 si, inquis, Lepidus et Volcatius discedunt? plane ἀπορῶ.
 Quod evenerit igitur, et quod egeris, id ^{στερκτέον} putabo. ⁶⁸ Si
 tum dubitaras, nunc certe non dubitas, istis manentibus.
 Deinde in ipsa fuga v Kal. Mart. Interea non dubito, quin
 in Formiano mansurus sis. commodissime enim τὸ μέλλον ibi
 παραδοθήσεις. Ad Kal. Mart. cum ille quintum jam diem
 Brundisii esset: Tum poterimus deliberare, non scilicet in-
 tegrali re, sed certe minus infracta, quam si una projeceris te.
 Deinde IV Nonas Mart. ὑπὸ τὴν λῆψιν cum breviter scriberes,
 tamen ponis hoc: Cras scribam plura, et ad omnia: hoc
 tamen dicam, non poenitere me consilii de tua mansionem: et,
 quamquam magna sollicitudine, tamen, quia minus mali puto
 esse, quam in illa projectione, maneo in sententia, et gaudeo
 te mansisse. Cum vero jam angerer, et timerem, ne quid a ^{b.}
 me dedecoris esset admissum, III Nonas Mart. Tamen, te
 non esse una cum Pompeio, non fero moleste. Postea si opus
 fuerit, non erit difficile; et illi, quoquo tempore fiet, erit
 ἀσμένιστον. sed hoc ita dico, si hic, qua ratione initium fecit,
 eadem cetera aget, sincere, temperate, prudenter; valde vi-
 dero, et consideratius utilitati nostræ consulero. VII Idus
 Mart. scribis Peduceo quoque nostro probari, quod quie-
 rim, cujus auctoritas multum apud me valet, His ego tuis

67 Si salvus sit.] I. e. evaserit Cæsarem
 salvus, vel persequentem vel Brundisii
 obsidentem: et constiterit alicubi, ut post
 factum ad Dyrrhachium in Epiro.

68 Si tum dubitaras.] Sic Bosius et
 secutus Gruterus. Edd. pr. et Mss. du-
 bitares. Immo legendum dubitabas. melius
 tamen est dubitaras quam dubitares.

scriptis me consolor, ut nihil a me adhuc delictum putem. tu modo auctoritatem tuam defendito; adversus me, nihil opus est: sed consciis egeo aliis. ego, si nihil peccavi, reliqua tuebor. ad ea tu te hortare, et me omnino tua cogitatione adjuva. Hic nihildum de reditu Cæsaris audiebatur. Ego his litteris hoc tamen profeci; perlegi omnes tuas, et in eo acquievi.

11

CICERO ATTICO S.

⁶⁹ LENTULUM nostrum scis Puteolis esse: quod cum e viatore quodam esset auditum, qui se diceret cum in Appia, cum is paullum lecticam apcruisset, cognosse, etsi vix verisimile, misi tamen Puteolos pueros, qui pervestigarent, et ad eum litteras. inventus est vix in hortis suis se occultans, litterasque mihi remisit, mirifice gratias agens Cæsari: de suo autem consilio ⁷⁰ C. Cæcio mandata ad me dedisse. cum ego hodie exspectabam, id est XIII Kal. April. Verit etiam ad me Matius Quinquatribus, homo mchercule, ut mihi visus est, temperatus et prudens: existimatus quidem est semper auctor otii. quam ille hæc non probare mihi quidem visus est! quam illam *νεκρία*, ut tu appellas, timere! p. 147. a. huic ego in multo sermone epistolam ad me Cæsaris ostendi, eam, cujus exemplum ad te antea misi; rogaviq; ut interpretaretur, quid esset, quod ille scriberet, consilio meo se uti velle, gratia, dignitate, ope rerum omnium. respondit, se non dubitare, quin et opem et gratiam meam ille ad pacificationem quæreret. utinam aliquod in hac miseria reipublicæ πολιτικὸν opus efficere et navare mihi liceat! Matius quidem et illum in ea sententia esse confidebat, et se auctorem fore pollicebatur. Pridie autem apud me Crassipes fuerat, qui se pridie Nonas Mart. Brundisio profectum, atque ibi Pompeium reliquisse dicebat: quod etiam, qui IIX Idus illinc profecti erant, nuntiabant: ⁷¹ illa vero omnes, in quibus etiam Crassipes, (⁷² qui prudentia potius attendere,) sermones minaces, inimicos optimatum, municipiorum hostis, meras proscriptiones, meros Sullas: quæ

⁶⁹ *Lentulum n.*] In edd. pr. hæc ep. colueret precedenti. male.

⁷⁰ *C. Cæcio.*] Qui sit hic Cæcius, nescio. Ed. Jens. tamen habet *C. Cælius*.

⁷¹ *Illu vero omnes.*] Nempe, quæ post memorantur, sermones minaces, &c. int. nuntiabant? ex anteced. Sic et infra de

his: et illa non salutaria. Sed suspicatus sæpe sum, legendum esso illi *v. omnes*.

⁷² *Qui prudentia, &c.*] Hæc sunt vitiosa, nec intelligo. nec aliæ lectiones, ut edd. pr. qui pr. potius a., placent: nec emendatio Grævii satisfacit, qua pr. potes attendere.

Lucceium loqui? quæ totam Græciam? ⁷³ quæ vero Theophanem? et tamen omnis spes salutis in illis est: et ego excubo animo, nec partem ullam capio quietis; et, ut has pestes effugiam, cum dissimillimis nostri esse cupio. Quid enim tu illic Scipionem, quid Faustum, quid Libonem prætermisurum sceleris putas? quorum creditores convenire dicuntur. quid eos autem, cum vicerint, ⁷⁴ in cives effecturos? quam vero ⁷⁵ μακροψυχίαν Cnæi nostri esse? nuntiant Ægyptum, et Arabiam εὐδαίμονα, et Μεσοποταμίαν cogitare, Hispaniam abjecisse. monstra narrant; quæ falsa esse possunt. sed certe et hæc perdita sunt, et illa non salutaria. Tuas litteras jam desidero. post fugam nostram ⁷⁶ numquam jam nostrum earum intervallum fuit. Misi ad te exemplum ^b litterarum mearum ad Cæsarem; quibus me aliquid profecturum puto.

CICERO, IMP. S. D. CÆSARI, IMP.

UT legi tuas litteras, quas a Furnio nostro acceperam, quibus mecum agebas, ut ad urbem essem; te velle uti consilio et dignitate mea, minus sum admiratus: de gratia et de ope quid significares, mecum ipse quærebam: spe tamen deducebar ad eam cogitationem, ut te pro tua admirabili ac singulari sapientia de otio, de pace, de concordia civium agi velle arbitrarer: et ad eam rationem existimabam satis aptam esse et naturam et personam meam. Quod si ita est; et si qua de Pompeio nostro tuendo, et tibi ac reipublicæ reconciliando cura te attingit; magis idoneum, quam ego sum, ad eam causam profecto reperies neminem: qui et illi semper, et senatui, cum primum potui, pacis auctor fui; nec, suntis armis, belli ullam partem attigi; iudicavique, eo bello te violari, contra cuius honorem, populi Romani beneficio concessum, inimici atque invidi niterentur. sed ut eo tempore non modo ipse fautor dignitatis tuæ fui, verum etiam ceteris auctor ad te adjuvandum; sic me nunc Pompeii dignitas vehementer movet. aliquot enim

73 Quæ vero Theophanem.] Vero hic angel. quæ adeo Theophanem loqui, qui sit homo nullius in rep. honoris aut dignitatis, qui de talibus loqui non debeat.

74 In cives effecturos.] Prima in effecturos ex ultima in cives potuit oriri. nam e sua consuetudine Cicero videtur dixisse in cives facturos. sic in tali re semper.

75 Μακροψυχίαν.] Rectissime probat Grævius correctionem viri docti ap. Mantium μακροψυχίαν. nam ironia hic locum non habet, ut opinor.

76 Numquam jam nostrum earum intervallum fuit.] Hoc certe vitiosum est. Correctio varia est. Levissima est delendo nostrum.

sunt anni, cum vos duo delegi, quos præcipue colerem, et quibus essem, sicut sum, amicissimus. Quamobrem a te peto, vel potius omnibus precibus oro et obtestor, ut in tuis maximis curis aliquid impertias temporis huic quoque cogitationi, ut tuo beneficio bonus vir, gratus, pius denique
 p. 148. ^{a.} essc, in maximi beneficii memoria, possim. quæ si tantum ad me ipsum pertinerent, sperarem me a te tamen impetraturum: sed, ut arbitror, et ad tuam fidem, et ad rempublicam pertinet, me e paucis, et ad utriusque vestrûm, et ad civium concordiam, per te, quam accommodatissimum, conservari. Ego, cum antea tibi de Lentulo gratias egissem, ⁷⁷ cum ei saluti, qui mihi fuerat, fuisses: tamen, lectis ejus litteris, quas ad me gratissimo animo de tua liberalitate beneficioque misit, eandem me salutem a te accepisse putavi, quam ille: in quem si me intelligis esso gratum; cura, obsecro, ut etiam in Pompeium esse possim.

12

CICERO ATTICO S.

LEGEbam tuas litteras XIII Kalend. cum mihi epistola affertur a Lepta, circumvallatum esse Pompeium, ⁷⁸ ratibus etiam exitus portus teneri. non mediis fidiis præ lacrymis possum reliqua nec cogitare, nec scribere. nisi ad te exemplum. miseros nos, cur non omnes fatum illius una exsecuti sumus? ecce autem a Matio et Trebatio eadem: quibus Minturnis obvii Cæsaris tabellarii. torqueor infelix, ut jam illum Mucianum exitum exoptem. at quam honesta, at quam expedita tua consilia, quam evigilata tuis cogitationibus, ⁷⁹ quam itineris, quam navigationis, quam congressus, sermonisque cum Cæsare! omnia tum honesta, tum cauta. in Epirum vero invitatio quam suavis, quam liberalis, quam fraterna? De Dionysio, sum admiratus: qui apud me honoratior fuit, quam apud Scipionem Panætius: a quo impurissime hæc nostra fortuna despecta est. odi hominem, et odero: utinam ulcisci possem! sed illum
 b. ulciscantur mors sui. Tu, quæso, nunc vel maxime, quid agendum nobis sit, cogita. Populi Romani exercitus Cn.

⁷⁷ Cum ei saluti - - fuisses.] Dimisso incolumi, cum in potestate haberet, atque interficere posset. v. VIII, 9. et Cæs. B. Civ. I, 23.

⁷⁸ Ratibus etiam exitus portus teneri.] Hoc qui planius cognoscere velit, adeat

Cæs. B. C. I, 25. s.

⁷⁹ Quam - - quam, &c.] Sic habet ed. Rom. recte. Vulgatum qua - - qua est ex ed. Jens. quam omnes secuti sunt: quo pertineat qua, nemo dixit.

Pompeium circumsidet; fossa et vallo septum tenet; fuga prohibet; nos vivimus, et stat urbs ista? Prætores jus dicunt? Ædiles ludos parant? ⁸⁰ viri boni usuras perscribunt? ego ipse sedeo? Coner illuc ire, ut insanus? implorare fidem municipiorum? boni non sequentur; leves irridebunt; rerum novarum cupidi, victores præsertim et armati, vim et manus afferent. Quid censes igitur? ecquidnam est tui consilii ⁸¹ ad finem hujus miserimæ vitæ? nunc doleo, nunc torquor, cum quibusdam aut sapiens videor, quod una non ierim, aut felix fuisse. mihi contra. numquam enim illius victoriæ socius esse volui; calamitatis mallem fuisse. quid ego nunc tuas litteras, quid tuam prudentiam aut benivolentiam implorem? actum est. nulla re jam possum juvari, qui, ⁸² ne quod optem quidem, jam habeo, nisi ut aliqua inimici misericordia ⁸³ liberemur. οὐκ ἔστ' ἔτυμος λόγος, ut opinor, ille de ratibus. quid enim est, quod Dolabella his litteris, quas III Idus Mart. a Brundisio dedit, hanc εἴημερταν quasi Cæsaris scriberet, Pompeium in fuga esse? eumque primo vento navigaturum? quod valde discrepat ab iis epistolis, quarum exempla antea ad te misi. hic quidem mera scelera loquuntur. sed non erat nec recentior auctor, nec hujus rei quidem melior Dolabella.

CICERO ATTICO S.

13

TUAS XI Kalend. accepi litteras, quibus omnia consilia differs in id tempus, cum scierimus, quid actum sit. et certe ita est: nec interim potest ⁸⁴ quidquam non modo statui, ^{p. 149.} sed ne cogitari quidem. ^{a.} ⁸⁵ quamquam hæ mihi litteræ Do-

80 Viri boni u. p.] Res scænebris ab locupletibus (nam hi sunt h. l. viri boni,) exercetur, ut in pace.

81 Ad finem hujus m. vitæ.] Sic dedi ex edd. Jens. Asc. Ald. Crat. Vict. Ed. Rom. autem habet ad finis, quod secuti sunt post alii, primus P. Manutius, qui etiam ad finis, ut quidam alii. illud ad finis ita interpretantur, ut ad finem: i. e. qui sit finis faciendus hujus miserimæ vitæ.

82 Ne quod optem quidem, jam habeo.] Vulgo quid.

83 Liberemur.] Edd. veti. omnes litteretur, quod esset intelligendum de Pompeio. sed de hoc non est sermo, ut contextus docet facile. recte igitur correxit Bosius liberemur, quod et Gruterus secutus est.

84 Quicquam non modo statui, sed, &c.]

Addidi non modo ex edd. primis, Rom. Jens. Asc. Ald. Primus id delevit Victorius, et contra addidit quicquam: quem Mauntius et alii secuti sunt. non modo abesse non potest, quia sequitur sed. id si abesset, et illud ubesse posset. atque etiam in libris scr. repertum est. sed quicquam posset abesse: quia tamen et ipsum in libris scr. repertum est, servavi.

85 Quamquam hæ mihi litteræ.] Primum hæ mihi suspectum est, et natum videtur ex eo, quod hæc epistola in libris quibusdam, ut et in ed. Rom. cum priori conjuncta est, in qua est Dolabella his litteris. mihi porro non ad jubent referendum, sed enclitice accipiendum. quamquam suspicio est, id a germanizante librario additum esse.

labellæ jubent ad pristinas cogitationes reverti. fuit enim pridie Quinquatrus egregia tempestas, qua ego illum usum puto. ⁸⁶ Συγγαγῇ consiliorum tuorum non est a me collecta ad querelam, sed magis ad consolationem meam. nec enim me tam hæc mala angebant, quam suspicio culpæ ac temeritatis meæ: eam nullam puto esse, quoniam cum consiliis tuis mea facta et consilia consentiunt. Quod mea prædicatione factum esse scribis magis, quam ⁸⁷ illius merito, ut tantum ei debere viderer; est ita. ego illa extuli semper, et eo quidem magis, ne quid ille ⁸⁸ superiorum meminisse me putaret: quæ si maxime meminissem; tamen ⁸⁹ illius temporis similitudinem jam sequi debcrem. nihil me adjuvit, cum posset: et postea fuit amicus, etiam valde: ecquam ob causam, plane nescio. ergo ego quoque illi. quin etiam illud par in utroque nostrum, quod ab eisdem illicti sumus. sed utinam tantum ego ei prodesse potuissem, quantum mihi ille potuit! mihi tamen, quod fecit, gratissimum: nec ego nunc, cum juvare qua re possim, scio: nec, si possem, cum tam pestiferum bellum pararet, adjuvandum putarem. tantum offendere animum ejus hic manens nolo. nec mehercule ista videre, quæ tu potes jam animo providere, nec interesse istis malis possem. sed eo tardior ad discedendum fui, quod difficile est de discessu voluntario, sine ulla spe reditus, cogitare. nam ego hunc ita paratum video peditatu, equitatu, classibus, auxiliis Gallorum, quos Matius ἐλάπιζεν, ut puto; sed certe dicebat, peditum ⁹⁰ *πολλίκερι*, equitum sex b. ⁹⁰ *πολλίκερι* sumtu suo annos decem. sed sit hoc *λάπισμα*. magnas habet certe copias: et habebit ⁹¹ non, ut ille, vectigal, sed civium bona. adde confidentiam hominis; adde imbecillitatem bonorum virorum; qui quidem, quod illum sibi merito iratum putant, ⁹² oderunt, ut tu scribis, ludum. ⁹³ ac vellem, scribis, quisnam hic significasset. sed et iste,

⁸⁶ Συγγαγῇ cons. tuorum.] Quæ sc. ab Cicerone ex epistolis Attici facta erat ep. 10.

⁸⁷ Illius merito.] Ad Pompeium pertinet, secundum eandem epistolam.

⁸⁸ Superiorum temporum.] Quibus mihi invidit, me deseruit, &c.

⁸⁹ Illius temporis similitudinem.] Cum me, ante desertum, adjuvit in reditu in patriam conficiendo.

⁹⁰ Polliceri sumtu suo.] In edd. pr. male additur se; quasi de Matio sit. Gal-

los dicebat Matius polliceri.

⁹¹ Non, ut ille, vectigal.] De Pompeio est, ut semper ille in his epp. vectigal (melius vectigalia) e provinciis Orientis.

⁹² Oderunt, ut tu scribis, ludum.] Nempe, si vera est lectio, hunc ludum belli, cujus incertus est exitus, quia timebat Pompeium sibi iratum, quod eum non secuti erant.

⁹³ Ac vellem, scribis, - - significasset.]

Hoc non intelligo, nec conjecturas virorum doctorum satisfaciunt. Grævius: ac vel-

quia plus ostenderat, quam fecit, [amatur,] et vulgo illum qui amarunt, non amant. municipia vero, et rustici Romani illum metuunt, hunc adhuc diligunt. quare ita paratus est, ut, etiamsi vincere non possit, quo modo tamen vinci ipse possit, non videam. ego autem non tam γοητεῖαν hujus timeo, quam πειθανάγκην. αἱ γὰρ τῶν τυράννων δεήσεις, inquit Πλάτων, εἰς ὅτι μεμυγμέναι ἀνάγκαις. ⁹⁴ Illa ἀλόμενα video tibi non probari: quæ ne mihi quidem placebant: sed habebam in illis et occultationem, et ὑπηρεσῖαν fidelem: quæ ⁹⁵ si mihi Brundisii suppeterent, mallet. sed ibi occultatio nulla est. verum, ut scribis, cum scierimus. ⁹⁶ Viris bonis me non nimis excuso. quas enim eos cenas et facere et obire scripsit ad me Sextus? quam lautas? quam tempestivas? sed sint quamvis boni, non sunt meliores, quam nos: moverent me, si essent fortiores. De Lanuino Phameæ, erravi: ⁹⁷ Trojanum somniabam. id ego ⁹⁸ volui D. sed pluris est. ⁹⁹ istud tamen cuperem emergere, si ullam spem fruendi viderem. Nos ¹⁰⁰ quæ monstra quotidie intelligamus, ex illo libello, qui in epistolam conjectus est. Lentulus noster Puteolis est ἀδμονῶν, ut Cæcius narrat, ¹ quid agat: διατροπὴν Corfiniensem reformidat: Pompeio nunc putat satisfactum: beneficio Cæsaris movetur; sed ² tamen movetur magis perspecta re. Tene hæc posse ferre? Omnia misera: sed hoc nihil miserius; ³ Pompeius N. Magium de pace misit; et tamen oppugnatur; quod ego non credebam: sed habeo a Balbo p. 150. litteras, quarum ad te exemplum misi: lege quæso, et illud

lem, quoniam hi, significasses. mox pro vulgato hodie sedet, reddidi ex cdd. pr. sed et, ut et Grævius vult, nec displicet ejus conjectura, excidisse amatur post fecit: idque adeo addidi, sed eum nota, ut intelligi locus posset. Sensus est: iste, Cæsar, amatur, qui quæ minatus erat, non fecit, sed mitem se præbuit: illum, Pompeium non amant, nempe quia omnibus minatur, qui eum non sunt secuti.

⁹⁴ Illa ἀλόμενα.] V. Græca in Clave.
⁹⁵ Si mihi Br. suppeterent.] Male vulgg. suppetunt: edd. pr. suppetant, paullo melius: sed necessario corrigendum est suppetere, aut post suppetant scr. malim. Illud secutus sum.

⁹⁶ Viris bonis, &c.] Locus pertinet ad malignos lautiores sermones de se in conviviis, de quibus jam supra scripsit, ep. 1.

⁹⁷ Trojanum.] V. Clav. Geogr.

⁹⁸ Volui D.] V. supra ad ep. 9.

⁹⁹ Istuc t. cuperem emerges.] In edd. pr. et scr. mire vitatus est hic locus. istuc est pro istud, ut et aliis locis. qui emerges dedere, spectavere id, quod supra Cicero Attico commendaverat id prædium. Sed verba cuperem et viderem clare indicant, Ciceronem cupiisse emergere: itaque emergere edidi, eo jure, quo alii emerges.

¹⁰⁰ Q. m. q. intelligamus, ex illo libello.] So. intelliges et tu: si tamen lectio recta est, quod mihi non videtur.

¹ Quid agat.] Grævius jungit a superioribus: Quid agat? mihi glossæ videtur, pertinens ad ἀδμονῶν. Si a Cicerone est, conjungendum est cum ἀδμονῶν: ita sollicitus est animo, ut nesciat quid agat.

² Tamen movetur magis p. r.] Puto ascribendum movebitur: nam pertinet ad futuram tempus.

³ Pompeius N. Magium.] Legatum suum. de prænomine v. Clav.

infimum caput ipsius Balbi optimi, cui Cnæus noster locum, ubi hortos ædificaret, dedit. quem cui nostrum non sæpe prætulit? Itaque miser torquetur. sed, ne bis eadem legas, ad ipsam te epistolam rejicio. spem autem pacis habeo nullam. Dolabella suis litteris, Idibus Mart. datis, merum bellum loquitur. maneamus ergo in illa eadem sententia misera et desperata: quando hoc miserius esse nihil potest.

BALBUS CICERONI, IMP. S.

CÆSAR nobis litteras perbreves misit, quarum exemplum subscripsi. brevitate epistolæ scire poteris, eum valde esse distentum, qui tanta de re tam breviter scripserit. si quid præterea novi fuerit, statim tibi scribam.

CÆSAR OPPIO CORNELIO S.

A. D. VII Id. Mart. Brundisium veni: ad murum castra posui. Pompeius est Brundisii. misit ad me N. Magium de pace. quæ visa sunt, respondi. hoc vos statim scire volui. cum in spem venero, de compositione aliquid me conficere, statim vos certiores faciam.

Quomodo me nunc putas, mi Cicero, torqueri, postquam rursus in spem pacis veni, ne qua res eorum compositionem impediat? namque, quod absens facere possum, opto. quod si una essem, aliquid fortasse proficere possem videri. nunc exspectatione crucior.

14

CICERO ATTICO S.

- b. MISERAM ad te VIII Kal. exemplum epistolæ Balbi ad me, et Cæsaris ad eum; ⁴ ecce tibi eodem die Capua litteras [accepi] ab Q. Pedio: Cæsarem ad se pridie Id. Mart. misisse hoc exemplo: *Pompeius se oppido tenet. nos ad portas castra habemus. conamur opus magnum, et multorum dierum, propter altitudinem maris. sed tamen nihil est, quod potius faciamus. ab utroque portus cornu moles jacimus, ut aut illum quamprimum trajicere, quod habet Brundisii copiarum, cogamus, aut exitu prohibeamus.* Ubi est illa pax,

⁴ Ecce tibi, eodem die Capua litteras inclusi. Contra in seqq. litteras additur accepi.] Ecce tibi non patitur verbum post misisse in edd. Jens. Ald. &c. omisit accepi. nam hæc formula semper sine verbo Vict. et abest ab ed. Rom. potestque inest. sine dubio est glossa. Itaque uncis telligi.

de qua Balbus scripserat torqueri se? eequid acerbius? eequid crudelius? atque eum loqui ⁵ quidam αἰθεντικῶς narrabat; Cn. Carbonis, M. Bruti se poenas persequi, omniumque eorum, in quos Sulla crudelis ⁶ hoc socio fuisset: nihil Curionem se duce facere, quod non hic Sulla duce fecisset? ad ambitionem: (a se,) quibus exsilii poena superioribus legibus non fuisset; ab illo patriæ proditores de exsilio reductos esse: queri ⁸ de Milone per vim expulso: neminem tamen se violaturum, ⁹ nisi qui arma. Hæc contra Bæbius quidam, a Curione III Id. profectus, homo non infans, ¹⁰ sed quis, ulli non dicat. plane nescio, quid agam. Illinc equidem Cnæum profectum puto. Quidquid est, biduo sciemus. ¹¹ A te nihil: ne Anteros quidem quid litterarum. nec mirum. quid enim est, quod scribamus? ego tamen nullum diem prætermitto. Scripta epistola, litteræ mihi ante lucem a Lepta Capua redditæ sunt Idib. Mart. Pompeium a Brundisio conscendisse, at Cæsarem a. d. VII Kal. April. Capuæ fore. p. 151.

CICERO ATTICO S.

15

CUM dedissem ad te litteras, ut scires Cæsarem Capuæ VII Kalend. fore, allatæ mihi sunt litteræ, eum in Albano apud Curionem V Kalend. fore. eum cum videro, Arpinum pergam. si mihi ¹² veniam, quam peto, dederit, ¹³ utar con-

⁵ Quidam αἰδ. narrabat.] Græuius correxit narrabant, sed sine libris, et præter necessitatem, in sequentibus etiam unus est Bæbius, qui aliquid attulerit.

⁶ Hoc socio.] Pompeio: et hic Cn. Carbonem et M. Brutum interfecerat.

⁷ Ad ambitionem.] Si est a Cicerone, pertinet ad antecedentia, quibuscum coniungitur in edd. pr. Ita Pompeius intelligitur sub Sullæ dominatione multa ambitioso fecisse, præsertim in reducendis exsilibus. atque ita et ipse edidi: initio sequentium jam aliquid deest. Græuius explebat conjectura a se damnatos: sed id est nimium, nec damnatos satis conuoluit sequentibus. ego nihil addo, nisi a se, quod opponitur tibi ab illo: sic: a se indemnatos de exsilio reductos, ab illo proditores patriæ: non dubitavi sic edere, sed ut unicis notarem.

⁸ De Mil. per vim expulso.] Hoc quoque ad Pompeianum pertinet, qui iulioium ejus terrore suo atque militari ita percellat, ut enim condemnare.

⁹ Nisi qui arma. H.] In edd. ante Vict. vulgo erat n. q. a. hæc contra se

moverant. Victorius ultima delevit, ut non necessaria. bene. sed sine auctore. Aberant autem ab ed. Rom. Fluxere ex ed. Jenschii. In Rom. etiam sequentia sic sunt: Hæc contra B. q.

¹⁰ Sed quis, ulli non dicat.] Sio edd. vett. omnes. Si vera lectio est, est periphrasis hominis obscuri, similis illi Octavio in epp. ad Div. VII, 16. Si quid mutandum, scribam, sed qui sit, ut sit per siglam scriptum adhaeruit pronomini.

¹¹ A te nihil, ne Anteros quidem, qui a te, litterarum.] Sio locum constituit o vestigiis librorum Bosini. Sed qui a te durius est. Ed. Jens. habet quid litterarum, et inde alia. hoc restitui: int. attulit.

¹² Veniam, quam peto.] Sc. ut mihi licent abesse urbe: sc. necesse sit in senatum venire, sententiam dicere, &c. v. supra, ep. 4. et 6. sic et infra in hac ep. venia intelligenda.—post impetruho aliquid a me ipso, venuste, pro abibo ad Pompeium et ejus exercitum, quod adhuc non sustinui facere.

¹³ Utar conditione.] Delevi illius, quod ab edd. pr. abest. et plerumque ge-

ditione: sin minus, impetrabo aliquid a me ipso. Ille, ut ad me scripsit, legiones singulas posuit Brundisii, Tarenti, Siponti. claudere mihi videtur maritimos exitus: et tamen ipse Græciam spectare potius, quam Hispanias. sed hæc longius absunt. Me nunc et congressus hujus ¹⁴stimulat: is vero adest: et primas ejus actiones horreo. volet enim, credo, S. C. facere: volet ¹⁵augurum decretum: ¹⁶rapiemur, aut absentes vexabimur: vel ut consules roget prætor, vel dictatorem dicat: quorum neutrum jus est: sed si Sulla potuit efficere, ab interrege ut dictator diceretur, cur hic non possit? nihil expedio, nisi ut aut ab hoc, tamquam Q. Mucius, aut ab illo, tamquam L. Scipio. Cum tu hæc leges, ego illum fortasse convenero. Τέτρα, κύντερον. ¹⁷ ne illud quidem nostrum proprium. erat enim spes propinqui reditus; erat hominum querela. nunc exire cupimus; qua spe reditus, mihi quidem numquam in mentem venit. non modo autem nulla querela est municipalium hominum, ac rusticorum, sed contra metuunt, ut crudelem, iratum. nec tamen mihi quidquam est miserius, quam remansisse; nec optatius, quam evolare, non tam ad belli, quam ad fugæ societatem. sed tu omnia consilia differebas in id tempus, cum sciremus, quæ Brundisii acta essent. scimus nempe: hæremus nihilo minus. vix enim spero mihi hunc veniam daturum: etsi multa affero justa ad impetrandum. sed tibi omnem illius, meumque sermonem, omnibus verbis expressum, statim mittam. Tu nunc omni amore enitere, ut nos cura tua et prudentia juves. ita subito accurrit, ut ne T. Rebilum quidem, ut constitueram, possim videre. omnia nobis imparatis agenda. sed tamen

--- ἄλλα μὲν αὐτὸς, ut ait ille,
ἄλλα δὲ καὶ δαίμων ὑποθήσεται.

Quidquid egero, continuo scies. Mandata Cæsaris ad con-

nitivus non additur: itaque nec addendus est, ubi libri non habent. Primum est in margine Crat.

¹⁴ Stimulat.] V. Clav. Mox primas actiones edd. vett. inepte Victorius e libris quibusdam prima actionis dedit.

¹⁵ Augurum decretum.] Nempe, prætorem consularia auspicia facere posse, ut comitia consularia habere possit.

¹⁶ Rapiemur.] Cogar Romam venire,

quia angur sum et senator consularis.

¹⁷ Ne illud quidem n. p. &c.] Locus est subobscurus. Segsus est: exsilium (meum) nostrum superius minus grave hoc communi fuit. nam in illo spes reditus propinqui erat, homines dolebant vires meas: in hoc ipsi cupimus exire, nulla est spes reditus, nemo queritur eo nomine. immo nolunt redire Pompeium; nam eum metuunt,

sules et ad Pompeium, quæ rogas, nulla habeo: ¹⁸ neque descripta attulit illa Lucius. E via misi ad te ante, e quibus mandata puto intelligi posse. Philippus Neapoli est, Lentulus Puteolis. De Domitio, ut facis, sciscitare, ubi sit, quid cogitet. Quod scribis, asperius me, quam mei patiantur mores, de Dionysio scripsisse: vide, quam sim antiquorum hominum. te medius fidius hanc rem gravius putavi laturum esse, quam me. nam præterquam quod te moveri arbitror oportere injuria, quæ mihi a quoquam facta sit; præterea te ipsum quodam modo hic violavit, cum in me tam improbus fuit? sed tu id quanti æstimes, tuum iudicium est. nec tamen in hoc tibi quidquam oneris impono. ego autem illum male sanum semper putavi, nunc etiam impurum et sceleratum puto: nec tamen mihi inimiciorem, quam sibi. ¹⁹ De Philargyro bene: causam certe habuisti et veram et bonam; relictum esse me potius, quam reliquisse. Cum dedissem jam litteras a. d. VIII Kal. ²⁰ quos cum Matio et Trebatio miseram, pueri, epistolam mihi attulerunt hoc exemplo:

MATIUS ET TREBATIUS CICERONI, IMP. S.

CUM Capua exissemus, in itinere audiimus Pompeium p. 152.
Brundisio a. d. XVI Kalend. April. cum omnibus copiis, ²¹
quas habuit, profectum esse: Cæsarem postero die in oppidum introisse; concionatum esse; inde Romam contendisse; velle ante Kalend. esse ad urbem, et paucos dies ibi commorari, deinde in Hispanias proficisci. Nobis non alienum visum est, quoniam de adventu Cæsaris pro certo habebamus, pucros ad te remittere, ut id tu quamprimum scires. Mandata tua nobis curæ sunt, eaque, ut tempus

18 *Quæ Ægypta attulit, illa e via misi ad te ante.*] *Ægypta* est e conjectura Turnebi, Adv. I, 21. vetus lectio est *descripta*. Sed ita nomen deest adferentis. Tunstallus, p. 150. acute locum constituit sic: *neque descripta attulit illa L. E via misi ad te ante.* Intell. *Lucius*, sc. Cæsar, qui venerat cum mandatis et visus erat a Cicerone Minturnis, unde Cicero cognoverat. Nomen servi aut ministerium in talibus mandatis locum non habet. Quo jure Turnebi conjectura recipi potuit, eodem et hæc minus violenta recipi a nobis potuit, dum melius quid reperitur.

19 *Philargyro bene curasti.*] Sic Vic-

torius et Bosius. Quæ lectio si est vera, de pecunia sermo est. Sed ei non apta sunt sequentia, causam habuisti veram et bonam, &c. Igitur prætuli lectionem ed. Rom. *De Philargyro bene.* Sic alibi etiam Cicero in tali re. Etiam in ed. Jens. de excidit. Sensus est: quod apud Philargyrum me defendisti, de Dionysio. nam ad eum pertinent illa: *relictum esse me potius, quam reliquisse.*

20 *Quos cum M. &c.*] In his nihil nisi *pueri* locum mutaverunt, quem ante inter Matium et Trebatium habebant: Malaspina et Grævius ab initio ponebant.

postularit, agemus. Trebatius Scævola facit, ut antecedit. Epistola conscripta, nuntiatum est nobis, Cæsarem a. d. VIII Kal. April. Beneventi mansurum, a. d. VII Capuæ, a. d. VI Sinuessæ. hoc pro certo putamus.

16

CICERO ATTICO S.

CUM, quod scriberem ad te, nihil haberem: tamen, ne quem diem intermitterem, has dedi litteras. A. d. VI Kal. Cæsarem Sinuessæ mansurum nuntiabant. ab eo mihi litteræ redditæ a. d. VII Kalend. quibus jam opes meas, ²¹ non, ut superioribus, opem, exspectat. cum ejus clementiam Corfiniensem illam per litteras collaudavissem, rescripsit hoc exemplo:

CÆSAR, IMP. CICERONI, IMP. S. D.

RECTE auguraris de me, (bene enim tibi cognitus sum) nihil a me abesse longius crudelitate. atque ego cum ex ipsa re magnam capio voluptatem: tum, meum factum probari ab te, triumpho, gaudeo. neque illud me movet, quod ii, qui a me dimissi sunt, discessisse dicuntur; ut mihi rursus bellum inferrent: nihil enim malo, quam et me mei
b. similem esse, et illos sui. Tu velim mihi ad urbem præsto sis, ut tuis consiliis atque opibus, ut consuevi, in omnibus rebus utar. Dolabella tuo nihil scito mihi esse jucundius. hanc adeo habeo gratiam illi: neque enim aliter facere poterit: tanta ejus humanitas, is sensus, ea in me est benivolentia.

17

CICERO ATTICO S.

TREBATIUM VI Kalend. quo die has litteras dedi, exspectabam. ex ejus nuntio Matiique litteris meditor, quo modo cum illo loquar. O tempus miserum! nec dubito, quin a me contendat, ad urbem veniam. Senatū enim Kal. velle se frequentem adesse, etiam Formiis proscribi jussit. ergo ei negandum est? ²² sed quid præcipio? statim

21 Non, ut superioribus litteris.] Litteris non bene repetitur; quia Malaspina in libris scr. non reperit, delevi. Ceterum non credo, mentem Ciceronis esse, in opibus intelligendam esse rem ejus familiarum. Sed in opibus potest intelligi potentia major et auctoritas. Sed est lusus Ciceronis.

22 Sed quid præcipis.] In h. l. se mi-

sere torsere viri docti e varietate librorum, varieque edidere. Paernus corripbat præcipio; nam et in libris est præcipi et similia. probabat Grævius: recepit Lambinus, quem secutus sum. Sensus est: sed quid ante scribo, quam factum est? cum brevi rem ipsam, ut acta est, possum scribere.

ad te perscribam omnia. ex illius sermone statuam, Arpinumne mihi eundum sit, an quo alio. Volo Cicroni meo togam puram dare. istic puto. tu, quæso, cogita, quid deinde. nam me hebetem mollestiæ reddiderunt. A Curio, velim scire, ecquid ad te scriptum sit de Tirone. ad me enim ipse Tiro ita scripsit, ut verear, quid agat. qui autem veniunt inde, ²³ κινδυνώδη nuntiant. sane in magnis curis etiam hæc me sollicitat. in hac enim fortuna perutilis ejus et opera et fidelitas esset. p. 153.
a.

CICERO ATTICO S.

18

UTRUMQUE ex tuo consilio. nam et oratio fuit ca nostra, ut bene potius ille de nobis existimaret, quam gratias ageret: et in eo mansimus, ne ad urbem. illa sefellerunt, facilem quod putaramus. nihil vidi minus. damnari se nostro judicio, tardiores fore reliquos, ²⁴ si nos non venerimus, dicere. ego, dessimilem illorum esse causam. cum multa; veni igitur, et age de pace. meone, inquam, arbitrato? an tibi, inquit, ego præscribam? sic, inquam, agam, senatui non placere in Hispanias iri, nec exercitus in Græciam transportari; multaque, inquam, de Cnæo deplorabo. tum ille, Ego vero ista dici nolo. ita putabam, inquam: sed ego co nolo adesse, quod aut sic mihi dicendum est, multaque quæ nullo modo possem silere, si adessem; aut non veniendum. summa fuit, ut ille, quasi exitum quærens, ut delibrarem. non fuit negandum. ita discessimus. Credo igitur, hunc me non amare. at ego me amavi; quod mihi jam pridem usu non venit. reliqua, o Dii! qui comitatus! quæ, ut tu soles dicere, νεκρία! in qua erat ²⁵ area scelerum. o rem perditam! o copias desperatas! quid, quod Servii filius? quod Titinii? quot in his castris fuerunt, quibus Pompeius circumsidcretur? sex legiones. multum vigilat; audet: nullum video finem mali. nunc certe promenda tibi sunt consilia. hoc fuerat extremum. Illa tamen κατακλείς

²³ Κινδυνώδη nuntiant.] Sic rescripsi ex epp. ad Div. XVI, 1. Vulgatum κινδυνώδης est e conjectura Bosii. odd. pr. id modo, quod et Grævius retinuit. est sine sensu.

²⁴ Si nos non venerimus.] Hic quoque mire vitiosi sunt libri. Vulgatum post Viet. si in his n. v. nullum sensum habet. Faernus corrigebat si nos. recepit bene

Grævius, qui et nos in Ms. Helmst. reperit. venerimus int. Romam.

²⁵ Area scelerum.] Revocavi lectionem edd. pr. quam Victorius mutavit in Eros Celeri, alii aliter: sed Gronovius in ἀγέβορν leti. Tanstallus, p. 151. τίρας sceleris. omnia dura. illud bene convenit Attici verbo νεκρία.

illius est odiosa, quam pæne præterii: si sibi consiliis nostris uti non liceret, usurum, quorum posset, ad omniaque esse descensurum. vidisti igitur virum, ut scripseras? ingemuisti? certe. credo reliqua. quid? continuo ipse in Pedanum, ego Arpinum. inde ²⁶ exspecto quidem λαλαγεῖσθαι illam tuam. tu (malum) inquires, actum ne agas. etiam illum ipsum, quem sequimur, multa fefellerunt, sed ego tuas litteras exspecto. nihil est enim jam, ut antea, *videamus, hoc quorsum evadat*. extremum fuit de congressu nostro:

b. quo quidem non dubito, quin istum offenderim. eo maturius agendum est. amabo te, epistolam, et πολιτικὴν. valde tuas litteras nunc exspecto.

19

CICERO ATTICO S.

EGO meo Ciceroni, quoniam Roma caremus, Arpini potissimum togam puram dedi: idque municipibus nostris fuit gratum. etsi omnes, et illos, et qua iter feci, mœstos afflictosque vidi: tam tristis, et tam atrox est ἀναδεώρησις hujus ingentis mali. delectus habentur: in hiberna deducuntur. Ea, quæ, etiam cum a bonis viris, cum justo in bello, cum modeste fiunt, tamen ipsa per se molesta sunt; quam censes acerba nunc esse, cum a perditis, in civili nefario bello, petulantissime fiant? cave autem putes, quemquam hominem in Italia turpem esse, qui hinc absit. vidi ipse Formiis universos: neque meherecule umquam homines putavi; et noram omnes; sed numquam uno loco videram. Pergamus igitur, quo placet, et nostra omnia relinquamus. proficiscamur ad eum, cui gratior noster adventus erit, quam si una fuissemus. tum enim eram in maxima spe; nunc, ego quidem, in nulla: nec, præter me, quisquam Italia cessit, nisi qui hunc inimicum sibi putaret. nec meherecule hoc facio reipublicæ causa, quam funditus deletam puto: sed ne quis me putet ingratus in eum, qui me levavit iis incommodis, quibus idem affecerat: et simul, quod ea, quæ fiunt, aut quæ certe futura sunt, videre non possum. etiam equidem senatus consulta facta quædam jam puto; utinam ²⁷ in Volcatii sententiam! sed quid refert? est enim una sententia omnium. sed erit injustissi-

²⁶ Exspecto λαλαγεῖσθαι illam tuam.] Ius, p. 21. μαντεύουσαν. Edd. pr. ἀλλὰ Hoc est c. Hosii et Junii conjectura. Μα- τελίαν.

Iasp. edidit δαδ' αἰδουσαν, quod probabat ²⁷ In Volcatii sententiam.] Ut de pace Grævius, et Lambinus recepit. Tunstall. legati mitterentur.

mus Servius, qui filium misit ²⁸ ad effligendum Cn. Pompeium, aut certe capiendum, cum Pontio Titiniano. etsi hic quidem timoris causa; ²⁹ ille vero? sed stomachari desinamus, ³⁰ et aliquando sententiam, ³¹ ut nihil novi, nisi id, ^{a.} quod minimum vellem spiritum reliquum esse. Nos, quoniam superum mare obsidetur, infero navigabimus; et, si Puteolis erit difficile, Crotonem petemus, aut Thurios; et boni cives, amantes patriæ, ³² mare infestum habebimus. aliam rationem hujus belli gerendi nullam video. ³³ in Ægyptum nos abdemus. exercitu pares esse non possumus. pacis fides nulla est. sed hæc satis deplorata sunt. Tu velim litteras Cephalioni des de omnibus rebus actis, denique etiam de sermonibus hominum; nisi plane obmutuerunt. Ego tuis consiliis usus sum, maximeque, quod gravitatem in congressu nostro tenui, quam debui; et, ad urbem ut non accederem, perseveravi. Quod superest, scribe, quæso, quam accuratissime, (jam enim extrema sunt,) quid placeat, quid censeas: etsi jam nulla dubitatio est. tamen, si quid, vel potius quidquid veniet in mentem, scribas velim.

28 *Ad effligendum Cn. P.*] Sic in Mss. suis reperere Vict. Malaspina. nempe tum vulgatum erat *affligendum* ex ed. Jensoni ortum. Sed *effligendum* jam erat in ed. Rom. idque adeo et ipse servavi. est autem plus quam *affligendum*: nempe perdendum, interficiendum. Sic *efflictum amare*, pro perditæ dicitur: eamque sensum requirit sequens, *aut certe capiendum*.

29 *Ille vero?*] Quam improba et fœda de causa.

30 *Et aliquando sententiam.*] I. e. dicamus, quæ rem decernat. Edd. veteres inde a Jensonio addunt *terminemus*: quod

abest ab ed. Rom. delevit Victorinus. henc.

31 *Ut nihil novi.*] Sc. velimus, optemus, uisi, &c. cetera sunt adhuc vitiosa, ut hodie edantur, ut et sunt in ed. Rom. Ed. Jensoni habet *nisi id quod vellem, minimum spiritum reliquum esse*. Sed vulgatum hodie eodem modo intelligi potest.

32 *Mare infestum habebimus.*] Non, infestum nobis erit, sed infestum redditus, (sic et infra dicitur, XVI, 1.) ut commentus ex Italia intercludatur.

33 *In Ægyptum nos abdimus.*] Faeremus corripuit *abdemus*, recte. Immo sic ed. Rom. unde restituimus.

M. TULLII CICERONIS
EPISTOLARUM

AD

ATTICUM

LIBER X.

ARGUMENTUM.

Argumentum idem fere est libri lajus et superioris: Querimonia de perditis Caesaris et Pompeii consiliis: Curionis congressus, proprætoris in Sicilia proficiscentis, largique et liberaliter de sua Caesarisque in Ciceronem voluntate pollicentis: Quinti filii scelus, Romam profecti, Hirtioque, tum patris tum patri excedendi consilia indicantis: Deliberatio, an, quæ in Hispania gerantur, expectandum sit, ad quod ut sui et multi alii hortabuntur: Caesaris litteræ, ne quo progrediatur, monentis: Cælii, ut aliquod oppidum eligat, vacuum a bello, rogantis: Antonii, id ipsum, et mandatum sibi significantis, ne quem Italia excedere permittat: Congressus cum Servio Sulpicio: Fuga Catonis ex Sicilia in Africam transmittentis: firmum propositum proficiscenti, primum occulte, postea palam. Scriptæ sunt epistolæ ex ante diem III Non. Aprilis, ad XIII Kalendas Junias, plus minus: iisdem, L. Cornelio Lentulo, C. Claudio Marcello Coss.

CICERO ATTICO S.

TERTIO Nonas cum in Laterium fratris venissem, accepi litteras, ¹ et paullulum respiravi: quod post has ruinas mihi non acciderat. per enim magni æstimo, tibi firmitudinem animi nostri, et factum nostrum probari. Sexto enim nostro quod scribis probari, ita lætor, ut me quasi patris ejus, cui semper uni plurimum tribui, judicio comprobari putem: qui mihi, quod sæpe soleo recordari, dixit olim, ² Nonis illis Decembribus, cum ego, Sexte, quidnam ergo?

¹ Et paullulum respiravi.] Sic ed. Rom. paullum Jens. et seqq. Bosius ex aliquot Mss. addidit lectis: quod a glossatore esse puto. Cicero dixisset: quibus lectis paull. resp.

² Nonis illis Decembr.] Illis duplica-

vit sine libris Victorinus ed. sec. et voluerat ita fieri ed. 1. sed operæ non paruerant. Cicero in his Nonis commemorandis et similibus semel modo pronomen ponit. Loca a Victorio ad firmandum allata, nihil prosunt.

Μὴ μᾶν, inquit ille, ἀσπουδεῖ γε καὶ ἄκλειῶς ἀπολοιμῆν ;
Ἄλλὰ μέγα ῥέξας τι, καὶ ἐσσομένοισι πυθέσθαι.

Ejus igitur mihi vivit auctoritas; et simillimus ejus filius eodem est apud me pondere, quo fuit ille: quem salvare velim jubeas plurimum. Tu tuum consilium etsi non in longinquum tempus differs: jam enim ³illum emtum pacificatorem perorasse puto, jam actum aliquid esse in consensu senatorum; (senatum enim non puto;) ⁴tamen suspensum me tenes, sed eo minus, quod non dubito, quid nobis agendum putes. ⁵quid enim Flavio legionem et Siciliam dari scribas, et id jam fieri? quæ tu scelera partim parari, et jam cogitari, partim ex tempore futura censes? ego vero Solonis, popularis tui, ut puto, etiam mei, legem negligam, qui capite sanxit, si qui in seditione non alterius utrius partis fuisset; nisi tu aliter censes; et hinc abero et filii. sed alterum mihi est certius: ⁶nec præripiam tamen; exspectabo tuum consilium et eas litteras, nisi alias jam dedisti, quas, scripsi, ut Cephalioui dares. Quod scribis, non quo alicunde audieris, sed te ipsum putare, me attractum iri, si de pace agatur: mihi omnino non venit in mentem, quæ possit actio esse de pace, cum illi certissimum sit, si possit, exspoliare exercitu, et provincia Pompeium: nisi forte ⁷iste Summanus ei potest persuadere, ut, dum oratores cant, et redeant, quiescat. nihil video, quod sperem, ⁸aut quod jam putem fieri posse; sed tamen hominis hoc ipsum probi, ⁹et magnum τῶν πολιτικῶτάτων ἀκερμμάτων, veniendumne sit in consilium tyranni, si is aliqua de re bona

p. 155.
a.

3 *Illum emtum pacificatorem.*] C. Cationem, e Vell. II, 48, vel Volcentium supra, IX, 22.

4 *Tamen suspensum me tenes.*] Bnsius e lectione Mss. *metum detines*, quæ et est in ed. Rom. *Tecit me inde tenes*: sed illud inde nimis friget, itaque delevi.

5 *Quid enim Flavio - - scribas.*] *Quid scribas?* e libris ser. pro vulgato *quod scribis*, bene dedit Bnsius: sed sic ante ed. Rom. alterum est a Jons. quare enim, dicit, tu mihi hoc scripsisses de Flavio, nisi, &c. de Flavio v. Clav. in *L. Flavius*.

6 *Nec præripiam tamen.*] Sic et ed. Rom. et ceteræ veti. nec tamen displicet loutio ed. Jensoni *præripiam*, de quorum verborum permutatione paullo ante vidimus. miror hic Jensonum ab omnibus proximis desertum esse, quem alias so-

quantur.

7 *Iste summarius.*] Sic edd. omnes et libri ser. pro quo P. Manutius malebat *nunurius*. nempe ille *entus pacificator*, de quo ante, ut *numarii julices* pro emtis. Jac. Granovius de conjectura edidit *Summanus*, qui esset Pluto, ingeniose utique, de Summano v. Clav. Eam retinui, quia antiqua *summarius* sine dubio falsa, altera etiam e conjectura est.

8 *Aut quod jam p. f. p.*] *Conrexī quod pro quid*. nam et ante est *quod*, et id *nihil desiderat*. si esset *non video*, utroque loco *quid* esse deberet.

9 *Et magnum.*] *Et habent libri veteres*, ut et Grævins dedit, non *sed*. pro *magnum* maluit unum Muretus. placet. alii addunt *sit*.

delibraturus sit. quare, si quid ejusmodi evenerit, ut arces-
samur: (quod equidem non curo: quid enim essem de pace
dicturus, dixi; ipse valde repudiavit:) sed tamen, si quid
acciderit, quid censeas mihi faciendum, utique scribito.
nihil enim mihi adhuc accidit, quod majoris consilii esset.
Trebati, boni viri et civis, verbis te gaudeo delectatum:
tuaque ista crebra ἐκφώνησις, ὑπέρευ, me sola adhuc delecta-
vit. Litteras tuas vehementer exspecto, quas quidem credo
jam datas esse. Tu cum Sexto servasti gravitatem ean-
dem, quam mihi præcipis. ¹⁰ Celer tuus disertus magis est,
quam sapiens. De juvenibus, quæ ex Tullia audisti, vera
sunt. ¹¹ M. Antonii istud, quod scribis, non mihi videtur
tam re esse triste, quam verbo. hæc est ἀλλή, in qua nunc
sumus, mortis instar. aut enim mihi libere inter malos
πολυτευτέον fuit, aut vel periculose cum bonis: aut nos teme-
ritatem bonorum sequamur: aut audaciam improborum in-
sectemur. utrumque periculosum est. at hoc, quod agimus,
nec turpe, nec tamen tutum. ¹² Istum, qui filium Brundi-
sium de pace misit, (de pace idem sentio, quod tu; simu-
lationem esse apertam, parari autem bellum acerrime;) le-
gatum iri non arbitror; cujus adhuc, ut optavi, mentio fac-
ta nulla sit. eo minus habeo necesse scribere, aut etiam co-
gitare, quid sim facturus, ¹³ si acciderit, ut legarer.

2

CICERO ATTICO S.

EGO cum accepissem tuas litteras Nonis April. quas Ce-
phalio attulerat, essemque Minturnis postridie mansurus,
¹⁴ et inde protinus; sustinui me in Arcano fratris, ut, dum
aliquid certius afferretur, occultiore in loco essemus, ag-
renturque nihilo minus, quæ sine nobis agi possunt. ¹⁵ λαλα-
γεῦσα jam adest, et animus ardet; nec est quicquam, quo,

10. Celer tuus.] Q. Metellus Celer.

11. M. Antonii istud.] Hoc quid sit, nemo dicat. Tapstallus, p. 80, corrigit de conjectura: Ἀντων istud: ultimum istud ep. tunc.

12. Istum, qui filium.] Intelligunt quidam Sulpicium, qui filium miserat Brundisium, ut supra est: sed ille non de pace missus erat, sed ad Pompeium vel capiendum vel occidendum. sed id tamen potuit factum esse sub specie pacis faciendæ. nam statim dicit, simulationem fuisse. Maurlus Cornelius Balbum intelligit. mox ad legatum addunt me vel et mei, sed

de uno sermonem esse, sequentia ostendunt cujus adhuc, &c. quod manifeste tantum: ad istum pertinet.

13. Si acciderit, ut legarer.] Legarer edd. Rom Asc. Aldi, &c. et Jens. legerer, quod in Mss. fere repertum est. Malaspina autem corrigebat leger, quod et Grævius tacito secutus est. Sed acciderit postulat legarer secundum ἀκριβείαν grammaticam.

14. Et inde protinus.] Ad mare, ut abirem Italia.

15. Λαλαγεῦσα, &c.] V. supra, IX, 18.

et qua. sed hæc nostra erit cura et peritorum. tu tamen, quod poteris, ut adhuc fecisti, nos consiliis juvabis. res sunt inexplicabiles. fortunæ sunt committenda omnia. sine spe conamur ulla. si melius quid acciderit, mirabimur. Dionysium nolim ad me profectum: de quo ad me Tullia mea scripsit. sed et tempus alienum est; et homini non amico nostra incommoda, tanta præsertim, ¹⁶ spectaculo esse nollem: cui te meo nomine inimicum esse nolo.

CICERO ATTICO S.

3

CUM, quod scriberem, plane nihil haberem, hæc autem reliqua essent, quæ scire cuperem; profectusne esset; quo in statu urbem reliquisset; in ipsa Italia quem ^{p. 156.} cuique regioni aut negotio præfecisset; cequi essent ad ^{a.} Pompeium et ad consules ex senatus consulto de pace legati; cum igitur hæc scire, dedita opera has ad te litteras misi. feceris igitur commode, mihi que gratum, si me de his rebus, et si quid erit aliud, quod scire opus sit, feceris certiore. ego in Arcano opperior, dum ista cognosco. A. d. vii Id. alteram tibi eodem die hanc epistolam dictavi; et pridie dederam mea manu longiorem. Visum te ajunt ¹⁷ in regia; nec reprehendo: quippe cum ipse istam reprehensionem non fugerim. sed exspecto tuas litteras: neque jam sane video, quid exspectem: sed tamen, etiamsi nihil erit, id ipsum ad me velim scribas. Cæsar mihi ignoscit per litteras, quod non venerim; seseque in optimam partem id accipere dicit. facile patior, quod scribit, secum ¹⁸ Tullum et Servium questos esse, quia non idem sibi, quod mihi, remisisset. homines ridiculos! qui cum filios misissent ad Cn. Pompeium circumsidendum, ipsi in senatum venire dubitarent. sed tamen exemplum misi ad te Cæsaris litterarum.

CICERO ATTICO S.

4

MULTAS a te accepi epistolas eodem die, omnes diligenter scriptas; eam vero, quæ voluminis instar erat, sæpe legendam, sicuti facio: in qua non frustra laborem

16 *Spectaculo esse nollem.*] Scr. puto nolim: nam nollem non consentit structurae. t. alienum est, et - - nolim.

17 *In regia.*] Numæ, quæ proprie dicebatur, an Cæsaris per jocum? hoc

magis placet propter sequentia. nam reprehensio nulla esse poterat in regia Numæ. Cicero apud Cæsarem fuerat.

18 *Tullum.*] Volcatium.

suscepisti; mihi quidem pergratum fecisti. quare, ut id, quoad licebit, id est, quoad scies ubi simus, quam sæpissime facias, te vehementer rogo. ¹⁹ Ac deplorandi quidem, b. quod quotidie facimus, sit jam nobis aut finis omnino, si potest, aut moderatio quædam, quod profecto potest. non enim jam, quam dignitatem, quos honores, quem vitæ statum amiserim, cogito, sed quid consecutus sim, quid præstiterim, qua in laude vixerim: his denique in malis, quid intersit ²⁰ inter me et istos, quos propter omnia amisimus. hi sunt, qui, nisi me civitate expulissent, obtinere se non posse putaverunt licentiam cupiditatum suarum: quorum societatæ et sceleratæ consensionis fides quo cruperit, vides. alter ardet furore et scelere, nec remittit aliquid, sed in dies ingravescit: modo Italia expulit: nunc alia ex parte persequi, ²¹ et alia provincia exspoliare conatur: nec jam recusat, sed quodam modo postulat, ut, quemadmodum est, sic etiam appelletur, tyrannus. alter, is, qui nos sibi quondam ad pedes stratos ne sublevabat quidem, qui se nihil contra hujus voluntatem aiebat facere posse, clapsus e soceri manibus ac ferro, bellum terra ac mari comparat, non injustum ille quidem, sed cum piium, tum etiam necessarium, suis tamen civibus exitiabile, nisi vicerit; calamitosum, etiamsi vicerit. horum ego summorum imperatorum non modo res gestas non antepono meis, sed ne fortunam quidem ipsam, ²² qua illi florentissima, nos duriorē conflictati videmur. Quis enim potest, aut deserta per se patria, aut oppressa, beatus esse? et si, ut nos a te admonemur, recte in illis libris diximus, nihil esse bonum, nisi quod honestum; nihil malum, nisi quod turpe sit: certe uterque istorum est miserrimus; quorum utrique semper patriæ salus et dignitas posterior sua dominatione, et domesticis commodis fuit. Præclara igitur conscientia sustentor, cum cogito me de republica aut meruisse optime, cum potuerim: aut certe ²³ numquam, nisi divine, cogitasse: caque

p. 157.
a.

19 *At deplorandi quidem.*] *At est ab initio hoc alienum: et sine dubio legendum ac.*

20 *Inter -- istos.*] *Cæsareni et Pompeium.*

21 *Et alia provincia exspoliare.*] *Sic edit. Rom. ex quo in ed. Jens. factum temere ex alia p. s. quod tamen constanter servatum est.*

22 *Qua illi florentissima.*] *Videtur hic aliquid deesse, ut usi; sed id intelligi potest e conflictati: et forte consulto uno hoc verbo usus est, ut eo ipso illud florentissima debilitaretur.*

23 *Numquam, nisi divine, cogitasse.*] *Divine verum esse nullo modo potest. nam sensum commodum non habere potest. Nam de præscientia cum Grævio intelligi,*

ipsa tempestate eversam esse rempublicam, quam ego XIV annis ante prospexerim. hac igitur conscientia comite proficiscar, magno equidem cum dolore, nec tam id propter me, aut propter fratrem meum, ²⁴quorum jam acta ætas; quam propter pueros, quibus interdum videmur præstare etiam rempublicam debuisse: quorum quidem alter, non tam, quia maiore pietate est, me mirabiliter excruciat; alter, (o rem miseram! nihil enim mihi accidit in omni vita acerbius,) indulgentia videlicet nostra depravatus, eo progressus est, quo non audeo dicere; et exspecto tuas litteras. scripsisti enim, te scripturum esse plurima, cum ipsum vidisses. omne meum obsequium in illum fuit cum multa severitate: neque unum ejus, nec parvum, sed multa magna delicta compressi. patris autem lenitas amanda potius ab illo, quam tam crudeliter negligenda. nam litteras ejus ad Cæsarem missas ita graviter tulimus, ut te quidem celaremus; sed ipsius videmus vitam insuavem reddidisse. hoc vero ejus iter, simulatioque pietatis qualis fuerit, non audeo dicere. tantum scio, post Hirtium conventum, arcessitum ab Cæsare: cum eo, de meo animo ab suis rationibus alienissimo, et consilio relinquendi Italiam; et hæc ipsa timide. sed nulla nostra culpa est: natura metuenda est. hæc Curionem, hæc Hortensii filium, non patrum culpa, corripit. jacet in mœrore meus frater, neque tam de sua vita, quam de mea metuit. huic tu, huic tu malo affer consolationes. si ullas potes: maxime quidem illam velim; ea, quæ ad nos delata sint, aut falsa esse, aut minora. quæ si vera sint; quid futurum sit in hac vita et fuga, nescio. nam si haberemus rempublicam, consilium mihi non deesset nec ad se-
veritatem, ²⁵nec ad diligentiam. Hæc, sive iracundia, sive dolore, sive metu permotus, gravius scripsi, quam aut tuus in illum amor, aut meus postulabat. si vera sunt, ignoscas: si falsa, me libente eripies mihi hunc errorem. ²⁶quoquo

alicuius est, bene se sensisse, animatum fuisse in remp. dicere vult. Bosius vidit; qui coniecit *pie*, sensu optime: sed nimis recedit a vulgato. Ed. Rom. habet *de ea*: sed ita modus cogitandi non exprimitur. Suspicias sum *digne*, uti me atque ipsa dignum est. Sic *digne laudare, digne deplere*, et similia.

²⁴ Quorum jam acta ætas.] Sic edd. pr. et Mss. Grævii, utut a Bosio additum

e Mss. ante jam. si esset utique, ferrem.

²⁵ Nec ad diligentiam.] Sic edd. pr. P. Manutius dedit *indulgentiam*, nescio unde, idque et Grævius secutus est. Sane id *severitati* opponitur accuratius, ut infra, ep. 7. extr. non nostra *indulgentia*, id mihi obstat, quod supra *indulgentiam* in malam partem dixit. *severitas* est in peccatis castigandis, *diligentia* in cavendis.

²⁶ Quoquo molo se res habebit.] Ha-

modo vero se res habebit, nihil assignabis, nec patruo, nec patri. Cum hæc scripsissem, a Curione mihi nuntiatum est, cum ad me venire. venerat enim is in Cumanum vesperi pridie: id est Idibus. si quid ejus igitur sermo ejusmodi attulerit, quod ad te scribendum sit; ²⁷ id in litteris adjungam. Præteriiit villam meam Curio, jussitque mihi nuntuari, mox se venturum: cucurritque Puteolos, ut ibi concionaretur. concionatus est: rediit: fuit ad me sane diu. o rem foedam! nosti hominem: nihil occultavit; in primis nihil esse certius, quam ut omnes, qui lege Pompeia condemnati essent, restituerentur; itaque se in Sicilia eorum opera usurum. de Hispaniis, non dubitabat, quin Cæsaris essent: inde ipsum cum exercitu, ubicumque Pompeius esset: ejus interitu ²⁸ finem illi fore: propius factum esse nihil: et plane iracundia clatum voluisse Cæsarem occidi Metellum tribunum plebis. quod si esset factum, cædem magnam ²⁹ futuram fuisse; permultos hortatores esse cædis; ipsum autem non voluntate, aut natura non esse crudelem, ³⁰ sed quod putaret popularem esse elementiam: quodsi populi studium amisisset, crudelium fore: cumque perturbatum, quod intelligeret, se apud ipsam plebem offendisse ³¹ de ærario. itaque ei cum certissimum fuisset, antequam proficisceretur, concionem habere, ausum non esse, vehementerque animo perturbato profectum. cum autem ex eo ³² quærerem, ³³ quid videret? quod exemplum? quam rempublicam? plane fatebatur nullam spem reliquam: Pom-

p. 158.

21.

bebit est in ed. Rom. item a Grævio reportum in Ms. Balliol. idque recepi. nam habeat veram esse non potest, malum tamen habet.

27 *Id in litteris adjungam.*] Non placet in. mox pro cucurritque Grævius tacite edidit *concurritque*. id si libris firmaretur, præferrem, nam pro cupide currere, festinare, etiam de uno homine dicitur, ut *concurrere*. v. Clav.

28 *Finem illi fore.*] Sc. Cæsari, belli gerendi, vel armorum. Sic edd. veti. omnes et libri scr. post a P. Manutio correctum est *belli*, quod sano facile erat, et aptum verbum rei. id plerique secuti sunt, etiam Gruterus et Grævius. Jac. Gronovius de conjectura edidit *Ilui*. ingeniose. Sed ea Roma foret: cujus finem non expectabant. Vetus illi defendit Tunstallus, p. 152.

29 *Futuram fuisse.*] Non dubitavi sic

edere pro esse: latinitate et re necessario postulante.

30 *Sed quod putaret p. e. c.*] Primum legenti possit videri legendum *putet*, quod et in mentem venit Corrado. Sed vulgatum recto habet. pertinet ad præteritum, nempe ad imperatam Metelli cædem.

31 *De ærario.*] V. VII, 11.

32 *Quid videret? q. exemplum, quam remp.*] *Quid videret?* sc. Romæ, et pristina rep. reliquum. forma tamen loquendi durior est. sed *quod exemplum* nihili sane est: de rep. sermo est, non de luminibus, ut accipi debet, cum a rep. distinguitur. *exemplum reipublicæ* solet Cicero dicere. itaque placet Tunstalli correctio, p. 152. *quod exemplum inquam reipublicæ?* nisi quod *inquam* hic non satis aptum esse videtur. Tum mox pro *spem* legit *speciem*, recte: nam id præcedentia plane requirunt; sæpe e *speciem* factum est *spem*.

peii ³⁴ classem timebat: quæ si esset, se de Sicilia abiturum. Quid isti, inquam; sex tuî fascēs? si ab senatu, ³⁵ cur laureati? si ab ipso, cur sex? ³⁶ Cupivi, inquit, ex senatus consulto surrepto: nam aliter non poterat. at ille impendio nunc magis odit senatum: a me, inquit, omnia proficiscuntur. cur autem sex, quia duodecim nolui: nam licebat. Tum ego, quam vellem, inquam, petiisse ab eo, ³⁷ quod audio Philippum impetrasse: sed veritus sum, quia ille a me nihil impetrabat. Libenter, inquit, tibi concessisset. verum puta te impetrasse. ego enim ad eum scribam, ut tu ipse voles, de ea re nos inter nos locutos. quid autem illius interest, quoniam in senatum non venis, ubi sis? ³⁸ quin nunc ipsum minime offendisses ejus causam, si in Italia non fuisses: ad quæ ego, me recessum et solitudinem quærere, maxime quod lictores haberem: laudavit consilium. quid ergo, inquam? nam mihi cursus in Græciam per tuam provinciam est: quoniam ad mare superum milites sunt. quid mihi, inquit, optatius? hoc loco multa perliberaliter. ³⁹ ergo hoc quidem est profectum, ut non modo tuto, verum etiam palam navigaremus. reliqua in posterum diem distulit: ex quibus scribam ad te, si quid erit epistola dignum. Sunt autem, quæ præterii: interregnumne esset expectaturus; ⁴⁰ an, quomodo dixerit ille quidem, ad se deferri consulatum, sed se nolle in proximum annum. et alia sunt, quæ exquiram. Jurabat ad summam, quod nullo negotio faceret, ⁴¹ amicissimum mihi Cæsarem. esse

33 *Classē, quæ si esset.*] At erat: nam timebat eam Curio. legendum ergo *isset*, ut recte judicavit idem Tunstallus l. c. si cum classe profectus esset ad bellum gerendum contra Cæsarem, qui classe carebat.

34 *Cur laureati.*] Nam senatus tibi supplicationem et nomen imperatoris non decrevit.

35 *Cupivi ex SCTo surrepto.*] Volui ego quidem ista habere e SCTo: quia hæc legitima est ratio ea consequendi, etsi per falsas artes, non legitime facto: nam legitimum impetrare non poteram.

36 *Quod audio Philippum impetrasse.*] Sc. ut mihi liceret ab Italia abesse.

37 *Quin n. ipsum minime offendisses, ejus causa si, &c.*] Gronovius corrigebat *off. ejus causam, si, &c.* rectissime. nam *ejus causa si abesses*, nullum sensum commodum habet. Librarii *ipsum* ad Cæsarem retulerunt, unde *ejus causa* facere, sed nunc ipsum coniungendum est, hoc ipso

tempore, ut et alibi dixit. non dubitavi id recipere.

38 *E. hoc quidem est verum profecto.*] Hoc nihili est, verissime Manutius correxit *profectum*, quod non dubitavi recipere, ut et alii ante fecere. Sed et verum delevi. nam id ortum est post corruptelam.

39 *An, quomodo dixerit ille quidem, ad se def. c.*] Sic edidi partim ex edd. primarum vestigiis, partim e correctione. primum illud *an o. d. ille quidem*, est in ed. Rom. Jens. &c. nisi quod dixerit dedi pro *dixerim*, ut placuit et Grævio, quod evidens est ita esse debere.

40 *Amicissimum mihi Cæsarem, &c.*]

Hic variant libri, et conjecturæ eruditiorum. Ego vulgatum verum puto: habet sensum commodum: primo in *amicissimum mihi Cæsarem* intelligo *fore*. Sensus est; ut brevi dicam, Curio jurabat, Cæsarem mihi fore valde amicum, idque se facile effecturum. Tum responderat Cicero:

- b. debet. quid enim, inquam, scripsit ad me Dolabella? ⁴¹ dico, quid? affirmabat, cum scripsisset, quod me cuperet ad urbem venire, illum quidem gratias agere maximas, et non modo probare, sed etiam gaudere. quid quæris? ⁴² acquievi. levata est enim suspicio illa domestici mali, et sermonis Hirtiani. quam cupio illum dignum esse nobis: et ⁴³ quam ipse me invito, qua pro illo sit supplicandum! sed opus fuit Hirtio convento. est profecto nescio quid: sed velim quamminimo. et tamen eum nondum redisse miramur. sed hæc videbimus. Tu Oppios Terentiæ dabis. jam enim urbis unum periculum est. Me tamen consilio juva, pedibusne Rhegium, an hinc statim in navem. ceterum, quoniam commoror, ego ad te statim habeo, quod scribam, simul ut videro Curionem. De Tirone cura, quæso, quod facis, ut sciam, quid is agat.

5

CICERO ATTICO S.

DE tota mea cogitatione scripsi ad te antea satis, ut mihi visus sum, diligenter. de die nihil sane potest scribi certi, præter hoc; non ante lunam novam. Curionis sermo postridie eandem habuit fere summam, nisi quod aperitius significavit, se harum rerum exitum non videre. Quod mihi mandas de Quinto regendo, ἀπαλλάττω. tamen nihil prætermittam. atque utinam tu! ⁴⁴ sed modestior non ero. Epistolam ad Vestorium ⁴⁵ statim de Tullia, ac valde requirere solebat. Commodius tecum Vectenus est locutus, quam ad me scripserat. sed mirari satis ⁴⁶ hominis negligentiam non queo. cum enim mihi Philotimus dixisset, H-S L emere

credo: nam et esse debet mihi amicus; non possum aliter de ejus animo in me existimare, vel propter ea, quæ de eo mihi gener Dolabella scripsit. Alii omnia hæc ad Curionem referunt, et hinc legunt esse debere, idque cum antecedentibus connectunt: deinde pro inquam legunt inquit, porro eum scripsisse, &c.

⁴¹ Dico, quid? Dico mihi suspectum est, et a glossatore ortum videtur.

⁴² Acquievi. levata est enim suspicio, &c.] Nihil amplius quæsi. Sed cum hoc non coherent sequentia. Levata est enim: suspicatus sum, pro enim legendam esse etiam domesticum malum pertinet ad Quinti filium, qui cum Hirtio et Cæsare locutus erat: de quo supra scriptum est.

⁴³ Quam i. me invito, qua, &c.] Hæc sunt vitiosa et obscura, nec correctio sine

libris melioribus excogitari potest.

⁴⁴ Sed modestior non ero.] Victorius corrigebat modestior: nempe modestior rei non videbatur convenire. est autem lenior, qui modum facit severitati et irre.

⁴⁵ Statim de Tullia.] Grævius et Mss. suorum vestigiis corrigebat detuli. non bene. nam ita non est, quo refoctur sequens solebat requirere. me interdum offundit collocatio. forte fuit de Tullia statim, sc. scripsi. argumentum epistolæ e sequentibus patet, nempe ad prædium pertinet, quod illa emtum cupiebat, quod diversorium post vocat.

⁴⁶ Hominis negligentiam.] Videtur ad pecuniam pertinere, de cujus solvendi die non egerit ante cum Cicerone, quam promiserit. hinc et intelligendum, quod post ait, se stomachosius rescripsisse.

de Canuleio diversorium illud posse, minoris etiam emturum, si Vectenum rogassem; rogavi, ut, si quid posset, ex ea summa detraheret: promisit: ad me nuper, se H-S xxx emisse: ⁴⁷ ut scriberem, cui vellem addici: diem pecuniæ Id. Novemb. esse. rescripsi ei stomachosius, cum joco tamen familiari. nunc, ⁴⁸ quoniam agit liberaliter, nihil accuso hominem, scripsique ad eum, me a te certiores esse factum. Tu, de tuo itinere quid et quando cogites, velim me certiores facias. A. d. xv Kal. Mai.

CICERO ATTICO S.

6

ME adhuc nihil, præter tempestatem, moratur. astute nihil sum acturus: fiat in Hispania quidlibet: ⁴⁹ et tamen retice. meas cogitationes omnes explicavi tibi superioribus litteris. quocirca hæ sunt breves: et tamen, quia festinabam, cramque occupatio. De Quinto filio, fit a me quidem sedulo; sed nosti reliqua. Quod dein me mones, et amice, et prudenter mones: sed erunt omnia facilia, si ab uno illo cavero. magnum opus est. mirabilia multa. nihil simplex, nihil sincerum. vellem, suscepisses juvenem regendum. pater enim nimis indulgens, quidquid ego adstrinxi, relaxat. si sine illo possem, regerem: quod tu potes. sed ignosco: magnum, inquam, opus est. Pompeium pro certo habemus per Illyricum proficisci in Galliam. ego nunc, qua et quo, videbo.

CICERO ATTICO S.

7

⁵⁰ EGO vero Apuliam, et Sipontum, et tergiversationem istam probo: nec tuam rationem eandem esse duco, quam meam: non quin in republica rectum idem sit utrique nostrum: sed ea non agitur. regnandi contentio est; in qua pulsus est ⁵¹ modestior rex, et probior, et integrior, et is, qui nisi vincit, nomen populi Romani deleatur necesse est: sin autem vincit, Sullano more exemploque vincet. ergo hæc in contentione neutrum tibi palam sentiendum, et tem-

⁴⁷ Ut scriberem.] Melius abesset ut. cui vellem addici, mihi ipsi an Tullius.

⁴⁸ Quoniam agit liberaliter.] Int. de die solutionis.

⁴⁹ Et tamen retice.] Sic edidit bene, ut opinor, Victorius, e lectione librorum, qui habent retice. Bosius correxit reticens, quod Gruterus secutus est. sed

verbum hinc nusquam occurrit. Lambinus ingeniose reticeba.

⁵⁰ Ego vero. - - probo.] Consilium itineris faciendi a te per Apuliam, Sipontum, sed ita, ut ne recta, ne Cæsar sentiat.

⁵¹ Modestior rex.] Pompeius modestius dominaturus, si vicerit, quam Cæsar.

pori serviendum est. Mea causa autem alia est, quod beneficio vinctus, ingratus esse non possum: nec tamen in acie, sed Melitæ, ⁵² aut alio in [loco] simili oppidulo, futurum puto. nihil, inquires, juvas eum, in quem ingratus esse non vis? immo minus fortasse voluisset. sed de hoc videbimus. exeamus modo: quod ut meliore tempore possimus, ⁵³ facit Adriano mari Dolabella, Fretensi Curio. Injecta autem mihi spes quædam est, velle mecum Ser. Sulpicium colloqui. ad eum misi Philotimum libertum cum litteris; si vir esse volet, præclara *συνοδια*: sin autem; erimus nos, qui solemus. ⁵⁴ Curio mecum vixit, jacere Cæsarem putans offensione populari, Siciliæque diffidens, si Pompeius navigare cœpisset. Quintum puerum accepi vehementer. avaritiam video fuisse, et ⁵⁵ spem magni congiarii. magnum hoc malum est. sed scelus illud, quod timueramus, spero nullum fuisse. hoc autem vitium, puto te existimare non nostra indulgentia, sed a natura profectum: ⁵⁶ quem tamen nos disciplina regimus. De Oppiis Veliensibus quid placeat, cum Philotimo videbis. ⁵⁷ Epirum nostram putabimus: sed alios cursus videbamur habituri.

8

CICERO ATTICO S.

ET res ipsa monebat, et tu ostenderas, et ego videbam, ⁵⁸ de iis rebus, quam intercipi periculosum esset, finem inter nos scribendi fieri tempus esse. sed, cum ad me sæpe
 160. mea Tullia scribat, orans, ut, quid in Hispania geratur,
 4. exspectem; et semper adscribat, idem videri tibi; idque ipse etiam ex tuis litteris intellexerim: non puto esse alienum, me ad te, quid de ea re sentiam, scribere. Consilium istud tunc esset prudens, ut mihi videtur, si nostras rationes ad Hispaniensem casum accommodaturi essemus; quod fieri dicitis oportere. necesse est enim, aut, id quod

52 Aut alio in loco simili oppidulo.] Hæc lectio a Jensonio fluxit. nullo modo vera esse potest. Lenior est lectio Rom. a. in loco sive oppidulo. ut et Mss. Grævii habebant, qui et sentiebat aliorum loco vel oppido vitiosum esse. Puto alio in simili oppidulo.

53 Facit Adriano - - Curio.] Nam quia ii tenent ea maria, sine impedimento poterit utrobilibet exire Italia.

54 Curio mecum vixit.] Diu apud me fuit. Ed. Jenson. visit. an fuit me invisit?

55 Spem magni congiarii.] Præmii a Cæsare consequendi, sicut et alibi dicitur, ut congiario prosequi, donare. v. Clav.

56 Quem tamen - - reginus.] Videtur scribendum quam se. naturam. forte et reginus.

57 Epirum nostram putabimus.] Int. Attici prædia, quibus usurus erat pro suis, ut eo diverteret, cum placeret.

58 De iis rebus quam i. periculosum esset.] Edd. pr. habent quas: neutrum bene. puto scribendum esse quum. int. litteras.

maxime velim, ⁵⁹ pelli illum ab Hispania; aut trahi id bellum; aut istum, ut confidere videtur, apprehendere Hispanias. ⁶⁰ si pelletur; quam gratus, aut quam honestus tum erit ad Pompeium noster adventus; cum ipsum Curionem ad eum transiturum putem? si trahitur bellum; quid expectem, aut quam diu? relinquitur, ut, si vincimur in Hispania, quiescamus. id ego contra puto: istum enim victorem magis relinquendum puto, ⁶¹ quam victum et dubitantem magis, quam fidentem suis rebus. nam cædem video, si vicerit, et impetum in privatorum pecunias, et exsulum redditum, et tabulas novas, et turpissimorum honores, et regnum non modo Romano homini, sed ne Persæ quidem cuiquam tolerabile. ⁶² tacita esse poterit indignitas nostra? pati poterunt oculi, me cum Gabinio sententiam dicere? et quidem illum rogari prius? præsto esse ⁶³ clientem tuum Clodium? ⁶⁴ C. Ateii Plaguleium? ceteros? sed cur inimicos colligo? qui meos necessarios, a me defensos, nec videre in curia sine dolore, nec versari inter eos sine dedecore potero. quid? si ne id quidem est exploratum, fore, ut mihi liccat; (scribunt enim ad me amici ejus, me illi nullo modo satisfacisse, quod in senatum non venerim;) tamenne dubitemus, an ei nos etiam cum periculo venditemus, quicum conjuncti ne cum præmio quidem voluimus esse? deinde hoc vide, non esse iudicium de tota contentione in Hispaniis: nisi forte, iis amissis, arma Pompeium abjecturum putas: cujus omne consilium Themistocleum est. ex-

⁵⁹ *Pelli istum ab Hisp.* - *istum, ut conf. videtur, &c.*] Non potest utrumque istum verum esse. pro alterutro scribendum *illum*, ut et alibi distinguuntur in his epistolis, cum eos non appellat nominibus suis. quia post de Cæsare est *istum*, prius sic correxi, quod ad Pompeium pertinet.

⁶⁰ *Si pelletur.*] Intelligendum ille, aut etiam addendum, quod hic propter pelletur facile excidere potuit.

⁶¹ *Quam victum, et dubitantem, &c.*] Hæc et dubitantem, &c. conjungenda sunt cum *victum*: nam si sejungantur, ut novum sit membrum, textus vitiosus est, ut sensit Lambinus, qui corrigi volebat, et *confidentem magis, quam diffidentem rebus suis*. Ego et ipse hic hæsitavi eadem de causa, et conjeci, transpositionem esse faciendam sic, et *fidentem magis suis rebus, quam dubitantem*, quod neo nunc displicet.

nam ita major est concinnitas et similitudine membrorum.

⁶² *T. c. p. indignitas nostra.*] Sic est e correctione Vict. et Lamb. Edd. autem pr. in *id dignitas nostra*, quod retineri vult Tunstallus, p. 96. Sed quis sic loquitur: *tacita esse in aliquid?* quid sit *indignitas nostra*, discas e Clave.

⁶³ *Clientem tuum Clodium.*] Quis sit ille *Clodius*, nemo dicat. nec displicet Tunstalli conjectura, l. c. legentis *Clodium*, i. e. Sextum, qui tum exsol erat, et rediturus ab exsilio, si Cæsar vicisset. is autem Attici familiaris videtur fuisse, sicut ante Publii, quem Attici sodalem appellat, II, 9. si per istum sodalem tuum *Publium* licebit.

⁶⁴ *C. Ateii Plaguleium.*] Sc. Ateii clientem, ut Attici Clodium. v. Clav. in *Plaguleius*.

istimat enim, qui mare teneat, ⁶⁵ cum necesse rerum potiri. itaque, ⁶⁶ qui numquam id egit, ut Hispaniæ per se tenerentur, navalis apparatus ei semper antiquissima cura fuit. navigabit igitur, cum erit tempus, maximis classibus, et ad Italiam accedet: in qua nos sedentes quid erimus? ⁶⁷ nam medios esse jam non licebit. classibus adversabimur igitur? ⁶⁸ quod malum majus, seu tantum denique? quid turpius? ⁶⁹ Ain' tu, Attice, siccin' absentis solus tui scelus? ejusdem, cum Pompeio et cum reliquis principibus non feram? Quodsi jam, misso officio, periculi ratio habenda est; ab illis est periculum, si peccaro: ab hoc, si recte fecero: nec ullum in his malis consilium periculo vacuum inveniri potest: ut non sit dubium, quin turpiter facere cum periculo fugiamus; quod fugeremus etiam cum salute. non simul cum Pompeio mare transierimus? omnino non potuimus. exstat ratio dierum. sed tamen (fateamur enim, quod est; nec condamus quidem, ut possumus;) fefellit ea me res, quæ fortasse non debuit, sed fefellit: pacem putavi fore: quæ si esset, iratum mihi Cæsarem esse, cum idem amicus esset Pompeio, nolui. senseram enim, quam iidem essent. hoc verens, in hanc tarditatem incidi. sed assequor omnia, si propero; si cunctor, amitto. et tamen, mi Attice, auguria quoque me incitant quadam spe non dubia, non hæc collegii nostri ⁷⁰ ab Appio, sed illa Platonis de tyrannis. nullo enim modo posse video stare istum diutius, quin ipse per se, etiam languentibus nobis, concidat; quippe qui florantissimus, ac novus, VI, VII diebus ipsi illi egenti ac perditæ multitudini in odium acerbissimum venerit; qui dua-

65 Eum necesse rerum potiri.] Nusquam reperi sic necesse sine verbo dici. non dubito excidisse esse, quod necesse absorpsit, quin librarii non videre syllabas esse his legendas esse.

66 Qui numquam id egit.] Pulo scribendum esse quia, aut post navalis app. ei semper a. c. f. Sed illud magis h. l. placet. ut H. per se tenerentur, ut ipse Hispaniam, provinciam suam, præsens obtineret: nam semper per legatos administraverat.

67 Nam medios esse, jam non licebit.] Pro mediis esse. v. Clav. in licet. medii isti mox sedentes dicantur, belli non participes.

68 Quod malum majus seu tantum denique? q. t.] Sic edidi ex ed. Rom. nisi quod in ea malum abest, quod ed. Jens.

cum ceteris habet, nec abesse potest. ele-ganter seu tantum denique: i. e. sen omnino tantum, quale hoc est. valde vitiosi hic libri sunt, et valde se torsere viri docti.

69 Ain' tu, &c.] Servavi lectionem ed. Grut. nam ea tamen sensum commodum habet, etsi incerta est: aliæ etiam sunt incertiores et fere sine comodo sensu. absentis intellige Cæsaris, quod in provincia Gallia fuit.

70 Ab Appio.] Sic e correctione Victorii. bene. Tunstallus tamen, p. 31. defendit lectionem veterem Attico: quod ille Ciceroni sæpe futura prædixerit: sed collegii nostri necessario requirit nomen auguris. et Appius scripserat libros de disciplina augurum, ad Ciceronem.

rum rerum simulationem tam cito amiserit, ⁷¹ mansuetudinis in Metello, divitiarum in ærario. Jam, quibus utatur vel sociis, vel ministris, si ii provincias, si rempublicam regent, quorum nemo duo menses potuit patrimonium suum gubernare? non sunt omnia colligenda, quæ tu acutissime perspicis: sed tamen ea pone ante oculos: jam intelliges, id regnum vix semestre esse posse. quod si me fefellerit, feram, sicut multi clarissimi homines in republica excellentes tulerunt: nisi forte me, ⁷² Sardanapali vicem in lectulo mori malle censueris, quam exsilio Themistocleo: qui cum fuisset, ut ait Thucydides, τῶν μὲν παρόντων δι' ἐλαχίστης βουλῆς κράτιστος γνῶμων, τῶν δὲ μελλόντων ἐπὶ πλεῖστον τοῦ γενησομένου ἄριστος εἰκαστής, tamen incidit in eos casus, quos vitasset, si eum nihil fefellerisset. etsi is erat (ut ait idem) qui τὸ ἄμεινον καὶ τὸ χεῖρον ἐν τῷ ἄφαντι ἐτι προεώρα μάλιστα: tamen non vidit, nec quo modo Lacedæmoniorum, nec quo modo suorum civium invidiam effugeret, nec ⁷³ quid Artaxerxi polliceretur. non fuisset et illa nox tam acerba Africano, sapientissimo viro, non tam dirus ille dies Sullanus callidissimo viro C. Mario, si nihil utrumque eorum fefellerisset. nos tamen hoc confirmamus illo augurio, quo diximus; nec nos fallit, nec aliter accidet. Corruat iste necesse est, aut per adversarios, aut ipse per se, qui quidem sibi est adversarius unus acerrimus. id spero vivis nobis fore. quamquam tempus est, nos de illa perpetua jam, non de hac exigua vita cogitare. sin quid acciderit maturius, haud sanc mea b. multum interfuerit, utrum factum videam, an futurum esse multo ante viderim. Quæ cum ita sint, non est committendum, ut iis pareamus, quos contra me senatus, ne quid respublica detrimenti acciperet, armavit. Tibi sunt omnia commendata; quæ commendationis meæ, pro tuo in nos amore, non indigent. ne hercule ego quidem reperio, quid scribam. sedeo enim *πλουδοκῶν*. etsi nihil umquam tam fuit scribendum, quam nihil mihi umquam ex plurimis tuis ju-

71 *Mansuetudinis in Metello, &c.*] Quem, tribunum pl. interficere voluit, quod eum impedire volebat, quo minus ærarium effringeret, et pecuniam inde auferret: qua ipsa re cognitum est, eum pecuniis carere, cum simulasset divitias.

72 *Sardanapali vicem in suo lectulo mori.*] Vicem ed. Rom. vice ed. Jens. utrumque rectum est. v. Clav. illud, quia

minus usitatum, prætulit, pro suo Grævius maluit meo. Immo delevi, quia sine dubio est a glossatore. Cicero et nlibi sic loquitur, non tamen addito pronomine: ista sibi respondent: *Sardanapali vicem in lectulo, et exsilio Themistocleo.*

73 *Quid Artax. polliceretur.*] Sc. se Græciam ei traditurum in potestatem, cum exsul ad eum fugisset, Thueyd. I, 137.

cunditatibus gratius accidisce, quam quod meam Tulliam suavissime diligentissimeque coluisti. valde eo ipsa delectata est: ego autem non minus; cujus quidem virtus mirifica. quo modo illa fert publicam cladem? quo modo domesticas tricas? quantus autem animus in discessu nostro? sit *στοργή*, sit summa *σύντηξις*; tamen nos recte facere et bene audire vult. Sed hac super re nimis; ne meam ipse *συμπάθειαν* jam evocem. Tu, si quid de Hispaniis certius, et si quid aliud, dum adsumus, scribes: et ego fortasse discedens dabo ad te aliquid; eo etiam magis, quod Tullia te non putabat hoc tempore ex Italia. Cum Antonio item est agendum, ut cum Curione, Melitæ me velit esse, huic bello nolle interesse. eo velim tam facili uti possem, et tam bono in me, quam Curione. is ad Misenum vi Nonas venturus dicebatur, id est hodie: sed præmisit mihi odiosas litteras, hoc exemplo:

ANTONIUS, TRIB. PLEB. PROPRAËT. CICERONI,
IMP. S.

NISI te valde amarem, et multo quidem plus, quam tu putas, non extimuissem rumorem, qui de te prolatus est, cum præsertim falsum esse existimarem. sed quia te nimio
 p. 162. a. plus diligo, non possum dissimulare, mihi famam quoque, quamvis sit falsa, magni esse. Te iturum trans mare, credere non possum, cum tanti facias Dolabellam, et Tulliam tuam, feminam lectissimam, tantique ab omnibus nobis fias; quibus mehercule dignitas amplitudoque tua pæne carior est, quam tibi ipsi. sed tamen non sum arbitratus esse amici, non commoveri etiam improborum sermone: atque eo feci studiosius, quod judicabam, duriores partes mihi impositas esse ab offensione nostra, quæ magis a *ζηλοτυπία* mea, quam ab injuria tua nata est. sic enim volo te tibi persuadere, mihi neminem esse cariorem te, excepto Cæsare meo, meque illud una judicare, Cæsarem maxime in suis M. Ciceronem reponere. Quare, mi Cicero, te rogo, ut tibi omnia integra serves, ejus fidem improbes, ⁷⁴ qui tibi, ut beneficium daret, prius injuriam fecit: ⁷⁵ contra ne

⁷⁴ Qui tibi, ut benef. daret, prius injuriam fecit.] Pompeius, qui ejus exsilium juverat, Clodii adoptionem permittendo et reliqua, beneficium dederat. reditu juvando.

⁷⁵ Contra ne profugas.] Victorius delevit eum, quem omnes secuti sunt: Gravius restituit, quod in omnibus ante Victorium esset. immo abest ed. Rom. abestque melius.

profugias, qui te, etsi non amabit, (quod accidere non potest,) tamen salvum amplissimumque esse cupiet. Dedita opera ad te Calpurnium, familiarissimum meum, misi; ut mihi magnæ curæ tuam vitam ac dignitatem esse scires.

Eodem die a Cæsare Philotimus attulit, hoc exemplo :

CÆSAR, IMP. CICERONI, IMP. S.

ETSI te nihil temere, nihil imprudenter facturum judicaram; tamen permotus hominum fama, scribendum ad te existimavi, et pro nostra benivolentia petendum, ne quo progredereis, ⁷⁶ proclinata jam re, quo, integra etiam, progrediendum tibi non existimasses. namque et amicitiae graviorem injuriam feceris; et tibi minus commode consulueris, si non fortunæ obsecutus videbere, (omnia enim secundissima nobis, adversissima illis accidisse videntur,) nec causam secutus, (eadem enim tum fuit, cum ab eorum consiliis abesse judicasti,) sed meum aliquod factum condemnasse: quo mihi gravius abs te nil accidere potest. quod ne facias, pro jure nostræ amicitiae a te peto. Postremo, quid viro bono et quieto, et bono civi magis convenit, quam abesse a civilibus controversiis? quod nonnulli cum probarent, periculi causa sequi non potuerunt. tu, explorato et vitæ meæ testimonio, et amicitiae judicio, neque tutius, neque honestius reperies quidquam, quam ab omni contentione abesse. xv Kal. Mai. ex itinere.

CICERO ATTICO S.

9

ADVENTUS Philotimi (at cujus hominis, quam insulsi, et quam sæpe pro Pompeio mentientis!) exanimavit omnes, qui mecum erant. nam ipse obdurui. Dubitabat nostrum nemo, quin Cæsar itinera repressisset: volare dicitur: Petreius cum Afranio conjunxisset se: nihil affert ejusmodi. quid quæris? etiam illud erat persuasum; Pompeium cum magnis copiis iter in Germaniam per Illyricum fecisse: id enim ἀνθερτικῶς nuntiabatur. Melitam igitur, opinor, capessamus, dum, quid in Hispania: quod quidem propemodum videor ex Cæsaris litteris ipsius vo-

76 Proclinata jam re, qua integra etiam progrediendum, &c.] Proclinata primum Jensonius edidit. ed. Rom. inclinata. sed illud melius hoc loco, quia Cæsar sic et

in libris suis dixit B. G. VII, 42. tum legendum sine dubio quo i. e. nam progrediendum absolute dici non potest.

luntate facere posse; qui negat neque honestius, neque tutius mihi quidquam esse, quam ab omni contentione abesse. p. 163. dices, ubi ergo tuus ille animus, quem proximis litteris? a. adest, et idem est. sed utinam meo solum capite decernerem! lacrymæ meorum me interdum molliunt, precantium, ut de Hispaniis expectemus. M. Cœlii quidem epistolam, scriptam miserabiliter, cum hoc idem obsecraret, ut expectarem, ne fortunas meas, ne unicam filiam, ne meos omnes tam temere proderem, non sine magno fletu legerunt pueri nostri: etsi meus quidem est fortior, eoque ipso vehementius commovet: nec quidquam, nisi de dignatione, laborat. Melitam igitur; deinde, quo videbitur, tu tamen etiam nunc mihi aliquid litterarum, et maxime ⁷⁷ si quid ab Afranio. Ego, si cum Antonio locutus ero, scribam ad te, quid actum sit. ero tamen in credendo, ut mones, cautus. nam occultandi ratio cum difficilis, tum etiam periculosa est. Servium exspecto ad Nonas: et adigit ita Postumia, et Servius filius. Quartanam leviorē esse gaudeo. Misi ad te Cœlii etiam litterarum exemplum.

COELIUS CICERONI S.

EXANIMATUS tuis litteris, quibus te nihil, nisi triste, cogitare ostendisti; neque, id quod esset, perscripsisti; neque non tamen, quale esset, quod cogitares, aperuisti; has ad te ilico litteras scripsi. Per fortunas tuas, Cicero, per liberos te oro et obsecro, ne quid gravius de salute et incolumitate tua consulas. nam deos hominesque, amicitiamque nostram testificor, me tibi prædixisse, neque temere monuisse; sed, postquam Cæsarem convencerim, sententiamque ejus, qualis futura esset parta victoria, cognorim, te certiorē fecisse. si existimas eandem rationem fore b. Cæsaris in dimittendis adversariis, et conditionibus ferendis, erras. nihil, nisi atrox et sævum, cogitat, atque etiam loquitur. iratus sonatui exiit: his intercessionibus plane incitatus est. non mehercule erit deprecationi locus. quare, si tibi tu, si filius unicus, si domus, si spes tuæ reliquæ tibi caræ sunt; si aliquid apud te nos, si vir optimus, gener tuus, valemus: eorum fortunam non debes velle conturbare; ut eam causam, in cujus victoria salus nostra est, odisse aut relinquere cogamur, aut impiam cupiditatem

contra salutem tuam habeamus. denique illud cogita, quod offensæ fuerit, in ista cunctatione te subiisse. nunc te contra victorem Cæsarem facere, quem dubiis rebus lædere noluisti, et ad eos fugatos accedere, quos resistentes sequi nolueris, summæ stultitiæ est. vide, ne, dum pudet te parum optimatam esse, parum diligenter, quod optimum sit, eligas. quod si totum tibi persuadere non possum; saltem, dum, quid de Hispaniis agamus, scitur, exspecta; quas tibi nuntio adventu Cæsaris fore nostras. quam isti spem habeant amissis Hispaniis, nescio. quod porro tuum consilium sit ad desperatos accedere, non medius fidius reperio. Hoc, quod tu non dicendo mihi significasti, Cæsar audierat: ac simul atque hæc mihi dixit, statim, quid de te audisset, exposuit. negavi, me scire: tamen ab eo petivi, ut ad te litteras mitteret, quibus maxime ad remanendum commoveri posses. me secum in Hispaniam ducit. nam, nisi ita faceret, ego prius, quam ad urbem accederem, ubicumque esses, ad te percurrissem, et hoc a te præsens contendissem, atque omni vi te retinuissem. Etiam atque etiam, Cicero, cogita, ne te tuosque omnes funditus evertas: nec te sciens prudensque eo demittas, unde exitum vides p. 164. nullum esse. quod si te aut voces optimatium commovent; n. aut nonnullorum hominum insolentiam et jactationem ferre non potes: eligas, censeo, aliquod oppidum vacuum a bello, dum hæc decernuntur, quæ jam erunt confecta. id si feceris, et ego te sapienter fecisse iudicabo, et Cæsarem non offendes.

CICERO ATTICO S.

10

ME Cæcum, qui hæc ante non viderim! misi ad te epistolam Antonii. ei cum ego sæpissime scripsissem, nihil me contra Cæsaris rationes cogitare; meminisse me generi mei, meminisse amicitiae; potuisse, si aliter sentirem, esse cum Pompeio; me autem, quia cum lictoribus invitus cursarem, abesse velle, nec id ipsum certum etiam nunc habere; vide, quam ad hæc *παροινικῶς*.

Tuum consilium quam verum est. nam qui se medium esse vult, in patria manet: qui proficiscitur, aliquid de alterutra parte iudicare videtur. sed ego is non sum, qui statuere debeam, jure quis proficiscatur, nec ne. partes mihi Cæsar has imposuit, ne quem omnino discedere ex Italia

paterer. quare parvi refert, me probare cogitationem tuam, si nihil tamen tibi remittere possum. ad Cæsarem mittas, censeo, et ab eo hoc petas. non dubito, quin impetraturus sis, cum præsertim te amicitiae nostræ rationem habiturum esse pollicearis.

Habes σκυτάλην Λακωνικήν. omnino excipiam hominem. erat autem v Non. venturus vesperi, id est hodie. cras igitur ad me fortasse veniet. ⁷⁸ Tentabo, audeam, nihil properare; missurum ad Cæsarem, clamabo, me; cum paucissimis alicubi occultabor; ⁷⁹ certe hinc, istis invitissimis, evolabo, atque utinam ad Curionem! σὺν θεῷ τοι λέγω. magnus dolor accessit. efficietur aliquid dignum nobis. δυσουρία tua mihi valde molesta. medere amabo, dum est ὄρχη. De Massiliensibus gratæ tuæ mihi litteræ. quæso, ut sciam, quidquid audieris. Siciliam cuperem, si possem palam: quod a Curione effeceram. Hic ego Servium exspecto. rogor enim ab ejus uxore et filio: et puto opus esse. ⁸⁰ Hic tamen Cytheridem secum lectica aperta portat, altera uxorem: septem præterea conjunctæ lecticæ amicarum sunt, an amicorum? vide, quam turpi leto pereamus: et dubita, si potes, quin ille, seu victus seu victor redierit, cædem facturum sit. ego vero vel lintriculo, si navis non erit, eripiam me ex istorum parricidio. Sed plura scribam, cum illum convenero. Juvenem nostrum non possum non amare: sed ab eo nos non amari, plane intelligo. nihil ego vidi tam ἀνηθοποιήτον, tam aversum a suis, tam nescio quid cogitans. vim incredibilem molestiarum! sed erit curæ, et est, ut regatur. mirum est enim ingenium. ἡθους ἐπιμελητέον.

11

CICERO ATTICO S.

OBSIGNATA jam epistola superiore, non placuit ei dari, cui constitueram, quod erat alienus. itaque eo die data non est. interim venit Philotimus, et mihi a te litteras reddidit: quibus quæ de fratre meo scribis, sunt ea quidem parum firma, sed habent nihil ὑπουλον, nihil fallax, nihil non flexibile ad bonitatem, nihil, quod non, quo velis, uno sermone possis perducere. ne multa; omnes suos, et-

p. 165.
a.

⁷⁸ Tentabo, audeam, nihil properare.] Hoc nec intelligo, nec commodè corrigere possum.

⁷⁹ Certe hinc, istis inv. evolabo.] Hæc est lectio antiqua et bona. Bosius e vi-

tiosa scriptura librorum suorum dedit carris: quod omnes secuti sunt. non placet.

⁸⁰ Hic tamen.] Res docet, intelligendum esse Antonium. eam non nominat, quia de eo epistola tota est.

iam quibus irascitur crebrius, tamen caros habet, me quidem se ipso cariorem. Quod de puero aliter ad te scripsit, et ad matrem de filio, non reprehendo. De itinere et de sorore, quæ scribis, molesta sunt, eoque magis, quod ea tempora nostra sunt, ut ego his mederi non possim. nam certe mederer. sed quibus in malis, et qua in desperatione rerum simus, vides. Illa de ratione numaria non sunt ejusmodi (sæpe enim audio ex ipso) ut non cupiat tibi præstare, ⁸¹ et in eo laboret. sed si mihi Q. Axius, in hac mea fuga, H-S XIII non reddit, quæ dedi ejus filio mutua, et utitur excusatione temporis; si Lepta; si ceteri; soleo mirari, de nescio quis H-S XX. cum audio ex illo, se urgeri. vides enim profecto angustias. curari tamen ea tibi utique jubet. an existimas illum in isto genere lentulum, aut restrictum? nemo est minus. De fratre satis. de ejus filio, indulgit illi quidem suus pater semper; sed non facit indulgentia mendacem, aut avarum, aut non amantem suorum; ferocem fortasse, atque arrogantem et infestum facit. itaque habet hæc quoque, quæ nascuntur ex indulgentia: sed ea sunt tolerabilia. quid enim dicam, hac juventute? ea vero, quæ mihi quidem, qui illum amo, sunt his ipsis malis, in quis sumus, miseriora, non sunt ab obsequio nostro; non: suas radices habent; quas tamen evellerem profecto, si liceret. sed ea tempora sunt, ut omnia mihi sint patienda. ego meum facile teneo. nihil est enim eo tractabilius: cujus quidem misericordia languidiora adhuc consilia cepi; et; ⁸² quo ille me fortiorem vult esse, eo magis timeo, ne in eum existam crudelior. Sed Antonius venit heri vesperi. jam fortasse ad me veniet, aut ne id quidem; quoniam scripsit, quid fieri vellet. sed scies continuo, quid actum sit. Nos jam nihil, nisi occulte. De pueris quid agam? parvum navigio committam? quid mihi animi in navigando censes fore? recordor enim, æstate cum illo Rhodiorum ἀφάρκω navigans, quam fuerim sollicitus. quid, duro tempore anni, actuariolo fore censes? rem undique miseram! Trebatius erat mecum, vir plane et civis bonus. quæ ille monstra, dii immortales! etiamne Balbus in senatum venire cogitet? sed ei ipsi cras ad te litteras dabo. Vectenum mihi amicum,

81 Et in eo laboret.] Sic edd. pr. recte. cum Grævio lectionem edd. pr. pro certior, quod Victorius, Bosius, &c. edidere.

82 Quo ille me fortiorem, &c.] Restitui est enim durius h. l.

ut scribis, ita puto esse: cum eo, quod ⁸³ἀποτόμως ad me scripserat de numis curandis, θυμικώτερον eram jocatus. id tu, si ille aliter acceperit, ac debuit, lenies. *Monetati* autem adscripsi, quod ille ad me, *Proconsuli*, sed ⁸⁴quoniam est homo, et nos diligit, ipse quoque a nobis diligitur. Vale.

12

CICERO ATTICO S.

QUIDNAM mihi futurum est? aut quis me non solum infelicio, sed jam etiam turpior? nominatim de me sibi imperatum dicit Antonius; nec me tamen ipse adhuc viderat, sed hoc Trebatio narravit. Quid agam nunc, cui nihil procedit, caduntque ea, quæ diligentissime sunt cogitata, tæterrima? ego enim Curionem nactus, omnia me consecutum putavi. is de me ad Hortensium scripserat. ⁸⁵Reginus erat totus noster. huic nihil suspicabamur cum hoc mari negotii fore. quo me nunc vertam? undique custodior. ^{a.} ⁸⁶sed satis lacrymis. πάρωρα πλευντέον igitur, et occulte in aliquam onerariam correndum. non committendum, ut etiam compacto prohibiti videamur. Sicilia petenda: quam si erimus nacti, majora quædam consequemur. sit modo recte in Hispaniis: quamquam de ipsa Sicilia utinam sit verum! sed adhuc nihil secundi. concursus Siculorum ad Catonem dicitur factus; orasse, ut resisteret; omnia pollicitos: commotum illum, delectum habere cœpisse. non credo, ut est luculentus auctor: potuisse certe tenere illam provinciam scio. ab Hispaniis autem jam audietur. Hic nos C. Marcellum habemus, eadem de re cogitantem, aut bene simulantem: quamquam ipsum non videram, sed ex familiarissimo ejus audiebam. tu, quæso, si quid habebis novi, ego, si quid moliti erimus, ad te statim scribam. Quintum filium ⁸⁷severius adhibebo. utinam proficere possim! tu tamen eas epistolas, quibus asperius de eo scripsi, aliquando concerpito, ne quando quid emanet: ego item tuas. Servium exspecto, nec ab eo quidquam ὑγέε. scies, quidquid erit. sine dubio crrasse nos, confitendum est. at sc-

⁸³ Ἀπ. ad me scr. de numis cur.] Vide supra, ep. 5.

⁸⁴ Quoniam est homo.] Miror, in hoc hæsisse viros doctos. int. quia est non experta humanitatis.

⁸⁵ Reginus.] V. Clavis.

⁸⁶ Sed satis lacrymis.] Int. datum est

a nobis.

⁸⁷ Severius adhibebo.] Nihili est adhibebo h. l. bene Grævius cohibebo. Mox edd. pr. possem. Correctum est a Corrado et Malaspinga per latinitatem. bene. cur ergo non etsimilia corrigamus? cur non et paulo post quam turpe sit, pro q. t. est?

mel? at una in re? immo omnia, quo diligentius cogitata, eo facta sunt imprudentius.

Ἀλλὰ τὰ μὲν προτερεύχθαι ἐάσομεν, ἀχρύνενοι περ

in reliquis modo ne ruamus. jubes enim de profectio-
mea providere. quid provideam? ita patent omnia, quæ ac-
cidere possunt, ut, ea si vitem, sedendum sit cum dedecore
et dolore: si negligam, periculum est, ne in manus incidam
perditorum. sed vide, quantis in miseriis simus. optandum
interdum videtur, ut aliquam accipiamus ab istis quamvis
acerbam injuriam, ut tyranno in odio fuisse videamur.
quodsi nobis is cursus, quem speraram, pateret; effecissem
aliquid profecto, ut tu optas et hortaris, dignum nostra
mora. sed mirificæ sunt custodiæ: et quidem ille ipse Cu-
rio suspectus. quare vi aut clam agendum est: et, si vi,
forte et cum tempestate: clam autem istis. in quo si quod
σφάλμα, vides, quam turpe sit. trahimur: nec fugiendum,
si quid violentius. ⁸⁸ De Cœlio, sæpe mecum agito; nec,
si quid habuero tale, dimittam. Hispanias spero firmas
esse. Massiliensium factum cum ipsum per se luculentum
est, tum mihi argumento est, recte esse in Hispaniis. minus
enim auderent, si aliter esset, et scirent: ⁸⁹ nam et juncti, et
diligentes sunt. Odium autem recte animadvertis signifi-
catum theatro. Legiones etiam has, quas in Italia assum-
sit, alienissimas esse video. sed tamen nihil inimicius, quam
sibi ipse. illud recte times, ne ruat. si desperarit, certe
ruet. quo magis efficiendum aliquid est, fortuna velim me-
liore, animo Cœliano. sed primum quidque; quod, quale-
cumque erit, continuo scies. Nos juveni, ut rogas, sup-
peditabimus, et ⁹⁰ Peloponnesum ipsam sustinebimus. est
enim indoles: modo aliquod hoc sit ⁹¹ ἥθος διδασχῇ ἀλωρόν.
quod si adhuc nullum est, esse tamen potest: aut ἀπερὴ non
est διδασκρόν quod mihi persuaderi non potest.

88 De Cœlio, &c.] Videtur Atticus
Cœlii factum ad imitandum proposuisse,
qui Syllæ dominationem impediturus, bel-
lum in Italia commoverat. Massiliensium
factum est, quod Cæsari ad se venienti por-
tas clausere.

89 Nam et juncti et dil. sunt.] Sic ed.
Rom. pro quo Jens. dedit *invicti*. misere
se in hac lectione torsere viri docti, quod
miror, cum, ut Grævius bene monet, nil
facilius sit, quam viciniam cogitare, item
alias conjunctiones, e commerciis, &c.

90 Peloponnesum ipsam sustinebimus.]
Est lusus facetus e proverbio, *Spartam,*
quam nactus es, orna. dicit, se etiam plus
præstiturum. quam postuletur. non Spar-
tam modo, sed totam Peloponnesum susti-
nebo.

91 ἥθος διδ. ἀλωρόν.] Lectio græca h. l.
ubique est e conjectura. retinui maxime
vulgatam. Jac. Gronovii conjectura, quam
textui Gruteriano inseruit, ἥθος κακία ἀδο-
λων, est sensu bona, sed contextui non ita
apta, ut illa.

CICERO ATTICO S.

EPISTOLA tua gratissima fuit meae Tulliae, et mehercule mihi. semper secum aliquid afferunt tuae litterae. scribes igitur: ac, si quid ad spem poteris, ne dimiseris. Tu Antonii leones pertimescas cavē. ⁹² nā, nihil est illo homine jucundius. attende *πρᾶξιν πολιτικοῦ*. ⁹³ evocavit literis e municipiis denos: et IIII viri venerunt ad villam ejus mane. primum dormiit ad H. III. deinde, cum esset nuntiatum, venisse Neapolitanos et Cumanos, (his enim est Cæsar iratus,) postridie redire jussit: lavari se velle, et *περὶ κοιλιολουσίαν γίνεσθαι*. hoc ⁹⁴ here effecit. hodie autem in Ænariam transire constituit. exsulibus reditum pollicetur. Sed hæc omittamus, de nobis aliquid agamus. Ab Axio accepi litteras. De Tirone gratum. Veetenum diligo. Vestorio reddidi. Servius pridie Nonas Maii Minturnis mansisse dicitur, hodie in Linternino mansurus apud C. Marcellum. eras igitur nos mature videbit, mihiq; dabit argumentum ad te epistolæ. jam enim ⁹⁵ non reperio, quod tibi scribam. Illud admiror, quod Antonius ad me ne nuntium quidem, cum præsertim ⁹⁶ me valde observarit. ⁹⁷ videlicet aliquid atrocius de me imperatum est: coram negare mihi non vult. quod ego nec rogaturus eram: nec, si impetrassem, crediturus. nos tamen aliquid excogitabimus. Tu, quæso, si quid in Hispaniis: jam enim poterit audiri: et omnes ita exspectant, ut, si recte fuerit, nihil negotii futurum putent. ego autem nec, retentis his, confectam rem puto; neque, amissis, desperatam. Silium et Ocellam, ⁹⁸ et ceteros credo retardatos. te quoque a Curtio impediri video. etsi, ut opinor, habes *κέρητα ἄκρον*.

CICERO ATTICO S.

O VITAM miseram! majusque malum, tam diu timere, quam est illud ipsum, quod timetur! Servius, ut antea

⁹² Nā, nihil est.] Addidi nā ex ed. Rom. quod per conjecturam placebat Grævio. mox pro *πρᾶξιν πολ.* eadem ed. *ἀρχὴν πολ.*

⁹³ Evocavit - denos.] I. e. decem primos, ut et alii existimavere: cum his venere magistratus IVviri.

⁹⁴ Here.] Sic Malaspina in votustis libris reperit: sic et ed. Rom.

⁹⁵ Non reperio, quod.] Volgo hic est quid. at supra, ep. 8. ne hercule ego quidem

reperio, quod scribam, ubi pariter edd. quendam veteres quid. itaque correxi quod.

⁹⁶ Me valde observarit.] Ironice dictum.

⁹⁷ Videlicet aliquid, &c.] Hic locus mihi sanus non videtur. illa aliquid, vel, ut est in recentioribus edd. aut aliquid a. d. m. i. est, nullo modo cum ceteris coeunt: si eximantur, omnia plana fiant et bene coherentia.

⁹⁸ Et ceteros.] Pompeianos, ex Italia exire cupientes.

scripsi, cum venisset Nonis Maii, postridie ad me venit. ne
diutius te teneam, nullius consilii exitum invenimus. num-
quam vidi hominem perturbatiorem metu: neque hercule
quidquam timebat, quod non esset timendum: illum sibi
iratum, hunc non amicum; horribilem utriusque victoriam,
cum propter alterius crudelitatem, alterius audaciam, tum
propter utriusque difficultatem pecuniarum, qua erui nus-
quam, nisi ex privatorum bonis posset. atque hæc ita mul-
tis cum lacrymis loquebatur, ut ego in irarer, eas tam diu-
turna miseria non exaruisse. mihi quidem etiam lippitudo
hæc, propter quam non ipse ad te scribo, sine ulla lacryma
est, sed sæpius odiosa est propter vigilias. quamobrem
quidquid habes ad consolandum, collige, et illa scribe, non
ex doctrina, neque ex libris: nam id quidem domi est;
sed nescio quo modo imbecillior est medicina, quam mor-
bus: hæc potius conquire, de Hispaniis, de Massilia: quæ
quidem satis bella Servius assert: qui etiam de duabus
legionibus luculentos auctores esse dicebat. hæc igitur si
habebis, et talia. et quidem paucis diebus aliquid audiri ne-
cesse est. sed redeo ad Servium. Distulimus omnino ser-
monem in postemum: sed tardus ad exeundum: multo se in
suo lectulo malle, quidquid foret. odiosus scrupulus ⁹⁹ de
filii militia Brundisina. unum illud firmissime asseverabat, si
damnati restituerentur, in exsilium se iturum. nos autem ad
hæc: ¹⁰⁰ et id ipsum certo fore, et, quæ jam fiant, non esse
leviora; multaque colligebamus. verum ea non animum
ejus augebant, sed timorem, ut jam celandus magis de nos-
tro consilio, quam ad idem videretur. quare in hoc non
multum est. Nos a te admoniti de Cœlio cogitabimus.

CICERO ATTICO S.

15

SERVIUS cum esset apud me, Cephalio cum tuis litte-
ris vi Id. venit: quæ nobis magnam spem attulerunt melio-
rum rerum de octo cohortibus: (etenim hæc quoque, quæ
in his locis sunt, labare dicuntur:) eodem die Funisulanus
a te attulit litteras, in quibus erat confirmatus idem illud.
ei de suo negotio respondi cumulate, cum omni tua gratia.

p. 168.

⁹⁹ De f. militia Brundisina.] Adver- legendam fiant. nam illud propter rō jam
sus Pompeium. de qua supra, IX, 18. et reliqua verba vitiosum.

X, 3. ¹ Quam ad idem videretur.] Excidit
¹⁰⁰ Et ipsum certo fore.] Omissum sine dubio verbum cohortandus aut simile:
est id, aut in et mutatum: tum pro fiebant nam ejus ellipsis nimis dura foret.

adhuc non satisfaciebat : debet autem mihi multos numos ; nec habetur locuples. ² nunc ait se daturum, cui expensos tulerit : moram in tabellariis ; si apud te esset, qua satisfacisses, dares. quantum sit, Eros Philotimi tibi dicet. sed ad majora redeamus. Quod optas, ³ Coelianum illud maturescit. itaque torqueor, utrum ventum exspectem. vexillo opus est : convolabunt. Quod snades, ut palam ; prorsus assentior : itaque me profecturum puto. tuas tamen interim litteras exspecto. Servii consilio nihil expeditur, omnes captiones in omni sententia occurrunt. unum C. Marcello cognovi timidiorem ; ⁴ quem consulem fuisse pœnitet. ὦ πολλῆς ἀγεννείας ! qui etiam Antonium confirmasse dicitur, ut me impediret ; ⁵ quo ipse, credo, honestius. Antonius autem vi Id. Capuam profectus est : ad me misit, se, p̄dore deterritum, ad me non venisse, quod me sibi succensere putaret. ibitur igitur, et ita quidem, ut censes ; nisi ⁶ cuius gravioris personæ suscipiendæ spes erit ante oblata. sed vix erit tam cito. Alienus autem prætor putabat aliquem, si ego non, ex collegis suis. quivis licet, dummodo b. aliquis. De sorore, laudo. De Quinto puero, datur opera. spero esse meliora. De Quinto fratre, scito eum non mediocriter ⁷ laborare de usura : sed adhuc nihil a L. Egnatio expressit. ⁸ Axius de XII millibus pudens, sæpe enim adscripsit, ut Gallio, quantum is vellet, darẽm. quod si non scripsisset, possemne aliter ? et quidem sæpe sum pollicitus : sed tantum voluit cito. me vero ⁹ adjuvarent his in angustiis. sed dii istos ! verum alias. Te a quartana liberatum gandeo, itemque Piliam. Ego, dum putes et cetera in

² Nunc ait se daturum - - dares.] Hæc sunt e correctione Bosii : alii aliter. Locutus est ita vitiosus, ut sanari non possit, aut explicari. itaque non frustra in eo nos et lectores torquebimus.

³ Coelianum illud maturescit.] Videtur jam venire tempus, quo commode ei cum successu illud, quod de Carlio dixi, ep. 12. fieri possit ; tantum opus est duce, qui signum det : vexillo opus est, convolabunt.

⁴ Q. consulem fuisse pœnitet.] Quia Cæsari vehementius resistendo causa belli fuerat, ipsumque iratum sibi fecerat, ut ab eo omnia timere debebat.

⁵ Quo ipse c. honestius.] In Italia manere possit, si ego non abeam.

⁶ Cuius gravioris personæ.] Opinor,

quæ pacis faciendæ auctor esset Cæsari et Pompeio, velut reip. nomine, sed cum ea gravitate, ut ei cederent.

⁷ Laborare de usura.] Non credibile est in usura tantopere laborari potuisse. Credo Corradum recte conjecisse de versura, i. e. de solvendo debito per versuram. Egnatius fenerator nondum adduci poluit, ut pecuniam tibi solveret.

⁸ Arias pudens.] Ironice. qui non modo non dat, quod debet, nempe XII H S. sed etiam plus petit. adscripsit, si verum est, intelligendum : cum scribit se solvere non posse hoc tempore, scribit insuper de pecunia filio danda. alias place-ret Manutii conjectura, legendum scripsit.

⁹ Adjuvarent.] Sc. potius, quam etiam a me pecuniam peterent.

navem parantur, excurro in Pompeianum. Vecteno velim gratias; ¹⁰ quod studiosus sit. Si quemquam nactus fueris, qui perferat; litteras des ante, quam discedimus.

CICERO ATTICO S.

16

COMMODUM ad te dederam litteras de pluribus rebus, cum ad me bene mane Dionysius fuit: cui quidem ego non modo placabilem me præbuissem, sed totum remissem, si advenisset, qua mente tu ad me scripseras. erat enim sic in tuis litteris, quas Arpini acceperam, cum venturum facturumque, quod ego vellem. ego volebam autem, vel cupiebam potius, esse cum nobiscum. quod quia plane, cum in Formianum venisset, præciderat, asperius ad te de eo scribere solebam. at ille perpauca locutus, hanc summam habuit orationis; ut sibi ignoscerem; se rebus suis impeditum nobiscum ire non posse. pauca respondi; magnum accepi dolorem: intellexi fortunam ab eo nostram despectam esse. quid quæris? fortasse miraberis. in maximis horum temporum doloribus hunc mihi scito esse. velim, ut tibi amicus sit. hoc cum tibi opto, opto ut beatus sis. erit enim tandiu. Consilium nostrum spero vacuum periculo fore. nam et dissimulabimus, et, ut opinor, ¹¹ acerrime adservabimus. navigatio modo sit, qualem opto. cetera, quæ quidem consilio provideri poterunt, cavebuntur. tu, dum adsumus, non modo quæ scieris audierisque, sed etiam quæ futura providebis, scribes velim. Cato, qui Siciliam tenere nullo negotio potuit, et, si tenuisset, omnes boni ad eum se contulissent, Syracusis profectus est ante diem viii Kal. Mai. ut ad me Curio scripsit. utinam, quod ajunt, ¹² Cotta Sardiniam teneat! est enim rumor. o, si id fuerit, turpem Catonem! Ego, ut minuerem suspicionem profectionis aut cogitationis meæ, profectus sum in Pompeianum a. d. iiii Id. ut ibi essem, dum, quæ ad navigandum opus essent, pararentur. cum ad villam venissem, ventum est ad me; centuriones trium cohortium, quæ Pompeiis sunt, me velle

p. 169.
a.

¹⁰ Quod studiosus sit.] Addidit sit Grævius e Mss. suis. est et in edd. Rom. Jens. &c. int. mei, rerum mearum.

¹¹ Acerrime adservabimus.] Hoc verbum vitiosum puto, si maxime adservare pro observare dici possit. nam ei rō acerrime non convenit. Si intelligamus, cus-

todiemus premendo, ne animadvertatur, cui conveniret acerrime, illud ut opinor non convenit. interim sic locum intelligemus. ep. 18. custodia, quibus asservor.

¹² Cotta Sardiniam teneat.] M. Aurelius, C. v. Cæs. B. C. 1, 30.

postridie; (hæc mecum Ninnius noster;) velle eos mihi se et oppidum tradere. at ego tibi postridie a villa ante lucem, ut me omnino illi ne viderent. quid enim erat in tribus cohortibus? quid, si plures? quo apparatu? cogitavi eadem illa Coeliana, quæ legi in epistola tua, quam accepi, simul et in Cumanum veni, eodem die, ¹³et simul fieri poterat, ut tentaremur. omnem igitur suspicionem sustuli. sed cum redeo, Hortensius venerat, et ad Terentiam salutatum diverterat; sermone erat usus honorifico erga me. tamen eum, ut puto, videbo. misit enim puerum, se ad me venire. hoc quidem melius, quam collega noster Antonius: cujus inter lictores
 b. lectica mima portatur. Tu, quoniam quartana cares, et nedum morbum removisti, sed etiam gravedinem, te vegetum nobis in Græcia siste; et litterarum aliquid interca.

17

CICERO ATTICO S.

PRID. Idus Hortensius ad me venit, scripta epistola. ¹⁴vellem cetera ejus. quam in me incredibilem ἀκτένεια! qua quidem cogito uti. deinde Serapion cum epistola tua: quam prius quam aperuissem, dixi ei, te ad me de eo scripsisse antea, ut feceras. deinde, epistola lecta, cumulatissime cetera: ¹⁵et hercule hominem bonum et doctum, et probum existimo. quin etiam navi ejus me, et ipso convectore usurum puto. Crebro refricat lippitudo, non illa quidem perodiosa, sed tamen quæ impediatur scriptionem meam. Valitudinem tuam jam confirmatam esse et a vetere morbo, et a novis tentationibus, gaudeo. Ocellam vellem habere-mus. videntur enim esse hæc paullo faciliora. nunc quidem æquinotium nos moratur, quod valde perturbatum erat. id si ἀκρεῆς erit, utinam idem maneat Hortensius! ¹⁶siquidem ut adhuc erat: liberalius esse nihil potest. De diplomate admiraris, quasi nescio cujus te flagitii insimularem. negas enim te reperire, qui mihi id in mentem venerit. ego autem, quia scripseras, te proficisci cogitare; (etenim audieram, ¹⁷nemini aliter licere;) eo te habere ceusebam, et

13 Et simul f. p.] Hoc mihi non placet. non bene coheret cum præcedentibus.

14 Vellem cetera ejus.] Sc. quæ fecit, essent vel fuissent similia his, quæ dixit.

15 Et hercule hominem bonum et doctum, et probum e.] Sic edidimus ex edd. pr. nam hodie vulgata, et h. h. probu. nam et doctum et probum existimo, non placet. mallet tamen et bonum abesse, et legi: ho-

minem et doctum et p. e. ut placuit Grævio.

16 Siquidem ut adhuc erat.] Sic Facrus, et Malaspina, addito ut, quod et Grævius recepit. Forte fuit ut quidem adhuc erat, et ut absorpsit fualis in Hortensius, additurque post si.

17 Nemini aliter licere.] Sc. proficisci ex Italia, nisi haberet diploma.

quia pueris diploma sumseras. habes causam opinionis meæ: et tamen velim scire, quid cogites, in primisque, si quid etiam nunc novi est. xvii Kal. Jun.

CICERO ATTICO S.

18

TULLIA mea peperit xiiii Kal. Jun. puerum *ἐπταμη- p. 170.*
νιατον. quod *ἡνυόκησεν*, gaudebam. quod quidem est natum,
 perimbecillum est. Me mirifice tranquillitates adhuc te-
 nuerunt, atque majore impedimento fuerunt, quam custo-
 diæ, quibus asservor. nam illa Hortensiana omnia fuere in-
 fantia. ¹⁸ ita fiet homo nequissimus. a Salvio liberto depravatus est. itaque posthac non scribam ad te, quid facturus sim, sed quid fecerim. omnes enim *Κωρυκαῖοι* videntur sub-
 auscultare, quæ loquor. Tu tamen, si quid de Hispaniis, sive quid aliud, perge quæso scribere; nec meas litteras exspectaris, nisi cum, quo opto, pervenerimus, aut ¹⁹ si quid ex cursu. Sed hoc quoque timide scribo. ita omnia adhuc tarda et spissa. ²⁰ Ut male posuimus initia, sic cetera sequuntur. Fornias nunc sequimur, cadem nos fortasse furia persequentur. ex Balbi autem sermone, quem tecum habuit, non probamus de Melita. dubitas igitur, quin nos in hostium numero habeat? scripsi equidem Balbo, te ad me de benivolentia scripsisse, et de suspicione. cgi gratias. de altero ei me purga. cequem tu hominem infeliciorem? non loquor plura, ne te quoque exercuiem. ipse conficior, venisse tempus, cum jam nec fortiter, nec prudenter quidquam facere possim.

18 Ita fiet homo nequissimus.] *Cur fiet,* 19 Si quid ex cursu.] In ipso itinere non potius fit? forte: ita fit. homo n. &c. meo ad te scripsero.

20 Ut male posuimus initia.] An male est a glossatore?

M. TULLII CICERONIS
EPISTOLARUM

AD

ATTICUM

LIBER XI.

ARGUMENTUM.

Silentur menses fere novem. Consecrudit enim, ut ad Pompeium navigaret, VII Id. Junii, Lentulo et Marcello Coss. ut ex epistola VII ad Terentiam cognosci potest; et ex eo tempore scriptae litterae, ad mensem Februarium, praeter primas libri hujus, nullae inveniantur. Nam cum Caesar, a colloquio illo Ciceronis, quo de penultima epistula proximi libri agitur, Romam se contulisset; pecuniamque ex sauritiore erario, nequidquam repugnante L. Metello tribuno pleb. abstulisset: rebus nonnullis ad suum arbitrium constitutis, Italiaeque Antonio tradita et commendata, ipse in Hispaniam contra Pompeii legatos exercitum duxit: quo tempore Cicero in Macedoniam VII Id. Junii, ut diximus, transmisit, unde priores quatuor epistolae datae sunt: sed C. Casare II et Servilio Isaurico Coss. ante pugnam Pharsalicam, partim ex castris Pompeii, partim Dyrrachio. Num Caesar, devictis legatis illis, Hispaniaeque rebus compositis, Romam reversus, consulque cum Isaurico declaratus, exenat, ut ait Dio, ut Plutarchus Prid. Non. Jan. jam exercitum in Epirum deportaverat. Reliquae autem epistolae Brundisio; quo jam acie devicto et fugato Pompeio, Cicero se contulerat, datae sunt, nisi fallor, mense Octobr. Nam ad Terentium scribens, libro epistolarum ad ipsam, pridie Non. Novemb. Quod nos (inquit) in Italiam saluos venisse gaudes, &c. ut ante eas, Brundisio alicae datae fuerint. Fuit autem Brundisii menses minimum undecim: ab exitu, inquam, Octobris, ad VI Kal. Octobris, anni sequentis: ut recte subducenti menses fluxerint plus minus XXI quo toto tempore Caesar et cum Pompeio pugnavit, ipsumque in Aegyptum persecutus est: et ibidem contra Ptolemaeum bellum gessit, in quo menses novem consumsit, ut Appianus ait: et Romam rediens in itinere Pharnacem recepit. Quae vero datae sunt ex Kal. Jan. usque Kal. Septemb. C. Casare dictatore III et M. Antonio Mag. Eq. scriptae sunt. Nam, ut Dio scribit, populus Rom. audita eade Pompeii, consulatum absenti Casari, in annos quinque, dictaturam in annum, Tribuniciam potestatem in aeternum mandavit. Qui dictaturam statim inivit; quamvis anni exitu, Calpurnius et Vatinius, eodem auctore, subrogaverit in termos novissimos menses. Datae ante pugnam Pharsalicam rex fere domesticas continent: quae post pugnam, querelam sui consilii: vel, ut ipse vocat, amentiae

et temeritatis, quod statim ab ipso confictu, Pompeianorum causa nondum plene desperata, et postea in Africa prope revirescente, non expectato exitu, in Italiam venerit: cum neque id tutum, neque honorificum esset. Quædam insunt etiam de remittendo nuntio uxori Terentiæ: de inopia Tulliæ: de scelere Dolabellæ, qui tribunus pleb. leges perniciosissimas de novis tubulis ferret, omniaque nūceeret. quædam etiam de Q. Q. contra se sceelerate loquentibus.

CICERO ATTICO S.

1

ACCEPI a te signatum libellum, quem Anteros attulerat; ex quo nihil scire potui de nostris domesticis rebus: de quibus acerbissime afflictor, quod, ¹qui eas dispensavit, neque adest istic, neque, ubi terrarum sit, scio. omnem autem spem habeo existimationis privatarumque rerum in tua erga me mihi perspectissima benivolentia: quam si his temporibus miseris et extremis præstiteris, hæc pericula, quæ mihi communia sunt cum ceteris, fortins feram: idque ut facias, te obtestor atque obsecro. ego in cistophoro in Asia habeo ad H-S bis et vicies. hujus pecuniæ per mutatione fidem nostram facile tnebero: quam quidem ego nisi expeditam relinquere putassem, credens ei, cui tu scis jam pridem minime credere, commoratus essem paullisper, nec domesticas res impeditas reliquisseni: ob eamque causam serius ad te scribo, quod sero intellexi, quid timendum esset. Te etiam atque etiam oro, ut me totum tuendum suscipias; ut, si ii salvi erunt, quibuscum sum, nua cum iis possim incolumis esse, salutemque meam benivolentiæ tuæ acceptam referre.

CICERO ATTICO S.

2

LITTERAS tuas accepi pridie Nonas Febr. eoque ipso die ex testamento crevi hereditatem. ex nullis meis miserimis curis est una levata, si, ut scribis, ista hereditas fidem et famam meam tueri potest, quam quidem te intelligo, etiam sine hereditate, tuis opibus defensurum fuisse. De dote quod scribis, per omnes deos te obtestor, ut totam rem suscipias, ²et illam, miseram mea culpa et negligentia, tueare meis opibus, si quæ sunt; tuis, quibus tibi molestum non erit, ³facultatibus: cui quidem deesse omnia, quod

1 Qui eas dispensavit.] Philotimus. v. cando Dolabellæ, qui ejus dotem dissipaverat.
ep. 4. mox existimatio est fama boni viri, rat.

ep. 2. in re pecuniaria fidem servantis.

2 Et illam, miseram mea culpa.] Int. Tulliam, quam miseram reddiderat, collo-

3 Facultatibus.] Hoc puto esse a glossatore, tuis referendum ad opibus.

scribis, obsecro te, noli pati. in quos enim sumtus abeunt fructus prædiorum? jam illa H-S LX, quæ scribis, nemo mihi umquam dixit, ex dote esse detracta: ⁴numquam enim essem passus. sed hæc minima est ex iis injuriis, quas accepi; de quibus ad te dolore et lacrymis scribere prohibeor. Ex ea pecunia, quæ fuit in Asia, partem dimidiam fere exegi. tutius videbatur fore ibi, ubi est, quam apud publicanos. Quod me hortaris, ut firmo sim animo: vellem posses aliquid afferre, quamobrem id facere possem. sed si ad ceteras miseriâs accessit etiam id, quod mihi Chrysippus dixit parari, (tu nihil significasti) ⁵de domo; quis me miserior uno jam fuit? oro, obsecro, ignosce: non possum plura scribere. quanto mœrore urgear, profecto vides: quod si mihi commune cum ceteris esset, qui videntur in eadem causa esse, minor mea culpa videretur, et eo tolerabilior esset. nunc nihil est, quod consoletur; nisi quid tu efficis, si modo etiam nunc effici potest, ut ⁶ne qua singulari afficiar calamitate et injuria. Tardius ad te remisi tabellarium, quod potestas mittendi non fuit. A tuis et numerum accepi H-S LXX, et vestimentorum quod opus fuit. Quibus tibi videbitur velim des litteras meo nomine. nosti meos familiares. ⁷signum requirent, aut manum: dicces, me propter custodias ea vitasse.

3

CICERO ATTICO S.

QUID hic agatur, scire poteris ex eo, qui litteras attulit: quem diutius tenui, quia quotidie aliquid novi exspectabamus: neque nunc mittendi tamen ulla causa fuit, præter eam, de qua tibi rescribi voluisti. ⁸Quod ad Kal. Quint. pertinet, quid vellem; utrumque grave est, ⁹et tam gravi tempore periculum tantæ pecuniæ, et, dubio rerum exitu ¹⁰ista, quam scribis, abruptio. quare, ut alia, sic hoc vel maxime tuæ fidei benivolentiæque permitto, et illius

4 Numquam enim e. p.] Non placet numquam. Conjectio nequaquam aut neque. enim abest ed. Jens.

5 De domo.] An, ut ea priverer publicando, quia essem ad Pompeium profectus. Sic Manutius.

6 Ne qua singulari, &c.] Qua alii Pompeiani affecti non sunt a Cæsarianis.

7 Signum requirent, &c.] Grævius malebat si signum. non est necesse. ejus omissi in tali forma et alia exempla sunt.

mox iis friget: et abest ed. Rom. Sed ejus loco est vel, ut in Mss. Grævii. deleti.

8 Quod ad Kal. Quint. p.] So. diem pecuniæ solvendæ vel collocandæ.

9 Tam gravi.] Puto addendum et; vestigium ejus est in lectione edd. pr. etiam, quod ex et tam factum est. grave tempus est bellum civile.

10 Ista -- abruptio.] Divortium Tullæ cum Dolabella.

consilio et voluntati, cui miseræ consuluissem melius, si tecum olim coram potius, quam per litteras, ¹¹ de salute nostra fortunisque, deliberavissem. Quod negas præcipuum mihi ullum incommodum impendere; etsi ista res nihil habet consolationis, tamen etiam præcipua multa sunt, quæ tu profecto vides, ut sunt, et gravissima esse, et me facillime vitare potuisse: ea tamen erunt minora, si, ut adhuc factum est, ¹² administratione diligentiaque tua levabuntur. Pecunia apud Egnatium est. sit a me, ut est. neque enim hoc, quod agitur, videtur diuturnum esse posse; ut scire jam possim, quid maxime opus sit: et si egeo rebus omnibus; quod is quoque in angustiis est, quicum sumus; cui magnam dedimus pecuniam mutuam, opinantes, nobis, constitutis rebus, eam rcm etiam honori fore. Tu, ^{p. 172.} ut antea fecisti, velim, si qui erunt, ad quos aliquid scribendum a me existimes, ipse conficias. ^{a.} Tuis salutem dic. Cura, ut valeas. inprimis id, quod scribis, omnibus rebus cura et provide, ne quid ei desit, de qua scis me miserimum esse. Idibus Jun. ex castris.

CICERO ATTICO S.

4

ACCEPI ab Isidoro litteras, et postea datas binas. ex proximis cognovi prædia non venissc. videbis ergo, ¹³ ut sustentetur per te. ¹⁴ de Frusinati, ¹⁵ si modo futuri sumus, erit mihi res opportuna. Meas litteras quod requiris, impediior inopia rerum, quas nullas habeo litteris dignas; quippe cui nec, quæ accidunt, nec, quæ aguntur, ullo modo probentur. utinam coram tecum olim potius, quam per epistolas! ¹⁶ Hic tua, ut possum, tueor apud hos. cetera Ccler ipse. fugi adhuc omne munus, eo magis, quod ita nihil poterat agi, ut mihi et meis rebus aptum esset. Quid sit gestum novi, quæris: ex Isidoro scire poteris: reliqua non videntur csse difficiliora. Tu id velim, quod scis me maxime velle, cures, ut scribis, ut facis. Me conficit sollici-

11 *De salute n. f.*] De Tollia Dolabellæ collocanda. factum enim erat absente Cioerone in provincia.

12 *Administratione d. t.*] Pertinet ad rem familiarem Ciceronis.

13 *Ut sustentetur per te.*] Tullia, pecunia ei suppeditanda; supra, *tuis opibus*.

14 *De Frusinati.*] Prædio, quod venderat cum conditione redemptionis, redi-

mendo, ut diserte est ep. 13.

15 *Si modo futuri sumus.*] Sc. salvi et incolumes.

16 *Hic tua - - apud hos.*] Hic, in Epiro, ubi Cicero erat apud Pompeium. *apud hos*, Pompeianos, in quorum potestate erat Epirus, atque adeo prædia Attici. *cetera Ccler ipse*, narrabit, cum ad te venerit.

tudo, ex qua etiam summa infirmitas corporis: qua levata, ero una cum eo, qui negotium gerit, estque in spe magna. Brutus amicus in causa versatur acriter. Hactenus fuit, quod caute a me scribi posset. Vale. De pensione altera, oro te, omni cura considera, quid faciendum sit, ut scripsi iis litteris, quas Pollex tulit.

5

CICERO ATTICO S.

- b. ¹⁷QUÆ me causæ moverint, quam acerbæ, quam graves, quam novæ, coegerintque impetu magis quodam animi uti, quam cogitatione, non possum ad te sine maximo dolore scribere: fuerunt quidem tantæ, ut id, quod vides, effecerint. itaque nec quod ad te scribam de meis rebus, nec quod a te petam, reperio. rem et summam negotii vides. equidem ex tuis litteris intellexi, et iis, quas communiter cum aliis scripsisti, et iis, quas tuo nomine, quod etiam mea sponte videbam, te subdebilitatum novas rationes tuendi mei quærere. Quod scribis placere, ut propius accedam, iterque per oppida noctu faciam; non sane video, quemadmodum id fieri possit. neque enim ita apta habeo diversoria, ut tota tempora diurna in his possim consumere; neque ad id, quod quæris, multum interest, utrum me homines in oppido videant, an in via. sed tamen hoc ipsum, sicut alia considerabo, quemadmodum commodissime fieri posse videatur. ego propter incredibilem et animi et corporis molestiam conficere plures litteras non potui: iis tantum rescripsi, a quibus acceperam. tu velim et Basilo, et quibus præterea videbitur, etiam Servilio conscribas, ut tibi videbitur, meo nomine. Quod tanto intervallo nihil omnino ad vos; profecto intelligis rem mihi deesse, de qua scribam, non voluntatem. Quod ne Vatinio quæris: neque illius, neque cujusquam mihi præterea officium deesset, si reperire possent, qua in re me juvarent. Quintus aversissimo a me animo Patris fuit. eodem Corcyra filius venit. inde profectos eos una cum ceteris arbitror.

¹⁷ Quæ me causæ moverint, &c.] Ad disium, ubi hæc epistola scripta. v. et discedendum ab armis; quod fecerat statim ab acie Pharsalica, redieratque Brun- epist. seq.

CICERO ATTICO S.

6

SOLLICITUM esse te cum de tuis communibusque fortunis, tum maxime de me, ac de dolore meo, sentio: qui quidem dolor meus non modo non minuitur, cum socium sibi adjungit dolorem tuum, sed etiam augetur. omnino pro tua prudentia sentis, qua consolatione levare maxime possim. probas enim meum consilium, negasque mihi quidquam tali tempore potius faciendum fuisse. addis etiam, (quod etsi mihi levius est, quam tuum iudicium, tamen non est leve,) ceteris quoque, id est, qui pondus habeant, factum nostrum probari. id si ita putarem, levius dolerem. crede, inquis, mihi. credo equidem: sed scio, quam cupias minui dolorem meum. Me discessisse ab armis, nunquam poenituit: ¹⁸ tanta erat in illis crudelitas, tanta cum barbaris gentibus conjunctio, ut non nominatim, sed generatim proscriptio esset informata; ut jam omnium iudicio constitutum esset, omnium vestrum bona prædam esse illius victoriae; vestrum, plane dico: nunquam enim de te ipso, nisi crudelissime, cogitatum est. quare voluntatis me meæ nunquam poenitebit: consilii poenitet. in oppido aliquo mallent resedissee, quoad arcesserem. minus sermonis subissem: minus accepissem doloris: ipsum hoc me non angere. Brundisii jacere, in omnes partes est molestum. propius accedere, ut suades, quo modo sine lictoribus, quos populus dedit, possum, qui mihi incolumi adimi non possunt? ¹⁹ quos ego nunc paullisper cum bacillis in turbam conieci ad oppidum accedens, ne quis impetus militum fieret. ²⁰ reliquo tempore me domo. Te nunc ad Oppidum et Antonium: iis placeret modo propius accedere, ²¹ ut hac de re considerarem: credo, fore auctores (sic enim recipiunt) Cæsari non modo de conservanda, sed etiam de

18 Tanta in illis crudelitas, &c.] Pompeianis, qui vehementer minabantur iis, in eosque saeviebant, qui a suis partibus non stetissent. barbaræ gentes, a quibus auxilia acceperant.

19 Quos ego nunc p.] Nunc pro non dedi, ut placuit et Tunstallo, p. 158. hoc quidem lenius, quam aliorum modo, quod et quidam, denique Grævius, recipere in textum.

20 Reliquo tempore me domo.] Int. non moveo, ne quis me videat. sed sic editur

e correctione: quam servavi, quia tamen intelligi potest. Locus in edd. et scriptis valde et varie corruptus est, vexatusque conjecturis, quos videant, qui velit, in notis ed. Grævianæ. addam tantum correctionem Tunstalli l. c. recipio tempore meo. Ἀπόμακτε νῦν εἰς τὸν Ὀππίαν.

21 Ut hac de re considerarem.] Sc. cum ipsis. pro vulg. considerarent, e Mss. suis Grævius, bene. Sic et ed. Rom. Possis et conficere consideraremus, ut ultimæ litteræ per compendium scriptæ exciderint.

augenda mea dignitate ²² curæ fore : meque hortantur, ut magno animo sim; ut omnia summa sperem : ea spondent, confirmant, quæ quidem mihi exploratiora essent, si remansissem. sed ingero præterita. vide, quæso, igitur ea, quæ restant, et explora cum istis; et si putabis opus esse, et si istis placebit, quo magis factum nostrum Cæsar probet, quasi de suorum sententia factum, adhibeantur Trebonius, Pansa, si qui alii : scribantque ad Cæsarem, me, quidquid fecerim, de sua sententia fecisse. Tulliæ meæ morbus et imbecillitas corporis me exanimat, quam tibi intelligo magnæ curæ esse; quod est mihi gratissimum. ²³ De Pompeii exitu mihi dubium numquam fuit. tanta enim desperatio rerum ejus, omnium regum et populorum animos occuparat, ut, quocumque venisset, hoc putarem futurum. non possum ejus casum non dolere. hominem enim integrum, et castum, et gravem cognovi. De Fannio consolet te? ²⁴ perniciose loquebatur de mansione tua. L. vero Lentulus Hortensii domum sibi et Cæsaris hortos, et Baias desponderat. omnino hæc eodem modo ex hac parte fiunt : nisi quod illud erat infinitum. omnes enim, qui in Italia manserant, hostium numero habebantur. sed velim hæc aliquando solutiore animo. Quintum fratrem audio profectum in Asiam, ²⁵ ut deprecaretur. de filio nihil audiui. sed quære ex Diochare, Cæsaris liberto, quem ego non vidi, qui istas ²⁶ Alexandrinæ litteras attulit. is dicitur vidisse, ²⁷ euntem, an jam in Asia? Tuas litteras, prout res postulat, exspecto : quas velim cures quamprimum ad me perferendas. IIII Kal. Decemb.

²² Curæ fore.] Hoc mihi sæpe pro glossa suspectum fuit. Dicit Cicero, sic recipiunt. quid igitur recipiunt? sc. se fore auctores Cæsari, de dignitate mea, &c. quorsum igitur curæ fore? sed contra meque hortantur esse videtur. Sed id potest coniungi cum recipiunt, est tamen hic aliquid duri.

²³ De Pompeii exitu.] De cædo ejus in Egypto intelligendum.

²⁴ Perniciosa loq. de mansione tua.] Fannius, qui in acie Pharsalica ceciderat : is minabatur olim Attico, quia in Italia

manserit.

²⁵ Ut deprecaretur.] Apud Cæsarem, cujus cum legatus fuisset, tamen ab ejus partibus discesserat.

²⁶ Alexandrinæ litteras.] De Cæsare Alexandriæ incluso ab Ægyptiis. Victorius dedit Alexandreas, quod et Gruterus secutus est.

²⁷ An euntem, an jam in Asia.] Prius an delendum est. nam est contra bonam latinitatem. Ed. Rom. habet incidisse, quod prætulerim, legamque incidisse in euntem, an, &c. Interim an delevi.

CICERO ATTICO S.

7

²⁸GRATÆ tuæ mihi litteræ sunt, quibus accurate perscripsisti omnia, quæ ad me pertinere arbitratus es. Factum igitur, ut scribis, istis placere, iisdem istis lictoribus me uti; quod concessum Sextio sit; cui non puto suos esse concessos, sed ab ipso datos. audio enim, eum ea senatus consulta improbare, quæ ²⁹post discessum tribunorum facta sunt. quare poterit, si volet sibi constare, nostros lictores comprobare. quamquam quid ego de lictoribus, qui pæne ex Italia decedere sim jussus? nam ad me misit Antonius exemplum Cæsaris ad se litterarum, in quibus erat, se audivisse, Catonem et L. Metellum in Italiam venisse, Romæ ut essent palam: id sibi non placere; ne qui motus ex eo fierent; prohiberique omnes Italia, nisi quorum ipse causam cognovisset: deque eo vehementius erat scriptum. itaque Antonius petebat a me per litteras, ut sibi ignoscerem: facere se non posse, quia iis litteris pareret. tum ad eum misi L. Lamiam, qui demonstraret, illum Dolabellæ dixisse, ³⁰ut ad me scriberet, ut in Italiam quamprimum venirem: ejus me litteris venisse. tum ille edixit ita, ut me exciperet, ³¹et Lælium nominatim. quod sane nollem. poterat enim, sine nomine, ³²re ipsa excipi. o multas et graves offensiones! quas quidem, tu das operam, ut lenias. nec tamen nihil proficis: quin hoc ipso minuis dolorem meum, quod, ut minuas, tam valde laboras: idque velim ne gravare quam sæpissime facere. maxime autem assequere quod vis, si me adduxeris, ut existimem, me bonorum ^{b.}judicium non funditus perdidisse. quamquam quid tu in eo potes? nihil scilicet. sed, si quid res dabit tibi facultatis, id me maxime consolari poterit: quod nunc quidem video non esse; sed si quid, ex eventis; ut hoc nunc accidit. dicebar debuisse cum Pompeio proficisci. exitus illius minuit ejus officii prætermisii reprehensionem. sed ex omnibus nihil magis tamen desideratur, quam quod ³³in Afri-

²⁸ Gr. tuæ m. litteræ sunt - - perscripsisti.] In hac structura et forma orationis Cicero videtur scripsisse fuerunt, ut alibi.

²⁹ Post discessum tribunorum.] In principio belli civilis, cum ab urbe fugerant timore Cæsaris. Causa: quod in istis legibus jus intercedendi non valuisset, adeoque impediri leges malæ non potuissent.

³⁰ Ut ad me scriberet, ut.] Primum ut melius abesset, ut aliis locis similibus abest.

³¹ Et Lælium.] D. Lælium Pompeianum. v. Clay.

³² Re ipsa excipi.] Alii libri scr. et edd. res ipsa. non male.

³³ In Africam non ierim.] Cum Pompeiani me imperatorem dixissent, ut qui plus omnibus in illo bello vidissem.

cam non ierim. iudicio hoc sum usus, non esse barbaris auxiliis fallacissimæ gentis rempublicam defendendam, præsertim contra exercitum sæpe victorem. non probant fortasse. multos enim viros bonos in Africam venisse audio, et scio fuisse antea. ³⁴valde hoc loco urgeor. ³⁵hic quoque opus est casu, aliqui sint ex iis, aut, si potest, omnes, qui salutem anteponant. nam si perseverant et obtinent; quid nobis futurum sit, vides. dices, quid illis, si victi erunt? honestior est plaga. Hæc me excruciant. Sulpicii autem consilium, non scripsisti, cur meo non anteponeres: quod etsi non tam gloriosum est, quam Catonis, tamen et periculo vacuum est, et dolore. Extremum est eorum, qui in Achaia sunt. ii tamen ipsi se hoc melius habent, quam nos, quod et multi sunt uno in loco; et cum in Italiam venerint, ³⁶domum statim venerint. Hæc tu perge, ut facis, mitigare, et probare quamplurimis. Quod te excusas: ego vero et tuas causas nosco; et mea interesse puto, te istic esse, vel ut cum iis, quibus oportebit, agas, quæ erunt agenda de nobis, ut ea quæ egisti; in primisque hoc velim animadvertas. multos esse arbitror, qui ad Cæsarem detulerint, delaturive sint, me aut pœnitere consilii mei, aut non probare, quæ fiant: quorum etsi utrumque verum est; tamen ab illis dicitur animo a me alienato, non quo ita perspexerint. sed totum ut hoc Balbus sustineat, et Oppius, et eorum

p. 175. ^a crebris litteris illius voluntas erga me confirmetur, et hoc plane ut fiat, diligentiam adhibebis. Alterum est, cur te nolim discedere; ³⁷quod scribis Tulliam efflagitare. o rem miseram! quid scribam? aut quid velim? breve faciam. lacrymæ enim se subito profuderunt. tibi permitto: tu consule. tantum vide, ne hoc temporis tibi obesse aliquid possit. ignosce, obsecro te: non possum præ fletu et dolore diutius in hoc loco commorari. tantum dicam, nihil mihi

³⁴ Valde hoc loco urgeor.] Abeundumne sit in Africam, nec ne: sed videtur inclinasse in illud. nam mox Sulpicii consilium opponit suo: atqui Sulpicias in Italia manserat, nec in Africam ierat cum aliis viris bonis.

³⁵ Hic quoque opus est casu.] Hoc mihi non satis convenire videtur sequentibus. nam casus est in hoc: nam si perseverant, &c. Verbo, non intelligo locum, nec satisfaciunt interpretes.

³⁶ Domum statim venerint.] Sc. venia

a Cæsare impetrata statim Romam ire poterunt, cum ipse Brundisii sedeam miser.

³⁷ Quod scribis te flagitari.] Hoc sanum esse non potest: nam sensum nullum habet. Segnentia ostendunt, sermonem esse de Tullia: mox: quam quod cum diligis. edd. pr. habent q. scribis efflagitare, ut et libri scr. quidam te flagitare. unde et alii jam conjicere Tulliam te flagitare, nuper et Tunstallus Tulliam efflagitare sc. ut matres in Italia: quod placet, nec dubitavi recipere, cum sit certius vulgato.

gratius esse, quam quod eam diligis. Quod ³⁸litteras, quibus putas opus esse, curas dandas; facis commode. Quintum filium vidi, qui Sami vidisset, patrem Sicyone: quorum deprecatio est facilis. utinam illi, ³⁹qui prius illum viderint, me apud eum velint adjutum tantum, quantum ego illos vellem, si quid possem! Quod rogas, ut in bonam partem accipiam, si qua sint in tuis litteris, quæ me mordeant: ego vero in optimam; teque rogo, ut aperte, quemadmodum facis, scribas ad me omnia, idque facias quam sæpissime. Vale. XIV Kalend. Januar.

CICERO ATTICO S.

8

QUANTIS curis afficiar, etsi profecto vides; tamen cognosees ex Lepta et Trebatio. maximas poenas pendo temeritatis meæ; quam tu prudentiam mihi videri vis: neque te deterreo, quo minus id disputes, scribasque ad me quam sæpissime. nunnihil enim me levant tuæ litteræ hoc tempore. Per eos, qui nostra causa volunt, valentque apud illum, diligentissime contendas opus est, per Balbum et Oppium maxime, ut ⁴⁰de me scribant quam diligentissime. ^{b.} oppugnamur enim, ut audio, et præsentibus quibusdam, et per litteras. iis ita occurrendum, ut rei magnitudo postulat. Furnius est illie, mihi inimicissimus. Quintus misit filium non solum sui deprecatorem, sed etiam accusatorem mei. dictitat, se a me apud Cæsarem oppugnari: quod refellit Cæsar ipse, omnesque ejus amici. neque vero desistit, ubicumque est, omnia in me maledicta conferre. nihil mihi umquam tam incredibile accidit, nihil in his malis tam acerbum. qui ex ipso audissent, cum Sicyone palam multis audientibus loqueretur, nefaria quædam ad me pertulerunt. ⁴¹nosti genus, etiam expertus es fortasse: in me id est omne conversum. sed augeo commemorando dolorem, et facio etiam tibi. quare ad illud redeo; cura, ut hujus rei causa, dedita opera, mittat aliquem Balbus. ad quos vi-

³⁸ Litteras - - curas dandas.] Nempe, meo nomine scriptas, ut supra, et in fine hujus epistolæ.

³⁹ Qui prius illum viderunt.] Aut viderint, ut Corrado placuit, legendum, aut videbunt, ut Grevio. viderunt non potest stare propter rō velint: itaque viderint rescipsi, ut quam minimum a vulgato recederem. Sed sic in Mss. regius esse tra-

dit Alemannus.

⁴⁰ De me scribant quam dil.] Ad Cæsarem, deprecandi, commondandi causa.

⁴¹ Nosti genus, etiam expertus es f.] Varie hic locus et interpolatus est in libris et vexatus conjecturis. hæc est lectio ed. Rom. quam servavimus. Pertinet autem ad familiam Q. fratris.

debitur; velim cures litteras meo nomine. Vale. vi Kal. Januar.

9

CICERO ATTICO S.

EGO vero et incaute, ut scribis, et celerius, quam oportuit, ⁴²feci, nec in ulla sum spe; quippe qui exceptionibus edictorum ⁴³retinear: quæ si non essent sedulitate effectæ, et benivolentia tua, liceret mihi abire in solitudines aliquas. nunc ne id quidem licet. quid autem me juvat, quod ⁴⁴ante initum tribunatum veni, si ipsum, quod veni, nihil juvat? jam, quid sperem ab eo, qui mihi amicus numquam fuit; ⁴⁵cum jam lege etiam sim confectus et oppressus? quotidie jam Balbi ad me litteræ languidiores; multæque multorum p. 176. ad illum, fortasse contra me. meo vitio pereo. nihil mihi ⁴⁶mali casus attulit: omnia culpa contracta sunt. ego enim, cum genus belli viderem, imparata et infirma omnia contra paratissimos, ⁴⁷sciveram, (quid facerem?) ceperamque consilium non tam forte, quam mihi præter ceteros concedendum. ⁴⁸cessi meis, vel potius parui: ex quibus unus quamente fuerit, is, quem tu mihi commendas, cognoscas ex ipsius litteris, quas ad te et ad alios misit: quas ego numquam aperuissem, nisi res acta sic esset. Delatus est ad me fasciculus: solvi, si quid ad me esset litterarum: nihil erat: epistola Vatinio et Ligurio altera: jussi ad eos deferri: illi ad me statim ardentes dolore venerunt, scelus hominis clamantes: epistolas mihi legerunt plenas omnium in me probrorum. hic Ligurius furere. se enim scire, summo illum in odio fuisse Cæsari: illum tamen ⁴⁹non modo favisse, sed et tantam illi pecuniam dedisse honoris mei

⁴² Feci.] Ut in Italiam redirem.

⁴³ Retinear.] Ut ex Italia exire non possim: quia in edicto Antonii scriptum erat, ut nemini Pompeianorum in Italia esse liceret, præter D. Lælium et Ciceronem. nam si eo beneficio non uteretur, timenda erat perpetua Cæsaris ira: quod erat periculosum nimis.

⁴⁴ Ante initum trib.] Nempe id fecerat, ne tribuni novi, aliquid in absentes statuendo, eum excluderent Italia.

⁴⁵ Cum jam lege etiam, &c.] Hoc non coluerat antecedentibus. Puto legendum *cujus jam l. e. sum confectus*, &c. *sum habet* ed. Rom. quod et correctioni nostræ favet. Intelligenda autem lex Dolabellæ aliqua. nam ad eum pertinet superius.

⁴⁶ Sciveram.] I. e. decreveram. Sic edd. pr. Rom. Jens. Ald. &c. Victorius edidit *iveram*, quod et P. Manutius retinuit, sed in notis post repudiavit, et *quieveram* prætulit, quod Bosio placuerat. Tanstallus, p. 111, corrigit *siveram*: quod verum puto.

⁴⁷ Cessi meis.] Post illa sc. et profectus sum ad Pompeium. mox *unus* est Q. frater.

⁴⁸ Non modo favisse.] Sic habet ed. Rom. quod et Grævius in Mss. suis reperit atque edidit. In ed. Jens. errore operarum editum est *fuisse*: unde factum a seqq. *favisse*: quod nimium est pro re et contextu. *favit* Quinto Cæsar, legationem ei dando.

causa. hoc ego dolore accepto, volui scire, quid scripsisset ad ceteros. ipsi enim illi putavi perniciosum fore, si ejus hoc tantum scelus percrebuisset. cognovi ejusdem generis: ad te misi: quas si putabis illi ipsi utile esse reddi, reddes; nil me lædet. nam quod resignatæ sunt; ⁴⁹ habet, opinor, ejus signum Pomponia. Hac ille acerbitate initio navigationis cum usus esset, tanto me dolore affecit, ut postea jacuerim: neque nunc tam pro se, quam contra me, laborare dicitur. ita omnibus rebus urgeor; quas sustinere vix possum, vel plane nullo modo possum. quibus in miseris una est pro omnibus, quo-ⁱ ⁵⁰ istam miseram, patrimonio, fortuna omni spoliata relinquam. quare te, ut polliceris, videre plane velim. alium enim, cui illam commendem, habeo neminem; quoniam matri quoque cadem intellexi esse parata, quæ mihi. sed, si me non offendes, satis tamen habeto commendatam, patrumque in ea, quantum poteris, mitigato. Hæc ad te die natali meo scripsi: quo utinam susceptus non essem, aut ne quid ex eadem matre postea natum esset! plura scribere fletu prohibeor.

CICERO ATTICO S.

10

AD meas incredibiles ægritudines aliquid novi accedit ex iis, quæ de Q. Q. ad me afferuntur. P. Terentius, meus necessarius, ⁵¹ operas in portu et scriptura Asiæ pro magistro dedit. is Quintum filium Ephesi vidit VI Id. Decemb. eumque studiose propter amicitiam nostram invitavit; cumque ex eo de me ⁵² cunctaretur, cum sibi ita dixisse narrabat, se mihi esse inimicissimum; volumenque sibi ostendisse orationis, quam apud Cæsarem contra me csset habiturus: multa a se dicta contra ejus amentiam: multa postea Patris consimili scelere secum Quintum patrem locutum: cujus furorem ex iis epistolis, quas ad te misi, perspicere potuisti. hæc tibi dolori esse ⁵³ certo scio:

49 *Habet o. ejus signum Pomponia.*] Quo rursus obsignari potest.

50 *Istam miseram, patrim. fort. o. spol. rel.*] Edd. pr. addunt post *miseram*, partii: Grævius et in Ms. reperit *perit*, unde bene coniecit legendum *patre, patrim. f.*

51 *Operas - - dedit.*] Edd. pr. addunt *magnas*, quod recte deletam male revocavit Grævius, putans illum Terentium publicanum fuisse, et dici magnas operas dedisse, quia majorem vectigalium partem

conduxerit. pessimo. *Operas dant ministri publicanorum, in portu portitores: et in eorum numero est etiam, Pronagistro qui dicitur. Recte Lambinus improbavit, etsi in Mss. et ipse repererat.*

52 *Cunctaretur.*] Margo Cratandri *per-cunctaretur.*

53 *Certo scio.*] Hoc verum. Sic habent Ald. Crat. P. Manut. Vict. edd. pr. certe, quod male revocatum a recentioribus.

me quidem excruciant, et eo magis, quod mihi cum illis ne querendi quidem locum futurum puto. De Africanis rebus longe alia nobis, ac tu scripseras, nuntiantur. nihil enim firmitus esse dicunt, nihil paratius. ⁵⁴accedit Hispania, et alienata Italia; legionum nec vis eadem, nec voluntas; urbanæ res perditæ. quid est, ubi acquiescam, nisi quam diu tuas litteras lego? quæ essent profecto crebriores, si quid haberes, quo putares meam molestiam minui posse. sed tamen te rogo, ne intermittas scribere ad me, quidquid erit, ^{p. 177.} ^{a.}cosque, qui mihi tam crudeliter inimici sunt, si odisse non potes, accuses tamen; non ut aliquid proficias, sed ut me tibi carum esse sentiant. Plura ad te scribam, si mihi ad eas litteras, quas proxime ad te dedi, rescripseris. Vale. xii Kal. Febr.

11

CICERO ATTICO S.

CONFECTUS jam cruciatu maximorum dolorum, ne, si sit quidem, quod ad te debeam scribere, facile id exequi possim; hoc minus, quod res nulla est, quæ scribenda sit; cum præsertim ne spes quidem ulla ostendatur, fore melius. ita jam ne tuas quidem litteras exspecto: quamquam semper aliquid afferunt, quod velim. quare tu quidem scribito, cum erit, cui des: ego tuis proximis, quas tamen jam pridem accepi, nihil habeo, quod rescribam. longo enim intervallo video immutata esse omnia: illa esse firma, quæ debeant, nos stultitiæ nostræ gravissimas poenas pendere. P. Sallustio curanda sunt II-S xxx, quæ accepi a Cn. Sallustio. velim videas, ut sine mora curentur. de ea re scripsi ad Terentiam. atque hoc ipsum jam prope consumptum est. quare id quoque velim, cum illa videas, ut sit, qui utamur. ⁵⁵hic fortasse potero sumere, si sciam istuc paratum fore. sed prius, quam id scirem, nihil sum ausus sumere. Qui sit omnium rerum status noster, vides. nihil est mali, quod non et sustineam et exspectem. quarum rerum eo gravius est dolor, quo culpa maior. Ille in Achaia non cessat

⁵⁴ *Accedit Hispania.*] Non potest esse sermo de bello Pompeii filii in Hispania: id tam nondum coeperat: intelligendus Q. Cassius Longinus, qui Hispanos alienaverat. de quo vid. Hirtius Bell. Alex. c. 48.

⁵⁵ *Hic f. p. sumere, si sciam istuc paratum fore.*] Hic possum pecuniam mihi necessariam matram sumere, si sciam, Romæ vos reperisse, qui solveret creditori meo per attributionem, ut ante in Sallustio.

de nobis detrabere. nihil videlicet tuæ litteræ profecerunt.
Vale. VIII Id. Mart.

CICERO ATTICO S.

12

CEPHALIO mihi a te litteras reddidit a. d. IIX Id. Mart. vespere. eo autem die mane tabellarios miseram, quibus ad te dederam litteras. tuis tamen lectis litteris, putavi aliquid rescribendum esse, maxime, quod ostendis, te pendere animi, quamnam rationem sim Cæsari allaturus profectionis meæ tum, eum ex Italia discesserim. nihil opus est mihi nova ratione. sæpe enim ad eum scripsi, multisque mandavi, non potuisse, cum ⁵⁶eupissem, sermones hominum sustinere; multaque in eam sententiam. nihil enim erat, quod minus eum vellem existimare, quam me tanta de re non meo consilio usum esse. postea, eum mihi litteræ a Balbo Cornelio minore missæ essent, illum existimare, Quintum fratrem lituum meæ profectionis fuisse: ita enim scripsit: qui nondum egnossem, quæ de me Quintus scripsisset ad multos: etsi multa præsens in præsentem acerbe dixerat et fecerat: tamen ⁵⁷Nilo meo his verbis ad Cæsarem scripsi.

De Quinto fratre meo non minus laboro, quam de me ipso: sed eum tibi commendare hoc meo tempore non audeo. illud duntaxat tamen audebo petere abs te, quod te oro, ne quid existimes ab illo factum esse, quo minus mea in te officia constarent, minusve te diligerem, potiusque semper illum auctorem nostræ conjunctionis fuisse, meique itineris comitem, non ducem. quare ceteris in rebus tantum ei tribues, quantum humanitas tua, amicitiaque vestra postulat. ego ei ne quid apud te obsim, id te vehementer etiam atque etiam rogo.

Quare, si quis congressus fuerit mihi cum Cæsare, (etsi non dubito, quin is lenis in illum futurus sit, idque jam declaraverit,) ego tamen is ero, qui semper fui. sed, ut video, multo magis est nobis laborandum de Africa; quam quidem tu scribis ⁵⁸confirmari quotidie magis ad conditionis

p. 178.
a.

⁵⁶ Cupissem.] Sic, non cupissem, habent edd. pr.

⁵⁷ Nilo meo.] Sic de Bosii correctione editum est. sed id non convenit reliquis. deberet esse per Nilum sc. libertum Cicronis. nec placet Gravii correctio nihilo minus: nam id est jam in. tamen.

nihil certi hic est. pro scripsi ed. Jous. rescripsi.

⁵⁸ Confirmari magis ad c. spem, quam victoria.] Confirmari mihi non videtur aptum esse reliquis, quæ converti aut simile quid requirunt.

spem, quam victoriæ. quod utinam ita esset! sed longe aliter esse intelligo; teque ipsum ita existimare arbitror, aliter autem scribere, non fallendi, sed confirmandi mei causa, præsertim cum adjungatur ad Africam etiam Hispania. Quod me admones, ut scribam ad Antonium, et ad ceteros: si quid videbitur tibi opus esse, velim facias id, quod sæpe fecisti. nihil enim mihi venit in mentem, quod scribendum putem. Quod me audis fractionem esse animo: quid putas, cum videas accessisse ad superiores ægritudines præclaras ⁵⁹ generi actiones? Tu tamen velim ne intermittas, quoad ejus facere poteris, scribere ad me, etiam si rem, de qua scribas, non habebis. semper enim afferunt aliquid mihi tuæ litteræ. Galeonis hereditatem crevi. puto enim cretionem simplicem fuisse, quoniam ad me nulla missa est. 11X Id. Mart.

13

CICERO ATTICO S.

A MURENÆ liberto nihil adhuc acceperam litterarum. P. Siser reddiderat eas, quibus rescribo. De Servii patris litteris quod scribis, item, Quintum in Syriam venisse, quod ais, esse qui nuntient; ne id quidem verum est. Quod certiore te vis fieri, quo quisque in me animo sit, b. aut fuerit eorum, qui huc venerunt; neminem alieno intellexi. sed, quantum id mea intersit, existimare te posse ⁶⁰ certo scio. mihi eum omnia sunt intolerabilia ad dolorem, tum maxime, quod in eam causam venisse me video, ut ea sola utilia mihi esse videantur, quæ semper nolui. P. Lentulum patrem Rhodi esse ajunt, Alexandriæ filium; Rhodoque Alexandriam C. Cassium profectum esse constat. Quintus mihi per litteras satisfacit, multo asperioribus verbis, quam cum gravissime accusabat. ait enim, se ex litteris tuis intelligere, tibi non placere, quod ad multos de me asperius scripserit: itaque se poenitere, quod animum tuum offenderit: sed se jure fecisse, deinde perscribit spurcissime, quas ob causas fecerit. sed neque hoc tempore, nec antea patefecisset odium suum in me, nisi omnibus rebus me esse oppressum videret. atque utinam vel nocturnis, quemadmodum tu scripseras, itineribus propius te accessissem! nunc nec ubi, nec quando te sim visurus, possum suspicari. De coheredibus Fufidianis nihil fuit, quod ad

⁵⁹ Generi actiones.] In tribunatu. v. ep. 23.

⁶⁰ Certo scio.] Vulgo certe. male, ut alibi. illud habet ed. Rom.

me scriberes. nam et æquum postulant; et, quidquid egisses, recte esse actum putarem. ⁶¹ De fundo Frusinati redimendo jam pridem intellexisti voluntatem meam: etsi tum meliore loco res erant nostræ, ⁶² neque desperaturi mihi ita videbamur; tamen in eadem sum voluntate. id quicquid fiat, tu videbis. et velim, quoad poteris, consideres, ut sit, unde nobis suppedientur sumtus necessarii. si quas habuimus facultates, eas Pompeio tum, cum id videbamur sapienter facere, detulimus. itaque tum et a tuo villico sumsimus, et aliunde mutuati sumus, cum Quintus quereretur per litteras, sibi nos nihil dedisse; qui neque ab illo rogati sumus, ⁶³ neque ipsi eam pecuniam aspeximus. sed velim videas, quid sit, quod confici possit, quidque mihi de omnibus des consilii: et causam nosti. Plura ne scribam, dolore impediatur. si quid erit, quod ad quos scribendum meo nomine putas, velim, ut soles, facias: ⁶⁴ quotiesque habebis, cui des ad me litteras, nolim prætermittas. Vale.

p. 179.
a.

CICERO ATTICO S.

14

NON me offendit veritas litterarum tuarum, quod me, cum communibus, tum præcipuis malis oppressum, ⁶⁵ ne incipis quidem, ut solebas, consolari, faterisque id fieri jam non posse. nec enim ea sunt, quæ erant antea, cum, ut nihil aliud, ⁶⁶ comites me et socios habere putabam. omnes enim ⁶⁷ Achaici deprecatores, item qui in Asia, quibus non erat ignotum, etiam quibus erat, in Africam dicuntur navigaturi. ita præter Lælium, neminem habeo culpæ socium: qui tamen hoc meliore in causa est, quod jam est receptus. de me autem, non dubito, quin ad Balbum et ad Oppium scripserit: a quibus, si quid esset lætius, certior factus essem: tecum etiam essent locuti: quibuscum tu de hoc ipso colloquare velim, et ad me, quid tibi responderint, scribas: non quod ab isto salus data quidquam habitura sit firmitu-

61 De fundo Frusinati.] V. ep. 5.

62 Neque desperaturi mihi ita videbamur.] Hæc est lectio ed. Rom. quæ mihi aliis faciliior et melior visa est. Vulgata hodie, neque tam mihi desperatum iri videbantur, est a Bosio e codd. ejus. Grævius e vestigiis codd. suorum edidit: neque tum mihi desperatum ita videbatur: in quo desperatum sic simpliciter positum non placet.

63 Neque ipsi eam pec. aspeximus.] Nam statim tota Pompeio data erat.

64 Quotiesque hab.] Edd. pr. quotiescunque, quod et Grævius restituit e codd. suis. sed quotiesque melius videtur. nam ita conjungitur cum antecedentibus aptius.

65 Ne incipis quidem.] Non satis placet rō incipis, pro instituis, conaris.

66 Comites et socios.] Reditus in Italiam.

67 Achaici deprecatores.] Pompeiani, qui in Achaia erant, et veniam a Cæsare petebant, v. ep. 16. quam et adepti sunt. v. ad Div. XV, 15.

dinis; sed tamen aliquid consuli et prospici poterit. etsi omnium conspectum horreo, praesertim hoc genero; tamen, in tantis malis quid aliud velim, non reperio. Quintus pergit, ut ad me et Pansa scripsit, et Hirtius: isque item Africam petere cum ceteris dicitur. Ad Minucium ⁶⁸Tarentum scribam, tuas litteras mittam. ad te scribam, ⁶⁹numquid egerit. H-S xxx potuisse mirarer, nisi multa ⁷⁰de b. Fufidianis praediis. ⁷¹et id video tamen. Te exspecto; quem videre, si ullo modo potest, (poscit enim res,) pervellem. jam extremum concluditur. Tibi facile est, ⁷²quid, quale sit gravius, existimare. Vale.

15

CICERO ATTICO S.

QUONIAM justas causas affers, quod te hoc tempore videre non possim: quaeso, quid sit mihi faciendum. ⁷³ille enim ita videtur Alexandriam tenere, ut eum scribere etiam pudcat de illis rebus. Hi autem ex Africa jam affuturi videntur; Achæi, item ex Asia redituri ad eos, aut libero aliquo loco commoraturi. quid mihi igitur putas agendum? video difficile esse consilium. sum enim solus, aut cum altero, cui neque ad illos reditus sit, neque ab his ipsis quidquam ad spem ostendatur. sed tamen scire velim, quid censeas: idque erat cum aliis, cur te, si fieri posset, cuperem videre. Minucium XII sola curasse, scripsi ad te antea: ⁷⁴quod superest, velim videas, ut curetur. Quintus non modo non cum magna prece ad me, sed acerbissime scripsit: filius vero mirifico odio. nihil fingi potest mali, quo non urgear. omnia tamen sunt faciliora, quam peccati dolor, qui et maximus est, et æternus: cujus peccati si socios essem habiturus ego, quos putavi, tamen esset consolatio tenuis. sed habet aliorum omnium ratio exitum, mea

68 Tarentum scribam.] Sic. e J. F. Gronovii correctione edidit filius, pro vulgato parentem. recte. faveat lectio antiquior parentum, inprimis in ed. Rom. quæ habet Parentum, ut appareat nomen proprium esse. P. et T. in libris antiquis, praesertim in nominibus, non raro permutantur.

69 Numquid egerit.] I. e. pecuniam, quam petii, consecorit.

70 De Fufidianis praediis.] Vendita sunt, et ita pecunia facta.

71 Et id video tamen, &c.] Reccepi correctionem Grævianam e vestigiis librorum: quæ tamen intelligi potest. Lec-

tiones omnes aliae sensum nullam habent, suntque manifeste vitiosæ. Mox et ex ejus correctione edidi Tibi, pro vulgato ibi, vel ubi in ed. Rom. ante pro pervellem malim pervelim.

72 Quid, quale sit gravius.] Quale verum esse non potest. Non dubito, corrigendam esse quare, quid sit gravius, et quare.

73 Ille enim.] Cæsar. post ex edd. pr. dedi Hi pro ii. oppositur rō ille.

74 Quod superest.] Sc. de xxx H-S. curatis XII. i. e. xviii H-S.

nullum. alii capti, alii interclusi non veniunt in dubium de voluntate, eo minus scilicet, cum se expedierint, et una esse coeperint. ii autem ipsi, qui sua voluntate ⁷⁵ ad Fufium venerunt, nihil possunt, nisi timidi, existimari. multi autem sunt, qui, ⁷⁶ quicumque sunt, modo ad illos se recipere volent, recipiuntur. quo minus debes mirari, non posse me tanto dolori resistere. solius enim meum peccatum corrigi non potest, et fortasse Lælii. sed quid me id levat? ⁷⁷ C. quidem Cassium ajunt consilium Alexandriam eundi mutavisse. Hæc ad te scribo, non ut queas tu demere sollicitudinem, sed ut cognoscam, ecquid tu ad ea afferas, quæ me conficiunt: ad quæ gener accedit, et cetera, quæ, fletu reprimor, ne scribam. quin etiam Æsopi filius me excruciat. prorsus nihil abest, quin sim miserrimus. sed ad primum revertor: quid putes faciendum; occultene aliquo propius veniendum, an mare transeundum. nam hic maneri diutius non potest. De Fufidianis quare nihil potuit confici? ⁷⁸ genus enim conditionis ejusmodi fuit, in quo non solet esse controversia; cum ea pars, quæ videtur esse minor, licitatione expleri posset. hæc ego non sine causa quæro. suspicor enim, coheredes dubiam nostram causam putare, et eo rem in integro esse. Vale. Pridie Idus Mai.

CICERO ATTICO S.

16

NON meo vitio fit, hoc quidem tempore, (ante enim est peccatum,) ut me ⁷⁹ ista epistola nihil consoletur. nam et exigue scripta est, et suspensiones magnas habet, non esse ab illo; quas animadvertisse te existimo. De obviam itione ita faciam, ut suades. ⁸⁰ neque enim valde de adventu ejus opinio est; neque, si qui ex Asia veniunt, quidquam auditum esse dicunt de pace: cujus ego spe in hanc fraudem incidi. nihil video, quod sperandum putem, nunc præ-

⁷⁵ Ad Fufium.] Calenum, Achaia: a Cæsare præpositum post pugnam Pharsalicam.

⁷⁶ Quicumque sunt, modo, &c.] Mss. duo regii Paris. quocumque sunt modo: unde Alemannus fecit, quocumque modo ad illos se, &c.

⁷⁷ C. quidem Cassium.] Grævius edit Equidem Cassium, male. non patitur ajunt. melius Alemannus e Mss. duobus: Num C. quidem.

⁷⁸ Genus conditionis.] Sc. dividendæ hereditatis: cum portiones fieri æquales

non possent, ut licitatione pretium constitueretur, atque ita portiones æquales fierent, pecunia addita portioni minori ad eam ceteris æquandam: quæ conditio in testamento præscripta videtur fuisse.

⁷⁹ Ista epistola.] Quæ mihi missa est, tamquam a Cæsare scripta.

⁸⁰ Neque valde - opinio est.] Edd. pr. neque enim valde adventu ejus. cui additum est de. Sed durum est, valde est opinio. Lambinus corrigit ulla de a. e. o. est, quod placet Grævio: etiam mihi. Brutus etiam recepit in textum.

sertim, cum ea plaga ⁸¹ in Asia sit accepta, in Illyrico, in Cassiano negotio, in ipsa Alexandria, in urbe, in Italia. ego vero, etiamsi rediturus ille est, qui adhuc bellum gerere dicitur, tamen ante reditum ejus ⁸² negotium confectum iri puto. Quod autem scribis, quandam lætitiā bonorum esse commotam, ut sit auditum ⁸³ de litteris; tu quidem nihil prætermittis, in quo putes aliquid solatii esse: sed ego non adducor, quemquam bonum ullam salutem putare mihi tanti fuisse, ut cam ⁸⁴ peterem ab illo, et eo minus, quod ⁸⁵ hujus consilii jam ne socium quidem habeo quemquam. Qui in Asia sunt, rerum exitum exspectant. Achaici etiam Fufio spem deprecationis afferunt. horum et timor idem fuit primo, qui meus, ⁸⁶ et constitutum. mora Alexandrina ⁸⁷ causam illorum correxit, meam evertit. quamobrem idem a te nunc peto, quod superioribus litteris, ut, si quid in perditis rebus dispiceres, quod mihi putares faciendum, me moneres. si recipior ab his, quod vides non fieri; tamen, quoad bellum erit, quid agam, aut ubi sim, non reperiō: sin jactor, eo minus. itaque tuas litteras exspecto; easque ut ad me sine dubitatione scribas, rogo. Quod suades, ut ad Quintum scribam de his litteris: facerem, si me quidquam istæ litteræ delectarent. etsi quidam scripsit ad me his verbis: *Ego, ut in his malis, Patris sum non invitus: essem libentius, si frater tuus ea de te loqueretur, quæ ego audire vellem.* Quod ais illum ad te scribere, me sibi nullas litteras remittere; semel ab ipso accepi: ad eas Cephalioni dedi, qui multos menses tempestatibus retentus est. Quintum filium ad me acerbissime scripsisse, jam

81 In Asia.] Ubi Pharnaces Domitium Calenum, Asiæ præfectum, vicerat: in Illyrico, victo Gabinio a barbaris: in Cassiano negotio, in Cassii discordia cum Marcello (uterque Cæsaris præfectus erat in Hispania): in i. Alexandria, cum Cæsaris milites ab Alexandrinis fusi essent, ipse in magno periculo fuisset, de quo et supra dixit: in urbe per dissidia tribunorum, absente Cæsare: in Italia per Antonium, de quo supra.

82 Negotium confectum iri.] De bello civili, ut id exitum habet.

83 De litteris.] Illis, quæ a Cæsare scriptæ dicebantur: de quibus in principio hujus ep.

84 Peterem ab illo.] Cæsare: quod sc. factum a Cicerone, ex illa epistola

colligebant. ab illo est a Manutio, edd. pr. habent ab ullo, quod Vict. Lamb. &c. servavere, estque et in Mss. fere. Sed id natum videtur ex antecedente ullam salutem, efficitque sententiam non probandam.

85 Hujus consilii.] De salute a Cæsare petenda.

86 Et constitutum.] Offendit hoc Ursinum, qui conjiciebat institutum, et nec displicet Ursini conjectura. consilium mihi in mentem venit: sed pro eo nemo librarins constitutum scripserit.

87 Causam ill. correxit.] Ut possint jam librius decernere, quid agere velint. meam evertit, deteriorem fecit, qui nimis properavi in Italiam redire, et jam ab omnibus reprehendor.

ante ad te scripsi. ⁸⁸ Extremum est, quod te orem, si putas rectum esse, et a te suscipi posse, cum Camillo communices, ut Terentiam moneatis de testamento. tempora monent, ut videat, ut satisfaciat, quibus debeat. auditum ex Philotimo est, ⁸⁹ eam scelerate quædam facere. credibile vix est. sed certe, si quid est, fieri possit, providendum est. de omnibus rebus velim ad me scribas: ⁹⁰ et maxime quid scribas de eo, in quo tuo consilio egeō, etiamsi nihil excogitas: ⁹¹ id enim mihi erit pro desperato. III Nonas Jun.

CICERO ATTICO S.

17

PROPERANTIBUS tabellariis alienis hanc epistolam dedi; eo brevior est, et, quod eram missurus meos. Tullia mea venit ad me pridie Idus Jun. deque tua erga se observantia benivolentiaque mihi plurima exposuit, litterasque reddidit trinas. ego autem ex ipsius virtute, humanitate, pietate non modo eam voluptatem non cepi, quam capere ex singulari filia debui; sed etiam incredibili sum dolore affectus, tale ingenium in tam misera fortuna versari, idque accidere nullo ipsius delicto, summa culpa mea. itaque a te neque consolationem jam, qua cupere te uti video, nec consilium, quod capi nullum potest, exspecto: teque omnia cum superioribus sæpe litteris, tum proximis tentasse intelligo. Ego cum Sallustio Ciceronem ad Cæsarem mittere cogitabam. Tulliam autem, non videbam esse causam, cur diutius mecum tanto in communi mœrore retinerem. ⁹² itaque matri eam, cum primum per ipsam liceret, eram remissurus. ⁹³ Pro ea, quam ad modum consolantis scripsisti, & τὰν, ea putato me scripsisse, quæ tu ipse intelligis b.

88 *Extremum est, quod te orem.*] Alibi dicit, *Extr. est, ut te orem.* si lectio sana est, verba sic struenda sunt: extremum, quod te orem, est hoc.

89 *Eam scelerate quædam facere.*] V. ad Div. IV, 14. propter quæ et scribit Plancio, se divortium facere velle.

90 *Et maxime quid scribas de ea.*] Sic edd. omnes, quod varie tentatur, sed nil certi aut melius affertur. Lenissimum erit legere eo pro ea: scribas quidem delegendum pnto, temere repetitum. quæ sequuntur, pertinent ad statum ejus præsentem, non ad uxorem. de hoc sibi vult aliquid scribi.

91 *Id enim mihi erit pro desperato.*] Desperato primus edidit Jens. at ed. Rom.

VOL. III. P. 11.

habet explorato: et libri scr. inter has lectiones fluctuant. res quidem postulat desperato: neque in quo tu nullum consilium excogitare potes, ejus nullam medellam esse putabo.

92 *Itaque matri eam, &c.*] Hoc est e Bosii correctione per conjecturam, quam recepit Gruterus. Lectio antiqua scr. et edd. est *Emolliam*. Corradus dedit *eram tibi eam*, quod secutus est Junius. Tunstallus, p. 181. *eam tibi jam*. Sed rōjam non convenit satis sequentibus, eam primum liceret.

93 *Pro ea, quam ad m. c. scr., &c.*] Locus vitiosus, et varie, sed frustra tentatus a viris doctis. Est sine libris melioribus insanabilis. piget conjecturas referre.

2 u

responderi p̄tuisse. Quod Oppium tecum scribis locutum, non abhorret a mea suspitione ejus oratio. sed non dubito, quin istis persuaderi nullo modo possit, ea, quæ faciant, mihi probari posse; quoquo modo loquar. ego tamen utar moderatione, qua potero. quamquam, quid mea intersit, ut eorum odium subeam, non intelligo. Te justa causa impediri, quo minus ad nos venias, video; idque mihi valde molestum est. Illum ab Alexandria discessisse, nemo nuntiat; constatque, ne profectum quidem ⁹⁴ illinc quemquam post Idus Mart. nec post Idus Decemb. ab illo datas ullas litteras. ⁹⁵ ex quo intelligis, illud, de litteris a. d. v Id. Febr. datis, (quod inane esset, etiamsi verum esset,) non verum esse. L. Terentium discessisse ex Africa scimus, Pæstumque venisse. quid is afferat, aut quo modo exierit, aut quid in Africa fiat, scire velim. dicitur enim per Nasidium emissus esse. id quale sit, velim, si inveneris, ad me scribas. De H-S x, ut scribis, faciam. Vale xix Kalend. Quint.

18

CICERO ATTICO S.

DE illius Alexandria discessu, nihil adhuc rumoris, contraque opinio, valde esse impeditum. itaque nec mitto, ut constitueram, Ciceronem, et te rogo, ut ⁹⁶ me hinc expeditas. quodvis enim supplicium levius est hac permansione. hac de re et ad Antonium scripsi, et ad Balbum, et ad Oppium. sive enim bellum in Italia futurum est, sive classibus utetur; hic esse me, minime convenit: quorum fortasse utrumque erit; alterum certe. intellexi omnino ex Oppii sermone, quem tu mihi scripsisti, quæ istorum via esset: sed, ut eam flectas, te rogo. nihil omnino jam exspecto, nisi miserum. sed hoc perditius, in quo nunc sum, fieri nihil potest. quare, et cum Antonio loquere, velim, ⁹⁷ et cum istis; et rem, ut poteris, expeditas; et mihi quamprimum de omnibus rebus rescribas. Vale xii Kal. Quint.

94 Illinc.] Secutus sum scripturam libri Faerniani, pro vulgato e Victorii conjectura illim. edd. pr. illo vel illi.

95 Ex quo intelligis, illud.] Delevi illud ante intelligis. nam est ineptum, et temere e seqq. huc tractum.

96 Me hinc expeditas.] Cures, ut hinc, Brundisio, abire possim, ubi supra se dixit jacere.

97 Et cum istis; et rem, ut p. exp.] Et ante rem delendum puto. et cum istis, rem ut p. exp.

CICERO ATTICO S.

19

⁹⁸CUM tuis dare possem litteras, non prætermisi: ⁹⁹etsi, quod scriberem, non habebam. tu ad nos et rarius scribis, quam solebas, et brevius: credo, quia nihil habes, quod me putes libenter legere, aut audire posse. verumtamen velim, si quid erit, quaecumque erit, scribas. est autem unum, quod mihi sit optandum, si quid agi de pace possit: quod nulla equidem habeo in spe. sed, quia tu leviter interdum significas, cogis me sperare, quod optandum vix est. Philotimus dicitur ¹⁰⁰Idib. Sext. nihil habeo de illo amplius. tu, velim, ad ea mihi rescribas, quæ ad te antea scripsi. mihi tantum temporis satis est, dum, ut in pessimis rebus, aliquid caveam, qui nihil umquam cavi. Vale. XI Kal. Sext.

CICERO ATTICO S.

20

SEPTIMO decimo Kal. Sept. venerat die XXXIX Seleucia Pieria ¹C. Trebonius, is qui se Antiochiæ diceret apud Cæsarem vidisse Quintum filium cum Hirtio. eos de Quinto, quæ voluissent, impetrasse nullo quidem negotio. quod ego magis gauderem, si ista nobis impetrata quidquam ad spem explorati haberent. sed et alia timenda sunt, ab aliisque, et ab hoc ipso. quæ dantur, ut a domino, rursus in ejusdem sunt potestate. etiam Sallustio ignovit. omnino dicitur nemini negare. ²quod ipsum est suspectum, notionem ejus differri. M. Gallius Q. F. mancipia Sallustio reddidit. is venit ut legiones in Siciliam traduceret: et protinus iturum Cæsarem Patris. quod si faciet, ego, ³quod ante mallem, aliquo propius accedam. tuas litteras ad eas, quibus a te proxime consilium petivi, vehementer exspecto. Vale. XVI Kal. Septemb.

CICERO ATTICO S.

21

ACCEPI VI Kal. Sept. litteras a te, datas XXI Kal. do-
loremque, quem ex Quinti scelere jampridem acceptum

⁹⁸ Cum tuis, &c.] Hanc epistolam in h. l. repositam primum a Victorio dicit Grævius. cum ante in vulgatis fuerit, 21. sed edd. pr. jam hic habent.

⁹⁹ Etsi, quod scriberem, n. hab.] Vulgg. quid, ut alibi, male.

¹⁰⁰ Idib. Sext.] Sc. ex Asia venturus.

¹ C. Trebonius, is qui se, &c.] Addidi

is, ut placebat Grævio ex Ms. Ball. at sic edd. pr. Rom. Jens. &c. nempe duo erant C. Trebonii.

² Quod ipsum est suspectum.] Mihi est suspectum est: sensus postulat facit, aut simile quid.

³ Quod ante mallem.] Me fecisse. sic non multo post ac mallem illum, int. venisse.

jam abjeceram lecta ejus epistola ⁴gravissimum cepi. tu etsi non potuisti ullo modo facere, ut mihi illam epistolam non mitteres: tamen mallet, non esse missam. Ad ea autem, quæ scribis de testamento, videbis, quid, et quo modo. De nummis et illa sic scripsit, ut ego ad te antea; et nos, si quid opus erit, utemur ex eo, de quo scribis. Ille ad Kal. Sept. Athenis non videtur fore. multa eum in Asia dicuntur morari, inmaxime Pharnaces. legio XII, ad quam primum Sulla venit, lapidibus egisse hominem dicitur. nullam putant se commoturam. illum arbitrantur protinus Patris in Siciliam. sed, si hoc ita est, huc veniat necesse est. ac mallet illum. ⁵aliquo enim hinc evasissem. nunc metuo, ^{p. 183.} ne sit exspectandum; et cum reliquis etiam loci gravitas ⁶hic miserrime perferenda. Quod me mones ut ea videam, quæ ad tempus accommodem: facerem, si res pateretur, et si ullo modo fieri posset. sed in tantis nostris peccatis, tantisque nostrorum injuriis, nihil est, quod aut facere dignum nobis, aut simulare possim. ⁶Sullana confers: in quibus omnia genere ipso præclarissima fuerunt, moderatione paullo minus temperata. hæc autem ejusmodi sunt, ⁷ut obliviscar mei; multoque malim, quod omnibus sit melius, ⁸quorum utilitati meam junxi. Tu ad me tamen velim quam sæpiissime scribas, eoque magis, quod præterea nemo scribit: ac si omnes, tuas tamen maxime exspectarem. Quod scribis, illum per me Quinto fore placatiorem: scripsi ad te antea, eum statim Quinto filio omnia tribuisse, nostri nullam mentionem. Vale.

22

CICERO ATTICO S.

DILIGENTER mihi fasciculum reddidit Balbi tabellarius. accepi enim a te litteras, quibus videris vereri, ut epistolas illas acceperim: quas quidem vellem mihi nunquam redditas. auxerunt enim mihi dolorem: nec ⁹si in

⁴ Gravissimum cepi.] An, quia illum dolorem ante abjectum dicit, legendum recepi?

⁵ Aliquo enim hinc evasi.] Delevi modo, cum Grævio, auctore Ms. Helmst.

⁶ Sullana confers.] Sc. tempora, quorum mala cum ferri potuerint, etiam hæc esse ferenda. genere ipso, quia pro nobilitate et optimatibus bellum gestam.

⁷ Ut obliviscar.] Mei addi voluit Manutius, probat Grævius, recepit et Bruttas. bene, puto. nam simpliciter dictum

intelligi non potest.

⁸ Q. utilitati meam junxi.] Durius hoc est. Grævius e vestigiis librorum ser. et edd. malebat quorum utilitatem meam duri. favent præter Ms. Helmst. edd. pr. quæ habent utilitatem meam. in qua meam duri non satis placet. dixisset ducio.

⁹ Si in aliquem incidissent.] In alium quem, ut alibi: si timere in alias, non meas manus venissent: quidquam attulissent novi, quod ei non ante notum fuisset.

aliquem incidissent, quidquam novi attulissent. quid enim tam pervulgatum, quam illius in me odium, et genus hoc litterarum? quod ne Cæsar quidem ad istos videtur misisse, ¹⁰[quasi] quo illius improbitate offenderetur, sed, credo, uti notiora nostra mala essent. Nam quod te vereri scribis, ne illi obsint, ¹¹eique rei mederi; ne rogari quidem se passus est de illo: quod quidem mihi molestum non est: illud molestius, istas impetrationes nostras nihil valere. Sulla, ut opinor, cras hic erit cum Messala. currunt ad illum pulsi a militibus; qui se negant usquam, ¹²nisi acceperint. ergo ille huc veniet: quod non putabant: tarde quidem. itinera enim ita facit, ¹³ut multos dies in oppidum ponat. Pharnaces autem, quoquo modo aget, asseret moram. quid mihi igitur censes? jam enim corpore vix sustineo gravitatem hujus cæli, qui mihi laborem affert in dolore. ¹⁴An his illuc euntibus mandem, ut me excusent, ipse accedam propius? quæso, attende; et me, quod adhuc sæpe rogatus non fecisti, consilio juva: scio rem difficilem esse: ¹⁵sed, ut in malis. etiam illud mea magni interest, te ut videam. profecto aliquid profecero, si id acciderit. De testamento, ut scribis, animadvertes.

CICERO ATTICO S.

23

¹⁶QUOD ad te scripseram, ut cum Camillo communicares, de eo Camillus mihi scripsit, ¹⁷te secum locutum. tuas litteras exspectabam. ¹⁸nisi illud quidem mutari. ¹⁹si aliter

¹⁰ Quasi quo ill. i. offenderetur.] Alterutrum, quasi aut quo, delendum: puto quasi, quia est glossa *quæ* quo, cui innox respondet uti. nuncius inclusi.

¹¹ Eique rei mederi.] Te cupere.

¹² Nisi acceperint.] Ad milites pertinet, intell. stipendia, prænemia.

¹³ Ut multos dies in oppidum ponat.] In oppidum quodque intelligere procliva est. Sed Manutius explicat, in itinere ab oppido in oppidum, dum in oppidum veniat aliquod, multos dies consumit: quod sane melius convenit verbis *itinera ita facit*.

¹⁴ An his illuc euntibus mandem.] His si verum est, referendum ad Messalam et Sullam, ad Cæsarem entes.

¹⁵ Sed ut in malis.] Recepi in cum aliis et Grevio. nam vulgatum non habet sensum aptum loco.

¹⁶ Quod ad te.] Hæc epistola post 25. scripta videtur. Sermo est de testa-

mento Terentiæ. v. ep. 16.

¹⁷ Te secum locutum.] Olim, cum in vulgatis esset *te cum eo locutum*, sc. ortum ex ed. Jens. in h. l. laborarunt viri docti, donec Bosius e Ms. protulit *se tecum* et ex alio *te secum*, illud prælatum est. at ego alterum prætuli, quod et ed. Rom. habet: quam nemo inspexerat. nam Cicero scripserat Attico, ep. 16. ut ipse cum Camillo loqueretur: huc factum scripserat Cicero-ni Camillus.

¹⁸ Nisi illud q. mutari.] Sc. testamentum Terentiæ potest. nisi, quod edidit Grævius, est in omnibus edd. vett. *ni* sic est a Bosin.

¹⁹ Si aliter est et oportet.] Sic ed. Jens. est ab ed. Rom. abost. Manutius correxit, *si aliter est ut op.* Grævius malit *ac*, non bene ante *oportet*. *aliter* et etiam alibi est, ut supra, X, 11. *si de puero aliter scripsisti et ad matrem*. — non video posse sc. mutari testamentum.

est et oportet, non video posse. ²⁰sed cum ab illo accepissem litteras, desideravi tuas. ²¹etsi putabam, te certiore factum non esse. modo valeres. scripseras enim, te quodam valitudinis genere tentari. Aeusius quidam Rhodo venerat iix Id. Quint. is nuntiabat, Quintum filium ad Cæsarem profectum iv Kal. Jun. Philotimum Rhodum pridie eum diem venisse; habere ad me litteras. ipsum Acusium audies, sed tardius iter faciebat. eo feci, ²²ut has eceleriter eunti darem. quid sit in iis litteris, nescio: sed mihi valde Quintus frater gratulatur. equidem ²³in meo tanto peccato

p. 184.

a.

nihil ne cogitatione quidem assequi possum, quod mihi tolerabile possit esse. Te oro, ut de hac misera cogites: et illud, de quo ad te proxime scripsi, ut aliquid conficiatur ad inopiam propulsandam, et etiam de ipso testamento. ²⁴illud quoque vellem antea: sed omnia timuimus. melius quidem in pessimis nihil fuit discidio. aliquid fecissemus, ²⁵ut vini, vel tabularum novarum nomine, vel nocturnarum expugnationum, vel Metellæ, vel omnium malorum: nec res perisset: et videremur aliquid doloris virilis habuisse. memini omnino tuas litteras, sed et tempus illud: etsi quidvis præstitit. nunc quidem ipse videtur denuntiare. audimus enim de statu reipublicæ. o dii! generumne nostrum potissimum, ut hoc, vel tabulas novas? placet mihi igitur, et idem tibi, nuntium remitti. petet fortasse tertiam pensionem. considera igitur, tuncne, ²⁶cum ab ipso nascetur, an prius. ego, si nullo modo potuero, vel nocturnis itineribus

20 *Sed cum a nullo a. l. desideravi tuas.* Inepta sententia est ex verbis a nullo. Corradus et Manutius recte coniecerunt ab illa se. Camillo: quod non dubitavi recipere. alii coniecerunt a Nilo, quod et receptum est in textum: in quo et Grævius reliquit, etsi illud probabat.

21 *Etsi putabam, te certiorum f. n. e.* Sc. esse, qui ad me iret, per quem litteras ad me mittere posses. Sic edd. pr. Vulgg. et sic p.

22 *Ut has eceleriter eunti darem.* Has dedi ex ed. Rom. quam nemo iussit: Jens. edidit eo, quod et in aliis libris receptum est: ex eo factum ego in edd. recentioribus, quod Grævius ut supervacuum delevit.

23 *In meo tanto peccato.* Quod admisi filia mea Dolabellæ locanda, ut et alibi vocat.

24 *Illud quoque vellem a.* De divortio Tulliarum cum Dolabella — sed omnia timuimus se. v. Dolabella.

25 *Ut vini, vel tab. n. n.* Ut vini est a Bosio, o Ms. tamen. edd. pr. omnes et plerique Mss. ut vini: quod et defendit Grævius, non bene. nam quod in his verbis querit, est in illo: videremur aliquid doloris virilis habuisse. requiritur verbum alienius culpæ, qualia sequuntur. vino ebrietas bene exprimitur. igitur vini servavi. Tuostallus, p. 183. corrigit vicinale. Metellæ: videtur pellex fuisse, vel adultera, denique ex edd. pr. perisset dedi pro periisset.

26 *Cum ab ipso nascetur.* Discidium, sc. quod ipsam denuntiaturam dixerat, et discidii faciendi occasio. Mox rectius potero legetur.

experiar, ut te videam. tu et hæc, et si quid erit, ²⁷ quod intersit mea scire, scribas velim. Vale.

CICERO ATTICO S.

24

QUÆ dudum ad me, et, quæ etiam ante bis ad Tulliam de me scripsisti, ea sentio esse vera. eo sum miserior, (etsi nihil videbatur addi posse,) quod mihi non modo irasci gravissima injuria accepta, sed ne dolere quidem ²⁸ impune licet. quare istud feramus. quod cum tulerimus, tamen eadem erunt perpetienda, quæ tu, ne accidunt, ut caveamus, mones. cænim est a nobis contracta culpa, ut omni statu, ²⁹ omnique populo eundem exitum habitura videatur. ³⁰ sed b. ad meam manum redi: dehinc enim hæc occultius agenda. vide quæso etiam nunc de testamento, quod tum factum, cum illa quærere creperat. ³¹ non credo te commoritur; neque enim rogarit, ne me quidem. sed quasi ita sit: quoniam in sermonem jam venisti, poteris eam monere, ut alicui committat, cujus extra periculum hujus belli fortuna sit. equidem tibi potissimum velim, si idem illa vellet: quam quidem celo miseram, me in hoc timere ³² de illo altero. Scio equidem venire nunc nil posse: sed seponi et occultari possunt, ut extra ruinam sint eam, quæ impendet. Nam quod scribis, ³³ nobis nostra et tua Tullia fore parata: tua credo: nostra quæ poterunt esse? de Terentia autem (mitto cetera, quæ sunt innumerabilia) quid ad hoc addi potest? scripseras, ³⁴ ut H-S XII permutaret; tantum esse reliquum de argento. misit illa cetero mihi, et adscripsit, tantum esse reliquum. cum hoc tam parvum de parvo detraxerit, per-

²⁷ Quod intersit me scire.] Legendum est mea. Malaspina sensit aliquid: sed me jungi vult cum scire. Sed sic Latini non dicunt.

²⁸ Impune liceat.] Scribendum siue dubio licet.

²⁹ Omnique populo.] I. e. quocumque sensu populus erit, alias dicit Cicero, quemcumque populum habeamus.

³⁰ Sed ad meam manum redi: dehinc.] Scil. hic cæpit sua manu scribere. Legitur sic e correctione Bosii. edd. pr. rediderint, nullo sensu. Manutius e Ms. rediero, etenim hæc, &c. quod secutus est Grævius.

³¹ Non credo te commoritur: neque e. rogarit.] Sic Bosius correxit vitiosam

edd. vet. lectionem. malim rogarit.

³² De illo altero.] De Dolabella, ne ille pecuniam Terentia auferret, aut ut Bosio placet, ne argentum et supellex Terentia surripiatur.

³³ Nobis nostra, et tua Ter.] Malim nostra nobis, et tua Ter. Ceterum pro Terentia cum Lambino dedi Tullia, quod res postulat et volebat etiam Bosius.

³⁴ Ut HS XII permutaret.] Bosius malebat permutare, sc. sumerem Brundisii, quæ redderentur Romæ a Terentia. Grævius vulgatum probat, ut Terentia pecuniam Romæ sulveret, quæ redderetur Ciceroni Brundisii. Verbum scripseras non sinit: quod ad Ciceronem pertinet. Si ad Terentiam pertineret, esset diversus.

spicis ³⁵ quid in maxima re fecerit? Philotimus non modo nullus venit, sed ne per litteras quidem, aut per nuntium certiore facit me, quid egerit. Epheso qui veniunt, ibi se cum de suis controversiis in jus adeuntem vidisse nuntiant: quæ quidem (ita enim verisimile est) in adventum Cæsaris fortasse rejiciuntur. ita aut nihil puto eum habere, quod putet ad me celerius perferendum, et eo ³⁶ me magis esse despectum: aut, etiamsi quid habet, id, nisi omnibus suis negotiis confectis, ad me referre non curat. ex quo magnum equidem capio dolorem, sed non tantum, quantum videor debere. nihil enim mea minus interesse puto, quam quid illinc afferatur. id quam ob rem, te intelligere ³⁷ certo scio. Quod me moues de vultu et oratione ad tempus accommodanda; etsi difficile est, tamen imperarem mihi, si mea quidquam interesse putarem. Quod scribis, litteris p. 185. a. ³⁸ putare Africanum negotium confici posse: ³⁹ vellem scriberes, cur ita putares: mihi quidem nihil in mentem venit, quare id putem fieri posse: tu tamen, velim, si quid erit, quod consolationis aliquid habeat, scribas ad me. sin, ut perspicio, nihil erit, scribas idipsum. ego ad te, si quid audiero citius, scribam. Vale. IIX Id. Sext.

25

CICERO ATTICO S.

FACILE assentior tuis litteris; quibus expois pluribus verbis, nullum te habere consilium, quo a te possim juvari. consolatio certe nulla est, quæ levare possit dolorem meum. nihil est enim contractum casu. nam id esset ferendum. sed omnia fecimus iis erroribus et miseriis et animi et corporis, quibus proximi utinam mederi ⁴⁰ maluissent. quam ob rem, quoniam neque consilii tui, neque consolationis cujusquam spes ulla mihi ostenditur, non quæram hæc a te posthac. tantum velim, ne intermittas: scribas ad me, quidquid veniet tibi in mentem, cum habebis, cui des,

³⁵ *Quid in maxima re f.*] In universa re sua et testamento, sc. eam iniquam in me et filiam fore.

³⁶ *Me - - despectum.*] Sc. a Cæsare, ut nihil Philotimus haberet, quod ad me scrib. ret.

³⁷ *Certo scio.*] Vulgg. recentiores certe. male. certo habent Ald. P. Manutius, Crat. Viet.

³⁸ *Putare Afr. n.*] Grævius malebat

putare te. bene.

³⁹ *Velim scriberes, cur i. putares.*] Legendum est *vellen*, sicque rescripsi. *velim* postulat scribas - - putes, ut mox.

⁴⁰ *Maluissent. quamobrem, quoniam, &c.*] Sic volebat Grævius corrigi lectionem vulgatam, *quam obesse*, quæ nullum sensum habet, nec apta est antecedentibus. Sic ille in Mss. suis reperit: sic et ed. Rom.

et dum erit, ad quem des: quod longum non erit. Illum discessisse Alexandria, rumor est non firmus, ortus ex Sulpicii litteris: quas cuncti postea nuntii confirmarunt: quod verum, an falsum sit, quoniam mea nihil interest, utrum malim, nescio. Quod ad te jampridem de testamento scripsi; ⁴¹ apud *ἐπιστον* illas velim; ut possint, advertas. ⁴² ego hujus miserrimæ fatuitate confectus conflictor. nihil umquam simile natum puto: cui si qua re consulere aliquid possum, cupio a te admoneri. video eandem esse difficultatem, quam ⁴³ in consilio dando ante: tamen hoc me magis sollicitat, quam omnia. ⁴⁴ In pensione secunda cæci fuimus. ⁴⁵ alium mallet. sed præteriit. te oro, ⁴⁶ ut in perditis rebus, si quid cogi, confici potest, quod si in tuto, ex argento, neque satis multa ex supellectile, des operam. jam enim mihi videtur adesse extremum, nec ulla fore conditio pacis, eaque, quæ sunt, etiam sine adversario peritura. hæc etiam, si videbitur, cum Terentia loquare oportune. non queo omnia scribere. Vale. III Non. Quint.

⁴¹ Apud *ἐπιστον* illas velim, ut possint, advertas.] Servavi lectionem Bosii, quia et ingeniosa est, et intelligi potest: antiqua apud *epistolas* velim ut possint adversas nullo modo. De deponendo testamento Terentiae sermo est: vult illas, Terentiam et Tulliam, deponere testamentum apud *ἐπιστον* humanum.

⁴² Ego hujus miserrimæ fatuitate c. c.] Fatuitate Grævius per conjecturam legi volebat. ego sic correxi, quia ed. Romana habet. Sed et *miserrimæ* dedi: nam sic de Tullia solet dicere, et sunt vestigia ejus in ed. R. *miserrimi* ea.

⁴³ In consilio dando.] Sic cum Græv. edidi, pro dato.

⁴⁴ In pensione secunda c. f.] In pensione secunda dotis, quam dederant Dolabellæ, atque ita perdiderant imprudenter.

⁴⁵ Alium mallet.] Sunt, qui corrigant aliud. placet. nam alium quem intelligimus.

⁴⁶ Ut in perditis rebus.] Mss. reg. Par. ut impeditis rebus. vulgatum melius est. In seqq. iidem: ex argento tibi quod satis, multa ex supp. sed hoc non magis placet, quam vulgatum. illud neque satis multa si abeaset, omnia plana forent.

M. TULLII CICERONIS
EPISTOLARUM

AD

ATTICUM

LIBER XII.

ARGUMENTUM.

Omittuntur sine litteris menses non pauciores sex: nempe ex Kal. Sept. in quibus desinit liber proxime superior, ad usque tempus illud, cum jam bellum in Africa contra Scipionem et Iubam Cæsar gereret. Nam a bello Alexandrino et Ponti reversus, consulque III cum M. Emilio Lepido creatus, summa hieme, hoc est, II Kal. Jan. conceculit, exercitumque in Africam trajecit: quo tempore quatuor primæ epistolæ scriptæ sunt. Quinta et sexta datæ videntur, cum jam Cæsar vel appropinquaret, vel redisset. Rediit autem a. d. XII Kal. Sept. auctore Hirtio. Reliquæ, cum in Hispania contra Pompeii liberos pugnaretur, eodem C. Cæsare dictatore III, designato IIII, collega et Magistro Eq. M. Emilio Lepido, quo tempore Tullia ex partu, ut Pedianus et Plutarchus ajunt, apud Lentulum decessit. Itaque cum se Cicero Asturæ abdidisset, quotidianas pene litteras mittebat, gemitus luctusque continentes: item preces contentionemque, ut horti sibi ab Attico curarentur, in quibus filia funum condere posset. Fluxere, dum hæ scribuntur, menses plus minus duodeviginti. Nam ex Kal. Jan. ejus anni, quo Cæsar in Africam transmisit, ad æstatis initium anni illius, quo quartam dictaturam in Hispania gessit, tot fere numerantur. Æstatem porro reliquam fuisse, scriptis libri hujus epistolis, ex prima tertii decimi cognosci licet.

CICERO ATTICO S.

UNDECIMO die postquam a te discesseram, hoc litterularum exaravi, egrediens e villa ante lucem: atque eo die ¹ cogitabam in Anagnino, postero autem in Tusculano; ibi unum diem, v Kalend. igitur ² ad constitutum. atque utinam continuo ad complexum meæ Tulliæ, ad osculum At-

1 *Cogitabam in Anagnino, &c.]* Ex cetera Ciceronis consuetudine in hac forma debebat esse *Anagninum.* - *Tusculanum.* Potest tamen intelligi *esse.* et est unum et

alterum exemplum simile notatum. ut ex XIV, 2. *cogitabam Asturæ,* pro *Asturam.* 2 *Ad constitutum.]* I. locum. in villam eam, in qua morari destinaveram. v. Clav.

ticae possim currere! quod quidem ipsum scribe quæso ad me; ut, dum consisto in Tusculano, sciam, quid garriat: ³sin rusticatur, quid scribat ad te: eique interea aut scribe salutem, aut nuntia, itemque Piliæ. et tamen, etsi continuo congressuri sumus, scribes ad me, si quid habebis. Cum complicarem hanc epistolam, noctuabundus ad me venit cum epistola tua tabellarius: qua lecta, de Atticæ febricula scilicet valde dolui. reliqua, quæ exspectabam, ex tuis litteris, eognovi omnia. sed ⁴quod scribis, *igniculum matutinum*; *γεροντικώτερον* est memoriola vacillare. ego enim ^{p. 13} ^{a.} IV Kal. Axio dederam, tibi III, Quinto, quo die venissem, ⁵id est, v Kal. hoc igitur habebis, novi nihil. quid ergo opus erat epistola? quid, eum coram sumus, et garrimus quidquid in buccam? est profecto quiddam *λεσχη*, quæ habet, etiamsi nihil subest, collocutione ipsa suavitatem.

CICERO ATTICO S.

HIC rumores tamen Mureum periisse naufragio; Asinium delatum vivum in manus militum; L. naves delatas in Uticam reslatu hoc; Pompeium non comparere, nec in Balearibus omnino fuisse, ut ⁶Patietus affirmat. sed auctor nullius rei quisquam. Habes, quæ, dum tu abes, locuti sunt. Ludi interea Præneste. ibi Hirtius, et isti omnes. et quidem ludi dies octo. quæ cœnæ? quæ deliciae? res interea fortasse transacta est. o miros homines! at Balbus ædificat; *τί γὰρ αὐτῷ μέλει*? verum, si quæris, homini non recta, sed voluptaria quærenti, nonne *βεβιωται*? Tu interea dormis. jam ⁷explicandum est *πρόβλημα*, si quid acturus es.

3 Sin rusticatur, quid scribat.] Hujus loci lectio est e libro Germanico, cujus lectio notata fuit in margine ed. Crat. recepta a Victorio. (nam ante erat *quid garriat in rusticatu*.) nisi quod ille liber habuit *sin rusticatur*. Ex eo libro feci et scribe et nuntia: quod iulii et ante in mentem venerat. cum vulgo sit *scribes, nuntiabis*.

4 Q. scr. *igniculum matutinum*.] E sequente verbo int. *γεροντικόν* esse: quod et Lambinus in textu addidit. — Nemp Atticum Cicero pupugérat epistola, quod sibi non ignem matutinum prœbuisset: Atticus responderat, ignem talem senibus modo esse tali tempore aptum. Respondet Cicero, etiam *γεροντικώτερον* esse memoria vacillare: et quia ille jocando dixerat, Cicero hoc etiam per jocum reponit: hoc

igitur habebis. Lapsus memoriæ fuit in ratione dierum.

5 Id est, v Kal.] Sic edd. pr. omnes. et hunc numerum esse debere, res ipsa docet, et dixerat ante, se v Kal. venisse in villam, in quam voluerat. Manutius coniecit i. e. II Kal. captus observatione, pridie Kal. sic interdum in libris scr. exprimi, id post in textum temere receptum est. Dies adventus in villam, unde litteras misit, debet certe prior esse diebus, quibus litteras misit: ergo ante IV Kal. is autem erit v Kal.

6 Patietus.] v. Clav.

7 Explicandum est *πρόβλημα*.] Utrum virtute an voluptate quærenda vita beata, decernendum tibi est.

si quæris quid putem, ⁸ ego fructum puto. sed quid multa? jam te videbo; et quidem, ut spero, ⁹ de via recta ad me. simul enim et diem Tyrannioni constituemus, et si quid aliud.

3

CICERO ATTICO S.

UNUM te puto minus blandum esse, quam me: et, si uterque nostrum est aliquando adversus aliquem, inter nos certe numquam sumus. audi igitur me hoc ἀγορευόμενος dicentem: ne vivam, mi Attice, si mihi non modo Tusculanum, ubi ceteroqui sum libenter, sed μακάρων νῆσοι tanti sunt, ut sine te sim ¹⁰ totos dies. quare ¹¹ obduretur hoc triduum; ut te quoque ponam in eodem πάθει: quod ita est profecto. sed velim scire, hodiene statim de auctione, ¹² aut quo die venias. ego me interea cum libellis, ac moleste fero, Vennonii me historiam non habere. sed tamen, ne nihil de re, ¹³ nomen illud, quod a Cæsare, tres habet conditiones, aut emtionem ab hasta: (perdere malo: etsi, præter turpitudinem, hoc ipsum puto esse perdere:) aut delegationem a mancipe, annua die: (quis erit, cui credam? aut quando ¹⁴ iste Metonis annus veniet?) aut, ¹⁵ Vecteni conditionem semisse. σκέψαι igitur. ac vereor, ne iste jam auctionem nullam faciat, sed, ludis factis, ¹⁶ κτύφω subsidio currat. ne talis vir ἀλογηδῇ. sed μελήσει.

4

CICERO ATTICO S.

O GRATAS tuas mihi, jucundasque litteras! quid quæris? restitutus est mihi dies festus. angebar enim, quod Tiro, ἐνερευθέστερον te sibi esse visum, dixerat. addam igitur,

8 Ego fructum puto.] Vitam beatam puto in fruenda vita h. e. in voluptate.

9 De via recta.] Ita, ut tu recta via ad me venias.

10 Totos dies.] Placet Ursini conjectura tot dies.

11 Obduretur hoc triduum.] Feram absentiam tuam per hoc triduum, et obdurabo animum adversus desiderium tui, ut tu quoque mei desiderio tanto moveare.

12 Aut quo die venias.] Sic bene Grævius. edd. pr. et quo d. v. Bosius, Græterus equo dieve v. male.

13 Nomen illud, quod a Cæsare, &c.] Pecunia credita, quam Cæsaris beneficio recuperaturus sum a debitore. mox ipsum eum Grævio delevi. aberat Ms. Balliol.

14 Iste Metonis annus v.] Vulgo male

ipse. iste Grævius recte. est autem elegans lusus in Metonis anno. respicit ad illud annua die: quam, vult dicere, esse incertam, nec satis certum, an exacto anno debitor Meton sit soluturus. lusus est in eo, quod Metonis annus celebratur apud Chronologos, habuitque XIX annos civiles.

15 Vecteni conditionem semisse.] Ut semisse, dimidia summe parte, contenti sinus, quemadmodum Vectenus, qui ita dimidium crediti perdidit. quidam libri Vecteni conditione semissem, ut ed. Rom. habet: quod eodem redit: aut ut semissem accipiamus, qua conditione Vectenus usus est.

16 Κτ. subsidio currat.] Festinet ad ludos, ut plausum adjuvet.

ut censes, unum diem. Sed de Catone πρόβλημα Ἀρχιμήδειον est. non assequor, ut scribam, quod tui convivæ non modo libenter, sed etiam æquo animo legere possint. quin etiam, ¹⁷ si a sententiis ejus [dictis], si ab omni voluntate consiliisque, quæ de republica habuit, recedam, ψιλῶςque velim gravitatem, constantiamque ejus laudare; hoc ipsum tamen istis odiosum ἀκουσμα sit. sed vere laudari ille vir non potest, nisi hæc ornata sint; quod ille ea, quæ nunc sunt, et futura viderit, et, ne fierent, contenderit, et, facta ne videret, vitam reliquerit. horum quid est, quod Medio probare possimus? sed cura obsecro, ut valeas, eamque, quam ad omnes res adhibes. in primis ad convalescendum adhibe prudentiam.

CICERO ATTICO S.

5

QUINTUS pater ¹⁸ quantum, vel potius millesimum nihil sapit, qui lætetur Luperco filio; et Statio, ut cernat duplici dedecore cumulatam domum. addo etiam Philotimum tertium. o stultitiam, nisi mea major esset, singularem! ¹⁹ quod autem os, in hanc rem ἐρανον a te? fac, non ad διψῶσαν κρήνην, sed ad πειρήνην eum venisse; sed ἀμπνευμα σεμνὸν Ἀλφειοῦ in te κρήνην, ut scribis, haurire, in tantis suis præsettum angustiis; ποῖ ταῦτ' ἄν' ἀποσκήψαι? sed ipse viderit. Cato me quidem delectat, ²⁰ sed etiam Bassum Lucilium sua. ²¹ De Cœlio, tu quæres, ut scribis: ego nihil novi. noscenda est natura, non facultas modo. De Hortensio et Virginio, tu si quid dubitabis: etsi, quid magis placeat, ego quantum aspicio, non facile inveneris. Cum Mustela, quemadmodum scribis, cum venerit Crispus. Ad ²² Aulum

p. 137.

a.

¹⁷ Si a sententiis ejus dictis.] Dictis delectandum puto, ut glossam: atque etiam paulo post non placet quæ de rep. habuit, meliusque foret, ut alibi, simpliciter de rep. quod et verbo voluntate aptius foret. quæ, in ed. Rom. que, ortum esse videtur ex repetitione vitiosa conjunctionis que, atque ei deinde ad explendum rō habuit additum.

¹⁸ Quantum - - nihil sapit.] Videtur filium ante jam ter sivilisse cum Luperco currere.

¹⁹ Quod autem os - - sed ipse viderit.] Locus hic a me intactus relictus est, cum correctio certa esse non possit. Tentavit aliquam Tunstallus, p. 17. quem edeant, qui velint. Initium sic corrigi:

Quod autem olim hanc τρικλῆνον (sc. Q. filii Statii, Philotini) ἄρην fac - - sed a. σ. Ἄ. πειρήνην ἢ. s. haurire.

²⁰ S. e. Bassum Lucilium sua.] Carmina mala delectant: ita facile falluntur auctores librorum amore suarum rerum.

²¹ De Cœlio.] Argentario, an ei credi possit et ab eo auxilium sperandum sit. Dicit, de facultate se non dubitare, sed natura hominis, ingenium, mores quales sint, videndum esse.

²² Aulum.] Sic edd. pr. et Mss. plures. Avium est a Bosio, qui in libris duobus reperit. nomen Avii ignotum Romanis: unde Glanderpius in Onom. conjecit Avianum.

scripsi, ut ea, quæ bene nossem de auro, Pisoni ²³ demonstraret. tibi enim sane assentio, et istud nimium diu duci, et omnia nunc undique contrahenda. Te quidem nihil agere, nihil cogitare aliud, nisi quod ad me pertineat, facile perspicio: meisque negotiis impediri cupiditatem tuam ad me veniendi. sed mecum esse te puto; non solum quod meam rem agis, verum etiam quod videre videor, quo modo agas. ²⁴ neque enim ulla hora tui mihi est operis ignota. Tubulum prætorem video L. Metello Q. Maximo consulibus. nunc velim, P. Scævola pontifex maximus, quibus consulibus tribunus plebis. equidem puto proximis, Cæpione et Pompeio. Prætor enim P. Furio, Sex. Atilio. dabis igitur tribunatum, et, si poteris, Tubulus quo crimine. et vido, quæso, L. Libo, ille, qui de Ser. Galba, Censori- none et Manilio, an T. Quintio M. Acilio consulibus tri- bunus plebis fuerit. conturbat enim me epitome Bruti Fan- niana, ²⁵ an Bruti epitome Fannianorum? scripsi, quod erat in extremo: idque ego secutus, hunc Fannium, qui scrip- sit historiam, generum esse scripseram Lælii: sed tu me γεμετρικῶς refelleras: te autem nunc Brutus et Fannius. ego tamen de bono auctore, Hortensio, sic acceperam, ut apud Brutum est. hunc igitur locum expedies. Ego misi Tironem Dolabellæ obviam. is ad me Idibus revertetur. te exspectabo postridie. De Tullia mea tibi antiquissimum esse video: idque ita ut sit, te vehementer rogo. Ergo et in integro omnia: sic enim scribis. mihi etsi Kalendæ vi- tandæ fuerunt, ²⁶ Nicasionumque ἀρχέ-πρωτα fugienda, con- ficiendæque tabulæ: nihil tamen tanti, ut a te abessem, fuit. cum Romæ essem, et te jam jamque visurum me pu- tarem; quotidie tamén horæ, quibus exspectabam, longæ videbantur. scis me minime esse blandum. itaque minus aliquanto dico, quam sentio.

²³ Demonstraret.] Sic de Malaspina et Faerni correctione rescripti. nam con- textus tertiam personam postulat. et forte quoque ante legendum nosset. edd. pr. *demonstravem*, e quo Bosius fecit *demonstra- rim*, ut et in Mss. Paris. reperit Alemannus.

²⁴ Neque e. ulla hora tui - - operis ig- nota.] Hora non ad Atticum pertinet: sed vult Cicero dicere, se omni tempore de Attici opere, labore pro se, cogitare. Ig- nota est pro ignava, ut alibi apud nostrum, v. Clav.

²⁵ An Bruti epitome Fannianorum.] Puto delendum Bruti epitome.

²⁶ Nicasionum ἀρχέ-πρωτα.] Restitui lectionem Victorii. Nicasionis nomen est et in Verrinis. etsi h. l. videtur fictitium nomen esse et ad feneratorum universos pertinere. timebat Kalendas, ut diem pecunie solvenda, et creditores. Gronovius corrigebat νεοικαστῶν vicesimiariorum. au- quia heres fuerat, et vicesimam debe- bat? —conficiendæque tabulæ sc. mihi pri- vatim meæ.

CICERO ATTICO S.

6.

DE Cœlio, vide, quæso, ne qua lacuna sit in auro. ego ista non novi. sed certe in collubo est detrimenti satis. huc anrum si accedit: sed quid loquor? tu videbis. ²⁷ habes Hegesiæ genus, quod Varro laudat. venio ad Tyrannionem. Ain' tu? ²⁸ verum hoc fuit. sine me? at ego quoties, cum essem otiosus, sine te tamen nolui? quo modo hoc ergo lues? uno scilicet, si mihi librum miseris: quod ut facias, etiam atque etiam rogo. etsi me non magis liber ipse delectabit, quam tua admiratio delectavit. amo enim πάντα φιλήθημον: teque istam tam tenuem θεωρίαν tam valde admiratum esse gaudeo. etsi tua quidem sunt ejusmodi omnia. scire enim vis, quo uno animus alitur. sed, quæso, ²⁹ quid ex ista acuta et gravi refertur ad τέλος? sed longa oratio est, et tu occupatus in meo quidem fortasse aliquo negotio, et pro isto asso sole, quo tu abusus es in nostro prætulo, a te nitidum solem unctumque repetemus. sed ad prima redeo. Librum, si me amas, mitte. tunc est enim profecto, quoniam quidem est missus ad te. *Chreme, tantumne ab re tua est otii tibi*, ut etiam Oratorem legas? macte virtute! mihi quidem gratum, et erit gratius, si non modo in libris tuis, sed etiam in aliorum per librarios tuos ³⁰ Aristophanem reposeris pro Eupoli. Caesar autem mihi irridere visus est. Quæso illud tuum, quod erat εὐαγέλιον et urbanum. ita porro te sine cura esse jussit, ut mihi quidem dubitationem omnem tolleret. Atticam doleo tam diu: sed quoniam jam sine horrore est, spero esse, ut volumus.

p. 188
a.

CICERO ATTICO S.

7

QUAE desideras, omnia scripsi in codicillis, eosque Eroti dedi, breviter, sed etiam plura quam quæris; ³¹ in iis, de Cicerone: cujus quidem cogitationis initium tu mihi attulisti. locutus sum cum eo liberalissime: quod ex ipso, velim, si modo tibi erit commodum, sciscitare. sed

²⁷ Habes Hegesiæ genus.] Sc. orationis, incisum et abruptum sæpe.

²⁸ Verum hoc fuit.] I. e. æquum te id facere, legere librum (juss, sine me, solum.

²⁹ Quid - - refertur ad τέλος?] Int. τέλος, finem bonorum: quid quamvis acutalis de tali re disputatio predest ad felicitatem?

³⁰ Aristophanem rep. pro Eupoli.] Locutus est c. 9. ubi hodie in omnibus libris est Aristophanis nomen.

³¹ In iis de Cicerone.] Sic Latini non dicunt: scr. in his, de Cicerone. inter ea, quæ copiosius scripsi, sunt et ea, quæ ad Ciceronem pertinent. Sermo est de filio ejus.

quid differo? exposui, ³² te ex me detulisse, ecquid vellet, ecquid requireret: velle Hispaniam, requirere liberalitatem. de liberalitate, dixi, quantum ³³ Publius, quantum flamen Lentulus filio. de Hispania, duo attuli, primum idem, quod tibi, me vereri vituperationem: non satis esse, si hæc arma reliquissetus? etiam contraria? deinde fore, ut angeretur, cum a fratre familiaritate et omni gratia vinceretur. ³⁴ velim magis liberalitate uti mea, quam sua libertate: sed tamen permisi. tibi enim intellexeram non nimis displicere. ego etiam atque etiam cogitabo, atque, ut idem facias, rogo. ³⁵ magna res et simplex est manere; illud anceps. verum videbimus. De Balbo, et in codicillis scripseram, et ita cogito, simul adredierit. sin ille tardius, ego tamen triduum. et, quod præterii, Dolabella etiam mecum.

8

CICERO ATTICO S.

- b. ³⁶ DE Cicerone, multis res placet: comes est idoneus. sed ³⁷ de prima pensione ante videamus. adest enim dies, et ille currit. Scribe, quæso, quid referat Celer egisse Cæsarem cum candidatis, utrum ³⁸ ipse in Fœnicularium, an in Martium campum cogitet. et sane scire velim, numquid necesse sit comitiis esse Romæ. nam et Pilæ satisfaciendum est, et utique Atticæ.

³² *Te ex me detulisse.*] *Ex me*, jussu meo vel rogatu percunctatum esse ex ipso. — *Ulle Hisp.* respondit mihi, se in Hispaniam ire cupere, rogare, ut pecunia in eo juvare se.

³³ *Publius.*] Sio Bosius edidit pro vulgato *Publius*, quod servavit Grævius. pato esse *Publiæ* patrem. sic et aliis hujus libri locis. 24. 28. &c. rem plane conficit locus ep. 32. ubi *Publiæ* est, et *Publius* pater: ubi pariter in libris fere est *Publia* et *Publius*.

³⁴ *Velit magis liberalitate uti mea.*] Hæc lectio est a Lambino et Bosio. ante erat *velim*: quæ lectio est a Jensonio, restituta a Grævio. *velim* sane melius est. Sed tamen non spernenda lectio ed. Rom. quam et e Mas. suis notavit Grævius *vel nimia* l. ii. *mea*, &c. in qua intelligendum *velim*, aut tale quid: quod non est alienum a Ciceronis more in his epistolis.

³⁵ *Magna res et simplex est.*] *Magna* referi Manlius ad petrum *magnam* est,

permittere iter filio. mihi id verbum dubium est: *simplex* est, sine periculo novo: cum in altero sit multiplex periculum.

³⁶ *De Cicerone.*] Sc. Athenas mittendo. comes intelligendus L. Montanus, de quo in sequentibus epp. est.

³⁷ *De prima pensione.*] Cæsari solvenda, cujus dies aderat et Cæsar mox ex Hispania erat rediturus: et ille currit, ut adeo de hac prius videndum sit, quam filius mittendus: in quo et pecunia opus erat.

³⁸ *Ipse in Fœnicularium, an in M. c.*] Ipse videtur mihi ad Celerem pertinere: quid *fœnicularius campus* sit, non consentiunt interpretes, nec ne, malitque in prædiis suis privatus esse, aut, in Hispaniam proficisci, (in qua fuit locus, auctore Strabone, qui ita diceretur,) quam magistratus Romæ fieri.

CICERO ATTICO S.

9

NÆ ego essem hic libenter, atque id quotidie magis, ni esset ea causa, quam tibi superioribus litteris scripsi. nihil hac solitudine jucundius, nisi paullum interpellasset ³⁹ Amyntæ filius ὁ ἀπεραντολογίας ἀγδοῦς! ⁴⁰ cetera noli putare amabiliora fieri posse villa, litore, prospectu maris, tum his rebus omnibus. sed neque hæc digna longioribus litteris; nec erat, quod scriberem; et somnus urgebat.

CICERO ATTICO S.

10

⁴¹ MALE mehercule de Athamante. tuus autem dolor humanus is quidem, sed magnopere moderandus. consolationum autem multæ viæ, sed illa rectissima. impetret ratio, quod dies impetratura est. Alexim vero curemus, imaginem Tironis; quem ægrum Romam remisi: et, ⁴² si quid habet collis ἐπιδήμιον, ad me cum Tisameno transferamus. tota domus superior vacat, ut scis: hoc puto valde ad rem pertinere.

CICERO ATTICO S.

11

MALE de Seio. sed omnia humana tolerabilia ducenda. ipsi enim quid sumus? aut quam diu hæc curaturi sumus? ea videamus, quæ ad nos magis pertinent, nec tamen multo: ⁴³ quid agamus de senatu. Et, ut ne quid prætermittam, Cæsonius ad me litteras misit, Postumiam Sulpicii ⁴⁴ domum ad se venisse. De Pompeii Magni filia, tibi re-
scripsi, nihil me hoc tempore cogitare. alteram vero illam, quam tu scribis, puto nosti. ⁴⁵ nihil vidi fœdus. sed adsum. coram igitur.

³⁹ Amyntæ filius.] Philippum regem sic per contentum appellabat Demosthenes. hic intelligendus Q. Philippus, Cæsaris ille affinis et amicus. is ad Ciceronem venerat, et ei sermonibus suis molestus fuerat.

⁴⁰ Cetera noli p. amabiliora fieri posse.] Hoc mihi sanum non videtur. nec satis intelligo. Accepit interpretes Francicus sic: quod reliquum est, nihil potest amabilius esse villa mea, &c. sed id non est in verbis: quorum sensus esse deberet, si sana essent: Nec cetera, præter illam scilicet Philippi loquacitatem, quæ nunc sunt, possunt amabiliora fieri per villæ, litoris, &c. amoenitatem. sed id non consentit antecedentibus de illa sua solitudine.

⁴¹ Male de Ath.] Sc. actum est, cum

est mortuus sic in ep. seq. male de Seio eodem sensu.

⁴² Si quid habet collis ἐπιδήμιον.] Collis iut. Quirinalis, in quo Attici domus. collis so e libris restituisse ait Victorius, cum in edd. sit tollis. sed id erat jam in Rom. tollis a Jensonio. fluxit, errore, ut puto, operarum.

⁴³ Quid agamus de senatu.] In enim veniendum sit et sententia dicenda, nec ne?

⁴⁴ Domum ad se venisse.] Sc. ut de uxore a me ducenda cum eo loqueretur: nam dimiserat Terentiam tum. eo pertinet etiam alterum de Pompeii filia.

⁴⁵ Nihil enim vidi fœdus.] Bene Grævius deleuit enim e Mss. suis. etiam ab ed. Rom. abest. induxit primus Jensonus.

Obsignata epistola, accepi tuas. Atticæ hilaritatem libenter audio : commotiunculis συμπάσχω.

12

CICERO ATTICO S.

⁴⁶ DE dote, tanto magis perpurga. ⁴⁷ Balbi regia conditio est delegandi. quoquo modo confice. turpe est, rem impeditam jacere. Insula Arpinas ⁴⁸ habere potest germanam ἀποδέωσιν : sed vercor, nō minorem τιμὴν habere videtur. ⁴⁹ ἔκτροπος est. igitur animus in hortis : quos tamen inspiciam, cum venero. ⁵⁰ De Epicuro, ut voles ; etsi μεθαυριόζομαι in posterum genus hoc personarum. incredibile est, quam ea quidam requirant. ad antiquos igitur : ἀντιμέστον γάρ. nihil habeo, ad te quod perscribam ; sed tamen institui quotidie mittere, ut eliciam tuas litteras ; non quo aliquid ex his exspectem ; sed nescio quo modo tamen exspecto. quare sive habes quid, sive nihil habes, scribe tamen aliquid, teque cura.

13

CICERO ATTICO S.

COMMOVET me Attica ; etsi assentior Cratero. Bruti litteræ scriptæ et prudenter et amice, multas mihi tamen lacrymas attulerunt. Me hæc ⁵¹ solitudo minus stimulat, quam ista celebritas. te unum desidero ; sed litteris non difficilior utor, quam si domi essem : ardor tamen ille idem urget et manet, non mchercule indulgente me, sed tamen

⁴⁶ De dote.] De prima pensione dotis a Dolabella exigenda. ep. 8.

⁴⁷ Balbi regia c. c. delegandi.] Balbus volebat pro Dolabella solvere per delegationem, non ex arca. eam conditionem Cicero regiam, i. e. lautam vocat, et accipiendam in difficultate pecunie a Dolabella accipiendæ : alii duram intelligunt, quia Balbus, Cæsari gratissimus, non posset cogi ad solvendum : vel quia quasi pro imperio dicat, quomodo solvere velit.

⁴⁸ Habere potest germanam ἀποδ.] Sermo est de monumento Tullie. dicit, in illa insula villæ suæ, quæ erat amœnissima in Fibreno fluvio (v. de Legg. II, 1.) posse tantum monumentum exstrui, sed locum ipsum non habere satis dignitatis et celebritatis.

⁴⁹ Ἐκτρώπιμος.] Hæc lectio est Bosii, e Ms. qui habebat ἔκτροπος. Putabat verbum debere esse ex ἔκτροπος δαι et ὄμιλος. sed id verbum, ut ἔκτροπος, nullum est. dixisset ἱσμός. alii filii et conjectores

aliter. ed. Rom. γνώριμος. Gronovius corrigebat ἔκτροπος, devia est. quod maxime placet. idque eodem jure reposui, quo alii alia verba.

⁵⁰ De Epicuro, ut voles.] Scribentem de Finibus B. et M. Cicerone volebat Epicuri rationem diligenter tractare. Cicero annuit, sed Epicurus ipsum loquentem inducere volebat, et in personis inducendis alia se ratione usurum dicit : nam nimis multi postulabant, ut in disputationibus talibus ipsi inducerentur. Pro μεθαυριόζομαι conjecti μεθαυριόζομαι, ex ed. Rom. quæ habet vitiose μεθαυριόζομαι. ea mutatio qualis futura sit, statim subiicit : usurum se nominibus antiquis : id nihil invidiæ habere.

⁵¹ S. minus stimulat.] Mox est urget, et ardor : in hac solitudine minus sentio, inquit, dolorem, quem Romæ sentirem, ubi tam sæpe et a tam multis in memoriam mihi mors filie revocaretur.

non repugnante. Quod scribis ⁵² de Apuleio, nihil puto opus esse tua contentione, nec Balbo et Oppio; quibus quidem ille receperat, mihi que etiam jusserat nuntiari, se molestum omnino non futurum. sed cura, ut excuser morbi causa in dies singulos. Lænas hoc receperat. prende C. Septimium, L. Statilium. denique nemo negabit se juraturum, quem rogaris. quod si erit durius, veniam, et ipse perpetuum morbum jurabo. cum enim mihi carendum sit conviviiis, malo id lege videri facere, quam dolore. Cocceium velim appelles. quod enim dixerat, non facit. ego autem volo aliquod emere latibulum et perflugium doloris mei.

CICERO ATTICO S.

14

DE me excusando apud Apuleium dederam ad te pridie litteras. nihil esse negotii arbitror. quemcumque appellaris, nemo negabit. sed Septimium vide, et Lænatem, et Statilium. tribus enim opus est. sed mihi Lænas totum receperat. Quod scribis a Junio te appellatum: omnino Cornificius locuples est: sed tamen scire velim, quando dicar spopondisse, et ⁵³ pro patre, anne pro filio: neque eo minus, ut scribis, procuratores Cornificii, et Apuleium prædiatorem ⁵⁴ videbis. Quod me ab hoc mœrore recreari vis; facis, ut omnia: sed, me mihi non defuisse, tu testis es. nihil enim de mœrore minuendo scriptum ab ullo est, quod ego non domi tuæ legerim. sed omnem consolationem vincit dolor. quin etiam feci, quod profecto ante me nemo, ut ipse me per litteras consolaret. quem librum ad te mittam, si descripserint librarii. affirmo tibi nullam consolationem esse talem. totos dies scribo; non quo proficiam quid; sed tantisper impediior, non equidem satis, (vis enim urget,) sed relaxor tamen, ⁵⁵ omniaque nitor, non ad animum, sed ad vultum ipsum, si queam, reficiendum; idque faciens, interdum mihi peccare videor, interdum peccaturus

52 De Apuleio.] Augure novo, et ejus cœna augurali. ad eam necesse erat jure augurali omnes augures venire, nisi morbo impediuntur, et eo nomine vel per se, vel per alios, excusarentur. Ex loco hoc apparet, eam cœnam plures dies durasse: in singulos excusationem fieri debuisse: testes porro jurare, et ipsum augurem: sed hoc ab domino convivii remitti potuisse: se molestum omnino non futurum, v. et ep. seq. init.

53 Pro patre.] Q. Cicerone, an pro ejus filio?

54 Videbis.] Curabis, ut expectent aliud tempus solutionis.

55 Omniaque nitor.] Sic. ed. Rom. quod restitutum est per Malasp. Bosium, Lambinum, &c. cum a Jens. et seqq. esset ad omniaque nitor. sed nec omniaque nitor placet. quis sic dixit? puto legendum omniunoque nitor.

esso, nisi faciam. solitudo aliquid adjuvat, sed multo plus proficeret, si tu tamen interesses: quæ mihi una causa est hinc discedendi. nam, pro malis, recte habebat: ⁵⁶ quamquam ipsum doleo. non enim jam in me idem esse poteris. ⁵⁷ perierunt illa, quæ amabas. De Bruti ad me litteris scripsi ad te antea: prudenter scriptæ: sed nihil, quo me adjuvarent. quod ad te scripsit, id vellem, ut ipse adesset: p. 190. ^{a.} certe aliquid, quoniam me tam valde amat, adjuvaret. quodsi quid scies, scribas ad me velim, maxime autem, Pansa quando. De Attica, doleo: credo tamen Cratero. Piliam angi veta: satis solitus es moerere pro omnibus.

15

CICERO ATTICO S.

APUD Apulcium, quoniam in perpetuum non placet, in dies ut exeuser, videbis. in hac solitudine careo omnium colloquio; cumque mane me in silvam abstrusi densam et asperam, non exeo inde ante vesperum. secundum te, nihil est mihi amicus solitudine. in ea mihi omnis sermo est cum litteris. cum tamen interpellat fletus: cui repugno, quoad possum. sed adhuc pares non sumus. Bruto, ut suades, rescribam. eas litteras cras habebis. cum erit cui des, dabis.

16

CICERO ATTICO S.

TE, tuis negotiis relictis, nolo ad me venire: ego potius accedam, si diutius impediere. etsi ne discessissem quidem e conspectu tuo, nisi me plane nihil ulla res adjuvaret. quodsi esset aliquod levamen, id esset in te uno: et, cum primum ab aliquo poterit esse, a te erit. nunc tamen ipsum sine te esse non possum. sed nec tuæ domi probabatur, nec meæ poteram; nec, si propius essem uspiam, tecum tamen essem. idem enim te impediret, quo minus mecum esses, quod nunc etiam impedit. mihi adhuc nihil prius fuit hac solitudine: 'quam vereor, ⁵⁸ ne Philippus tollat. heri enim vesperi venerat. Me scriptio et litteræ non leniunt, sed obturbant.

⁵⁶ *Quamquam ipsum d.]* Alias addit fere id. int. quod mihi discedendum est, quod alias melius erat, quam mala illa hic ferre.

⁵⁷ *Perierunt illa, quæ amabas.]* Hilari- tas cultus, orationis, et similia.

⁵⁸ *Ne Philippus tollat.]* V. ad ep. 9. sed frustra timebat. v. ep. 18.

CICERO ATTICO S.

17

MARCIANUS ad me scripsit, me excusatum esse apud Apuleium a Laterensi, Nasone, Lænate, Torquato, Strabone. iis velim ⁵⁹ meo nomine reddendas litteras cures, gratum mihi eos fecisse. Quod pro Cornificio me abhinc amplius annis xxv spopondisse dicit Flavius: etsi ⁶⁰ reus locuples est, et Apuleius prædiator liberalis; tamen velim des operam, ut ⁶¹ investiges ex consponsorum tabulis, sitne ita. mihi enim ante ædilitatem meam ⁶² nihil erat cum Cornificio. potest tamen fieri. sed scire certum velim; et ⁶³ appelles procuratores, si tibi videtur. quamquam quid ad me? verumtamen. Pansæ profectionem scribes, cum scies. Atticam salvere jube, et eam cura obsecro diligenter. Piliæ salutem.

CICERO ATTICO S.

18

DUM recordationes fugio, quæ quasi morsu quodam dolorem efficiunt, refugio a te admonendo. quod velim mihi ignoscas, cuiusmodi est. etenim habeo nonnullos ex iis, quos nunc lectito, auctores, qui dicant, fieri id oportere, quod sæpe tecum egi, et quod a te approbari volo. ⁶³ de fano illo dico; de quo tantum, quantum me amas, velim cogites. equidem neque de genere dubito; ⁶⁴ placet enim mihi Cluatii: neque de re; statutum est enim: de loco nonnumquam. velim igitur cogites. ego, quantum his temporibus tam eruditis fieri poterit, profecto illam consecrabo omni genere monumentorum, ab omnium ingeniiis scriptorum, et Græcorum et Latinorum: quæ res forsitan sit refricatura vulnus meum. sed jam quasi voto quodam et promisso me teneri puto; longumque illud tempus, cum non ero, magis me movet, quam hoc exiguum, quod mihi tamen nimium longum videtur. habeo enim nihil, tentatis rebus omnibus, in quo acquiescam. nam, dum illud tractabam, de quo antea scripsi ad te, quasi fovebam dolores meos. nunc omnia respuo; nec quicquam habeo tolerabilius, quam solitudinem: quam, quod eram veritus, non obturbavit

p. 191.

⁵⁹ Meo nomine reddendas litteras.] Scilicet ut supra, XI, 2. 7. &c.

⁶⁰ Reus locuples.] Reus a quo pecunia petitur. γ. Clav.

⁶¹ Nihil erat cum Cornificio.] Nihil cum eo negotii in re pecuniaria habui. ædilitas Ciceronis a presenti tempore non aberat XXV annis.

⁶² Appelles procuratores.] Cornificii ex ep. 14.

⁶³ De fano illo dico.] Tullia ædificando, quam supra ἀνοδείων vocavit.

⁶⁴ Placet Cluatii.] Consilium et forma ædificii aut monumenti struendi. de loco v. ibid.

Philippus. nam, ut heri me salutavit, statim Romam profectus est. Epistolam, quam ad Brutum, ut tibi placuerat, scripsi, misi ad te. curabis cum tua perferendam. ejus tamen misi ad te exemplum, ut, si minus placeret, ne mitteres. Domestica quod ais ordine administrari, scribes, quæ sint ea. quædam enim exspecto. ⁶⁵ Cocceius vide ne frustretur. nam Libo quod pollicetur, ut Eros scribit, non incertum puto. de sorte mea Sulpicio confido, et Egnatio scilicet. de Apuleio, quid est, quod labores, cum sit excusatio facilis? Tibi ad me venire, ut ostendis, vide, ne non sit facile. est enim longum iter, discedentemque te, quod celeriter tibi erit fortasse faciendum, non sine magno dolore dimittam. sed omnia, ut voles. ego enim, quidquid feceris, id cum recte, tum etiam mea causa factum putabo. Heri, cum ex aliorum litteris cognovissem de Antonii adventu, admiratus sum, nihil esse in tuis. sed erant pridie fortasse scriptæ, quam datæ. neque ista quidem curo. sed tamen opinor ⁶⁶ propter prædes suos accucurrisse. Quod scribis, Terentiam de obsignatoribus mei testamenti loqui: primum tibi persuade, me istæc non curare, neque esse quidquam aut parvæ curæ, aut novæ loci. sed tamen quid simile? ⁶⁷ illa eos non adhibuit, quos existimavit ⁶⁸ quæsituros, nisi scissent, quid esset. num id etiam mihi periculi fuit? sed tamen faciat illa, quod ego. dabo meum testamentum legendum cui voluerit: intelliget, non potuisse honorificentius a me fieri ⁶⁹ de nepote, quam fecerim. nam quod non advocavi ad obsignandum: primum mihi non venit in mentem; deinde ea re non venit, quia nihil attinuit. tute scis, (si modo meministi,) me tibi tum dixisse, ut de tuis aliquos adduceres. quid enim opus erat multis? æquidem domesticos jusseram. tum tibi placuit, ut mitterem ad Silium: inde est natum, ⁷⁰ ut ad Publium. sed necesse neutrum fuit. hoc tu tractabis, ut tibi videtur.

65 Cocceius ne frustretur.] Pecunia non solvenda. v. ep. 13.

66 Propter prædes suos.] Quibus sc. caverat ærario, cum Pompeii bona emisset, ne ii in periculum venirent.

67 Illa eos non adhibuit.] Videtur esse debere ipsa.

68 Quæsituros, nisi sc. quid esset.] Est brevilloquencia. putavit, quæsituros, quid

esset in testamento; nisi scissent, non obsignaturos. num id etiam mihi periculi fuit, ne obsignatores ita dicerent.

69 De nepote.] E Tullia, qui ep. 26. Lentulus dicitur. v. Clav. in Lentulus puer.

70 Ut ad Publium.] Publiæ, quam uxorem duxit, fratrem: quod videtur male habuisse Terentiam.

CICERO ATTICO S.

19

EST hic quidem locus amoenus, et in mari ipso, qui et Antio et Circæis aspici possit: sed ineunda nobis ratio est, quemadmodum in omni mutatione dominorum, qui innumerabiles fieri possunt in infinita posteritate, (si modo hæc stabunt,) illud quasi consecratum remanere possit. equidem jam nihil ego vectigalibus, et parvo contentus esse possum. cōgito interdum trans Tiberim hortos aliquos parare, et quidem ob hanc causam maxime. nihil enim video, quod tam celebre esse possit; sed quos, coram videbimus; ita tamen, ut hac æstate fanum absolutum sit. Tu tamen cum Apella Chio confice de columnis. De Cocceio et Libone quæ scribis, approbo; maxime, quod dè iudicatu meo. ⁷¹ De sponsu, si quid perspexeris: et tamen quid procuratores Cornificii dicant, velim scire; ita ut in ea re, cum tam occupatus sis, non multum operæ velim ponere. De Antonio quoque Balbus ad me cum Oppio conscripsit, idque tibi placuisse, ne perturbarer. illis egi gratias. te tamen, ut jam ante ad te scripsi, scire volo, me neque isto nuntio esse perturbatum, nec jam ullo perturbatum iri. Pansa si hodie, ut putabas, profectus est, posthac jam incipito scribere ad me, de Bruti adventu quid exspectes, id est, quos ad dies. id, si scies ubi jam sit, facile conjectura assequere. Quod ad Tironem de Terentia scribis, obsecro te, mi Attice, suscipe totum negotium. vides et officium agi menm quoddam, cui tu es conscius, et, ut nonnulli putant, Ciceronis rem. me quidem id multo magis movet, quod mihi est et sanctius et antiquius; præsertim cum hoc alterum neque sincerum, neque firmum putem fore.

p. 192.
a.

CICERO ATTICO S.

20

NONDUM videris perspicere, quam me nec Antonius commoverit, nec quidquam jam ejusmodi possit commovere. de Terentia autem scripsi ad te iis litteris, quas dederam pridie. Quod me hortaris, idque a ceteris desiderari scribis, ut dissimulem, me tam graviter dolere; possumne ⁷² magis, qui totos dies consumo in litteris? quod

71 De sponsu.] V. ad ep. 17.

72 Magis, quam quod t. d., &c.] Olim ab edd. præterquam Rom. quam aberat, deinde additum e Mss. a Malasp. nec sic

rectum est. Gronovius pro quod malebat cum; quod verum est, si quam est verum. sed valde placet iudicium Faerni, Malasp. Lambini, legendum: possumne magis, qui

etsi non dissimulationis, sed potius leniendi et sanandi animi causa facio: tamen, si mihi minus proficio, ⁷³simulationi certe facio satis. Minus multa ad te scripsi, quod exspectabam tuas litteras ad eas, quas ad te pridie dederam. exspectabam autem maxime de fano, nonnihil etiam de Terentia. Velim me facias certiore proximis litteris, Cn. Cæpio, Serviliæ Claudii pater, vivone patre suo naufragio perierit, an mortuo; item Rutilia vivone C. Cotta, filio suo, mortua sit, an mortuo. pertinent ad eum librum, quem de luctu minime scripsimus.

21

CICERO ATTICO S.

LEGI Bruti epistolam, eamque tibi remisi, ⁷⁴sane non prudenter rescriptam ad ea, quæ requisieras. sed ipse viderit: quamquam illud turpiter ignorat. Catonem primum sententiam putat de animadversione dixisse; quam omnes ante dixerant, præter Cæsarem: et cum ipsius Cæsaris tam severa fuerit, qui tum prætorio loco dixerit, consularium putat leniores fuisse, Catuli, Servilii, Lucullorum, Curionis, Torquati, Lepidi, Gellii, Volcatii, Figuli, Cottæ, L. Cæsaris, C. Pisonis, etiam M'. Glabronis, Silani, Murænæ, designatorum consulum. cur ergo in sententiam Catonis? quia verbis luculentioribus et pluribus rem eandem comprehenderat. Me autem hic laudat, quod retulerim, non quod patefecerim, quod cohortatus sim, quod denique ante, quam consulerem, ipse judicaverim. quæ omnia, quia Cato laudibus extulerat in cælum, perscribendaque censuerat; idcirco in ejus sententiam est facta discessio. hic autem se etiam tribuere multum mihi putat, quod scripserit, *optimum consulem*. quis enim jejuniis dixit inimicus? Ad cetera vero tibi quemadmodum rescripsit? tantum rogat, de senatus consulto ut corrigas. hoc quidem fecisses, ⁷⁵etiamsi a Rancio admonitus esses. sed hæc iterum ipse

totos dies, &c. quod e compendio natum est, inde quam additum explendi causa. non dubitavi sic edere.

⁷³ *Simulationi*.] Grævius tacite dedit *simulatione*, forte non ipse, sed corrector. vulgatum melius est.

⁷⁴ *Sane non prudenter rescriptam*.] Grævius e Ms. Balliol. edidit *pudenter*; non absurde: sed vulgatum verum puto. quæ reprehendit Cicero, magis sunt in-scitiæ, quam impudentiæ.

⁷⁵ *Etiamsi a Rancio admonitus esset*.]

In nomine dissentiant libri. Ed. Rom. Tatio, Jens. Rancio, sed sine præpositione. Victorinus edidit *Rancio*. Tustallus, p. 162. corrigit *Rancio*. alias mitto conjecturas. *Rancio* prætuli cum Grævio, quia id nomen reperitur in antiquis monumentis: *Rancio* non item. Sed quia de Attico sermo est, præceditque ut corrigas, legendum *fecisses* - *admonitus esses*. quis enim in *fecisset* intelligendus? non dubitavi sic corrigere. Ita

viderit. De hortis, quoniam probas, effice aliquid. rationes meas nosti. ⁷⁶si vero etiam a Faberio aliquid accedit, nihil negotii est. sed etiam sine eo posse videor contendere. venales certe sunt Drusi, fortasse et Lamiani et Cassiani: sed coram. De Terentia non possum commodius scribere, quam tu scribis. officium sit nobis antiquissimum. si quid nos fefellerit, illius malo me, quam mei poenitere. Oviæ C. Lolii curanda sunt H-S c. negat Eros posse sine me; credo, quod ⁷⁷accipienda aliqua sit et danda aestimatio. vellem tibi dixisset. si enim res est, ut mihi scribit, parata; nec in eo ipso mentitur: per te confici potuit. id cognoscas, et conficias velim. Quod me in forum vocas; eo vocas, unde, etiam bonis meis rebus, fugiebam. quid enim mihi cum foro, sine iudiciis, sine curia, in oculos incurrentibus iis, quos æquo animo videre non possum? Quod autem homines a me postulare scribis, ut Romæ sim, neque mihi, ut absim, concedere, ⁷⁸aut quatenus eos mihi concedere: jam pridem scito esse, cum unum te pluris, quam omnes illos, putem: ne me quidem contemno: meoque iudicio multo stare malo, quam omnium reliquorum. neque tamen progredior longius, quam mihi doctissimi homines concedunt: quorum scripta omnia, quaecumque sunt in eam sententiam, non legi solum, quod ipsum erat fortis ægroti, accipere medicinam, sed in mea etiam scripta trans tuli, quod certe afflictis et fractis animi non fuit. ab his me remediis noli in istam turbam vocare, ne recidam.

p. 193.
a.

CICERO ATTICO S.

22

DE Terentia, quod mihi omne onus imponis; non cognosco tuam in me indulgentiam. ista enim sunt ipsa vulnere, quæ non possum tractare sine maximo gemitu. mo-

sensus est: correxisses sic, etsi te non Brutus, sed vilis scriba admonuisset. Ceterum non tacebo, me aliquando coniecisse: *etiamsi ab alio admonitus non esset. i. e. tua sponte.*

⁷⁶ Si vero etiam a Faberio aliquid recedit. Aliquid abest edd. pr. Si Faberius emtor posset intelligi, putarem res excidisse; ut esset, si ille mentionis consilium abjicit. Ita accipiebat Manutius, corrigens res cedit. Sed, quia Faberius, ut ep. 25. docet, negotium pecuniarum habebat eum Cicerone, placet Corradi conjectura, *legentis accedit*, quod et Grævio placebat: si vero et spes est pecunie a Faberio ac-

cipiendæ; quod rei optime consentit: atque id ita evidens est, ut sic edere non dubitaverim.

⁷⁷ Accipienda aliqua sit et danda aestimatio. Quod, quia pecunia exigi debeat a debitore aliquo, prædium pro pecunia per estimationem accipiendum et deinde pecunie loco dandum sit Oviæ, quod absente Cicerone fieri non possit.

⁷⁸ Aut quatenus eos mihi concedere. Hæc Grævius deleri volebat; quod non displicet. verba antecedentia, *ut Romæ - - concedere a Mss. Grævii aberant, absunt et ab ed. Rom.*

derare igitur, quæso, ut potes. neque enim a te plus, quam potes, postulo: potes autem, quid veri sit, perspicere tu unus. De Rutilia, quoniam videris dubitare,⁷⁹ scribes ad me, cum scies; sed quamprimum, num Clodia, D. Bruto consulari, filio suo, mortuo, vixerit. id de Marcello, aut certe de Postumia sciri potest: illud autem de M. Cotta, aut de Syro, aut de Satyro. De hortis, etiam atque etiam te rogo. omnibus meis, eorumque, quos scio mihi non defuturos, facultatibus, sed potero meis, enitendum mihi est. sunt etiam, quæ vendere facile possim. sed, ut non vendam, eique usuram pendam, a quo emero,⁸⁰ non plus annum possum assequi: quod volo, si tu me adjuvas. paratissimi sunt Drusi: cupit enim vendere. proximos puto Lamiae: sed abest. tu tamen, si quid potes, odorare.⁸¹ ne Silius quidem quidquam utitur, et iis usuris facillime sustentabitur. habe tuum negotium; nec, quid res mea familiaris postulet, quam ego non curo, sed quid velim, et cur velim, existima.

23

CICERO ATTICO S.

- b. PUTARAM te aliquid novi; quod ejusmodi fuerat initium litterarum; quamvis non curarem quid in Hispania fieret, tamen te scripturum: sed videlicet meis litteris respondisti, ut de foro et de curia.⁸² sed domus est, ut ais, forum. quid ipsa domo mihi opus est, carenti foro? occidimus, occidimus, Attice, jam pridem nos quidem, sed nunc fatemur, posteaquam⁸³ unum, quo tenebamur, amisimus. itaque solitudines sequor: et tamen, si qua me res isto adduxerit, enitar, si quo modo potero, (potero autem,)⁸⁴ ut præter te nemo dolorem meum sentiat: si ullo

⁷⁹ Scribes - - cum scies, sed quamprimum, num Clodia.] Vulgati habent, et num Clodia, &c. non bene. vitium est in distinctione. Sed quamprimum non potest ad antecedentiu pertuero, ut res ipsa docet. De Rutilia vult sibi scribi, cum poterit Atticus, sed de Clodia quam primum. et natum est ab vitiosa illa interpolatione. Itaque sic correxi locum, et ita habent Mss. Paris.

⁸⁰ Non plus annum possum assequi.] Non ultra unius anni spatium: similiter supra, VI, 6. plus annum obtinere provinciam, &c. itaque non necesse cum Grævio corrigere plus annum, sc. die, quod usitatus in hac re est.

⁸¹ Ne Silius q. q. utitur.] Hortis suis, facileque vendet. Mox pro iis usuris Lipsius malebat is usuris: bene, ut opinor. sustentabitur, movebitur, ut solutionem in annum differri sinat.

⁸² Sed domus est forum.] Satis erit, si Roma eris, (nam hoc postulabant homines,) etsi non venies in forum: eritque domus pro foro.

⁸³ Unum, quo tenebamur.] Intelligit Tulliam.

⁸⁴ Ut, præter te, nemo, &c.] Omnes libri habent præter me: Manutius Lipsiusque corrigebant præter te, quam correctionem propter evidentiam recepi.

modo poterit, ne tu quidem. atque etiam illa causa est non veniendi. meministi, ⁸⁵ quid ex te Aledius quæsierit: quin etiam nunc molesti sunt. quid existimas, si venero? De Tercentia ita cura, ut scribis; meque hac ad maximas ægritudines ⁸⁶ accessione nunc maxima libera. Et, ut scias me ita dolere, ut non jaceam: quibus consulibus Carneades et ea legatio Romam venerit, scriptum est in tuo annali. hæc, nunc quæro, quæ causa fuerit? ⁸⁷ de Oropo, opinor; sed certum nescio: et, si ita est, quæ controversiæ? præterea, qui eo tempore nobilis Epicureus fuerit Athenis, qui præfuerit hortis? qui etiam Athenis πολιτικοὶ fuerint illustres? quæ te etiam ⁸⁸ ex Apollodori puto posse invenire. De Attica, molestum; sed quoniam leviter, recte esse confido. De Gamala dubium mihi non erat. unde enim tam felix Ligus pater? nam quid de me dicam, cui ut omnia contingant, quæ volo, levare non possum? De Drusi hortis, quanti licuisse tu scribis; id ego quoque audieram, et, ut opinor, heri ad te scripseram: sed quanti quanti, bene emitur quod necesse est. mihi, quoquo modo tu existimas, (seio enim ego ipse, quid de me existimem,) ⁸⁹ levatio quædam est, si minus doloris, at officii debiti. Ad Sicam scripsi, quod utitur L. Cotta. si nihil conficeretur de Transtiberinis, habet in Ostiensi Cotta celeberrimo loco, sed pusillum loci: ad hanc rem tamen ⁹⁰ plus etiam satis. id velim cogites. nec tamen ista pretia hortorum pertimueris. nec mihi jam argento, nec veste opus est, nec quibusquam amoenis locis: hoc opus est. video etiam, a quibus adjuvari possim. sed loquere cum Silio. nihil enim est melius. mandavi etiam Sicæ. rescripsit, constitutum se cum eo habere. scribat igitur ad me, quid egerit, ⁹¹ et ut tu videbis.

p. 194.
a.

85 *Quid ex te Aledius quæsierit.*] Sc. de me: quicquid fuerit, et sic intelligenda sequentia.

86 *Accessione nunc maxima.*] Offendi in hoc nunc max. Postin edd. vett. reperi non pro nunc. sic et Mss. credo, verum esse non minima.

87 *De Oropo.*] Historiam qui vult legere, adeat Plutarch. in Catone maj. p. 349, Gell. Noct. Att. VII, 14. XVII, extr.

88 *Ex Apollodori.*] Sic e Mss. primus Victorinus. edd. vett. omnes Apollodoro. illius formæ etiam alia exempla sunt. de libro Apoll. v. Clav.

89 *Levatio - officii debiti.*] Sc. Tullicæ: me officio et velut voto liberabo, si, hortu emto, ei fauam extruxero.

90 *Plus etiam satis.*] Sic ed. Rom. at Jens. pl. e. quam satis, quod alix secutus sunt, etiam Mss. fere habent. Bosius auctore Ms. uno deleuit. et omittitur etiam quam post plus passim apud optimos scriptores.

91 *Et ut tu videbis.*] Hoc erit, et ut sc. egerit, tu videbis: sed est durius. ed. Rom. habet et cui, tu v. Græuius coniecit, at quanti se. emendum sit, tu videbis. non placet. Ms. Paris. et tu videbis: quod optimum est.

24

CICERO ATTICO S.

BENE fecit A. Silius, ⁹² qui transegerit: neque enim ei deesse volebam, et quid possem, timebam. De Ovia, confice, ut scribis. De Cicerone, tempus esse jam videtur: sed quæro, quod illi opus erit Athenis, permutarine possit, an ipsi ferendum sit; de totaque re, quemadmodum, et quando placeat, velim consideres. Publilius iturusne sit in Africam, et quando, ex Atedio scire poteris: quæras et ad me scribas, velim. Et, ut ad meas ineptias redeam, velim me certiore facias, P. Crassus, Venuleiæ filius, vivone P. Crasso consulari, patre suo, mortuus sit, ut ego meminisse videor, an post. item quæro de Regillo, Lepidi filio, rectene meminerim, patre vivo mortuum. ⁹³ Cispiana explicabis, itemque Præciana. ⁹⁴ De Attica, optime it. ei salutem dices, et Piliæ.

25

CICERO ATTICO S.

SCRIPSIT ad me diligenter Sica de Silio, seque ad te rem detulisse: quod tu idem scribis. mihi et res et conditio placet, sed ita, ut ⁹⁵ numerato malim, quam æstimatione. voluptarias enim possessiones nolet Silius. vectigalibus autem ut his possum esse contentus, quæ habeo, sic vix minoribus. unde ergo numerato? H-S DC exprimes ab Hermogene, cum præsertim necesse erit: et domi video esse H-S DC. reliquæ pecuniæ vel usuram Silio pendemus, dum a Faberio, ⁹⁶ vel ab aliquo, qui Faberio debet, representabimus. erit etiam aliquid alicunde. sed totam rem tu gubernabis. Drusianis vero hos hortis multo antepono: neque sunt umquam comparati. mihi crede, una me causa movet, in qua scio me *τερυφῶσαι*. sed, ut facis, obsequere huic errori meo. Nam ⁹⁷ quod scribis *ἐγγήραμα*, actum jam de isto est: alia magis quæro.

⁹² Qui transegerit.] Noli de emtione et venditione horti capere; ut quidam faciunt. Controversiam habuit, de qua cum adversario transegit.

⁹³ Cispiana expl. i. Præciana.] I. nomina. pecunia, quam mihi Cispianus et Præcianus debent, ut mihi solvatur, curabis.

⁹⁴ De Attica, optime it.] Res dicitur bene ire: sed sic simpliciter dici non reperi. verèor ne it insititium sit. Atticus poterat sic scribere Ciceroni de Attica; Cicerò debebat gaudere. id esset, de Attica optime.

⁹⁵ Numerato m. quam æstimatione.] Ab alio debitorum meorum accepta danda. v. ep. 21. — sic vix minoribus: itaque ea non debet minuire prædiis per æstimationem accipiendis et alienandis.

⁹⁶ Vel ab aliquo - - representabimus.] Vel perficiemus, utaliquis nobis pecuniam solvat, quam Faberio debet, et eam præsentem solvere possimus. nam et de solutione dicitur, quæ numerato sit.

⁹⁷ Quod scribis *ἐγγήραμα*.] Quod mo vocas ad reipublicæ curam, v. Clavem in Græcis.

CICERO ATTICO S.

26

SICA, ut scribit, etiamsi nihil confecerit cum A. Silio, tamen se scribit x Kal. esse venturum. Tuis occupationibus ignosco; cæque mihi sunt notæ. De voluntate tua, ut simul simus, vel studio potius et cupiditate, non dubito. de Nicia quod scribis, si ita me haberem, ut ejus humanitate frui possem, in primis vellem illum mecum habere. sed mihi solitudo et recessus provincia est. quod quia facile ferebat Sica, ego magis illum desidero. præterea nosti Niciæ nostri imbecillitatem, mollitiam, consuetudinem victus. cur ego illi molestus velim, cum mihi ille jucundus esse non possit? voluntas tamen ejus mihi grata est. ⁹⁸ Unam rem ad me scripsisti, de qua decrevi nihil tibi rescribere. spero enim me a te impetrasse, ut privares me ista molestia. Piliæ et Atticæ salutem.

CICERO ATTICO S.

27

DE Siliano negotio, etsi mihi non est ignota conditio, tamen hodie me ex Sica arbitror omnia cogniturum. Cottæ, ^{p. 195.} quod negas te nosse, ultra Silianam villam est (quam puto tibi notam esse) villula sordida, et valde pusilla; nihil agri; ^{a.} ⁹⁹ ad aliam rem loci nihil, satis ad eam, quam quaero. ¹⁰⁰ sequor celebritatem. sed, si perficitur de hortis Silii, hoc est, si perficis; (est enim totum positum in te;) nihil est scilicet, quod de Cotta cogitemus. De Cicerone, ut scribis, ita faciam: ipsi permittam de tempore: numerum quantum opus crit, ut permutetur, tu videbis. Ex Atedio, quod scribis, si quid inveneris, scribes. Et ego ex tuis animadverto litteris, et profecto tu ex meis, nihil habere nos, quod scribamus: eadem quotidie, quæ jam jamque ipsa contrita sunt: tamen facere non possum, quin quotidie ad te mittam, ut tuas accipiam. De Bruto tamen, si quid habebis. scire enim jam puto, ubi Pansam exspectet. si, ¹ ut consuetudo

⁹⁸ Unam rem ad me scripsisti. Putant, de Terontia fuisse.

⁹⁹ Ad aliam rem loci nihil, satis ad eam, q. q.] Exhibui lectionem P. Manutii manifeste veram, quippe consentientem loco alteri de hac villa ep. 23. pusillum loci, ad hanc tamen rem plus etiam satis. vulgatæ lectiones, etiam librorum scriptorum, sunt corruptissimæ, ut ed. Rom. ad nullam rem loci satis, nihil ad eam, quam quaero. Ed.

Jens. ad nullam r., &c. quæ vulgata facta est, ad P. Manutium usque. Bosius ex ad nullum fecit ad villam, inepte. recepit lamen Gruterus, &c.

¹⁰⁰ Sequor celebritatem.] Hanc l. c. Cottæ villæ tribuit Cicero.

¹ Ut consu. est, in prima provincia.] In aditu provincie, qua primam in eam venit. Consuetudo sic fuit, ut abiens magistratus advenientem, velut honoris cau-

est, in prima provincia, circiter Kal. affuturus videtur. vellem tardius. valde enim urbem fugio multas ob causas. itaque id ipsum dubito, an excusationem aliquam ad illum parem: quod quidem video facile esse. sed habemus satis temporis ad cogitandum. Piliæ, Atticæ salutem.

28

CICERO ATTICO S.

DE Silio nihilo plura cognovi ex præsentē Sica, quam ex litteris ejus. scripserat enim diligenter. si igitur tu illum conveneris, scribes ad me, si quid videbitur. De quo putas ²ad me missum esse; sit missum, necne, nescio; dictum quidem mihi certe nihil est. tu igitur, ut coepisti. et, si quid ita conficies, (quod equidem non arbitror fieri posse,) ut illi probetur, Ciceronem, si tibi placebit, adhibebis. ejus aliquid interest, videri illius causa voluisse: mea quidem nihil, nisi id, quod tu scis: quod ego magni æstimo. Quod me ³ad consuetudinem revocas; fuit meum quidem jam pridem rempublicam lugere; quod faciebam, sed mitius. erat enim, ubi acquiescerem. nunc plane ⁴nec ego victum, nec vitam illam colere possum: nec in ea re, quid aliis videatur, mihi puto curandum. Mea mihi conscientia pluris est, quam omnium sermo. Quod ⁵me ipse per litteras consolatus sum; non poenitet me, quantum profecerim. mœrorem minui: dolorem nec potui, ⁶nec, si possem, vellem. De Triario, bene interpretaris voluntatem meam. tu vero nihil, nisi ut illi volent. amo illum mortuum: tutor sum liberis: totam domum diligo. ⁷De Castriciano negotio, si Castricius pro mancipiis pecuniam accipere volet, camque ei solvi, ⁸ut nunc solvitur; certe nihil est commodius. sin

sa, exoiperet, et provinciam ei traderet, non tamen semper hoc est servatum, præsertim ab iis, qui inviti abitent, aut successori non essent amici, ut exemplum Appii in Cilicia docet.

² Ad me missum esse.] Sc. a Terentia de testamento ipsius: patet ex eo, quod filium suum in negotio eo adhiberi vult, et rem ad ejus utilitatem pertinere dicit.

³ Ad consuetudinem revocas.] Romam, ad remp. et in forum: ex mente Attici. Cicero consuetudinem suam dicit esse, rempublicam lugere, sed omni luctum in-tiorem fuisse viva Tullia: ut alteram, priscam, redire se non posse.

⁴ Nec ego victum, nec vitam illam colere possum.] Victum urbanum et lautorem,

nec vitam illam urbanam, negotiosam, &c. colere victum, immo et vitam, vix satis commode dicitur. an scripsit tolerare?

⁵ Me i. per litteras consolatus sum.] Intelligit librum suum de consolatione.

⁶ Nec, si possem, vellem.] Si ad Tulliam pertinet, ut videtur, intelligendum est de conservatione memoriæ ejus, quam deponere non vult, et in qua repetenda dolor semper jacturæ redibat etiam cum suavitate quadam: si ad remp. intell. ne videret non moveri reip. malis.

⁷ De Castr. negotio.] Pertinebat res ad Quintum fr. ut e seqq. patet.

⁸ Ut nunc solvitur.] Nempe per estimationes.

autem ita aetum est, ut ipsa mancipia abduceret, non mihi videtur esse æquum. rogas enim me, ut tibi scribam, quid mihi videatur. nolo enim negotii Quintum fratrem quidquam habere: quod, videor mihi intellexisse, tibi idem videri. Publius, si æquinoctium exspectat, ut scribis Ate-dium dicere, navigaturus videtur. mihi autem dixerat per Siciliam. utrum, et quando, velim scire. Et velim aliquando, cum erit tuum commodum, Lentulum puerum visas, eique de mancipiis, quæ tibi videbitur, attribuas. Piliæ, Atticæ salutem.

CICERO ATTICO S.

29

SILIUS, ut scribis,⁹ hodie. cras igitur, vel potius cum poteris, scribes, si quid erit, cum videris. Nec ego Brutum vito, nec tamen ab eo levationem ullam exspecto: sed erant causæ, cur hoc tempore istic esse nollem: quæ si manebunt, quærenda erit excusatio ad Brutum; et, ut nunc est, mansuræ videntur. De hortis, quæso explica. caput illud est, quod scis. sequitur,¹⁰ ut etiam mihi ipsi quiddam opus sit. nec enim esse in turba possum, nec a vobis abesse. huic meo consilio nihil reperio isto loco aptius: et de hac re¹¹ quid tui consilii sit, mihi persuasum est, et eo magis, quod idem intellexi tibi videri, me ab Oppio et Balbo valde diligi. cum iis communices, quanto opere, et quare velim hortos; sed id ita posse, si expediatur illud Faberianum:¹² sintne igitur auctores futuri, si qua etiam jactura facienda sit in repræsentando, quoad possunt adduci: totum enim illud desperatum: denique intelliges, ecquid inclinent ad hoc meum consilium adjuvandum. si quid erit, magnum est adjumentum: sin minus, quacumque ratione

p. 196.

a.

⁹ *Hodie.*] Te conveniet et tecum colloquetur, sc. de hortorum negotio. ep. super.

¹⁰ *Ut etiam mihi ipsi quiddam opus sit.*] Intell. ut mihi etiam loco opus sit, ubi esse extra urbem et tamen prope urbem possim. sed id durius est mihi quiddam opus sit. Conjeci aliquando quidam locus sit.

¹¹ *Quid tui consilii sit, mihi persuasum est.*] Gronovius interpungi volebat post q. t. consilii sit, intell. exspecto. Sane persuasum est non bene convenit illi, quid tui consilii sit. In persuasum est ex ea ra-

lione intelligendum, tibi idem videri. in valde diligi sit, Gronovio eidem videbatur scribendum scilicet pro sit, quod ab edd. pr. abest, ut aberat Mss. Grevij, qui et delevit: idque ego sum imitatus. scilicet non bene convenit sequentibus.

¹² *Sintne igitur auctores futuri.*] Præstatum nomen Faberianum. Ceterum locus hic in edd. et ser. valde est vitiosus. nec nunc satis constitutum puto. an sic scribendum: s. i. a. futuri: si qua etiam -- in repræsentando, quoad possint adduci. tum denique est saltem, si nihil aliud effeceris, tamen saltem intelliges.

contendamus. ¹³ *vetus illud ἐγγράμμα*, quemadmodum scripsisti, vel *ἐντάφιον* putato. ¹⁴ De illo Ostiensi nihil est cogitandum. si hoc non assequimur : a Lamia non puto posse : Damasippi experiendum est.

30

CICERO ATTICO S.

QUÆRO, quid ad te scribam : sed nihil est. eadem quotidie. Quod Lentulum invisis, valde gratum. pueros attribue ei, quot et quos videbitur. De Silii voluntate vendendi, ¹⁵ et de eo, quanti, tu vereri videris, primum ne nolit, deinde ne tanti. Sica aliter : sed tibi assentior. quare, ut ei placuit, scripsi ad Egnatium. Quod Silius te ¹⁶ cum Clodio loqui vult ; potes id mea voluntate facere : commodiusque
b. est, quam, quod ille a me petit, me ipsum scribere ad Clodium. ¹⁷ De mancipiis Castricianis, commodissimum esse credo, transigere Egnatium : quod scribis, te ita futurum putare. Cum Ovia, quæso, vide ut conficiatur. Quoniam, ut scribis, nox erat, in hodierna epistola plura exspecto.

31

CICERO ATTICO S.

SILIUM mutasse sententiam, Sica mirabatur. equidem magis miror, quod, cum in filium causam conferret, quæ mihi non injusta videtur ; (habet enim qualem vult ;) ais te putare, ¹⁸ si addiderimus aliud, a quo refugiat, cum ab ipso id fuerit destinatum, venditurum. Quæris a me, quod summum pretium constituam, et quantum anteire istos hortos Drusi : accessi numquam : Coponianam villam et veterem, et non magnam novi : silvam nobilem, fructum autem neutrius : quod tamen puto nos scire oportere. sed mihi, utrivis istorum, tempore magis meo, quam ratione æstimandi sunt. possim autem assequi, necne, tu velim cogites. ¹⁹ si enim Faberianum venderem, explicare vel repræsentatione non dubitarem de Silianis, si modo adduceretur, ut vende-

¹³ *Vetus illud ἐγγράμμα, &c.] V. Clav: Græca in v. ἐντάφιον.*

¹⁴ *De illo Ostiensi.] Sc. Cottæ horto, supra, ep. 23.*

¹⁵ *Et de eo, quanti.] Semper me offendit de eo, et sapere interpolatorem visum est.*

¹⁶ *Cum Clodio.] Quia de re pecuniaria sermo est, videtur Hermogenes Clodius esse, qui occurrit infra, XIII, 24.*

¹⁷ *De mancipiis Castric.] V. supra, ep. 28.*

¹⁸ *Si addiderimus aliud, a quo refugiat.] Si præter hortos ab eo emere velimus aliud prædium, quod ipse non amet et vendere cupiat: cum ab ipso id fuerit destinatum, sc. venditioni.*

¹⁹ *Si Faberianum venderem.] Int. nomen, pecuniam, quam ille debet mihi : si ergo id facerem, putarem Silio me pro hortis præsentem pecuniam solvere posse.*

ret: si venales non haberet, transirem ad Drusum, vel tanti, quanti Egnatius illum velle tibi dixit. magno etiam adjumento nobis Hermogenes potest esse in repræsentando. at tu concede mihi, quæso, ut eo animo sim, quo is debeat esse, qui emere cupiat: et tamen servio ita cupiditati et dolori meo, ut a te regi velim. Egnatius mihi scripsit. is si quid tecum locutus erit, (commodissime enim per eum agi potest,) ad me scribe: et id agendum puto. nam cum p. 197. Silio non video confici posse. Piliæ et Atticæ salutem. ^a Hæc ad te mea manu. vide, quæso, quid agendum sit.

CICERO ATTICO S.

32

PUBLILIA ad me scripsit, matrem suam ²⁰(cum Publilio loqui retur) ad me cum illo venturam, et se una, si ego paterer: orat multis et supplicibus verbis, ut liceat, et ut sibi rescribam. res quam molesta sit, vides. rescripsi, me etiam gravius esse affectum, quam tum, cum illi dixissem, me solum esse velle; quare nolle me hoc tempore eam ad me venire. putabam, si nihil rescripsissem, illam cum matre venturam: nunc non puto. apparebat enim, illas litteras ²¹non esse ipsius. illud autem, quod fore video, ipsum volo vitare, ne illæ ad me veniant. et una est vitatio, ²²ut ego nolim. sed necesse est. te hoc nunc rogo, ut explores, ad quam diem hic ita possim esse, ut ne opprimar. ages, ut scribis, temperate. Ciceroni velim hoc proponas, ita tamen, si tibi non iniquum videbitur, ut sumtus hujus peregrinationis, quibus, si Romæ esset, domumque conducirer, quod facere cogitabat, facile contentus futurus erat, ²³accommodet ad mercedes Argileti et Aventini: et cum ei proposueris, ipse velim reliqua moderere, quemadmodum ex iis mercedibus suppeditemus ei, quod opus sit. præstabo, nec Bibulum, nec Acidinum, nec Messalam, quos Athenis futuros audio, majores sumtus facturos, quam quod ex eis mercedibus recipietur. itaque velim videas, primum, conductores qui sint, et quanti; deinde, ut sit, qui ad diem solvat; et, quid viatici, quid instrumenti satis sit.

²⁰ Cum Publilio loqui retur.] Ita scribit, tamquam non mecum, sed cum patre loqueretur. Sic e Ms. uno edidit Bosius, alii aliter: non tamen melius.

²¹ Non esse ipsius.] Sed matris, ad me venire cupientis. ipsius recte pro illius e

Mss. duobus edidit Bosius.

²² Ut ego nolim.] Vulgo nollem, male: vidit jam Corradus cum aliis.

²³ Accommodet ad mercedes A. et A.] Ita moderetur, ut redditus e locationibus Argileti et Aventini sufficiant.

jumento certe Athenis nihil opus est. quibus autem in via utatur, domi sunt plura, quam opus erat: quod etiam tu animadvertis.

33

CICERO ATTICO S.

- b. EGO, ut heri ad te scripsi, si et Silius is fuerit, quem tu putas, nec Drusus facilem se præbuerit, Damasippum velim aggrediare. is, opinor, ita partes fecit in ripa nescio quotenorum jugerum, ut certa pretia constitueret; quæ mihi nota non sunt. scribes ad me igitur, quidquid egeris. Vehementer me sollicitat Atticæ nostræ validudo: ut vrear etiam, ne qua culpa sit. sed et pædagogi probitas, et medici assiduitas, et tota domus in omni genere diligens, me rursus id suspicari vetat. cura igitur. plura enim non possum.

34

CICERO ATTICO S.

EGO hic vel sine Sica (Tironi enim melius est) facillime possem esse, ut in malis: sed, cum scribas, videndum mihi esse, ne opprimar; ex quo intelligam, te certum diem illius profectionis non habere: putavi esse commodius, me istuc venire; quod idem video tibi placere. cras igitur in Sicæ suburbano: inde, quemadmodum suades, puto me in Ficulensi fore. quibus de rebus ad me scripsisti, quoniam ipse venio, coram videbimus. tuam quidem et in agendis nostris rebus, et in consiliis ineundis mihi que dandis, in ipsis litteris, quas mittis, benivolentiam, diligentiam, prudentiam mirifice diligo.

35

CICERO ATTICO S.

- TU tamen, si quid cum Silio, vel illo ipso die, quo ad Sicam venturus ero, certiore me velim facias, et maxime, ²⁴cujus loci detractorem fieri velit. quod enim scribis, *extremi*; ²⁵vide, ne is ipse locus sit, cujus causa de tota re, ut scis, est a nobis cogitatum. Hirtii epistolam tibi misi, et recentem, et benivole scriptam. Antequam a te proxime discessi, numquam mihi venit in mentem, quo plus ^{p.198.} ^{a.} insumtum in monumentum esset, quam nescio quid, ²⁶quod

²⁴ Cujus loci detr.] Quam partem xime in conspectu. nam ejus causa hunc hortum sibi servare velit. hortum cupiebam emere.

²⁵ Vide, ne is ipse, &c.] Vereor, ne ea ²⁶ Quod lege conceditur.] Sumptuaria ipsa pars sit, quæ sit viæ proxima et aliqua, Cæsaris ipsius, ut nonnullis placet:

lege conceditur, tantundem populo dandum esse: quod non magno opere moveret, nisi, nescio quomodo, ἀλόγως fortasse, nollem illud ullo nomine, nisi fani, appellari. quod si volumus, vereor, ²⁷ ne assequi non possimus, nisi mutato loco. hoc quale sit, quæso considera. nam etsi minus urgeor, meque ipse propemodum collegi: tamen indigeo tui consilii. itaque te vehementer etiam atque etiam rogo, magis quam a me vis, aut pateris te rogari, ut hanc cogitationem toto pectore amplectare.

CICERO ATTICO S.

36

FANUM fieri volo; ²⁸ neque hoc mihi erui potest: sepulchrisimilitudinem effugere, non tam propter pœnam legis studeo, quam ut maxime assequar ἀποθέσθαι: quod poteram, si in ipsa villa facerem: sed, ut sæpe locuti sumus, commutationes dominorum reformido. in agro ubicumque fecero, mihi videor assequi posse, ut posteritas habeat religionem. Hæ meæ tibi ineptiæ (fatcor enim) ferendæ sunt. non habeo, ne me quidem ipsum, quicum tam audacter communicem, quam te. si tibi res, si locus, si institutum placet, lege, quæso, legem, mihiq; eam mitte. si quid in mentem veniet, quo modo eam effugere possimus; utemur. Ad Brutum si quid scribes, nisi alienum putabis, objurgato cum, quod in Cumano esse noluerit propter eam causam, quam tibi dixit. cogitanti enim mihi, nihil tam videtur potuisse facere rustice. Et, si tibi placebit sic agere de fano ut cœpimus, velim cohortere, et exacuas Cluatium: nam, etiamsi alio loco placebit, illius nobis opera consilioque utendum puto. Tu ad villam fortasse cras.

CICERO ATTICO S.

37

A TE heri duas epistolas accepi, alteram pridie datam b. Hilario, alteram eodem die tabellario; accepique ab Ægypta liberto eodem die, Piliam et Atticam plane belle se habere.

in qua et de sepulchrorum modo statutum esset: propter magnitudinem sumtum, qui in iis fieri cœpissent.

²⁷ Ne assequi non possimus, nisi mutato loco.] Locus erat in hortis transtiberinis, ubi multa sepulchra. ibi igitur pro sepulchro futurum fuisse videtur monumentum, nec sanctitatem fani habiturum.

²⁸ Neque hoc mihi erui potest.] Sic

edd. pr. itemque Mss. v. c. Grævii. Bo-sius e Ms. in quo erat suaderi, facit suada erui potest, quod Gruterus secutus est. Ego suada delevi. addidisset Cicero ulla. Ceterum sæpe dudum tentatus sum legere eripi: quod elegans hic esset, et usitatum Ciceroni. erui autem pro eripi dici non reperi. nisi vero Cicero ad oculum allusit, qui dicuntur erui.

hæ litteræ mihi redditæ sunt tertiodecimo die. Quod mihi Bruti litteras, gratum. ad me quoque misit. eam ipsam ad te epistolam misi, et ad eam exemplum mearum litterarum. De fano, si nihil mihi hortorum invenis, (qui quidem tibi inveniendi sunt, si me tanti facis, quanti certe facis,) valde probo rationem tuam de Tusculano. quamvis prudens ad cogitandum sis, sicut es, tamen, nisi magnæ curæ tibi esset, ut ego consequerer id, quod magno opere vellem, numquam ea res tibi tam belle in mentem venire potuisset. sed, nescio quo pacto, celebritatem requiro. itaque hortos mihi conficias, necesse est. maxima est in Scapulæ celebritas; propinquitas præterea, ubi sis, ²⁹ ne totum diem in villam. quare, antequam discedis, Othonem, si Romæ est, convenias pervelim. si nihil erit, etsi tu meam stultitiam consuesti ferre, eo tamen progrediar, uti stomachere. Drusus enim certe vendere vult. ³⁰ si ergo aliud erit, non mea erit culpa, nisi emero: qua in re ne labar, quæso provide. providendi autem una ratio est, si quid de Scapulanis possumus. Et velim me certiore facias, quam diu in suburbano sis futurus. Apud Terentiam gratia opus est nobis tua, tuaque auctoritate. sed facies, ut videbitur. scio enim, si quid mea intersit, tibi majori curæ solere esse, quam mihi. Hirtius ad me scripsit, Sex. Pompeium Corduba exisse, et fugisse in Hispaniam citeriorem, Cnæum fugisse, nescio quo: neque enim curo. nihil præterea novi. litteras Narbone dedit ³¹ XIII Kal. Mai. Tu mihi de Caninii naufragio, quasi dubia misisti. scribas igitur, si quid erit certius. Quod me a moestitia avocas, multum levaris, si lo-

p. 199. cum fano dederis. multa mihi *εις ἀποθέσειν* in mentem veniunt. sed loco valde opus est. quare etiam Othonem vide.

a.

CICERO ATTICO S.

NON dubito, quin occupatissimus fueris, qui ad me nihil litterarum. sed homo nequam, qui tuum commodum non exspectarit, cum ob eam unam causam missus esset. nunc quidem, nisi quid te tenuit, suspicor te esse in suburbano.

²⁹ Ne totum diem in villam.] Sic et dumque, si aliud non erit, mea erit culpa. supra aliquoties dixit, pro, in villa con- sumere debeas. recte.

³¹ XIII Kal. Mai.] Bosii ed. errore operatum habet VIII; quod retinuit Grævius non mutasse locum putat, legentibus. sed in ed. Gron. correctum est.

at ego hic, scribendo dies totos, nihil equidem levor, ³² sed tamen aberro. Asinius Pollio ad me scripsit ³³ de impuro nostro cognato. quod Balbus minor nuper satis plane, Dolabella obscure, hic apertissime. ferrem graviter, si novæ ægrimoniam locus esset. sed tamen ecquid impurius? o hominem cavendum! ³⁴ quamquam mihi quidem. sed tenendus dolor est. Tu, quoniam necesse nihil est, sic scribes aliquid, si vacabis. Quod putas oportere ³⁵ pervideri jam animi mei firmitatem, graviusque quosdam scribis de me loqui, quam aut te scribere, aut Brutum: si, qui me fractum esse animo et debilitatum putant, sciant quid litterarum et cujus generis conficiam; credo, si modo homines sint, existiment me, sive ita levatus sim, ut animum vacuum ad res difficiles scribendas afferam, reprehendendum non esse; sive hanc aberrationem a dolore delegerim, ³⁶ quæ maxime liberalissima, doctoque homine dignissima, laudari me etiam oportere. sed, cum ego faciam omnia, quæ facere possim ad me adjuvandum; tu effice id, quod video te non minus, quam me laborare. Hoc mihi debere videor, neque levare posse, nisi solvero, aut videro, me posse solvere, id est, locum, qualem volo, invenero. Heredes Scapulæ, si istos hortos, ut scribis tibi Othonem dixisse, partibus quatuor factis, ³⁷ liceri cogitant: nihil est scilicet emptori loci. sin veniunt: quid fieri possit, videbimus. nam ille locus b. Publicianus, qui est Trebonii et Cusinii, erat ad me allatus. sed scis aream esse. nullo pacto probo. Clodiæ sane placeant; sed non puto esse venales. De Drusi hortis, quamvis ab iis abhorreas, ut scribis, tamen eo confugiam, nisi quid inveneris. ædificatio me non movet. nihil enim aliud ædificabo, nisi id, quod etiam, si illos non habuero *κῦρος δ', ε, mihi sic placuit, ut cetera Antisthenis, hominis acuti magis, quam cruditi.*

³² Sed tamen aberro.] A cogitatione malorum et dolore, ut alibi plenius dixit. ep. 38. est aberratio a dolore.

³³ De impuro nostro cognato.] Fratris Quinti filio.

³⁴ Quamquam mihi quidem.] Dudum cavendus visus est ob malitiam. Dousa Explan. Plant. p. 407. explet e Plauto, ætus est acta ferme, tua istud refert maxime, ut habet ipse Cicero, ad Brut. ep. 11.

³⁵ Pervideri.] Bosius hoc se dicit e libris vet. pro vulgato provideri reposuisse. Sic jam erat in ed. Rom.

³⁶ Quæ maxime liberalissima.] Lambinus malebat maxime delegerim, quæ liberalissima, placebatque Grævio. Sed v. Clav. in maxime.

³⁷ Liceri cogitant.] Ad requandas partes hereditatis, v. supra.

39

CICERO ATTICO S.

TABELLARIUS ad me cum sine litteris tuis venisset, existimavi tibi eam causam non scribendi fuisse, quod pridie scripsisses ea ipsa, ad quæ rescripsi hac epistola. expectaram tamen aliquid de litteris Asinii Pollionis. sed nimium ex meo otio tuum specto. quamquam tibi remitto, nisi quid necesse erit, necesse ne habeas scribere, nisi eris valde otiosus. De tabellariis facerem quod suades, si essent ullæ necessariae litteræ, ut erant olim, cum brevioribus diebus, tamen quotidie respondebant tcmptori tabellarii; et erat aliquid, Silius, Drusus, alia quædam. nunc, nisi Otho extitisset, quod scriberemus, non erat. idipsum dilatum est: tamen allevor, cum loquor tecum absens, et multo etiam magis, cum tuas litteras lego. sed quoniam et abes (sic enim arbitror) et scribendi necessitas nulla est, conquiescent litteræ, nisi quid novi extiterit.

40

CICERO ATTICO S.

QUALIS futura sit ³⁸ Cæsaris vituperatio contra laudationem meam, perspexi ex eo libro, quem Hirtius ad me misit, in quo colligit vitia Catonis, sed cum maximis laudibus meis. itaque misi librum ad Muscam, ut tuis librariis daret. volo enim eum divulgari: quod quo facilius fiat, imperabis tuis. ³⁹ Συμβουλευτικὸν sæpe conor: nihil reperio: et quidem mecum habeo et Ἀριστοτέλους et Θεοπόμπου πρὸς
 P. 200. Ἀλέξανδρον. sed quid simile? illi, et quæ ipsis honesta essent, scribebant, et grata Alexandro. ecquid tu ejusmodi reperis? mihi quidem nihil in mentem venit. Quod scribis te vereri, ne et gratia et auctoritas nostra hoc meo mœrore minuat: ego, quid homines aut reprehendant, aut postulent, nescio. ne doleam? qui potest? ne jaceam? quis umquam minus? ⁴⁰ dum tua me domus levabat, quis a me exclusus? quis venit, qui offenderetur? Asturam sum a te profectus. legere isti læti, qui me reprehendunt, tam multa non possunt, quam ego scripsi. quam benc, nihil ad rem. sed genus scribendi id fuit, quod nemo abjecto animo fa-

38 Cæsaris vituperatio.] Anti-Cato contra laudem M. Catonis.

39 Συμβουλ. sæpe conor.] Suscipio scribere consilium de rep. ad Cæsarem, ut hi, qui sequuntur, ad Alexandrum.

40 Dum tua domus me levabat.] Dum apud te fui, doloris levandi causa, omnes admissi, qui me convenire vellent, et eos comiter tractari. idem mox dicit aliis verbis, post in hortis fui.

cere posset. triginta dies in hortis fui. quis aut congressum meum, aut facilitatem sermonis desideravit? nunc ipsum, ea lego, ea seribo, ut ii, qui mecum sunt, difficilior otium ferant, quam ego laborem. si quis requirit, cur Romæ non sim: quia discessus est. cur non sim in his meis prædiolis, quæ sunt hujus temporis: quia frequentiam illam non facile ferrem. ibi sum igitur, ubi is, qui optimas Bajas habebat, quotannis hoc tempus consumere solebat. cum Romam venero, nec vultu, nec oratione reprehendar. hilaritatem illam, qua hanc tristitiam temporum condiebamus, in perpetuum amisi. constantia et firmitas nec animi, nec orationis requiretur. De hortis Seapulanis hoc videtur effici posse, aliud tua gratia, aliud nostra, ut præconi subjiciantur. id nisi fit, excludemur. sin ad tabulam venimus, vincedimus facultates Othonis nostra cupiditate. Nam quod ad me de Lentulo scribis, ⁴¹ non est in eo. Faberiana modo res certa sit, tuque enitare, quod facis; quod volumus, consequemur. Quod quæris, quam diu hic; paucos dies. sed certum non habeo. simul ac constituero, ad te scribam: et tu ad me, quam diu in suburbano sis futurus. quo die ego ad te hæc misi, de Pilia et Attica mihi quoque eadem, ^b quæ scribis, et scribuntur, et nuntiantur.

CICERO ATTICO S.

41

NIHIL erat, quod scriberem. scire tamen volebam, ubi esses; si abes, aut abfuturus es, quando rediturus esses. facies igitur me certiorum. Et, quod tu scire volebas, ego quando ex hoc loco; postridie idus Lanuvii constitui manere; inde postridie in Tusculano, aut Romæ. utrum sim facturus, eo ipso die scies. Scis, quam sit φιλαίρων συμφορά. minime in te quidem: sed tamen avide sum affectus de fano: quod nisi, non dico, effectum erit, sed fieri videro; audebo hoc dicere (et tu, ut soles, accipies) incursabit in te dolor meus, non jure ille quidem; sed tamen feres hoc ipsum, quod seribo, ut omnia mea fers ac tulisti. omnes tuas consolationes unam hanc in rem velim conferas. si quæris, quid optem: primum Scapulæ, deinde Clodiæ; postea, si Silius nolet, ⁴² Drusus aget injuste; Cusinii et

⁴¹ Non est in eo.] Non ille potest pecuniam dare nobis ad emendum.

⁴² Drusus aget injuste.] Si Drusus plus justo pro hortis petierit, ut emere non possim.

Trebonii. puto Terentium esse dominum, Rebilum fuisse certo scio. sin autem tibi Tusculanum placet, ut significasti quibusdam litteris, tibi assentiar. ⁴³ hoc quidem utique perficies, si me levare vis; quem jam etiam gravius accusas, quam patitur tua consuetudo: sed facis summo amore, et victus fortasse vitio meo: sed tamen, si me levare vis, hæc est summa levatio: vel (si verum scire vis) una. Hir-
tii epistolam si legeris, quæ mihi quasi πρόπλευσμα videtur ejus vituperationis, quam Cæsar scripsit de Catone; facies me, quid tibi visum sit, si tibi erit commodum, certiore. Redeo ad fanum. nisi hac æstate absolutum erit, quam vides integram restare, ⁴⁴ scelere me liberatum non putabo.

42

CICERO ATTICO S.

p. 301.

^{a.} ⁴⁵ NULLUM a te desideravi diem litterarum. videbam enim quæ scribis: et tamen suspicabar, vel potius intelligebam, nihil fuisse, quod scriberes. A. d. vi Id. vero et abesse te putabam, et plane videbam nihil te habere. ego tamen ad te fere quotidie mittam. malo enim frustra, quam te non habere, cui des; si quid forte sit, quod putes me scire oportere. itaque accepi vi Id. litteras tuas inanes. quid enim habebas, quod scriberes? mihi tamen illud, quidquid erat, non molestum fuit, nihil aliud scire me, ⁴⁶ novi te nihil habere. scripsisti tamen nescio quid de Clodia. ubi ergo ea est? aut quando ventura? placet mihi res sic, ut secundum Othonem nihil magis. sed neque hanc vendituram puto. delectatur enim, et copiosa est: ⁴⁷ et illud alterum quam sit difficile, te non fugit. sed obsecro cnitamur, ut aliquid ad id, quod cupio, excogitemus. Ego me hinc postridie exiturum puto, sed aut in Tusculanum, aut domum; inde fortasse Arpinum. cum certum sciero, scribam ad te. Venerat mihi in mentem, monere te, ut ⁴⁸ id ipsum, quod facis, faceres. putabam enim, commodius te idem istud domi agere posse, interpellatione sublata.

⁴³ Hoc quidem u. perficies.] Ut fanum possim extruere filia.

⁴⁴ Scelere me liberatum non p.] Quod commiserim voto non solvendo de fano ædificando. v. ep. 43.

⁴⁵ Nullum -- litterarum.] Puto esse, nullo die a te expectavi litteras. ratio subjicitur: quia videbam te occupatissimum esse scribendo alia. tum addit aliam,

quamquam et suspicabar, te non habere, quod scriberes. dies litterarum insolentius est.

⁴⁶ Novi te nihil habere.] Gronovius volebat, nisi novi, &c. bene.

⁴⁷ Et illud alterum.] De Othonis hortis emendis.

⁴⁸ Id ipsum quod facis.] Est idem, quod supra, quæ scribis.

CICERO ATTICO S.

43

EGO postridie Idus, ut scripsi ad te ante, Lanuvii manere constitui; inde aut Romæ, aut in Tusculano. scies ante utrumque. ⁴⁹ Quod siles, mihi illam rem fore levamento, bene facis; ⁵⁰ cum id esset, mihi crede, perinde, ut existimare tu non posses. res indicat, quanto opere id cupiam, cum tibi audeam confiteri; quem id non ita valde probare arbitrer. sed ferendus tibi in hoc meus error; ferendus? immo vero etiam adjuvandus. De Othone, diffido, fortasse quia cupio. sed tamen major etiam res est, quam facultates nostræ, præsertim adversario et cupido, et locuplete, ⁵¹ et herede. proximum est, ut velim Clodiæ. sed si ista minus confici possunt, effice quidvis. ego me majore religione, quam quisquam fuit ullius voti, obstrictum puto. videbis etiam Trebonianos: etsi absunt domini. sed, ut ad te heri scripsi, considerabis etiam de Tusculano; ne æstas effluat: quod certe non est committendum.

CICERO ATTICO S.

44

ET Hirtium aliquid ad te συγκαθῶς de me scripsisse facile patior; (fecit enim humane;) et te ejus epistolam ad me non misisse, multo facilius. tu enim etiam humanius. Illius librum, quem ad me misit de Catone, propterea volo divulgari a tuis, ut ex istorum vituperatione sit illius major laudatio. Quod per Mustelam agis, habes hominem valde idoneum, meique sane studiosum jam ⁵² inde a Pontiano. perfice igitur aliquid. quid autem aliud, nisi ut aditus sit emtori? quod per quemvis heredem potest effici. sed Mustelam id perfecturum, si rogaris, puto. Mihi vero et locum, quem opto, ad id, quod volumus, dederis, et præterea ἐγγήραμα. Nam illa Sili et Drusi non satis οἰκοδεσποτικά mihi videntur. quid enim ⁵³ sedere totos dies in villa ista? igitur malim primum Othonis, deinde Clodiæ. si nihil flet, aut ⁵⁴ Druso ludus est suggerendus, aut utendum Tuscu-

⁴⁹ Quod siles, mihi illam rem, &c.] Delevi recte ante mihi; abest ed. Rom. et nullum hic sensum habet. nempe cum de hortis emendis agebat, occultabat Cicero- nis cupiditatem, ut salubrius emere posset.

⁵⁰ Cum id esset - - posses.] Hæc vitiosa puto, nec intelligo.

⁵¹ Et herede.] V. supra ad ep. 38.

⁵² Inde a Pontiano.] Cum Pontianum defendi, ejus amicum vel allinem.

⁵³ Sedere - - in villa ista?] Ubi nihil habebis, quod agas ut bonus oconomus.

⁵⁴ Druso ludus sugg.] Obscure dictum: an aliqua arte decipiendus et inducendus est, ut salubri pretio vendat?

lano. Quod domi te inclusisti, ratione fecisti. sed quæso confice, et te vacuum redde nobis. Ego hinc, ut scripsi antea, postridie Id. Lanuvium; deinde postridie in Tusculano. contudi enim animum, et fortasse vici, si modo permansero. scies igitur fortasse cras, summum perendie. Sed quid est quæso? Philotimus ⁵⁵ nec Cartiæ Pompeium teneri, (qua de re litterarum ad Clodium Patavinum missarum exemplum mihi Oppius et Balbus miserant, se id factum arbitrari,) bellumque narrat reliquum satis magnum. solct omnino esse Fulviniaster. sed tamen, si quid habes. volo etiam de naufragio Caniniano scire, quid sit.

45

CICERO ATTICO S.

EGO hic ⁵⁶ duo magna συντάγματα absolvi. nullo enim alio modo a miseria quasi aberrare possum. tu mihi, etiamsi nihil crit, quod scribas, quod fore ita video; tamen idipsum scribas velim, te nihil habuisse, quod scriberes, dum modo ne his verbis. De Attica, optime. Ἀκηδία tua me movet: etsi scribis nihil esse. In Tusculano eo commodius ero, quod et crebrius tuas litteras accipiam, et te ipsum nonnumquam videbo. nam ceteroqui ἀνεκτότερα erant Asturæ: nec hæc, quæ reflicant, hic me magis angunt. etsi tamen, ubicumque sum, illa sunt mecum. ⁵⁷ De Cæsare vicino scripseram ad te, quia cognoram ex tuis litteris. eum σύνναον Quirino malo, quam Saluti. Tu vero ⁵⁸ per vulga Hirtium. id enim ipsum putaram, quod scribis; ut, cum ingenium amici nostri probaretur, ἐπὶθεῖς vituperandi Catonis irrideretur.

46

CICERO ATTICO S.

VINCAM, opinor, animum, et Lanuvio pergam in Tusculanum. aut enim mihi in perpetuum fundo illo carendum est: (nam dolor idem manebit, ⁵⁹tantum mediocrius:) aut

⁵⁵ Nec Cartiæ.] Recepi cum Grævio hanc lectionem a Manutio excogitatam, pro nec arctim, quod Bosius edidit, et post eum Gruterus. historia est pro hac lectione. edd. pr. Cartivi. nec - - que etiam alibi est. v. Clav. in neque. Philotimus Pompeianis favebat.

⁵⁶ Duo magna σ.] Libros Academicos et de Finibus, quos, Cæsar bellum in Hispania gerente, scripsisse constat.

⁵⁷ De Cæsare vicino.] Int. tuo. nempe ei statua in ædo Quirini posita erat, cui vicinum domus Attici. Lusus in eo, quod Cæsarem Quirino mavult σύνναον esse, quam saluti, facile intelligitur.

⁵⁸ Per vulga Hirtium, &c.] V. ep. 40. pr.

⁵⁹ Tantum mediocrius.] Edd. pr. acius. ex eo mediocrius fecit Manutius. Grævius malebat modestius, quod e cod. vet. notatum est in margine ed. Lamb.

nescio quid intersit, utrum illuc nunc veniam, an ad decem annos. neque enim ista major admonitio, quam quibus assidue conficior, et dies et noctes. quid ergo? inquires: nihil litteræ? in hac quidem re, vereor ne etiam contra. nam essem fortasse durior. ⁶⁰ isto enim animo nihil agreste, nihil inhumanum est.

CICERO ATTICO S.

47

TU igitur, ut scripsisti; nec id incommodo tuo. ⁶¹ vel ^{b.} binæ enim poterunt litteræ. occurram etiam, si necesse erit. ergo id quidem, ut poteris. De Mustela, ut scribis: etsi magnum opus est. eo magis delabor ad Clodiam. quamquam in utroque Faberianum nomē explorandum est: de quo, nihil nocuerit, si aliquid cum Balbo eris locutus; et quidem, ut res est, emere nos velle, nec posse sine isto nomine, nec ⁶² audere incerta. sed quando Clodia Romæ futura est, et quia tanti rem æstimas, eo prorsus specto: non quin illud malim; sed et magna res est, et difficile ⁶³ certamen cum cupido, cum locuplete, cum herede: etsi de cupiditate nemini concedam: ceteris rebus inferiores sumus. sed hæc coram. Hirtii librum, ut facis, divulga. ⁶⁴ De Philotimo, idem et ego arbitrabar. Domum tuam pluris video futuram vicino Cæsare. Tabellarium meum hodie expectamus. nos de Pilia et Attica certiores faciet.

CICERO ATTICO S.

48

DOMI te libenter esse facile credo. sed velim scire, quid tibi restet, aut jamne confeceris. ego te in Tusculano expecto, eoque magis, quod Tironi statim te venturum scripsisti, et addidisti, te putare opus esse. sentiebam omnino, quantum mihi præsens prodesset; sed multo magis post discessum tuum sentio. quamobrem, ut ante ad te scripsi, aut ego ad te ⁶⁵ totus, aut tu ad me, quod licebit.

⁶⁰ *Isto enim animo.*] Servavi lectionem edd. pr. per conjecturam editum est ex-culto a Vict. Manut. Lamb. Græv. ξιστώ a Bosio, Grut. *isto animo*, est, in eo, qui literas callet, nihil est agreste, sed major sensus humanitatis.

⁶¹ *Vel binæ - - poterunt litteræ.*] Com-mearo, interea scribi.

⁶² *Audere incerta.*] Delevi re, quod

abest edd. pr. sic malebat Grævius.

⁶³ *Certamen cum cupido.*] Int. Othone. ep. 43.

⁶⁴ *De Philotimo.*] Eum mentitum esse de Cn. Pompeio ep. 44. de vicino Cæsare v. ep. 45.

⁶⁵ *Totus.*] Intelligunt, cum tota familia mea.

49

CICERO ATTICO S.

HERI, non multo post, quam tu a me discessisti, puto, quidam urbani, ut videbantur, ad me mandata, et litteras attulerunt a C. Mario C. F. C. N. multis verbis agere mecum per cognationem, quæ mihi secum esset, per eum
 p. 203. ^{a.} ⁶⁶ Marium, quem scripsissem, per eloquentiam L. Crassi, avi sui, ut se defenderem: causamque suam mihi perscripsit. rescripsi, patrono illi nihil opus esse, quoniam Cæsaris, propinqui ejus, omnis potestas esset, viri optimi, et hominis liberalissimi: me tamen ei fauturum. O tempora! ⁶⁷ fore, cum dubitet Curtius consulatum petere? Sed hæc hactenus. De Tirone, mihi curæ est. sed jam sciam, quid agat. heri enim misi, qui videret: cui etiam ad te litteras dedi. Epistolam ad Cæsarem tibi misi. horti quam in diem proscripti sint, velim ad me scribas.

50

CICERO ATTICO S.

UT me levarat tuus adventus, sic discessus afflixit. quare cum poteris, id est, cum Sexti auctioni operam dederis, revises nos. vel unus dies mihi erit utilis; quid dicam, gratus? ipse Romam venirem, ut una essemus, si ⁶⁸ satis consilium quadam de re haberem.

51

CICERO ATTICO S.

TIRONEM habeo citius, quam verebar. venit etiam Nicias: et Valerium hodie audiebam esse venturum. quamvis multi sint, magis tamen ero solus, ⁶⁹ quam si unus esses. sed exspecto te, a Peduceo utique. tu autem significas aliquid etiam ante. verum id quidem, ut poteris. De Virgilio, ut scribis. hoc tamen velim scire, quando auctio. Epistolam ad Cæsarem mitti, video tibi placere. quid quæris? mihi quoque hoc idem maxime placuit, et eo magis, quod nihil est in ea, nisi optimi civis; sed ita optimi, ut tempora, quibus parere omnes πολιτικοὶ præcipiunt. sed scis, ita nobis esse visum, ut isti ante legerent. tu igitur id curabis. sed, nisi plane iis intelliges placere, mittenda non

⁶⁶ *M. quem scripsissem.*] Int. Marium venire non debebat, propter indignitatem illum magnum, septies consulem, de quo cæcæm Cicero scripserat.

⁶⁸ *Satis consilium.*] Pro consilii. v.

⁶⁷ *Fore cum dubitet Curtius, &c.*] Quis

Clav.

putasset fore, ut talis homo deliberaret de consulatu petendo? de quo ei in mentem

⁶⁹ *Quam si unus esses.*] Vercor, ne tu exciderit.

est. id autem utrum illi sentiant, ane simulent, tu intelliges. mihi simulatio pro repudiatione fuerit. τοῦτο δὲ μὴ αὖ ὅση. De Cærellia quid tibi placeret, Tiro mihi narravit: debere, non esse dignitatis meæ: perscriptionem tibi placere: hoc metucro, alterum in metu non ponere. sed et hæc, et multa alia coram. sustinenda tamen, si tibi videbitur, solutio est nominis Cærelliani, dum et de Metone et de Fabricio sciamus.

CICERO ATTICO S.

52

L. TULLIUM Montanum nosti, qui cum Cicerone profectus est. ab ejus sororis viro litteras accepi, Montanum Plauco debere, quod præ pro Flaminio sit, H-S xxv: de ea re nescio quid te a Montano rogatum. sane velim, sive Plancus est rogandus, sive qua re potes illum juvare, juves. pertinet ad nostrum officium. si res tibi forte notior est, quam mihi; aut si Plancum rogandum putas: scribas ad me velim; ut, quid rei sit, et quid rogandum, sciam. De epistola ad Cæsarem quid egeris, exspecto. De Silio, non ita sane laboro. tu mi aut Scapulanos, aut Clodianos efficias, necesse est. sed nescio quid videris dubitare de Clodia; utrum, ⁷⁰quando veniat, an sintne venales? Sed quid est, quod audio, Spintherem fecisse divortium? De lingua Latina securi es animi, dices, ⁷¹qui talia conscribis: ἀπόγραφα sunt: minore labore fiunt: verba tantum affero; quibus abundo.

CICERO ATTICO S.

53

EGO, etsi nihil habeo, quod ad te scribam, scribo tamen, quia tecum loqui videor. Illic nobiscum sunt Nicias et Valerius. hodie tuas litteras exspectabamus matutinas. erunt fortasse alteræ postmeridianæ, nisi te ⁷²Epiroticæ litteræ impedient: quas ego non interpello. Misi ad te epistolas ad Marcianum et ad Montanum. eas in eundem fasciculum velim addas, nisi forte jam dedisti.

⁷⁰ Quando veniat.] Sic edd. pr. idque losophicos, quibus apta lingua latina non consentit superioribus epistolis, ubi alio-

quoties de ejus adventu, ut ep. 47. Aldus ⁷² Epirotica: litteræ.] In Epirum mittendæ: a te, ad procuratores tuos, de rebus

⁷¹ Qui talia conscribis.] Libros phi-

tuis.

M. TULLII CICERONIS EPISTOLARUM

AD

ATTICUM

LIBER XIII.

ARGUMENTUM.

Exiguum tempus mutum fuit a litteris, inter hujus libri epistolas, et superioris. Scripta autem et hae sunt, dum Caesar in Hispania contra Pompeii liberos bellum gereret, ipso eodem III Cos. sine collega, ut Sigonio placet: belloque confecto rediret: spatio fere mensium septem. Nam aestatis initio, ut ex epistola prima colligitur, scribi coepit, sinitur, fingamus ex Kalendis Juniiis: et mense Decembri desierunt. Namque tertius Saturnalibus, quae fuerant XII Kal. Januarii, apud M. Tullium Caesar cenavit, ut est in epistola ultima libri hujus, quamquam ultima illa videtur esse, cui est in hoc libro locus XLI assignatus, in qua de suo natali die agitur, qui fuit III Non. Jan. Argumentum illarum multiplex est, sed plurimum in illis: De epistola ad Caesarem missa: Quos in suos dialogos includere debeat: De hereditatibus quibusdam: De Quinti filii improbitate, querela: De suo Catone, et Caesaris Anticato: et de domesticis suis rebus nonnullis.

1

CICERO ATTICO S.

AD Ciceronem ita scripsisti, ¹ ut neque severius, neque temperatius scribi potuerit; nec magis, quam quemadmodum ego maxime vellem. prudentissime etiam ad Tullios. quare aut ista proficient, aut aliud ² agemus. De pecunia vero, video a te omnem diligentiam adhiberi, vel potius jam adhibitam: quod si efficis, a te hortos habebo. nec vero ullum genus possessionis est, quod malim, maxime scilicet ob eam causam, quae suscepta est; cujus festina-

¹ *Ulli ut neque s.*] Delevi ulli, quod ab edd. pr. abest. addidit Bosius e vestigiis codd. in quibus erat ullius neque. Si esset hic vestigium veri, esse deberet nulli ut neque: sed tamen non placet. ex eo Tunstallus, p. 190, facit *ὅπως*, contorte. mox temperatius, quod ex iisdem libris

dedit Bosius, pro *temperantius*, quod ex ed. Jens. fluxit, est et in ed. Rom. sic et alibi Cicero. v. Clav. maxime i. e. si in utroque genere summum fieri aut facere ipse vellem.

² *Agumus.*] Corradus corrigit *agemus*. recte.

tionem mihi tollis, quoniam de æstate polliceris, vel potius recipis: deinde etiam ad *καταβίωσιν* mœstitiamque minuentem nihil mihi reperiri potest aptius: cujus rei cupiditas impellit me interdum, ut te hortari velim. sed me ipse revoco. non enim dubito, quin, quod me valde velle putes, in eo tu me ipsum cupiditate vincas. itaque istuc jam pro facto habeo. Exspecto, quid istis placeat de epistola ad Cæsarem. Nicias te, ut debet, amat, vehementerque tua sui memoria delectatur. Ego vero Peduceum nostrum vehementer diligo. ³nam et quanti patrem feci, totum in hunc: et ipsum per se æque amo, atque illum amavi; te vero plurimum, qui hoc ab utroque nostrum fieri velis. Si hortos inspexeris, et si de epistola certiore me feceris; dederis mihi, quod ad te scribam: sin minus, scribam tamen aliquid. numquam enim decrit.

CICERO ATTICO S.

2

GRATIOR mihi celeritas tua, quam ipsa res. quid enim indignius? sed jam ad ista obduruimus, et humanitatem omnem exuimus. Tuas litteras hodie expectabam, nihil ^{b.} equidem ut ex iis novi: quid enim? veruntamen. Oppio et Balbo epistolas deferri jubebis, et tamen ⁴Pisonem sicubi de auro. Faberius si venerit, videbis ut tantum attribuitur, si modo attribuetur, quantum debetur. ⁵accipies ab Erote. Ariarathes, Ariobarzani filius, Romam venit. vult, opinor, regnum aliquod emere a Cæsare. nam, quo modo nunc est, pedem ubi ponat in suo, non habet. omnino eum Sestius noster parochus publicus occupavit: quod quidem facile patior. veruntamen, quod mihi, summo beneficio meo, magna cum fratribus illius necessitudo est, invito eum per litteras, ut apud me diversetur. ad eam rem cum mitterem Alexandrum, has ei dedi litteras. Cras igitur auctio Peducei. ⁶cum poteris ergo: etsi impedit fortasse Faberius; sed tamen, cum licebit. Dionysius noster graviter queritur, et tamen jure, a discipulis ⁷abesse tam

³ Nam et quanti - in hunc, ipsum, &c.] Et quanti postulat et ipsum. nam æquant, quod nonnulli, etiam Grævius, habent, ineptum est. totum in hunc, contuli, transtuli.

⁴ Pisonem sicubi de auro.] Conveniens. v. XII, 5.

⁵ Accipies ab Erote.] Quantum mihi debeatur, ex Erote discere poteris.

⁶ Cum poteris ergo.] Ad me venies. patet e seqq. sed tamen, cum licebit. etsi impedit f. Faberius, propter pecuniam ab eo exigendam.

⁷ Abesse tam diu.] Videtur excidisse se.

dia. multis verbis scripsit ad me, credo item ad te. mihi quidem videtur etiam diutius afuturus: ac nollem. valde enim hominem desidero.

3

CICERO ATTICO S.

A TE litteras exspectabam; ⁸nondum, scilicet. nam has mane ⁹rescribebam. Ego vero ¹⁰ista nomina sic probo, ut nihil aliud me moveat, nisi quod tu videris dubitare. illud enim non accipio in bonam partem, quod ad me refert: qui si ipse negotium meum gererem, nihil gererem, nisi consilio tuo. sed tamen intelligo, magis te id facere diligentia, qua semper uteris, quam quod dubites de nominibus istis. etenim Coelum non probas: plura non vis. utrumque laudo. his igitur utendum est. ¹¹præs aliquando factus esses, et in his quidem tabulis. a me igitur omnia. ¹²quod dies longior est, (teneamus modo quod volumus,) puto fore istam etiam a præcone diem, certe ab heredibus.

p. 205

De Crispo et Mustela videbis: et velim scire, ¹³quæ sit pars duorum. De Bruti adventu eram factus certior. attulerat enim ab eo Ægypta libertus litteras. misi ad te epistolam, quia commode scripta erat.

4

CICERO ATTICO S.

HABEO ¹⁴munus a te elaboratum decem legatorum: et quidem puto. nam filius anno post quæstor fuit, quam consul Mummius. Sed quoniam sapius de nominibus

8 Nondum scilicet, &c.] Advenire tabellarius potuit cum litteris tuis.

9 Rescribebam.] Dixit pro scribebam, quia respondit litteris Attici superioribus.

10 Ista nomina sic probo.] Ambigunt interpretes de nominibus. quia post dicit, *his igitur utendum.* puto esse vel quibus pecunia credi possit, unde cumque scil. tum facta, vel, qui pro nobis caverent, quia nobis debent.

11 Præs aliquando factus esses, &c.] Dedissem mihi hoc, ut in hac, quam solvere debeo, emto in auctione prædio, pecunia, pro me præc fieres, quod tu nunquam ante fecisti. sed id tibi remitto, *et in his quidem tabulis*, i. e. auctionariis, ut in iis nomen tuum, ut prædis, scribatur.

12 Quod dies longior est.] Sc. dies, qua volunt solvere ii; qui mihi debent; longior, quam videantur concessuri, in quorum est potestate: spero præconem concessurum, vel certe heredes, quorum res

est. apparet præconis fuisse de die constituto.

13 Quæ sit pars duorum.] Hoc mihi durius videtur, cur non eorum?

14 Munus a te elaboratum decem legatorum.]

Cicero voluerat scire nomina decem legatorum, qui Mummius missi fuerant a senatu, Corinthio excisa, de ordinandis rebus Achaiae. In iis videtur dissensio fuisse. In eo numero fuerat et Ciceronis opinio, C. Tuditanus, Hortensii avus, cum fuerit proavus: nam ille ejus filius tum nondum ætatem legati talis habebat: sunobantur enim fere consulares. errorem ab Attico demonstratum agnoscit Cicero: *et quidem puto*: &c. v. inpr. infra, ep. 31. Pighius ordinem epistolarum perturbatum judicat, et 31. facit omnium, in quibus hujus rei mentio est, primam, ad a. 608. p. 464. ubi ordinem constituit. In hac quidem epistola, verbum: *ego tibi sapius respondeo, placere, ducent*, hanc epistolam esse aliis posteriorem.

quæris, quid placeat; ego quoque tibi sæpius respondeo, placere. ¹⁵ Si quid poteris cum Pisone, conficies; Avius enim videtur in officio futurus. Velim ante possis: si minus, utique simul simus, cum Brutus veniet in Tusculanum. magni interest mea, una nos esse. scies autem, qui dies is futurus sit, si puero negotium dederis; ut, quærat.

CICERO ATTICO S.

5

¹⁶ SP. Mummius putaram in decem legatis fuisse: ¹⁷ sed videlicet. etenim *ἐδωγον* fratri fuisse. fuit enim ad Corinthum. ¹⁸ misi tibi Torquatum. colloquere tu quidem cum Silio, ut scribis, et urge. ¹⁹ illam diem negabat esse mense Maio, istam non negabat. sed tu, ut omnia, istuc quoque ages diligenter. De Crispo et Mustela, scilicet, cum quid egeris. Quoniam ad Bruti adventum fore te nobiscum polliceris, satis est; præsertim cum hi tibi dies in magno nostro negotio consumantur.

CICERO ATTICO S.

6

DE aquæductu probe fecisti. columnarium, ²⁰ vide, ne ullum debeamus. quamquam mihi videor audisse a Camillo, commutatam esse legem. ²¹ Pisoni, quid est, quod honestius respondere possimus, quam solitudinem Catonis? nec coheredibus solum Herennianis, sed etiam, ut seis, (tu enim mecum egisti,) ²² de puero Lucullo: quam pecuniam tutor (nam hoc quoque ad rem pertinet) in Achaia sumscrat. set agit liberaliter, quoniam negat se quidquam facturum contra nostram voluntatem. coram igitur, ut scribis,

¹⁵ Si quid poteris cum Pisone.] V. ep. 2.

¹⁶ Sp. Mummius.] L. Mummi Achaici fratrem. In eo alter error Ciceronis, qui eum in decem legatis fuisse putarat, cum fuisset legatus fratris in exercitu.

¹⁷ Sed videlicet.] Erravi, et tu recte demonstras legatum fratris fuisse: idque opportunum Licio Mummio, fratrem habere in legalis. Gravius tamen locum vitiosum putat, corrigique, sed videlicet, eum legatum fratri fuisse.

¹⁸ Misi tibi Torquatum.] Librum meum, nomine Torquati. ep. 32.

¹⁹ Illam diem - - istam.] Sunt duæ diversæ dies solutionis.

²⁰ Vide, ne ullum debeamus.] Hanc lectionem, quam conjectura Manutius assecutus est, Malaspina e libro uno Ro-

mano profert. Puto intelligi ed. Rom. in qua ea lectio est. Eam recepi: nam vide est pro vereor: et Cicero vult sine dubio dicere, se debere: quia, quod subiicit, eo pertinet, ut non debere videatur. Librarii in hac forma sæpe turbantur. Itaque recepi: sed tamen non satis placet, proboque magis eos, qui simpliciter legunt ne debeamus legem. intelligit Juliani sumtuariam: aut omnino delendum puto.

²¹ Pisoni.] Pecuniam a Catone puero petenti, quam pater ipsi et aliis heredibus Herennii debuerat.

²² De puero Lucullo.] Filio L. Luculli, qui Ciceroni testamento patris commendatus erat, de Fiu. III, 2. ubi tutor ejus Cato traditur. v. Clav.

constituemus, quemadmodum rem explicemus. Quod reliquos coheredes convenisti, plane bene fecisti. Quod epistolam meam ad Brutum poscis, non habeo ejus exemplum, sed tamen salvum est, et ait Tiro, te habere oportere: et, ut recordor, una cum illius objurgatoria tibi meam quoque, quam ad eum rescripseram, misi. ²³ Judiciali molestia ut caream, videbis. Tuditanum istum, proavum Hortensii, plane non noram; et filium, ²⁴ qui tum non poterat esse legatus, fuisse putaram. ²⁵ Munumium fuisse ad Corinthum, pro certo habeo. sæpe enim hic Spurius, qui nuper est, epistolas mihi pronuntiabat versiculis facetis, ad familiares missas a Corintho. sed non dubito, quin fratri fuerit legatus, non in decem. atque hoc etiam accepi, non solitos majores nostros legare in decem, qui essent imperatorum necessarii, ut nos, ignari pulcherrimorum institutorum, aut negligentes potius, M. Lucullum et L. Murenam, et ceteros conjunctissimos ad L. Lucillum misimus illudque *εὐλογώτατον*, illum fratri ²⁶ in primis ejus legatis fuisse. Operam tuam multam! qui et hæc cures, et mea expeditas, et sis in tuis multo minus diligens, quam in meis.

7

CICERO ATTICO S.

SEXTIUS apud me fuit, et Theopompus pridie: venisse a Cæsare narrabat litteras; hoc scribere, sibi certum esse, Romæ manere; causamque eam adscribere, quæ erat ²⁷ in epistola nostra, ne se absente leges suæ negligerentur, sicut esset neglecta sumtuaria. est *εὐλογον*: idque eram suspicatus. sed ²⁸ istis mos gerendus est; nisi placet hanc ipsam sententiam nos persequi. ²⁹ et Lentulum cum Metella certe fecisse divortium. hæc omnia tu melius. rescribes igitur quidquid voles, dum morio quid. jam enim non reperio, ³⁰ quod te rescripturum putem, nisi forte de Mustela, ³¹ aut

p. 206.

a.

²³ Judiciali molestia ut caream.] De munere judicis capiendum, non patroni laboribus. nam illud poterat Atticus conveniendis Cæsaris amicis cavere, hoc in Ciceronis potestate erat. Supra, XII, 19. judicatum dixit.

²⁴ Qui tum non potuerat esse legatus.] Corrigendum poterat.

²⁵ Munumium.] Spurius, fratrem L. M. v. ep. 5.

²⁶ In primis ejus legatis.] Qui eum ipso in provinciam ierunt; nam illi decem quasi secundi fuere, qui in illis sunt, ip his esse non possunt.

²⁷ In epistola n.] Quam ad Cæsarem mittere volebam.

²⁸ Istis.] Cæsarianis, Oppio, Balbo, de epistola mittenda. — *sententiam perssequi*, de epistola illa mittenda.

²⁹ Et Lentulum cum M.] Pendet hoc ex hoc scribere: illud de Cæsare erat primum, de Lentulo secundum.

³⁰ Quid te rescripturum putem.] Ser. quod putem te rescr. ut non habeo, quod.

³¹ Aut si Silium videris.] Si delevit recte Grævius, non reportum in Mss. suis, abest etiam ab ed. Rom.

Silium videris. Brutus heri venit in Tusculanum post horam decimam. hodie igitur me videbit: ³² ac vellem, cum tu adesses. jussi equidem ei nuntiari, te, quoad potuisses, expectasse ejus adventum, venturumque, si audisses: meque, ut facio, continuo te certiores esse facturum.

CICERO ATTICO S.

8

PLANE nihil erat, quod ad te scriberem. modo enim discesseras, et paullo post triplices remiseras. velim cures fasciculum ad Vestorinum deferendum: et alicui des negotium, qui quærat, Q. Faberii fundus num quis in Pompeiano Nolanove venalis sit. Epitomen Bruti Cæliariorum velim mihi mittas, et a Philoxeno Παλαιόν περὶ προνοίας. Te Idib. videbo cum tuis.

CICERO ATTICO S.

9

COMMODUM discesseras heri, cum Trebatius venit, paullo post Curtius; hic salutandi causa: sed mansit invitatus. Trebatium nobiscum habemus. hodie mane Dolabella. multus sermo ad multum diem. nihil possum dicere ἐκτινέστερον, nihil φιλοστόργύτερον. ventum est tamen ad Quintum. multa ἄφρατα, ἀδήγητα: sed unum ejusmodi, quod, nisi exercitus sciret, non modo Tironi dictare, sed ne ipse quidem auderem scribere. sed hactenus εὐκαιρῶς ad me venit, cum haberem Dolabellam, Torquatus; humanissimeque Dolabella, quibus verbis secum egissem, exposnit. commodum enim egeram diligentissime: quæ diligentia grata est visa Torquato. A te exspecto, ³³ si quid de Bruto. quamquam Nicias confectum putabat: sed divortium non probari. quo etiam magis laboro idem, quod tu. si quid est enim offensionis, hæc res mederi potest. mihi Arpinum etundum est. nam et opus est, constitui a nobis illa prædiola; et vereor, ne exeundi potestas non sit, cum Cæsar venerit: de cujus adventu eam opinionem Dolabella habet, quam tu conjecturam faciebas ex litteris Messalæ. cum illuc venero, intellexeroque quid negotii sit; tum, ad quos dies rediturus sim, scribam ad te.

³² Ac v. cum tu adesses.] Sc. venisset. addidi tu, ut mihi olim visum est, cum in ed. Jens. et aliis reperissem. ab ed. Rom. totum hoc abest,

³³ Si quid de Bruto.] Ejus nuptiis cum Catonis filia. de quibus et illa intelligenda, laboro idem quod tu, sc. ut nuptiæ illi fiant.

MINIME miror, te et graviter ferre de Marcello, et plura vereri periculi genera. Quis enim hoc timeret, quod neque acciderat antea, nec videbatur natura ferre, ut accidere posset? omnia igitur metuenda. sed illud *παρὰ τὴν ἰστορίαν*, tu praesertim: ³⁴ *me reliquum consularem.* quid? tibi Servius, quid videtur? quamquam ³⁵ hoc nullam ad partem valet scilicet, mihi praesertim, qui non minus bene actum cum illis putem. quid enim sumus? aut quid esse possumus? domine, an foris? ³⁶ quod nisi mihi hoc venisset in mentem, scribere ista nescio quæ, quo verterem me, non haberem. ³⁷ Ad Dolabellam, ut scribis, ita puto faciendum, *κοινότερα* quædam, et *πολιτικώτερα*. faciendum certe aliquid est. valde enim desiderat. Brutus si quid, curabis ut sciam: cui quidem quamprimum agendum puto, praesertim si statuit. scrmunculum enim omnem aut restinxerit, aut sedarit. sunt enim, qui loquantur etiam mecum. Sed hæc ipse optime, praesertim si etiam tecum loquitur. Mihi est in animo proficisci XI Kal. hic enim nihil habeo, quod agam, ne hercule illic quidem, nec usquam; sed tamen aliquid illic.

207. Hodie Spintherem exspecto. misit enim Brutus ad me: ^{a.} per litteras purgat Cæsarem de interitu Marcelli: in quem, ne si insidiis quidem ille interfectus esset, cadcret ulla suspicio. nunc vero, cum de Magio constet, nonne furor ejus causam omnem sustinet? ³⁸ plane, quid sit, non intelligo. explanabis igitur. quamquam nihil habeo, quod dubitem, nisi, ipsi Magio quæ fuerit causa amentiae: pro quo quidem etiam ³⁹ sponsor Sunii factus. et nimirum id fuit. solvendo enim non erat. credo cum petiisse a Marcello aliquid, et illum, ut erat, constantius respondisse, *οὐ τὰντὸν εἶδος*.

34 *Me reliquum consularem.*] Marcello interfecto, me unum consularem, sc. vere consularem, reliquum esse: id reprehendit et laudem vere consularis Sulpicio tribuit.

35 *Hoc n. ad partem valet.*] Hoc reliquum esse et vivere ut consularem, nihil prodest aut delectat, praesertim me.

36 *Quod nisi.*] Sic res et latinitas jubet scribere, non *quid*, ut est hodie in vulgatis. et sic edd. pr. ab errore operarum

natum puto. quod nisi conjungitur ut quodsi.

37 *Ad Dolabellam.*] Atticus suaserat librum ei aliquem inscribere, quod optabat Dolabella.

38 *Plane, quid sit, non int.*] Quare Brutus Cæsarem purget a suspitione: nam id rem suspectam fecerit.

39 *Sponsor Sunii factus est. nimirum, &c.*] Rdd. pr. *factus. et n. id f.* quod restitui. forte fuit tamen *factus erat. nimirum &c.*

CICERO ATTICO S.

11

CREDEBAM esse facile. totum est aliud, posteaquam sum a te dijunctor. sed fuit faciendum, ut et constituerem mercedulas prædiorum, et ⁴⁰ ne magnum onus observantiæ Bruto nostro imponcrem. posthac enim poterimus commodius colere inter nos in Tusculano. hoc autem tempore, cum ille me quotidie videre vellet, ego ad illum ire non possem, privabatur omni delectatione Tusculani. tu igitur, si Servilia venerit, si Brutus quid egerit, etiamsi constituerit, quando obviam: quidquid denique erit, quod scire me oporteat, scribes. Pisonem, si poteris, convenies. vides, ⁴¹ quam maturum sit. sed tamen, quod commodo tuo fiat.

CICERO ATTICO S.

12

VALDE me momorderunt epistolæ tuæ de Attica nostra: cædem tamen sanaverunt. quod enim te ipse consolabare eisdem litteris, id mihi erat satis firmum ad leniendam ægritudinem. Ligarianam præclare vendidisti. posthac quidquid scripsero, tibi præconium deferam. Quod ad me de Varrone scribis, scis me ante orationes, aut aliquid id genus solitum scribere, ut Varronem nusquam possem intexere. postea autem quam ⁴² hæc coepi φιλολογώτερα, jam Varro ⁴³ mihi denuntiaverat magnam sane et gravem προσφώνησιν. biennium præterit, cum ille Καλλιππίδης assiduo cursu cubitum nullum processerit. ego autem me parabam ad id, quod ille mihi misisset, ut αὐτῷ τῷ μέτρῳ. καὶ λῶϊον, si modo potuissem. nam hoc etiam Hesiodus adscribit, αἶκε δύνηαι. nunc illam περὶ τελῶν σύνταξιν, sane mihi probatam, Bruto, ut tibi placuit, despondimus: idque tu cum non nolle mihi scripsisti. ergo illam ἀκαδημικὴν, in qua homines, nobiles illi quidem, sed nullo modo philologi, nimis acute loquuntur, ⁴⁴ ad Varronem transferamus. etenim sunt Ἀντιόχεια, quæ iste valde probat. ⁴⁵ Catulo et Lucullo alibi re-

40 Ne magnum onus o. Bruto n. imponerem.] Ut cum me visere crebro vellet, longius iter haberet.

41 Quam maturum sit.] Sc. hortos emere.

42 Hæc φιλολογώτερα.] Libros philosophicos, qui opponuntur orationibus, quæ sunt populariter scriptæ, illi subtilius. v. Clav. in Græcis.

43 Mihi denuntiaverat, &c.] Dixerat, se mihi velle libros, de lingua forte latina,

inscribere et præfationem ad me dirigere.

44 Ad Varronem transferamus.] Sermo est de altera editione Academicorum, in qua e duobus libris, quorum alter Catulo, alter Lucullo inscriptus erat, fecit quatuor, eosque ad Varronem scripsit. cf. ep. 13. init.

45 Catulo et L. alibi reponemus.] Sc. quod nunc abstulimus, transtulimusque ad Varronem. Gronovius conjiciebat Catulum et Lucullum.

ponemus; ita tamen, si tu hoc probas: deque eo mihi rescribas velim. ⁴⁶ De Brinniana auctione accepi a Vestorio litteras. ait, sine ulla controversia ⁴⁷ rem ad me esse collatam (Romæ videlicet, aut in Tusculano me fore putaverunt) a. d. IIX Kal. Quint. dices igitur vel amico tuo, S. Vettio coheredi meo, vel Labeoni nostro, paulum proferant auctionem; me circiter Nonas in Tusculano fore. ⁴⁸ cum Pisonem Erotem habes. De Scapulanis hortis toto pectore cogitemus. dies adest.

13

CICERO ATTICO S.

COMMOTUS tuis litteris, quod ad me de Varrone scripseras, totam Academiam ab hominibus nobilissimis abstuli, transtulique ad nostrum sodalem, ⁴⁹ et ex duobus libris contuli in quatuor. gravioribus sunt omnino, quam erant illi; sed tamen multa detracta. tu autem mihi pervelim scribas, ⁵⁰ qui intellexeris illum velle. illud vero utique scire cupio, quem intellexeris ab eo $\zeta\eta\lambda\omicron\tau\upsilon\pi\epsilon\iota\sigma\theta\alpha\iota$, ⁵¹ nisi forte Brutum. id hercle restabat. sed tamen scire pervelim. libri quidem ⁵² ita exierunt, (nisi forte me communis $\phi\iota\lambda\alpha\nu\tau\iota\alpha$ decipit,) ut in tali genere ne apud Græcos quidem simile quidquam. tu illam jacturam feres æquo animo, quod illa, p. 208. ^{a.} ⁵³ quæ habes de Academicis, frustra descripta sunt. multo tamen hæc erunt splendidiora, breviora, meliora. nunc autem $\alpha\pi\omicron\pi\omega$, quo me vertam. ⁵⁴ volo Dolabellæ valde desideranti. non reperio, quid: et simul $\alpha\iota\delta\epsilon\iota\omicron\mu\alpha\iota$ $\tau\omicron\pi\omega\varsigma$: ⁵⁵ neque, si aliquid, potero $\mu\acute{\epsilon}\mu\phi\eta\iota$ effugere. ⁵⁶ aut cessandum igitur, aut aliquid excogitandum. sed quid hæc levia curamus?

⁴⁶ De Brinniana auctione.] Bonorum Brinnii, in cujus hereditibus Cicero fuit. de auctionis die v. ep. 14.

⁴⁷ Rem ad me esse collatam.] Ut ipse decernam de die auctionis, et auctione ipsa.

⁴⁸ Cum Pisonem Erotem habes.] Ut cum utroque agere possis: cum illo, de auro, cum hoc, quid nobis debeat, v. ep. 9.

⁴⁹ Et ex duobus libris c. in q.] Grævius conjiciebat et duos libros c. in q. male. refertur ad Academiam: quam e duobus libris in quatuor conjecerat.

⁵⁰ Qui intellexeris illum velle.] Sic ed. Rom. at Jens. dedit quid. sed qui verum esse, patet ex ep. 18. ubi idem est, et subiecta ratio docet.

⁵¹ Nisi forte Brutum.] Cui libros de Finibus inscripserat.

⁵² Ita exierunt.] Int. de manibus meis, effecti, elaborati sunt.

⁵³ Quæ habes de Academicis.] Sc. editionem priorem.

⁵⁴ Volo Dolabella.] Librum aliquem inscribere.

⁵⁵ Neque, si aliquid, qui p. μ . e.] Valde hic variant libri: qui est a Victorio et Bosio. Sed id neque nullo modo fert. itaque cum P. Manutio, Lamb. delevi. nun possem, inquit, reprehensionem effugere, si aliquid reperirem, quod ad ipsum scriberem.

⁵⁶ Aut cessandum, aut a. c.] Deben aut omittere descriptionem librorum, aut querere aliquod argumentum, quod sine offensione ad ipsum mittere possim.

Attica mea, obsecro te, quid agit? quæ me valde angit. sed crebro regusto tuas litteras: in his acquiesco. tamen exspecto novas.

CICERO ATTICO S.

14

BRINNII libertus, coheres noster, scripsit ad me, velle, si mihi placeret, coheredes, se et Sabinum Albium ad me venire. id ego plane nolo. hereditas tanti non est. et tamen obire auctionis diem facile poterunt, (est enim in Id.) si me in Tusculano postridie Nonas mane convenerint. quodsi laxius volent proferre diem, poterunt vel biduum, vel triduum, vel ut videbitur. nihil enim interest. quare, nisi jam profecti sunt, retinebis homines. De Bruto, si quid erit: de Caesare, si quid scies; si quid erit præterea, scribes. Illud etiam atque etiam consideres velim, placeatne tibi mitti ad Varronem quod scripsimus. etsi etiam ad te aliquid pertinet. nam scito, te ei dialogo adjunctum esse tertium. opinor igitur consideremus. ⁵⁷etsi nomina jam facta sunt. sed vel induci, vel mutari possunt.

CICERO ATTICO S.

15

QUID agit, obsecro te, Attica nostra? nam triduo abs te nullas acceperam: nec mirum: nemo enim venerat: nec fortasse causa fuerat. itaque ipse, quod scriberem, non habebam. quo autem die has Valerio dabam, exspectabam aliquem in eorum: qui si venisset, et a te quid attulisset, videbam non defuturum, quod scriberem.

CICERO ATTICO S.

16

NOS, cum flumina et solitudines sequeremur, quo facilius sustentare nos possemus, pedem e villa adhuc egressi non sumus; ita magnos et assiduos iubres habebamus: Illam ἀκαδημικὴν σύνταξιν totam ad Varronem traduximus. primo fuit Catuli, Luculli, Hortensii. deinde, quia παρὰ τὸ πρέπον videbatur, quod erat hominibus nota, non illa quidem ἀπαιδευσία, sed in iis rebus ἀρρετιὰ, simul ac veni ad villam, eosdem illos sermones ad Catonem Brutumque trans tuli. ecce tuæ litteræ de Varrone. nemini visa est aptior Ἀντιόχει ratio. sed tamen velim scribas ad me, primum

57 Etsi nomina jam facta sunt.] Facile censetur, cum debitorum scribuntur in tabulis, ex re pecuniaria, in qua nomina fieri debent, v. Clav. in nomen.

placeatne tibi aliquid ad illum; deinde, si placebit, hocne potissimum. Quid Servilia? jamne venit? Brutus ecquid agit, ecquando? De Cæsare quid auditur? Ego ad Nonas, quemadmodum dixi. Tu cum Pisone, si quid poteris.

17

CICERO ATTICO S.

QUINTO Kalend. exspectabam Roma aliquid; ⁵⁸ non quo imperassem. igitur aliquid tuis. nunc eadem illa: quid Brutus cogitet? aut, si aliquid egit, ecquid a Cæsare. sed quid ista, quæ minus curo? Attica nostra quid agat, scire cupio. etsi tuæ litteræ (sed jam nimis veteres sunt) recte sperare jubent. tamen exspecto recens aliquid.

18

CICERO ATTICO S.

VIDES, propinquitat quid habeat. nos vero conficiamus hortos. colloqui videbamur, in Tusculano cum essem; tanta erat crebritas litterarum. sed id quidem jam erit. ego iuterea admonitu tuo perfecti sane argutulos libros ad Varro- nem: sed tamen exspecto, quid ad ea, quæ scripsi ad te: primum, qui intellexeris eum desiderare a me, cum ipse
p. 209. homo πολυγραφώτατος numquam me laecessisset: deinde,
a. quem ζηλοτυπεῖν, nisi forte Brutum: quem si non ζηλοτυπεῖ, multo Hortensium minus, aut eos, qui de republica loquuntur. plane hoc mihi explices velim: in primis, maneatne in sententia, ut mittam ad eum, quæ scripsi; an nihil necesse putes. sed hæc coram.

19

CICERO ATTICO S.

COMMODUM discesserat Hilarus librarius iv Kal. cui dederam litteras ad te, cum venit tabellarius cum tuis literis pridie datis: in quibus illud mihi gratissimum fuit, quod Attica nostra rogat te, ne tristis sis, quodque tu ἀκίνδυνα esse scribis. Ligarianam, ut video, præclare auctoritas tua commendavit. scripsit enim ad me Balbus et Oppius, mirifice se probare; ob eamque causam ad Cæsarem eam se oratiunculam misisse. hoc igitur idem tu mihi antea scripseras. In Varrone ista causa me non moveret, ne viderer φιλένδοξος: ⁵⁹ (sic enim constituebam, neminem inclu-

⁵⁸ Non quo imperassem. igitur aliquid saepe quaesivi. tuis.] Hæc varie leguntur. sunt vitiosa. ⁵⁹ Sic enim constituebam.] Puto legentem intelligo aut corrigere possum. nunc dum constitueram. eadem illa, sc. scire cupio ex te, quæ

dere in dialogos eorum, qui viverent:) sed, quia scribis et desiderari a Varrone, et magni illum aestimare, eos confeci: et absolvi, nescio quam bene, sed ita accurate, ut nihil posset supra, Academicam omnem quæstionem libris quatuor. In eis, quæ erant contra ἀκαταληψίαν præclare collecta ab Antiocho, Varroni dedi: ad ea ipse respondeo: tu es tertius in sermone nostro. si ⁶⁰ Cottam et Varronem fecissem inter se disputantes, ut a te proximis litteris admoneor; meum κωφὸν πρόσωπον esset. hoc in antiquis personis suaviter fit, ut et Heraclides in multis, et nos sex de Republica libris fecimus. sunt etiam de Oratore nostri tres, mihi vehementer probati. in eis quoque eæ personæ sunt, ut mihi tacendum fuerit. Crassus enim loquitur, Antonius, ^{b.} Catulus senex, C. Julius, frater Catuli, Cotta, Sulpicius. pucro me hic sermo inducitur, ut nullæ esse possent partes meæ. quæ autem his temporibus scripsi, ⁶¹ Ἀριστοτέλειον morem habent? in quo sermo ita inducitur ceterorum, ut penes ipsum sit principatus. ita confeci quinque libros περὶ τελῶν, ut Epicurea L. Torquato, Stoica M. Catoni, περιπατητικὰ M. Pisoni darem. ἀζηλοτύπητον id fore putaram, quod omnes illi decesserant. Hæc Academica, ut scis, cum Catulo, Lucullo, Hortensio contuleram. sanc in personas non cadebant. erant enim λογικώτερα, quam ut illi de iis somniasse umquam viderentur. itaque, ut legi tuas de Varrone, tamquam ἐρμαῖον arripui. aptius esse nihil potuit ad id philosophiæ genus, quo ille maxime mihi delectari videtur, ⁶² measque partes; ut non sim consecutus, ut superior mea causa vidcatur. sunt enim vehementer πιθανὰ Antiochia: quæ diligenter a me expressa, acumen habent Antiochi, nitorem orationis nostrum; si modo is est aliquis in nobis. sed tu, dandosne putes hos libros Varroni, etiam atque etiam videbis. ⁶³ mihi quædam occurrunt: sed ea coram.

60 Cottam.] C. Cottam oratorem et Academicum Brut. 49.

61 Ἀριστοτέλειον morem.] Quo in dialogis usus est, qui jam nulli sunt. ipsi non satis placuere, et in dialogo scribere desiit, quod æquare Platonis et Xenophonis copiam et venustatem non posset, iisque adeo postponeretur.

62 Measque partes.] Edd. pr. habent easque partes, quod et prætolere plures, etiam præferbat Gronovius. Sed mihi

in ea lectione sensus commodus non videtur. easque partes intelligunt Antiochinas, quas Varroni dederat. Sed id idem est in præcedentibus. et cetera non bene ei convenient. Dicit id aptissimum fuisse ad Varronis et suas partes in disputando: etsi ita consequi non potuerit, ut ipse vicisse suæque sententia probabilior videretur.

63 Mihi quædam occurrunt.] Propter quæ dubitem. ep. 22. init.

CICERO ATTICO S.

A CÆSARE litteras accepi consolatorias, datas prid. Kal. Mai. Hispali. ⁶⁴De urbe augenda quid sit promulgatum, non intellexi: id sane scire velim. Torquato nostra officia grata esse, facile patior: eaque augere non desinam. Ad Ligarianam ⁶⁵de uxore Tuberonis, et privigna, neque possum jam addere, (est enim res pervulgata,) ⁶⁶neque Tuberonem volo defendere. mirifice est enim φιλαίτιος. ⁶⁷theatrum quidem sane bellum habuisti. ego, etsi hoc loco facillime sustentor, tamen te videre cupio. itaque, ut constitui, adero. Fratrem credo a te esse conventum. scire igitur studeo, quid egeris. ⁶⁸De fama nihil sane laboro: etsi scripseram ad te tunc stulte; *nihil melius*. curandum enim non est. atque hoc, *in omni vita sua quemque a recta conscientia traversum unguem non oportet discedere*, viden' quam φιλοσόφως? an tu nos frustra existimas hæc in manibus habere? δεδῆχθαι te nollem, quod nihil erat. redeo enim rursus eodem. quidquamne me putas ⁶⁹curare in toto, nisi ut ei ne desim? id ago scilicet, ut judicia vidcar tenere. μή γὰρ αὐτοῖς. vellem tam domestica ferre possem, quam ista contemnere. putas autem me voluisse aliquid, quod perfectum non sit? ⁷⁰non licet scilicet sententiam suam: sed tamen quæ tum acta sunt, non possum non probare: et tamen non curare pulchre possum, sicuti facio. sed nimium multa de nugis.

CICERO ATTICO S.

AD Hirtium dederam epistolam sane grandem, quam scripseram proxime in Tusculano. Huic, quam tum mihi misisti, rescribam alias. nunc aliis malo. Quid possum de

64 *De urbe augenda.*] Non hominibus, sed finibus. vid. infr. ep. 33. 35.

65 *De uxore T. et privigna.*] Quasi ab iis ad accusandum Ligarium adductus fuerit.

66 *Neque Tuberonem volo defendere.*] Mihi semper visum est, legendum *offendere*. nam id postulat subjecta ratio: ne ille habeat causam querendi, cum ille præsertim sit proclivis ad querendum.

67 *Theatrum q. s. bellum h.*] Facultatem et opportunitatem demonstrandi, quid? nescio. respondet alicui parti epistolæ Attici, quæ, quid egisset, narrarat.

68 *De fama, &c.*] Est initium novæ rei. dicit, se non curare, quid homines Romæ de se dicant, sc. ut supra est, quod abesset Roma, a curia et foro.

69 *Curare in toto, nisi ut ei ne desim.*] *In toto* intelligo, in universum, omnino. Sed ei ad quem pertinet? nempe ad aliquem, de quo scripserat Atticus? Conieci, nisi ut cui ne desim.

70 *Non licet se. sententiam suam.*] Int. mutare. dicitur ironice, immo licet. pertinet ad superius vitæ genus in foro et judiciis: quod se dicit olim probasse, nunc jure suo posse contemnere ac relinquere.

Torquato, nisi aliquid a Dolabella? quod simul ac, continuo scietis. exspectabam hodie, aut summum eras ab eo tabellarios: qui simul ac venerint, mittentur ad te. A Quinto exspecto. proficiscens enim e Tusculano IIX Kal. ut scis, nisi ad eum tabellarios. Nunc, ad rem ut redeam, *inhibere* illud tuum, quod valde mihi arriserat, vehementer displicet. est enim verbum totum nauticum. quamquam id quidem sciebam: sed arbitrabar sustineri remos, cum inhibere essent remiges jussi. id non esse ejusmodi, didici heri, cum ad villam nostram navis appelleretur. non enim sustinent, sed alio modo remigant. id ab *ἐποχῇ* remotissimum b. est. quare facies, ut ita sit in libro, quemadmodum fuit. dices hoc idem Varro, nisi forte mutavit. nec est melius quidquam, quam ut Lucullus: *Sustineat currum, ut bonus sæpe agitator, equosque.* semperque Carneades *προβόλην* pugilis, et retentionem aurigæ, similem facit *ἐποχῇ*. inhibito autem remigum motum habet, et vehementiorem quidem remigationis, navem convertentis ad puppim. Vides, quanto hoc diligentius eurem, quam ⁷¹ aut de rumore, aut de Pollione; de Pansa etiam, si quid certius: (credo enim palam factum esse:) de Critonio, si quid esset: certe ne de Metello et Balbino. Dic mihi, placetne tibi, primum, edere injussu meo? hoc ne Hermodorus quidem faciebat, is qui Platonis libros solitus est divulgare; ex quo, *λόγουσιν Ἑρμόδωρος.* quid illud? rectumne existimas eniquam ante, quam Bruto? cui te auctore *προσφωνῶ* scripsit enim Balbus ad me, ⁷² sc a te quintum de Finibus librum descripsisse: in quo non sane multa mutavi: sed tamen quædam. tu autem commode feceris, si reliquos continueris, ne et *ἀδιόρθωτα* habeat Balbus, et *ἔωλα* Brutus. Sed hæc hactenus, ne videar *περὶ μικρὰ σπουδάζειν.* etsi nunc quidem maxima mihi sunt hæc. quid est enim aliud? Varro quidem quæ scripsi te auctore, ita propero mittere, ut jam Romam miserim describenda. ea si voles, statim habebis. scripsi enim ad librarios, ut fieret tuis, si tu velles, describendi potestas. ea vero continebis, quoad ipse te videam; quod diligentissime facere soles, cum a me tibi dictum est. cum autem fugit me tibi dicere,

⁷¹ Aut de rumore.] Sc. fama de me: ⁷² Sc a te - descripsisse.] Accepto a de qua ep. superiori. Ceterum hunc locum te exemplo, vel e tuo exemplo: post dictum vitiosum putat Grævius, cumque cit a tuis, sc. exemplis. corrigere tentavit. non est tanti.

mirifice Cærellia studio videlicet philosophiæ flagrans describit a tuis: istos ipsos de Finibus habet. ego autem tibi confirmo, (possum falli, ut humanus,) a meis eam non habere. numquam enim ab oculis meis abfuerunt. tantum
 p. 211. ^{a.} porro aberat, ut binos scriberent; vix singulos confecerunt. tuorum tamen ego nullum delictum arbitror, idemque te volo existimare. a me enim prætermisum est, ut dicerem, ⁷³ me eos exire nondum velle. Hui quam diu de nugis? de re enim nihil habeo, quod loquar. ⁷⁴ De Dolabella tibi assentior. coheredes, ut scribis, in Tusculano. De Cæsaris adventu, scripsit ad me Balbus, non ante Kal. Sext. De Attica optime, quod levius ac lenius, et quod fert *εὐκόλως*. Quod autem ⁷⁵ de illa nostra cogitatione scribis, in qua nihil tibi cedo; ea, quæ novi, valde probo; hominem, domum, facultates. quod caput est, ipsum non novi: sed audio laudabilia de Scrofa. etiam proxime accedit, si quid hoc ad rem: *ἐνγενέστερος* est etiam, quam pater. coram igitur, et quidem propenso animo ad probandum. accedit enim, quod patrem, ut scire te puto, plus etiam, quam non modo tu, sed quam ipse scit, amo, idque et merito, et jam diu.

22

CICERO ATTICO S.

DE Varrone, non sine causa, quid tibi placeat, tam diligenter exquiro. occurrunt mihi quædam. sed ea coram. te autem *ἀσμενέστατα* intexui, faciamque id crebrius. proximis enim tuis litteris primum, te id non nolle, cognovi. De Marcello, scripserat ad me Cassius antea; *τὰ κατὰ μέρος* Servius. o rem acerbam! ad prima redeo. Scripta nostra nusquam malo esse, quam apud te: sed ea tum foras dari, cum utrique nostrum videbitur. ego et librarios tuos culpa libero, neque te accuso; et tamen aliud quiddam ad te scripseram, Cærelliam quædam habere, quæ, nisi a te, non
 b. potuerit. Balbo quidem intelligebam satisfaciendum fuisse: tantum nolebam, aut ⁷⁶ obsoletum Bruto, aut Balbo

⁷³ Me eos exire nondum velle.] Grav. e libris scr. suis addidit me. habet et ed. Rom. omisit Jens.

⁷⁴ De Dolabella.] An liber ei sit a me inscribendus: coheredes intelligit Brunnianos, v. ep. 12. 14.

⁷⁵ De illa nostra cogitatione.] Sc. de Attica filia in matrimonio collocanda. in qua nihil tibi cedo, cura, ut bene collocetur.

⁷⁶ Obsoletum -- inchoatum.] Obsoletum dicit opus dudum scriptum et aliis lectum. intelligit opus de Finibus B. et M.

inchoatum dari. Varroni, simul ac te videro, si tibi videbitur, mittam. quid autem dubitarim, cum videro te, scies. Attributos quod appellas, valde probe. Te de prædio aviæ exerceri, moleste fero. ⁷⁷ De Bruto nostro, perodiosum: ⁷⁸ sed vita fert. mulieres autem vix satis humane, quæ inimico animo ferant, cum utraque officio pareat. Tullium scribam, nihil fuit, quod appellares. nam tibi mandassem, si fuisset. nihil enim est apud eum ⁷⁹ positum nomine voti: sed est quiddam apud illum meum. id ego in hanc rem statui conferre. itaque et ego recte tibi dixi, ubi esset: et tibi ille recte negavit. sed hoc quoque ipsum continuo adoriatur. ⁸⁰ Lucum hominibus non sane probo, quod est desertior: sed habet εὐλογίαν. verum hoc quoque, ut censueris; quippe qui omnia. Ego, ut constitui, adero: atque utinam, tu quoque eodem die! sin quid: multa enim: utique postridie. etenim coheredes: a quibus sine te opprimi, malitia est. Alteris jam litteris nihil ad me de Attica. Sed id quidem in optima spe pono. illud accuso, non te, sed illam, ne salutem quidem. at tu et illi, et Piliæ plurimam: nec me tamen irasci indicaris. Epistolam Cæsaris misi, si minus legisses.

CICERO ATTICO S.

23

ANTEMERIDIANIS tuis litteris heri statim rescripsi: nunc respondeo vespertinis. Brutus, mallet, me arcesceret. nam et æquius erat, cum illi iter instaret et subitum et longum: et mehercule nunc, cum ita simus affecti, ut non possimus plane simul vivere, (intelligis enim profecto, in quo maxime posita sit συμφύσις,) facile patiebar, nos potius Romæ una esse, quam in Tusculano. Libri ad Varonem non morabantur. ⁸¹ sunt enim effecti, ut vidisti: tan-

p. 212
a.

77 De Bruto nostro.] Pertinet ad causam divortii et nuptiarum novarum, de qua supra.

78 Sed vita fert.] Int. ita; nisi excedit. nam alias in hac forma additur. sequentia de mulieribus non satis intelligo.

79 Positum nomine voti.] Pecunia, quæ in voto solvendo consumeretur, et ei servanda tradita: quam Atticus ab eo petierat.

80 Lucum hominibus non sane probo.] Non placet, fana hominibus ædificanda in loco poni, ubi raro conveniunt, adeoque non habent vim ad memoriam celebritatem. se-

cus est in diis, qui satis per se noti sunt. — sed habet εὐλογίαν, sed habet speciem res vel ex nominis reverentia, et inde probabilis videtur.

81 Sunt enim defecti.] Hic locus varie legitur. edd. Rom. Ascens. Ald., &c. habent defecti: quod non necesse erat Bosio ex nro Ms. proferre. id cum manifeste vitiosum sit, varie correctum est. Bosius fecit ex uno Ms. defecti, quod et Gruterus edidit, Bosius putabat esse pro perfecti. Cato RR. 77. dixit defingere panem, in partem bonam; deformare item alii, ut de figuris geometricis. v. Salmas. ad Solin.

tum librariorum menda tolluntur. de quibus libris scis me dubitasse: sed tu videris. item, quos Bruto mittimus, in manibus habent librarii. • Mea mandata, ut scribis, explica: quamquam ⁸² ista retentione omnes ait uti Trebatius: quid tu istos putas? ⁸³ nosti domum. quare confice *εὐλόγως*. incredibile est, quam ego ista non curem. omni tibi asseveratione affirmo, quod mihi credas velim, mihi majori offensionem esse, quam delectationem, possessiunculas meas. Magis enim doleo, me non habere, cui tradam, quam habere, qui utar. Atque illud Trebatius se tibi dixisse narrabat. tu autem veritus es fortasse, ne ego invitatus audirem. fuit id quidem humanitatis: sed, mihi crede, jam ista non curo. quare da te in sermonem, et persecca, et confice, excita, compella, loquere, ⁸⁴ ut te cum illo Scæva loqui putes. ne existimes eos, qui non debita consecrari solcant, quod debeat, remissuros. de die tantum videto, et id ipsum bono modo.

24

CICERO ATTICO S.

⁸⁵ QUID est, quod Hermogenes mihi Clodius, Andromenem sibi dixisse, se Ciceronem vidisse Coreyræ? ego enim audita tibi putaram. nil igitur ne ei quidem litterarum? an non vidit? facies ergo ut sciam. Quid tibi ego de Varrone rescribam? ⁸⁶ quatuor *διφθέραι* sunt in tua potestate.

p. 766. Lambinus correxit *deterti*, eleganter, idque et Grævio placuit, qui tamen defecti servavit. Gronovius malebat *adfecti*. Olim in Clave conjeci *descripti* ex ep. 21. ubi dicit Cicero, se Romam *describendos* misisse: nunc erant *descripti*. Denique in ed. Jensoni reperi *effecti*, quod est, ut sæpe apud plures, absoluti: idque adeo in textum recipere non dubitavi. Si non est satis certa ea lectio, at ceteris omnibus per se melior est, et perspicua.

82 *Ista retentione omnes uti, &c.*] Debitorum Ciceronis, pecuniam debitorum solvendi, retinebant aliquam partem summam, fortasse quartam partem, quæ peribat aliis creditoribus per aestimationes, ut ait Suetonius. Dicebant: si ceteri debitorum, qui prædia habent et cedunt, quartam partem luerant, nos quoque tantum luerari debemus. Id erat, opinor, inventum JCtorum. — istos, int. Caesarianos.

83 *Nosti domum.*] Opinor vendendam, quam Cicero hereditate aliqua uceperat. ejus venditionem mandat Attico. edidi autem lectionem veterem, ex ed. Rom. Asc. P. Manut. Vict. Aldus deinde dedit *εὐλόγως*,

quem Cratander et Lambinus imitati sunt. Bosius e Ms. suo dedit *εὐαγώγως*, quem Gruterus, Grævius secuti sunt. id mihi non aptum videtur. est contrarium τῷ *ἀναγώγως*, quod est *perlinaciter*, nec pertinet ad agentem, sed ad eum, quocum agitur. at *εὐλόγως* est, commoda aliqua ratione, bono modo, ut in fine dixit.

84 *Ut te cum illo Scæva loqui putes.*] Hoc corruptum videtur, nec habet commodam interpretationem. nec commodam correctionem aut reperi, aut excogitare potui. Non improbabile est, quod Tanstallo, p. 65, placuit, illa, *persecca* - - *loquere*, esse verba comici. et est adeo Scæva fortasse persona comica.

85 *Quid est quod, &c.*] Hæc sunt obscura ita, ut intelligi non possint: forte et vitiosa. pro *Coreyra* edd. vott. *currere*: ex quo Tanstallus, p. 82, facit: *cur rére?* quod ego non magis intelligo, quam cetera.

86 *Quatuor διφθέραι.*] Volumina. nam libri dicuntur *διφθέραι*. ζῆς εἰς διφθέρας. v. Periz. ad Ælian. V. H. IX, 3. Sic autem habent edd. veteres. Bosius δι-

⁸⁷ quod egeris, id probabo. ⁸⁸ nec tamen αἰδέομαι Τρῶας. quid enim? sed, ipsi quam res illa probaretur, magis verebar. sed quoniam tu suscipis; in alteram aurem.

CICERO ATTICO S.

25

DE retentione, rescripsi ad tuas accurate scriptas litteras. conficies igitur, et quidem sine ulla dubitatione, aut retractione. hoc fieri et oportet, et opus est. De Andromene, b ut scribis, ita putaram. scisses enim, mihiq; dixisses. Tu tamen ita mihi de Bruto scribis, ut de te nihil. quando autem illum putas? nam ego Romam pridie Idus. Bruto ita volui scribere, (sed ⁸⁹ quoniam tu te legisse scribis, fui fortasse ἀσαφέστερος,) ne ex tuis litteris intellexisse, nolle cum me quasi prosequendi sui causa Romam nunc venire. sed quoniam jam adest meus adventus, fac quæso, ne quid eum Idus impediant, quo minus suo commodo in Tusculano sit. nec enim ad tabulam eum desideraturus eram. in tali enim negotio cur tu unus non satis es? sed ⁹⁰ ad testamentum volebam: quod jam malo alio die; ne ob eam causam Romam venisse videar. scripsi igitur ad Brutum, jam illud, quod putassem, Idib. nihil opus esse. velim ergo totum hoc ita gubernes, ut ne minima quidem re ulla Bruti commodum impediamus. Sed quid est tandem, quod perhorrescas, quia tuo periculo jubeam libros dari Varroni? etiam nunc si dubitas, fac ut sciamus. nihil est enim illis elegantius. volo Varronem, præsertim cum ille desideret: sed est, ut scis,

Δεινὸς ἄνθρωπος. τάχα κεν καὶ ἀναλτιον αἰτιώσῃτο.

ita mihi sæpe occurrit vultus ejus, querentis fortasse vel hoc, meas partes in iis libris copiosius defensas esse, quam suas: quod mehercule non esse intelliges, ⁹¹ si quando in Epirum veneris. nam nunc Alexionis epistolis cedimus. sed tamen ego non despero probatum iri Varroni: et ⁹² id, quo-

φθίσας edidit e Ms. Tornæs. quod et Vict. in ed. harum epp. a. 1571. secutus est, et alii recentiores.

87 Quod egeris.] Sive dederis Varroni, sive non.

88 Nec tamen, &c.] V. ep. sequentem.

89 Quoniam tu te legisse scribis.] Sic edd. pr. intellige, aliter, quod scribis me scripsisse. Malaspina corripbat q. secus t. l. scr.

90 Ad testamentum.] V. XII, 18.

91 Si quando i. E. v.] Ubi otium legendi crit. nam nunc legere te potius volo epistolas procuratoris tui in Epiro de rebus tuis et eas curare, quam hos libros legere.

92 Id - - facile patior teneri.] In eo nos manere, ut Varroni eos libros mitteremus.

nam impensam fecimus in macrocola, facile patior teneri. sed etiam atque etiam dico, tuo periculo fiet. quare, si ad dubitas, ⁹³ ad Brutum transeamus. est enim is quoque Antiochius. ⁹⁴ o Academiam volaticam, et sui similem, modo huc, modo illuc. sed, quæso, epistola mea ad Varronem ⁹⁵ valdene tibi placuit? male mihi sit, ⁹⁶ si umquam quidquam tam enitar. ergo. at ego ne Tironi quidem dictavi, p. 213. ⁹⁷ qui totas *περιοχὰς* persequi solet, sed Spintharo syllabatim.

26

CICERO ATTICO S.

DE ⁹³ Virgilii parte valde probō. sic ages igitur. et quidem id erit primum; proximum Clodiæ. quod si neutrum; metuo, ⁹⁹ ne turbem, et irruam in Drusum. intemperans sum ¹⁰⁰ in ejus rei cupiditate, quam nosti. itaque revolvor identidem in Tusculanum. quidvis enim potius, quam ut non hac æstate absolvatur. Ego, ut tempus est nostrum, locum habeo nullum, ubi facilius esse possim, quam Asturæ. sed quia, qui mecum sunt, (credo, quod mcestitiam meam non ferunt,) domum properant; etsi poteram remanere, tamen, ut scripsi tibi, proficiscar hinc, ne relictus videar. quo autem? Lanuvium? conor equidem in Tusculanum. sed faciam te statim certiolem. ¹ tu litteras conficies. equidem credibile non est, quantum scribam die; quin etiam noctibus. nihil enim somni. heri etiam effeci epistolam ad Cæsarem. tibi enim placebat: quam non fuit malum scribi, si forte opus esse putares, ut quidem nunc est, nihil sane est necesse mittere. sed id quidem, ut tibi videbitur. mittam

93 *Ad Brutum transeamus.*] Ei hos libros mittamus.

94 *O Academiam volaticam.*] Pertinet ad rem, quam agit. Academici ipsi sunt inconstantes, ut non sit certum, an Varro probaturi simus, quod ei partes Antiochinas dedimus.

95 *Valdene tibi placuit.*] Non placet *ῥο* valde.

96 *Si umquam quidquam tam enitar. ergo.*] Sic edd. pr. Bosius e libro suo *ἔργον*, unde in alias edd. receptum. Sed ei non convenit *quidquam*, quod sine substantivo semper ponitur; unde quidam conjecere *ἔργον*, quod et ipsum durum est. ergo int. mittatur, vel placebit Varro. *eniti* a partu difficiliore ductum. nam et gignere, parere de scribentibus dicitur.

97 *Qui totas *περ.* persequi solet.*] Cui ego totas periodos dixi, quas ille dein scripsit, sed nescio quomodo in ed. Grut.

excidit. quod syllabatim Sp. dictavit, diligentiam Ciceronis indicat, caventis ne ullum verbum ulter, quam ipse vellet, scriberetur.

98 *Virgilii parte.*] Hereditatis Scapulanæ. v. XII, 51. recte judicant P. Man. et Lamb. hanc epistolam esse alieno loco et in L. XII. poni debuisse, *probo*, quod putas, eam esse emendam. intelligit hortos Scapulanos. id erit *primum*, hos hortos ante alios habere cupio.

99 *Ne turbem et irruam in Dr.*] Ne vehementior sim in emendo et Drusum cogam ad vendendum quovis pretio.

100 *In ejus rei cup., q. n.*] *Adificandi fani.* — *revolvor in Tusculanum*, redco ad consilium ædificandi fani in Tusculano meo.

1 *Tu litteras conficies.*] Quas meo nomine scribas et mittas ad alios; de quo genere sæpius est L. XII.

tamen ad te exemplum fortasse Lanuvio, ²nisi forte Romanam. sed cras scies.

CICERO ATTICO S.

27

DE epistola ad Cæsarem, nobis vero semper rectissime placuit, ut isti ante legerent. aliter enim finissemus et in hos inofficiosi, et in nosmetipsos, si illum offensuri fuimus, pæne periculosi. isti autem ingenue, mihi que gratum, quod, quid sentirent, non retinuerunt: illud vero vel optime, quod ³ita multa mutari volui, ut mihi de integro scribendi causa non sit: quamquam ⁴de Parthico bello quid spectare debui, nisi quod illum velle arbitrabar? quod enim aliud argumentum epistolæ nostræ, nisi *κολακία*, fuit? an, si ea, quæ optima putaram, suadere voluissem, oratio mihi defuisset? totis igitur litteris nihil opus est. ubi enim *ἐπίτευγμα* magnum nullum fieri possit, *ἀπότευγμα* vel non magnum molestum futurum sit; quid opus est *παρακινδυνεύειν*? præsertim cum illud occurrat, illum, cum antea nihil scripserim, existimaturum, me, nisi toto bello confecto, nihil scripturum fuisse. atque etiam vereor, ne putet, me hoc quasi ⁵Catonis *μειλιγμα* esse voluisse. quid quæris? valde me pœnitebat: nec mihi in hac quidem re quidquam magis ut vellem accidere potuit, quam quod *σπουδή* nostra non est probata. ⁶incidissemus etiam in illos, in eis in cognatum tuum. sed redeo ad hortos. Plane illuc te ire, nisi tuo magno commodo, nolo. nihil enim urget. quidquid erit, operam in Faberio ponamus. de die tamen auctionis, si quid scies. Eum, qui e Cumano venerat, quod et plane valere Atticam nuntiabat, et litteras se habere agebat, statim ad te misi.

CICERO ATTICO S.

28

HORTOS quoniam hodie cras inspecturus, quid visum tibi sit, cras scilicet. De Faberio autem, cum venerit.

² Nisi forte Romanam.] Abiero potius quam Lanuvium.

³ Ita multa mutari.] 1. e. multa illi quidem, sed tamen ut non causa sit novam epistolam scribendi, sed illa omnia facile, salva reliqua epistola universa, corrigi possint.

⁴ De Parthico bello quid sp. d.] De Parthico bello, quod Cæsar in animo habebat, consilium suum Cæsari scripsit, sed

ita, ut ejus auctor esset, id se dicit suasisse, non quo ipse ita sentiret, sed quia non frustra contra scribere voluerit, atque frustra displicere Cæsari.

⁵ Catonis *μειλιγμα*.] V. Clav. in Græcis.

⁶ Incidissemus etiam in illos.] His occasionem dedissemus male dicendi et calumniandi apud Cæsarem, qui nobis sunt inimici, in his Quinti filio.

De epistola ad Cæsarem, jurato mihi crede, ⁷ non possum; nec me turpitudine deterret, etsi maxime debebat. quam enim turpis est assentatio, cum vivere ipsum turpe sit nobis? sed ut cœpi, non me hoc turpe deterret. ac vellem quidem: (essem enim, ⁸ qui esse debebam:) sed in mentem nihil venit. nam, quæ sunt ad Alexandrum hominum eloquentium et doctorum suasiones, vides quibus in rebus versentur. adolescentem, incensum cupiditate verissimæ gloriæ, cupientem sibi aliquid consilii dari, quod ad laudem sempiternam valeret, cohortantur. ad decus non deest oratio. ego quid possum? tamen ⁹ nescio quid e quercu exculperam, quod videretur simile simulacri. in eo quia nonnulla erant paullo meliora, quam ea, quæ fiunt et facta sunt, reprehenduntur: quod me minime pœnitet. si enim pervenissent istæ litteræ, mihi crede, nos pœniteret. quid? tu non vides ipsum illum Aristotelis discipulum, summo ingenio, summâ modestiâ, posteaquam rex appellatus sit, superbum, crudelem, immoderatum fuisse? quid? tu ¹⁰ hunc de pompa, Quirini contubernalem, his nostris moderatis epistolis lætaturum putas? ille vero potius non scripta desideret, quam scripta non probet. Postremo, ut volet, abiit illud, quod tum me stimulabat, ¹¹ quod tibi dabam *πρόβλημα Ἀρχιμήδειον*. multo mehercule magis nunc opto casum illum, ¹² quem tum timebam, vel quem libebit. Nisi quid te aliud impediret, mihi optato veneris. Nicias a Dolabella magno opere arcessitus, (legi enim litteras,) etsi invito me, tamen eodem me auctore profectus est. Hoc manu mea.

29

CICERO ATTICO S.

¹³ CUM quasi alias res quærerem de philologis e Nicia, incidimus in Talnam. ille de ingenio nihil nimis: modes-

⁷ Non possum.] Sc. mutare epistolam, vel aliam scribere, quæ diversa suadeat.

⁸ Qui esse debebam.] Restitui debebam, quod Bosius in *debeam* contra latinam mutavit: similiter et ante reposui *debebat* post *deterret*, ex ed. Rom. quod aures latinæ facile sentiant, verum esse.

⁹ Nescio quid e quercu, &c.] Omnia hæc pertinent ad minuendum. *nescio quid*, v. Clav. *quercus* materia parum apta ad aliquid pulchri elaborandum, et *simile simulacri*.

¹⁰ Hunc de pompa.] Mordaciter dictum in Cæsaris vanitatem.

¹¹ Quod tibi dabam π. A.] Quomodo

possem Cæsarem mihi conciliare, salva bonorum benivolentia, quod erat admodum difficile.

¹² Quem tum timebam.] Sit recte edd. pr. nam et sequitur *vel quem libebit*. male recentiores *quam*, referentes ad *magis*.

¹³ C. quasi alias res quærerem de ph.] Cum interrogarem Niciam, quinam essent eruditiores in litteris, possentque de iis bene disserere; nam hi sunt philologi: idque facerem, ne animadverteret, quid vellem et quare interrogarem. Nempe volebat de Talna cognoscere ejus judicium, ad quem videbat sermonem venturum, quod sciebat, eum esse doctum.

tum et frugi. sed hoc mihi non placuit. se scire ajebat, ab eo nuper petitam Cornificiam, Q. filiam, vetulam sane, et multarum nuptiarum: non esse probatum mulieribus, ¹⁴ quod ita reperirent, rem non majorem DCCC. hoc putavi te scire oportere. De hortis ex tuis litteris cognovi, ¹⁵ et Chrysippo. in villa, ejus insulsiatē bene noram, video nihil, aut pauca mutata. balnearia tamen laudat majora: de minoribus ait hiberna effici posse. tecta igitur ambula-
 tiuncula addenda est: quam ut tantam faciamus, quantam in Tusculano fecimus, prope dimidio minoris constabit isto loco. ad id autem, quod volumus, ἀφίδρυμα, nihil aptius videtur, quam lueus, quem ego noram: sed celebritatem nullam tum habebat: nunc audio maximam. nihil est, quod ego malim. in hoc τὸν τύφον μου πρὸς θεῶν τροποφάγησον. Reliquum est, si Faberius nobis nomen illud explicat, noli quærere, quanti. Othonem vincas volo. nec tamen insanitūrum illum puto. nosse enim mihi hominem videor. ¹⁶ ita male autem audio ipsum esse tractatum, ut mihi ille emtor non esse videatur. ¹⁷ quid enim? pateretur? sed quid argumentor? si Faberianum explicas, emamus vel magno: sin minus, ne parvo quidem possumus. ¹⁸ Clodium igitur; a qua ipsa ob eam causam sperare videor, quod et multo minoris sunt, et Dolabellæ nomen jam expeditum videtur, ut etiam representatione confidam. De hortis satis. ¹⁹ Cras aut te, aut causam: quam quidem futuram Faberianam. sed, si poteris.

CICERO ATTICO S.

30

²⁰ CICERONIS epistolam tibi remisi. o te ferrenum, qui illius periculis non moveris! ²¹ me quoque accusat. eam tibi epistolam misissem. nam illam alteram de rebus gestis

¹⁴ Quod ita reperirent.] Abundat ita: sed eleganter et more Ciceronis. v. Clav. in li. v. an reperissent?

¹⁵ Et Chrysippo.] Architecto. v. Clav.

¹⁶ Ita male - esse tractatum.] Videtur in aliqua emtione aut simili re pecuniaria induci esse, ut magnam jacturam pecunie faceret.

¹⁷ Quid enim? pateretur? Est vel obijcientis: credibile est, enim passurum, ut horti illi a se abeant in auctione? vel, ut iterum inducatur ad jacturam pecunie magnæ faciendam?

¹⁸ Clodium igitur.] Int. adi. s. ut ait

ep. 31. aggredere, et hortos ut vendat mihi, perfice. spero enim, me eos emere commode posse. quod et minoris, quam Scapulanos, emere potero, et pecuniam statim spero me solvere posse.

¹⁹ Cras aut te, &c.] Sensus est, aut te videbo, aut causam, quare non venias, cognoscam e litteris tuis: eamque spero fore hanc, quam cum Faberio de pecunia agas. quam rogo ut conficias, si poteris.

²⁰ Ciceronis.] Q. filii.

²¹ Me quoque accusat.] In epistola altera, quam ad me misit.

²² eodem exemplo puto. In Cumanum hodie misi tabellarium. ei dedi tuas ad Vestorium, quas Pharnaci dederas. Commodum ad te miseram Demcam, cum Eros ad me venit. sed in ejus epistola nihil erat novi, nisi, ²³ auctionem biduum. ab ea igitur, ut scribis: et velim, confecto negotio Faberiano: quem quidem negat Eros hodie. cras mane putat. a te colendus est. istæ autem *κολακίαι* ²⁴ non longe
 p. 215. absunt a scelere. te, ut spero, perendic. Mihi, ²⁵ sicunde
 a. potes, crues, qui decem legati Mumnio fuerint. Polybius non nominat. ego memini Albinum consularem, et Sp. Mummius. videor audisse ex Hortensio, Tuditanum. sed in Libonis annali, XIV annis post prætor est factus Tuditanus, quam consul Mummius: ²⁶ non sane quadrat. ²⁷ Volo aliquem Olympiæ, aut ubi visum, *πολιτικὸν σύλλογον*, more Dicæarchi, familiaris tui.

31

CICERO ATTICO S.

QUINTO Kal. mane accepi a Demea litteras pridie datas, ex quibus aut hodie, aut cras te exspectare deberem. sed, ut opinor, idem ego, qui exspecto tuum adventum, ²⁸ morabor te. non enim puto tam expeditum Faberianum negotium futurum, etiamsi est futurum, ut non habeat aliquid moræ. cum poteris igitur, quoniam etiamdum abes. ²⁹ Dicæarchi, quos scribis, libros sane velim mihi mittas: addas etiam *καταβάσεις*. De epistola ad Cæsarem, ³⁰ κέκρικα. atque id ipsum, quod isti ajunt illum scri-

²² Eodem exemplo puto.] Quo sc. ad te misit epistolam.

²³ Auctionem biduum.] Per duos dies auctionem fore, ea finita ad me veni; sed confecto ante negotio Fab.

²⁴ Non longe absunt a scelere.] J. Fr. Gronovius deleri volebat non. placet, dixerat, blande tractandum esse Faberium, ut facilius solveret. Poterat Atticus dicere, non honestum est, homines tales adulari. Respondet, in tali re, ut accipiamus nostra, non est turpe, uti tali artificii.

²⁵ Sicunde potes, crues.] Erues e Mss. se edere dicit Bosius. at sic erat jam in ed. Rom. Jensonius dedit s. potes eruiere, unde in seqq. edd. venit, idque revocavit Grævius. Puto Ciceronem scripsisse crue.

²⁶ Non sane quadrat.] Non consentaneum est, hominem qui tam longe adhuc abfuerit a consulatu, jam legatum in tali

causa missum esse, in qua fere consulares mitti solent. v. et ep. seqq.

²⁷ Volo aliquem Olympiæ, &c.] Volo primus edidit Manutius, idque et in Ms. reperit Grævius. Lectio edd. pr. autc Man. quadratulo, unde Victorius fecit quadrat, ullo, sed sine sensu. Bosius e conjectura ἄλλῃ. Grævius volo restituit, quem secutus sum. Cicero disputationem suam de republica, cogitabat fingere, Olympiæ esse habitam, aut alio quo claro loco, ut Dicæarchus scripserat librum, quem Ὀλυμπιακὸν vocarat, auctore Athenæo XIV. p. 620. item alios, quos nomine loci appellatione, ubi sermones habiti fingerentur.

²⁸ Morabor te.] Sc. negotio meo, quod tu curas, nec tu tam celeriter fortasse conficies.

²⁹ D. libros.] Sc. περὶ ἡερῶς.

³⁰ Κέκρικα.] Jam certum est, quid facturum sim. non mittam. de hac re sæpe est

bere, se, nisi constitutis rebus, non iturum in Parthos; idem ego suadebam in illa epistola: sin; utrum liberet, facere posse, auctore me. hoc enim ille exspectat videlicet, neque est facturus quidquam, nisi de meo consilio. obsecro, abjiciamus ista, et semiliberi saltem simus: quod assequemur et tacendo, et latendo. Sed et aggredere Othonem, ut scribis. confice, mi Attice, istam rem. nihil enim aliud reperio, ubi et in foro non sim, et tecum esse possim. quanti autem, hoc mihi venit in mentem. C. Albanus proximus est vicinus: is ³¹ c10 jugerum de M. Pilio emit, ut mea memoria est, H-S cxv. ³² omnia scilicet nunc minoris. sed accedit cupiditas: in qua, præter Othonem, non puto nos ullum adversarium habituros. sed cum ipsum tu poteris movere: facilius etiam, ³³ si Kanum haberes. ³⁴ o gulam h. insulsam! pudet me patris. rescribes, si quid voles.

CICERO ATTICO S.

32

ALTERAM a te epistolam cum hodie acceperissem, non hui te una mea contentum. Tu vero age, quod scribis, de Faberio. in eo enim totum est positum id, quod cogitamus: quæ cogitatio si non incidisset, (mihi crede istuc, ut cetera,) non laborarem. quamobrem, ut facis, (istuc enim addi nihil potest,) urge, insta, perfice. Dicæarchi *περὶ ψυχῆς* ³⁵ utrosque velim mittas, et *καταβύσεως, τριπολιτικὸν* non invenio, et epistolam ejus, quam ad Aristoxenum misit. tres eos libros maxime nunc vellem: apti essent ³⁶ ad id,

in superioribus, utrum scriberet ad Casarem, nec no. Ceterum hæc lectio est a Lambini conjectura, quam cum Grævio lectionibus ceteris præfui, quæ sunt omnes c conjectura. Lectio prima in ed. Rom. vulgata est *καταβύσεως*, quam Victorius correxit *καταβύσεως*, i. e. fatua, inania: Bosius e vestigiis Mss. *καταβύσεως*, certo constitui, quid acturus sim, et in eo permanebo. Lectionem Lambini probat etiam Tunstallus, p. 146. sed aliter, nec bene, explicat, ut nobis videtur.

³¹ c10 jugerum.] Ed. Rom. x. j. sic et alibi in libris c10 factum x. reperimus et supra vidimus. mox cxv. est centies quindicies. nam centum et quindecim milies nimis parvam summam effecerit.

³² Omnia se. nunc minoris.] Emuntur, sc. propter imminutam pecuniæ copiam: quæcum augentur et minuuntur pretia rerum.

³³ Si K. haberes.] Puto legendum *habet*, vel *habebis*.

³⁴ O gulam insulsam.] Pertinet ad Q. Ciceronem filium. respondet sine dubio parti epistolæ Attici, in qua de eo scripserat, ejusque luxuria. Vidit Tunstallus, p. 162. Interpretes ad Othonem aut Kanum retulere valde contorte. Tunstallus ibid. tanquam e correctione sua dat *pudet me patris*, cum vulgati habeant *pudet*. sed id est vitium typographicum, quod primum in ed. Grut. reperi, unde et in Grævianum textum venit; in eoque se torsit Mougallius.

³⁵ Utrosque velim mittas.] Torquent se in *utrosque*, cum præcedat unus liber. puto transpositionem in libris factam, et *περὶ ψυχῆς* his verbis postponendum.

³⁶ Ad id, quod cogito.] An ad scribendam Tusculanarum primam: in qua horum philosophorum mentio et librorum, quos de hoc argumento scripsere.

quod cogito. ³⁷Torquatus Romæ est. misi, ut tibi daretur. Catulum et Lucullum, ut opinor, antea. his libris nova proœmia sunt addita, quibus eorum uterque laudatur. ³⁸cas litteras volo habeas: et sunt quædam alia. Et, quod ad te de decem legatis scripsi, parum intellexi; credo, quia διὰ σημείων scripseram. de C. Tuditano enim quærebam, quem ex Hortensio audieram fuisse in decem: cum video in Libonis prætorem P. Popillio, P. Rupilio consilibus. Annis XIII ante, quam prætor factus est, legatus esse potuisset? ³⁹nisi admodum sero quæstor est factus: quod non arbitror. video enim curules magistratus cum legitimis annis perfacile cepisse. Postunium autem, cujus statuam in Isthmo meminisse te dicis, in iis sciebam fuisse. is autem est, qui cum Lucullo fuit; quem tu mihi addidisti, sane ad illum σύλλογον personam idoneam. videbis igitur, si poteris, ceteros; ut possimus πομπεύσαι καὶ τοῖς προεσώποις.

33

CICERO ATTICO S.

⁴⁰NEGLIGENTIAM miram! semelne putas mihi dixisse Balbum et Faberium, professionem relata? quin etiam p. 216. ⁴¹meorum jussu miseram, qui profiteretur. ita enim oportere dicebant. professus est Philotimus libertus. ⁴²nosti credo librarium. sed scribes, et quidem confestim. Ad Faberium, ⁴³ut tibi placet, litteras misi. cum Balbo autem puto ⁴⁴te aliquid fecisse II. in Capitolio. ⁴⁵In Virgilio

³⁷ Torquatus.] Liber primus de Finibus. jussi, ut tibi daretur, Mss. duo Bosiani misi, ut. quod prætuli. nam jussi ut non bene satis habet. et sequens, Catulum et Lucullum antea, non potest ad jussi referri, sed ad misi commode.

³⁸ Cas litteras.] Corradus intelligit proœmia illa; sed ea non erant epistolarum modo scripta, ut e proœmio Luculli patet, quod adhuc extat. Puto intelligi litteras ad Atticum, quibuscum eos libros miserat. ita intelligitur et illud, et sunt quædam alia, sc. in iis litteris, propter quæ velim, eas tibi redditas esse.

³⁹ Nisi admodum sero, &c.] Hoc loco non satisfaciunt, quæ Manutius dixit. quomodo XIV annis ante præturam legatus esse potuit, si sero quæstor factus est? quid id mutat causam? neupio ætatem graviores habere potuit, si sero quæstor factus est, pluribus annis post tricesimum.

⁴⁰ Negligentiam m.] Balbi et Fabi qui Ciceroem de facta professione census ne semel quidem certiores fecerant: itaque post rogat Atticum, ut se confestim certiores faciat, an facta sit.

⁴¹ Meorum jussu.] Sic Grævius in Mss. suis reperit pro eorum, idque probabat recte. sed sic jam habet ed. Rom. Cicero admonitus est ab suis amicis, ut mitteret, qui suo nomine profiteretur, si ipse nollet Romam venire.

⁴² Nosti credo librarium.] Qui tabulas censorius scribit, a quo cognoscere potes, cum professio facta sit.

⁴³ Ut tibi placet, misi.] Scribendam videtur placebat.

⁴⁴ Te aliquid fecisse II. in Capitolio.] H. intelligunt hodie. vix credo recte. sed totum non intelligo.

⁴⁵ In Virgilio.] V. ad ep. 26. nulla est d. non dubito emere hortos Scapulanos.

mihī nulla est δυσωπία. ⁴⁶ nec enim ejus causa sane debeo : et, si emero, quid erit, quod postulet ? sed videbis, ne is cum sit in Africa, ⁴⁷ ut Caelius. De nomine, tu videbis cum Cispio : sed, ⁴⁸ si Plancus destinat, tum habet res difficultatem. Te ad me venire uterque nostrū enpit : sed ista res nullo modo relinquenda est. Othonem quod speras posse vinci ; sane bene narras. ⁴⁹ de aestimatione, ut scribis, cum agere cœperimus : etsi nihil scripsit, nisi de modo agri. ⁵⁰ Cum Pisone, si quid poteris. Dicæarchi librum accepi : et καταβάσως exspecto. ⁵¹ Negotium dederis ; reperiet ex eo libro in quo sunt senatus consulta Cn. Cornelio, L. Mummio consulibus. De Tuditano autem, quod putas, εἰλογον est, tum illum, quoniam fuit ad Corinthum (non enim temere dixit Hortensius) aut quæstorem aut tribunum militum, ⁵² idque potius fuisse credo. tu de Antiocho scire poteris. Vide etiam, quo anno quæstor, aut tribunus militum fuerit. si neutrum quadret, in præfectis, an in contubernalibus fuerit, modo fuerit in eo bello. De Varrone loquebamur ; lupus in fabula. venit enim ad me, et quidem id temporis, ut retinendus esset. sed ego ita egi, ut non scinderem penulam. ⁵³ memini enim tuum : et multi erant, nosque imparati. quid refert ? paullo post C. Capito cum T. Carrinate. horum ego vix attigi penulam ; tamen remanserunt : ceciditque belle. sed casu sermo ⁵⁴ a Capitone de urbe augenda. ⁵⁵ a ponte Mulvio Tiberim duci secundum montes Vaticanos ; campum Martium coædificari ; illum autem campum Vaticanum fieri, quasi Martium campum. quid ais ? inquam. at ego ad tabulam, ⁵⁶ ut, si recte

⁴⁶ Nec ejus causa debeo.] Sc. δυσωπῆσθαι, vereri, ne illum offendam, et ea causa ab emptione abstinere.

⁴⁷ Ut Caelius.] Faciat, quod Caelius, qui a Cæsarianis partibus ad Pompeianas transiit.

⁴⁸ Si Plancus destinat.] Sc. emere hortos illos. sed malim tum abesse. libri hic variant.

⁴⁹ De aestimatione.] Int. videbimus, quid agendum sit.

⁵⁰ Cum Pisone.] V. ep. 2. Dicæarchi librum, int. πρὸς Φυχῶν.

⁵¹ Negotium dederis.] Sc. alicui, ut librario, quarendi. Junius e Mss. duobus n. si dederis. Sic habet et ed. Jens. sed vulgatum elegantius, pro reperiet edd. vett. reperies, illud est e Bosii libris.

⁵² Idque potius fuisse credo.] Fuisse

h. l. incommodum est, nec satis latinum est hoc, id p. f. credo. Videtur transpositum, aut quæstorem aut trib. m. fuisse : idque potius credo. Sed locus totus in libris vitiosus est. Tum Antiochus, e quo discere posse Atticum ait, fuit servus Attici.

⁵³ Memini enim tuum.] Int. morem in talibus hospitibus repentinis. et multi erant cum ipso comites.

⁵⁴ A Capitone.] Int. ortus est, motus.

⁵⁵ A ponte Mulvio duci secundum montes Vat.] Mutato cursu sc. inde ab illo ponte, ut posthæc ad radices Vaticani flueret : qui mons tum extra urbem erat. v. qui hoc accuratius velit cognoscere, P. Mammiū notam ad h. l.

⁵⁶ Ut si recte possim.] Reposui possim pro vulgato possem, ut legendum esse mea

possim, Scapulanos hortos. cave facias, inquit. nam ista
 11. lex perferetur. vult enim Cæsar. audire me facile passus
 sum. fieri autem, moleste fero. sed tu quid ais? quamquam
 quid quæro? nosti diligentiam Capitonis in rebus novis
 perquirendis. non concedit Camillo. facies me igitur certio-
 rem ⁵⁷ de Idibus. ista enim me res adducebat. eo adjun-
 xeram ceteras; quas consequi tamen biduo aut triduo post
 facile potero. ⁵⁸ te tamen in via confici minime volo. quin
 etiam Dionysio ignosco. De Bruto quod scribis, feci ut
 ei liberum esset, quod ad me attineret. scripsi enim ad eum
 heri, ⁵⁹ Idib. [Mai.] ejus opera mihi nihil opus esse.

34

CICERO ATTICO S.

ASTURAM veni VIII Kal. vitandi enim caloris causa,
 Lanuvii III horas acquieveram. tu velim, si grave non erit,
 efficias, ne ante Nonas mihi illuc veniendum sit. id potes
 per Egnatium Maximum. Illud in primis, ut cum Publilio,
 me pæne absente, conficias: de quo quæ fama sit, scribes.
id populus curat scilicet. non mehercule arbitror. etenim
 hæc decantata erat fabula. sed complere paginam volui.
 quid plura? ipse enim adsum, nisi quid tu prorogas. scripsi
 enim ad te de hortis.

35

CICERO ATTICO S.

O REM indignam! ⁶⁰ gentilis tuus urbem auget; quam
 hoc biennio primum vidit: et ei parum magna visa est,
 quæ etiam ipsum capere potuerit. hac de re igitur exspecto
 litteras tuas. Varroni, scribis, ⁶¹ te simul ac venerit. dati

sponte dudum conjeci, nunc in ed. pr. re-
 peri. *Sequentia, cave facias,* docent. ita-
 que in illo *at ego* int. tamen ibo, ire co-
 gito. *Si recte possim* est, si possim com-
 modo pretio in auctione emere hortos.
 Conjectum est hoc cum anteed. et con-
 sequente sic: si Cæsar urbem amplifica-
 bat, horti illi Scapulani perituri erant. ta-
 men Cicero volebat emere. Atticus mo-
 net, ne faciat, quod illa lex Cæsaris de po-
 nuerio proferendo sino dubio futura esset.

⁵⁷ *De Idibus.*] An auctio futura sit.

⁵⁸ *Te in via confici.*] Te mea causa
 iter facere modestum.

⁵⁹ *Idibus Maiis.*] Inclusi uncis saltem
 verbum Mai. quod certo spurium est.
 Nam ex Idus dudum, cum hæc scribebat
 Cicero, præterierant, qui extremo mense

Maior jam in Arpinum venerat, ubi tum
 erat. fortasse et *Idibus* est ab interpola-
 tore, nam commode abfuerit.

⁶⁰ *Gentilis tuus.*] De architecto vi-
 detur sormo esse, cuius opera Cæsar ute-
 retur in describendo modo urbis dilatandæ,
 eoque adeo Græco homine. eum vocat
gentilem, ut opinor, quia Græcus, Athe-
 niensis fortasse etiam erat: quod mihi
 simplicissimum videtur. Similem locum
 in superioribus notavimus. Atticus no-
 men accepit ab amore Græcorum, inprimis
 Atheniensium: hinc ii gentiles ipsius per
 jocum.

⁶¹ *Te, simul ac v.*] Lihros, quos ei
 destinavi, sc. Academicos, daturum. *dati*
igitur jam sunt; nempe Varro, hanc episto-
 lam cum scriberet Cicero, Romam venerat.

igitur jam sunt; nec tibi integrum est: hui, si scias ⁶² quanto periculo tuo: aut fortasse litteræ meæ te retardarunt. sed eas nondum legeras, cum has proximas scripsisti. scire igitur aveo, quo modo res se habeat.

p. 217.
a.

CICERO ATTICO S.

36

DE Bruti amore, vestraque ambulatione, etsi mihi nihil novi affers, sed idem, quod sæpe; tamen hoc audio libentius, quo sæpius: eoque mihi jucundius est, quod tu eo lætaris; certiusque eo est, quod a te dicitur.

CICERO ATTICO S.

37

HAS alteras hodie litteras. De ⁶³ Xenonis nomine, et de Epiroticis xxxx, nihil potest fieri nec commodius, nec aptius, quam ut scribis. id erat locutus mecum eodem modo Balbus minor. Novi nihil sane, nisi Hirtium cum Quinto acerrime pro me litigasse: ⁶⁴ omnibus cum locis facere, maximeque in conviviis: cum multa de me, tum redire ad patrem: nihil autem ab eo tam ἀξιοπισταως dici, quam alienissimos nos esse a Cæsare: fidem nobis habendam non esse: me vero etiam cavendum: (φοβερὸν ἦν, nisi viderem ⁶⁵ scire regem, me animi nihil habere:) ⁶⁶ Ciceronem vero meum vexari. sed id quidem arbitrato suo. Laudationem Porciæ gaudeo me ante dedisse Leptæ tabellario, quam tuas acceperim litteras. eam tu igitur, si me amas, curabis, si modo mittetur, isto modo mittendam ⁶⁷ Domitio et Bruto. De gladiatoribus: de ceteris, quæ scribis ἀνεμοφόρητα, faciēs me quotidie certiozem. Velim, si tibi videtur, appelles Balbum et Offilium de auctione proscribenda. equidem locutus sum cum Balbo. placebat. puto conscripta habere Offilium omnia; habet et Balbus: sed Balbo placebat, propinquum diem, ⁶⁸ et Romæ: si Cæsar moraretur, posse

⁶² Quanto periculo tuo.] Qui asseverasti, eos ipsi placituros, si non placeant.

⁶³ Xenonis nomine et de Ep. xxxx.] Xeno videtur Attici procurator fuisse, qui dederat pecuniam Ciceronis filio Athenis agenti: eo pertinent Epirotica xxxx. i. e. 40000 H-S.

⁶⁴ Omnibus cum locis facere.] Facere hic nimis vagum est. Probant viri docti Faerni correctionem furore: rectissime.

⁶⁵ Scire regem, me animi nihil habere.] Regem int. Cæsarem, qui sibi nihil timendum esse a Cicerone, homine timido,

videbat, adeoque continebat ejus a se alienationem.

⁶⁶ C. meum vexari.] Athenis, cum duriter haberetur et nimis parce.

⁶⁷ Domitio et Bruto.] Filio illi Porciæ, et affini huic ejusdem.

⁶⁸ Et Romæ: si Cæsar moraretur.] Auctione intelligenda est bonorum hominis extranei, in cujus hereditibus esset Cicero, atque etiam Cæsar. nam propter illud, de loco auctionis deligendo, externa hereditas esse debet. et quia Cæsaris adventus, expectandus erat. Cæsaris interfuit adesse,

diem differri. sed is quidem adesse videtur. totum igitur considera. placet enim Vestorio.

38

CICERO ATTICO S.

- b. ANTE lucem ⁶⁹ cum scriberem contra Epicureos, de eodem oleo et opera exaravi nescio quid ad te, et ante lucem dedi. deinde cum, somno repetito, simul cum sole experfectus essem, datur mihi epistola a sororis tuæ filio, quam ipsam tibi misi; cujus est principium non sine maxima contumelia. sed fortasse οὐκ ἐπέστησεν. est autem sic; *Ego enim non probo, quidquid non belle in te dici potest. posse vult in me multa dici non belle, sed ea se negat approbare. hoc quidquam pote impurius? jam cetera leges, (misi enim ad te,) judicabisque. Bruti nostri quotidianis assiduisque laudibus, quas ab eo de nobis haberi permulti mihi renuntiaverunt, commotum istum aliquando, ⁷⁰ scripsisse aliquid ad me; credo et ad te: idque ut sciam, facies: nam, ad patrem de me quid scripserit, nescio; de matre quam pie? *Volueram, inquit, ut quam plurimum tecum essem, conduci mihi domum; et id ad te scripseram: neglexisti. ita minus multum una erimus. nam ego istam domum videre non possum: qua de causa, scis.* Hanc autem causam pater odium matris esse dicebat. nunc me juva, mi Attice, consilio, πότερον δίκας τείχος ὑψέον, ⁷¹ [id est, utrum aperte hominem asperner, et respuam,] ἢ σκολιᾶς ἐπάτας. ut enim Pindaro, sic δῖχα μοι γούος, ἀτρέκειαν εἰπεῖν. omnino moribus meis illud aptius, sed hoc fortasse temporibus. tu autem, quod ipse tibi suaseris, idem mihi persuasum putato. equidem vereor maxime, ne in Tusculano opprimar. in turba hæc essent facilliora. utrum igitur Asturæ? quid, si Cæsar subito? juva me, quæso, consilio. utar eo, quod tu decreveris.*

39

CICERO ATTICO S.

O INCREDBILEM vanitatem! ⁷² ad patrem, domo sibi carendum propter matrem: plena pietatis. hic autem

enim auctio fieret. Coheredem Cæsaris fuisse Ciceronem, scimus ex testamento Cluvii Puteolani.

⁶⁹ Cum scriberem contra Epicureos.] Scribebat tum Tusculanas. nam de finibus libri tum jam editi erant, ut recte Corradus.

⁷⁰ Scripsisse aliquid ad me.] Pertinet manifeste ad epistolam Q. filii ad patrum Ciceronem, itaque scripsisse dedi pro scrip-

sisti, ut placuit Corrado, Gronovio. mihi, cum primum legi, sic in mentem venit.

⁷¹ Id est: - respuam.] Hæc insititia recte judicat Valkenarius, V. C. in fragm. Eurip. p. 194. Si voluisset plane dicere, non usus esset versu poetæ. Uncis inclusi.

⁷² Ad patrem - - hic.] Pertinent ad Q. patrem, — plena pietatis scilicet.

jam languescit, et ait, sibi illum jure iratum. sed utar tuo consilio. *σκολιά* enim tibi video placere. Romam, ut censes, veniam, sed invitus. valde enim in scribendo hæreo. Brutum, inquis, eadem scilicet. sed nisi hoc esset, res me ista non cogeret. ⁷³nec enim iude venit, unde mallem; neque diu abfuit; neque ullam litteram ad me. sed tamen scire aveo, qualis ei totius itineris summa fuerit. Libros mihi, de quibus ad te antea scripsi, velim mittas, et maxime ⁷⁴*Φαίδρον περισσων*, et *Ἑλλάδος*.

CICERO ATTICO S.

40

ITANE nuntiat Brutus, ⁷³illum ad bonos viros? *εὐαγγέλια*. sed ubi eos? ⁷⁶nisi forte se suspendit. hic autem ut stultum est? ubi igitur *φιλοσέχνημα* illud tuum, quod vidi in parthenone, Ahalam et Brutum? sed quid faciat? illud optime, *sed ne is quidem, qui omnium flagitiorum auctor, bene de nostro*. at ego verebar, ne etiam Brutus eum diligeret. ita enim significarat iis, quas ad meas. *At vellem aliquid degustasse de fabulis*. sed coram, ut scribis. etsi, quid mi auctor es? advolone, an maneo? equidem et in libris hæreo, et illum hic excipere nolo: ad quem, ut audio, pater hodie ad Saxa Acronoma. mirum, quam inimicus ibat, ut ego objurgarem. sed ego ipse *κεφθοῦμαι*. itaque posthac. tu tamen vide, quid de adventu meo censeas; et *τὰ ὅλα*, cras si perspicere potuerint, mane statim ut sciam.

CICERO ATTICO S.

41

EGO vero Quinto epistolam ad sororem misi. cum ille quereretur filio cum matre bellum, et se ob eam causam domo cessurum filio diceret; dixi illum commodas ad matrem litteras, ad te nullas. ille alterum mirabatur: de te autem suam culpam, quod sæpe graviter ad filium scripsisset de tua in illum injuria. quod autem relanguisse se dicit, ego ei, tuis litteris lectis, *σκολιᾶς ἀπάρας* significavi me

⁷³ Nec e. inde venit, unde mallem.] A viris bonis, Pompeianis, opinor, sed a Cæsare.

⁷⁴ *Φαίδρον*.] V. Græca in Clave.

⁷⁵ *Illum ad bonos viros*.] Interrogative hoc capiendum. Cæsarem ad bonos viros rediturum. — ubi eos? int. reperiet.

⁷⁶ Nisi f. se suspendit.] Sc. ut ad inferos veniat, ubi bonos viros reperiat. *hic autem ut stultum est*, bene Tunstallus, p. 22. *hic autem*, (bonos viros querere,) *ut stultum est?* Ceteræ ejus correctiones duriores sunt: sed omnino hæc epistola multis locis valde vitiosa est, in quibus frustra laboretur.

- b. non fore. ⁷⁷ tum enim mentio Canæ. omnino, si id consilium placeret, esset necesse. sed ut scribis, ratio est habenda gravitatis; et utriusque nostrum idem consilium esse debet: etsi in me graviores injuriæ, et certe notiores. si vero etiam Brutus aliquid afferet, nulla dubitatio est. sed coram. magna enim res, et multæ cautionis. ⁷⁸ cras igitur; nisi quid a te commeatus.

42

CICERO ATTICO S.

⁷⁹ VENIT ille ad me, καὶ μάλα κατηφής· et ego, σὺ δὲ δὴ τί σὺν-
 νους; rogas? inquit: ⁸⁰ cui iter instet, et iter ad bellum, id-
 que cum periculosum, tum etiam turpe. quæ vis igitur? in-
 quam; æs, inquit, alienum: et tamen ne viaticum quidem.
 hoc loco ego sumsi quiddam de tua eloquentia. nam tacui.
 at ille: sed me maxime angit avunculus. quidnam? in-
 quam. quod mihi, inquit, iratus est. cur pateris? inquam.
 malo enim ita dicere, quam, cur committis? non patiar,
 inquit. causam enim tollam. et ego, rectissime quidem. sed
 si grave non est, velim scire, quid sit causæ. quia, dum
 dubitabam, quam ducerem, non satisfaciebam matri, ita ne
 illi quidem. nunc nihil mihi tanti est. faciam quod volunt.
 feliciter velim, inquam, teque laudo. sed quando? nihil ad
 me, inquit, de tempore, quoniam rem probo. at ego, in-
 quam, censeo prius, quam proficiscaris. ita patri quoque
 morem gesseris. faciam, inquit, ut censes. hic dialogus sic
 conclusus est. Sed heus tu, diem paucum scis esse III Non.
 Jan. aderis igitur. Scripseram jam: ecce tibi, orat Lepi-
 dus ut veniam. opinor ⁸¹ augures nil habere ad templum ef-
 fandum. Eat: Διὰς σκόρδου. videbimus te igitur.

43

CICERO ATTICO S.

EGO vero utar prorogatione diei: tuque humanissime
 fecisti, qui me certiore feceris, atque ita, ut eo tempore

⁷⁷ Tum enim mentio Canæ.] Intelligunt, apud Q. F. qui eam in matrimonium ducere cogitavit. faret epistola sequens.

⁷⁸ Cras igitur.] Int. veniam, nisi quid a te commeatus, de potestate commeandi accipio cum Grævio, sio: nisi tu interea mihi scribis, mihi potestatem datam etiam remanendi ubi sim. v. Clav. in commeatus.

⁷⁹ V. ille ad me.] Q. Cicero filius.

⁸⁰ Cui iter instet, &c.] Quod edd.

ante Bosinm omnes. qui e libro scr. edidit quod bene. iter ad bellum intelligunt Parthicum cum Cæsare. — Mongaltius Hispanicum: epistolam hanc esse alieno loco: hinc turpitudinem intelligi.

⁸¹ Augures nil habere a. t. e.] Intelligunt, opus iis esse me præsentem, ut templum effari possint. Sed id non est nil habere. Sequentia Græca sunt e conjectura, nihil hic certi est. Facillima videtur conjectura Odini apud Olivetum, μᾶς ὁδὸν videbimus te.

acciperem litteras, quo non exspectarem: tuque ut ab ludis scriberes. sunt omnino mihi quædam agenda Romæ: sed consequemur biduo post. p. 219.
u.

CICERO ATTICO S.

44

SUAVES tuas litteras! ⁸²etsi acerba pompa. verumtamen scire omnia non acerbum est, vel de Cotta. populum vero præclarum, quod propter malum vicinum, ne Victoriæ quidem ploditur. Brutus apud me fuit: cui quidem valde placebat, me aliquid ad Cæsarem. annueram; ⁸³sed pompam videret. Tu tamen ausus es ⁸⁴Varroni dare? exspecto quid judicet. quando autem perleget? ⁸⁵De Attica, probo. Est quiddam etiam animum levare cum spectatione, tum etiam religionis opinione et fama. ⁸⁶Cottam mihi velim mittas. Libonem mecum habeo, et habueram ante Cascam. Brutus mihi T. Ligarii verbis nuntiavit, quod appelletur L. Curfidius in oratione Ligariana, erratum esse meum: sed, ut ajunt, *μημονικὸν ἀμάρτημα*. sciebam Curfidium pernecessarium Ligariorum: sed cum video ante esse mortuum. da igitur, quæso, negotium Pharnaci, Antæo, Salvio, ut id nomen ex omnibus libris tollatur.

CICERO ATTICO S.

45

FUIT apud me Lamia post discessum tuum, epistolamque ad me attulit missam sibi a Cæsare: quæ quamquam ante data erat, quam illæ Diocharinæ, tamen plane declarabat, illum ante ludos Romanos esse venturum. in qua extrema scriptum erat, ut ad ludos omnia pararet, neve committeret, ut frustra ipse properasset. prorsus ex his litteris non videbatur esse dubium, quin ante eam diem venturus esset: idemque Balbo, cum eam epistolam legisset, videri Lamia dicebat. Dies feriarum mihi additos video: sed quam multos, fac si me amas, sciam. de Bæbio poteris, et de altero vicino Egnatio. Quod me hortaris, ut eos dies b. consumam in philosophia explicanda; currentem tu qui-

82 *Etsi acerba pompa.*] Circensis illa, in qua Cæsaris signum juxta Victoriam fuit. idque malum vicinum Victoriæ signo intelligitur.

83 *Sed pompam videret.*] Illam sc. Circensem, et judicaret, an scribendum sit ad eum, qui talia fecerit, tam superbus sit.

84 *Varroni dare.*] Libros Academicos.

85 *De A. probo.*] Quod ea spectavit pompam Circensem et ludos, ut e seqq. intelligitur.

86 *Cottam - - Libonem - - Cascam.*] Libri horum hominum intelligendi. Libonis supra commemoratus est.

dem: sed cum Dolabella vivendum esse istis diebus vides. quod nisi me Torquati causa teneret, satis erat dierum, ut Puteolos excurrere. possem, et ad tempus redire. Lamia quidem a Balbo (ut videbatur) audiverat, ⁸⁷ multos numos domi esse numeratos, quos oporteret quamprimum dividi. magnum pondus argenti, præter prædia: auctionem primo quoque tempore fieri oportere. scribas ad me velim, quid tibi placeat. equidem, si ex omnibus esset eligendum, nec diligentiores, nec officiosiores, nec nostri studiosiores facile delegissem Vestorio: ad quem accuratissimas litteras dedi, quod idem te fecisse arbitror. mihi quidem hoc satis videtur. tu quid dicis? unum enim pungit, ne ⁸⁸ negligentiores esse videamur. expectabo igitur tuas litteras.

46

CICERO ATTICO S.

POLLEX quidem, ut dixerat, ad Idus Sext. ita mihi Lanuvii pridie Idus præsto fuit; sed plane Pollex, non index. cognosces igitur ex ipso. Balbum conveni. Lepta enim ⁸⁹ de sua vini curatione laborans, me ad eum perduxerat: in eo autem Lanuvino, ⁹⁰ quod Lepido tradidit, ex eo hoc primum: *paulo ante acceperam eas litteras, in quibus magnopere confirmat, ante ludos Romanos.* legi epistolam: multa de meo Catone, quo sæpissime legendo se dicit copiosiores factum: Bruti Catone lecto ⁹¹ se sibi visum disertum. ⁹² ex eo cognovi cretionem Cluvii (o Vestorium ⁹³ negligentem!) liberam cretionem, testibus præsentibus, sexaginta diebus. metuebam ne ille arcendus esset. ⁹⁴ nunc mittendum est, ut meo jussu cernat. ⁹⁵ idem igitur Pollex. etiam de hortis Cluvianis egi cum Balbo liberalius: se enim statim ad Cæsarem scripturum: Cluvium autem ⁹⁶ a T. Hordeonio legare et Terentiae H-S 1000, et sepulchro, mul-

p. 220.
a.

⁸⁷ Multos n. domi esse numeratos.] Tum ex eo c. tum absorberi potuit a syllaba Domi Cluvii, cuius hereditas ad eundem Ciceroni et coheredibus erat.

⁸⁸ Negligentiores.] In rebus nostris curandis, quod eas se. per alios, non ipsi curemus, præsertim tales.

⁸⁹ De sua vini curatione.] Quæ ei mandata videtur fuisse a Cæsare, ut vinum ad epulas publicas curaret.

⁹⁰ Q. I. tradidit.] Vendidit, ante a Cicerone emptum, se. Balbus.

⁹¹ Se sibi visum disertum.] Se. quod Bruti Cato acute quidem, sed non eleganter et discrete scriptus esset.

⁹² Ex eo cognovi.] Grævius conjecit,

Tum ex eo c. tum absorberi potuit a syllaba ultima in disertum.

⁹³ Negligentem.] Se. in cretione hereditatis Cluvianæ. de cretione libera v. Clav.

⁹⁴ Nunc mittendum est.] Ed. Rom. non committendum est.

⁹⁵ Idem igitur Pollex.] Mittendus ad Vestorium Puteolos.

⁹⁶ A T. Hordeonio legare.] I. c. in testamento scripsisse, ut heres Hordeonius solveret Terentiae 1000, et sepulchrum sibi strueret, et alia multa curaret e portione sua. nihil a nobis, meam portionem nullo legato oneravit.

tisque rebus; nihil a nobis. subaccusa quæso Vestorium. Quid minus probandum, quam Plotium unguentarium per suos pueros omnia tanto ante Balbo; illum mi ne per meos quidem? De Cossinio doleo; dilexi hominem. Quanto delegabo, si quid æri meo alieno superabit, et emtionibus; ex quibus mi etiam æs alienum faciendum puto. De domo Arpini, nihil scio. Vestorium nihil est quod accuses. jam enim obsignata hac epistola, noctu tabellarius noster venit, et ab eo litteras diligenter scriptas attulit, et exemplum testamenti.

CICERO ATTICO S.

47

POSTEAQUAM *abs te* ⁹⁷ *Agamemno*, non ut venirem, (nam id quoque fecissem, ⁹⁸ nisi Torquatus esset,) sed ut scriberem, *tetigit*, omnia, quæ in manibus habebam, abjeci; quod jusseras, edolavi. Tu velim e Pollice cognoscas ⁹⁹ rationes nostras sumtuarias. turpe est enim nobis, illum, qualiscumque est, hoc primo anno egere. post moderabimur diligentius. Idem Pollex remittendus est, ¹⁰⁰ ut ille cernat. Plane Puteolos non fuit eundem, cum ob ea, quæ ad te scripsi, tum quod Cæsar adest. Dolabella scribit se ad me postridie Idus. ¹o magistrum molestum! Lepidus ad me heri vesperi litteras misit Antio: nam ibi erat: habet enim domum, quam nos vendidimus: rogat magnopere, ut sim Kal. in senatu; me et sibi et Cæsari vehementer gratum esse facturum. pnto equidem nihil esse. dixisset enim tibi fortasse aliquid Oppius; quoniam Balbus est æger. sed tamen malim venire frustra, quam desiderari, si opus esset: moleste ferrem postea. itaque hodie Antii: eras ^{b.} ante meridiem, domi. Tu velim, nisi te impedivisti, apud nos pridie Kal. cum Pilia. Te spero cum Publio confecisse. equidem Kal. in Tusculanum recurram. me enim absente omnia ² cum illis transigi malo. Q. fratris epistolam ad te misi, non satis humane illam quidem responden-

97 *Agamemno* - - *tetigit*.] Verba sunt e fabula aliqua. *Agamemno* est nomen servi. *tetigit* aures meas, nuntiavit.

98 *Nisi Torquatus esset*.] Causa Torquati me tenebat. Causam Torquati supra memoravit.

99 *Rationes nostras sumtuarias*.] Quos sumtus in M. filium fecerim Athenis versantem.

100 *Ut ille*.] Vestorius, de quo ep. superiori.

1 *O magistrum molestum*.] Int. Dolabellam, qui præcipit, quomodo Cæsarem tractare debeam, ut cum amicis habeam.

2 *Cum illis transigi*.] Publio et Publilia, de re Publilia, i. e. dote ei reddenda, facto divortio.

tem meis litteris, sed tamen quod tibi satis sit, ut equidem existimo. tu videbis.

48

CICERO ATTICO S.

HERI nescio quid in strepitu videor exaudisse, cum diceres, te in Tusculanum venturum: quod utinam! iterum utinam! tuo tamen commodo. Lepta me rogat, ut, si quid sibi opus sit, accurram. mortuus enim Babullius. Caesar, opinor, ex uncia: etsi nihil adhuc: sed Lepta ex triente. veretur autem, ne non liceat tenere hereditatem; ἀλόγως omnino, sed veretur tamen. is igitur si accierit, accurram; sin minus, ³haud antequam necesse erit. Tu Pollicem, cum poteris. Laudationem Porciæ tibi misi correctam: ⁴ac eo properavi, ut si forte aut Domitii filio, aut Bruto mitteretur, hæc mitteretur. id si tibi erit commodum, magnopere cures velim: et velim M. Varronis et Lollii mittas laudationem; Lollii utique. nam illam legi. volo tamen regustare. quædam enim vix mihi credo ⁵legisse me.

49

CICERO ATTICO S.

ATTICÆ primum salutem, quam equidem ruri esse arbitror. multam igitur salutem et Piliæ. De Tigellio, si quid novi: qui quidem, ut mihi Gallus Fabius scripsit, μέμνην ἀναφέρει mihi quandam iniquissimam, me Phameæ defuisse, cum ejus causam recepissem: quam quidem receperam contra pueros Octavios Cn. filios non libenter: sed et Phameæ causa volebam. erat enim, si meministi, in consulatus petitione per te mihi pollicitus, si quid opus esset: ⁶quod ego perinde tuebar, ac si usus essem. is ad me venit, dixitque, judicem operam dare sibi constituisse eo die ipso, quo de Sextio nostro ⁷lege Pompeia in consilium iri
 p. 221. ^{a.} necesse erat. scis enim, dies illorum judiciorum præstitutos fuisse. respondi, non ignorare eum, quid ego deberem Sextio: quem vellet, alium diem si sumsisset, me ei non defuturum. ita tum ille discessit iratus. puto me tibi narrasse.

³ Haud a. necesse erit.] Haud abest edd. pr. etiam ed. Gravii. sed sine eo non constat sensus.

⁴ Ac eo prop.] Videtur scr. atque eo. nam Cicero non solet ac dicere sequente vocali.

⁵ Legisse me.] Edd. pr. non habent

me. addidit e Mss. Malaspina.

⁶ Q. e. perinde tuebar.] Sc. beneficium ita spectabam, vel animo retinebam et gratum habebam. exquisitius.

⁷ Lege Pompein.] De ambitu, de qua v. in Clave.

non laboravi scilicet, nec hominis alieni injustissimam iracundiam mihi curandam putavi. Gallo autem narraui, cum proxime Romæ fui, ⁸ quid audissem; neque nominavi Balbum minorem. ⁹ Habuit suum negotium Gallus, ut scribit. ait illum, me animi conscientia, quod Phameam destituissem, de se suspicari. quare tibi hactenus mando, de illo nostro, si quid poteris, exquiras: de me ne quid labores. Est bellum, aliquem libenter odisse; ¹⁰ quemadmodum non omnibus servire. etsi mehercule, ut tu intelligis, magis mihi ¹¹ isti serviunt, si observare servire est.

CICERO ATTICO S.

50

ADMONITUS quibusdam tuis litteris, ut ad Cæsarem uberiores litteras ¹² mittere instituerem, cum mihi Balbus nuper in Lanuvino dixisset, se et Oppium scripsisse ad Cæsarem, me legisse libros contra Catonem, et vehementer probasse; conscripsi de his ipsis libris epistolam Cæsari, quæ deferretur ad Dolabellam: sed ejus exemplum misi ad Oppium et Balbum; scripsique ad eos, ut tum deferri ad Dolabellam juberent meas litteras, si ipsi exemplum probassent. ita mihi rescripserunt, nihil umquam se legisse melius, epistolamque meam jusserunt dari Dolabellæ. Vestorius ad me scripsit, ut ¹³ juberem mancipio dari servo suo, pro mea parte, Hetereio cuidam, fundum Brinnianum; ut ipse ei Puteolis recte mancipio dare posset. eum servum, si tibi videbitur, ad me mittes. opinor enim, ad te etiam scripsisse Vestorium. De adventu Cæsaris idem, quod a te, mihi scriptum est ab Oppio et Balbo. Miror te nihil-

⁸ Quid audissem.] De Tigellii in mo injuriis: neque nominavi B. m. a quo sc. acceperam.

⁹ Habuit suum negotium G.] I. e. non ei parum laboris et molestiæ fuit, cum vellet Tigellium ad meliorem mentem revocare reprehendendo et admonendo. v. ad Div. VII, 25. ad hunc ipsum Gallum pertinet mox de illo nostro.

¹⁰ Est, quemadmodum.] Est e suo cod. addidit Bosius, pro tum vulgato et, quod ex ed. Jens. ortum est. Ed. Rom. neutrum habet, quod ipse secutus sum. nam, quam emphasin in hac repetitione rati est querit Bosius, eam non agnosco.

¹¹ Isti.] Cæsariani, Oppius, Balbi, Hirtius, &c.

¹² Mittere instituerem.] Edd. pr. mit-

terem: institueram, cum: id præferrem, si post-esset conscribere pro conscripsi. nunc absolute capere institueram h. l. non placet.

¹³ Juberem mancipio dari servo suo.] In hoc loco vitium esse judicat Hotom. Obs. V, 5. corrigitque m. dare servum suum. scil. cum Vestorius ad Ciceronem ipse proficisci non posset, ut ei a Cicerone mancipio dari posset ille fundus Brinnianus, quem deinde ipse Hetereio Puteolano daret, cui Cicero vendere volebat, voluit ad Ciceronem mittere servum suum, quem præsentem juberet præsens legitima formula, fundum illum mancipio dare Hetereio, ut ipse, Vestorius, cui id per servi personam mandatum esset, Puteolos iret, et fundum recte, i. e. ex legibus, Hetereio mancipare posset.

dum ¹⁴ cum Tigellio, vel ut hoc ipsum, ¹⁵ quantum acceperit: prorsus aveo scire, nec tamen flocci facio. Quæris, quid cogitem de obviam itione; quid censes, nisi Alsium? et quidem ad Murenam de hospitio scripseram: sed, opinor, cum Matio profectum. Sallustius igitur urgebitur. Scripto jam superiore versiculo, Eros mihi dixit, sibi Murenam liberalissime respondisse. Eo igitur utamur. nam ¹⁶ Silius culcitas non habet. Dida autem, opinor, hospitibus totam villam concessit.

51

CICERO ATTICO S.

AD Cæsarem quam misi epistolam, ejus exemplum fugit me tum tibi mittere; nec id fuit, quod suspicaris, ¹⁷ ut me puderet tui, ne ridicule hemicillus: nec mehercule scripsi aliter, ac si πρὸς ἴσόν ὅμοιονque scriberem. bene enim existimo ¹⁸ de illis libris, ut tibi coram. itaque scripsi, et ἀκολακέως, et tamen sic, ut nihil eum existimem lecturum libentius. De Attica nunc demum mihi est exploratum. itaque ei de integro gratulare. Tigellium totum mihi, et quidem quamprimum: nam pendeo animi. ¹⁹ Narro tibi, Quintus cras. sed ad me, an ad te, nescio. mihi scripsit Romam VIII Kal. sed misi, qui invitaret: etsi hercle jam Romam veniendum est, ²⁰ ne ille ante advolet.

52

CICERO ATTICO S.

²¹ O HOSPITEM mihi tam gravem! ἀμεταμέλητον. fuit enim perjucunde. sed cum secundis Saturnalibus ad Phi-

¹⁴ Cum Tigellio.] Locutum esse, egisse, de injuriis ejus et reconciliatione; ep. 49, *velut hoc ipsum*, &c.

¹⁵ Quantum acceperit.] Intelligunt a Cæsare, cum ei obviam venisset. quod mihi non convenire videtur. Conjeei legendum *velut hoc ipsum quomodo acceperit*, sc. quod ego de ipsius injuria per te questus sum, &c. vulgatam accipio, quatenus id acceperit, nempe conditionem reconciliationis. sed locum hunc omnino vitiosum puto.

¹⁶ Silius.] Corrigit Sallustius, vel utroque loco legi Silius volunt. potest intelligi tertius, scilicet ad quem de hospitio posset scribere: sed id se facere nolle, quia nimis tenuiter habitaret, eique adeo molestus esse nollet. nam et de alio simile quid dicit.

¹⁷ Ut me puderet tui, ne ridicule Micil-

lus.] Sic edd. pr. vitiose sine dubio. Varie tentatum est. Bosius dedit *hemicillus* o Ms. decurtato, quod Gruterus secutus est, id est *ἡμίονος*, convicium in humilem hominem et abjectum assentatorem. Fr. Odinus apud Olivetum *μικῶλος*, pusillus, humilis, quod valde placet Oliveto. est aliorum conjecturis melius, et simile Gronovianæ, *humilis*. Tunstallus, p. 163. legit *ut me puderet* (sc. tibi mittere). *Fui nec ridicule ἡμίονος*, i. e. semilibet, qui in priori epistola Cicero non fuerit, cum sit in hac non ridicule liber.

¹⁸ De illis libris.] Cæsaris Anticato nibus.

¹⁹ Narro tibi.] Sic Bosius edidit. Ed. Rom. tamen non male etiam, *narrabo tibi*. Sed illud melius et usitatus. v. Clav. ed. Jens. et aliæ male *narrabit t.*

²⁰ Ne ille.] Cæsar ex Hispania.

²¹ O. h. mihi tam gravem, ἀμ.] I. c.

lippum vesperi venisset, villa ita completa militibus est, ut vix triclinium, ubi coenaturus ipse Cæsar esset, vacaret: quippe hominum $\epsilon\iota\sigma\ \epsilon\iota\sigma$, sane sum commotus, quid futurum esset postridie: ²² ac mihi Barba Cassius subvenit: custodes dedit, castra in agro: villa defensa est. ille tertiis Saturnalibus apud Philippum ad horam VII. nec quemquam admisit. rationes opinor cum Balbo. inde ambulavit in litore. Post horam VIII in balneum: tum audivit de Mamurra: vultum non mutavit: unctus est; accubuit; $\epsilon\mu\epsilon\tau\iota\kappa\eta\nu$ agebat. itaque et edit et bibit $\alpha\delta\epsilon\omega\varsigma$ et jucunde; opipare sane, et apparate: nec id solum, ²³ sed, bene cocto, et

p. 222.
a.

Condito sermone bono, et, si quæris, libenter.

præterea tribus tricliniis accepti $\alpha\iota\ \pi\epsilon\pi\iota\ \alpha\upsilon\tau\acute{o}\nu$ valde copiose. libertis minus lautis, servisque nihil defuit. nam lautiores eleganter accepti. quid multa? homines visi sumus. hospes tamen non is, cui diceret, amabo te, eodem ad me cum revertere. semel satis est. $\sigma\pi\omicron\upsilon\delta\alpha\iota\omega\nu\ \omicron\upsilon\delta\acute{\epsilon}\nu$ in sermone: $\phi\iota\lambda\acute{o}\lambda\omicron\gamma\alpha$ multa. quid quæris? delectatus est, et libenter fuit. Puteolis se ajebat unum diem fore, alterum ad Bajas. Habes hospitium sive $\epsilon\pi\iota\sigma\tau\alpha\theta\mu\iota\alpha\nu$ odiosam, mihi, dixi, non molestam. Ego paullisper hic, deinde in Tusculanum. Dolabellæ villam cum præteriret, omnis armatorum copia, dextra sinistra ad equum, ²⁴ nec usquam alibi. ²⁵ hoc ex Nicia.

hospes Cæsar, quem mihi molestum fore putabam, talis fuit, ut me non poeniteat, cum hospitium habuisse. simile infra: *habes hospitium, &c.*

²² *Ac mihi.*] An at mihi?

²³ *Sed bene cocto, &c.*] Est e Lucilio, iam erat. supra, ep. 26.

item occurrit de Fin. II.

²⁴ *Nec usquam alibi.*] An quia solum Dolabellam timebat? minime, ut opinor; sed honoris causa, ut placuit etiam Mourgulio.

²⁵ *Hoc ex Nicia.*] Qui apud Dolabel-

M. TULLII CICERONIS
EPISTOLARUM

AD

ATTICUM

LIBER XIV.

ARGUMENTUM.

Tris amplius menses nullæ exstant scriptæ litteræ; ex tertiis videlicet Saturnalibus, quæ fuerunt xii Kal. Jan. ad post Id. Martias, quo die Cæsar occisus est. Occisus est autem, ut Velleius ait, cum quinque menses post reditum ex Hispania Romæ fuisset. Scriptæ sunt autem hæc, M. Antonio, et P. Cornelio Dolabella Coss. Nam is, interfecto Cæsare, fascēs statim, ut ait Paternulus, et insignia consulatus sibi arripuit, antea designatus ab illo, quem sibi substitueret, in Parthos proficiscens. Continent vero potissimum rei publicæ tempestates, quæ, illo caso, consecutæ sunt. Cicero quidem primis illis diebus, cum senatum in suam sententiam perduxisset, ut communis concordie causa, injuriarum memoria sempiterna oblivione tolleretur; Roma egressus est in suas villas; unde dedit has litteras, modo spei, modo desperationis plenas. Privatim vero continent querelam de ementitis actis Cæsaris: factum Dolabellæ: de Amatio humillimæ sortis homine, qui ausus fuerat in C. Marii nomen invadere, sequæ pro nepote illius gerere: et domestica quadam privatus. Datæ sunt post Id. Mart. ad xvi circiter Kal. Junii.

1

CICERO ATTICO S.

DEVERTI ¹ad illum; de quo tecum mane. nihil perditius: explicari rem non posse. etenim ²si ille tali ingenio exitum non reperiebat, quis nunc reperiet? quid quæris? periisse omnia aiebat; quod haud scio, an ita sit: ³verum ille gaudens: affirmabatque minus diebus xx tumultum Gallicum: in sermonem se post Idus Mart. præterquam Lepidi,

¹ Ad illum, &c.] Matium. nihil perditius, int. aiebat esse republica, Cæsare interfecto. post Idus Martias hæc epistola scripta est.

² Si ille t. i.] Cæsarem intelligit.

³ Verum ille gaudens.] Ista dicebat,

sc. gaudens, ut qui dolebat Cæsaris cæde, et cupiebat poenitere percussores facti sui, omninoque Pompeianos: melius hoc ad præcedentia refertur, quam ad affirmabat, ut visum Crævio, qui copulam deleiri volebat.

venisse neminis: ad summam, ⁴non posse isthæc sic abire. ⁵o prudentem Oppium, qui nihilo minus illum desiderat: sed loquitur nihil, quod quemquam bonum offendant. sed hæc hactenus. Tu, quæso, quidquid novi (multa autem exspecto) scribere ne pigresce. in his, ⁶de Sexto satisne certum; maxime autem de Bruto nostro: de quo quidem ille, ad quem divertì, Cæsarem solitum dicere, *magni refert, hic quid velit*: ⁷*sed quidquid volet, valde volet*: idque eum animadvertisse, cum pro Deiotaro ⁸Niccæ diceret: valde vehementer eum visum et libere dicere: atque etiam (ut enim quidque succurrit, libet scribere) proxime, cum Sextii rogatu apud eum fuisset, exspectaremque sedens, quoad vocarer, dixisse eum, *ego dubitem, quin summo in odio sim, cum M. Cicero sedeat, nec suo commodo me convenire possit? atqui si quisquam est facilis, hic est: tamen non dubito, quin me male oderit*. Hæc et ejusmodi multa. Sed ad ^{p. 223.}propositum. quidquid erit non modo magnum, sed etiam ^{a.}parvum, scribes. equidem nihil intermittam.

CICERO ATTICO S.

2

DUAS a te accepi epistolas heri. ex priorē ⁹theatrum Publiumque cognovi; bona signa consentientis multitudinis. ¹⁰plausus vero L. Cassio datus, etiam facetus mihi quidem visus est. Altera epistola ¹¹de Madaro scripta, ¹²apud quem nullum *φάλακρωμα*: ut putas. processi enim, sed minus. diutius sermone enim sum retentus. Quod au-

⁴ Non posse isthæc sic abire.] E Terentii Andria, I, 2, 4.

⁵ O prudentem Oppium.] Nescio, an melius prudentem.

⁶ De Sexto, &c.] Pompeio, quem dicunt in armis esse et bellum movere. de Bruto nostro, ubi sit, quid agat.

⁷ Sed quidquid volet, valde volet.] Sic edd. Rom. Jens. Asc. Ald. item in Mss. regis reperit Alcmannus atque edidit. mutavit primus Victorinus, quem P. Manutius et alii secuti sunt. Si esset nam quod, vult præferrem. sed quicquid postulat volet.

⁸ Nicæa dixerit.] Scribendum putavi diceret. tum eum fortasse est pro enim. illud, quia in Ms. Lougoli repertum est, recepi.

⁹ Theatrum Publiumque.] Int. de plausu Dolabella: dato, cum in theatrum venisset, eversa columna Cæsaris in foro,

&c. de qua aliis locis Cicero, ut Phil. I, 12. Publium eum minum, qui ad Div. XII, 18. memoratur. intelligendum autem est, Publii versus quosdam ita esse pronuntiatos, intellectos, ut ad Cæsarem et præsentem reip. stutum a populo applicarentur, et inde plausus fieret. cf. ep. S. extr. res optime intelligitur ex or. pro Sext. c. 54.

¹⁰ Plausus L. C. datus.] V. ad Div. XII, 2. quare facetus ille plausus visus sit Ciceroni, non constat.

¹¹ De Madaro.] Matio, qui erat calvus; infra idem Calvena dicitur, ep. 5. 9.

¹² Apud quem n. φάλ. ut putas.] Non reperi, eum esse tranquillum, et in eo esse tranquillitatis studium aut amorem. ut putas restitui cum Grævio, ex edd. pr. ut ille e Mss. suis, pro quo Bosius tu puta induxit. Sequentia non intelligo.

tem ad te scripseram, obscure fortasse, id ejusmodi est :
 ajebat, Cæsarem secum, quo tempore Sextii rogatu veni
 ad eum, cum expectarem sedens, dixisse : *ego nunc tam
 sim stultus, ut hunc ipsum facilem hominem, putem mihi esse
 amicum, cum tamdiu sedens meum commodum expectet?*
 Habes igitur *φάλακρωμα*, inimicissimum otii, ¹³ id est, Bruti.
 In Tusculanum hodie ; Lanuvii cras ; inde Asturæ cogita-
 bam. Pilæ paratum est hospitium : sed ¹⁴ vellem Atti-
 cam ; (verum tibi ignosco ;) quarum utrique salutem.

3

CICERO ATTICO S.

- TRANQUILLÆ tuæ quidem litteræ ; quod utinam diu-
 tius ! nam Matius posse negabat. Ecce autem structores
 nostri ¹⁵ ad frumentum profecti, cum inanes rediissent, ru-
 morem afferunt magnum, Romæ domum ad Antonium fru-
 mentum omne portari : *πανικὸν* certe : scripsisses enim.
 Corumbus Balbi ¹⁶ nullus adhuc ; ¹⁷ et mihi notum nomen.
 b. Bellus enim esse dicitur architectus. Ad obsignandum tu
 adhibitus non sine causa videris. volunt enim nos ita pu-
 tare. nescio, cur non animo quoque sentiant. sed quid hæc
 ad nos ? odorare tamen Antonii *εἰάθεσιν* : quem quidem ego
 epularum magis arbitror rationem habere, quam quidquam
 mali cogitare. Tu, si quid pragmaticeon habes, scribe : sin-
 minus, populi *ἐπισημασίαν*, et mimorum dicta perscribito.
 Pilæ et Atticæ salutem.

4

CICERO ATTICO S.

NUNC quid putas me Lanuvii ? at ego te istic quotidie
 aliquid novi suspicor. tument negotia. ¹⁸ nam cum Matius,
 quid censes ceteros ? equidem dolco, quod numquam in
 ulla civitate accidit, non una cum libertate rempublicam
 recuperatam. horribile est, quæ loquantur, quæ minitentur.
 ac vereor Gallica etiam bella ; ¹⁹ ipse Sextus quo evadat.
 sed omnia licet concurrant, Idus Martiæ consolantur. nos-
 tri autem *ἤρωες*, quod per ipsos confici potuit, gloriosissime
 et magnificentissime confecerunt. reliquæ res opes et co-

¹³ Id est, Bruti.] Hoc mihi interdum
 de glossa suspectum fuit.

¹⁴ Vellem Atticam.] Filiam una secum
 adduceret. tibi ignosco, quod domi tecum
 eam esse mavis.

¹⁵ Ad frumentum.] Romæ accipien-
 dum e lege Clodia.

¹⁶ Nullus adhuc.] Nondum ad me
 venit.

¹⁷ Et mihi notum n.] Non hoc cum
 nullus adhuc commode coit. an sed ?

¹⁸ Nam cum Matius.] Ita sentiat, ut
 supra dictum, ep. 1. homo placidus alias.

¹⁹ Ipse Sextus.] V. ad ep. 1.

pias desiderant, quas nullas habemus. Hæc ego ad te, ut, si quid novi, (nam quotidie aliquid exspecto,) confestim ad me: et, si novi nihil, nostro more tamen ne patiamur intermitteri litterulas. equidem non committam.

CICERO ATTICO S.

5

SPERO tibi jam esse, ut volumus, quoniam quidem *ἡσίστησας*, cum leviter commotus esses: sed tamen velim scire, quid agas. Signa bella, quod Calvena molestè fort, se suspectum esse Bruto. illa signa non bona, si cum signis legiones veniunt e Gallia. quid tu illas putas, quæ fuerunt in Hispania, nonne ²⁰ idem postulaturas? quid, quas ²¹ Annius transportavit? Caninium volui, sed *μνημονικὴν ἀμύρτημα*. ²² Ab alcatore *φυρμὸς πολὺς*. nam ista quidem Cæsaris libertorum conjuratio facile opprimeretur, si recta saperet ²³ Antonius. Meam stultam verecundiam, ²⁴ qui legari nolucrim ante res prolatas, ne deserere viderer hunc rerum tumorem; cui certe si possem moderi, deesse non deberem. sed vides magistratus, si quidem illi magistratus: vides tamen tyranni satellites in imperiis; vides ejusdem exercitus; vides in latere veteranos; quæ sunt *ἐνρίπιστα* omnia: eos autem, qui orbis terræ custodiis non modo septi, verum etiam magni esse debebant, ²⁵ tantum non laudari atque amari, sed parietibus contineri. atqui illi quoquo modo beati; civitas misera. Sed velim scire, quid ²⁶ adventus Octavii. num qui concursus ad eum, num quæ *νεωτερισμοῦ* suspicio. non puto equidem: sed tamen quidquid est, scire cupio. Hæc scripsi ad te proficiscens Astura III Idus.

CICERO ATTICO S.

6

PRIDIE Idus Fundis accepi tuas litteras conans. primum igitur melius esse: deinde meliora te nuntiare. odiosa illa enim fuerant, legiones venire. Nam de Octavio susque

²⁰ *Idem postulaturas.*] Quod Gallicæ, liberam petere a senatu, et abesse. Roma sc. ut sibi promissa a Cæsare persolvantur.

²¹ *Annius transportavit.*] In Græciam ad bellum contra Parthos.

²² *Ab aleatore.*] Antonio.

²³ *Antonius.*] Nomen hoc videtur esse a glossatore. nam est in *aleatore*.

²⁴ *Qui legari noluerim.*] Legationem

²⁵ *Tantum non.*] Aut addendum *non*, ante *tantum*, aut intelligendum. illud malim, etsi scio id etiam ante *sed etiam* omitti interdum. v. Clav. in *non modo*.

²⁶ *Adventus Octavii.*] Ab Apollonia, ubi studiorum causa fuerat, ad hereditatem Cæsaris adeundam.

deque. exspecto quid ²⁷ de Mario: quem quidem ego sublatum rebar a Cæsare. Antonii colloquium cum heroibus nostris pro re nata non incommodum. sed tamen adhuc me nihil delectat præter Idus Mart. nam, quoniam Fundis sum cum Ligure nostro, discrucior, Sextilii fundum a verberone Curtilio possideri: quod cum dico, ²⁸ de toto genere dico. Quid enim miserius, quam ea nos tucri, propter quæ illum oderamus? Etiamne consules et tribunos plebis in biennium, quos ille voluit? nullo modo reperio, quemadmodum possim πολιτεύεσθαι. nihil enim tam σόλοικον, quam τυραννοκτόνους in cælo esse, tyranni facta defendi. sed vides consules, vides reliquos magistratus, si isti magistratus: vides languorem bonorum. exultant lætitia in municipiis. dici enim non potest, quanto opere gaudeant, ut ad me concurrant, ut audire cupiant verba mea ea de re; nec ulla interca decreta. ²⁹ sic enim πεπολιτεύμεθα, ut victos metueremus. Hæc ad te scripsi apposita secunda mensa: plura et πολιτικώτερα postca: et tu, quid agas, quidque agatur.

7

CICERO ATTICO S.

POSTRIDIE Idus Paullum in Cajeta vidi. is mihi de Mario et de republica alia quædam sane pessima. a te scilicet nihil: nemo enim meorum. sed Brutum nostrum audio visum sub Lanuvio. ubi tandem est futurus? nam cum reliqua, tum de hoc scire avco omnia. Ego c Formiano exiens xvii Kal. ut inde altero die in Putcolanum, scripsi hæc. A Cicrone mihi litteræ sane πεπινωμένοι, et bene longæ. ³⁰ cetera autem vel fingi possunt: πῖνος litterarum significat doctiorem. nunc magnopre a te peto, de quo sum nuper tecum locutus, ut videas ne quid ei desit. id cum ad officium nostrum pertinet, tum ad existimationem et dignitatem: quod idem intellexi tibi videri omnino. Si ergo est, volo mense Quintili in Græciam. sint omnia faciliora. sed cum sint ea tempora, ut certi nihil esse possit, quid honestum mihi sit, quid liceat, quid expediat; quæso da operam, ut illum quam honestissime copiosissimeque

p. 225.

a.

²⁷ De Mario.] Pseudo-Mario, quem Antonius interfecit, cf. ep. 7. 8.

²⁸ De toto genere.] Cæsarianorum, qui aliorum bonorum virorum bona possident, ac retinent.

²⁹ Sic enim πτω.] Ironice, aio rem-

publ. gessimus, tyrannum tollendo, ut metuamus tyranni assecelas.

³⁰ Cetera autem, &c.] De vita ejus et moribus sua sponte intelligantur: nam quia doctior factus est, credibile est, etiam mores meliores factos.

tueamur. hæc et cetera, quæ ad nos pertinebunt, ut soles, cogitabis: ad meque, aut quod ad rem pertineat, aut, si nihil erit, quod in buccam venerit, scribes.

CICERO ATTICO S.

8

TU me jam rebare, cum scribebas, in actis esse nostris: et ego accepi xvii Kal. in diversorio Sinuessano tuas litteras. De Mario probe: etsi doleo ³¹ L. Crassi nepotem. optime tam etiam Bruto nostro probari Antonium. nam quod Juniam scribis moderate et amice ³² scriptas litteras attulisse, mihi Paullus dedit ³³ ad se a fratre missas: quibus in extremis erat, sibi insidias fieri; se id certis auctoribus comperisse. hoc nec mihi placebat, et multo illi minus. ³⁴ Reginæ fuga mihi non molesta. sed Clodia quid egerit, scribas ad me velim. De Byzantiis curabis, ut cetera; et Pelopem ad te arcesses. Ego, ut postulas, Bajana negotia, ³⁵ chorumque illum, de quo scire vis, cum perspexero, tum scribam; ne quid ignores. Quid Galli, quid Hispani, quid Sextus agat, vehementer exspecto. cæ scilicet tu declarabis, qui cetera. Nauscolam tibi tum causam otii dedisse facile patiebar. videbar enim mihi legenti tuas litteras requiesse paullisper. De Bruto semper ad me omnia perscribito, ubi sit, quid cogitet: quem quidem ego spero jam tuto vel solum tota urbe vagari posse. verumtamen.

CICERO ATTICO S.

9

DE republica multa cognovi ex tuis litteris, quas quidem multijuges accepi uno tempore a Vestorii liberti. ad ea autem, quæ requiris, brevi respondebo. Primum vehementer me Cluviana delectant. Sed quod quæris, quid arcessierim Chrysippum; tabernæ mihi duæ corruerunt, reliquæque rimas agunt. itaque non solum inquilini, sed mures etiam migraverunt. hanc ceteri calamitatem vocant: ego ne incommodum quidem. o Socrates, et Socratici viri! numquam vobis gratiam referam. Dii immortales, quam

31 L. Crassi nepotem.] Quem se ferebat Marius, sc. quia Marii illius magni nepotem se dicebat.

32 Scriptas litteras.] Ad fratrem suum M. Brutum a M. Lepido marito suo.

33 Ad se a fratre m.] M. Lepido eodem.

34 Reginæ fuga.] Cleopatrac ex urbe, interfecto Cæsare.

35 Chorumque illum.] Turbam hominum voluptariorum, qui Bujis sunt, causam otii dedisse, ut posses litteras longiores scribere.

mibi ista pro nihilo! sed tamen ea ratio ædificandi initur, consiliario quidem et auctore Vestorio, ut hoc damnum quæstuosum sit. Hic turba magna est, critque, ut audio, major. Duo quidem quasi designati consules. o dii boni! vivit tyrannis, tyrannus occidit? ³⁶ ejus interfecti morte lætamur, ejus facta defendimus? itaque quam severe nos M. Curtius accusat, ut pudeat vivere: neque injuria. nam mori millies præstitit, quam hæc pati, quæ mihi videntur habitura etiam vetustatem. et Balbus hic est, multumque mecum: ad quem a Vetere litteræ datæ pridie Kal. Januar. cum a se Cæcilius circum sederetur, et jam teneretur, venisse cum maximis copiis Pacorum Parthum: ita sibi esse eum ereptum, multis suis amissis: in qua re accusat Volcatium. ita mihi videtur bellum illud instare. sed ³⁷ Dolabella et Nicias viderint. idem Balbus meliora de Gallia. XXI die litteras habebat; Germanos illasque nationes, re audita de Cæsare, legatos misisse ad Aurelium, qui est præpositus ab Hirtio, se, quod imperatum esset, esse facturos. quid quæris? omnia plena pacis, aliter ac mihi ³⁸ Calpurnia dixerat.

10

CICERO ATTICO S.

p. 226. ITANE vero? hoc meus et tuus Brutus egit, ut Lanuvii
^{a.} esset? ut Trebonius itineribus deviis proficisceretur in
 provinciam? ut omnia facta, scripta, dicta, promissa, cogitata Cæsaris plus valerent, quam si ipse viveret? memnisti me clamare, ³⁹ illo ipso primo Capitolino die, senatum in Capitolium a prætoribus vocari? dii immortales! quæ tum opera effici potuerint, lætantibus omnibus bonis, etiam sat bonis, fractis latronibus? ⁴⁰ Liberalia tu accusas. quid fieri tum potuit? jam pridem perieramus. meministine te clamare, causam perisse, si funere elatus esset? at ille

³⁶ *Ejus interf.* - - *cujus facta defendimus.*] E Ciceroniana forma debebat esse *cujus interf. m. lætamur, ejus facta defendimus.* Atque etiam concinnitas postulat *ejus viri f. d.*

³⁷ *Dol. et Nicias viderint.*] Dolabella tum consul, expetens etiam Syriam provinciam: tum ironice de Nicia, qui erat apud Dolabellam, qui ejus consiliis utebatur, aut uti credebatur.

³⁸ *Calpurnia dixerat.*] Matius, supra

ep. 1. sqq.

³⁹ *Illo i. p. Capitolino die.*] Cum Brutus et Cassius se interfecto Cæsare in Capitolium recepissent, Cicero pugnaret, ut ab ipsis senatus in Capitolium vocaretur: quod in re illa recenti, multa bene decerni possent.

⁴⁰ *Liberalia tu accusas.*] Quod eo die in senatu, in vico Telluris congregato, nihil decretum esset, quod ad salutem reip. pertineret: eam fuisse causam malorum.

etiam in foro combustus laudatusque miserabiliter : servi-
que et egentes in tecta nostra cum facibus immissi. quæ
deinde? ut audeant dicere, *tunc contra Cæsaris nutum?*
hæc et alia ferre non possum. itaque γῆν πρὸ γῆς cogito.
⁴¹ tua tamen ὑπηνέμιος. nausea jamne plane abiit? mihi qui-
dem ex tuis litteris conjectanti ita videbatur. redeo ⁴² ad
Tebassos, Scævas, Frangones. hos tu existimas confidere
se illa habituros, stantibus nobis? in quibus plus virtutis
putarunt, quam experti sunt. pacis isti scilicet amatores, et
non latrocinii auctores? at ego cum tibi de Curtilio scripsi,
Sextilianoque fundo, scripsi de Censorino, de Messala, de
Planco, de Postunio, de genere toto. melius fuit periisse
illo interfecto, ⁴³ quod nunquam accidisset, quam hæc vi-
dere. Octavius Neapolim venit XIII Kal. ibi eum Balbus
mane postridie; eodemque die mecum in Cumano, illum
hereditatem aditurum. sed, ut scribis, ροιζόμειν magnam
cum Antonio. Buthrotia mihi tua res est, ut debet, critque
cura. Quod quæris, ⁴⁴ jamne ad centena Cluvianum : ad-
ventare videtur : sed primo anno LXXX deterrent. Q.
pater ad me gravia de filio, maxime quod matri nunc indul-
geat, cui antea bene merenti fuerit inimicus. ardentes in
eum litteras ad me misit. ille autem quid agat, si scis, ne
que dum Roma es profectus, scribas ad me velim; et her-
cule, si quid aliud. vehementer delector tuis litteris.

CICERO ATTICO S.

11

NUDIUS tertius dedi ad te epistolam longiorem : nunc
ad ea, quæ proxime. Velim mehercule, Asturæ Brutus.
ἀκολασίαν istorum scribis. an censebas aliter? equidem et-
iam majora exspecto. ⁴⁵ cum equidem concionem lego, DE
TANTO VIRO, DE CLARISSIMO CIVI, ferre non queo : etsi
ista jam ad risum. sed memento : sic alitur consuetudo
perditarum concionum ; ut nostri illi, non heroes, sed dii,
futuri quidem in gloria sempiterna sint, sed non sine in-
vidia, ne sine periculo quidem. verum illis magna consola-

⁴¹ Tua tamen ὑπηνέμιος. nausea, &c.]
Interpuxi post ὑπηνέμιος. v. Clav. in Gr.

⁴² Ad Tebassos, Scævas, Frangones.]
V. Clav. in Frangones.

⁴³ Quod nunquam accidisset.] Intel-
ligo, quod nunc, eo interfecto, accidit.
sed melius est pro nunquam cum J. P.
Gronovio scribere utinam.

⁴⁴ Jamne ad centena Cluvianum.] An
reditus Cluviani pradii ad centena per-
venerint. cf. ep. 10. primo anno octoginta
deterimus, opinor ex illa centenorum
summa.

⁴⁵ Cum concionem lego.] Antonii, in
qua Cæsarem appellavit, ut mox est.

tio, conscientia maximi et clarissimi facti: nobis quæ? qui interfecto rege, liberi non sumus? sed hæc fortuna viderit, quoniam ratio non gubernat. De Cicerone, quæ scribis, jucunda mihi sunt: velim, sint prospera. quod vero curæ tibi est, ut ei suppeditetur ad usum et cultum copiose, per mihi gratum est; idque ut facias, te etiam rogo. De Buthrotiis, et tu recte cogitas, et ego non dimitto istam curam. suscipiam omnem etiam actionem; quam video quotidie faciliorem. De Cluviano, quoniam in re mea me ipsum diligentia vincis, res ad centena perducitur. ruina rem non fecit deteriore, haud scio, an jam fructuosiore. Hic mecum Balbus, Hirtius, Pansa. modo venit Octavius, et quidem in proximam villam Philippi, mihi totus deditus. Lentulus Spinther hodie apud me: cras mane vadit.

12

CICERO ATTICO S.

p. 227. O MI Attice, vereor, ne nobis Idus Mart. nihil dederint
 a. præter lætitiā, et ⁴⁶ odii pœnam ac doloris. quæ mihi
 istinc afferuntur? quæ hic video? ὡς πράξειας καλῆς μὲν, ἀτελοὺς
 δέ. Scis, quam diligam Siculos, et ⁴⁷ quam illam clientelam
 honestam judicem. multa illis Cæsar, neque me iuvito: etsi
 Latinitas erat non ferenda: ⁴⁸ verumtamen. ecce autem An-
 tonius, accepta grandi pecunia, fixit legem, a dictatore co-
 mitiis latam, qua Siculi cives Romani: cujus rei, vivo illo,
 mentio nulla. Quid? Deiotari nostri causa non similis?
 dignus ille quidem omni regno, sed ⁴⁹ non per Fulviam.
 sexcenta similia. verum illuc referor: tam claram, tamque
 testatam rem, tamque justam, Buthrotiam, non tenebimus
 aliqua ex parte? et eo quidem magis, quo iste plura? No-
 biscum hic perhonorifice et amice Octavius: quem quidem
 sui Cæsarem salutabant, ⁵⁰ Philippus non: itaque ne nos
 quidem: ⁵¹ quem nego posse bonum civem: ita multi cir-
 cumstant, ⁵² qui quidem nostris mortem minitantur. ⁵³ negant,

46 Odii penam ac doloris.] Penam i. expiationem odii, et quasi ultionem, πῶλον. v. Clavis in h. v. frustra Victorius corrigit plenam e lectione cod. scr. penam: quod est more scribarum plurium pro panam.

47 Quam illam clientelam honestam.] In qua est perpetua memoria et laus questuræ mæc.

48 Verumtamen.] V. Clav.

49 Non per Fulviam.] Quæ acciperat HS centies per syngrapham, Phil. II, 37.

50 Philippus non.] Qui tamen erat Octavii vitricus.

51 Quem nego posse bonum civem: ita m. c.] Junius interpungit post ita, int. appellare. bene, ut opinor. nam sequentibus junctum nullum commodum sensum efficit.

52 Qui q. nostris, &c.] Edd. pr. cui quidem nostri. male.

53 Negant hæc f. posse.] Ut Cæsar impune cæsus sit.

hæc ferri posse. quid censes, cum Romam puer venerit, ubi nostri liberatores tuti esse non possunt? qui quidem semper erunt clari; conscientiam vero facti sui etiam beati: sed nos, nisi me fallit, jacebimus. itaque exire aveo, *ubi nec Pelopidarum*, ⁵⁴ inquit. haud amo vel hos ⁵⁵ designatos, qui etiam declamare me coegerunt; ut ne apud aquas quidem acquiescere liceret. sed hoc meae nimiae facilitatis. nam id erat quondam quasi necesse: nunc, quoquo modo se res habet, non est item. ⁵⁶ Quam dudum nihil habeo, quod ad te scribam: scribo tamen, non ut delectem his litteris, sed ut eliciam tuas. tu, si quid erit de ceteris; de Bruto utique, quidquid. Hæc conscripsi x Kal. accubans apud Vestorium, hominem remotum a dialecticis, ⁵⁷ in arithmeticis satis exercitatum. b.

CICERO ATTICO S.

13

SEPTIMO denique die litteræ mihi redditæ sunt, quæ erant a te xiii Kal. datæ; quibus quæris, atque etiam me ipsum nescire arbitraris, utrum magis tumultis prospectuque, an ambulatione ἀλιτενεῖ delecter. est mehercule, ut dicis, utriusque loci tanta amœnitas, ut dubitem, utra anteponenda sit.

-- ἀλλ' οὐ ταυτὸς ἐπηράτων ἔργα μέμληεν.

Ἀλλὰ λίην μέγα πῆμα, διοτρεφές, εἰσροδῶντες

Δεῖδμεν. ἐν δούῃ δὲ σωσόμεν, ἢ ἀπολέσθαι.

quamvis enim tu magna et mihi jucunda scripseris de D. Bruti adventu ad suas legiones, in quo spem maximam video: tamen, si est bellum civile futurum, quod certe erit; si Sextus in armis permanebit, quem permansurum esse certo scio; ⁵⁸ quid nobis faciendum est, ignoro. neque enim jam licebit, quod Cæsaris bello licuit, neque huc, neque illuc. quemcumque enim hæc pars perditorum lætatum morte Cæsaris putabit, (lætitiā autem apertissime tulimus

54 Inquit.] Hoc malim abesse. nam et alibi hæc verba nude ponit, et ad se accommodat. deberet esse inquit ille, et exire aveo non est a poeta, sed Cicerone.

55 Designatos, qui etiam declamare m. e.] Hirtium et Pansam, qui Cicerone magistro eloquentiæ usi sunt. sed invito. ad Div. VII, 33. sed ibi factum est Cæsare vivo, ubi necesse erat parere, ut mox dicit.

56 Quam dudum nihil habeo.] Potest quam intelligi valde, ut supra quam severe:

sed id est h. l. darius. itaque malo legi quamquam, ut et J. Fr. Gronovio placuit, vel jam dudum, ut aliis.

57 In arithmeticis s. e.] Nam res pecuniarias tractabat Puteolis.

58 Quid nobis f. est, ignoro.] Sit corrigi volunt Carrados et alii. hæret Malaspina. Puto est additum a glossatore, idquo delendum, aut scribendum quid nobis faciendum est? ignoro. aut ignoro est a glossatore.

omnes,) hunc in hostium numero habebit: quæ res ad cædem maximam spectat. restat, ut in castra Sexti, aut, si forte, Bruti nos conferamus. res odiosa et aliena nostris ætatibus, et incerto exitu belli: et nescio, quo pacto tibi ego possim, mihi tu dicere,

Τέκνον ἐμὸν, οὗτοι δέδοται πολεμῆϊα ἔργα,
Ἄλλὰ σύγ' ἡμερόεντα μετέρχαιο ἔργα ⁵⁹ λόγοις.

sed hæc fors viderit, ea, quæ talibus in rebus plus, quam
 P. 228. ratio potest. nos autem id videamus, quod in nobis ipsis
 a. esse debet, ut, quidquid acciderit, fortiter et sapienter feramus, et accidisse hominibus meminerimus; nosque cum multum litteræ, tum non minimum Idus quoque Mart. consolentur. Suscipe nunc meam deliberationem, qua sollicitor: ita multa veniunt in mentem in utramque partem. proficiscor, ut constitueram, legatus in Græciam? cædis impendentis periculum nonnihil vitare videor, sed casurus in aliquam vituperationem, quod reipublicæ defuerim tam gravi tempore. sin autem mansero; fore me quidem video in discrimine, sed accidere posse suspicor, ut prodesse possim reipublicæ. Jam illa consilia privata sunt; quod sentio valde esse utile ad confirmationem Ciceronis, me illuc venire: nec alia causa profectionis mihi ulla fuit tum, cum consilium cepi legari ab Cæsare. tota igitur hac de re, ut soles, si quid ad me pertinere putas, cogitabis. Redco nunc ad epistolam tuam. scribis enim esse rumores, me, ⁶⁰ ad lacum quod habeo, venditurum; minusculam vero villam utique Quinto traditurum, vel impenso pretio, quo introducatur, ut tibi Quintus filius dixerit, dotata Aquillia. ego vero de venditione nihil cogito, nisi quid, quod magis me delectet, inveniro. Quintus autem de emendo nihil curat hoc tempore. satis enim torquetur ⁶¹ debitione dotis: in qua mirificas Egnatio gratias agit. a ducenda autem uxore sic abhorret, ut libero lectulo neget esse quidquam jucundius. Sed hæc quoque hactenus. redeo enim ad miscram, seu nullam potius reipublicam. M. Antonius ad me scripsit de restitutione Sex. Clodii: quam honorifice, quod

⁵⁹ Λόγοις.] Ap. Hom. est γάμοις. Cicerō ad se accommodans substituit λόγοις.

⁶⁰ Ad lacum quod habeo.] Laconium, ep. 16. ed. Jens. habet quem, in quo intelligendum esset fundum, sed vulgatum melius. mox utique deleri malebat Græ-

vius, aberatque ab ejus Mss. abest et ab ed. Rom. mihi quia videtur exprimere græcum δὲ, τὴν δὲ δὲ, non sustinco delere.

⁶¹ Debitione dotis.] Quam reddere debebat Pomponia, uxori dimissæ a se.

ad me attinet, ex ipsius litteris cognoscēs: misi enim tibi exemplum: quam dissolute, quam turpiter, quamque ita perniciose, ut nonnumquam Cæsar desiderandus esse videatur, facile existimabis. quæ enim Cæsar numquam ne-^{b.} que fecisset, neque passus esset, ea nunc ex falsis ejus commentariis proferuntur. ego autem Antonio facillimum me præbui. etenim ille, quoniam semel induxit animum, sibi licere quod vellet, fecisset nihilo minus me invito. itaque mearum quoque litterarum misi tibi exemplum.

ANTONIUS CONSUL S. D. M. CICERONI.

OCCUPATIONIBUS est factum meis, et subita tua profectio, ne tecum coram de hac re agerem. quam ob causam vereor, ne absentia mea levior sit apud te. quodsi bonitas tua responderit iudicio meo, quod semper habui de te; gaudebo. A Cæsare petii, ut Sex. Clodium restitueret: impetravi. erat mihi in animo etiam tum, sic uti beneficio ejus, si tu concessisses. quo magis laboro, ut tua voluntate id per me facere nunc liceat. quodsi duriores te ejus miseræ et afflictæ fortunæ præbes; non contendam ego adversus te. quamquam videor debere tueri commentarium Cæsaris. sed mchereule, si humaniter, et sapienter, et amabiliter in me cogitare vis, facilem profecto te præbebis: et voles P. Clodium,⁶² in optima spe puerum repositum, existimare, non te insectatum esse, cum potueris, amicos paternos. patere, obsecro te, pro republica videri gessisse similitatem cum patre ejus. non contemseris hanc familiam. Honestius enim et libentius deponimus inimicitias reipublicæ nomine susceptas, quam contumaciæ. Me deinde sine ad hanc opinionem jam nunc dirigere puerum, et tenero animo ejus persuadere, non esse tradendas posteris inimicitias. quamquam, tuam fortunam, Cicero, ab omni periculo abesse, certum habeo: tamen arbitror, malle te quietam senectutem, et honorificam potius agere, quam sollicitam. Postremo meo jure te hoc beneficium rogo. nihil enim non tua causa feci. Quod si non impetro, per me Clodio daturus non sum: ut intelligas, quanti apud me auctoritas tua sit, atque eo te placabiliorem præbeas.

p. 229.
a.

62 *In optima spe puerum repositum.*] Suspectum mihi est repositum.

CICERO ANTONIO, COS. S.

QUOD mecum per litteras agis, unam ob causam mallem coram egisse. non enim solum ex oratione, sed etiam ex vultu, et oculis, et fronte (ut ajunt) meum erga te amorem perspicere potuisses. nam cum te semper amavi, primum tuo studio, post etiam beneficio provocatus; tum his temporibus respublica te mihi ita commendavit, ut cariorum habeam neminem. litteræ vero tuæ, cum amantissime, tum honorificentissime scriptæ, sic me affecerunt, ut non dare tibi beneficium viderer, sed accipere a te, ita petente, ut inimicum meum, necessarium tuum, me invito servare nolles, cum id nullo negotio facere posses. Ego vero tibi istuc, mi Antoni, remitto; atque ita, ut me a te, cum his verbis scripseris, liberalissime atque honorificentissime tractatum existimen: idque cum totum, quoquo modo se res haberet, tibi dandum putarem; tum de etiam humanitati et naturæ meæ. nihil enim umquam non modo acerbum in me fuit, sed ne paullo quidem tristius, aut severius, quam necessitas reipublicæ postulavit. Accedit, ut ne in ipsum quidem Clodium meum insigni odium fuerit

b. umquam; semperque ita statui, non esse insectandos inimicorum amicos, præsertim humiliores; nec his præsidii nosmet ipsos esse spoliandos. Nam de puero Clodio tuas partes esse arbitror, ut ejus animum, tenerum, quoniamadmodum scribis, his opinionibus imbuas, ut ne quas inimicitias residere in familiis nostris arbitretur. contendi cum P. Clodio, cum ego publicam causam, ille suam defenderet. nostras concertationes respublica dijudicavit. si viveret, mihi cum illo nulla contentio jam maneret. Quare, quoniam hoc a me sic petis, ut, quæ tua potestas est, ea neges te me invito usurum; ⁶³ puero quoque hoc a me dabis, si tibi videbitur: non quo aut ætas nostra ab illius ætate quidquam debeat periculi suspicari, aut dignitas mea ullam contentionem extimescat: sed ut nosmet ipsi inter nos conjunctiores simus, quam adhuc fuimus. interpellantibus enim his inimicitias, animus tuus mihi magis patuit, quam domus. Sed hæc hactenus. illud extremum; ego, quæ te velle, quæque ad te pertinere arbitror, semper sine ulla dubitatione summo studio faciam. hoc velim tibi penitus persuadeas.

63 *Puero q. hoc a me dabis.*] Elegantiaria ductum est, in qua dicimur ab alter, tanquam beneficium meum, e re pecu- quo dare, solvere.

CICERO ATTICO S.

14

ITER Adum eadem ista mihi. ⁶⁴ coronatus Quintus noster Parilibus? Parilibus? solusne? ctsi addis Lamiam; quod demiror equidem; sed scire cupio, ⁶⁵ qui fuerint alii: quamquam satis scio, nisi improbum neminem. explanabis igitur hoc diligentius. ego autem casu cum dedissem ad te litteras vi Kalend. satis multis verbis, tribus fere horis post accepi tuas, et magni quidem ponderis. itaque joca tua plena facetiarum, ⁶⁶ de hæresi Vestoriana, et de Pherionum more Puteolano, risisse me satis, nihil est necesse scribere. *πολιτικώτερα* illa videamus. Ita Brutos Cassiumque defendis, quasi eos ego reprehendam: quos satis laudare non possum. rerum ego vitia collegi, non hominum. sublato enim tyranno, tyrannida manere video. nam quæ ille facturus non fuit, ea fiunt, ut de Clodio: de quo mihi exploratum est, illum non modo non facturum, sed etiam ne passurum quidem fuisse. sequetur Rufio Vestorianus, Victor, ⁶⁷ numquam scriptus, ceteri, quis non? cui servire ipsi non potuimus, ejus libellis paremus. Nam Liberalibus ⁶⁸ quis potuit in senatum non venire? fac id potuisse aliquo modo: num, etiam cum venissemus, libere potuimus sententiam dicere? nonne omni ratione veterani, qui armati aderant, cum præsidii nos nihil haberemus, defendendi fuerunt? illam sessionem Capitolinam mihi non placuisse, tu testis es. quid ergo? ista culpa Brutorum? minime illorum quidem; sed aliorum brutorum; qui se cautos ac sapientes putant: quibus satis fuit lætari; nonnullis, etiam gratulari; nullis, permanere. sed præterita omittamus: ⁶⁹ istos omni cura præsidioque tueamur; et, quemadmodum tu præcipis, contenti Idibus Mart. simus: quæ quidem nostris amicis, divinis viris, aditum ad cælum dederunt, libertatem populo Romano non dederunt. Recordare tua. nonne meministi clamare te, omnia periisse, si ille funere clatus esset? sapienter id quidem. itaque ex eo quæ manarint, vides. Quæ

p. 230.
2.

⁶⁴ Coronatus Q. noster Par.] Cucurrit per urbem, in honorem Caesaris. v. ep. 19.

⁶⁵ Qui fuerint alii.] Vulgg. fuerunt, pro quo fuerint scribendum latinitas docet. Sed sic etiam ed. Rom.

⁶⁶ De hæresi Vestoriana.] Int. de secta hominum pecunie avidorum, quales argentarii, feneratorum. Pherionum edd. pr. pro

Phetriorum, rem non licet intelligere, quia Attici epistolam non habemus.

⁶⁷ Numquam scriptus.] A Cæsare in iis, quos revocare vellet, non profecto scriptus, ut Antonius fert, ut cum revocet.

⁶⁸ Quis potuit in senatum non venire?] Sc. edicto proposito minaci et excusationem omnem tollente. de re ipsa supra.

⁶⁹ Istos.] Brutos et socios.

scribis Kalendis Junii Antonium de provinciis relaturum, ut et ipse Gallias habeat, et utrisque dies prorogetur: licebitne decerni libere? si licuerit; libertatem esse recuperatam lætabor: si non licuerit; quid mihi attulerit ista domini mutatio præter lætitiā, quam oculis cepi justo interitu tyranni? Rapinas scribis ad Opis fieri: quas nos quoque tum videbamus. nā nos et liberati ab egregiis viris, nec liberi sumus. ita laus illorum est, culpa nostra. et hortaris me, ut historias scribam? ut colligam tanta eorum scelera, a quibus etiam nunc obsidemur? poterone eos ipsos non laudare, ⁷⁰ qui te obsignatorem adhibuerunt? nec mehercule me raudusculum movet: sed homines benevolos, qualescumque sunt, grave est insequi contumelia. sed de omnibus meis consiliis, ut scribis, existimo exploratius nos ad Kalendas Junias statuere posse: ad quas adero; et omni ope atque opera enitar, adjuvante me scilicet auctoritate tua, et gratia, et summa æquitate causæ, ut de Butlrotiis senatus consultum, quale scribis, fiat. Quod me cogitare jubes, cogitabo equidem: etsi tibi dederam superiore epistola cogitandum. tu autem, quasi jam recuperata republica, ⁷¹ vicinis tuis Massiliensibus sua reddis. hæc armis, quæ, quam firma habeamus, ignoro, restitui fortasse possunt, auctoritate non possunt.

15

CICERO ATTICO S.

EPISTOLA brevis, quæ postea a te scripta est, sane mihi fuit jucunda, de Bruti ad Antonium, et de ejusdem ad te litteris. posse videntur esse meliora, quam adhuc fuerunt. sed nobis, ubi simus, et quo jam nunc nos conferamus, providendum est. o mirificum Dolabellam meum! jam enim dico meum; antea, crede mihi, subdubitabam. magnam ἀναδεύρησιν res habet: ⁷² de saxo; in crucem; columnam tollere; locum illum sternendum locare. quid quæris? heroica: sustulisse mihi videtur ⁷³ simulationem desiderii, adhuc quæ scripebat in dics, et inveterata, verebar, ne periculosa nostris tyranooctonis esset. nunc prorsus

p. 231.
a.

⁷⁰ Qui te obsignatorem adhibuerunt.] speras, senatus decreto aut lege.

De hereditate intelligendum: qui te heredem scripsere. de hac re et supra est.

⁷¹ Vicinis tuis Mass. sua reddis.] Vi-

cinis, quia in eorum vicinia agros habebat Atticus: sua reddis, quæ iis Cæsar ademit, eis reddenda iudicas, vel redditum iri

⁷² De saxo; in crucem.] Pœnas tales sumere ab tumultuantibus, liberis et servis.

⁷³ Simulationem desiderii.] Ut homines turbulenti non possent amplius talia facere, per speciem desiderii Cæsaris.

assentior tuis litteris, speroque meliora: quamquam istos ferre non possum: qui, dum se pacem velle simulant, acta nefaria defendunt. sed non possunt omnia simul. incipit res melius ire, quam putaram. nec vero discedam, nisi cum tu me id honeste putabis facere posse. Bruto certe meo nullo loco decro: idque, etiamsi mihi cum illo nihil fuisset, facerem propter ejus singularem incredibilemque virtutem. Piliæ nostræ villam totam, quæque in villa sunt, trado, in Pompeianum ipse proficiscens Kalend. Maiis. quam velim Bruto persuadeas, ut Asturæ sit.

CICERO ATTICO S.

16

QUINTO Non. conscehdens ab hortis Cluvianis in phaselum epicopum has dedi litteras, cum Piliæ nostræ villam ad Lucrinum, ⁷⁴villicos, procuratores tradidissem. ⁷⁵ipse autem eo die ⁷⁶in Pæti nostri tyrotarichum imminebam; perpaucis diebus in Pompeianum: post in hæc Puteolana, et Cumana regna ⁷⁷renavigare. ⁷⁸o loca cetera quam valde expetenda, interpellantium autem multitudine pæne fugienda! Sed ad rem ut veniam, o Dolabellæ nostri magnam ἀπιστίαν! quanta est ἀραθώρησις? equidem laudare cum et hortari non desisto. recte tu omnibus epistolis sigificas, quid de re, quid de viro sentias. mihi quidem videtur Brutus noster jam vel ⁷⁹coronam auream per forum ferre posse. quis enim audeat ⁸⁰violare, proposita cruce, aut saxo? præsertim tantis plausibus, tanta approbatione infimorum? b. Nunc, mi Attice, me fac ut expedias. cupio, cum Bruto nostro affatim satisfecerim, excurrere in Græciam. magni interest Ciceronis, vel mea potius, vel mehercule utriusque, me intervenire discenti. nam ⁸¹epistola Leonidæ, quam ad me misisti, quid habet, quæso, in quo magnopere læte-

74 Villicosque procuratores.] Delevi que. aberunt Mss. Grevii: nec habent edd. pr. Plurales sunt pro singularibus numeris.

75 Ipse a. eo die.] Cur ipse? nam non ante de alio. Ser. ipso.

76 In Pæti tyrotarichum.] Quare sic dixerit pro in villam Pæti, v. ad Div. IV, 16.

77 Renavigaro.] Sic Bosius pro lectione edd. priorum renavigare; in quo ex imminebam intelligendum cogitabam: idque restitui, nam deberet esse renavigabo.

78 O loca cetera quam valde exp.] Sic edd. pr. et Mss. Græv. recto. cetera ad-

verbialiter dictum. quam augeat. ex eo cetera qui factum a Manutio, Viet.

79 Coronam auream ferre.] Velut triumphum agens.

80 Violare.] Restitui lectionem edd. pr. pro qua Bosius dedit laudare, quem secutus est Gruterus, intelligitque Casarem. Sed illud melius est per seqq. nam crux et saxum proposita erant tumultuantibus a Dolabella. Grævius utramque pro glossa damnat.

81 Epistola Leonidæ.] In qua de Clicerone filio scripserat.

mur? numquam ille mihi satis laudari videbitur, cum ita laudabitur; *Quomodo nunc est.* non fidentis hoc testimonium, sed potius timentis. Herodi autem mandaram, ut mihi κατὰ μέτρον scriberet: a quo adhuc nulla littera est. vereor, ne nihil habucrit, quod mihi, ⁸² cum cognoscerem, jucundum putaret fore. ⁸³ Quod ad Xenonem scripsisti, valde mihi gratum est. nihil enim deesse Ciceroni, cum ad officium, tum ad existimationem meam pertinet. Flammam Flaminium audio Romæ esse. ad eum scripsi, me tibi mandasse per litteras, ut de Montani negotio cum eo loquerer: et velim cures epistolam, quam ad eum misi, reddendam; et ipse, quod commodum tuo fiat, cum eo colloquare. puto, si quid in homine pudoris est, præstaturum eum, ⁸⁴ ne pro se quodam modo dependatur. De Attica pergratum mihi fecisti, quod curasti, ut ante scirem recte esse, quam non belle fuisset.

17

CICERO ATTICO S.

IN Pompeianum veni v Nonas Mai. cum pridie, ut antea ad te scripsi, ⁸⁵ Piliam in Cumano collocavissem. ibi mihi cenanti litteræ tuæ sunt redditæ, quas dederas Demetrio liberti prid. Kal. in quibus multa sapienter, sed tamen talia; quemadmodum tute scribebas, ut omne consilium in fortuna positum videretur. itaque his de rebus ex tempore, et coram. De Buthrotio negotio, utinam quidem Antonium conveniam! multum profecto proficiam. sed non arbitrantur eum a Capua declinaturum. quo quidem, metuo, ne magno reipublicæ malo vnerit. quod idem L. Cæsari videbatur, quem pridie Neapoli affectum graviter videram. quamobrem ista nobis ⁸⁶ ad Kal. Jun. tractanda et perficienda sunt. sed hactenus. Q. filius ad patrem acerbissimas litteras misit: quæ sunt ei redditæ, cum venissemus in Pompeianum: quarum tamen erat caput, Aquilliam novercam non esse laturum. sed hoc tolerabile fortasse: illud vero? se ab Cæsare habuisse omnia, nil a patre, reliqua

82 Cum cognoscerem.] Sic Ms. Balliol. et ed. Rom. Jensonus dedit cognossem. illud et Grævius probabat, nempe in cognoscendo sensus suavitatis jam oritur.

83 Quod ad Xenonem scripsisti.] Ut suppeditaret filio meo pecuniam.

84 Ne pro se q. dependatur.] Ne Mon-

tanus præ pro Flaminio factus, XII, 52. cogatur solvere, quod ipse Planco debet. Locus correctus est a Victorio. edd. pr. non spero. Sed quodam modo non placet.

85 Piliam in Cumano colloc.] V. ep. 15.

86 Ad Kal. Jun.] In senatu sc. qui Kalendis conveniebat.

sperare ab Antonio. o perditum hominem! sed *μελήσει*. Ad Brutum nostrum, ad Cassium, ad Dolabellam epistolas scripsi. earum exempla tibi misi, non ut deliberarem, reddendæne essent, (plane enim judico esse reddendas,) sed quod non dubito, quin tu idem existimaturus sis. Ciceroni meo, mi Attice, suppeditabis quantum videbitur, meque hoc tibi onus imponere pati. quæ adhuc fecisti, mihi sunt gratissima. ⁸⁷ Librum meum illum *ἀνέκδοτον* nondum, ut volui, perpolivi. ista vero, quæ tu contexi vis, aliud quoddam separatum volumen exspectant. ego autem (credas mihi velim) minore periculo existimo contra illas nefarias partes, vivo tyranno, dici potuisse, quam mortuo. ille enim, nescio quo pacto, ferebat me quidem mirabiliter: nunc, ⁸⁸ quacumque nos commovimus, ad Cæsaris non modo acta, verum etiam cogitata revocamur. De Montano, quoniam Flamma venit, videbis. puto rem meliore loco esse debere.

CICERO DOLABELLÆ, COS. SUO S.

b.

ETSI contentus eram, mi Dolabella, tua gloria, satisque ex ea magnam lætitiā voluptatemque capiebam: tamen non possum non confiteri, cumulari me maximo gaudio, quod vulgo hominum opinio socium me adscribat tuis laudibus. neminem conveni; convenio autem quotidie plurimos: sunt enim permulti optimi viri, qui valitudinis causa in his locis ⁸⁹ conveniant; præterea ex municipiis frequentes necessarii mei; qui omnes, cum te summis laudibus ad cælum extulerunt, mihi continuo maximas gratias agant. negant enim se dubitare, quin tu meis præceptis et consiliis obtemperans, præstantissimum te civem, et singularem consulem præbeas. quibus ego quamquam verissime possum respondere, quæ facias, tuo iudicio et tua sponte facere, nec cujusquam egere consilio: tamen neque plane assentior, ne imminuam tuam laudem, si omnis a meis consiliis profecta videatur; neque valde nego. sum enim avidior etiam, quam satis est, gloriæ. et tamen non alienum est dignitate tua, quod ipsi Agamemnoni, regum regi, fuit

87 *Librum illum, &c.*] De temporibus suis: quem filios demum mortuo patre edidit.

88 *Quacumque nos commovimus, ad C., &c.*] Hæc sunt coniungenda. itaque interpunctionem sustulimus. Sensus est,

quoties de Cæsaris actis et consiliis scribendis cogitamus, deterremur, revocamur, metu sc.

89 *Conveniunt - - agunt.*] In epp. ad Div. IX, 14. *veniant*, item mox *agunt*, rectius: unde correxi.

honestum, habere aliquem in consiliis capiendis Nestorem. mihi vero gloriosum, te juvenem consulem florere laudibus, quasi alumnum disciplinæ meæ. L. quidem Cæsar, cum ad eum ægrotum Neapolim venissem. quamquam erat oppressus totius corporis doloribus, tamen ante, quam me plane salutavit, o mi Cicero, inquit, gratulor tibi, cum tantum vales apud Dolabellam, quantum si ego apud sororis filium valerem, jam salvi esse possemus. Dolabellæ vero

p. 233. tuo et gratulor, et gratias ago: quem quidem, post te consulem, solum possum vere consulem dicere. dein multa de facto ac de re gesta. tum nihil magnificentius, nihil præelarius actum umquam, nihil reipublicæ salutaris: atque hæc una vox omnium est. A te autem peto, uti me hanc quasi falsam hereditatem alienæ gloriæ sinas eemere, meque aliqua ex parte in societatem tuarum laudum venire patiari. quamquam, mi Dolabella, (hæc enim jocatus sum,) libentius omnes meas, si modo sunt aliquæ meæ, laudes ad te transfuderim, quam aliquam partem exhausserim ex tuis. nam cum te semper tantum dilexerim, quantum tu intelligere potuisti; tum his tuis faelis sic incensus sum, ut nihil umquam in amore fuerit ardentius. Nihil est enim, mihi crede, virtute formosius, nihil pulchrius, nihil amabilius. semper amavi, ut seīs, M. Brutum, propter ejus summum ingenium, suavissimos mores, singularem probitatem atque constantiam: tamen Idibus Mart. tantum accessit ad amorem, ut mirarer locum fuisse augendi in eo, quod mihi jampridem cumulatam etiam videbatur. quis erat, qui putaret ad eum amorem, quem erga te habebam, posse aliquid accedere? tantum accessit, ut mihi nunc denique amare videar, antea dilexisse. Quare quid est, quod ego te horter, ut dignitati et gloriæ servias? proponam tibi claros viros, quod facere solent, qui hortantur? neminem habeo elariorem, quam te ipsum. te imitare oportet, tecum ipse certes. ne licet quidem tibi jam, tantis rebus gestis, non tui similem esse. quod cum ita sit, hortatio non est necessaria; gratulatione magis utendum est. contigit enim tibi, quod haud scio, an nemini, ut summa severitas animadversionis non modo non invidiosa, sed etiam popularis esset, et cum bonis omnibus, tum infimo cuique gratissima. Hoc si tibi fortuna quadam contigisset, gratularer felicitati tuæ: sed contigit magnitudine cum animi, tum etiam ingenii, at-

que consilii. legi enim concionem tuam. nihil illa sapientius. ita pedetentim tum accessus a te ad causam facti, tum recessus, ut res ipsa maturitatem tibi animadvertendi omnium concessu daret. Liberasti igitur et urbem periculo, et civitatem metu: neque solum ad tempus maximam utilitatem attulisti, sed etiam ⁹⁰ ad exemplum. quo facto, intelligere debes, in te positam esse rempublicam, tibi que non modo tuendos, sed etiam ornandos illos viros, a quibus initium libertatis profectum est. Sed his de rebus coram plura propediem, ut spero. Tu, quoniam rempublicam nosque conservas, fac, ut diligentissime te ipsum, mi Dolabella, custodias.

CICERO ATTICO S.

18

SÆPIUS me jam agitas, quod rem gestam Dolabellæ nimis in cælum videar efferre. ego autem, quamquam sane probo factum, tamen ut tanto opere laudarem, adductus sum tuis et unis et alteris litteris. sed totum ⁹¹ se a te abalienavit Dolabella, ea de causa, qua me quoque sibi inimicissimum reddidit. ⁹² O hominem pudentem! Kal. Jan. debuit; adhuc non solvit, præsertim cum se maximo ære alieno ⁹³ Faberii manu liberarit, ⁹⁴ et opem ab eo petierit. licet enim joculari, ne me valde conturbatum putes. atque ego ad cum IIX Idus litteras dederam bene mane: eodem autem die tuas litteras vesperi acceperam in Pompeiano, sane celeriter, tertio abs te die. sed, ut ad te eo ipso die ^{p. 234.} scripseram, satis aculeatas ad Dollabellam litteras dedi: ^{a.} quæ si nihil profecerint, puto fore, ut me præsentem non sustineat. Albium te confecisse arbitror. De Patulciano nomine, ⁹⁵ quod mihi suppeditatus es, gratissimum est, et simile tuorum omnium. sed ego Erotem, ad ista expedienda factum, mihi videbar reliquisse: cujus non sine

90 *Ad exemplum. quo facto i. d.*] Hoc est vitiosum. v. ad exemplum hujus ep. ad Div. IX, 14.

91 *Se a te abalienavit.*] An te a se, quia et mox me quoque, &c. Sententia enim utraque tantum subjecto differt.

92 *O hominem pudentem.*] Sic jam ed. Rom. Jensonius induxerat *impudentem*, quamquam et ipsum e libris scr. quod aliquandiu editos libros tenuit.

93 *Faberii manu.*] Fraude scil. in litteris conficiendis. fuerat enim Cæsaris

procurator et scriba.

94 *Et opem ab eo petierit.*] Jocus ex aubiguo. opem auxilium est, sed cum respectu ad Opis ædem, ubi pecunia a Cæsare deposita: in quibus et Antonii fraus extitit. v. Corrad. in Quæst., p. 375. ed. nostræ. repinas ad Opis etiam supra memoravit Cicero.

95 *Quod mihi suppeditatus es.*] Qui ejus loco mihi solveres, suscepto ejus nomine. Sic ed. Rom.

magna culpa vacillarunt. sed cum ipso videro. De Montano, ut sæpe ad te scripsi, erit tibi tota res curæ. Servius proficiscens, quod desperanter tecum locutus est, minime miror; neque ei quidquam in desperatione concedo. Brutus noster, singularis vir, si in senatum non est Kalend. Junii venturus, ⁹⁶ quid factururus sit in foro, nescio. sed hoc ipse melius. Ego ex his, quæ parari video, non multum Idibus Martiis profectum judico. itaque de Græcia quotidie magis et magis cogito. nec enim Bruto meo, exsilium, ut scribis ipse, meditati, video, quid prodesse possim. ⁹⁷ Leonidæ nunc litteræ non satis delectarunt. De Herode tibi assentior. Saufeii legisse vellem. Ego ex Pompeiano vi Idus Mai. cogitabam.

19

CICERO ATTICO S.

NON. Mai. cum essem in Pompeiano, accepi binas a te litteras, alteras sexto die, alteras quarto. ad superiores igitur prius. Quam mihi jucundum, opportune tibi ⁹⁸ Barnæum litteras reddidisse. Tu vero cum Cassio, ut cetera. ⁹⁹ quam commode autem, quod id ipsum, quod me mones, quadriduo ante ad eum scripseram, exemplumque mearum litterarum ad te miseram. sed cum ¹⁰⁰ Dolabellæ ἀρισία (sic enim tu ad me scripseras) magna desperatione affectus essem; ecce tibi et Bruti, et tuæ litteræ. ille exsilium meditari. nos autem alium portum propiorem huic ætati videbamus: in quem mallet equidem pervahi, florento Bruto nostro, constitutaque republica. sed nunc quidem, ut scribis, ¹ non utrum vis. assentiris enim mihi, nostram ætatem a castris, præsertim civilibus, abhorrere. Antonius ad me tantum ne Clodio rescripsit, meam lenitatem et clementiam et sibi esse gratam, et mihi voluptati magnæ fore. sed Pan-

⁹⁶ Quid f. sit in foro.] Apud populum concionando.

⁹⁷ Leonidæ - - Herode - - Saufeii.] Intellige litteras. de L. et H. dixit, ep. 16. Saufeius Epicureus Athenis: is de filio Cic. aliquid scripserat, vel optat Cicero, ut illo scripisset.

⁹⁸ Barnæum.] Sic jam ed. Rom. quod e libris scr. se dedisse dicit Bosius. In ed. Jens. factum Barnacum operarum lapsu facili.

⁹⁹ Quam commode autem.] Intelligendum, accidit, factum; sed ita debebat sequi ut. verum illud quod mihi suspectum est,

putoque delendum: ita erit quam commode id ipsum - - scripseram, i. e. percommode; quod vcnustius est vulgato, in quo bis est tam brevi intervallo quod. in ed. Rom. etiam est: ut cetera quam commode. Opportune autem, male.

¹⁰⁰ Dolabellæ ἀρισία.] Verbum insolens Græcis, et fortasse ab Attico factum jocose ad formam ἀρρίας. quod indicat istud, sic enim tu ad me scripseras. quidam addi volunt ex. non male. nam duo ablativi nudi durius concurrunt.

¹ Non utrum vis.] Non datur optio, sed necessario est faciendum alterutrum.

sa furere videtur ² de Clodio, itemque de Deiotaro; et loquitur severe, si velis credere. illud tamen non belle, ut mihi quidem videtur, quod factum Dolabellæ vehementer improbat. De coronatis, cum sororis tuæ filius a patre accusatus esset, rescripsit, se coronam habuisse honoris Cæsaris causa; posuisse luctus gratia: postremo, se libenter vituperationem subire, quod amaret etiam mortuum Cæsarem. Ad Dolabellam, quemadmodum tibi dicis placere, scripsi diligenter. ³ ego etiam ad Siccam tibi hoc oneris non impono. nolo te illum iratum habere. ⁴ Servii orationem cognosco: in qua plus timoris video, quam consilii. sed quoniam perterriti omnes sumus, assentior Servio. ⁵ Publius tecum tricatus est. huc enim Cærellia missa ab istis est legata ad me: cui facile persuasi, mihi id, quod roga- ret, ne licere quidem, non modo non lubere. Antonium si videro, accurate agam de Buthroto. Venio ad recentiores litteras; quamquam de ⁶ Servio jam rescripsi. ⁷ me facere magnam *παῦλιν* Dolabellæ. mihi mehercule ita videtur, ⁷ non potuisset major tali re, talique tempore. sed tamen, quid- quid ei tribuo, tribuo ex tuis litteris. tibi vero assentior, maiorem *παῦλιν* ejus fore, si mihi, quod debuit, dissolverit. Brutus, velim, sit Asturæ. Quod autem laudas me, quod nihil ante de profectioe constituam, quam, ista quo eva- sura sint, videro: muto sententiam. neque quidquam tamen ante, quam te videro. Atticam meam gratias mihi agere de matre gaudeo: cui quidem ego totam villam cellamque tradidi; eamque cogitabam v Idus videre. tu Atticæ salu- tem dices. nos Piliam diligenter tuebimur.

p. 235.
a.

CICERO ATTICO S.

20

E POMPEIANO navi advectus sum in Luculli nostri hospitium vi Idus, hora fere III; egressus autem e navi, accepi tuas litteras, quas tuus tabellarius in Cumanum attu-

² De Clodio -- de Deiotaro.] V. ep. 12.

³ Ego etiam ad Siccam.] Hoc non est e conjectura Lambini, ut Grævio visum. plane sic ed. Rom. Jens., &c. opinor, scripsit, ut Dolabellam de pecunia Cice- roni solvenda moveret.

⁴ Servii or. cognosco.] Non dictam in senatu, &c. sed qua apud te usum esse scripsisti. Sed corrigendum agnosco: cognosco sic non dicitur.

⁵ Publius tecum tr. est.] De filia

reducenda vel dote reddenda agens tecum, noluit clare eloqui mentem: illud magis placet propter sequentia, ne licere quidem, non modo non libere.

⁶ Me facere magnam *παῦλιν*. D.] Sc. di- cendo, verbis. nam alias esse deberet magni.

⁷ Non potuisset major.] Pro vulgato potuisse cum Junio et Grævio dedi, ut vole- bat legi etiam Gronovius.

lisse dicebatur, Nonis Mai. datas: a Lucullo postridie eadem fere hora, qua veni, vii Idus Lanuvio datas. audi igitur ad omnes. Primum, quæ de re mea gesta et in solutione, et in Albiano negotio, grata. De tuo autem Buthroto, cum in Pompeiano essem, Miscenum venit Antonius: inde ante discessit, quam illum venisse audissem: a quo in Samnium. vide, quid speres. Romæ igitur de Buthroto. L. Antonii horribilis concio, Dolabellæ præclara. jam vel sibi habeat numos, modo numeret Idibus. ⁸Tertullæ nolle abortum. tam enim Cassii sunt jam, quam Bruti scendi. De regina velim, atque etiam ⁹de Cæsare illo. Persolvi primæ epistolæ: venio ad secundam. De Quintis, Buthroto, cum venero, ut scribis. Quod Cicroni suppeditas, gratum. Quod errare me putas, qui reipublicam putem pendere e Bruto: sic se res habet. aut nulla erit, aut ab isto istisve servabitur. Quod me hortaris, ¹⁰ut scriptam concionem mittam; accipe a me, mi Attice, καθολικὸν δρώρημα earum rerum, in quibus satis exercitati sumus. Nemo umquam neque poeta, neque orator fuit, qui quemquam meliorem, quam se, arbitraretur. hoc etiam malis contingit.

b. quid tu Bruto putas, et ingenioso, et erudito? de quo etiam experti sumus nuper in edicto. ¹¹scripseram rogatu tuo. meum mihi placebat, illi suum. quin etiam, cum, ipsius precibus pæne adductus, scripsissem ad eum de optimo genere dicendi, non modo mihi, sed etiam tibi scripsit, sibi illud, quod mihi placeret, non probari. quare sine quæso sibi quemque scribere. *suam cuique sponsam, mihi meam; suum cuique amorem, mihi meum.* non scite. hoc enim Attilius, poeta durissimus. atque utinam liceat isti concionari! cui si esse in urbe tuto licebit, vicinus. ducem enim novi belli civilis aut nemo sequetur, aut ii sequentur, qui facile vincantur. Venio ad tertiam. Gratas fuisse meas litteras Bruto et Cassio gaudeo. itaque iis rescripsi. Quod Hirtium per me meliorem fieri volunt: do equidem operam; et ille optime loquitur: sed vivit habitatque cum Balbo, qui item bene loquitur. quid credas, videris. Dolabellam valde placere tibi video: mihi quidem egregie. Cum Pansa

8 Tertulla.] Cassii uxoris, ut e re patet, alias Junia Tertia.

9 De Cæsare illo.] Cæsaria et Cleopatra filio, quid actum sit, scire.

10 Ut scriptam concionem m.] Quam scripserat Bruto, ut ea uteretur, vel tamquam a Bruto habitam.

11 Scripseram rogatu tuo.] Ute o Bruto uteretur.

vixi in Pompeiano. is plane mihi probabat, se bene sentire, et cupere pacem. Causam armorum quæri plane video. Edictum Bruti et Cassii probo. Quæris, ut suscipiam cogitationem, quidnam istis agendum putem: consilia temporum sunt; quæ in horas commutari vides. Dolabellæ et prima illa actio, et hæc contra Antonium concio mihi profecisse permultum videtur. prorsus ibat res. nunc autem videmur habituri ducem: quod unum municipia, bonique desiderant. Epicuri mentionem facis, et audes dicere, μή πολιτεύεσθαι? non te Bruti nostri vulticulus ab ista oratione deterret? Quintus filius, ut scribis, Antonii est dextella. per eum igitur, quod volumus, facile auferemus. exspecto, si, ut putas, L. Antonius produxit Octavium, qualis concio fuerit. Hæc scripsi citatim. statim enim Cassii tabellarius. eram continuo Piliam salutaturus: deinde ¹²ad epulas Vestorii navicula. Atticæ plurimam salutem.

p. 236.

a.

CICERO ATTICO S.

21

CUM paullo ante dedissem ad te Cassii tabellario litteras, v Idus venit noster tabellarius, et quidem, portenti simile, sine tuis litteris. sed cito conjeci, Lanuvii te fuisse. Eros autem festinavit, ut ad me litteræ Dolabellæ perferrentur, non de re mea, (nondum enim meas acceperat,) sed rescripsit ad eas, quarum exemplum tibi miseram, sane luculentæ. Ad me autem, cum Cassii tabellarium dimissem, statim Balbus. o dii boni, quam facile perspiceres timere otium! et nosti virum, quam tectus: sed tamen Antonii consilia narrabat: illum circumire veteranos, ut acta Cæsaris sancirent, idque se facturos esse jurarent, ut rata omnes haberent: ¹³eaque duumviri omnibus mensibus inspicrent. questus est etiam de sua invidia; eaque omnis ejus oratio fuit, ut amare videretur Antonium. Quid quæris? nihil sinceri. mihi autem non est dubium, quin res spectet ad castra. acta enim illa res est animo virili, ¹⁴consilio puerili. quis enim hoc non vidit, regni heredem relictum? quid autem absurdius, *hoc metuere, alterum in metu*

¹² Ad ep. Vestorii navicula.] Sc. Pu-
teolos.

¹³ Eaque duumviri, &c.] Hos duum-
viros intelligere municipiorum, stultum
sit, et ita tamen interpretes omnes. Si
vera est lectio, intelligendi sunt magistra-

tus extra ordinem constituti, qui hanc cu-
ram haberent. Sed nil hic certi est.

¹⁴ Consilio puerili.] Non spectando
futurum, et periculum ab Antonio, si
illum non una tollerent. ad eum pertinet
regni heres.

non ponere? quin etiam hoc ipso tempore multa ὑποδόλαια. Pontii Neapolitanum a matre tyrannoctoni possideri? legendus mihi sæpius est Cato major, ad te missus. Amariorem enim me senectus facit. stomachor omnia. sed mihi quidem βεβιωται. viderint juvenes. tu mea curabis, ut curas. Hæc scripsi, seu dictavi, apposita secunda mensa, apud Vestorium. postridie apud Hirtium cogitabam: et quidem πεντέλοιπον. sic hominem traducere ad optimates paro. λήρος πολύς. nemo est istorum, qui otium non timeat. quare talaria videamus. quidvis enim potius quam castra. Atticæ salutem plurimam velim dicas. Exspecto Octavii concionem, et, si quid aliud; maxime autem, cequid Dolabella tinniat: an in meo nomine tabulas novas fecerit.

22

CICERO ATTICO S.

CERTIOR a Pilia factus, mitti ad te Idibus tabellarios, statim hoc nescio quid exaravi. Primum igitur scire te volui, me hinc Arpinum xvi Kalend. Jun. eo igitur mittes, si quid crit posthac: quamquam ipse jam jamque adero. cupio enim ante, quam Romam venio, odorari diligentius, quid futurum sit. quamquam vercor, ne nihil conjectura aberrem. minime enim obscurum est, quid isti moliantur, ¹⁵(meus vero discipulus, qui hodie apud me cenat, valde amat illum, quem Brutus noster sauciavit,) et, si quæris, (perspexi enim plane,) timent otium: ὑπόθεσιν autem hanc habent, eamque præ se ferunt, virum clarissimum interfectum, totam rempublicam illius interitu perturbatam: irrita fore, quæ ille egisset, ¹⁶simul ac desistemus timere: clementiam illi malo fuisse; qua si usus non esset, nihil ei tale accidere potuisse. Mihi autem venit in mentem, si Pompeius cum exercitu firmo veniat, quod est εὐλογον, certo fore bellum. hæc me species cogitatioque perturbat. ¹⁷neque enim, quod tibi tum licuit, nobis nunc licbit. nam aperte lætati sumus. deinde habent in ore, nos ingratos. nullo modo licebit, quod tum et tibi licuit, et multis. φαινο-
 p. 237. ^aπροσωπήτειον ergo, et ἱερόν in castra? millicies mori melius, huic præsertim ætati. itaque me Idus Mart. non tam consolant-

¹⁵ Meus v. discipulus.] Hirtius, v. supra ad ep. 12. illum quem, &c. Cæsarem. quia Brutus primus percussit.

¹⁶ Simul ac desistemus.] Faernus corrigebat desisteremus, probante Ursino.

bene. melius etiam desistamus.

¹⁷ Neque enim jam.] Est c. Victorii correctione. edd. pr. ne gemam. jam locum certe non habet, quia mox, nunc est: idque adeo delevi.

tur, quam antea. magnum enim mendum continent. etsi illi juvenes

Ἄλλοις ἐν ἑσθλοῖς τὸνδ' ἀποθοῦνται ψόγον.

Sed, si tu melius quippiam speras, quod et plura audis, et interes consiliis, scribas ad me velim, simulque cogites, quid agendum nobis sit super legatione votiva. equidem in his locis moncor a multis, ne in senatu Kalendis. dicuntur enim occulte milites ad eam diem comparati, et quidem in istos; qui mihi videntur ubivis tutius, quam in senatu, fore.

M. TULLII CICERONIS
EPISTOLARUM

AD

ATTICUM

LIBER XV.

ARGUMENTUM.

Non valde differens est libri hujus argumentum a superioris sententia. Scriptae enim epistolae omnes sunt, cum adhuc Romae negotia tumerent, Antoniusque et Octavius ita omnia miscerent, ut, quavis neque plane bellum, neque pax esset, appareret tamen, rem ad arma deductum iri. Quo quidem tempore Cicero sibi timens, simulque filium, Athenis philosophiae operam dantem, cupiens invisere; cum jus liberae legationis a Dolabella, non autem provincialis, nempe Syriae, ut Plutarcho placet, haberet, (id enim ex his epistolis ac Philippica prima cognoscitur,) iter cepit in Graeciam, eo consilio, ut Kal. Jun. adesset, quod initium cogendi senatus fore, Hirtio et Pansa consulatum ineuntibus, videbatur. Dum spes vero aliqua meliorum rerum fuit, Brutusque et Cassius praetores urbani, quibus maxime recuperandae reip. ratio nitbatur, si non Romae, in proximis tamen locis, manebant; perque litteras et edicta cum Antonio populoque agebant: nusquam ille pedem. Cedentibus autem illis, et ipse consilium cepit abeundi. Haec illorum temporum historia est. Privatum tamen in his epistolis plura continentur, quae persequi longum esset. Scriptae sunt ex ante xvi Kalend. Jan. ad Non. Quinti.

CICERO ATTICO S.

O FACTUM male de Alexione! incredibile est, quanta me molestia affecerit: nec mehercule ex ea parte maxime,

quod plerique mecum: ad quem igitur te medicum conferes? quid mihi jam medico? aut si opus est, tanta inopia est? amorem erga me, humanitatem, suavitatemque desidero. etiam illud: quid est, quod non pertimescendum sit; cum hominem temperantem, summum medicum, tantus
 b. improvise morbus oppresserit? sed ad hæc omnia una consolatio est, quod ea conditione nati sumus, ut nihil, quod homini accidere possit, recusare debeamus. De Antonio jam antea tibi scripsi, non esse eum a me conventum. venit enim Misenum, cum ego essem in Pompeiano: inde ante profectus est, quam ego cum venisse cognovi. sed casu, cum legerem tuas litteras, Hirtius erat apud me in Puteolano: ¹ ei legi, et egi. primum quod attinet, nihil mihi concedebat: deinde ² ad summam, arbitrum me statuebat non modo hujus rei, sed totius consulatus sui. Cum Antonio autem sic agemus, ut perspiciat, si in eo negotio nobis satisfecerit, totum me futurum suum. Dolabellam spero ³ domi esse. Redeamus ad nostros: de quibus tu bonam spem te significas habere propter edictorum humanitatem. ego autem perspexi, cum a me xvii Kal. de Puteolano Neapolim, Pansæ conveniendi causa, proficisceretur Hirtius, omnem ejus sensum. seduxi enim, et ad pacem sum cohortatus. non poterat scilicet negare, se velle pacem; sed non minus se nostrorum arma tinere, quam Antonii: et tamen utrosque ⁴ non sine causa præsidium habere; se autem utraque arma metuere. quid quæris? οὐδὲν ὑγίει. De Q. filio tibi assentior: patri quidem certe gratissimæ ⁵ et bellissimæ tuæ litteræ fuerunt. ⁶ Cærelliæ vero facile satisfeci: nec valde laborare mihi visa est: et, si illa, ego certe non laborarem. ⁷ istam vero, quam tibi molestam scribis esse, auditam a te esse, omnino demiror. nam quod eam collaudavi apud amicos, audientibus tribus filiis ejus et

¹ *Ei legi, et egi.*] Cum eo de iis, quæ scripseras; primum, omnes libri sine ad. intelligit sine dubio causam Ruthrotiam.

² *Ad summam.*] Sic ed. Rom. recte. altera lectio *ad summum* est a Jenson. v. Clav.

³ *Domi esse.*] I. Romæ. nostros Brutum, Cassium, &c. iis contrarius Antonius cum suis, ut mox.

⁴ *Non sine causa præsidium habere.*] Nempe rogarant senatum et Antonius, et Brutus, &c. ut esse possent cum præsidio

militem, quod sibi tutia vi non viderentur. hunc metum non vanum esse dixit Hirtius.

⁵ *Et bellissima.*] Edd. pr. *belle*.

⁶ *Cærelliæ.*] Agenti, ut videtur, pro Publilia in matrimonium recipienda.

⁷ *Istam vero.*] Aliam femineam dicit, ut putant, matrem Publiliæ, quæ idem vehementius egerat apud Atticum, et scipius. eam, Publiliam, opinor. in *filiu* edd. pr. addunt *tua*, certo Publiliæ filia esse non potest. filii vero matris Publiliæ esse possunt.

filia; ⁹οὐ τὰυτό ἐκ τοῦ αὐτοῦ. ⁹quid est hoc? quid est autem, cur ego personatus ambulem? parumne foeda persona est ipsius senectutis? Quod Brutus rogat, ut ante Kalendas; ad me quoque scripsit: et fortasse faciam. sed plane, quid velit, nescio. quid enim illi afferre consilii possum, cum ipse egeam consilio? et cum ille suæ immortalitati melius, quam nostro otio, consuluerit? De regina, rumor exstinguetur. De Flamma, obsecro te, si quid potes. ¹⁰Heredederam ad te litteras exiens e Putcolano, diverteramque in Cumanum. ibi ¹¹bene valentem videram Piliam. ¹²quin etiam paullo post Cumis eam vidi. venerat enim in funus: cui funeri ego quoque operam dedi. Cn. Lucullus, familiaris noster, matrem efferebat. mansi igitur eo die in Sinuessano: atque inde mane postridie Arpinum proficiscens, hanc epistolam exaravi. erat autem nihil novi, quod aut scriberem, aut ex te quærerem; nisi forte hoc ad rem putas pertinere: Brutus noster misit ad me orationem suam, ¹³habitam in concione Capitolina; petivitque a me, ut eam nec ambitiose corrigerem ante, quam ederet. est autem oratio scripta elegantissime sententiis, verbis, ut nihil possit ultra. ego tamen, si illam causam habuissem, ¹⁴scripsissem ardentius. *ὑπόθεσις*, vides, quæ sit persona dicentis. itaque eam corrigere non potui. quo enim in genere Brutus noster esse vult, et quod iudicium habet de optimo genere dicendi, id ita consecutus est in ea oratione, ut elegantius esse nihil possit. ¹⁵sed ego solus alius sum; sive hoc recte, sive non recte. tu tamen velim orationem legas, nisi forte jam legisti, certio remque me facias, quid iudices ipse. quamquam ve reor, ne cognomine tuo lapsus, ¹⁶*ὑπερπαικὸς* sis in iudicando.

p. 238.
a.

8 Οὐ τὰυτό ε. τ. α.] Non idem semper dicimus, sed temporibus servimus.

9 Quid est hoc? Est Attici, obicientis inconstantiam, eandem alio tempore laudantis, alio vituperantis. respondet, se non posse semper simulare, quod non sentiat.

10 Heri.] Hic esse initium novæ epistolæ, et alii viderunt, et patet e fine epistolæ, brevioris epistolæ esse.

11 Pene valentem.] Edd. pr. pene. pro quo bene legendum recte putarunt quidam viri docti, Corradus, Malasp.

12 Quin etiam Baulos Cumis eam vidi.] Hoc est e Bosii conjectura, non bona. edd. pr. habent q. e. paullo clam iis. fecerim paullo post Cumis e. v.

13 Habitam in concione Capit.] V. XIV, 10.

14 Scripsissem ardentius *ὑπόθεσις*.] Sic vulgati hodie; quod verum non est. nam est una tantum orationis hypothesis, atque in ed. Rom. est *ὑπόθεσις*, quod reposui, mutata interpunctione. nam *ὑπόθ.* non potest ad scripsissem pertinere, nil enim differt a causa. Top. 21.

15 Sed ego solus alius sum.] Solus manifeste vitiosum est. Viri docti corrigunt totus. non male. fortasse scilicet scripsit, e cuius compendio scil. factum solus. Supra dixit Cicero, Bruto orationem suam non placere.

16 ὑπερπαικὸς sis.] Scil. secundum eam

sed si recordabere *Δημοσθένους* fulmina, tum intelliges, posse et *ἄττικώτατα* gravissime dici. sed hæc coram. nunc nec sine epistola, nec cum inani epistola volui ad te Metrodorum venire.

2

CICERO ATTICO S.

- b. QUINTO decimo Kalend. c Sinuessano proficiscens, cum dedissem ad te litteras, divertissemque a Cumis, in Vesciano accepi a tabellario tuas litteras; in quibus nimis multa de Buthroto. ¹⁷ non enim tibi ea res majori curæ aut est, aut erit, quam mihi. sic enim decet, te mea curare, tua me. quamobrem id quidem sic susceptum est mihi, ut nihil sim habiturus antiquius. L. Antonium concionatum esse, cognovi tuis litteris et aliis, sordide: sed, id quale fuerit, nescio. nihil enim scripsisti. ¹⁸ De Menedemo, probe. Quintus certe ea dictitat, quæ scribis. Consilium meum a te probari, quod ea non scribam, ¹⁹ quæ tu a me postularis, facile patior: multoque magis id probabis, si ²⁰ orationem eam, de qua hodie ad te scripsi, legeris. ²¹ Quæ de legionibus scribis, ea vera sunt. sed non satis hoc mihi videris tibi persuasisse, quid de Buthrotiis nostris per senatum speres ²² confici posse, quod puto: tantum enim video, non videmur esse victuri. sed, si etiam nos hoc fallat, de Buthroto te non fallat. De Octavii concione idem sentio, quod tu: ludorumque ejus apparatus, et Matus ac Postumius mihi ²³ procuratores non placent. ²⁴ Saserna collega dignus. sed isti omnes, quemadmodum sentis, non minus otium timent, quam nos arma. Balbum levare invidia per nos velim: sed ne ipse quidem id fieri posse confidit. itaque alia cogitat. Quod prima disputatio Tusculana ²⁵ te confirmat, sane gaudeo. neque enim ullum est periculum aut

opinionem, quæ tum erat vulgo de genere attico scribendi, quam refellit Cicero pluribus locis, v. c. or. 18.

17 Non enim.] Enim refertur ad nimis multa.

18 De Menedemo, probe.] Hæc formula in his epistolis est: gratum est, quod Menedemo scribis accidisse, aut enim fecisse: convenit hoc loco de eadem re ep. 4. *vellem verum fuisset*. quid sit, ignoramus.

19 Quæ tu a me postularis.] Historias sui temporis, XIV, 14.

20 Orationem eam, de qua hodie ad te s.] Bruti, ep. superiori.

21 Quæ de legionibus.] Ab Antonio e Macedonia in Italiam vocatis. v. ad Div. XII, 23.

22 Confici posse; quod puto.] Hæc sunt conjungenda, ut feci. patet etiam e seqq. *quod puto*, sc. futurum, ut et factum est. *tantum enim v.* Gronovius corripbat: *quantum video*.

23 Procuratores.] Ludorum sc. Octavii, quos Victoriæ Caesaris fecit.

24 Saserna collega dignus.] In procuratione ludorum.

25 Te confirmat.] Adversus timorem mortis.

melius, aut paratius. Flamma²⁶ quod bene loquitur, non moleste fero. Tyndaritanorum causa,²⁷ de qua tam laboras, quæ sit, ignoro. hos tamen. πεντέλοιπον movere ista videntur, in primis erogatio pecuniæ. De Alexione doleo; p. 239.
sed, quoniam inciderat in ita gravem morbum, bene actum cum illo arbitror. quos tamen secundos heredes, scire vellem, et diem testamenti.

CICERO ATTICO S.

3

UNDECIMO Kalend. accepi in Atinati duas epistolas tuas; quibus duabus meis respondisti. una erat xv Kal. altera xii data. ad superiorem igitur prius. Accurres in Tusculanum, ut scribis, quo me vi Kal. venturum arbitrabar. Quod scribis parendum victoribus; non mihi quidem,²⁸ cui sunt multa potiora. nam illa, quæ recordaris,²⁹ Lentulo et Marcello consulibus acta in æde Apollinis;³⁰ nec causa eadem est, nec simile tempus, præsertim cum Marcellum scribas aliosque discedere. erit igitur nobis³¹ coram odorandum et constituendum, tutone Romæ esse possimus.³² novi conventus habitatores sane movent. in magnis enim versamur angustiis.³³ sed sunt ista parvi. quin et majora contemnimus. Calvæ testamentum cognovi, hominis turpis ac sordidi.³⁴ Tabula Demonici quod tibi curæ est, gratum.³⁵ De Mario scripsi jam pridem ad Do-

26 Q. bene loquitur.] I. e. promittit, se pecuniam soluturum, pro qua sponderat Montanus: de quo supra.

27 De qua tam laboras.] Sic cum Grævio e Mss. ejus correxi vulgatum de qua causa laborat. tam est et in ed. Rom. hos tamen, nemo hoc intelligit: nec ego, ut alia abrupta in his epistolis: in quibus nec laborandum est.

28 Cui sunt multa potiora.] Libertas se. honestas et dignitas, quæ non est in servitute, immo exsilium, mors. nam illa, q. r. quod ad illa attinet, quæ e superiori tempore commemoras, non valent.

29 I. et M. Coss. acta.] Scitum, ut omnes boni cives Romam concurrerent, viderentque Coss. ne quid detrimenti capiat resp. initio belli civilis.

30 Nec causa eadem est, nec simile tempus.] Tum agebatur de jure Cæsaris e lege populi, ut absens consul creari posset: nunc agitur de ipsa libertate, quam creptum eunt Cæsariani: et tum meliora tempora erant, nullum periculum capitis: tunc nulla securitas est Romæ nobis.

31 Coram odorandum.] Hoc est e cod. Germanico in ed. Crat. notatum in margine, in textum receptum a P. Manutio. ante erat cura moderandum: non bene.

32 Novi conv. - in magnis enim, &c.] Videri hæc possunt permutata et translocata. novus conventus, hæc enim conjungenda puto, nam conventus simpliciter sic non dicitur: erat novus, quia jam civibus Rom. constabat, quos Antonius eo deduxerat. movent est vel turbare incipiunt, movent se; vel me movent, quod in ed. Rom. Asc. Ald. additur me. ita erit, temporem mihi faciunt. ed. Jens. an me movent?

33 Sed sunt ista parvi.] Dedi sunt ex ed. Rom. pro sint, quod est a P. Manutio: id sequentibus, quin et majora contemnimus, melius convenit. ed. Jens. Asc. Ald. habent: sed si ista parvi pendimus, certe et majora contemnimus, inepta sententia, nisi deleas si.

34 Tabula Demonici.] Int. de auctione alicujus obscuri hominis Demonici. Manutius conjecit de tabula, quod mihi placet.

35 De Mario.] Opinor eo, ad quem

labellam accuratissime: modo redditæ litteræ sint. ejus causa et cupio, et debeo. Venio ad propiorem. Cognovi de Alexione, quæ desiderabam. Hirtius est tuus. Antonio, quam est, volo pejus esse. ³⁶ De Q. filio, ut scribis, de patre coram agemus. Brutum omni re, qua possum, cupio juvare: ³⁷ cujus de oratiuncula idem te, quod me, sentire video. sed parum intelligo, ³⁸ quid me velis scribere, quasi
 b. a Bruto habita oratione; cum ille ediderit. qui tandem convenit? an sic, ut in tyrannum jure optimo cæsum? multa dicentur, multa scribentur a nobis; sed alio modo et tempore. ³⁹ De sella Cæsaris, bene tribuni. ⁴⁰ præclaros etiam XIV ordines. Brutum apud me fuisse gaudeo: modo et libenter fuerit, et sat diu.

4

CICERO ATTICO S.

DECIMO Kalend. hora IIX fere, a Q. Fufio venit tabellarius, nescio quid ab eo litterularum, uti me sibi restituerem: sane insulse, ut solet: nisi forte, quæ non ames, omnia videntur insulse fieri. scripsi ita, ut te probaturum existimem. mihi duas a te epistolas reddidit, unam XI, alteram X. ad recentiore prius. ⁴¹ Et legio? rem laudo. ⁴² si vero etiam Carfulenus: ἀνω ποταμῶν. Antonii consilia naras turbulenta: atque utinam potius per populum agat, quam per senatum! quod quidem ita credo. sed mihi totum ejus consilium ad bellum spectare videtur, si quidem D. Bruto provincia eripitur. quoquo modo ego de illius nervis existimo, non videtur fieri posse sine bello. sed non cupio; quoniam cavetur Buthrotiis. rides? ast condoleo, non mea potius assiduitate, diligentia, gratia perfici. Quod

est ep. 1. L. VII. eum Dolabellæ commendavit.

³⁶ De Q. f. ut scribis.] Sic edd. pr. vel quod scribis, et fere addunt ad me: quod recte deletum est: sed recentiores e vitiosa et obscura scriptura Mss. addidere pro ad me, ἰδιὰς, J. Gronovius αἰὰς. Atticus scripserat de Q. filio. Cicero probat ejus judicium. Igitur delovi ista additamenta.

³⁷ Cujus de oratiuncula.] Nempe illa Capitolina ep. 1.

³⁸ Quid me v. scribere, quasi a B. habita oratione.] Quare tu velis a me scribi orationem sub nomine Bruti, in Capitolio dictam; cum ipse ediderit. J. F. Gron. corrigebat habitum orationem. bene. de eadem re mox iterum est.

³⁹ De sella Cæsaris.] Aurea, quæ ei in Curia, &c. poneretur, (Suet. Cæs. c. 76.) quam tribuni pl. velarunt poni etiam in spectaculis.

⁴⁰ Præclaros XIV ordines.] Equites, qui in theatro aliquid fecerant, vel plaudendo, vel contra, quo studium in remp. significaverant.

⁴¹ Et legio?] Varie hic locus legitur: nec aliquid hio certi est. Forte De legione, quæ scil. ab Antonio ad Octavium transierat.

⁴² Si vero etiam Carfulenus.] Sc. ab Antonio ad Cæsarem Octavium transiit. ἀνω ποτ. tum vero omnia sient; flumina etiam retro ibunt.

scribis te nescire, quid nostris faciendum sit : jam pridem me illa ἀπορία sollicitat. itaque stulta jam Iduum Martiarum est consolatio. animis enim usi sumus virilibus; consiliiis, mihi crede, puerilibus. excisa enim est arbor, non evulsa. itaque, quam fruticetur, vides. ⁴³redeamus igitur, quoniam sæpe usurpas, ad Tusculanas disputationes. Saufeium per te celemus. ego numquam indicabo. ⁴⁴Quod te a Bruto scribis; ut certior fieret, quo die in Tusculanum essem futurus: ut ad te ante scripsi, vi Kal. et quidem ibi te p. 240.,
a. quam primum per videre velim. puto enim nobis Lanuvium eundum, et quidem non sine multo sermone. sed μελήσει. Redeo ad superiorem: ex qua prætereo illa prima de Buthroitiis; quæ mihi sunt inclusa medullis; sit modo, ut scribis, locus agendi. De oratione Bruti, prorsus contendis, cum iterum tam multis verbis agis. egone ut eam causam, quam is scripsit? ego scribam non rogatus ab eo? nulla παρεγγείρησις fieri potest contumeliosior. at, inquis, Ἡρακλείδιον aliquod. non recuso id quidem; sed et componendum argumentum est, et scribendi exspectandum tempus maturius. licet enim de me, ut libet, existimes (velim quidem quam optime); ⁴⁵si hæc ita manent, ut videntur, (feres, quod dicam,) me Idus Martiæ non delectant. ⁴⁶ille enim numquam revertisset: nos timor confirmare ejus acta non coegisset: aut, (ut in Saufei cam, relinquamque Tusculanas disputationes, ad quas tu etiam Vestorium hortaris,) ita gratiosi eramus apud illum, quem dii mortuum perdunt! ut ⁴⁷nostræ ætati, quoniam interfecto domino liberi non sumus, non fuerit dominus ille fugiendus. rubeo, mihi crede. sed jam scripseram; delere nolui. De Menedemo, vellem verum fuisset. De regina, velim verum sit. Cetera coram, et maxime, quid nostris faciendum sit; quid etiam nobis, si Antonius militibus obsessurus est senatum. Hanc epistolam si illius tabellario dedissem, veritus sum, ne solveret. itaque misi dedita opera. erat enim rescribendum tuis.

⁴³ *Redeamus ad Tusc. disp.*] I. e. contemnamus mortem, secundum Tusc. 1. Sed id celabimus, si tibi placet, Saufeium, Epicureum, qui mortem malum putat, ut Epicureus. pro per te Tunstallus, p. 177, scribit propter te.

⁴⁴ *Q. te a Br. scribis.*] Int. rogatum. Sed hæc ellipsis durior videtur. Grævius malebat, *Quod de Bruto scribis.*

⁴⁵ *Si hæc ita manent.*] Sic edidit bene Grævius e Mss. suis. cum ante esset *manant*, ut habet ed. Jens. ipse putabat scribendum *maneant*: sic plane est in ed. Rom. *manent* tamen mihi magis placet.

⁴⁶ *Ille enim numquam revertisset.*] E bello Parthico, ad quod abire cogitabat.

⁴⁷ *Nostræ ætati.*] Qui senes jam sumus.

Quam vellem, Bruto studium tuum navare potuisses! ego igitur ad eum litteras. Ad Dolabellam Tironem misi cum mandatis et litteris. eum ad te vocabis; et, si quid habebis, b. quod placeat, scribes. Ecce autem de transverso L. Cæsar, ut veniam ad se, rogat, in Nemus; aut scribam, quo se venire velim: Bruto enim placere, se a me conveniri. o rem odiosam et inexplicabilem! puto me ergo iturum, et inde Romam; nisi quid mutaro. Summatim adhuc ad te. nihildum enim a Balbo. tuas igitur exspecto, nec actorum solum, sed etiam futurorum.

5

CICERO ATTICO S.

A BRUTO tabellarius rediit: attulit et ab eo, et Cassio. consilium meum magnopere exquirunt: Brutus quidem, ⁴⁸ utrum de duobus. o rem miseram! plane non habeo, ⁴⁹ quod scribam. itaque silentio puto me usurum; nisi quid aliud tibi videtur. sin tibi quid venit in mentem, scribe quæso. Cassius vero vehementer orat ac petit, ut Hirtium c. quam optimum faciam. sanum putas? ὁ γναφεὺς ἀνδρακένος. epistolam tibi misi. Ut tu de provincia Bruti et Cassii per senatus consultum, ita scribit et Balbus et Hirtius: qui quidem, sc actutum. etenim jam in Tusculano est: mihique, ut absim, vehementer auctor est: et ille quidem periculi causa; quod sibi etiam fuisse dicit: ego autem, etiam ut nullum periculum sit: tantum abest, ut Antonii suspicionem fugere nunc curem, ne videar ejus secundis rebus non delectari, ut mihi causa sit, cur Romam venire nolim, ne illum vedeam. Varro autem noster ad me epistolam misit, sibi a nescio quo missam, (nomen enim dele- rat,) in qua scriptum erat, veteranos eos, qui rejiciantur, (nam partem esse dimissam,) improbissime loqui; ut magno periculo Romæ sint futuri, qui ab eorum partibus dissen- tire videantur. qui porro noster itus, relictus, vultus, inces- sus inter istos? quod si, ut scribis, L. Antonius in Deci- mum, reliqui in nostros; ego quid faciam? aut quo me p. 241. pacto geram? Mihi vero deliberatum est, ut nunc quidem a. est, abesse ex ea urbe, in qua non modo florui cum summa, verum etiam servivi cum aliqua dignitate. nec tam statui ex Italia exire, de quo tecum deliberabo, quam istuc non venire.

48 Utrum de duobus.] Consiliis se-
quatur: Romæ sit, an extra urbem.

49 Quod scribam.] Sic recte ed. Rom.
non quid, ut ceteræ inde a Jensonio.

CICERO ATTICO S.

6

CUM ad me Brutus noster scripsisset et Cassius, ut Hirtium, quem adhuc bonum fuisse sciebant, neque eum confidebant fore, mea auctoritate meliorem facerem, (Antonio est enim fortasse iratior, causæ vero amicissimus,) tamen ad eum scripsi, eique dignitatem Bruti et Cassii commendavi. ille quid mihi rescripsisset, scire te volui; si forte idem tu, quod ego, existimares, istos etiam nunc vereri, ne forte ipsi nostri plus animi habeant, quam habent.

HIRTIIUS CICERONI SUO S.

RURE jam redierim, quæris. an ego, cum omnes caleant, ignaviter aliquid faciam? etiam ex urbe sum profectus. utilius enim ⁵⁰ statui abesse. has tibi litteras exiens in Tusculanum scripsi, noli autem me tam strenuum putare, ut ad Nonas recurram. nihil enim jam video opus esse nostra cura: quoniam præsidia sunt in tot annos provisa. Brutus et Cassius utinam, quam facile a te de me impetrare possunt, ita per te exorentur, ne quod calidius ineant consilium! cedentes enim hæc ais scripsisse: quo? aut quare? retine, obsecro te, Cicero, illos: et noli sinere hæc omnia perire, quæ funditus medius fidius rapinis, incendiis, cædibus pervertuntur. tantum, si quid timent, caveant: nihil præterea moliantur. Non mediusfidius acerrimis consiliis plus, quam etiam inertissimis, dummodo diligentibus, consequentur. hæc enim, quæ fluunt, per se diuturna non sunt; ⁵¹ in contentione præsentis ad nocendum habent vires. quid speres de illis, in Tusculanum ad me scribe.

Habes Hirtii epistolam: cui rescripsi, nil illos calidius ^{b.} cogitare, idque confirmavi. hoc quaecumque esset, te scire volui. Obsignata jam epistola, Balbus ad me, Serviliam rediisse, confirmare non discessuros. nunc exspecto a te litteras.

CICERO ATTICO S.

7

GRATUM, quod mihi epistolas: quæ quidem me delectarunt, in primis ⁵² Sexti nostri. dices, quia te laudat?

50 Statui abesse.] Tunstallus, p. 19. nerit, valde illa mala nocebunt. lectio est corrupta e vestigiis edd. vet. in quibus est ambigua. præsentis edd. pr. nisi quod ed. illius enim statim odi abessem, ut Rom. Jens. etiam contentiones. alia, ut et Gravii. Asc. Ald. statim hodie abessem. præsentis. Locus mihi videtur vitiosus.

51 In contentione præsentis - - vires.] Sensus patet: si res ad contentionem ve-

52 Sexti nostri.] Peducæi.

puto mohercule id quoque esse causæ: sed tamen etiam ante, quam ad eum locum veni, valde mihi placebat, cum sensus ejus de republica, tum scribendi cura. ⁵³ Servius vero pacificator cum librariolo suo videtur obiisse legationem, et omnes captiunculas pertimescere. debuerat autem, non ex jure manu consertum; sed quæ sequuntur. Tu quoque scribes.

8

CICERO ATTICO S.

POST tuum discessum binas a Balbo; nihil novi: itemque ab Hirtio; qui se scribit vehementer ⁵⁴ offensum esse veteranis. exspectat animus, quidnam agam ⁵⁵ de Kalend. Martiis. nisi igitur Tironem, et cum Tirone plures, quibus singulis, ut quidque accidisset, dares litteras: atque etiam scripsi ad Antonium ⁵⁶ de legatione: ne, si ad Dolabellam solum scripsissem, iracundus homo commoveretur. quod autem aditus ad eum difficilior esse dicitur; scripsi ad Eutrapelum, ut is ei meas litteras redderet, legatione mihi opus esse. honestior est votiva: sed licet uti utraque. ⁵⁷ De te, quæso, etiam atque etiam vide. velim possis coram: si minus-possis, litteris idem consequemur. Græceius ad me scripsit, C. Cassium sibi scripsisse, homines comparari, qui armati in Tusculanum mitterentur. id quidem mihi non videbatur; sed cavendum tamen, villæque plures videndæ. sed aliquid crastinus dies ad cogitandum nobis de ea re.

9

CICERO ATTICO S.

TERTIO Nonas vesperi a Balbo redditæ mihi litteræ, fore Nonis senatum, ut Brutus in Asia, Cassius in Sicilia
 p. 242. frumentum emendum, et ad urbem mittendum curarent. o
 a. rem miseram! primum ullam ⁵⁸ ab istis, dein, si aliquam, hanc legatoriam provinciam? atque haud scio, an melius sit, ⁵⁹ quam ad Eurotam sedere. sed hæc casus gubernabit.

⁵³ Servius.] Qui studet pacem componere, proficiscitur velut legatus ad omnes, ut dissidia conditionibus componat, utiturque in eo librario suo, qui scribat ea, quæ composita sunt. sed res non jam conditionibus et jure, sed armis dirimenda est.

⁵⁴ Offensum esse veteranis.] V. ep. 5.

⁵⁵ De Kal. Martiis.] Non esse genium Martiis, consentiunt. nam ex Kal. dudum præterierant. res obsonra est. sed deleverim.

⁵⁶ De legatione.] Mihi decernenda li-

bera vel votiva.

⁵⁷ De te.] Tu quid sis acturus.

⁵⁸ Ab istis.] Ab Antonio et sodalibus ejus accipient provincias, quas dudum a Cæsare habent: et eam non ut magistratus; sed ut legati. Lambinus placebat *relegatoriam*. Vulgatum verum est; nam et in epist. sequente hoc munus legatio appellatur, ut bene Grævius vidit.

⁵⁹ Quam ad Eurotam sedere.] Otiari et nihil agere. V. Clav. Ind. Geogr. in Eurotas.

ait autem, eodem tempore decretum iri, ut iis et reliquis prætoriiis provinciæ decernantur. hoc certe melius, ⁶⁰ quam illa Persice porticus. ⁶¹ nolo enim Lacedæmonem longinquam; Lanuvium existimavi. rides, inquires, in talibus rebus? quid faciam? plorando fessus sum. Dii immortales! quam me conturbatum tenuit epistolæ tuæ prior pagina? quid autem iste in domo tua casus armorum? sed hunc quidem nimbum cito transiisse lætor. tu quid egeris tua cum tristi, tum etiam difficili ad consiliandum ⁶² legatione, vehementer exspecto. est enim inexplicabilis. ita circumsedemur copiis omnibus. Me quidem Bruti litteræ, quas ostendis a te lectas. ita perturbant, ut, quamquam ante egebam consilio, tamen animi dolore sim tardior. sed plura, cum ista cognoro. hoc autem tempore, quod scriberem, nihil erat, eoque minus, quod dubitabam, tu has ipsas litteras esse accepturus. erat enim incertum, visurusne te esset tabellarius. ego tuas litteras vehementer exspecto.

CICERO ATTICO S.

10

O BRUTI amanter scriptas litteras! o iniquum tuum tempus, qui ad eum ire non possis! ego autem quid scribam? ⁶³ ut beneficio istorum utantur? quid turpius? ut moliantur aliquid? nec audent, nec jam possunt. age, quiescant auctoribus nobis? quis ⁶⁴ incolumitatem præstat? ⁶⁵ si vero aliquid de Decimo gravius; ⁶⁶ quæ nostris vita, etiamsi nemo molestus sit? ⁶⁷ ludos vero non facere, quid

60 *Quam illa Persice porticus.*] In Lanuvina villa Bruti, ubi illo erat tum. Persice dicta est ab illa Persice Lacedæmonia, structa e manubiis belli cum Persis gesti, de qua Pausanias adeundus Laconic. p. 232. item Vitruvius, I, 9.

61 *Nolo enim Laced.* - existimavi.] Hæc fere e conjectura edontur. sensus est: non enim loquor de Lacedæmone illa longinqua: de Lanuvio loquor, ubi Brutus est. alii aliter. J. F. Gronovius corregebat, probante Grævio: *nolo enim Lacedæmonem longinquiorem Lanuvio existimari*, eodem sensu, sed nil certi est.

62 *Legatione.*] Quam Atticus expectat, ut tuto abesse posset. Ergo et equites talei legationem nanoscisci poterant.

63 *Ut beneficio istorum utantur.*] Sic edd. vet. i. e. Brutus et Cassius: Grævius *utatur*, sc. Brutus, ut alii recentiores, illud verum. nam et sequitur *moliantur*, quiescant, &c. ceterum, sin et *moli-*

atur, quiescat corrigatur, malim *utatur*, quia infra de solo Bruto sermo est: *utris consilio cum utatur*.

64 *Incolumitatem præstat.*] Sic pro vulgato hodie *præstat* legendam semper pntavi: et sic deinde in edd. pr. reperi.

65 *Si v. a. de Decimo gravius.*] De D. Bruto statuatur gravius, quale fuit, cum ei provincia Gallia adempta est. Sic cum Grævio edidi et vestigiis librorum veterum: ut et placebat J. F. Gronovio. Ceteræ lectiones aut manifeste vitiosæ sunt, et intelligi non possunt, aut sunt pariter e conjecturis.

66 *Quæ nostris vita.*] Hæreo in nostris. nam debet, quod dicit Cicero, pertinere ad Brutum et Cassium, ut cetera omnia. v. e. tum vero erunt miseri, vitam agent miseram. Sed tale quid in eo non video.

67 *Ludos vero non facere.*] Cum sint prætores, quorum munus est, facere ludos Apollinares. v. et infr. ep. 12.

foedius? ⁶⁸ frumentum imponere; quæ est alia Dionis legatio? aut ⁶⁹ quod munus in republica sordidius? prorsus quidem consilia tali in re ne iis quidem tuta sunt, qui dant. sed possim id negligere ⁷⁰ proficiens. frustra vero qui ingrediar? matris consilio cum utatur, vel etiam precibus, quid me interponam? sed tamen cogitabo, quo genere utar litterarum. nam silere non possum. statim igitur mittam vel Antium, vel Circeios.

11

CICERO ATTICO S.

ANTIUM veni ante vi Kal. Bruto jucundus noster ad-
ventus. deinde multis audientibus, Servilia, Tertulla, Por-
cia, quærere, quid placeret. aderat etiam Favonius. ego,
quod eram meditatus in via, suadere, ut uteretur Asiatica
curatione frumenti; nihil esse jam reliqui, quod ageremus,
⁷¹ nisi ut salvos esse. in eo etiam ipsi reipublicæ esse præ-
sidium. quam orationem cum ingressus essem, Cassius in-
tervenit. ego eadem illa repetivi. hoc loco, fortibus sane
oculis Cassius, (Martem spirare diceret,) se ⁷² in Siciliam
non iturum. egone, ut beneficium acceperis ⁷³ in con-
tumelia? ⁷⁴ quid ergo agis? inquam. at ille, in Achaiam
se iturum: quid tu, inquam, Brute? Romam, inquit, si
tibi videtur. mihi vero minime: tuto enim non eris. quid?
si possem esse, placeretne? ⁷⁵ atque ut omnino, neque nunc,
neque ex prætura in provinciam ires? sed auctor non sum,
ut te urbi committas. dicebam ea, quæ tibi profecto in

68 *Frumentum* - - *legatio*.] *Frumentum imp. lepidi*, pro, frumenti emundi curam mandare. tum: ea foret legatio, similis ei, quam Dio a Diunysio mandatam obiit, sc. relegatio, ut a republica amoveretur.

69 *Quod munus i. r. s.*] Quomodo sordidum munus, cura annonæ? quæ Pompeio mandata est, eique tantum honori fuit? sed aliter Pompeiu decreta, aliter his destinabatur, opinor. illi cum imperio, his labor et cura tantum emendi.

70 *Proficiens*.] Victorius sic e cudd. vet. so reponere dicit, pro tum vulgato *proficiens*. Sed sic jam habebant edd. Rom. Jens. *Proficiens* habet Ascens. opinor e Medioli. in quam vitio operarum irrepisse videtur.

71 *Nisi ut salvos esse*.] Sic libri edd. omnes. *Salvus* est pro *salvus*; nam pertinet res ad Brutum solum: intelligendumque posset, nisi malis esset, ut e libro vetere

profert Ursinus.

72 *In Siciliam n. i.*] Sc. ad curandum frumentum, ut illi decretum fuisse videtur, sicut Bruto in Asiam.

73 *In contumelia*.] Sic habere edd. priores dicit J. F. Gron. sane. sed inde a Med. unde habet Ascens. post Aldus, Manutius, &c. Edd. Rom. in *contumeliam*, Jens. *acceperissem contumeliam*, quod et in margine ed. Crat. est, recepitque Victorius. *acceperis in contumelia* verum est; ut recte iudicavit Gronovius, idque recepi.

74 *Quid ergo agis*.] Sic libri omnes. i. e. in animo habes, quod facias. quidam malint *ages*.

75 *Atque ut omnino*, &c.] Torsit hoc viros duetos. bene cepit Grævius. nempe intelligenda est primum assensio Ciceronis, v. c. recte; quæ omissa est per breviloquentiam. interrogationis notam recte delevit Grævius.

mentem veniant, cur non esset tuto futurus. multo inde sermone querebantur, atque id quidem Cassius maxime, ⁷⁶amissas occasiones, Decimumque graviter accusabat. ego negabam oportere præterita: assentiebar tamen. cum-
que ingressus essem dicere, quid oportuisset, ⁷⁷(nec vero quidquam novi, sed ea, quæ quotidie omnes,) nec tamen p. 243.
a. illum locum attingerem, quemquam præterea oportuisse tangi, sed senatum vocari, populum ardentem studio vehementius incitari, totam susciperem rempublicam: exclamat tua familiaris: *hoc vero* ⁷⁸*neminem umquam audiui.* ego repressi. sed et Cassius mihi videbatur iturus: (etenim Servilia pollicebatur se curaturam, ut illa frumenti curatio de senatus consulto tolleretur:) ⁷⁹et noster cito dejestus est de illo inani sermone. velle enim se dixerat. Constituit igitur, ut ludi, absente se, fierent suo nomine. proficisci autem mihi in Asiam videbatur ab Antio velle. ne multa; nihil me in illo itinere, præter conscientiam, delectavit. non enim fuit committendum, ut ille ex Italia prius, quam a me conventus esset, discederet. hoc demto munere amoris atque officii, sequebatur, ut mecum ipse:

‘Ἡ δὲ ὑπ’ ὁδὸς σοι τί δύναται νῦν, θεοπρόπε;

prorsus ⁸⁰dissolutum offendi navigium, vel potius dissipatum. nihil consilio, nihil ratione, nihil ordine. itaque etsi ne antea quidem dubitavi, tamen nunc eo minus, evolare hinc; idque quamprimum, ubi

“ *Nec Pelopidarum facta, neque famam audiam.*”

Sed heus tu, ne forte sis nescius, Dolabella ⁸¹me sibi legavit ⁸²a. d. iv Nonas. id mihi heri vesperi nuntiatum est. votiva ne tibi quidem placebat. etenim erat absurdum, quæ, si stetisset respublica, vovissem, ea me, eversa illa, vota

⁷⁶ *Amissas occas., &c.*] Occasiones liberandæ reipublicæ et securitatis restituendæ; Decimum accusabat, quod ille euctor fuerat Antonii non interficiendi cum Cæsare, quod suaserat Cassius.

⁷⁷ *Nec - - omnes.*] Hoc in parenthesi dictum: quod non animadversum, fecit locum corruptelis. hoc posito, correxi attingerem, ut voluit J. F. Gronovius, ut paullo post pro *suscipere, susciperem*: quod et edd. pr. habent; denique *vocari, incitari*, pro *vocare, incitare*, ut jam fecit e Mss. Grævius, et sic pariter habent edd. Rom. Jens. Asc. Ald.—*tangi* est interfici.

⁷⁸ *Neminem umquam audiui.*] Sc. suadere: *familiaris* intelligenda est ea, quæ

post dicitur, *Servilia*.

⁷⁹ *Ft noster, &c.*] M. Brutus omisit celeriter, quod ante temere dixerat, se, iturum in urbem.

⁸⁰ *Diss. off. navigium.*] I. rempublicam: pertinet ad dissensionem et incōstantiam principum, apud quos nihil certi erat, ut seqq. docent.

⁸¹ *Me sibi legavit.*] Sibi legatum fecit in Syriam eunti: quando libera legatio non convenit.

⁸² *A. d. iv Non. Apr.*] Iterum vitiosum est mensis nomen, atque delendum: cum hæc epistola scriberetur, mensis Julius erat.

dissolvere : et habent, opinor, liberæ legationes definitum tempus lege Julia; nec facile addi potest. Aveo genus legationis, ut, cum velis, introire, exire, liceat: ⁸³quod nunc mihi additum est. bella est autem hujus juris quinquennii licentia. quamquam quid de quinquennio cogitem? contrahi mihi negotium videtur. sed βλάσφημα mittamus.

12

CICERO ATTICO S.

- b. BENE mehercule de Buthroto. at ego Tironem ad Dolabellam cum litteris, quia jusseras, miseram. quid nocet? De ⁸⁴nostris autem Antiatibus satis videbar plane scripsisse, ut non dubitares, essent quin otiosi futuri, usurique beneficio Antonii contumelioso. Cassius frumentariam rem aspernabatur. eam Servilia sublaturam ex senatus consulto se esse dicebat. ⁸⁵noster vero, καὶ μάλα σεμνὸς, in Asiam, posteaquam mihi est assensus, tuto se Romæ esse non posse. ludos enim absens facere malebat. statim autem se iturum, simul ac ludorum apparatus iis, qui curaturi essent, tradidisset. navigia colligebat. erat animus in cursu. interea in eisdem locis erant futuri. Brutus quidem se agebat Asturæ. L. quidem Antonius liberaliter litteris sine cura me esse jubet. habeo unum beneficium: alterum fortasse, ni in Tusculanum venerit. o negotia non ferenda! quæ feruntur tamen. τῶν δ' αἰτίων τῶν Βρούτων τίς εἶχεν? Octaviano, ut perspexi, satis ingenii, satis animi: videbaturque erga nostros ἡρώας ita fore, ut nos vellemus, animatus. sed quid ætati credendum sit, quid nomini, quid hereditati, quid κατηχήσει, magni consilii est. vitricus quidem nihil censebat; quem Asturæ vidimus. sed tamen alendus est: et, ut nihil aliud, ab Antonio sejungendus. Marcellus præclare, ⁸⁶si præcipit nostro nostri: cui quidem ille deditus mihi videbatur. Pansæ autem et Hirtio non nimis credebatur. bona indoles, εὖν διαμείνη.

13

CICERO ATTICO S.

OCTAVO Kal. duas a te accepi epistolas. respondebo igitur priori prius. Assentior tibi, ut nec duces simus, nec

⁸³ Quod nunc mihi additum est.] Cum legatus Dolabellæ factus sum.

⁸⁴ Nostris Antiatibus.] Bruto, Cassio, &c. de quibus ep. super.

⁸⁵ Noster vero.] Brutus.

⁸⁶ Si præcipit nostro nostri.] Accipiunt Q. Ciceroni, Q. filio. melius ad Octavianum trahunt, sed ita, ut post nostris legatur, ut est in Mss. Paris. ita est: nostris, Bruto, Cassio, &c. benevolam esse.

agmen cogamus; faveamus tamen. ⁸⁷ Orationem tibi misi. ejus custodiendæ et proferendæ arbitrium tuum. sed quando illum diem, cum tu. edendam putes? Inducias, quas p. 244. scribis, non intelligo fieri posse. melior est ἀναντιφωνησία: ^{a.} qua me usurum arbitror. Quod scribis ⁸⁸ legiones duas Brundisium venisse; vos omnia prius. scribes igitur, quidquid audieris. Varronis διάλογον exspecto. Jam probo Ἡρακλείδιον, præsertim cum tu tantopere delectere: sed ⁸⁹ quale velis, velim. scire. Quod ad te *antea*, atque adeo *prius* scripsi ⁹⁰ (sic enim mavis) ad scribendum, tibi iterum dicere, fecisti me acriorem. ad tuum enim iudicium, quod mihi erat notum, addidisti Peducei auctoritatem, magnam quidem apud me, et in primis gravem. enitar igitur, ne desideres aut industriam meam, aut diligentiam. Vectenium, ut scribis, et Faberium foveo. Clælium nihil arbitror malitiose: quamquam. sed quid egerit? De libertate retinenda, qua certe nihil est dulcius, tibi assentior. ⁹¹ Itane Gallo Caninio? o hominem nequam! quid enim dicam aliud? cautum Marcellum; me sic, sed non tamen cautissimum. Longiori epistolæ superiorique respondi. nunc breviori propiorique quid respondeam, nisi eam fuisse dulcissimam? ⁹² Res Hispanienses valde bonæ. modo ⁹³ Balbium incolu- nem videam, subsidium nostræ senectutis. ⁹⁴ De Anniano item, quod me valde observat Visellia. sed hæc quidem humana. De Bruto te nihil scire dicis: sed ⁹⁵ Selicia venisse M. Scaptium: cumque non qua pompa, ad se tamen clam venturum, sciturumque me omnia: quæ ego statim. ⁹⁶ interea narrat eadem, Bassi servum venisse, qui nuntiaret, ⁹⁷ legiones Alexandrianas in armis esse, Bassum arcessi,

87 Orationem t. misi.] V. ep. 3. 4.

88 Legiones d. B. venisse.] E. Macc- donia sc. adductas a C. Antonio: quæ deinde ad Octavium transiere.

89 Quale velis.] Puto, quod argumen- tum velis tractari.

90 Sic enim mavis.] Sc. prius dicere in hac forma dicendi, quam *antea*. jocatur in *ἔλεγε* aliquam Attici.

91 Itane G. C.] Non intelligitur hoc, quia res ignoratur.

92 Res Hispanienses.] Nuntii de rebus, quas in Hispania gerit Sext. Pompeius, valde boni sunt.

93 Balbium.] V. Clav.

94 De Anniano item.] Quod scribis, sc. de ejus morte, doleo. Visellia videtur ejus uxor fuisse.

95 Selicia.] Forte filia Selicii fene- ratoris. v. Clav. quia ad eam Scaptius ven- nit, ipse negotiator et fenerator.

96 Interea narrat eadem.] Narrat edd. pr. narras e Ms. dedit Bosius. illud rec- tius, volebatque præferri Grævius. cur Attico narraret, quæ sibi scripserat? in- terea, dum ad me veniat Scaptius, ut de Bruto cognoscam, aliud mihi narravit.

97 Legiones Alexandrinas.] Reliquias exercitus Pompeii et Crassi, apud Cleopa- tram; erant quatuor, quæ arcescebant Bas- sum, ut ei se traderent.

Cassium exspectari. quid quæris? videtur respublica jus suum recipitura. ⁹⁸ sed ne quid ante. nosti horum exercitationem in latrocinio et amentiam. Dolabella, vir optimus. etsi, cum scribebam, secunda mensa apposita, venisse eum ad Bajas audiebam; tamen ad me ex Formiano scripsit, (quas litteras, cum e balineo exissem, accepi,) scse de attributione omnia summa fecisse: ⁹⁹ Vectenum accusat: tricatur scilicet, ut homo talis. sed ait totum negotium Sextium nostrum suscepisse, optimum quidem illum virum, nostrique amantissimum. quæro autem, quid tandem Sextius in hac re facere possit, quod non quivis nostrum? sed, si quid præter spem erit, facies ut sciam. sin est, ut arbitrator, negotium perditum, scribes tamen; neque ista res commovebit. Nos hic ¹⁰⁰ φιλοσοφούμεν, (quid enim aliud?) et τὰ περὶ τοῦ καὶ ἀκοντος magnifice explicamus, προσφωνοῦμεν-que Ciceroni. qua de re enim potius pater filio? deinde alia. quid quæris? extabit opera peregrinationis hujus. Varro- nem hodie, aut cras venturum putabant. ego autem in Pompeianum properabam; non quo hoc loco quidquam pulchrius; sed interpellatores illic minus molesti. sed perscribe quæso, ¹ quæ causa sit Myrtilo, (pœnas quidem illum pependisse audiui,) et ² satisne pateat, unde corruptus. Hæc cum scriberem, tantum quod existimabam ad te ³ orationem esse perlatam. hui, quam timeo, quid existimes. etsi quid ad me, quæ non sit foras proditura, nisi respublica recuperata? de quo quid sperem, non audeo scribere.

14

CICERO ATTICO S.

SEXTO Kal. accepi a Dolabella litteras, quarum exemplum tibi misi: in quibus erat, omnia se fecisse, quæ tu velles. statim ei rescripsi, et multis verbis gratias egi. sed tamen, ne miraretur, cur idem iterum facerem, hoc causæ

⁹⁸ Sed ne quid ante.] Vereor, ne quid ante faciat Antonius, quam cæ copiarum colligantur et aliquid reip. possint prodensse.

⁹⁹ Vectenum acc.] Per quem velit solvi pecuniam: sed hunc tricarari, i. e. moras necere, ut solent generatores facere.

¹⁰⁰ φιλοσοφούμεν.] Sic ed. Rom. recte, post ex eo factum φιλοσοφούμενα in edd. Asc. Ald., &c. id correctum, quamquam e libris scr. φιλοσοφούμεθα, i. e. scribimus. Sed φιλοσοφούμεν prætulit, ut et alibi Ci-

cero loquitur, et id h. l. aptius, propter sequentia.

¹ Quæ causa sit Myrtilo.] Quidam libri in Myrtilo: melius. Ed. Rom. Myrtilio. an fuit Myrtili?

² Satisne patet.] Scr. pateat. nam pendet a perscribe quæso.

³ Orationem.] De qua supra: quam sub Bruti nomine scripserat: sc. qualem Brutus in Capitolio dicere potuisset.

sumsi, quod ex te ipso coram antea nihil potuissem cognoscere. sed quid multa? litteras hoc exemplo dedi.

CICERO DOLABELLÆ, COS. SUO.

ANTEA cum per litteras Attici nostri de tua summa liberalitate, summoque erga se beneficio certior factus essem; cumque tu ipse etiam ad me scripsisses, te fecisse ea, quæ nos voluissemus: egi tibi gratias per litteras iis verbis, ut intelligeres, nihil te mihi gratius facere potuisse. postea vero quam ipse Atticus ad me venit in Tusculanum hujus unius rei causa, tibi ut apud me gratias ageret, ut cujus eximiam quandam, et admirabilem in causa Buthrotia voluntatem, et singularem erga se amorem perspexisset; teneri non potui, quin tibi apertius illud idem his litteris declararem. ex omnibus enim, mi Dolabella, studiis in me, et officiis, quæ summa sunt, hoc scito mihi et amplissimum videri, et gratissimum esse, quod perfeceris, ut Atticus intelligeret, quantum ego te, quam tu me amares. quod reliquum est, Buthrotiam et causam et civitatem, quamquam a te constituta est, (beneficia autem nostra tueri solemus,) tamen velim, receptam in fidem tuam, a meque etiam atque etiam tibi commendatam, auctoritate et auxilio tuo tectam velis esse. satis erit in perpetuum Buthrotiis præsidii, magnaque cura et sollicitudine Atticum, et me liberaris; si hoc honoris mei causa susceperis, ut eos semper a te defensos velis. quod ut facias, te vehementer etiam atque etiam rogo.

His litteris scriptis, me ad συντάξεις dedi: quæ quidem, vereor, ne miniata cerula tua pluribus locis notandæ sint: ita sum μετέωρος, et magnis cogitationibus impeditus.

CICERO ATTICO S.

15

L. ANTONIO male sit, siquidem ⁵ Buthrotiis molestus est. Ego ⁶ testimonium composui: quod, cum voles, obsignabis. Tu numos Arpinatum, si L. Fadius ædilis petet, vel omnes reddito. ego ad te alia epistola scripsi de H-S

4 A meque etiam atque etiam tibi comm.] Sic in Ms. Balliol. reperit Grævius, atque edidit. Sic dudum ante edd. Rom. Jens. Asc. Ald. excidisse casu arbitror atque etiam in recentioribus.

5 Buthrotiis molestus est.] Eorum agros conatus dividere.

6 Testimonium comp.] De decreto Cæ-

saris, pro eorum securitate facto. Pro obsignabis edd. pr. obsignavi: quidam et edidit obsignabo: quod facillimum est. Atticus videtur habuisse signum Ciceronis, quo uti posset, cum opus esset. eo videtur ei opus fuisse, v. c. cum litteras Ciceronis nomine daret, quod aliquoties supra vidimus factum.

cx, quæ Statio curarentur. si ergo petet Fadius, ei volo reddi; præter Fadium, nemini. apud me item ⁷ puto depositum. id, scripsi ad Erotem, ut redderet. ⁸ Reginam odi.
 b. me jure facere scit. sponsor promissorum ejus Ammonius; quæ quidem erant ⁹ φιλόλογα et dignitatis meæ, ut vel in concione dicere auderem. Saram autem præterquam quod nefarium hominem cognovi, præterea in me contumacem. semel cum omnino domi meæ vidi. cum φιλοφρόνως ex eo quærerem, quid opus esset; Atticum se dixit quærere. superbiam autem ipsius reginæ, cum esset trans Tiberini in hortis, commemorare sine magno dolore non possum. nihil igitur cum istis: nec tam animum me, quam vix stomachum habere arbitrantur. Profectionem meam, ut video, Erotis dispensatio impedit. nam cum ex reliquis, quæ Nonis April. fecit, vel abundare debeam; cogor mutuari: quodque ex istis fructuosius rebus receptum est, id ego ad illud fanum sepositum putabam. sed hæc Tironi mandavi, quem ob eam causam Romam misi. te nolui impeditum impedire. Cicero noster quo modestior est, eo me magis commovet. ad me enim de hac re nihil scripsit, ad quem nimirum potissimum debuit. scripsit hoc autem ad Tironem, sibi post Kal. April. (sic enim annum tempus confici) nihil datum esse: tibi pro tua natura semper placuisse, teque existimasse id etiam ad dignitatem meam pertinere, eum non modo liberaliter a nobis, sed etiam ornate cumulateque tractari. quare velim cures, (nec tibi essem molestus, si per alium hoc agere possem,) ut permutetur Athenas. quod sit in annum sumtum, ei scilicet Eros numerabit. ejus rei causa Tironem misi. curabis igitur, et ad me, si quid tibi de eo videbitur, scribes.

CICERO ATTICO S.

16

TANDEM a Cicerone tabellarius; et mehercule litteræ *πεπινωμένως* scriptæ: quod ipsum *προκοπήν* aliquam significaret: itemque ceteri præclara scribunt. Leonidas tamen
 p. 246. retinet suum illud *ADHUC*. summis vero laudibus Herodes.
 a. quid quæris? vel verba mihi dari facile patior in hoc, meque libenter præbeo credulum. Tu, velim, si quid tibi est a

⁷ Puto depositum.] Numerum summæ pecuniam.

excidisse putabat Lambinus, recte.

⁹ Φιλόλογα et d. m.] Promissa, s. promissorum causæ, erant honestæ et admodum probabiles et plenæ dignitatis.

⁸ Reginam.] Cleopatram, quæ Cice-

roni aliqua honesta de causa promiserat

Statio scriptum, quod pertineat ad me, certio rem me facias. Narro tibi; hæc loca venusta sunt, abdita certe, et, si quid scribere velis, ab arbitris libera. sed nescio, quo modo οἶκος φίλος. itaque me referunt pedes in Tusculanum. et tamen hæc ῥωπογραφία ripulæ videtur habitura celerem satietatem. equidem etiam pluvias metuo, si prognostica nostra vera sunt. ranæ enim ῥηγορεύουσιν. Tu, quæso, fac sciam, ubi Brutum nostrum, et quo die videre possim.

CICERO ATTICO S.

17

DUAS accepi postridie Idus, alteram eo die datam, alteram Idibus. prius igitur superiori. De Bruto, cum scies. De consulum ficto timore cognoveram. Sica enim φιλοστόργως ille quidem, sed tumultuosius ad me etiam illam suspicionem pertulit. quid tu autem? τὰ μὲν δέδωμεν? nullum enim verbum a Siregio. non placet. De Plætorio vicino tuo permolestè tuli, quemquam prius audisse, quam me. De Syro prudenter. L. Antonium per M. fratrem, ut arbitror, ¹⁰ facillime deterrebis. ¹¹ Antroni vetui; sed nondum acceperas litteras; nec cuiquam, nisi L. Padio ædili. aliter enim nec caute, nec jure fieri potest. Quod scribis tibi deesse H-S C, quæ Ciceroni curata sint; velim, ab Erote quæras, ubi sit merces insularum. Arabioni de Sitio nihil irascor. ego de itinere, ¹² nisi explicato A, nihil cogito. quod idem tibi videri puto. Habes ad superiorem. nunc audi ad alteram. Tu vero facis, ut omnia, quod Serviliæ non dees, id est, Bruto. De regina gaudeo te non laborare; certe etiam ¹³ tibi probari. Erotis rationes et ex Tironè cognovi, et vocavi ipsum. Gratissimum, quod polliceris, Ciceroni nihil defuturum: de quo mirabilia Messala; qui Lanuvio, rediens ab illis, venit ad me: et mehercule ipsius litteræ sic et φιλοστόργως et εὐπινῶς scriptæ, ut eas vel in acroasi audeam legere: quo magis illi indulgendum

10 Facillime deterrebis.] Videtur ad causam Butthrotium pertinere. ep. 15.

11 Antroni vetui.] Sic e Ms. dedit Bosius. edd. vett. vel auctoritate vel vi, vel a. 3. Non. Sept. Antroni vetui pecunium, quæ Arpinatibus debetur, dari, solvi, qui Arpinatium nomine videtur postulasse.

12 Nisi explicato A.] Sic edd. Rom. Jens. Asc. &c. sic et Mss. plures, etiam

Paris. id facillimum intelligere Annus, quia A fuit sigla verborum annus, annum, ut docuit Popma, et est satis notum antiquariis. intelligitur pecunia, quæ in annum data erat Ciceroni filio. Aliæ edd. habent A. quod volunt diem 30 mensis, i. e. diem solutionis, more Græco, significare. id est durius.

13 Tibi probari.] Quod ipse non laboro.

puto. De Buciliano Sextium puto non moleste ferre. Ego, si Tiro ad me, cogito in Tusculanum. Tu vero, quidquid erit, quod me scire par sit, statim.

18

CICERO ATTICO S.

SEPTIMODECIMO Kal. etsi satis videbar scripsisse ad te, ¹⁴quid mihi opus esset, et quid te facere vellem, si tibi commodum esset: tamen, cum profectus essem, et in lacu navigarem, Tironem statui ad te esse mittendum, ut iis negotiis, quæ agerentur, interesset: atque etiam scripsi ad Dolabellam, me, si ei videretur, velle proficisci, petique ab eo ¹⁵de mulis vecturæ itineris: ¹⁶et in eis, quoniam intelligo te distentissimum esse, qua de Bruthrotiis, qua de Bruto, cujus etiam ludorum seorsum curam, etiam administrationem suspicor ex magna parte ad te pertinere; ut ergo in ejusmodi re, tribues nobis paullum operæ. nec enim multum opus est. mihi res ad cædem, et eam quidem propinquam, spectare videtur. vides homines; vides arma. prorsus non mihi videor esse tutus. sin tu aliter sentis, velim ad me scribas. domi enim manere, si recte possum, multo malo.

19

CICERO ATTICO S.

QUIDNAM est, quod audendum amplius de Butthrotiis? ¹⁷stetisse enim te frustra scribis. ¹⁸quid autem se refert Brutus? doleo mehercule, te tam esse detentum: quod ¹⁹decem hominibus referendum acceptum. est illud quidem ἐργῶδες, sed ἀνεκτόν, ²⁰mihiq; gratissimum. De armis, nihil vidi apertius. fugiamus igitur. ²¹at, ut ais, coram. Theo-

14 Quid mihi opus esset.] E sit feci esset, latinitate postulante: nam et videbar scripsisse præcedit, et sequitur vellem, esset.

15 De mulis vecturæ it.] Quibus mihi ad iter, ut legato, opus est, ut eos mihi suppeditandos publice curet.

16 Et in eis, &c.] Et restitui ex edd. pr. pro quo male P. Manutius dedit ut, quod omnes servarunt. hæc non pendent ab petii; sed est novi quid, quod ad Atticum pertinet, sed cum superiori conjunctum est: et in malis illis curandis tribues nobis aliquid operæ. Sed et pro quoniam legendum quamquam, edd. pr. habent quum.

17 Stetisse te.] Causam egisse Buthtiorum, sive potius exspectasse v. c. in

ædibus consulis et aliorum senatorum, dum impetraretur aliquid.

18 Quid se refert [Brutus.] Int. acturum in hac quidem causa, opinor: nam alias esset totum alieno loco. tum vero id postulat fert, non refert.

19 Decem hominibus.] Intelligunt decemviros dividendis agris: nec video, qui alii intelligi possint. Sed tota sententia non placet. id enim sua sponte intelligi poterat.

20 Mihiq; gratissimum.] Qui Buthtiorum causæ faveo. Tunstallus, p. 81. corrigit gravissimum et cum sequentibus de armis conjungit. frustra.

21 At, ut ais, coram.] At de eo coram deliberabimus.

phanes quid velit, nescio. scripserat enim ad me. cui rescripsi, ut potui. mihi autem scribit, venire ad me se velle, ut et de suis rebus, et quædam, ²² quæ ad me pertineant. ^{p. 247.} tuas litteras exspecto. vide quæso, ne quid temere fiat. ^{a.} Statius scripsit ad me, locutum secum esse Q. Ciceronem valde asseveranter, se hæc ferre non posse: certum sibi esse, ad Brutum et Cassium transire. hoc enimvero nunc discere avco: hoc ego, quid sit, interpretari non possum. potest aliquid iratus Antonio: potest gloriam novam quærere: potest totum esse *σχεδιασμα*: et nimirum ita est. sed tamen et ego vereor, et pater conturbatus est. scit enim, ²³ quæ ille de hoc: mecum quidem *ἄφαρα* olim. plane, quid velit, nescio. A Dolabella mandata habebo, quæ mihi videbuntur, id est, nihil. Dic mihi, C. Antonius voluitne fieri septemvir? ²⁴ fuit certe dignus. ²⁵ De Menedemo est, ut scribis. facies omnia mihi nota.

CICERO ATTICO S.

20

EGI gratias Vcetenno: nihil enim potuit humanius. Dolabellæ mandata sint quælibet: mihi aliquid, ²⁶ vel quod Nicia nuntiem. quis enim hæc, ²⁷ ut scribis, anteno? nunc dubitare quemquam prudentem, quin meus discessus desperationis sit, non legationis? Quod ais, extrema quædam jam homines de republica loqui, et eos quidem viros bonos: ego. quo die audiavi illum tyrannum in concione CLARISSIMUM VIRUM appellari, subdissidere cœpi: postea vero quam tecum Lanuvii vidi, nostros tantum spei habere ad vivendum, quantum acceperant ab Antonio, desperavi. itaque, mi Attice, fortiter hoc velim accipias, ut ego scribo. genus illud interitus, ²⁸ quo casurus est, foedum duces,

22 Quæ ad me pertineant.] Vulgo male pertinerent. monuit jam Corradus.

23 Quæ ille de hoc.] Ille, Statius de hoc, filio suo, ad me olim scripsit. sequens quidam ad patrem referunt cum Manutio, quem Ciceroni de illo filio suo narrasse *ἄφαρα*: alii ad Antonium. Sed nihil certi est in abrupto hoc genere orationis.

24 Fuit certe dignus.] Qui in numero hominum improborum esset, qui improbum illud negotium agrorum dividendum curarent, ipse homo improbissimus.

25 De Menedemo est, ut scribis.] Nomen Menedemi est e conjectura Victorii. edd. pr. De mea domi est, ut scribis. Tustallus, p. 61. conjecit De me actumne est,

ut scribis? sed nullus inde sensus commodus.

26 Vel quod Nicia nuntiem.] Grammatico illi, quem adsciverat sibi Dolabella, et in provinciam præmiserat: i. e. levissimum quid, quod sc. non pertineat ad rempublicam. Sequentia sunt corrupta, nec sanari possunt sine melioribus libris.

27 Ut scribis anteno?] Anteno, quod est in edd. pr. et libris scr. varie, sed frustra tentatum est a viris doctis, etiam Tustallo, p. 62. tædet conjecturas referre, nunc, quod sequitur, indicat, hic fuisse ante; quid præterea, assequi non possum.

28 Quo casurus est.] Hæc est lectio

et quasi denuntiatur nobis ab Antonio. ²⁹ex hac naxa exire constitui, non ad fugam, sed ad spem mortis melioris. ³⁰hæc omnis culpa Bruti. Pompeium ³¹Cartheiæ receptum b. scribis: jam igitur ³²contra hunc exercitum. utra ergo castra? media enim tollit Antonius. illa infirma, hæc nefaria. properemus igitur. sed juva me consilio, Brundisione, an Puteolis. Brutus quidem subito: sed sapienter. *πάσχω τι*. quando enim illum? sed humana ferenda. tu ipse cum videre non potes. ³³dii illi mortuo, qui umquam Buthrotum! sed acta missa. videamus, quæ agenda sint. Rationes Erotis, etsi ipsum nondum vidi, tamen et ex litteris ejus, et ex eo, quod Tiro cognovit, propemodum cognititas habeo. versuram scribis esse faciendam mensium quinque; id est, ad Kal. Novemb. H-S CC: in eam diem cadere numos, qui a Quinto debentur. velim igitur, quoniam Tiro negat tibi placere, me ejus rei causa Romam venire; si te ea res nihil offendet, videas, unde numi sint; mihi scias expensum. hoc video in præsentia opus esse. reliqua diligentius ex hoc ipso exquiram; in his, ³⁴de mercedibus dotalium prædiorum: quæ si fideliter Ciceroni curabuntur, quamquam volo laxius, tamen ei propemodum nihil deerit. equidem video mihi quoque opus esse viaticum. sed id ex prædiis, ut cadet, ita solvetur: mihi autem opus est universo quidem. etsi mihi videtur ³⁵iste, qui umbras timet, ad cædem spectare; tamen, nisi explicata solutione, non sum discessurus. ³⁶sitne autem extricata, necne, tecum cognoscam. Hæc putavi mea manu scribenda: itaque feci. De Fadio, ut scribis: utique alii nemini. rescribas velim hodie.

Mss. et edd. vett. Sed quis intelligatur, nemo dicat. Corrigunt *casurus es*, quod et quidam recipere: nec id male convenit illi, *fortiter accipias hoc*, ut ego scribo, sc. fortiter. pro et, opinor, legendum, *sed* quasi denuntiatur ab Antonio, ut nobis non præter opinionem accidere debeat aut possit.

²⁹ Ex hac naxa.] Sic ed. Rom. alia post *uassa*, usitatori scriptura. veterem scripturam revocavit Victorius. Ed. Jens. habet *naxa*.

³⁰ Hæc omnis culpa Bruti.] Qui Antonium interficere cum Cæsare noluit.

³¹ Cartheia.] Edd. pr. *Carteia*, quod Conradus non improbat.

³² Contra hunc (Pompeium) exercitum.] Parabunt Antoniani — media tol-

lit Antonius, i. e. non concedit eniquam medium esse et ab armis abstinerere.

³³ Dii illi mortuo.] Irati sint Cæsari, quamquam mortuo, qui agrum Buthrotium proseripsit, unde tibi tot molestiæ sunt, ep. 19. iuit. et propter quam causam Brutum convenire non potes.

³⁴ De mercedibus dotalium prædiorum.] Supra dixit *insularum*, quæ sunt prædia urbana. *dotalia* vocat, per dotem accepta, a Pubilia, opinor.

³⁵ Iste, qui umbras timet.] Antonius, qui tum insidias timebat, supra, ep. 7.

³⁶ Sitne autem extricata.] Edd. pr. *excitata*, Mss. quidam *explicata*, *extricata* e Ms. uno Bosius. mihi a glossatoribus esse videtur, quicquid hic est: satis erat sit autem nec ne.

CICERO ATTICO S.

21

NARRO tibi; Q. pater exultat lætitia. scripsit enim filius, se idcirco profugere ad Brutum voluisse, quod, cum sibi negotium daret Antonius, ³⁷ ut eum dictatorem efficeret, præsidium occuparet, id recusasset: recusasse autem se, ne patris animum offenderet: ex eo sibi illum hostem. ³⁸ tum me, inquit, collegi, verens, ne quid mihi ille iratus tibi noceret. itaque eum placavi. ³⁹ et quidem cccc certa, reliqua in spe. scribit autem Statius, illum eum patre habitare velle. hoc vero mirum: ⁴⁰ et id gaudet. ecquem tu illo certiorem nebulonem? ⁴¹ ἐποχὴν vestram de re Cani deliberationis probo. nihil eram suspicatus de tabulis: ἀκεραίως restitutam arbitrabar. Quæ differs, ut mecum coram, expectabo. Tabellarios, quoad voles, tenebis. es enim occupatus. Quod ⁴² ad Xenonem, probe. ⁴³ Quod scribo, cum absolvero. Quinto scripsisti, te ad eum litteras: nemo attulerat. Tiro negat jam tibi placere Brundisium, et quidem ⁴⁴ dicere aliquid de militibus. at ego jam destinaram, Hydruntem quidem. movebant me ⁴⁵ tuæ quinque horæ. ⁴⁶ hic autem quantus πλοῦς? sed videbimus. Nullas a te xi Kal. quippe: quid enim jam novi? cum primum igitur poteris, venies. ego propero, ne ante ⁴⁷ Sextus; quem adventare ajunt.

p. 248.
B.

³⁷ Ut eum dictatorem efficeret.] Nempe per legem, sicut quondam Sulla dictator factus lege Valeria. in quo intelligendum Quintum tribunum plebis futurum fuisse per Antonium: præsidium intelligendus locus urbis munitus, et Capitolium, ut in potestate haberet urbem, et defendere se posset, ut quondam Catilinarii statuerant urbis præsidia occupare.

³⁸ Tum me, inquit.] Sunt verba Q. filii, ex ep. ejus ad patrem.

³⁹ Et quidem cccc certa.] Illa arte et fraude effecit, ut pater ei cccc HS dare constituerit: atque etiam plus sperare possit.

⁴⁰ Et id gaudet.] Sc. pater, qui regre tulerat, filium noluisse ferre Aquiliam, novercam.

⁴¹ Ἐποχὴν vestram de re Cani deliberationis.] Si ἐποχὴν est a Cicerone, deliberationis de glossa mihi suspectum est. de re

Canis est, de nuptiis Q. filii cum Cani filia, de qua re supra, 13. 31. reliqua pertinent ad dotem Canæ, quæ ei non soluta erat a marito superiori, sed adhuc debebatur, cum Cicero restitutam putasset. Tinstallus, p. 192. de re Cani corrigit de regina, sc. Cleopatra, de qua supra.

⁴² Ad Xenonem.] V. XIV, 18.

⁴³ Quod scribo.] Opus, opior, de officiis, mittam tibi, cum absolvero.

⁴⁴ Dicere a. de militibus.] Qui Brundisium venturi viderentur e Macedonia, unde parum ibi tutus forem.

⁴⁵ Tuæ quinque horæ.] Quod dixeris mihi aliquando, quinque horis in Græciam navigari posse.

⁴⁶ Hic autem q. w.] Puto scribendum hinc: ex eo, quo nunc sum, loco, si transire vellem.

⁴⁷ Sextus.] Pompeius ex Hispania.

22

CICERO ATTICO S.

GRATULOR nobis Q. filium exiisse: molestus non erit. Pansam bene loqui credo. semper enim conjunctum esse cum Hirtio scio. amicissimum Bruto et Cassio puto, si expediet. sed quando illos videbit? inimicum Antonio: quando, aut cur? quousque ludemur? Ego autem scripsi Sextum adventare, non quo jam adesset, sed quia certe id ageret, ab armisque nullus discederet. certe, si pergit, bellum paratum est. hic autem noster ⁴⁸ Cytherius, nisi victorem, neminem victurum. quid ad hæc Pansa? ⁴⁹ utro erit, si bellum erit? quod videtur fore. sed et hæc, et alia coram: hodie quidem, ut scribis, aut cras.

23

CICERO ATTICO S.

- b. MIRIFICE torqueor, sine dolore tamen: sed permulta mihi de nostro itinere in utramque partem occurrunt. quousque? inquires. quoad erit integrum: erit autem usque dum ad navem. Pansa si rescripserit, et meam tibi et illius epistolam mittam. Silium exspectabam; ⁵⁰ cui *ὑπόμνημα* compositum. ⁵¹ si quid novi. Ego littoras nisi ad Brutum: cujus de itinere etiam ex te velim, si quid scies, cognoscere.

24

CICERO ATTICO S.

TABELLARIUS, quem ad Brutum miseram, ex itinere rediit vii Kal. ei Servilia dixit, eo die Brutum H. IIII profectum. sane dolui, meas litteras redditas non esse. Silius ad me non venerat. causam composui. cum libellum tibi misi. te quo die exspectem, velim scire.

25

CICERO ATTICO S.

DE meo itinere variæ sententiæ. multi enim ad me. sed tu incumbe, quæso, in eam curam. magna res est. an probas, si ad Kal. Jan. cogitamus? meus animus est acquies, sic tamen, ⁵² ut nihil offensionis sit: et tu etiam scite, ⁵³ quo die olim piaculum, mysteria scilicet. ut sit res, casus

48 Cytherius.] Antonius, Cytheridis amator. nam res ad Antonium pertinet. ep. 20. media tollit Antonius.

49 Utro erit.] Int. loco. Grævius cum utro edidit, quod id Ursinus in codice se reperire dixit. recepit et de conjectura Brutus.

50 Cui *ὑπόμνημα* compositum, &c.] V. ep. seq. ubi causam dicit.

51 Si quid novi.] Int. scribe mihi. disjungendum enim est a præcedente.

52 Ut si nihil offensionis sit.] Si delevi, olim de conjectura, nunc auctoribus edd. pr. Rom. Jens., &c. placebat et Corrado.

53 Quo die olim piaculum, mysteria scil.] I. e. ut explicat Gronovius, Obs. IV, 10. quo die olim sacra Bonæ deæ a Clodio violata sunt. i. e. mysteriis, quæ

consilium nostri itineris judicabit. dubitemus igitur. est enim hiberna navigatio odiosa; eoque ex te quæsieram mysteriorum diem. Brutum, ut scribis, visum iri a me puto. ego hinc volo prid. Kal.

CICERO ATTICO S.

26

DE ⁵⁴Quinti negotio video a te omnia facta. ille tamen dolet, dubitans, ⁵⁵utrum morem gerat Leptæ, an fidem infirmet filio. Inaudiui L. Pisonem velle exire legatum *ψευ-
δεγγράφῃ* senatus consulto. velim scire, quid sit. Tabellarius ille, quem tibi dixeram a me ad Brutum esse missum in Anagninum, ad me venit ea nocte, quæ proxima ante Kal. fuit, litterasque ad me attulit: in quibus unum alienum ⁵⁶summa sua prudentia, [id est illud,] ut spectem ludos suos. rescripsi scilicet, primum me jam profectum, ut non integrum sit: dein, *ἀποπράττον* esse, me, qui Romam omnino post hæc arma non accesserim, neque id tam periculi mei causa fecerim, quam dignitatis, subito ad ludos venire. tali enim tempore, ludos facere illi honestum est, cui necesse est: spectare, mihi ut non est necesse, sic ne honestum quidem est. equidem illos celebrari, et esse quam gratissimos mirabiliter cupio; idque ita futurum esse confido: et tecum ago, ut jam ab ipsa commissione ad me,

p. 249.
a.

incidebant in Non. Dec. quamquam Gronovius Maius Kal. putat. bella circumscriptio hanc Nonarum. Lectio hæc est a Bosio. Tunstallus, p. 81. conjicit: *quo die Olympia Clodii, i. e. mysteria*. et ed. Jens. habet, *quo die Olympicum*, ed. Rom. distiuncte: *quo die Olympia: cum mysteria scilicet, ut tu scires*. Locos in libris scr. et edd. valde variat, ut hinc nihil certi esse possit: itaque vulge se in hoc loco viri docti torserunt, et corrigendo et explicando. Venerunt, ne frustra.

54 Q. negotio.] Videtur causa pecuniaria fuisse, nata a filio.

55 Utrum morem gerat Leptæ, an f. i. Silio. Inaudiui.] Sic legitur hodie o correctione Bosii: qui hanc lectionem se dicit fecisse e Ms. Cruscellino, in quo esset *Silio inaudibili Pisonem*. Sed hic erat jam in ed. Rom. Lectio vulgata tum erat *Silio Mandibili*. ed. Jens. habet *filio Mandibili* Pis. quod et Victorius edidit in ed. 2. in prima enim dedit *filio inaudibili* e Jensoniana, sed in notis ejusdem ed. *Silio*

Mandibili præforebat, quamquam vitiosum futebatur: et inter has duas lectiones fluctuant edd. vett. Rom ignoramus. itaque nec est aliquid certi. Non intelligo, quid sit *fidem infirmet Silio*. Ego prætulerim *filio*: ut sensus sit, utrum Leptæ morem gerat, et pro filio solvat pecuniam, quam illa debebat, an non solvendo faciat, fidem ei ut nemo posthæc habeat, et pecuniam credat. nam eum as alienum contraxisse constat.

56 Summa sua prudentia.] Sua e Mss. pro tua se edidisse dicit Victorius. sed id jam erat in edd. pr. Rom. Jens. Crat. tua irreperat vitio operarum in ed. Ascens. sive ea e Med. habet, et propagatam erat in edd. Aldi. Paulus, Man. etiam sua restituit, tum cum Grævio edidi *id est illud, pro, idem illud*. Ille dicit, se in Ms. Bal-liol. reperisse. at sic et edd. Rom. Jens. Asc. Ald., &c. Sed tamen et hoc deletum mallet, nec dubito, esse a glossatore. uncis inclusi.

quemadmodum accipiantur; ⁵⁷ deinde omnino reliquorum dies singulos persequare. sed de ludis hactenus. Reliqua pars epistolæ est illa quidem in utramque partem: sed tamen nonnullos interdum jacet igniculos viriles: quod quale tibi videretur, ut posses interpretari, nisi ad te exemplum epistolæ. quamquam mihi tabellarius noster dixerat, tibi quoque se attulisse litteras a Bruto, easque ad te e Tusculano esse delatas. Ego itinera sic composueram, ut ⁵⁸ Nonis Quint. Puteolis essem. valde enim festino; ita tamen, ut, quantum homo possit, quam cautissime navigem. M. Ælium ⁵⁹ cura liberaris: ⁶⁰ is me paucos specus in extremo fundo, et eos quidem subterraneos; ⁶¹ servitutis putat aliquid habituros: id me jam nolle, ⁶² neque mihi quidquam esse tanti; sed, ut mihi dicebas, quam lenissime, potius ut cura liberetur, quam ⁶³ ut me succensere aliquid suspicetur. Idem ⁶⁴ de illo Tulliano capite libere cum Cascelio loqnare. parva res est: sed tu bene attendisti: nimis callide agebatur. ego b. autem, si mihi imposuisset aliquid, ⁶⁵ quod pænē fecit, nisi tua malitia affuisset, animo iniquo tulissem. itaque, ut ut erit, rem impediri malo. ⁶⁶ Octavam partem tuli luminarium in ædium adstranæ memineris. cui Cærellia, videris mancipio dare ad eam summam, quæ sub præcone fuit maxima: id opinor esse CCC LXXX. Novi si quid erit, atque etiam si quid prospicies, quod futurum putes, scribas ad me quam sæpissime velim. Varroni, quemadmodum tibi mandavi, memineris excusare tarditatem litterarum mearum. ⁶⁷ Mundus istum. M. Ennius quid egerit

57 D. omnino reliquorum d. s.] Rdd. pr. addunt ludorum, quod erat a glossatore. habent etiam omnia: quod recte correctum est omnino.

58 Nonis Quintil.] Quomodo Quintilibus per ea, quæ ante sunt de illo itinere ep. 25. sed iterum sic est L. XVI, 1.

59 Cura liberabis. is me.] Ex ed. Rom. malum cura libera, vel ex ed. Jens. liberaris.

60 Is me paucos specus i. e. f.] In me intelligant rogat. Olivetus corrigit metuit.

61 Servitutis putat aliquid hab.] Hæc varie leguntur in libris vett. Edd. pr. habent s. apud tale quid: quod et Grævius secutus est. J. Fr. Gronovius corrigit s. apud se aliquid h. putat inde aliquid servitutis sibi vel prædio suo oriri posse,

qualla genera servitutum in prædiis rusticis esse possunt. bene, opinor.

62 Neque mihi q. e. tanti.] Ut ejus causa gratiam apud eum amittere velim.

63 Ut me succensere aliquid suspicetur.] Quod nempe nollet eos specus esse et pati.

64 De illo Tulliano capite.] Nomiue, pecunia. pro idem, malum item: nam idem mihi frigere hic videtur. ep. 29. est de Tulliano semisse.

65 Quod pænē fecit.] Legendum videtur fecisset: quia sequitur, nisi tua malitia offuisset. nisi tu callidior ipso mihi cavisses.

66 Octavam partem, &c.] Hæc sunt vitiosa in libris omnibus. frustra in iis corrigendis et explicandis laboratur.

67 Mundus istum.] Non intelligo hæc.

de testamento ⁶⁸(curiosus enim) facias me velim certiore.
Ex Arpinati, VI Non.

CICERO ATTICO S.

27

GAUDEO id te mihi suadere, quod ego mea sponte pridie feceram. nam cum ad te VI Non. darem, eidem tabellario dedi etiam ad Sextium, scriptas πάνυ φιλοστόργως. Ille autem, quod Puteolos prosequitur, humane; quod queritur, injuste. non enim ego tam illum exspectare, cum de Cosano rediret, debui, quam ille aut non ire ante, quam me vidisset, aut citius reverti. sciebat enim me celeriter velle proficisci, seseque ad me in Tusculanum scripserat esse venturum. Te, ut a me discesseris, lacrymasse, moleste forebam. quod si me præsente fecisses, consilium totius itineris fortasse mutassem. sed illud præclare, quod te consolata est spes brevi tempore congregiendi: quæ quidem exspectatio me maxime sustentat. meæ tibi litteræ non deerunt. De Bruto, scribam ad te omnia. Librum tibi celeriter mittam de Gloria. excudam aliquid Ἡρακλείδιον, quod lateat in thesauris tuis. De Plancio, memini. Attica jure queritur. Quod me ⁶⁹de Bacchide, de statuarum coronis certiore fecisti, valde gratum: nec quidquam posthac, non modo tantum, sed ne tantulum quidem præterieris. Et de Herode et Mettio meminero, et de omnibus, quæ te velle suspicabor modo. o turpem sororis tuæ filium, cum hæc scriberem. adventabat autem βουδύσει cenantibus nobis.

p. 230.
a.

CICERO ATTICO S.

28

EGO, ut ad te pridie scripseram, Nonis constitueram venire ⁷⁰in Tusculanum. ibi igitur quotidie tuas litteras exspectabo, et maxime ⁷¹de ludis; de quibus etiam ad Brutum tibi scribendum est. cujus epistolæ, quam interpretari ipse vix poteram, exemplum pridie tibi miseram. Atticæ meæ velim me ita excuses, ut omnem culpam ⁷²in

68 Curiosus enim.] Es, et non ignorabis. Edd. pr. curiosius.

69 De Bacchide, de, &c.] Sic e Balliol. Ms. corrigi volebat Grævius: sic et in libro vetere se reperisse testatus est Ursinus. at sic jam editum erat in exemplo Romano, Asconsiano, Ald. altera illa lectio de Bacchi ex ed. Jens. fluxit. Bacchis mimæ fuit, statuarum coronæ sunt, quæ statuis quibusdam impositæ sunt, ad indi-

candum animum et sensum in republ.

70 In Tusculanum.] Mongalius recte scribendum putabat Puteolanum, quod et recepit Alemannus: nam eo se venturum ante scripsit, ep. 26.

71 De ludis.] Bruti, de quibus supra. eorum curam sustinebat Atticus magna ex parte: quo et sequens pertinet.

72 In te transi.] Edd. Rom. Jens. in me: quod τῷ tamen aptius videtur.

te transferas, et ei tamen confirmes, ⁷³ me minime totum amorem eo mecum attulisse.

29

CICERO ATTICO S.

BRUTI ad te epistolam misi. dii boni, quanta ἀμνηστία! cognosces, cum legeris. De celebratione ludorum Bruti, tibi assentior. Ad M. Ælium ⁷⁴ nullus tu quidem domum, sed sicubi inciderit. ⁷⁵ De Tulliano semisse, M. Axianum adhibebis, ut scribis. Quod cum Cosiano egisti, optime. Quod non solum mea, verum etiam tua expedis, gratum. Legationem probari meam, gaudeo. Quod promittis, dii faxint. quid enim mihi meis jucundius? sed istam, quam tu excipis, metuo. Brutum cum convenero, perscribam omnia. De Planco, et Decimo, sane velim. Sextum scutum abjicere nolebam. De Mmido, si quid scies. Rescripsi ad omnia tua. nunc nostra accipe. Quintus filius usque Putcolos: (mirus civis, ⁷⁶ ut tu Favonium, Asinium dicas:) et quidem duas ob causas, et ut mecum, et ⁷⁷ σπεισασθαι vult cum Bruto et Cassio. Sed tu quid ais? scio enim te familiarem esse Othonum. ⁷⁸ ait hic sibi Juliam ferre. constitutum enim esse discidium. quæsit ex me pater, qualis esset fama. dixi, nihil sane me audisse (nesciebam enim, cur quæreret,) nisi de ore, et patre. sed quor-
b. sus, inquam? at ille, filium velle. tum ego, etsi ἐβδελυτόμην, tamen negavi putare me illa esse vera: ⁷⁹ σκοπὸς (hoc est enim) huic nostro nihil præbere. illa autem οὐ παρὰ τοῦτο. ego tamen suspicor, hunc, ut solet, allucinari. sed velim quæras: (facile autem potes:) et me certiore. Obsecro te, quid est hoc? Signata jam epistola, Formiani, qui apud me cenabant, ⁸⁰ Plancum se, ajebant, hunc Buthro-

⁷³ Me minime - - eo m. a.] Hoc est sine dubio vitiosum: nec intelligo, sed nihil melius in libris ser. et edd. reper- tum, mire vitiosis hic omnibus.

⁷⁴ Nullus tu quidem domum.] Nam tu quidem domum ibis, ut cum eo agas: sic et antea occurrit, sed expectabis, dum tibi casu occurrat.

⁷⁵ De Tulliano semisse.] Supra, ep. 26. est de Tulliano capite. putant dictum ab modo usurarum: quæ semisses fuerint. Sed sic Latini non expriment alicuium. non intelligo.

⁷⁶ Ut tu Favonium, Asinium dicas.] Non hec compositum par, Favonius et Asinius. Conjecti: Favonium alterum, et

iam illud ut tu non placet. malim abesse totum, aut saltem ut.

⁷⁷ Σπ. vult cum Br. et C.] Ad eorum partes transire: quod et ante jactarat. ep. 19.

⁷⁸ Ait hic sibi J. f.] Hic est Quinti filius. Juliam Othonis uxorem sibi nuptias snas offerre.

⁷⁹ Σκοπὸς h. e. c. huic n. nihil præbere.] Pater nihil aliud spectat, nisi ut nullos amplius sumtus in filium facere debeat, illo conjugio inito.

⁸⁰ Plancum - - hunc Buthrotium.] Di- versum ab illo, cujus supra in hac epistola mentio, præpositum agris Buthrotiis di- videndis.

tium, pridie, quam hoc scribebam, id est IIII Nonas, vidisse⁸¹ demissum, sine phaleris: servulos autem dicere, eum et agripetas ejectos a Buthrotiis. macte. sed amabo te, per-scribe mihi totum negotium.

M. TULLII CICERONIS
EPISTOLARUM

AD

ATTICUM

LIBER XVI.

ARGUMENTUM.

Male affecta oppressaque civitate armis Antonii, reique publicæ salute desperata, quod adhuc C. Cesare vivente cogitaverat, iter in Græciam Cicero est ingressus, re tamen prius lente deliberata, quod et futuris de se hominum sermonibus moveretur, et ægre a suis villulis Italiæ avelleretur. Ergo Putolos primum progressus, inque Neside Brutum allocutus, classem una cum Cassio parantem, qua ille in Macedoniam, hic in Syriam navigarent: Kalendis Sext. Rhegio conscendens; venit Syracusæ. inde eum transmittere vellet in Græciam, bisque ad Leucopetram, quod est agri Rhegini promontorium, Austro rejectus esset, profectionis consilium abiecit: coque magis, quod boni quidam nuntii eo Roma venerunt, fore ut Antonius esset in potestate senatus, senatores in urbem redirent, res conveniret. Hac igitur spe commotus Romam rediit, urbemque ingressus est Kalendis Septembris. et IIII Non. hoc est postridie Kalendas, ut scribitur Philip. V. eam dixit orationem, quæ est in Antonium prima. Fuit deinde partim Romæ, partim in suis prædiis: quæ omnia commemorantur sex primis epistolis. Reliquæ scriptæ sunt incertis quidem diebus magna ex parte: omnes tamen ante Kal. Jan. quo toto tempore hæc gesta fuisse traduntur. Cum M. Antonius et Octavianus occultis potius odiis inter se, quam aperta vi certarent, alterque alterum insidiis pravertere conaretur: Antonius ante diem VII Id. Oct. Brundisium venit, profectus obviam legiimibus Mæcedonicis quatuor, ut eas sibi pecunia conciliaret: quas tamen, quod quidam ab Octaviano præmissi multo plus obtulerant, attrahere ad se non potuit. Itaque

⁸¹ Demissum sine phaleris.] Demissum ornato, in iter se contulisse, vel latere valde abjectum animo, sine phaleris equo velle, cf. XVI, 1. iuit. veclum; ut apparet, repente, equo non

et Martia et Decima illum postea deseruerunt, et ad Octavianum transierunt: qui item Octavianus eo ipso tempore, quo Antonius Brundisii fuit, ipse in Campaniam pergens, magnum veteranorum numerum, ingenti spe, ingentique pecunia cepit. nimirum denariis, ut Cicero ait, ecce. Idque initium fuit armorum inter ipsos, cum antea neque bellum gererent, neque pacem haberent. Et hoc tempus illud fuit, cum Cicero ab Octaviano, per speciem capessendae reip. in Antonium sollicitatus est; nihil se, nisi de illius consilio, nec nisi per senatum facturum, pollicente. Scripta sunt omnes, Antonio et Dolabella Coss. ex a. d. VII Id. Quint. ad Nonas circiter Decembris. Atque his quidem multa alia continentur, sed vel domestica, vel huc pertinentia.

CICERO ATTICO S.

NONIS Quint. veni in Putcolanum. postridie ieus ad Brutum in Nesidem hæc scripsi. sed eo die, quo veneram, cenanti Eros tuas litteras. Itane? ¹Nonis Juliis? Dii hercule istis! sed stomachari totum diem licet. quidquamne turpius, quam Bruto, Juliis? redeo ad meum igitur, ἔτι ἰῶμεν? nihil vidi. Sed quid est quæso, quod agripetas Butlroti concisos audio? quid autem Plancus tam cursim (ita enim audiebam) diem et noctem? sane cupio scire, quid sit. Meam profectionem laudari gaudeo. videndum est, ut mansio laudetur. ²Dymæos, agro pulsos, mare infestum habere, nil mirum. ἐν ὁμοποιίᾳ Bruti videtur aliquid præsidii esse. sed opinor, minuta navigia. sed jam sciam, et ad te cras. De Ventidio, πανικὸν puto. De Sexto, pro certo habebatur, ³haud arma. quod si verum est; sine bello civili video servicendum. quid ergo? Kal. Jan. in Pausa spes? λῆρος πολὺν, ⁴in vino, et in somno istorum. De ceteris, optime Ciceronis rationes explicantur. Oivius enim recens: ⁵is multa, quæ vellem: in his ne hoc

¹ Nonis Juliis.] Proscriptus est dies ludorum Bruti, pro Quintilibus. dii hercule istis sc. Antonianis male faciant, qui id ausi sunt. nam turpe est Bruto, qui Cæsarem interfecit, nomen Cæsaris mensei tribui et id primum fieri in ludis ipsius.

² Dymæos agro pulsos.] Dymæos est e conjectura Bosii: mihi isti Dymæi in eo, quo ante fuerunt, loco, post gaudeo, alienissimi visi sunt: non modo, quia nihil erat, quare eo loco de iis commemoraretur, si quid tale fecissent, sed etiam, quia divellunt hic, quæ conjuncta sunt, adeoque certo alieno loco sunt. Nam hæc: meam profectionem laudari gaudeo: videndum est, ut mansio laudetur; non possunt divelli.

Pertinet autem illud ad iter Ciceronis in Græciam, et respondet epistolæ Attici. Ergo poni debet post profectionem, ut iungatur cum eo, quod dicit de comite itinere Bruto, in Græciam navigaturo. Ceterum Dynæci sunt piratæ (v. cp. 2.) a Pompeio prope Dynen in Achuja collocati.

³ Haud arma.] Eam posthac usurpaturum: supra dixit, sanam esse, arma abjecturum Pompeium.

⁴ In v. et in s. i.] Int. spem ponere.

⁵ Is multa, quæ vellem.] De filio mihi narravit. in mandatis sat abunde, deleri volebat Lambinus. sane vix commodum sensum habet.

quidem malum, in mandatis sat abunde: H-S LXXII satis esse, affatim prorsus; sed Xenonem perexiguae, et γλισχρος præbere, ⁶ [id est minutatim]. ⁷ quo plus permutasti, quam ad fructum insularum, id ille annus habeat, in quem itineris sumtus accessit. hinc ex Kal. April. ad H-S LXXX accommodetur. nunc enim insulæ tantum. videndum enim est, ⁸ quid, cum Romæ erit. non enim puto ⁹ socrum illam ferendam. ¹⁰ Pindaro de Cumano negaram. Nunc, cujus rei causa tabellarium miserim, accipe. Q. filius mihi ¹¹ pollicetur se Catonem. egit autem et pater, et filius, ut tibi sponderem: sed ita, ut tum crederes, cum ipse cognosces. huic ego ¹² litteras ipsius arbitrato dabo. eæ te ne moverint. has scripsi in eam partem, ne me motum putares. dii faxint, ut faciat ea, quæ promittit! commune enim gaudium. sed ego nihil dico amplius. is hinc ¹³ vi Idus. ait enim ¹⁴ attributionem in Idus, se autem urgeri acriter. tu ex meis litteris, quo modo respondeas, moderabere. Plura, cum et Brutum videro, et Erotem remittam. Atticæ meæ excusationem accipio, eamque amo plurimum: cui, et Piliæ salutem.

CICERO ATTICO S.

2

SEXTO Idus duas epistolas accepi, unam a meo tabellario, alteram a Bruti. De Buthrotiis longe alia fama in his locis fuerat: sed cum aliis multis hoc ferendum. Erotem remisi citius, quam constitueram, ¹⁵ ut esset, qui Hortensio: et ¹⁶ quia equitibus quidem ait se Idibus constituisse. Hortensius vero impudenter. nihil enim debetur ei,

6 *Id est, minutatim.*] Hoc esse a glossatore, recte vidit Corradus. ita et visum Cl. Valkenariu in Eurip. fragmenta, p. 194. Inelusit uncis.

7 *Quo plus permutasti, quam.*] Edd. pr. *que quo plus.* Ser. *quod plus p., &c.* quod ei plus carasti Athenas permutatione, quam fructus, *mercedes* supra vocavit, insularum efficiunt. (*ad est verbum rationis.*) id in illum annum computetur, in quo itineris sumtus accedunt ad reliquos sumtus.

8 *Quid, cum Romæ erit.*] Necessarium futurum sit in sumtam.

9 *Socrum illam ferendam.*] Publiliam, ut apud eam habitare et vivere pussit.

10 *Pindaro de Cumano negaram.*] Sic euld. pr. et Mss. de venditione Cumani adierat Cicronem: venalem esse negarat

Cicero. Huc pertinet XIV, 13. de venditione nihil cogito.

11 *Pollicetur se Catonem.*] Imitaturum Catonem.

12 *Litteras dabo.*] Est ep. 5. hujus libri.

13 VII. Id.] Edd. Rom. VI. melius. nam luce ep. scripta est VIII. Id. dixisset igitur cras. alii etiam III.

14 *Attributionem in Idus.*] Solutioni pecuniæ delictæ destinatas idus. ea attributa erat alicui Romæ a creditore Quinti.

15 *Ut esset, qui Hortensio.*] Solutionem petenti satisfaceret.

16 *Quia equitibus quidem, &c.*] De pecuniaria re esse sermonem, Idus indicant. Sed causa ipsa non intelligitur. verbum equitibus quidem vitiosum puto.

nisi ex tertia pensione, quæ est Kal. Sext. ex qua pensione ipsa major pars est ei soluta aliquanto ante diem. sed hæc Eros videbit Idibus. De Publio autem, ¹⁷quod perscribi oportet, moram non puto esse faciendam. sed cum videas, quantum de jure nostro decesserimus, qui de residuis cccc H-S. cc præsentia solverimus, reliqua rescribamus: loqui cum eo, si videbitur, poteris, cum commodum nostrum expectare debere, cum tanta sit a nobis jactura facta juris. Sed amabo te, mi Attice, (videsne, quam blande?) omnia nostra, quoad cris Romæ, ita gerito, regito, gubernato, ut ¹⁸nihil a me exspectes. quamquam enim reliqua satis apta sunt ad solvendum; tamen fit sæpe, ut ii, qui debent, non respondeant ad tempus. si quid ejusmodi acciderit, ne quid tibi sit fama mea potius. non modo versura, verum etiam venditione, si ita res coget, nos vindicabis. Bruto tuæ litteræ gratæ erant. fui enim apud illum multas horas in Neseide, cum paullo ante tuas litteras accepissem. ¹⁹delectari mihi Tereo videbatur, et habere majorem Accio, quam Antonio, gratiam. mihi autem quo lætiora sunt, eo plus stomachi et molestiæ est, populum Romanum manus suas non in defendenda republica, sed in plaudendo consumere. mihi quidem videntur istorum animi incendi etiam ad repræsentandam improbitatem suam. sed tamen, ²⁰*dummodo doleat aliquid, doleat quodlibet*. Consilium meum, quod ais quotidie magis laudari, non moleste fero; exspectabamque, si quid de eo ad me scriberes. ego enim in varios sermones incidebam. quin etiam idcirco trahebam, ut quam diutissime

p. 252. a. me integrum esset. sed quoniam furcilla extrudimur, Brundisium cogito. facilius enim et exploratior devitatio legionum fore videtur, quam piratarum, qui apparere dicuntur. Sextius vi Idus exspectabatur, sed non venerat, quod sciam. Cassius cum classicula sua venerat. ego, cum eum vidissem, v Kal. in Pompeianum cogitabam, inde Aculanum. nosti reliqua. De Tutia ita putaram. De Æbutio, non credo:

¹⁷ Quod perscribi oportet.] Per scripturam mensæ solvi. v. Clav. in perscribere. erat pecunia debita ex dote Publiæ dimissæ.

¹⁸ Nihil a me exspectes.] Non me ante consulas, sed ipse facias, ut videbitur, etiam ipse solvas pro me pecuniam ex arca tua: quo pertinet etiam, quod infra est: ne quid tibi sit fama mea potius, ut quovis modo solvas iis, quibus debeo.

¹⁹ Delectari m. Tereo, &c.] Pertinet ad plausum, qui Bruto in ludis ejus sæpe datus fuerat, cum ageretur fabula Accii Terentii.

²⁰ Dummodo doleat aliquid, doleat.] Edidi doleat pro doleant, quod omnes libri habent. nam sic et res et latinitas postulat, et sic alibi habet Cicero, ut Tusc. IV, 20. ubi et Buherius monuit, hic sic corrigendum esse.

nec tamen euro plus, quam tu. Planeo et Oppio scripsi equidem, quoniam rogaras: sed, si tibi videbitur, ne necesse habueris reddere. eum enim tua causa fecerint omnia; vereor, ne meas litteras supervacaneas arbitrentur. ²¹ Oppio quidem utique: quem tibi amicissimum eognovi. verum, ut voles. Tu, quoniam scribis hiematurum te in Epiro, feceris mihi gratum, si ante eo veneris, quam mihi in Italiam, te anetore, veniendum sit. litteras ad me quam sæpissime, ²² sed de rebus minus necessariis, aliquem nactus; sin autem erit quid majus, domo mittito. *Ἡρακλείδιον*, si Brundisium salvi, adoriemur. de Gloria misi tibi. custodies igitur, ut soles: ²³ (sed notent eclogarii:) quos Salvius, bonos auditores nactus, in convivio duntaxat legat. mihi valde placeant: mallet mihi. Etiam atque etiam vale.

CICERO ATTICO S.

3

TU vero sapienter. nunc demum enim rescribo his litteris, quas mihi misisti, convento Antonio Tiburi, sapienter igitur, ²⁴ quod manus dedisti, quodque etiam ultro gratias egisti. certe enim, ut scribis, ²⁵ deseremur potius a republica, quam a re familiari. quod vero scribis te magis et magis ²⁶ delectari, O TITE SI QUID EGO: addis mihi scribendi alacritatem. Quod Erotem non sine munusculo exspectare dicis; gaudeo, non fessellisse eam rem opinionem tuam: sed tamen idem *σύνταγμα* misi ad te retractatius, et quidem *ἀρχέτυπον* ipsum, crebris locis inculcatum et reffectum. hunc tu tralatum in maerocolum lege arcano convivis tuis: sed, si me amas, hilaris et bene acceptis, ne in me stomachum erumpant, cum sint tibi irati. De Cicerone, velim ita sit, ut audimus. De Xenone, coram egnoscam: quamquam nihil ab eo arbitror neque indiligenter, neque illiberaliter. De Herode, faciam, ut mandas: et ea, quæ scribis, ex

²¹ Oppio quidem utique.] Non necesse erit reddere.

²² Si de rebus m. necessariis, a. n.] Interpuxi post necessariis, ut al. nactus conjungatur cum litteras ad me. Sed si in hac structura durius, itaque prætulī sed, quod edd. pr. habent consensu.

²³ Sed notent eclogarii.] Sic bene corrigi vulgatum notentur voluit J. Fr. Gronovius. nam eclogarios intelligere cum P. Manutio de personis colloquentibus, aut locis insignioribus, ineptum sit. si quis

tamen malit notentur eclogariis; non valde repugnem.

²⁴ Quod manus dedisti.] Cessasti Antonio in re Buthrotia, etsi jacturam facis magnam.

²⁵ Deseremur potius, &c.] Hoc quomodo cum præcedente cohereat, non intelligo. An scripsit Cicero: deseremur potius a re familiari, quam a republica.

²⁶ Delectari o Tite, &c.] Libro de senectute, cujus initium est ab hoc versiculo.

Saufeio, et e Xenone cognoscam. De Q. filio, gaudeo tibi meas litteras prius a tabellario meo, quam ab ipso, redditas : quamquam te nihil fecellisset. verumtamen. sed exspecto, quid ille tecum, quid tu vicissim : nec dubito, quin suo more uterque. sed eas litteras Curium mihi spero redditurum : qui quidem, etsi per se est amabilis, a meque diligitur; tamen accedit magnus cumulus commendationis tuæ. Litteris tuis satis responsum est: nunc audi, quod, etsi intelligo scribi necesse non esse, scribo tamen. Multa me movent in discessu, in primis mehercule, quod dijunctor a te. movet etiam navigationis labor, alienus non ab ætate solum nostra, verum etiam a dignitate; tempusque discessus subabsurdum. relinquimus enim pacem, ut ad bellum revertamur; quodque temporis in prædiolis nostris, et belle ædificatis, et satis amoenis consumi potuit, in peregrinatione consumimus. consolantur hæc. aut ²⁷ proderimus aliquid Ciceroni: aut, quantum profici possit, iudicabimus. deinde tu jam, ut spero, et ut promittis, aderis. quod quidem si acciderit, omnia nobis erunt meliora.

p. 253. ^{a.} Maxime autem me angit ratio reliquorum meorum: quæ quamquam explicata sunt; tamen, quod et Dolabellæ nomen in iis est, ²⁸ et attributione mihi nomina ignota, conturbor: nec me ulla res magis angit ex omnibus. itaque non mihi videor errasse, quod ad Balbum scripsi apertius, ut, si quid tale accidisset, ²⁹ ut non concurrerent nomina, subveniret; neque tibi etiam mandasse, ut, si quid ejusmodi accidisset, cum eo communicares: quod facies, si tibi videbitur, coque magis, si proficisceris in Epirum. Hæc ego conscondens e Pompeiano tribus actuariolis, decem scalmis. Brutus erat in Neside etiam nunc, Neapoli Cassius. Ecquid amas Deiotarum, et non amas Hieram? qui, ut Blesamius venit ad me, cum ei præscriptum esset, ne quid sine ³⁰ Sexti nostri sententia ageret; neque ad illum, neque ad quemquam nostrum retulit. Atticam nostram cupio absentem suaviari: ita mihi dulcis salus visa

²⁷ Proderimus a. Ciceroni.] Cum Athenas venerimus: nam in Græciam ire parabat: incitabimus enim studium discendi præsentia nostra.

²⁸ Et attributione m. nomina ignota.] Videtur mihi in addendum, in attributione, i. e. in iis, a quibus pecuniam per attri-

butionem accipere debeo, (loquitur enim de pecuniis suis,) sunt mihi ignota homines.

²⁹ Ut non concurrerent nomina.] I. e. non responderent, consentirent summa: pecunia, aut tempora solutionis, &c.

³⁰ Sexti nostri.] Peduca.

est, per te missa ab illa. referes igitur ei plurimam, itemque Piliæ dicas velim.

CICERO ATTICO S.

4

³¹ ITA ut heri tibi narravi, vel fortasse hodie, (Quintus enim altero die se aiebat,) in Nesida VIII Idus. ibi Brutus. quam ille doluit ³² de Nonis Juliis? mirifice est conturbatus. itaque sese scripturum aiebat, ³³ ut venationem etiam, quæ postridie ludos Apollinares futura est, proscriberent ³⁴ III ID. QUINT. ³⁵ Libo intervenit. is Philonem, Pompeii b. libertum, et Hilarum, ³⁶ suum, venisse ³⁷ a Sexto cum litteris ad consules, ³⁸ sive quo alio nomine sunt. earum exemplum nobis legit, ³⁹ si quid videretur. ⁴⁰ pauca *παρὰ λέξιν*, ceteroqui et satis graviter, et non contumaciter. tantum addi placuit, quod erat COS. solum, ut esset, PRÆT. TRIBB. PLEB. SENATUI; ne illi non proferrent eas, quæ ad ipsos missæ essent. Sextum autem nuntiant cum una solum legione fuisse Carthagine: ⁴¹ eique, eo ipso die, ⁴² quo oppidum Boream cepisset, nuntiatum esse de Cæsare: capto oppido, miram lætitiā commutationemque animorum, concursumque undique: sed illum ad sex legiones, quas in ulteriore reliquisset, revertisse. ad ipsum autem Libonem scripsit, ⁴³ nihil esse, nisi ad larem suum liceret. summa

31 Ita ut heri t. narravi, &c.] I. e. ut tibi scripsi in epistola, quam aut heri acceperisti, aut hodie demum, ita feci, profectus sum in Nesida VIII Id. epistolam dederat Quinto porferendam.

32 De nonis Juliis.] V. ad ep. 1.

33 Ut venationem etiam, quæ -- f. est, proser.] Primo scribendum puto eum: nam etiam plane alienum est. an aliquid jam aliud proscripsum erat sic? tum legam futura esset, pendet enim e proscriberent: nisi vero hoc e sua persona dicit Cicero.

34 III Id. Quint.] Sensus est, diserte jussit, in edicto de venatione poni nomen Quintilis.

35 Libo intervenit.] Libo, socer S. Pompeii.

36 Suum libertum.] Libertum delevi, quem addidisse Victorium e suo libro, dicit Grævius. Immo est in edd. pr. Rom. Jens. Asc. Ald. at P. Man. omisit.

37 A Sexto.] Pompeio ex Hispania.

38 Sive quo alio nomine sunt.] Iluc est nota Ciceronis, qui illos consules non agnoscebat, ut illo nomine indignos. erant autem Antonius et Dolabella.

39 Si quid videretur.] Hæc est lectio edd. pr. cujus sensus est, ut si quid videretur notandum, diceremus. eam temere correxere: dixi, quid videretur, quod seqq. non consentit.

40 Pauca *παρὰ λέξιν*, et.] Π. λ. libri edd. omnes: sed commodum et rei aptum sensum non reperiunt, nam si maxime quædam parum proprie dixit, quid id ad rem in tali epistola? aspiciamus sum aliquando *παρὰ δόξαν*. si quis quid melius, libenter præferam, tum post pro ceteroqui edd. pr. ceteraque; quod putem corrigendum fuisse cetera quidem.

41 Eique eo ipso die.] Puto eo dolendum, variant in hoc loco libri.

42 Quo oppidum Boream cepisset.] Intelligunt vulga Boream Africæ oppidum: sed quid id ad Sextum, qui in Hispania erat? itaque aut in vicinia Carthaginis Hispanicæ fuit oppidum hoc nomine, aut vitiosa est lectio.

43 Nihil esse, nisi ad larem suum liceret.] Se ab armis non necessarium et pacem facturum, nisi domum patris sui publicatam et venditam Antonio, reciperet.

postulatorum, ut omnes exercitus dimittantur, qui ubique sint. Hæc fere de Sexto. De Buthrotiis undique quærens, nihil reperiēbam. alii, concisos agripetas: alii Plan- cum, acceptis numis, relictis illis, aufugisse. itaque non video sciturum me, quid ejus sit, ni statim aliquid litterarum. Iter illud Brundisium, de quo dubitabam, sublatum videtur. legiones enim adventare dicuntur. ⁴⁴ hæc autem navigatio habet quasdam suspiciones periculi. itaque constituebam uti ὁμπολοίq. paratiorem offendi Brutum, quam audiebam, nam et ipse Domitius bona plane habet dicrota: suntque navigia præterea luculenta Sextii, Buciliani, ceterorum. nam Cassii classem, quæ plane bella est, non numero ultra fretum. illud est mihi submolestum, quod parum Brutus properare videtur. primum confectorum ludorum nuntios exspectat: deinde, quantum intelligo, tarde est navigaturus, consistens in locis pluribus. tamen arbitror esse commodius tarde navigare, quam omnino non navigare: et si, cum processerimus, exploratiora videbuntur, Etesiis utemur.

5

CICERO ATTICO S. .

TUAS jam litteras Brutus exspectabat: cui quidem ego ⁴⁵ non novum attuleram de Tereo Attii. ille Brutum putabat. ^{p. 254.} sed tamen rumoris nescio quid afflaverat, ^{a.} commissione Græcorum, frequentiam non fuisse: quod quidem me minime fefellit. scis enim, quid ego de Græcis ludis existimem. Nunc audi, quod pluris est, quam omnia. Quintus fuit mecum dies complures: et, si ego cuperem, ille vel plures fuisset: sed, ⁴⁶ quantum fuit, incredibile est, quam me in omni genere delectarit: in eoque maxime, in quo minime satisfaciebat. sic enim commutatus est totus et scriptis meis quibusdam, quæ in manibus habebam, et assiduitate orationis, et præceptis, ut tali animo in rempublicam, quali nos volumus, futurus sit. hoc cum mihi non modo confirmasset, sed etiam persuasisset; egit mecum accurate multis verbis, tibi ut sponderem, se dignum et te

⁴⁴ Hæc a. navigatio.] E portu Puteolano, s. Puteolis in Græciam: habet suspiciones periculi, a piratis, qui in illo mari vagari dicuntur: de quo supra.

⁴⁵ Non novum.] Corradus et Manutius non delendum putant, recte probante

Grævio — Brutum, fabulam ejusdem Attii. Ignorarat Tereum Attii fuisse, in qua tantus plausus factus esset.

⁴⁶ Quantum fuit.] Conjeci quamdiu: etsi illud ferri potest.

et nobis futurum: neque se postulare, ut statim crederes; sed, cum ipse perspexisses, tum ut se amares. quod nisi fidem mihi fecisset, judicassemque hoc, quod dico, firmum fore; non fecissem id, quod dicturus sum. duxi enim mecum adolescentem ad Brutum. sic ei probatum est, quod ad te scribo, ut ipse crediderit, me sponsorem accipere noluerit, cumque laudans, amicissime mentionem tui fecerit, complexus osculatusque dimiserit. Quamobrem etsi magis est, quod gratuler tibi, quam quod te rogem: tamen etiam rogo, ut, si quæ minus antea, propter infirmitatem ætatis, constanter ab eo fieri videbantur, ea iudices illum abjecisse; mihi que credas, multum allaturam, vel plurimum potius, ad illius iudicium confirmandum, auctoritatem tuam. Bruto cum sæpe injecissem de ὁμοπλοίᾳ, non perinde, atque ego putaram, ⁴⁷ arripere visus est. existimabam μετεωρότερον esse: et hercule erat, et maxime de ludis. at mihi, cum ad villam redissem, Cn. Luccius, qui multum utitur Bruto, narravit, illum valde morari, non tergiversantem, sed expectantem, ⁴⁸ si qui forte casus. itaque dubito, an Venu-^{b.} sianam tendam, et ibi expectem de legionibus: si aberint, ut quidam arbitrantur, Hydruntem: si nontrum crit ἀσφαλές, eodem revertar. joculari me putas? moriar, si quisquam me tenet præter te. etenim circumspice: sed ante erubesco. O ⁴⁹ dies in auspiciis Lepidi lepide descriptos, et apte ad consilium reditus nostri. magna ῥοπή ad proficiscendum tuis litteris. atque utinam te illic! sed ut conducere putabis. Nepotis epistolam exspecto. cupidus ille meorum? qui ea, quibus maxime γαυριῶ, legenda non putet? ⁵⁰ et ais, με-^{p. 255.} τ' ἀμύμονα. tu vero ἀμύμων. ille quidem ἄμβροτος. Mearum^{a.} epistolarum nulla est συναγωγή: sed habet Tiro instar septuaginta. et quidem sunt a te quædam sumendæ. eas ego, oportet, perspiciam, corrigam. tum denique edentur.

⁴⁷ Arripere visus est.] Bene arripere Victorius pro accipere dedit, c. codd. veti. Sed tamen sic et Jensonius dederat.

⁴⁸ Si qui forte casus.] Ed. Jems. addit occurrant, quod est a glossatore.

⁴⁹ Dies in a. L. lepide descriptos, &c.] Lepidus P. M. in auspiciis pontificatus ferias indixerat, (v. cp. 11.) eas dicit

Cicero lepide descriptos, quia ejus consilio redeundi Romam bene conveniebant.

⁵⁰ Et ais, μετ' ἀμύμονα, &c.] Atticus dixerat, Nepotem esse optimum scriptorem, sed μετ' ἀμύμονα, intelligens ipsum Ciceronem. id retorquet in Atticum, ipsum esse ἀμύμονα, Nepotem autem plane divinum.

6

CICERO ATTICO S.

EGO adhuc (perveni enim Vibonem ad Sicam) magis commode, quam strenue navigavi: remis enim magnam partem: prodromi nulli. illud satis opportune: duo sinus ⁵¹fuerunt, quos tramitti oporteret, Præstanus et Vibonensis: utrumque pedibus æquis transmisimus. veni igitur ad Sicam octavo die e Pompeiano, cum unum diem Veliae constitissem: ubi quidem fui sane libenter apud Talnam nostrum: nec potui accipi, illo absente præsertim, liberalius. ix Kal. igitur ad Sicam. ibi tamquam domi meae scilicet. itaque obduxi posterum diem. sed putabam, cum Regium venissem, fore, ut illic, *δολιχὸν πλόον ὁρμαίνοντες*, cogitarem, corbitane Patras, an actuariolis ad Leucopetram Tarentinorum, ⁵²atque inde Corcyram: et, si oneraria, statimne freto, an Syracusis. hac super re scribam ad te Regio. Mchercule, mi Attice, sæpe mecum, *ἡ δὲ ὑπ' ὁδὸς σοι τί εἶναι*; cur ego tecum non sum? cur, oculos Italiæ, villulas meas non video? sed id satis superque, tecum me non esse. quid fugientem? periculumne? id nunc quidem, nisi fallor, nullum est. ⁵³ad ipsum enim revocat me auctoritas tua. scribis enim, in cælum ferri profectionem meam, sed ita, si ante Kal. Jan. redeam: quod quidem certe emitar. malo enim vel cum timore domi esse, quam sine timore Athenis tuis. sed tamen prospice, quo ista vergant: mihi-que aut scribe, aut quod multo malini, affer ipse. hæc hac-
b. tenus. Illud velim in bonam partem accipias, me agere tecum, quod tibi majori curæ sciam esse, quam ipsi mihi. nomina mea, per deos, expedi, exsolve. ⁵⁴belle reliqua reliqui. sed opus est diligentia, coheredibus ⁵⁵pro Cluviano Kal. Sext. persolutum ut sit. cum Publilio quo modo agendum sit, videbis. non debet urgere, quoniam jure non utimur, sed tamen ei quoque satisfieri plane volo. Terentiae vero, quid ego dicam? etiam ante diem, si potes. Quin si,

51 *Fuerunt, quos tramitti oporteret.*] Vulgo male oportet.

52 *Atque inde Corcyram.*] Vulgo editur ast, quod plane alienum est. Sic primus edidit Jensonus. at ed. Rom. habet ac inde, unde feci atque inde, ut conjecterat Lambinus.

53 *Ad ipsum enim revocat me a. t.*] Hoc vitiosum puto, nec id sensum commodum habet. nam si ipsum ad periculum

pertinet, non convenit hoc præcedenti. Puto veram esse, at ipsum etiam revocat me a. t. quamquam in hoc ipsum durius est.

54 *Belle reliqua reliqui.*] I. e. reliqui quidem quædam adhuc solvenda: sed ita, ut solvi, quod debeo, possit.

55 *Pro Cluviano.*] Pro prædio, quod e Cluviana hereditate emi, de quo supra sæpe.

ut spero, celeriter in Epirum; hoc, ⁵⁶ quod satisdato debeo, peto a te, ut ante provideas, planeque expedias, et solum relinquas. sed de his satis; metuoque, ne tu nimium putes. nunc negligentiam meam cognosce. De Gloria librum ad te misi: at in eo procemium id est, quod in Academico tertio. id evenit ob eam rem, quod habeo volumen procemiorum. ex eo eligere soleo, cum aliquod *σύγγραμμα* institui. itaque jam in Tusculano, qui non meminissem, me abusum isto procemio, conjeci id in eum librum, quem tibi misi. cum autem in navi legcerem Academicos, agnovi erratum meum. itaque statim novum procemium exaravi; tibi misi. tu illud desecabis, hoc agglutinabis. Piliæ salutem dices, et Atticæ, deliciis atque amoribus meis.

CICERO ATTICO' S.

7

OCTAVO Id. Sext. cum a Leucopetra profectus (inde enim tramittebam) stadia circiter ccc processissem, reiectus sum austro vehementi ad eandem Leucopetram. ibi cum ventum exspectarem (erat enim villa Valerii nostri, ut familiariter essem, et libenter) regini quidam, illustres homines, eo venerunt, Roma sane recentes; in iis Bruti nostri hospes, qui Brutum Neapoli reliquisset. hæc afferebant, edictum Bruti et Cassii; et fore frequentem senatum Kalendis: a Bruto et Cassio litteras missas ad consulares et prætorios, ut adessent, rogare. summam spem nuntiabant: fore, ut Antonius cederet, res conveniret, nostri Romam redirent. addebant etiam, me desiderari, subaccusari. quæ cum audissem, sine ulla dubitatione abjeci consilium profectionis, quo meherecule ne antea quidem delectabar. lectis vero tuis litteris, admiratus equidem sum, te tam vehementer sententiam commutasse; sed, non sine causa, arbitrabar. etsi, quamvis non fueris suasor et impulsor profectionis meæ, approbator certe fuisti, dummodo Kal. Jan. Romæ essem. ita fiebat, ut, dum minus periculi videretur, abessem, in flammam ipsam venirem. sed hæc, etiamsi non prudenter, tamen *ἀνεμάρτα* sunt; primum, quod de mea sententia acta sunt; deinde, etiamsi te auctore, quid debet, qui consilium dat, præstare præter fidem? Illud admirari satis non potui, quod scripsisti his verbis: ⁵⁷ *veni igitur.*

p. 256.
a.

⁵⁶ Quod satisdato debeo.] V. Clav. in dederat debitum ejus solvi.
h. v. sponderat pro Montano et satis- ⁵⁷ Veni, tu, qui εὐδαμονίαν, veni, relin-

tu, qui ἐὺδανασίαν veni. relinquis patriam? An ego reliquebam, aut tibi tum relinquere videbar? tu id non modo non prohibebas, verum etiam approbabas. graviora quæ restant. *Velim σχολίον aliquod elimes ad me, oportuisse te istuc facere.* Itane, mi Attice? defensione eget meum factum, præsertim apud te, qui id mirabiliter approbasti? ego vero istum ἀπολογισμὸν συντάξομαι, sed ad eorum aliquem, quibus invitis et dissuadentibus profectus sum. etsi quid jam opus est σχολίον? si perseverassem, opus fuisset. At
 b. hoc ipsum non constanter. nemo doctus umquam (multa autem de hoc genere scripta sunt) mutationem consilii, inconstantiam dixit esse. deinceps igitur hæc. *Nam* ⁵⁸ *si a Phædro nostro, expedita excusatio esset. nunc quid respondemus?* Ergo id ⁵⁹ erat meum factum, quod Catoni probare non possem, flagitii scilicet plenum et dedecoris. utinam a primo ita tibi esset visum! tu mihi, sicut esse soles, fuisses Cato. Extremum illud vel molestissimum: *Nam Brutus noster silet:* hoc est, non audet hominem id ætatis monere. aliud nihil habeo, ⁶⁰ quod ex iis a te verbis significari putem: et hercule ita est. Nam xvi Kal. Sept. cum venissem Veliam, Brutus audivit. erat enim cum suis navibus apud ⁶¹ Hæletem fluvium, citra Veliam millia passuum iii pedibus ad me statim. dii immortales, quam valde ille ⁶²reditu, vel potius reversione mea lætatus, effudit illa omnia, quæ tacuerat; ut recordarer illud tuum, *nam Brutus noster silet.* maxime autem dolebat, me Kal. Sext. in senatu non fuisse. ⁶³ Pisonem ferebat in cælum: se autem lætari, quod effugissem duas maximas vituperationes. unam, quam itinere faciendo me intelligebam suscipere, desperationis ac ⁶⁴relictionis reipublicæ: flentes mecum

quis patriam?] Edd: pr. habent bene, quod bene e Ms. correxit Victorius, qui in ed. sec. tamen habet relinque, ut ed. Jens. Edd. autem Rom. Crat. Asc. Ald. relinquis, quod prætuli vulgato relinques. sed secundum veni puto delendum. nam coherent hæc: tu, qui ἐὺδανασίαν (mortem honestam tantopere laudas), relinquis patriam.

58 Si a Phædro nostro.] Tale quid fieret, qui est Epicureus.

59 Erat - - quod Catoni pr. non possem.] Vulgo male editum est possum.

60 Quod ex iis r. s. p.] Ex habent edd. omnes. eadem constructio est de Har. R. 12.

61 Hæletum fluvium.] Sic edd. omnes.

at in epp. ad Div. dicitur Hæles: et hanc scripturam hic secutus sum, ut ne Cioero a se ipse discreparet: estque et melior.

62 Reditu, vel potius reversione.] Nempe reditus est post finitum negotium, cuius causa profecti sumus: reversio est mutatio consilii, atque adeo itineris ipsius, cum in ipso itinere convertimus nos et retro imus.

63 Pisonem ferebat in cælum.] Qui, quamquam Cæsaris socer, in Antonium dixerat.

64 Relictionis reip.] Hoc e conjectura Beroaldi receptum, reperit tamen in Ms. Bulliol. Grævius. libri alii scr. et edd. veti. omnes relictionis.

vulgo querebantur, quibus de meo celeri reditu non probabam: alteram, de qua Brutus, et qui una erant, (multi autem erant,) lætabantur, quod eam vituperationem effugissem, ⁶⁵ me existimari ad Olympia. hoc vero nihil turpius, quovis reipublicæ tempore: sed hoc ἀναπολόγητον. ego vero austro gratias miras, qui me a tanta infamia averterit. Reversionis ⁶⁶ has speciosas causas habes, justas illas quidem, et magnas, sed nulla justior, quam quod tu idem aliis litteris: *provide*, ⁶⁷ *si cui quid debetur, ut sit*, ⁶⁸ *unde par pari respondeatur*. Mirifica enim δυνεχρηστία est propter metum armorum. In freto medio hanc epistolam legi, ut, quid possem providere, in mentem mihi non veniret, ⁶⁹ nisi ut præsens me ipse defenderem. Sed hæc hactenus. reliqua coram. Antonii edictum ⁷⁰ legi a Bruto, et ⁷¹ horum contra, scriptum præclare. sed quid ista edicta valeant, aut quo spectent, plane non video: nec ego nunc, ut Brutus censebat, istuc ad rempublicam capessendam venio. quid enim fieri potest? num quis Pisoni est assensus? num rediit ipse postridie? ⁷² sed abesse hanc ætatem longe a sepulchro negant oportere. Sed obsecro te, quid est quod audivi de Bruto? Piliam πειράζεσθαι παραλύσει, te scripsisse ajebat. valde sum commotus: etsi idem, te scribere, sperare melius. ita plane velim. ei dicas plurimam salutem, et suavissimæ Atticæ. Hæc scripsi navigans, cum Pompeianum accederem, XIII Kal.

p. 257.
a.

65 *Me existimari ut Olympia.*] Se. voluptatis causa ire ad ludos Olympicos spectandos, qui Bruti spectare nollem. Sed ea causa levior est, quam pro re. quomodo enim tam turpe sit tale iter, nisi gravis causa impediat, quæ ad remp. pertineat.

66 *Has speciosas causas habes.*] Speciosas sæpe mihi suspectum fuit. quaro enim additur, cum idem et multo plus sit in seqq. *justas et magnas*: nec solet epitheton addi, cum tale quid sequitur. forte est a glossatore.

67 *Si cui quid debetur.*] Sic ed. Jens. Ed. Rom. quod: quod miror servatum esse contra latinitatem.

68 *Unde par pari respondeatur.*] Mira oratio, in solutione *par pari* respondere. puto *par pari* additum ab inepto glossatore

ex illo comico *par pari* respond. quod illum mordeat. de solutione simpliciter dici potest respondere, cum solvitur ad diem debitori: quo et supra usus est. v. Clav. in respondere. una defensio est, si dicamus Atticum per jocum sic dixisse.

69 *Nisi ut præsens.*] Edd. pr. quod. forte quo, vel qui. sed totus locus nobis vitiosus videtur.

70 *Legi a Bruto.*] Suppeditatum mihi a Bruto.

71 *Horum contra.*] Bruti, Cassii: v. ad Div. XI, 3.

72 *Sed abesse - - negant op.*] Sed tamen dicunt, me redire debere, etsi periculum sit, nam me propter ætatem non longe a morte abesse, quo minus periculum esse timendum.

8

CICERO ATTICO S.

CUM sciam, quo die venturus sim, faciam, ut scias. impedimenta exspectanda sunt, quæ Anagnia veniunt: et familia ægra est. Kal. vesperi litteræ mihi ab Octaviano. magna molitur. veteranos, quique Casilini et Calatiæ sunt, perduxit ad suam sententiam. nec mirum: quingenos denarios dat: cogitat reliquas colonias obire. plane hoc spectat, ut se duce bellum geratur cum Antonio. itaque video paucis diebus nos in armis fore. Quem autem sequamur? vide nomen: vide ætatem. Atque a me postulat, primum ut clam colloquatur mecum, vel Capuæ, vel non longe a Capua. puerile hoc quidem, si id putat clam fieri posse. docui per litteras, id nec opus esse, nec fieri posse. misit
 b. ad me Cæcinam quendam Volaterranum, familiarem suum, qui hæc pertulit: Antonium cum legione Alaudarum ad urbem pergere, pecunias municipiis imperare, legionem sub signis ducere. consultabat, utrum Romam cum cetero cetero veteranorum proficisceretur, an Capuam teneret, et Antonium venientem excluderet, an iret ad tres legiones Macedonicas, quæ iter secundum mare superum faciunt; quas sperat suas esse. cæ congiarium ab Antonio accipere noluerunt, ut hic quidem narrat, et ei convicium grave fecerunt, concionantemque reliquerunt. quid quæris? ducem se profitetur, nec nos sibi putat decesse oportere. Equidem suasi, ut Romam pergeret. videtur enim mihi et plebeculam urbanam, et, si fidem fecerit, etiam bonos viros secum habiturus. O Brute, ubi es? quantam *ἐνκαίριον* amittis? non equidem hoc divinavi, sed aliquid tale putavi fore. Nunc tuum consilium exquiro. Romamne venio, an hic manco, an Arpinum (*Ἀρπυνίου* habet is locus) fugiam? Romam; ne desideremur, si quid actum videbitur. hoc igitur explica. numquam in maiore *ἀπορία* fui.

9

CICERO ATTICO S.

BINÆ uno die mihi litteræ ab Octavio, nunc quidem, ut Romam statim veniam: velle se rem agere per senatum. cui ego, non posse senatum ante Kal. Jan. quod quidem ita credo. ille autem addit, *consilio tuo*. quid multa? ille urget: ego autem *σκήπτομαι*. non confido ætati. ignoro, quo animo: nil sine Pansa tuo volo. vereor, ne valcat Antonius: nec a mari discedere libet: et metuo, ne quæ *ἀπαστεία*

me absente. Varroni quidem displicet consilium pueri; mihi non. firmas copias habet: Brutum habere potest: et rem gerit palam. centuriat Capuæ; ⁷³ dinumerat. jam jamque video bellum. ad hæc rescribe. Tabellarium meum Kalend. Roma profectum, sine tuis litteris, miror.

p. 258.
a.

CICERO ATTICO S.

10

⁷⁴SEPTIMO Id. veni ad me in Sinuessanum. eodem die vulgo loquebantur, Antonium mansurum esse Casilini. itaque mutavi consilium. statueram enim recta Appia Romam. facile me ille esset assecutus. ajunt enim cum Cæsarina uti celeritate. verti igitur me a Minturnis Arpinum versus. constitueram, ut 11 Idus aut Aquini manerem, aut in Arcano. nunc, mi Attice, tota mente incumbere in hanc curam. magna enim res est. tria sunt autem, maneamne Arpini, an propius accedam, an veniam Romam. quod censeris, faciam. sed quamprimum: avide exspecto tuas litteras. vi Idus mane in Sinuessano.

CICERO ATTICO S.

11

NONIS accepi a te duas epistolas: quarum alteram Kal. dederas, alteram pridie. igitur prius ad superiorem. Nostrum opus tibi probari lætor: ex quo ⁷⁵ ἄρδῃ ipsa posuisti, quæ mihi florentiora sunt visa tuo judicio. cerulas enim tuas miniatulas illas extimescebam. De Sica ⁷⁶ ita est, ut scribis. ast ægre me tenui. itaque perstringam sine ulla contumelia Sicæ aut Septimiæ: tantum, ut sciant παῖδες παῖδων. ⁷⁷ sine sillo Lucilliano, eum ex C. Fadii filia liberos habuisse. atque utinam eum diem videam, cum ista ora-

⁷³ *Dimmerat.*] V. Clav.

⁷⁴ *Septimo Id.*] Hic in scr. et edd. magna varietas est. Sed edd. antiquiores, quæ partem mensis exprimunt, habent *Idus*. Bosius mutavit in *Kalendas*. Vetus restitui, ut et Alemannus fecit, qui sic in Mss. Paris. reperit: item ille VII. dedit pro VI. bene. utrumque etiam res firmat, sc. subscriptio.

⁷⁵ *ἄρδῃ ipsa.*] Sic bene e lectione vulgata *ante i.* fecit Lambinus. In codice, e quo ed. Rom. facta est, fuit *antea ipsa*, ex *ἀρδῃα*. Forte est clausula versus tam nota, *ἀρδῃα ἀντρά*. Tunstallus, p. 182. conjecit *ἀντρά ipse*. sed *ipse* hic frigeret. Sermo putatur esse de libro de *Gloria*, quem paulo ante miserat Attico.

⁷⁶ *Ita est, ut scribis.*] 1. e. causæ idoneæ sunt, quare ei parcam, dum perstringo alium, Antonium: sed mihi difficile fuit, in eo mihi moderari. Verum huic, *æg. me tenui*. non convenit *perstringam*, futurum præterito, quod requirit *perstringam*. defendi potest sic, ut in *tenui* respiciatur ad actum scribendi, in *perstringam* ad editionem orationis.

⁷⁷ *Sine sillo Lucilliano.*] *Sillo* est e correctione Jac. Gronovii, quam servavimus, quia certe hoc intelligi potest. edd. et Mss. *vallo* vel *ullo*, quorum neutrum verum est aut sensum commodum habet. Bosius dedit e conjectura *Ἰδα*, Gravius malebat *sile*. sed id lenius est, quam res postulat.

tio ita libere vagetur, ut etiam in Sica: domum introeat! sed illo tempore opus est, ⁷⁸ quod fuit illis triumviris. moriar, nisi facete. tu vero leges Sexto, ejusque judicium mihi perscribes. εἰς ἐμοὶ μύριοι. Caleni interventum, et Calvenæ
 b. cavebis. Quod vereris, ⁷⁹ ne ἀδελσεχος mihi tu? quis minus? cui, ut Aristophani Archilochi jambus, sic epistola longissima quæque optima videtur. Quod me admones: tu vero etiamsi reprehenderes, non modo facile paterer, sed etiam lætarer: quippe cum in reprehensione est prudentia cum εὐμενείᾳ. ita libentur ea corrigam, quæ a te animadversa sunt, ⁸⁰ eodem jure, quo Rubriana potius, quam quo Scipionis: et ⁸¹ de laudibus Dolabellæ deruam cumulum. attamen est isto loco bella, ut mihi videtur, εἰρωμία, quod cum ter contra cives in acie. illud etiam malo, indignissimum est hunc vivere, ⁸² quam quid indignius? Πεπλογραφίαν Varronis tibi probari, non moleste fero: a quo adhuc Ἡρακλείδιον illud non abstuli. Quod me hortaris ad scribendum: amice tu quidem; sed me scito agere nihil aliud. Gravedo tua mihi molesta est. quæso adhibe, quam soles, diligentiam. ⁸³ O Tite, tibi prodesse, lætor. ⁸⁴ Anagnini sunt, Mustela ταξιάρχης, et Laco, qui plurimum bibit. Librum, quem rogas, perpoliam, et mittam. Hæc ad posteriorem. Τὰ περὶ τοῦ καθίγοντος, ⁸⁵ quatenus Panætius, absolvi duobus: illius tres sunt. sed cum initio divisisset ita, tria genera exquirendi officii esse; unum, cum deliberemus, honestum, an turpe sit; alterum, utile, an inutile; tertium, cum hæc inter se pugnare videantur, quo modo judicandum sit:

78 Quod fuit illis triumviris.] Frustra se in h. l. explicando torserunt interpretes. Triumviri tum nulli fuerant, qui proprie dicerentur, unus enim tantum triumviratus fuit, sed post illud tempus, quo hæc epistola scripta est. Latet igitur hic aliquid, quod ad epistolam Attici pertinet, nec sine ea intelligi potest; fuitque joens Attici, qui Ciceroni placuit, ut e sequentibus patet: nam illa, moriar, nisi facete, non ad Ciceronem pertinere videntur. Itaque optime Mammius, qui ab interpretatione hujus loci abstinuit. Sextum intelligit Pedaceum, ut supra.

79 Ne ἀδελσεχος.] Int. videaris in epistola tua fuisse.

80 Eodem jure, quo Rubriana, &c.] Pertinet hoc ad locum Ciceronis in orat. Phil. II, 16. ubi scripserat, eodem inquit, sc. jure, quo in Scipionis - prædia sc. ad-

volasti. pro eo monitus ab Attico scripsit deinde, quo l. Rubrii prædia.

81 De laudibus Dolabellæ.] Locus in eadem oratione est, c. 30. cumulus laudum, quem detracturum se dicit, hodie non est in exemplis, adeoque, qualis fuerit, ignoratur.

82 Quam quid indignius.] Est c. 34. ibique adhuc est in libris, quod corrigere volebat Cicero.

83 O Tite, t. p. l.] Librum de Senectute intelligit, ut supra, ep. 3. ejus hoc est initium. Mss. quidam præponunt, librum meum illum; quod spurium esse recte judicavit Lambinus: et abest edd. omnibus.

84 Anagnini.] In Phil. II, 41. memorati, qui sint quasiærat Atticus.

85 Quatenus Panætius.] Explicavit, nempe de honesto et utili.

qualis causa Reguli; redire honestum, manere utile: de duobus primis præclare disseruit; de tertio pollicetur se deinceps: sed nihil scripsit. eum locum ⁸⁶ Posidonius persecutus. ego autem et ejus librum arcessivi, et ad Athenodorum Calvum scripsi, ⁸⁷ ut ad me τὰ κεφάλαια mitteret; quæ exspecto: quem velim cohortare, et rogare, ut quamprimum. in eo est *περὶ τοῦ κατὰ περίστασιν καθήκοντος*. Quod de inscriptione quæris; non dubito, quin *καθήκον officium* sit, nisi quid tu aliud: sed inscriptio plenior, *de officiis*. *προσφωνῶ* autem Ciceroni filio. visum est non *ἀνοικεῖον*. ⁸⁸ De Myrtilo dilucide. o quales tu semper istos! itane in D. Brutum? dii istis. Ego me, ut scripseram, ⁸⁹ in Pompeianum non abdidi, primo tempestatibus, quibus nil tetrus: deinde ab Octaviano quotidie litteræ, ut negotium suscipere, Capuam venire, iterum rempublicam servarem; Romam utique statim.

- - - αἰδέσθην μὲν ἀνήρασθαι, δῖσαν δ' ὑποδέχθαι.

is tamen egit sane strenue, et agit. Romam veniet cum manu magna: sed est plane puer. ⁹⁰ putat senatum statim. quis veniet? si venerit, quis, incertis rebus, offendet Antonium? Kal. Jan. erit fortasse præsidio: aut quidem ante depugnabitur. puero municipia mire favent. iter enim faciens in Samnium venit Cales, mansit Teani. mirifica *ἀπαρτησις*, et cohortatio. hoc tu putares? ob hoc ego citius Romam, quam constitueram. simul ac constituerem, scribam. Etsi nondum stipulationes legeram (nec enim Eros venerat) tamen rem pridie Idus velim conficiam. Epistolas Catinam, Tauromenium, Syracusas commodius mittere potero, si Valerius interquires ad me ⁹¹ nomina gratiosorum scripserit. alii enim sunt alias: nostrique familiares fere demortui. publice tamen scripsi, ⁹² si uti vellet eis Valerius: aut mihi nomina

⁸⁶ *Posidonius persecutus.*] Durius omittitur est: sed non alicuius est ab abrupto genere scribendi in his epistolis. Conjeci aliquando *persequitur*.

⁸⁷ *Ut ad me τὰ κεφ. mitteret.*] *Quæ κεφάλαια?* sc. excerpta libri Posidoniani. infra, ep. 14. *ὑπόμνημα* dicit.

⁸⁸ *De Myrtilo dilucide.*] Quem ante pænas dedisse scripserat, XV, 13, scripserat nunc planius, qualis fuerit, quid peccarit, ut ejus improbitas perspicua esset, ut et semper in talibus hominibus fecerat.

⁸⁹ *In Pompeianum non abdidi.*] Laminus non delet. male. nam sequentia habent clare impedimenta, quare id facere non potuerit, cum voluisset.

⁹⁰ *Putat senatum statim.*] I. cogi posso a se.

⁹¹ *Nomina gratiosorum.*] In istis civitatibus, quibus eum commodasse prosit.

⁹² *Si uti vellet eis Val.*] *Eis* int. litteris his nostris ad civitates scriptis. edd. pr. *ei* vitiose. melius omnino pronomen abfuerit. *aut mihi nomina mitteret*, quare hic sit non video. et res jam paullo ante est.

mitteret. ⁹³ De Lepidanis feriis Balbus ad me usque ad IIII Kalend. Exspectabo tuas litteras: deque Torquati negotiolo ⁹⁴ scitutum puto. Quinti litteras ad te misi, ut scires, quam valde eum amaret, quem dolet a te minus amari. Atticæ, quoniam, quod optimum in pueris est, hilarula est, meis verbis suavius des. Vale.

12

CICERO ATTICO S.

- b. OPPII epistolæ, quia perhumana erat, tibi nisi exemplum. De Ocella, dum tu muginaris, nec mihi quidquam rescribis, cepi consilium domesticum. itaque me pridie Idus arbitror Romæ futurum. commodius est visum, frustra me istic esse, cum id non necesse esset, quam, si opus esset, non adesse: et simul, ne intercluderer, metuebam. ⁹⁵ ille enim jam adventare potest: etsi varii rumores, multique, quos cuperem veros. nihil tamen certi. ego vero, quidquid est, tecum potius, quam animi pendeam, cum a te absim, et de te, et de me. sed quid tibi dicam? ⁹⁶ bonum animum. De Ἑρακλείτιῳ Varronis, negotia falsa. me quidem nihil umquam sic delectavit. sed hæc, et alia majora coram.

13

CICERO ATTICO S.

O CASUM mirificum! VI Idus cum ante Iucent de Sinuessano surrexissem, venissemque diluculo ad pontem Tirenium, qui est Minturnis, in quo flexus est ad iter Arpinas, obviam mihi fit tabellarius, qui me offendit ἐοδικὸν πλοῖον ὁρμαίνοντα. ego statim, cedo, inquam, si quid ab Attico. nondum legere poteramus. nam et lumina dimiseramus; nec satis lucebat. cum autem lucret, ante scripta epistola ex duabus tuis prior mihi legi cœpta est. illa omnium quidem elegantissima. ne sim salvus, si aliter seribo, ac sentio; nihil legi humanius. itaque veniam, quo vocas, modo adjutore te. sed nihil tam ἀπροσδιόνυσον mihi primo videbatur, quam ad has litteras, quibus ego a te consilium petieram, te mihi ista rescribere. ecce tibi altera, qua hortaris παρ' ἡμετέρας Μίμνρτα, Νήσου ἐπὶ Ψυρτῆς, Appiam ἐπ' ἀριστέρῃ ἔχοντα.

⁹³ De Lepidanis feriis] V. ep. 5. extr. sunt quas indicit M. Lepidus in pontificatus auspiciis. alii *Lepidaniis*.

⁹⁴ Scitutum puto.] Sc. me, ex litteris tuis, quas exspectabo.

⁹⁵ Ille enim, &c.] Antonius a Bran-

disio, ubi tum erat. v. ep. 8. 9.

⁹⁶ Bonum animum.] Sc. habeto, vel habeamus. sic edidit e vestigiis corruptarum lectionum Victorius. sic Ms. Helmst. Bosius e conjectura darioi προῦμαι enim: quod Gruterus secutus est.

itaque eo die mansi Aquini. longulum sane iter, ⁹⁷ et via inepta : inde postridie mane proficiscens, has litteras dedi : et quidem, ut a me dimitterem invitissimus, fecerunt Erotis litteræ. rem tibi Tiro narrabit. tu, quid faciendum sit, videbis. præterea, possimne propius accedere, (malo enim esse in Tusculano, aut uspiam in suburbano,) an etiam longius ⁹⁸ discedendum putes, crebro ad me velim scribas. erit autem quotidie, cui des. Quod præterea consulis, quid tibi censeam faciendum, difficile est, cum absim. verumtamen, ⁹⁹ si pares æque inter se, quiescendum : sin ; latius manabit, et quidem ad nos, deinde communiter. avide tuum consilium exspecto. timeo, ne absim, cum adesse me sit honestius : venire non audeo. De Antonii itineribus nescio quid aliter audio, atque ad te scribebam. omnia igitur velim explices, et ad me certa mittas. De reliquo quid tibi ego dicam ? ardeo ¹⁰⁰ studio historiæ : (incredibiliter enim me commovet tua cohortatio :) quæ quidem nec institui, nec effici potest sine tua ope. coram igitur hoc quidem confestim. In præsentia mihi velim scribas, quibus censoribus C. Fannius M. F. tribunus plebis fuerit. videor mihi audisse, P. Africano, L. Mummio. id igitur quaero. tu mihi de iis rebus, quæ novantur, omnia certa, clara. III Id. ex Arpinati.

CICERO ATTICO S.

14

NIHIL erat plane, quod scriberem. nam cum Puteolis essent, quotidie aliquid novi de Octaviano, multa etiam falsa de Antonio. ad ea autem, quæ scripsisti, (tres enim acceperam III Idus a te epistolas,) valde tibi assentior, si multum possit Octavianus, multo firmitus acta tyranni comprobatum iri, ¹ quam in Telluris, atque id contra Brutum fore : sin autem vincitur, vides intolerabilem Antonium : ut, quem velis, nescias. O Sextii tabellarium, hominem ^{b.} nequam ! postridie Puteolis Romæ se dixit fore. Quod

⁹⁷ *Et via inepta.*] Sic edd. Aens. Asc. Ald., &c. quod et Victorius secutus est, restituitque Grævius. Bosius fecit *via ἀπάγα*, e vitiosa lectione *mata, amata*, quod temere secutus est Gruterus, ut alia Bosiana, deditque *via amara*.

⁹⁸ *Discedendum putes.*] Pro vulgato *putas* dedi *putes*, ut volebat Corradus. postulat ita latinitas, *possimne* - - an *putes*.

⁹⁹ *Si pares æque inter se.*] Antonius et Octavianus copii, *quiescendum*, tibi Romæ

manendum puto. *sin ; latius manabit*, &c. si secus est, malum et periculum latius manabit, et primum quidem ad nos, qui reipublicæ defensores fuimus, deinde ad omnes.

¹⁰⁰ *Studio historiæ.*] Scribendæ : quod sc. a Cicerone petierant plures et hortabatur Atticus.

¹ *Quam in ade Telluris.*] Comprobata sunt Scito statim a Cæsaribus cæde : ut constat ex Phil. I. &c.

me mones, ut pedetentim; assentior: etsi aliter cogitabam. nec me Philippus aut Marcellus movet. ² alia enim eorum ratio: et, si non est, tamen videtur. sed in isto juvene, quamquam animi satis, auctoritatis parum est. tamen vide, si forte in Tusculano recte esse possum, iduc melius sit (ero libentius: nihil enim ignorabo) an hoc, cum Antonius venerit. Sed, ut aliud ex alio, mihi non est dubium, quin, quod Græci καθήκον, nos *officium*. id autem, quid dubitas, quin etiam in rempublicam præclare caderet? nonne dicimus, *consulum officium, senatus officium*? præclare convenit; aut da melius. Male narras de Nepotis filio. valde mehercule moveor, et moleste fero. nescieram omnino esse istum puerum. Caninium perdidit, hominem, quod ad me attinet, non ingratum. Athenodorum, nihil est, quod hortere. misit enim ³ satis bellum ὑπόμνημα. Gravedini, quæso, omni ratione subveni. ⁴[Quintus] avi tui pronepos, scribit ad patris mei nepotem, se ex Nonis iis, quibus nos magna gessimus, ⁵ædem Opis explicaturum, idque ad populum. videbis igitur, et scribes. ⁶Sexti iudicium exspecto.

15

CICERO ATTICO S.

NOLI putare, pigritia me facere, quod non mea manu scribam: sed mehercule pigritia. nihil enim habeo aliud, quod dicam; et tamen in tuis quoque epistolis Alexim videor agnoscere. sed ad rem venio. Ego, si me non improbissime Dolabella tractasset, dubitassem fortasse, ⁷utrum remissior essem, an summo jure contenderem. nunc vero etiam gaudeo mihi causam oblatam, in qua et ipse sentiat, et reliqui omnes, me ab illo abalienatum: idque præ me feram, et quidem me mea facere, et reipublicæ causa, ut
 p. 261. ^{2.} illum oderim: quod, cum eam, me auctore, defendere cœ-

² Alia enim eorum ratio.] Nam Philippus erat vitricus Octaviani, Marcellus ejus sororem in matrimonio habebat.

³ Satis b. ὑπόμνημα.] Sc. illa κεφάλαια, quæ petierat ab eo, v. ep. 11.

⁴ Q. avi tui pr., &c.] Est periphrasis Quinti fratris Ilii, et Marci Ciceronis, quare Cicero usus sit, negat se intelligere Mongaltius: nec ego video. Quintus delendum esse recte judicat Muretus, probante Gravio: nam et post Marci nomen non est: nec periphrasis ejus patitur. est a glossatore. Uncis saltem inclusi.

⁵ Ædem Opis explicaturum.] I. e. pec-

uniæ rationem, quæ a Cesare ad Opis relicta erat, et sublata ab Antonio: et ad populum de ea repetenda acturum, ut tribunum plebis scil. nam tribuni Nonis Dec. magistratum inibant. Magistratum quidem sperasse Quintum aut creatum fuisse, necesse est: quia alias cum populo agere non poterat.

⁶ Sexti iudicium.] Peducaei de oratione mea, Philippica II. v. ep. 10. et infra.

⁷ Utrum remissior essem.] In pecunia ab ipso exigenda, quæ e dote filię debebatur.

pisset, non modo ⁸ deseruerit, emptus pecunia, sed etiam, quantum in ipso fuit, everterit. Quod autem quæris, quomodo agi placeat, cum dies venerit; primum velim ejusmodi sit, ut non alienum sit, me Romæ esse, de quo, ut de ceteris, faciam, ut tu censueris. de summa autem agi prorsus vehementer et severe volo. etsi, sponsores appellare, videtur habere quandam *εὐσυνίαν*: tamen hoc, quale sit, consideres velim. possumus enim, ⁹ ut sponsores appellentur, procuratores introducere. neque enim illi litem contestantur: quo facto, non sum nescius, sponsores liberari. sed et illi turpe arbitror, eo nomine, quod satisdato debeat, procuratores ejus non dissolvere; et nostræ gravitatis, jus nostrum sine summa illius ignominia persequi. de hoc quid placeat, rescribas velim: nec dubito, quin hoc totum lenius administraturus sis. Redeo ad rempublicam. Multa mehercule a te sæpe *ἐν πολιτικῷ* genere prudenter: sed his literis nihil prudentius: ¹⁰ *quumquam enim postea, in præsentia belle iste puer retundit Antonium, tamen exitum expectare debemus.* at, quæ concio? nam est missa mihi. jurat, *ita sibi parentis honores consequi liceat*: et simul dextram intendit ad statuam. *μηδὲ πωδέτην ὑπάγε τοιοῦτον.* sed, ut scribis, ¹¹ certissimum esse video discrimen, Cascæ nostri tribunatum: de quo quidem ipso dixi Oppio, cum me hortaretur, ut adolescentem, totamque causam, manumque veteranorum complecterer, me nullo modo facere posse, ni mihi exploratum esset, cum non modo non inimicum tyrannoctonis, verum etiam amicum fore. cum ille diceret, ita futurum: quid igitur festinamus? inquam. illi enim mea opera ante Kalend. Januar. nihil opus est. nos autem ejus voluntatem ¹² ante Idus Decemb. perspicimus in Casca.

8 Deseruerit - - fuit, everterit.] Sic planè ed. Rom. Post Jens. dedit *deseruit* et *fuerit*: quod postea secuti sunt editores plerique; unde Malaspina ex ingenio se putavit corrigere *deseruerit*, Grævius e Ms. *non fuit*.

9 Ut sponsores appellentur, &c.] I. e. ut sim: offensione et pudore possint appellari de pecunia pro Dolabella, solvenda, possumus aggredi procuratores Dolabellæ, qui non litem intendunt nobis de nomine, et debiti veritate, sed rem ad sponsores rejicient, aut ipsi solvent pecuniam, ne contumelia alliciatur Dolabella, quod ipse nolim fieri.

10 Quumquam enim postea, in præsentia, &c.] Hoc sensum communem non habet. Bene J. P. Gronovius corrigit: *potest, et in præsentia, &c. pro retundit* ed. Rom. Asc. Aid. *retrudit*, Jens. *recondit*. male utrumque. P. Manutius: *q. e. posset in præsentia - - retundere*. Victorius dedit *retundit*, quod et margo ed. Crat. habet. bene.

11 Certissimum esse video discrimen, Cascæ n. tribunatum.] I. e. in Cascæ tribuatu decerneretur, utrum Octavianus inimicus sit percussoribus Caesaris, nec ne. sic et alibi *discrimen* dicitur. v. Clav. in h. v.

12 Ante Idus Dec.] Sc. a. d. iv Id.

mili valde assensus est. Quamobrem hæc quidem hactenus. Quod reliquum est, quotidie tabellarios habebis, et, ut ego arbitror, etiam quod scribas, habebis quotidie. Lep-
 tæ litterarum exemplum tibi misi; ex quo mihi videtur
¹³ στραύλαξ ille dejectus de gradu. sed tu, cum legeris, ex-
 istinabis.

Obsignata jam epistola, litteras a te et a Sexto accepi. nihil jucundius literis Sexti, nihil amabilius: nam tuæ, breves; priores erant uberrimæ. Tu quidem et prudenter et amice suades, ut in his locis potissimum sim, quoad au-
 diamus, hæc, quæ commota sunt, quorsum evadant. sed me, mi Attice, non sane hoc quidem tempore movet res-
 publica; non quo aut sit mihi quidquam carius, aut esse debeat; sed desperatis etiam Hippocrates vetat adhibere medicinam. quare ista valeant: me res familiaris movet: rem dico? immo vero existinatio. ¹⁴ cum enim tanta reli-
 qua sint; ne Terentiæ quidem adhuc, quod solvam, expe-
 ditum est. Terentiam dico? scis, nos pridem jam consti-
 tuisse ¹⁵ Montani nomine H-S XXV dissolvere. prudentis-
 sime hoc Cicero petierat, ¹⁶ ut fide sua, liberalissime, ut tibi
 quoque placuerat, promiseram; Erotique dixeram, ut se-
 positum haberet. ¹⁷ non modo; sed iniquissimo scœnore
 versuram facere ¹⁸ Aurelius coactus est. nam de Terentiæ
 nomine, Tiro ad me scripsit, te dicere, nimos a Dolabella
 fore. male eum credo intellexisse, si quisquam male intel-
 ligit; potius, nihil intellexisse. tu enim ad me scripsisti
 Cocceii responsum, et iisdem pæne verbis Eros. veniendum
 p. 262. est igitur vel in ipsam flammam. Turpius est enim priva-
 a. tim cadere, quam publice. itaque ceteris de rebus, quas ad
 me snavissime scripsisti, perturbato animo, non potui, ut
 consueram, rescribere. ¹⁹ consenti in hac cura, ubi sum, ut
 me expediam: quibus autem rebus, venit quidem mihi in
 mentem: sed certe constituere nihil possum, priusquam te

Dec. quo die tribuni inibant magistra-
 tum.

¹³ Στραύλαξ ille d. de gradu.] An-
 tonius, desertus a legionibus, quæ se ad
 Octavianum contulerant.

¹⁴ Cum tanta reliqua sint.] V. Clav. in
 reliqua.

¹⁵ Montani nomine.] V. XII, 52.

¹⁶ Ut fide sua.] Pecuniam istam pro-
 mitterem. Tunstallus, p. 189. coniecit
 ut si de suo. nempe e vulgato olim ut ei de

suo. utinam sensum commodum explicas-
 set.

¹⁷ Non modo.] Non fecit, quod jusse-
 ram.

¹⁸ Aurelius.] Ciceronis amicus, qui
 pecunias ei aut filio curaret, cum opus
 esset.

¹⁹ Consenti in hac cura.] I. e. com-
 muniter mecum cura hoc, ut me ære alieno
 liberare commode possim.

videro. qui minus autem ego istic recte esse possim, quam est Marcellus? sed non id agitur: neque id maxime curo. quid curem, vides. adsum igitur.

CICERO ATTICO S.

16

JUCUNDISSIMAS tuas legi litteras. ad Plancum scripsi: habes exemplum. cum Tirone ²⁰quid sit locutus, cognoscam ex ipso. Cum sorore ages attentius, si te ²¹occupatione ista relaxaris.

M. CICERO L. PLANCO, PRÆT. DES. S.

ATTICI nostri te valde studiosum esse cognovi, mei vero ita cupidum, ut mehercule paucos æque observantes atque amantes me habere existimem. ad pateruas enim magnas, et veteres, et justas necessitudines magnam attulit accessionem tua voluntas erga me, meaue erga te par atque mutua. Buthrotia tibi causa ignota non est: egi enim sæpe ²²de ea re tecum, tibiue totam rem demonstravi: quæ est acta hoc modo. Ut primum Buthrotium agrum proscriptum vidimus, commotus Atticus libellum composuit. eum mihi dedit, ut darem Cæsari. eram enim cenaturus apud eum illo die. eum libellum Cæsari dedi: probavit causam; rescripsit Attico, æqua eum postulare: admonuit tamen, ut pecuniam reliquam Buthrotii ad diem solverent. Atticus, qui civitatem conservatam cuperet, pecuniam numeravit de suo. quod cum esset factum, ²³adimus ad Cæsarem, verba fecimus pro Buthrotiis, liberalissimum decretum abstulimus; quod est obsignatum ab amplissimis viris. quæ cum essent acta, mirari quidem solebam, pati Cæsarem ²⁴convenire eos, qui agrum Buthrotium concupissent: neque solum pati, sed etiam ei negotio te præficere. itaque et ego cum illo locutus sum, et sæpius quidem; ut etiam accusarer ab eo, quod parum constantiæ suæ confiderem: et M. Messalæ, et ipsi Attico dixit, ut sine cura essent: aperteque ostendebat, se præsentium animos (erat enim popularis, ut noras,) offendere nolle:

20 Quid sit locutus.] Non male Corradus conjicit sis locutus.

21 Occupatione ista.] Sc. in causa Buthrotia, de qua in ep. ad Plancum.

22 De ea re.] Re non placet, putoque delendum, ut glossam.

23 Adimus ad Cæs.] Adimus pro adiimus: nam perfecto opus est. edd. Rom. Asc. Ald., &c. adivimus. malim adiimus: nam hujus contractionis exemplum non reperi. adiimus est a Jensonio.

24 Convenire eos.] Sc. ad petendum agrum Buthrotiorum.

cum mare transissent, curaturum se, ut in alium agrum deducerentur. Hæc illo vivo. post interitum autem Cæsaris, ut primum ex senatus consulto causas consules cognoscere instituerunt, hæc, quæ supra scripsi, ad eos delata sunt. probaverunt causam sine ulla dubitatione, seque ad te litteras daturos esse dixerunt. Ego autem, mi Plance, etsi non dubitabam, quin et senatus consultum, et lex, et consulum decretum ac litteræ apud te plurimum auctoritatis haberent, teque ipsius Attici causa velle intellexeram: tamen hoc, pro conjunctione et benivolentia nostra, mihi sumsi, ut id a te peterem, quod tua singularis humanitas suavissimique mores a te essent impetraturi. id autem est, ut hoc, quod te tua sponte facturum esse certo scio, honoris nostri causa libenter, prolixè, celeriter facias. mihi nemo est amicior, nec jucundior, nec carior Attico: cujus antea res solum familiaris agebatur, eaque magna; nunc accessit etiam existimatio, ut, quod consecutus est magna et industria, et gratia, et vivo Cæsare, et mortuo, id, te adjuvante, obtineat. quod si a te erit impetratum, sic velim existimes, me de tua liberalitate ita interpretaturum, ut tuo summo beneficio me affectum judicem. ego, quæ te velle, quæque ad te pertinere arbitror, studiose diligenterque curabo. da operam, ut valeas.

CICERO PLANCO, PRÆT. DES. S.

- p. 263. **JAM** antea petivi abs te per litteras, ut, cum causa Buthrotiorum probata a consulibus esset, quibus et lege, et senatus consulto permissum erat, ut de Cæsaris actis cognoscerent, statuerent, judicarent, eam rem tu adjuvares: Atticumque nostrum, cujus te studiosam cognovi, et me, qui non minus laboro, molestia liberares. omnibus enim rebus magna cura, multa opera, et labore confectis, in te positum est, ut nostræ sollicitudinis finem quam primum facere possimus. quamquam intelligimus, ea te esse prudentia, ut videas, si ea decreta consulum, quæ de Cæsaris actis interposita sunt, non servantur, magnam perturbationem rerum fore. equidem, cum multa, quod necesse erat in tanta occupatione, non probentur, quæ Cæsar statuerit; tamen otii pacisque causa acerrime illa soleo defendere: quod tibi idem magnopere faciendum censeo: quamquam hæc epistola non suasoris est, sed rogatoris. Igitur, mi Plance,

rogo te, et etiam oro, sic medius fidius, ut majore studio, magisque ex animo agere non possim, ut totum hoc negotium ita agas, ita tractes, ita conficias, ut, quod sine ulla dubitatione apud consules obtinuimus, propter summam bonitatem et æquitatem causæ, id tu nos obtinuisse non modo facile patiare, sed etiam gaudeas. qua quidem voluntate ²⁵et esse erga Atticum, sæpe præsens et illi ostendisti, et vero etiam mihi. quod si feceris, me, quem voluntate et paterna necessitudine conjunctum semper habuisti, maximo beneficio devinctum habebis. idque ut facias, te vehementer etiam atque etiam rogo.

CICERO CAPITONI SUO S.

b.

NUMQUAM putavi fore, ut supplex ad te venirem: sed hercule facile patior, datum tempus, in quo amorem experirer tuum. Atticum quanti faciam, scis. amabo te, da mihi et hoc: obliviscere mea causa, illum aliquando suo familiari, adversario tuo, voluisse consultum, cum illius existimatio ageretur. hoc primum ignoscere, est humanitatis tuæ: suos enim quisque debet tueri: deinde, si me amas (omite Atticum) Ciceroni tuo, quem quanti facias, præ te soles ferre, totum hoc da, ut, quod semper existimavi, nunc plane intelligam, me a te multum amari. Buthrotios cum Cæsar decreto suo, quod ego obsignavi cum multis amplissimis viris, liberavisset, ostendissetque nobis, se, cum agrarii mare transissent, litteras missurum, quem in agrum deducerentur; accidit, ut subito ille interiret. deinde, quemadmodum tu scis, (interfuisti enim, cum consules oporteret ex senatus consulto de actis Cæsaris cognoscere,) res ab iis in Kal. Jun. dilata est. accessit ad senatus consultum lex, quæ lata est a. d. iv Non. Jun. quæ lex earum rerum, quas Cæsar statuisset, decrevisset, egisset, consulibus cognitionem dedit. causa Buthrotiorum delata est ad consules. decretum Cæsaris recitatum est, et multi præterea libelli Cæsaris prolati. Consules de consilii sententia decreverunt secundum Buthrotios; ²⁶Plancum dederunt. Nunc, mi Capito, (scio enim, quantum semper apud eos, quibuscum sis, posse soleas, eo plus apud hominem facillimum

²⁵ *Esse erga A.]* Recte Grævius volebat te esse. simul in voluntate absorpsit pronomen.

²⁶ *Plancum dederunt.]* Arbitrum et

curatorem illius rei, quem Cæsar jam præfecerat negotio. P. Manutius putabat excidisse ante Plancum verba hæc tit-

atque humanissimum Plancum,) enitere, elabora, vel potius eblandire, effice, ut Plancus, quem spero optimum esse, sit etiam melior opera tua. omnino res hujusmodi
 p. 264. ^{a.} videtur esse, ut sine cujusquam gratia Plancus ipse, pro ingenio et prudentia sua, non sit dubitaturus, quin decretum consulum, quorum et lege et senatus consulto cognitio et iudicium fuit, conservet; præsertim cum, hoc genere cognitionum labefactato, acta Cæsaris in dubium ventura videantur: quæ non modo ii, quorum interest, sed etiam ii, qui illa non probant, otii causa ²⁷ confirmari velint. quod cum ita sit, tamen interest nostra, Plancum hoc animo libenti prolixoque facere. quod certe faciet, si tu nervulos tuos, mihi sæpe cognitos, suavitatemque, qua nemo tibi par est, adhibueris. quod ut facias, te vehementer rogo.

CICERO C. CUPIENNIO S.

PATREM tuum plurimi feci; meque ille mirifice et coluit, et amavit: nec mehercule umquam mihi dubium fuit, quin a te diligerer. ego quidem id facere non destiti. quamobrem peto a te in majorem modum, ut civitatem Buthrotiam subleves, decretumque consulum, quod ii secundum Buthrotios fecerunt, eum et lege, et senatus consulto statuendi potestatem haberent, des operam, ut Plancus noster quam primum confirmet et comprobet. hoc te vehementer, mi Cupienni, etiam atque etiam rogo.

CICERO PLANCO, PRÆT. DES. S.

IGNOSCE mihi, quod eum antea accuratissime de Buthrotiis ad te scripserim, eadem de re sæpius scribam. non mehercule, mi Plance, facio, quo parum confidam aut liberalitati tuæ, aut nostræ amicitiae; sed cum tanta res agatur Attici nostri, nunc vero etiam existimatio, ut id, quod probavit Cæsar, nobis testibus et obsignatoribus, qui et decretis, et responsis Cæsaris interfueramus, videatur obtinere potuisse, præsertim cum tota potestas ejus rei tua sit, ut ea, quæ consules decreverunt secundum Cæsaris decreta et responsa, non dicam comprobēs, sed studiose libenterque comprobēs. id mihi sic erit gratum, ut nulla res gratior

²⁷ Confirmari velint.] Sic pro vulgato confirmare legi volebat Faernus. recte. res est ita evidens, ut sic corrigere non dubitatum.

esse possit. etsi jam sperabam, cum has litteras accepisses, fore, ut ea, quæ superioribus litteris a te petissemus, impetrata essent; tamen non faciam finem rogandi, quoad nobis nuntiatum erit, te id fecisse; quod magna cum spe exspectamus. deinde enim confido fore, ut alio genere litterarum utamur; tibi que pro tuo summo beneficio gratias agamus. quod si acciderit, velim sic existimes, non tibi tam Atticum, cujus permagna res agitur, quam me, qui non minus laboro, quam ille, obligatum fore.

CICERO CAPITONI S.

NON dubito, quin mirere, atque etiam stomachere, quod tecum de eadem re agam sæpius. Homini familiarissimi, et mihi omnibus rebus conjunctissimi, permagna res agitur, Attici. cognovi ego tua studia in amicos, etiam in te amicorum. multum potes nos apud Plancum juvare. novi humanitatem tuam. scio, quam sis amicis jucundus. nemo nos in hac causa plus juvare potest, quam tu. et res ita est firma, ut debet esse, quam consules de consilii sententia decreverunt, cum et lege, et senatus consulto cognoscerent. tamen omnia posita putamus in Planci tui liberalitate: quem quidem arbitramur cum ²⁸ officii sui, et reipublicæ causa decretum consulum comprobaturum, tum libenter nostra causa esse facturum. adjuvabis igitur, mi Capito: quod ut facias, vehementer etiam atque etiam rogo.

Finis Epistolarum M. Tullii Ciceronis ad Atticum.

* 28 Officii tui et reip. causa.] Tui vitiosum esse, quivis facile sentit: nullum hic Capitoni officium intelligi potest. Cor-
rexerunt igitur sine hæsitatione sui, quod P. Manutius placebat et Grævio.

M. TULLII CICERONIS EPISTOLARUM

AD

QUINTUM FRATREM

LIBER I.

ARGUMENTUM.

Quintus Cicero, ex prætura provinciam Asiam sortitus, annos jam duos continuos parum secunda fama eam administrarat. Cum in annum tertium prorogatum illi imperium fuisset, Marcus frater inde occasionem cum ad laudem cohortandi sumpsit, quod de accessione har animi facere illum ceteriorem vellet. Est autem bipartita cohortatio: prior enim pars ad ea, quæ rempubl. attingunt, altera ad ea, quæ privata et Quinti fere præcipua sunt, pertinet: nam in priore parte ea persequitur, quæ ad Quinti imperium ac provincialem administrationem spectant; de quibus quadripartite disputat. Primo locum, de Quinto ipso præcepta dat; sed non ita quasi de Quinto ac civè Romano; verum ut de amplissimo populi Romani magistratu, Asiam provinciam cum summo imperio administrante. Altero loco, de iis comitibus præcipit, quos secum in provinciam imperii sui ministros publicarumque negotiorum adjuutores eduxerat. Postea de vitandis Græcorum et publicanorum nimis familiaritatibus illum monet; utpote quibus imperii sui dignitas labefactari facile convellique possit. Postremo etiam, de servis cautionem adhibet; ejusque caput hoc esse voluit, ne quid iis, quod ad rempubl. ulli ex parte pertineat, committatur. Itaque summam hæc omnia in epilogo enumerans, quatuor hæc dignitatis Quinti fundamenta nominat; integritatem ipsius et continentiam, omnium qui cum ipso erant pudorem, delectum in familiaritatibus et provincialium et Græcorum, postremo familiæ gravem et constantem disciplinam. Altera pars ea, ut ante dixi, quæ privata magis sunt, id est, quæ Quinti personam atque officium præcipue attingunt, complectitur. Nam primo loco, de moderanda acerbitate, qua usus in suppliciis antea fuerat, deque retinenda in jure dicenda æquabilitate præcipit; secundo, de sublevandis provinciæ oneribus, minuendisque sumptibus et jucturis; tertio, de conciliandis cum publicanorum ordine sociis, constituendaque inter illos concordia; postremo, de coercenda iracundia et naturæ impetu moderando ita luculenter et prope divinitus disputat, ut hanc epistolam non Quinto fratri scripisse potius, quam omnibus provinciarum gubernatoribus præclaram quandam imperii recte administrandi normam ac regulam præscripisse videatur.

MARCUS Q. FRATRI S.

ETSI non dubitabam, quin hanc epistolam multi nuntii, ¹ fama denique esset ipsa sua celeritate superatura, tuque ante ab aliis auditurus esses, annum tertium accessisse desiderio nostro, et labori tuo: tamen existimavi a me quoque tibi hujus molestiae nuntium perferri oportere. Nam superioribus litteris, non unis, sed pluribus, cum jam ab aliis desperata res esset, tamen ego tibi spem maturae decessionis afferebam; non solum, ut quam diutissime te jucunda opinione oblectarem, sed etiam quia tanta adhibebatur et a nobis et a praetoribus contentio, ut rem posse confici non diffiderem. Nunc quoniam ita accidit, ut neque praetores suis opibus, neque nos nostro studio quidquam proficere possemus, est omnino difficile non graviter id ferre: sed tamen nostros animos maximis in rebus et gerendis et sustinendis exercitados, frangi et debilitari molestia non oportet. Et quoniam ea molestissime ferre homines debent, quae ipsorum culpa contracta sunt, est quiddam in hac re mihi molestius ferendum, quam tibi. factum est enim mea culpa, contra, quam tu mecum, et proficiscens, et per litteras egeras, ut priore anno non succederetur. Quod ego, dum sociorum saluti consulo, dum ²impudentiae nonnullorum negotiatorum resisto, dum nostram gloriam tua virtute augeri expeto, feci non sapienter: praesertim ³cum id commiserim, ut ille alter annus etiam tertium posset adducere. Quod quoniam peccatum meum esse confiteor; est sapientiae atque humanitatis tuae, curare et perficere, ut hoc minus sapienter a me provisum, diligentia tua corrigatur. Ac si te ipse vehementius ad omnes partes bene audiendi excitaris; non ut cum aliis, sed ut tecum jam ipse certes; si omnem tuam mentem, curam, cogitationem, ⁴ad excellentem omnibus in rebus laudis cupiditatem incitaris: mihi

¹ *Fama denique ipsa.*] Verbum denique, deinde etiam consuetudo Ciceronis in tali re me movit dudum, ut suspicarer hic, post nuntii excidisse multorum littera.

² *Impudentia n. negotiatorum.*] Quallis illa impudentia fuerit, optimo ex epistolis ad Atticum e Cilicia scriptis disci potest. nempe volebant Ciceronis auctoritate apud fratrem perficere, ut eorum avaritiae in re forencri indulgeret.

³ *Cum id commiserim.*] Putem, Ciceronem scripsisse ita.

⁴ *Ad excellentem o. i. r. laudis cupiditatem.*] Potest ferri, excellentiae notionem cum cupiditate coniungi, cum proprie ad laudem pertineat. poetae quidem saepe ita epitheta permutant: sed est tamen in hoc genere orationis durius. itaque malim legere *excellentis*. ed. Jans. habet *excellentiam*, quod fortis ex *excellentis* factum est.

crede, unus annus additus labori tuo, multorum annorum lætitiā nobis, gloriā vero etiā posteris nostris afferet. Quapropter hoc te primum rogo, ne contrahas, aut demittas animum, neve te obrui, tamquam fluctu, sic magnitudine negotiī sinas: contraque erigas, ac resistas, sive etiā ultro occurras negotiis. Neque enim ejusmodi partem rei publicæ geris, in qua fortuna dominetur, sed in qua plurimum ratio possit, et diligentia. Quodsi tibi, bellum aliquod magnum et periculosum administranti, prorogatum imperium viderem; tremerem animo, quod eodem tempore esse intelligerem etiā fortunæ potestatem in nos prorogatam. Nunc vero ea pars tibi reipublicæ commissā est, in qua aut nullam, aut perexiguam partem fortuna tenet, et quæ mihi tota in tua virtute ac moderatione animi posita esse videatur. Nullas, ut opinor, insidias hostium, nullam prælii dimicationem, nullam defectionem sociorum, nullam inopiam stipendii, aut rei frumentariæ, nullam seditionem exercitus pertimescimus: quæ persæpe sapientissimis viris acciderunt, ut, quemadmodum gubernatores optimi vim tempestatis, sic illi fortunæ impetum superare non possent. Tibi data est summa pax, summa tranquillitas: ita tamen, ut ea dormientem gubernatorem ⁵ vel obruere, vigilantem etiā delectare possit. Constat enim ea provincia primum ex eo genere sociorum, quod est ex hominum omni genere humanissimum: deinde ex eo genere civium, qui aut, quod publicani sunt, nos summa necessitudine attingunt: aut, quod ita negotiantur, ut locupletes sint, ⁶ nostri consulatus beneficio se incolumes fortunas habere arbitrantur. At enim inter hos ipsos existunt graves controversiæ, multæ nascuntur injuriæ, magnæ contentiones consequuntur. ⁷ Quasi vero ego id putem, non te aliquantum negotiī sustinere. Intelligo, permagnum esse negotium, et maximi consilii. sed nemento, consilii me hoc negotium esse magis aliquanto, quam fortunæ, putare. Quid est enim negotiī, continere eos, quibus præsis, si te ipse contineas? Id autem sit magnum et difficile ceteris, sicut est difficillimum: tibi et fuit hoc semper facillimum,

p. 291.

a.

⁵ Vel obruere.] Vel hoc loco plane hulas novas. hoc nomine sæpe gloriatur alium est, adeoque delendum videtur. Cicero.

Aldus vel etiā ante vigilantem addidit.

⁷ Quasi vero ego id putam, &c.] Id

⁶ Nostri cons. beneficio se incolumes fort. plane redundat, et duriorē orationem h. a.] Quia in consulatu impediērat ta-

facit.

et vero esse debuit; cujus natura talis est, ut etiam sine doctrina videatur moderata esse potuisse: ea autem adhibita doctrina est,⁸ quæ vel vitiosissimam naturam excolere possit. Tu cum pecuniæ, cum voluptati, cum omnium rerum cupiditati resistes, ut facis: crit, credo, periculum, ne improbum negotiatorem, paullo cupidiorẽ publicanum comprimere non possis. Nam Græci quidem sic te ita viventem intuebuntur, ut quendam ex annalium memoria, aut etiam de cælo divinum hominem esse in provinciam delapsum putent. Atque hæc nunc, non ut facias, sed ut te facere et fecisse gaudeas, scribo. Præclarum est enim, summo cum imperio⁹ fuisse in Asia triennium, sic ut nullum te signum, nulla pictura, nullum vas,¹⁰ nulla vestis, nullum mancipium, nulla forma cujusquam, nulla¹¹ conditio pecuniæ (quibus rebus abundat ista provincia) ab summa integritate continentiaque deduxerit. Quid autem reperiri tam eximium, aut tam expetendum potest, quam istam virtutem, moderationem animi, temperantiam, non latere in tenebris, neque esse abditam, sed in luce Asiæ, in oculis clarissimæ provinciæ, atque in auribus omnium gentium ac nationum esse positam? non itineribus tuis perterreret homines? non sumtu exhaustum? non adventu commoveri? esse, quocumque veneris, et publice, et privatim maximam lætitiã: cum urbs custodem, non tyrannum, domus hospitem, non expilatorem, recepisse videatur? His autem in rebus jam³ te usus ipse profecto erudit, nequaquam satis esse, ipsum⁶ hæc habere virtutes, sed esse circumspectendum diligenter, ut in hac custodia provinciæ non te unum, sed omnes ministros imperii tui, sociis, et civibus, et reipublicæ præstare videre. Quamquam legatos habes eos, qui ipsi per se habituri sint rationem dignitatis suæ; de quibus honore, et dignitate, et ætate præstat Tubero, quem ego arbitror, præsertim cum scribat historiam, multos ex suis annalibus

⁸ Quæ vel v. naturam attollere possit.] Attollere est ex ed. Joss. Rom. habet accollere, ed. s. l. et a. excolere, quod etiam Aldus et alii, Victorius, Grævius secuti sunt, nosque et ipsi recepimus.

⁹ Fuisse in Asia triennium.] Sic edd. omnes præter Hagensem recentiorẽ, quæ ex Ursini conjectura recepit biennium: nempe quia tum Cicero tantam fuerat biennium. sed illud fecisse et facere indicant, etiam tertii anni hic rationem habitam esse.

itaque triennium retinui.

¹⁰ Nulla vestis.] Intellige stragulam, peristram: in quibus magnus ornatus tricliniorum fuit: itaque ea interdum pulcherrima et pretiosissima fuerunt. In Verrinis furtum talium vestium interdum commemorantur.

¹¹ Conditio pecuniæ.] Est promissio pecuniæ, quamvis magnæ, ad obtinendum aliquid contra jus.

posse deligere, quos velit et possit imitari: ¹²Allienus autem noster est cum animo et benivolentia, tum vero etiam imitatione vivendi. Nam quid ego de Gratidio dicam? quem certo scio ita laborare de existimatione sua, ut propter ¹³amorem in nos fraternum, etiam de nostra labore. Quæstorem habes, non tuo iudicio delectum, sed cum, quem sors dedit. hunc oportet et sua sponte esse moderatum, et tuis institutis ac præceptis obtemperare. Quorum si quis forte esset sordidior, ferres eatenus, quoad ¹⁴per se negligeret eas leges, ¹⁵quibus esset adstrictus: non ut ea potestate, quam tu ad dignitatem permisisses, ad quæstum interetur. Neque enim mihi sane placet, præsertim cum ¹⁶hi mores tantum jam ad nimiam lenitatem et ad ambitionem incubuerint, scrutari te ¹⁷omnes sordes, excutere unumquemque eorum: sed, quanta sit in quoque fides, tantum cuique committere. Atque inter hos, eos, quos tibi comites et adiutores negotiorum publicorum dedit ipsa respublica, duntaxat finibus his præstabis, quos ante præscripsi. Quos ⁴p. 292. vero aut ex domesticis convictionibus, aut ex necessariis apparitionibus tecum esse voluisti, qui quasi ex cohorte prætoris appellari solent, horum non modo facta, sed etiam dicta omnia præstanda nobis sunt. Sed habes eos tecum, quos possis recte facientes facile diligere: minus consulentes existimationi tuæ, facillime coercere: a quibus, ¹⁸rudis cum esses, videtur potuisse tua liberalitas decipi: nam ut quisque est vir optimus, ita difficillime esse alios improbos suspicatur: nunc vero tertius hic annus habeat integritatem eandem, quam superiores, ¹⁹cautiorum etiam ac diligentiorum. Sint aures tuæ, quæ id, ²⁰quod audiant, existimentur audire, non in quas fide et simulate quæstus causa insusurretur. Sit annulus tuus ²¹non ut vas aliquod,

¹² Allienus.] Addidi est, quod hic abesse non potest, habentque Mss. Paris. Allienus edidi pro vulgato *Halienus*. ut et aliis viris doctis placuit. Ed. Jens. habet *Auienus*, quod ex *Allienus* manifeste factum est. v. Clav. in *Halienus*.

¹³ Amorem in nos fraternum.] V. Clav. in *Gratidius*.

¹⁴ Per se negligeret.] Privatum, modo eo, quo posset etiam, si non esset legatus, questor, et in rebus privatis, non publicis.

¹⁵ Quibus est adstrictus.] Ed. Rom. et alie, etiam *Vict.* esset, quod recepi. Sic et mox *permisisses*, non *permisisti*.

¹⁶ Hi mores.] Sic edd. pr. recte, non ii, ut recentiores. mox ex edd. primis dedi et ad *ambitionem*. recentiores ad omisere.

¹⁷ Omnes sordes.] An *omnium sordes*?

¹⁸ Rudis cum esses.] Int. provincie. quod fortasse excidit, est enim ejus omisio paullo durior.

¹⁹ Cautiorum etiam ac diligens.] *Faernus* et *Urs.* malebant *cautionem etiam diligentiorum*; probante et *Malasp.* *Infra*, n. 6. est rursus *cavitus et diligens*.

²⁰ Quod audiant.] Legendum *audiant*.

²¹ Non ut vas aliquod.] Ut instrumentum, utensile. sic *Græci* *σκεῦος* dicunt.

sed tamquam ipse tu: non minister alienæ voluntatis, sed testis tuæ. Accensus sit eo numero, quo eum majores nostri esse voluerunt: qui hoc non in beneficii loco, sed in laboris, ac muneris, non temere nisi libertis suis deferebant: quibus illi quidem non multo secus, ac servis, imperabant. Sit lictor ²² non suæ, sed tuæ lenitatis apparitor: majoraque præferant fasces illi ac secures dignitatis insignia, quam potestatis. Toti denique sit provinciæ cognitum, tibi omnium, quibus præsis, salutem, liberos, famam, fortunas esse carissimas. Denique hæc opinio sit, non modo iis, qui aliquid acceperint, sed iis etiam, qui dederint, te inimicum (si id cognoveris) futurum. Neque vero quisquam dabit, cum erit hoc perspectum, nihil per eos, qui simulant se apud te multum posse, abs te solere impetrari. Nec tamen est hæc oratio mea hujusmodi, ut te in tuos aut durum esse minium, aut suspiciosum velim. Nam si quis est eorum, qui tibi biennii spatio numquam in suspicionem avaritiæ venerit, (ut ego Cæsium, et Chærippum, et Labconem, et b. audio, et, quia cognovi, existimo,) nihil est, quod non et iis, et si quis est alius ejusdemmodi, et committi et credi rectissime putem. Sed si quis est, in quo jam offenderis, de quo aliquid senseris; huic nihil credideris, nullam partem existimationis tuæ commiseris. In provincia vero ipsa, si 5 quem es nactus, qui in tuam familiaritatem penitus intrarit, qui nobis ante fuerit ignotus; huic quantum credendum sit, vide: non quin possint multi esse provinciales viri boni; sed hoc sperare licet, judicare periculosum est. Multis enim simulationum involucris tegitur, et quasi velis quibusdam obtenditur uniuscujusque natura: frons, oculi, vultus persæpe mentiuntur; oratio vero sæpissime. Quamobrem, ²³ qui potes reperire ex eo genere hominum, qui pecuniæ cupiditate adducti careant his rebus omnibus, a quibus nos divulsi esse non possumus, te autem, alienum hominem, ament ex animo, ac non sui commodi causa simulent? mihi quidem permagnum videtur; præsertim si iidem homines

Hebr. רִבִּי. Robortellus corrigebat *vas aliquis*, quod Verburgius et Alenannus receperunt male.

²² Non suæ, sed tuæ lenitatis apparitor.] Cur tantum lenitatis? nec placet Ursini correctio, non suæ severitæ, sed tuæ lenitatis, quæ Lipsio placebat, Elect. I, 23. An fuit voluntatis? ut paullo ante in annulo.

²³ Qui potes reperire - te autem, &c.] Oratio visa est non coherere. sed quomodo cohereret, si cum nonnullis legas, si potes reperire? nempe reperire non habebit nomen rei, quæ reperiatur. Immo bene coherent omnia, modo teneas, hæc qui pec. cup., &c. non conjungi cum genere hominum, sed cum reperire.

privatum non fere quemquam, prætores semper omnes²⁴ amant. Quo ex genere si quem forte tui cognosti amantio-
 tiorem (feri enim potuit) quam temporis, hunc vero²⁵ ad
 tuum numerum libenter adscribito: sin autem id non per-
 spicies; nullum erit genus in familiaritate cavendum magis:
 propterea quod et omnes vias pecuniæ norunt, et omnia
 pecuniæ causa faciunt: et, quicum victuri non sunt, ejus
 existimationi consulere non curant. Atque etiam e Græcis
 ipsis diligenter cavendæ sunt²⁶ quædam familiaritates, præ-
 ter hominum perpaucorum, si qui sunt vetere Græcia
 p. 293. digni. ²⁷ Sic vero fallaces sunt permulti, et leves, et diu-
 a. turna servitute ad nimiam assentationem eruditi. quos ego
 universos adhiberi liberaliter, optimum quemque hospitio
 amicitiaque conjungi dico oportere: nimiam familiaritates
 eorum²⁸ neque tam fideles sunt, (non enim audent adversa-
 ri nostris voluntatibus,) et vero invident non nostris solum,
 6 verum etiam suis. Jam qui in ejusmodi rebus, in quibus
 vereor etiam, ne durior sim, cautus esse velim ac diligens:
 quo me animo in servos esse censes? quos quidem cum
 omnibus in locis, tum præcipue in provinciis regere debe-
 mus: quo de genere multa præcipi possunt. sed hoc et bre-
 vissimum est, et facillime teneri potest, ut²⁹ ita se gerant
 in istis Asiaticis itineribus, ut si iter Appia via facias: neve
 interesse quidquam putent, utrum Tralles an Formias ve-
 nerint. At, si quis est ex servis egregie fidelis; sit in do-
 mesticis rebus, et privatis: quæ res ad officium imperii tui,
 atque ad aliquam partem reipublicæ pertinebunt, de his re-
 bus ne quid attingat. Multa enim, quæ recte committi ser-
 vis fidelibus possunt, tamen sermonis et vituperationis vi-
 tandæ causa, committenda non sunt. Sed nescio, quo pacto
 ad præcipiendi rationem delapsa est oratio mea, cum id
 mihi propositum initio non fuisset. Quid enim ei præci-
 piam, quem ego in hoc præsertim genere intelligam pruden-
 tia non esse inferiorem,³⁰ quam me; usu vero etiam supe-

24 Amant.] Puto scr. ament.

25 Ad tuum numerum.] Ms. Longolii habebat tuorum, quod Ursinus præferbat.

26 Quædam familiaritates.] Quædam spurium aut vitiosum est: nec consentit sententia.

27 Sic vero sunt fallaces.] Nihil est, quod τῷ sic vero respondeat in sequentibus. Sic est sine dubio vitiosum. an nunc vero?

28 Neque tam fideles.] Non placet tam. malim jam, aut aliud quid.

29 Ita se gerant - - ut si iter A. v. fa-
 ceres.] Male faceres post gerant, Legen-
 dum facias.

30 Quam me.] Scio Ciceronem et ali-
 bi quam post comparativum habere: sed
 hic quam me sine dubio est a glossatore.

riorem? Sed tamen si ad ea, quæ faceres, auctoritas accederet mea, ³¹ tibi ipsi illa putavi fore jucundiora. Quare sint hæc fundamenta dignitatis tuæ: tua primum integritas et continentia: deinde omnium, qui tecum sunt, pudor: delectus in familiaritatibus, et provincialium hominum et Græcorum, percautus et diligens: familiæ gravis et constans disciplina. Quæ cum honesta sint in his privatis nostris quotidianisque rationibus; in tanto imperio, tam depravatis moribus, tam corruptrice provincia, divina videantur necesse est. Hæc institutio atque hæc disciplina potest sustinere in rebus statuendis et decernendis eam severitatem, qua tu in iis rebus usus es, ex quibus nonnullas similitudines cum magna mea lætitia susceptas habemus. nisi forte me Paconii nescio cujus, hominis ne Græci quidem, at Mysii, aut Phrygis potius, querelis moveri putas; aut Tuscenii, hominis furiosi ac sordidi vocibus, cujus tu ex impurissimis faucibus inhonestissimam cupiditatem eripuisti summa cum æquitate. Hæc, et cetera plena severitatis, quæ statuisti ⁷ in ista provincia, non facile sine summa integritate sustineremus. quare sit summa in jure dicundo severitas, dummodo ea ne varietur gratia, sed conservetur æquabilis. Sed tamen parvi refert abs te ipso jus dici æquabiliter et diligenter, nisi idem ab iis fiet, quibus tu ejus muneris aliquam partem concesseris. Ac mihi quidem videtur non sane magna varietas esse negotiorum in administranda Asia, sed ea tota ³² jurisdictione maxime sustineri. In qua scientiæ præsertim provincialis ratio ipsa expedita est: constantia est adhibenda et gravitas, quæ resistat non solum gratiæ, verum etiam suspicioni. Adjungenda etiam est facilitas in audiendo, lenitas in decernendo, ³³ in satisfaciendo ac disputando diligentia. His rebus nuper ³⁴ C. Octavius jucundissimus fuit: apud quem ³⁵ primus licitor quievit; tacuit

31 *Tibi ipsi illa.*] *Ipsi* nullo modo verum est, aut convenit loco. Ursinus corrigebat *ipsa*, bene.

32 *In jurisdictione sustineri.*] Usitatus contineri, quod quidam substitui voluere. non est necesse. nam fore idem est tropus in utroque verbo.

33 *In satisfaciendo ac disputando.*] V. *Clav. in satisfacere.*

34 *Cn. Octavius.*] In Macedonia prætor, v. *Clav.* Ceterum correxi C. nam hoc prænomen illius Octavii fuit, ut alii

demonstravere, et sic habet ed. Jens. quam nescio quomodo hic omnes deservere. Similiter est in ep. 2.

35 *Primus licitor quievit.*] Cur primus? qui nihil præcipui habet, præter admonitionem et subnotationem, cum prætor incedit in publico, quo trahebat Lipsius Blect. 1, 23. sed id ab h. l. alienum, ubi sermo est de jurisdictione. Malaspina corrigebat *primum*, et sunt alia exempla, ubi id est sine deinde.

- accensus: quoties quisque voluit, dixit, et quam voluit
 p. 294. diu. Quibus ille rebus fortasse nimis lenis videretur, nisi
 a. hæc lenitas illam severitatem tueretur. Cogebantur Sulla-
 ni homines, quæ per vim et metum abstulerant, reddere.
 qui in magistratibus injuriose decreverant, eodem ipsis pri-
 vatis erat jure parendum. hæc illius severitas acerba vi-
 deretur, nisi multis condimentis humanitatis mitigaretur.
 Quodsi hæc lenitas grata Romæ est, ³⁶ ubi tanta arrogantia
 est, tam immoderata libertas, tam infinita hominum licentia,
 denique tot magistratus, tot auxilia, ³⁷ tanta vis [populi],
 tanta senatus auctoritas: quam jucunda tandem prætoris
 comitas in Asia potest esse, in qua tanta multitudo civium,
 tanta sociorum, tot urbes, tot civitates unius hominis nutum
 intuentur? ³⁸ ubi nullum auxilium est, nulla conquestio, nul-
 lus senatus, nulla concio? Quare cum permagni hominis
 est, et cum ipsa natura moderati, tum vero etiam doctrina,
 atque optimarum artium studiis eruditi, sic se adhibere in
 tanta potestate, ut nulla alia potestas ab iis, quibus ipse
 8 præsit, desideretur. Cyrus ille a Xenophonte non ad his-
 toriæ fidem scriptus, sed ad effigiem justî imperii: cujus
 summa gravitas ab illo philosopho cum singulari comitate
 conjungitur: (quos quidem libros non sine causa noster
 ille Africanus de manibus ponere non solebat: nullum est
 enim prætermissum in iis officium diligentis et moderati im-
 perii:) ³⁹ eaque, si sic coluit ille, qui privatus futurus num-
 quam fuit; quonam modo retinenda sunt iis, quibus impe-
 rium ita datum est, ut redderent, et ab iis legibus datum est,
 b. ad quas revertendum est? Ac mihi quidem videntur huc
 omnia esse referenda iis, qui præsent aliis, ut ii, qui erunt
 eorum in imperio, sint quam beatissimi: quod tibi ⁴⁰ et esse
 antiquissimum, et ab initio fuisse, ut primum Asiam atti-
 gisti, constante fama atque omnium sermone celebratum est.

36 Ubi tanta arrogantia est.] Puto
 esse, ubi homines tam sunt arrogantes
 etiam adversus magistratus, ut his seve-
 ritas necessaria videatur, ad retundendam
 hanc arrogantiam.

37. Tanta vis.] Excidiisse poto populi:
 nam alias, quæ vis sit, intelligi non potest,
 ut auctoritas non intelligeretur, si abesset
 senatus: et respondet ei in sqq. concio.
 nec dubitavi addere, sed inclusum oncis.

38 Ubi nullum auxilium est, nulla con-
 questio.] Auxilium est tribunorum plebis,

conquestio apud alios magistratus, prætoris
 collegas.

39 Eaque si sic coluit ille.] In hac lec-
 tione oratio est ἀπὸ τοῦ προτέρου. nam nihil est,
 quod respondeat superiori: Cyrus ille—
 conjungitur, nam cetera quos—imperii sunt
 in parenthesi dicta. itaque videtur delenda
 que, et ille. Lambinus in principio
 legebat, Si Cyrus, ut hæc melius respon-
 deant.

40 Et esse ant.] Sic pro esse et ant.
 edidimus, ut et alij recentiores.

Est autem non modo ejus, qui sociis et civibus, sed etiam ejus, qui servis, qui mutis pœudibus præsist, eorum, quibus præsist, commodis utilitatique servire. Cujus quidem generis constare inter omnes video, abs te summam adhiberi diligentiam: nullum æs alienum novum contrahi civitatibus: vetere autem magno et gravi multas abs te esse ⁴¹liberatas: urbes complures dirutas ac pæne desertas, (in quibus unam Ioniæ nobilissimam, alteram Cariæ, Samum et Halicarnasum,) per te esse recreatas: nullas esse in oppidis seditiones, nullas discordias: provideri abs te, ut civitates optimatum consiliis administrarentur: sublata Mysiæ latrocinia: cædes multis locis repressas: pacem tota provincia constitutam: neque solum illa itinerum atque agrorum, sed multo etiam plura et majora oppidorum et fanorum furta et latrocinia esse depulsa: remotam a fama, et a fortunis, et ab otio locupletum, illam acerbissimam ministram prætorum avaritiæ, calumniam: sumtus et tributa civitatum ab omnibus, qui earum civitatum fines incolant, tolerari æquabiliter: facillimos esse aditus ad te: patere aures tuas querelis omnium: nullius inopiam ac solitudinem, non modo, illo populari accessu, ac tribunali, sed ne domo quidem et cubiculo esse exclusam; ⁴²tuo toto denique imperio ⁴³nihil acerbum esse, nihil crudele, atque omnia plena clementiæ, mansuetudinis, humanitatis. Quantum vero illud est beneficium 9 tuum, quod iniquo et gravi ⁴⁴vectigali ædificiorum, magnis nostris simultatibus, Asiam liberasti? Enimvero, si unus p. 295. a. homo nobilis queritur palam, te, quod edixeris, NE AD LUDOS PECUNIÆ DECERNERENTUR, H-S CC sibi eripuisse: quanta tandem pecunia penderetur, si omnium nomine, quicumque Romæ ludos facerent, quod erat jam institutum, erogaretur? Quamquam has querelas hominum nostrorum illo consilio oppressimus, quod in Asia ⁴⁵nescio quo modo, Romæ quidem non mediocri cum admiratione

41 *Liberatas: urbes complures.*] Sic distinguendum est, nam illud pertinet ad civitates, quæ ante nominatæ, dirutas, &c. ad urbes.

42 *Tuo toto imp.*] Tuo quidam ad cubiculo retulere, et Lamb. domo addidit tua, non bene. Ceterum tuo commodum abfuerit.

43 *Nihil acerbum esse, nihil crudele.*] Deest tertium, cui respondeat in sequen-

tibus humanitatis. nam acerbum respondet clementiæ; crudele, mansuetudini.

44 *Vectigali ædificiorum.*] Quale hoc vectigal sit, v. in Clav. in vectigal et ædificius.

45 *Nescio quonam modo.*] Nam sine dubio delendum est: dicit, nescio quidem quomodo in Asia laudetur, Romæ quidem vehementer laudatur.

laudatur, quod, cum ad templum monumentumque nostrum civitates pecunias decrevissent; cumque id, et pro meis magnis meritis, et pro tuis maximis beneficiis, summa sua voluntate fecissent: nominatimque lex exciperet, UT AD TEMPLUM MONUMENTUMQUE CAPERE LICERET; cumque id, quod dabatur, non esset interiturum, sed in ornamentis templi futurum, ut non mihi potius, quam populo Romano, ac diis immortalibus datum videretur: tamen id, in quo erat dignitas, erat lex, erat eorum, qui faciabant, voluntas, accipicndum non putavi; cum aliis de causis, tum etiam ut animo æquiore ferrent ii, quibus nec deberetur, nec liceret. Quapropter incumbere toto animo, et studio omni in eam rationem, qua adhuc usus es, ut eos, quos tuæ fidei potestatique senatus populusque Romanus commisit et credidit, diligas, et omni ratione tueare, ut esse quam beatissimos velis. Quodsi te sors Afris, aut Hispanis, aut Gallis præfecisset, immanibus ac barbaris nationibus: tamen esset humanitatis tuæ, consulere eorum commodis, et utilitati salutique servire. Cum vero ci generi hominum præsimus, non modo in quo ipsa sit, sed etiam a quo ad alios pervenisse putetur humanitas:

b. certe iis cum potissimum tribuere debemus, a quibus accepimus. Non enim me hoc jam dicere pudebit, præsertim in ea vita, atque iis rebus gestis, in quibus non potest residere incertiæ aut levitatis ulla suspicio, nos ea, quæ consecuti sumus, his studiis et artibus esse adeptos, quæ sint nobis Græciæ monumentis disciplinisque tradita. Quare præter communem fidem, quæ omnibus debetur, ⁴⁶ præterea nos isti hominum generi præcipue debere videmur, ut, quorum præceptis ⁴⁷simus eruditi, apud cos ipsos, quod ab

10 iis didicerimus, velimus expromere. Atque ille quidem princeps ingenii et doctrinæ Plato, tum denique foris beatas respublicas putavit, si aut docti ac sapientes homines eas regere cœpissent, aut ii, qui regerent, omne suum studium in doctrina ac sapientia ⁴⁸collocarent. Hanc conjunctionem videlicet potestatis ac sapientiæ, salutis censuit civitatibus

46 *Præterea.*] Hoc verbum frigide redundat, delendumque puto.

47 *Sumus eruditi.*] *Ser. simus eruditi,* pendet enim e *velimus*: sic mox quod a. i. didicerimus. et sic dedit Aldus.

48 *Collocassent.*] Pro hoc edidi collo-

carent, necessario. nam si vulgatum verum esset, nihil hoc differret a priori docti ac sapientes homines: sed Cicero exprimit illud, quod alibi sic dictum est: si aut philosophi imperarent, aut imperantes philosopharentur.

esse posse: quod fortasse aliquando universæ reipublicæ nostræ, nunc quidem profecto isti provinciæ contigit, ut is in ea summam potestatem haberet, cui in doctrina, cui in virtute atque humanitate percipienda ⁴⁹ plurimum a pueritia studii fuisset et temporis. Quare cura, ut hic annus, qui ad laborem tuum accessit, idem ad salutem Asiæ ⁵⁰ prorogatus esse videatur. ⁵¹ quoniam in te retinendo fuit Asia felicior, quam nos in deducendo; perfice, ut lætitia provinciæ desiderium nostrum leniatur. Etenim si in promerendo, ut tibi tanti honores haberentur, ⁵² quanti haud scio an nemini, fuisti omnium diligentissimus: multo majorem in his honoribus tuendis adhibere diligentiam debes. Et quidem de isto genere honorum quid sentirem, scripsi ad te autē. semper eos putavi, si vulgares essent, viles: si temporis causa constituerentur, leves: si vero (id quod ita factum est) meritis tuis tribuerentur, existimabam multam tibi in his honoribus tuendis operam esse ponendam. Quare quoniam in istis urbibus ⁵³ cum summo imperio et potestate versaris, in quibus tuas virtutes consecratis et in decorum numero collocatas vides: in omnibus rebus, quas statues, quas decernes, quas ages, quid tantis hominum opinionibus, tantis de te judiciis, tantis honoribus debeas, cogitabis. Id autem erit ejusmodi, ut consulas omnibus, ut medeare incommodis hominum, provideas saluti, ut te parentem Asiæ et dici et haberi velis. Atque huic tuæ voluntati ac diligentiae difficultatem magnam afferunt publicani: quibus si adversamur; ordinem de vobis optime meritum, et per nos cum republica conjunctum, et a nobis, et a republica ⁵⁴ dijuugemus. sin autem omnibus in rebus obsequemur; funditus eos perire patiemur, quorum non modo saluti, sed etiam commodis consulere debemus. Hæc est una (si vere cogitare volumus) in toto imperio tuo

p. 296.
a.

11

49 *Plurimum studii f. et temporis.*] Lambinus addi volebat *positum vel collocatum*, frustra. si *et temporis* non addidisset Cicero, nemo hæsisset.

50 *Prorogatus esse.*] Quia ante annus dicitur accessisse: putem Ciceronem scripsisse hic *propagatus esse*. nam hoc verbo utitur Cicero, cum continuationem simpliciter intelligit. Sape hæc verba confusa sunt a librariis. v. *Clav. in prorogare*.

51 *Quoniam.*] Faeruas et Malasp. corripiebant *quoniamque*, non male.

52 *Quanti haud scio an nemini.*] Pro *quanti nemini*, modestiæ sc. causa. Mox *honoribus* deleudum patabat vir doctus in ed. Hag. bene.

53 *Cum summo imperio.*] *Summum imperium* int. civile: nam exercitum non habebat. v. in *imperium*.

54 *Dijuugemus.*] Sic edd. Rom. Jens. &c. Ed. s. l. et a. induxit *disjuugemus*, quod Asc. Aldus, &c. secuti sunt, etiam, quod miror, Gruterus. antiquum et verum revocavere Victorius et Jac. Gronovius.

difficultas. Nam esse abstinentem, continere omnes cupiditates, suos coercere, juris æquabilem tenere rationem; facilem te in rebus cognoscendis, in hominibus audiendis, admittendisque præbere; præclarum magis est, quam difficile. non est enim positum in labore aliquo, sed in quadam inductione animi atque voluntate. Illa causa publicanorum quantam acerbitatem afferat sociis, intelleximus ex civibus, qui nuper in portoriis Italiæ tollendis, non tam de portorio, quam de nonnullis injuriis portitorum querebantur. ^{b.} Quare non ignoro, quid sociis accidat in ultimis terris, cum audierim in Italia querelas civium. Hic te ita versari, ut et publicanis satisfacias, præsertim publicis male redemptis, et socios perire non sinas, divinæ cujusdam virtutis esse videtur, id est, tuæ. Ac primum Græcis, id quod acerbissimum est, quod sunt vectigales, non ita accubum videri debet, propterea quod sine imperio populi Romani, suis institutis, ⁵⁵ per se ipsi ita fuerunt. Nomen autem publicani aspernari non possunt, qui pendere ipsi vectigal sine publicano non potuerunt, ⁵⁶ quod iis æqualiter Sulla descriperat. Non esse autem leniores in exigendis vectigalibus Græcos, quam nostros publicanos, hinc intelligi potest, quod Caunii nuper, omnesque ex insulis, ⁵⁷ quæ erant ab Sulla Rhodiis attributæ, confugerunt ad senatum, nobis ut potius vectigal, quam Rhodiis penderent. Quare nomen publicani neque ii debent horrere, qui semper vectigales fuerunt; neque ii aspernari, ⁵⁸ qui per se pendere vectigal non potuerunt; neque ii recusare, qui postulaverunt. Simul et illud Asia cogitet, nullam a se neque belli externi, neque discordiarum domesticarum calamitatem abfuturam fuisse, si hoc imperio non teneretur. id autem in imperium cum retineri sine vectigalibus nullo modo possit, æquo animo parte aliqua suorum fructuum pacem sibi sempiternam redimat atque otium. Quod si genus ipsum et nomen publicani non iniquo animo sustinebunt: poterunt iis, consilio et prudentia tua, reliqua videri mitiora. Possunt in pactationibus faciendis non legem spectare censoriam, sed potius

55 *Per se ipsi ita fuerunt.* Cum liberi essent, suis ipsorum institutis habere publicanos.

56 *Quod iis æqualiter Sulla d.* Sc. in capita. de ea re v. Plutarch. in Lucullo, qui xx millia talentorum fuisse tradit.

57 *Quæ erant ab Sulla Rhodiis attributæ.* Quam ob causam Sulla Rhodiis hoc dederit, non constat.

58 *Qui per se pendere vectigal.* Per se, est, sine publicanis.

commoditatem conficiendi negotii, et liberationem molestiæ. Potes etiam tu id facere, quod et fecisti egregie, et facis, ut commemores, quanta sit in publicanis dignitas, quantum nos illi ordini debeamus, ut remoto imperio, ac vi potestatis et fascium, publicanos cum Græcis gratia atque auctoritate conjungas. Sed et ab iis, de quibus optime tu meritus es, et qui tibi omnia debent, hoc petas, ut facilitate sua, nos eam necessitudinem, quæ est nobis cum publicanis, obtinere et conservare patiantur. Sed quid ego te hæc hortor, quæ tu non modo facere potes tua sponte sine cujusquam præceptis, sed etiam magna jam ex parte perfecisti? non enim desistunt nobis agere quotidie gratias honestissimæ et maximæ societates: quod quidem mihi idcirco jucundius est, quod idem faciunt Græci. Difficile est autem, ea, quæ commodis, utilitate, et prope natura diversa sunt, voluntate conjungere. At ea quidem, quæ supra scripta sunt, non ut te instituerem, scripsi, (neque enim prudentia tua cujusquam præcepta desiderat,) sed me in scribendo commemoratio tuæ virtutis delectavit: quamquam in his litteris longior fui, quam aut vellem, aut quam me putavi fore. Unum est, quod tibi ego præcipere non desinam, neque te patiar (quantum in me erit) cum exceptione laudari. omnes enim, qui istinc veniunt, ita de tua virtute, integritate, humanitate commemorant, ut in tuis summis laudibus excipiant unam iracundiam. quod vitium, cum in hac privata quotidianaque vita levis esse animi atque infirmi videtur: tum vero nihil est tam deforme, quam ad summum imperium etiam acerbiter naturæ adjungere. Quare illud non suscipiam, ut, quæ de iracundia dici solent a doctissimis hominibus, ea tibi nunc exponam, cum et nimis longus esse nolim, et ex multorum scriptis ea facile possis ⁵⁹ cognoscere: quod est epistolæ proprium, ut ^b is, ad quem scribitur, de iis rebus, quas ignorat, certior fiat, prætermittendum esse non puto. Sic ad nos omnes fere deferunt, nihil, cum absit iracundia, te fieri posse jucundius. sed cum te alicujus improbitas perversitasque commoverit, sic te animo incitari, ut ab omnibus tua desi-

⁵⁹ Cognoscere: illud, quod est, &c.] illud vel id, deinde in altera parte periodi Dolevi hoc illud, temere e superioribus quod. tum mox pro ignorat scribendum est repetitum, aut a glossatore additum. Hæc ignoret.
est perpetua forma elegantia Ciceroniana,

deretur humanitas. Quare quoniam in eam rationem vitæ nos non tam cupiditas quædam gloriæ, quam res ipsa ac fortuna deduxit, ut sempiternus sermo hominum de nobis futurus sit; caveamus, quantum efficere et consequi possumus, ut ne quod in nobis insigne vitium fuisse dicatur. Neque ego nunc hoc contendo, quod fortasse cum in omni natura, tum jam in nostra ætate difficile est, mutare animum, et si quid est penitus insitum moribus, id subito evelere: sed te illud admoneo, ⁶⁰ ut, si hoc plane vitare non potes, quod ante occupatur animus ab iracundia, quam providere ratio potuit, ne occuparetur, ut te ante compares, quotidieque meditare, resistendum esse iracundiæ; cumque ea maxime animum moveat, tum tibi esse diligentissime linguam continendam: quæ quidem mihi virtus non interdum minor videtur, quam omnino non irasci. Nam illud non solum est gravitatis, sed nonnunquam etiam lentitudinis: moderari vero et animo et orationi, cum sis iratus, aut etiam tacere, et tenere in sua potestate motum animi et dolorem, etsi non est perfectæ sapientiæ, tamen est non mediocris ingenii. Atque in hoc genere multo te esse jam commodiorem mitioremque nuntiant. Nullæ tuæ vehementiores animi concitationes, nulla maledicta ad nos, nullæ contumeliæ perferuntur: quæ cum abhorrent a litteris, ^a ab humanitate, tum vero contraria sunt imperio ac dignitati, nam si implacabiles iracundiæ sint; summa est acerbitas: sin autem exorabiles; summa levitas: quæ tamen ¹⁴ (ut in malis) acerbitati anteponenda est. Sed quoniam primus annus habuit de hac reprehensione plurimum sermonis, credo propterea, quod tibi hominum injuriæ, quod avaritiæ, quod insolentia ⁶¹ præter opinionem accidebat, et intolerabilis videbatur; secundus autem multo lenior, quod et consuetudo, et ratio, et (ut ego arbitror) meæ quoque litteræ te patientiorem lenioremque fecerunt: tertius annus ita esse debet emendatus, ut ne minimam quidem rem quisquam possit ullam reprehendere. Ac jam hoc loco non hortatione, neque præceptis, sed precibus tecum fraternis ago; totum ut animum, curam, cogitationemque tuam ponas in omnium laude undique colligenda. Quodsi in me-

60 *Ut, si -- ne occuparetur, ut te ante comp.*] Alterum ut abest ab edd. vet.

61 *Præter opinionem accidebat.*] Videtur esse debere *acciderat*: item post pro *fecerunt, fecerant*.

diocri statu sermonis ac prædicationis nostræ res essent: nihil abs te eximium, nihil præter aliorum consuetudinem postularetur. nunc vero, propter earum rerum, in quibus versati sumus, splendorem et magnitudinem, nisi summam laudem ex ista provincia assequimur, vix videmur summam vituperationem posse vitare. Ea nostra ratio est, ut omnes boni cum favcant, tum etiam a nobis omnem diligentiam virtutemque et postulent et expectent, omnes autem improbi (quod cum iis bellum suscepimus sempiternum) vel minima re ad reprehendendum contenti esse videantur. Quare quoniam ⁶² ejusmodi theatrum est totius Asiæ, celebritate refertissimum, magnitudine amplissimum, judicio eruditissimum, natura autem ita resonans, ut usque Romanam significationes vocesque referantur: contende, quasso, atque elabora, non modo ut ⁶³ his rebus dignus fuisse, sed etiam ut illa omnia tuis artibus superasse videre. Et ¹⁵ quoniam mihi casus urbanam in magistratibus administrationem reipublicæ, tibi provincialem dedit; ⁶⁴ et si mea pars nemini cedit, fac, ut tua ceteros vincat. Simul et illud cogita, nos non ⁶⁵ de reliqua et sperata gloria jam laborare, sed de parta dimicare. quæ quidem non tam expectanda nobis fuit, quam tuenda est. Ac si mihi quidquam esset abs te separatum, nihil amplius desiderarem hoc statu, qui mihi jam partus est. nunc vero res sic sese habet, ut, nisi omnia tua facta atque dicta nostris rebus istinc respondeant, ego me meis tantis laboribus, tantisque periculis, quorum tu omnium particeps fuisti, nihil consecutum putem. Quod si ut amplissimum nomen consequeremur, unus præter ceteros adjuvisti: certe idem, ut id retineamus, præter ceteros elaborabis. Non est tibi his solis utendum existimationibus ac judiciis, qui nunc sunt, hominum, sed iis etiam, qui futuri sunt: quamquam illorum erit verius

⁶² *Ejusmodi theatrum est totius Asiæ, &c.* Si edd. omnes veteres, omisso *virtutibus est datum*, quod primus Victorius addidit, secutusque est Gruterus. In hac lectione etiam totius offendit. Nuper Alemannus edidit: *quoniam ejusmodi theatrum virtutibus tuis est datum*: sed sine libris, et mihi illud *virtutibus tuis e. d.* glossatorem sapit, nec convenit sequentibus: *non modo ut his rebus dignus fuisse* — *videre*. Itaque veterem lectionem revocavi.

⁶³ *His rebus.*] Hoc tali theatro, et iis quæ in illo theatro agenda sunt.

⁶⁴ *Et si mea pars.*] Faeruns, Malaspina, Ursinus, Manutius, delent et. beno.

⁶⁵ *De reliqua et sp.*] Quæ nobis paranda restet, et speretur a nobis. — *de parta dimicare*, de ea, quam jam habemus, retinenda. non agitur hoc, inquit, ut gloriam nobis paremus; nam abunde gloriæ nobis est: sed ut eam conservemus, nec amittamus re male gerenda. infra est *consequi et retinere nomen*.

judicium, obtreptione et malivolentia liberatum. Denique illud etiam debes cogitare, non te tibi soli gloriam quærere: quod si esset; tamen non negligeres, præsertim cum amplissimis monumentis consecrare voluisses memoriam nominis tui: sed hæc tibi est communicanda mecum, prodenda liberis nostris. ⁶⁶ In qua cavendum est, ne, si negligentior fueris, non solum tibi parum consuluisse, sed etiam tuis invidisse videaris. Atque hæc non eo dicuntur, ut te oratio mea dormientem excitasse, sed potius ut currentem incitasse videatur. Facies enim perpetuo, quæ p. 299. fecisti, ut omnes æquitatem tuam, temperantiam, severitatem, integritatemque laudent. Sed me quædam tenet, propter singularem amorem, infinita in te aviditas gloriæ: quamquam illud existimo, cum jam tibi Asia, sicut unicuique sua domus, nota esse debeat, cum ad tuam summam prudentiam tantus usus accesserit, nihil esse, quod ad laudem attineat, quod non tu optime perspicias, et tibi non, sine cujusquam hortatione, in mentem veniat quotidie. Sed ego, qui, cum tua lego, te audire, et qui, cum ad te scribo, tecum loqui videor: idcirco et tua longissima quaque epistola maxime delector, et ipse in scribendo sæpe sum longior. Illud te ad extremum et oro et hortor, ut, tamquam poetæ boni, et actores industrii solent, sic tu in extrema parte et conclusionem muneris ac negotii tui diligentissimis sis, ut hic tertius annus imperii tui, tamquam tertius actus, perfectissimus atque ornatissimus fuisse videatur. Id facillime facies, si me (cui semper uni magis, quam universis, placere voluisti) tecum semper esse putabis, et omnibus iis rebus, quas dices ac facies, interesse. Reliquum est, ut te orem, ut valitudini tuæ, si me et tuos omnes valere vis, diligentissime servias.

66 In qua cavendum est.] Qua refectio scripsit more suo: in quo cavendum sunt sc. ad gloriam. Sed Cicero sine dubio est: nam illud durius est.

ARGUMENTUM.

2

De Statii liberti nimis apud Quintum gratiosi adventu, et hominum de eo sermonibus et querelis: de Græcis, quos commendaverat, aut quibus videbatur indulgere, excusatio: de litteris Quinti iniquis, duris, contrariis, de eisque tollendis consilium: L. Flavii, cui hereditas in Asia venerat, aliorumque commendatio: objurgationum suarum excusatio, ac tandem de rebus publicis commemoratio.

MARCUS Q. FRATRI S.

STATIUS ad me venit a. d. viii Kalend. Novembr. 1
ejus adventus, quod ita scripsisti, direptum iri te a tuis,
dum is abesset, molestus mihi fuit. Quod autem ⁶⁷ex-
spectationem tui, concursumque eum, qui erat futurus, si
una tecum decederet, neque antea visus esset, sustulit; id b.
mihi non incommode visum est accidisse. Exhaustus enim
est sermo hominum, et ⁶⁸multis emissæ jam ejusmodi vo-
ces, ἀλλὰ αἰεὶ τίνα φῶτα μέγαν. quæ te absente confecta esse
lætor. Quod autem idcirco a te missus est, mihi ut se pur-
garet, id necesse minime fuit. Primum enim numquam ille
mihi fuit suspectus: neque ego, quæ ad te de illo scripsi,
scripsi meo judicio, sed cum ratio, salusque omnium nos-
trûm, qui ad rempublicam accedimus, non veritate solum,
sed etiam fama niteretur, sermones ad te aliorum semper,
non mea judicia perscripsi. qui quidem quam frequentes
essent, et quam graves. adventu suo Statius ipse cognovit.
Etenim intervenit nonnullorum querelis, quæ apud me de
illo ipso habebantur: et sentire potuit, sermones iniquorum
in suum potissimum nomen erumpere. Quod autem me
maxime movere solebat, cum audiebam, illum plus apud
te posse, quam gravitas illius ætatis et imperii prudentia
postularet, (quam multos enim mecum egisse putas, ut se
Statio commendarem? ⁶⁹quam multa autem ipsum ἀφελῶς
mecum in sermone ita protulisse?) id mihi non placuit:
monui, suasi, deterrui. Quibus in rebus etiamsi fidelitas

67 [Expectationem -- sustulit.] Nempe omnes erant cupidi videndi illum libertum, qui tam gratus apud Quintum esse diceretur; unde magnos concursus fore putabat Q. si una secum e provincia venisset Romam. eos igitur concursus non sperabat, si solus venisset. M. Ciceroni hoc commodum videbatur. pro accidisse malum cecidisse. nam eo verbo Cicero in tali sententia utitur.

68 [Multis emisse, &c.] Voces, quibus indicarent, non esse Statium talem, qualem putassent: nec esse, qui tam potens esse apud Quintum potuerit. nam id est in verbis Homeri: idque adeo valdebat ad invidiam Quinti minuendam.

69 [Quam multa -- ita protulisse.] Ut appareret, eum se valde potentem apud te existimare.

summa est, (quod prorsus credo, quoniam tu ita judicas,) tamen species ipsa tam gratiosi liberti, aut servi, dignitatem habere nullam potest. Atque hoc sic habeto, (nihil enim nec temere dicere, nec astute reticere debeo,) materiam omnem sermonum eorum, ⁷⁰ qui de te detrahere vellent, Statium dedisse: et antea tantum intelligi potuisse, iratos tuæ severitati esse nonnullos: hoc manumisso, iratis, quod lo-
 2 querentur, non defuisse. Nunc respondebo ad eas episto-
 p. 300. las, quas mihi reddidit L. Cæsius, (cui, quoniam ita te velle
 a. intelligo, nullo loco decro,) quarum altera est de Blaudentio Zeuxide, quem scribis certissimum matricidam tibi a me intime commendari. Qua de re, et de hoc genere toto, ne forte me in Græcos tam ambitiosum factum esse mirere, pauca cognosec. Ego cum Græcorum querelas nimium valere sentirem, propter hominum ingenia ad fallendum parata: quoseumque de te queri audivi, quacumque potui ratione placavi. Primum Dionysipolitas, qui erant ⁷¹ inimicissimi mei, lenivi: quorum principem Hermippum non solum sermone meo, sed etiam familiaritate devinxi. Ego Apamensem Hephæstum, ego levissimum hominem, Megaristum Antandrium, ego Niciam Smyrnæum, ego ⁷² nugas maximas omni mea comitate sum complexus, Nymphontem etiam Colophonium. quæ feci omnia, non quo me, aut ii homines, aut tota natio delectaret: pertæsum est levitatis, ⁷³ assentationis, animorum, non officiis, sed temporibus servientium. Sed, ut ad Zeuxim revertar: cum is de M. Cascellii sermone secum habito, quæ tu scribis, ea ipsa loqueretur, obstiti ejus sermoni, et hominem in familiaritatem recepi. Tua autem quæ fuerit cupiditas tanta, nescio, quod scribis cupiisse te, quoniam Smyrnæ ⁷⁴ duo Mysos insuisses in culeum, simile in superiore parte provinciæ edere exemplum severitatis tuæ, et idcirco Zeuxim elicere omni ratione voluisse: quem adductum in iudicium fortasse dimitti non oportuerit; conquiri vero, et eliei blanditiis (ut tu scribis) ad iudicium, necesse non fuit; cum præsertim hominem, quem ego et ex suis civibus, et

70 Qui de te d. vellent.] Vellent edidi pro velint, ut max est loquerentur.

71 Inimicissimi mei.] P. Manutius aut tui legendum, aut delendum mei putat. bene, opinor.

72 Nugas maximas.] Homines nugacis-

simos et nullius pretii.

73 Assentationis, animorum.] An hominum? quod conjungatur cum servientium.

74 Duo Mysos.] Duo pro duas bene e Ms. Manut. Mysos edd. pr. non Mysios.

ex multis aliis quotidie magis cognosco nobiliorem esse prope, quam civitatem suam. At enim Græcis solis indulgeo. Quid? L. Cæcilium nunc omni ratione placavi? ^{b.} quem hominem? qua ira? quo spiritu? quem denique, præter Tuscenium, ⁷⁵ cuius causa sanari non potest, non mitigavi? Ecce ⁷⁶ supra caput homo levis ac sordidus, sed tamen equestri censu, Catienus: etiam is lenietur. cuius tu in patrem quod fuisti asperior, non reprehendo: certo enim scio, te fecisse cum causa. sed quid opus fuit ejusmodi literis, quas ad ipsum misisti? illum crucem sibi ipsum constituere, ex qua tu enim ante detraxisses: te curaturum, ⁷⁷ fimo ut combureretur, plaudente tota provincia. Quid vero ad C. Fabium, nescio quem? (nam eam quoque epistolam T. Catienus circumgestat.) renuntiari tibi, ⁷⁸ Licinium plagiarium cum suo pullo milvino tributa exigere? Deinde rogas Fabium, ut et patrem et filium vivos comburat, si possit: sin minus, ad te mittat, uti iudicio comburantur. Hæ litteræ abs te per jocum missæ ad C. Fabium, si modo sunt tuæ, cum leguntur, invidiosam atrocitatem verborum habent. Ac, si omnium mearum litterarum præcepta repetes; intelliges, nihil esse a me, nisi orationis acerbicatem et iracundiam, et, si forte, raro litterarum missarum indiligentiam reprehensam. Quibus quidem in rebus si apud te plus auctoritas mea, quam tua sive natura paullo acrior, sive quædam dulcedo iracundiæ, sive dicendi sal facetiæque ⁷⁹ valuisset, nihil sane esset, quod nos pœniteret. Et mediocri me dolore putas affici, cum audiam, qua sit existimatione Virgilius, qua tuus vicinus ⁸¹ C. Octavius? Nam si te interioribus vicinis tuis, ⁸² Ciliciensi et Syriaco antepois, valde magnum facis. Atque is dolor est, quod cum ii, quos nominavi, te innocentia non

75 Cuius causa sanari non potest.] Sc. quia in eum jam severe animadverterat, ut est in ep. 1.

76 Supra caput.] Int. adstat. Virg. Æn. 194. tum mihi - - supra caput adstitit imber. habet autem significationem molestiæ, quam ille, querendo de fratre, Ciceroni attulit.

77 Fumo ut combureretur.] Credo, fumo esse vitiosum. nec tamen placet Ursini conjectura fumno.

78 Licinium cum suo pullo milv.] Pulum intelligo filium, quia mox pater et filius junguntur de iisdem sine dubio. Ce-

terum res non intelligitur. Licinius videtur esse idem, qui est II, 1. negotiator in provincia Ciceronis.

79 Valuisset.] Vulgg. omnes valuisse, vitiose. pendet enim verbum ex auctoritas mea, quod valuisset postulare. mox quod est pro quare: alias esse deberet cuius.

80 Cum audiam.] Immo, cum audio: sic in hac sententia Cicero dicit.

81 C. Octavius.] V. supra ad ep. I, 8.

82 Ciliciensi et Syriaco.] Ciliciensis qui fuerit, ignoratur; Syriacus fuit L. Marcianus, Phil. XI, 12. — valde magnum facis, ironia est.

- p. 301. vincant, vincunt tamen artificio benivolentiæ colligendæ,
 a. qui neque **Cyrum Xenophontis**, neque **Agasilaum** noverint :
 quorum regum summo in imperio nemo umquam verbum
 ullum asperius audivit. Sed hæc a principio tibi præci-
 3 piens, quantum profecerim, non ignoro. Nunc tamen de-
 cedens (id quod mihi jam facere videris) relinque, quæso,
 quam jucundissimam memoriam tui. ⁸³ Successorem habes
 perblandum : cetera valde illius adventu tua requirentur.
 In litteris mittendis (ut sæpe ad te scripsi) nimium te ex-
 orabilem præbuiisti. tolle omnes, si potes, iniquas, tolle in-
 usitatas, tolle contrarias. Statur mihi narravit, scriptas
 ad te solere asserri, ab se legi : et, si iniquæ sint, fieri te
 certiore. antequam vero ipse ad te venisset, nullum de-
 lectum litterarum fuisse : ex eo esse volumina selectarum
 epistolarum, quæ reprehendi solerent. Hoc de genere nihil
 te nunc quidem moneo. sero est enim : ac scire potes,
 multa me varie diligenterque monuisse. Illud tamen, quod
 Theopompo mandavi, enim esse admonitus ab ipso, vide
 per homines amantes tui, quod est facile, ut hæc genera
 tollantur epistolarum, primum iniquarum, deinde contrari-
 arum, tum absurde et inusitate scriptarum : postremo in
 aliquem contumeliosarum. Atque ego hæc tam esse, quam
 audio, non puto : et si sunt occupationibus tuis minus ani-
 madversa, nunc perspice et purga. Legi epistolam, ⁸⁴ quam
 ipse scripsisse Sulla nomenclator dictus est, non proban-
 dam : legi nonnullas iracundas. sed tempore ipso de epi-
 b. stolis. Nam eum hanc paginam tenerem, L. Flavius, præ-
 tor designatus, ad me venit, homo mihi valde familiaris. Is
 mihi, te ad procuratores suos litteras misisse ; quæ mihi
 visæ sunt iniquissimæ : ne quid de bonis, quæ L. Octavii
 Nasonis fuissent, cui L. Flavius heres est, deminuerent an-
 te, quam C. Fundanio pecuniam solvissent. Itemque mi-
 sisse ad Apollonidienses, nec de bonis, quæ Octavii fuis-
 sent, deminui patèrentur, priusquam Fundanio debitum so-
 lutum esset. Hæc mihi verisimilia non videntur. sunt enim
 a prudentia tua remotissima. Ne deminuat heres ? Quid ?
⁸⁵ si infitiat ? Quid si omnino non debetur ? Quid ? ⁸⁶ præ-

⁸³ Successorem habes.] Qui fuerit, non
 reperi traditum.

⁸⁴ Quam ipse scripsisse Sulla, &c.]
 Cur ipse additum sit, non video.

⁸⁵ Si infitiat.] Se debere, vel deberi.

⁸⁶ Prætor solet judicare deberi.] Nam
 iudicium est de facto, quod non est præ-
 toris : qui tantum jus dicit : in quo non
 est de facto iudicium.

tor solet judicare deberi? Quid? ego Fundanio non cupio? non amicus sum? non misericordia moveor? nemo magis: sed via juris ejusmodi est quibusdam in rebus, ut nihil sit loci gratiæ. Atque ita mihi dicebat Flavius scriptum in ea epistola, quam tuam esse dicebat,⁸⁷ te aut quasi amicis tuis gratias acturum, aut quasi inimicis incommoda laturum. Quid multa? ferebat graviter,⁸⁸ id vehementer mecum querebatur, orabatque, ut ad te quam diligentissime scriberem: quod facio, et te prorsus vehementer etiam atque etiam rogo, ut et procuratoribus Flavii remittas de deminuendo, et de Apollonidiensibus, ne quid perscribas, quod contra Flavium sit: amplius, et Flavii causa, et scilicet Pompeii, facias omnia. Nolo mediusfidijs ex tua injuria in illum, tibi liberalem me videri:⁸⁹ sed et te oro, ut tu ipse auctoritatem et monumentum aliquod decreti, aut litterarum tuarum relinquant, quod sit ad Flavii rem et ad causam accommodatum. Fert enim graviter homo et mei observantissimus, et sui juris dignitatisque retinens, se apud te neque amicitia, neque jure valuisse: et, ut opinor, Flavii aliquando rem et Pompeius et Cæsar tibi commendarunt: et ipse ad te scripserat Flavius,⁹⁰ et ego certe. p. 302. Quare si ulla res est, quam tibi me faciendam petente putes,^{a.} hæc ea sit. Si me amas, cura, elabora, perfice, ut Flavius et tibi et mihi quam maximas gratias agat. hoc te ita rogo, ut majore studio rogare non possim. 4 Quod ad me de Herminia scribis, mihi meherecule valde molestum fuit. Litteras ad te parum fraterne scripseram: quas oratione Didoti, Luculli liberti, commotus, de pactione statim quod audieram, iracundius scripseram, et revocare cupiebam. huic tu epistolæ non fraterne scriptæ, fraterne debes ignoscere. De Censorino, Antonio, Cassio, Scævola, te ab iis diligi (ut scribis) vehementer gaudeo.⁹¹ cetera fuerunt in eadem epistola graviora; quam vellem, ὁρῶν τὰν ναῦν, et ἀπαξ δαείν. majora ista erunt. Meæ objurgationes

87 *Te aut quasi amicis - - laturum.*] Hæc non intelligo. pro *incommoda laturum*, Ms. ap. Gruterum *incommodaturum*. alii *malint inc. allaturum*. sensus quidem tale quid desiderat. nam opponitur τῷ gratias acturum.

88 *Id vehementer.*] Ser. et veh.

89 *Sed et te oro, ut tu ipse.*] Hæc offendant aures meas. Ciceronem credo dedisse, sed te oro, ut ipse.

90 *Et ego certe.*] Et delendum est: non solet Cicero in hac forma addere.

91 *Cetera fuerunt - - ista erunt.*] Vix certo licet assequi sententiam hujus loci. Si ad objurgationem trahamus illud *graviora*: quomodo conveniunt ei: *quam vellem o. τ. v. et δ. δ.?* Videntur res valde tristes fuisse: quia de re læta præcessit, vehementer gaudeo.

fuerunt amoris plenissimæ, quæ sunt nonnullæ, sed tamen mediocres, et parvæ potius. Ego ⁹²te numquam ulla in re dignum minima reprehensione putassem, cum te sanctissime gereres, nisi inimicos multos haberemus. Quæ ad te aliqua admonitione aut objurgatione scripsi, scripsi propter diligentiam cautionis meæ, in qua et maneo et manebo, et, idem ut facias, non desistam rogare. Attalus Iphemenus mecum egit, ut se ne impedires, quo minus, quod ⁹³ad Q. Publiceni statuam decretum est, erogaretur: quod ego te et rogo et admoneo, ne talis viri, tanque nostri necessarij, honorem minui per te, aut impediri velis. Præterea Æsopi tragædi, nostri familiaris, Licinius servus, tibi notus, aufugit. Is Athenis apud Patronem Epicureum pro libero fuit. inde in Asiam venit. Postea Plato quidam Sardinianus, Epicureus, qui Athenis solet esse multum, et qui tum Athenis fuerat, cum Licinius eo venisset, cum fugitivum postea esse ex Æsopi litteris cognosset, hominem comprehendit, et in custodiam Ephesi tradidit: sed ⁹⁴in publicam, an in pistrinum, non satis ex litteris ejus intelligere potuimus. Tu, quoquo modo, quoniam Ephesi est, hominem investigates velim, summaque diligentia vel tecum deducas. Noli spectare, quanti homo sit: parvi enim pretij est, qui jam nihili sit: sed tanto dolore Æsopus est affectus propter servi scelus et audaciam, ut nihil ei gratius ⁵facere possis, quam si illum per te recuperarit. Nunc ea cognosce, quæ maxime exoptas. Rempublicam funditus amisimus: adeo ut Cato, adolescens nullius consilij, sed tamen civis Romanus, et Cato, ⁹⁵vix vivus effugeret; quod, cum Gabinium de ambitu vellet postulare, neque prætores diebus aliquot adiri possent, vel potestatem sui facerent, in concionem adscendit, et ⁹⁶Pompeium privatus dictato-

⁹² Te u. u. in re dignum m. r. p.] Dignum reprehensione non convenire videtur sequentibus, nisi inimicos multos haberemus, vel haberes. Nempe illud dignum non est nimis premordum. vult dicere, nulla se reprehensione usurum fuisse, nisi inimici ejus multa de eo sparsissent, arrepta occasione aliqua, ut eum cautiores redderet: quod et sequentibus consentit.

⁹³ Ad Q. Publiceni statuam.] Publiceni quidem nomen vitiosum est. neo aliæ lectiones prælatæ adhuc satisfaciunt, ut publicani, quod in Ms. Gruterus reperit, estque et in ed. Jens. Nomen hominis clari

requiritur.

⁹⁴ In publicam, an in pistrinum.] An ex ed. Rom. dedi. ceteræ inde a Jensonio habent vel, saper quo, sc. an vel pro an dici possit, est longa torquentis se Malaspina nota.

⁹⁵ Vir vivus effugeret.] Scribendum sine dubio effugerit.

⁹⁶ Pompeium privatus.] Ed. Rom. privatum, quod et in Ms. reperit Wowerius. male. Dictator vel lege vel n Consule dicitur. iste privatus erat, productus ab aliquo magistratu in concionem: nam tribunus post demum factus est.

rem appellavit. propius nihil est factum, quam ut occideretur. Ex hoc, qui sit status totius reipublicæ, videre potes. Nostræ tamen causæ non videntur homines defuturi. mirandum in modum profitentur, offerunt se, pollicentur: et quidem cum spe sum maxima, tum majore etiam animo. spero superiores fore nos: ⁹⁷ confido animo, ut in hac re publica ne casum quidem ullum pertimescam: sed tamen res sic se habet. Si diem nobis Clodius dixerit; tota Italia concurret, ut multiplicata gloria discedamus: sin autem vi agere conabitur; spero fore, studiis non solum amicorum, sed etiam alienorum, ut vi resistamus. Omnes et se, et suos liberos, amicos, clientes, libertos, servos, pecunias denique suas pollicentur. Nostra antiqua manus bonorum ardet studio nostri atque amore. ⁹⁸ Si qui antea aut alieniores fuerant, aut languidiores, nunc horum regum odio se cum bonis conjungunt. Pompeius omnia pollicetur et Cæsar: quibus ego ita credo, ut nihil de mea comparatione deminuum. Tribuni plebis designati sunt nobis amici. Consules se optime ostendunt. Prætores habentur amicissimos, et acerrimos cives, Domitium, Nigidium, Memmium, Lentulum; bonos etiam alios: sed hos singulares. Quare magnum fac animum habeas, et spem bonam. De singulis tamen rebus, quæ quotidie gerantur, faciam te crebro certio rem.

ARGUMENTUM.

De pueris sine epistola missis se excusat, et de cælii miseria et calamitate graviter conqueritur.

MARCUS Q. FRATRI S.

MI frater, mi frater, mi frater, tunc id veritus es, ne ego iracundia aliqua adductus pueros ad te sine litteris miserim? aut etiam ⁹⁹ ne te videre noluerim? Ego tibi irascerer? tibi ego possem irasci? scilicet. tu enim me afflixisti: tui me inimici, tua me invidia, ac non ego te misere perdidisti. Meus ille laudatus consulatus, mihi te, liberos, patriam,

⁹⁷ *Confido animo, ut in hac rep.]* In facilius est: quia statim sequitur: *res sic conf. an. intell. ita. in hac republica, accipio, in hoc reipublicæ vel rerum statu,*

ut paullo ante dixit, sicque et alibi dicitur. Manutius corrigebat in hac re, probabatque Lambinus: nempe ut ad illam,

de qua sequitur, rem pertineat. quod et

⁹⁸ *Si qui antea - - fuerant.]* Legendum *fuerunt.*

⁹⁹ *Ne te videre noluerim.]* Sic add. pr. non *noluerim*, ut posteriores quidam, Lamb. Gruterus, &c. edidere: vix consulto.

fortunas; tibi velim ne quid eripuerit, præter unum me. Sed certe a te mihi omnia semper honesta et jucunda ceciderunt; a me tibi luctus meæ calamitatis, metus tuæ, desiderium, maior, solitudo. Ego te videre noluerim? Immo vero me a te videri nolui. Non enim vidisses fratrem tuum: non eum, quem reliqueras: non eum, quem noras: non eum, quem flens flentem, prosequentem proficiscens dimiseras: ne vestigium quidem ejus, nec simulacrum; sed quandam effigiem spirantis mortui. Atque utinam me mortuum prius vidisses, aut audisses! ¹⁰⁰ utinam te non solum vitæ, sed etiam dignitatis meæ superstitem reliquiss-
 b. sem! Sed testor omnes deos, me hac una voce a morte esse revocatum, quod omnes in mea vita partem aliquam tuæ vitæ repositam esse dicebant. Quare peccavi, scelerateque feci. nam si cecidissem, mors ipsa meam pietatem amoremque in te facile defenderet. nunc commisi, ut vivo me careres, vivo me aliis indigeres: mea vox in domesticis periculis potissimum occideret, quæ sæpe alienissimis præsidio fuisset. Nam quod ad te pueri sine literis venerunt, quoniam vides ¹ non fuisse iracundiæ causa, certe pigritia fuit, et quædam infinita vis lacrymarum et dolorum. Hæc ipsa me quo fletu putas scripsisse? eodem, quo te legere certo scio. An ego possum aut non cogitare aliquando de te, aut umquam sine lacrymis cogitare? Cum enim te desidero, fratrem solum desidero? ² Ego vero suavitate fratrem, prope æqualem, obsequio filium, consilio parentem. Quid mihi sine te umquam, aut tibi sine me jucundum fuit? Quid, quod eodem tempore desidero filiam? qua pietate, qua modestia, quo ingenio? effigiem oris, sermonis, animi mei? Quid filium venustissimum, mihi que dulcissimum? quem ego ferus ac ferreus e com-

¹⁰⁰ Utinam te non solum vitæ, sed etiam dignitatis.] Res et sententia et sequentia videntur postulare, at sit, non solum dignitatis, sed etiam vitæ.

¹ Non fuisse iracundiæ causa.] Causa est ex ed. Jens. sqq. Ed. Rom. causam, ut quædam aliæ veteres. Gruterus recte volebat deleri

² Ego vero suavitate prope fr. prope æqualem.] Hoc certe vitiosum est, at omnes agnoscunt, sed varie tentant. male quidam fratrem delent, ut Manutius. Sunt

tria, frater, filius, pater: et verbum fratris debet habere adjunctum substantivum, ut cetera. pntem: ego vero suavitate fratrem, abs. filium, consilio parentem: vel potius, ut edidi, suavitate fratrem prope æqualem, &c. in æqualibus enim, quorum consuetudine ulimur, suavitas quæritur maxime: et in fratribus ætatis discrimen aliquid etiam in consuetudine discriminis facit: non multo post est de Ciceronibus pueris: meus Cicero et amabat (sc. Q. Cic.) ut fratrem, et jam ut majorem fratrem verebatur.

plexu dimisi meo, ³ sapientiore puerum quam vellem. sentiebat enim miser jam, quid ageretur. Quid vero tuum filium? ⁴ quid imaginem tuam, quam meus Cicero et amabat, ut fratrem, et jam, ut majorem fratrem, verebatur? Quid? quod mulierem miserimam, fidelissimam conjugem, me prosecui non sum passus, ut esset quæ reliquias communis calamitatis, communes liberos tueretur? Sed tamen, quoque modo potui, scripsi, et dedi litteras ad te Philogono, liberto tuo, quas credo tibi postea redditas esse: in quibus idem te hortor et rogo, quod pueri tibi verbis meis nuntiarunt, ut Romam protinus pergas et properes. p. 301.
a. Primum enim te præsidio esse volui, si qui essent inimici, quorum crudelitas nondum esset nostra calamitate satiata. Deinde congressus nostri lamentationem pertinui: digressum vero non tulissem: atque etiam idipsum, quod tu scribis, metuebam, ne a me distrahi non posses. His de causis hoc maximum malum, quod te non vidi, quo nihil amantissimis et conjunctissimis fratribus acerbius ac miserius videtur accidere potuisse, minus acerbum, minus miserum fuit, quam fuisset cum congressio, tum vero digressio nostra. Nunc, si potes, id quod ego, qui fortis tibi semper videbar, non possum, erige te, et confirma, si qua subeunda dimicatio erit. Spero, si quid mea spes habet auctoritatis, tibi et integritatem tuam, et amorem in te civitatis, et aliquid etiam misericordiam nostri, præsidii laturam. sin eris ab isto periculo vacuus: ages scilicet, si quid agi posse de nobis putabis. de quo scribunt ad me quidem multi multa, et se sperare demonstrant: sed ego, quid sperem, non dispicio, cum inimici plurimum valeant, amici partim deseruerint me, partim etiam prodiderint: qui in meo reditu fortasse reprehensionem sui sceleris pertimescant. Sed ista qualia sint, tu velim perspicias, mihi que declares. Ego tamen, quamdiu tibi opus erit, si quid periculi subenudum videbis, vivam. diutius in hac vita esse non possum. Neque enim tantum virium habet ulla aut prudentia, aut doctrina, ut tantum dolorem possit sustinere. Scio fuisse et honestius moriendi tempus, et utilius: sed non hoc solum, multa

3 *Sapientiore puerum, quam vellem.*] Sapientiore, quia intelligebat plus, quam puer. *quam vellem*, quia malebat pater, filium non intelligere magnitudinem mali, ut minus doleret.

4 *Quid imaginem meam.*] Sic omnes libri at ego non dubitavi edere *tuam*, ut Manutio et Lambino placuit. nam res ipsa sic jubet. in blanditiis est, liberos parentibus simillimos dicere.

alia prætermisi: quæ si queri velim præterita; nihil agam,
 b. nisi ut augeam dolorem tuum, indicem stultitiam meam.
 Illud quidem nec faciendum est, nec fieri potest, ⁵ me diutius, quam aut tuum tempus, aut firma spes postulabit, in tam misera, tamque turpi vita commorari: ut, qui modo fratre fuerim, liberis, conjuge, ⁶ copiis, genere ipso pecuniæ beatissimus, dignitate, auctoritate, existimatione, gratia non inferior, quam qui umquam fuerunt amplissimi: is nunc, in hac tam afflicta perditæque fortuna, neque me, neque meos lugere diutius possim. Quare quid ad me scripsisti de permutatione? quasi vero nunc me non tuæ facultates sustineant. qua in re ipsa video miser et sentio, quid sceleris admiserim, cum de visceribus tuis et filii tui satisfactorius sis, quibus debes: ego, ⁷ acceptam ex ærario pecuniam tuo nomine, frustra dissiparim. Sed tamen et M. Antonio, quantum tu scripseras, et Cæpioni tantumdem solutum est: mihi ad id, quod cogito, hoc, quod habeo, satis est. sive enim restituimur, sive desperamur, nihil amplius opus est. Tu, ⁸ si forte quid erit molestiæ, te ad Crassum et ad Calidium conferas, censeo. Quantum Hortensio credendum sit, nescio. me summa simulatione amoris, summaque assiduitate quotidiana, sceleratissime insidiosissimeque tractavit, adjuncto quoque Arrio: quorum ego consiliis, promissis, præceptis destitutus, in hanc calamitatem incidi. Sed hæc occultabis, ne quid obsint. Illud caveto: et eo puto, per Pomponium fovendum tibi esse ipsum Hortensium, ne ille ⁹ versus, qui in te erat collatus, cum ædilitatem petebas, de lege Aurelia, falso testimonio confirmetur. Nihil enim tam timeo, quam ne, cum intelli-

5 *Me diutius* - - *commorari*.] Hæc pendent ex illud quidem; ex nec faciendum est, nec fieri potest, sequentia, ut, qui modo - - is nunc - - neque me, neque meos lugere diutius possim.

6 *Copis, genere ipso pecuniæ*.] Manutius malebat genere ipso, pecunia, ut ad Pisonem pertineret. Sed locus verbi est ab ea conjectura alienus, dixisset: conjuge, genero, copiis: tum pecunia frigeret, quæ in copiis intelligitur. genere ipso pecunia dicit, quod copias suas non malis artibus compararat, sed parsimonia et hereditatibus, quæ ei a viris bonis venerant benevolentia: causa et honoris.

7 *Acceptam ex ærario p. tuo nomine*.] Quæ ei ex ærario debebatur, ut prætori

Asiæ decreta a senatu.

8 *Si forte quid erit molestiæ*.] Sc. a creditoribus, qui dicuntur molesti esse, cum debitores appellant.

9 *Versus, qui in te erat collatus*.] Ignoratur, sed res docet, in eo fuisse objectum Quinto ambitum pecuniarium. versus de lege Aurelia indicat, in eo legem Aureliam commemoratam fuisse. Saspicatus sum interdum, de lege Aurelia esse a glossa. nam cum versus in aliquem collatus dicitur, indicatur applicatio versus, qui erat de alio proprie scriptus: in versu igitur, qui in Quintum conferebatur, non poterat lex Aurelia commemorari. Sed potest esse interpretatio Ciceronis ipsius. — falso, testimonio, Hortensii sc.

gant homines, ¹⁰ quantum misericordiæ nobis tuæ preces et tua salus allatura sit, oppugnent te vehementius. Messalam tui studiosum esse arbitror: Pompeium etiam simulatorem puto. Sed hæc utinam non experiare! quod precarer deos, nisi meas preces ¹¹ audire desissent. Verumtamen precor, ut his infinitis nostris malis contenti sint: in quibus ¹² non modo tamen nullius inest peccati infamia; sed omnis dolor est, quod optime factis pœna est maxima constituta. Filiam meam et tuam, Cicronemque nostrum, quid ego, mi frater, tibi commendem? quin illud mæreo, quod tibi non minorem ¹³ dolorem illorum orbitas afferet, quam mihi. Sed, te incolumi, orbi non erunt. Reliqua, ita mihi salus aliqua detur, potestasque in patria moriendi, ut me lacrymæ non sinunt scribere. Etiam Terentiam velim tueare, mihi que de omnibus rebus rescribas. Sis fortis, quoad rei natura patiatur. Idibus Juniis, Thessaloniciæ.

p. 305.
a.

ARGUMENTUM.

4

De perfidia, timore et invidia amicorum conqueritur, et quid sit sperandum de reditu, vere ad se perscribi cupit.

MARCUS Q. FRATRI S.

AMABO te, mi frater, ne, si uno meo facto et tu et omnes mei corruistis, improbitati et sceleri meo potius, quam imprudentiæ miseræque assignes. nullum est meum peccatum, nisi quod iis credidi, a quibus ¹⁴ nefas putabam esse me decipi, aut etiam, quibus ne id expedire quidem arbitrabar. intimus, proximus, familiarissimus quisque aut sibi pertimuit, aut mihi invidit. ita mihi nihil misero præter fidem amicorum, ¹⁵ cautum meum consilium fuit. Quod si te satis innocentia tua et misericordia hominum vindicat hoc tempore a molestia: perspicis profecto, ecquænam nobis spes salutis relinquatur. Nam me Pomponius, et

10 Quantum misericordiæ, &c.] Misericordiæ videtur lenius esse, quam pro re. scripsit miseriæ, ut opinor. Sic et ep. 4. olim edebatur imprudentiæ misericordiæque assigno, pro miseriæque.

11 Audire desissent.] Edd. pr. desissent. melius.

12 Non modo tamen nullius - sed omnis dolor.] Scio, post non modo non. non semper esse, sed ne quidem. v. Clav. in non modo. sed h. l. tamen est durius: me-

liusque abesset non modo.

13 Dol. illorum orbitas afferet.] Sic edidi pro affert, ut vulgo editur. ed. Rom. habet afferrat, ed. Jens. affert. affert Mss. Paris.

14 Nefas putaram.] Edd. pr. putarem. Legendum est putabam, nam et in altero membro est arbitrabar.

15 Cautum m. consilium fuit.] Vera est correctio Malaspinae defuit.

Sextius, et Piso noster adhuc Thessalonicae retinuerunt, cum longius discedere, propter nescio quos motus, varent. verum ego magis exitum, illorum litteris, quam spe
 b. certa exspectabam. Nam quid sperem, potentissimo inimico, dominatione obtreptatorum, infidelibus amicis, pluribus invidis? De novis autem tribunis plebis est ille quidem in me officiosissimus Sextius, et, spero, ¹⁶Curtius, Milo, Fadins, Gratidius; sed valde adversante Clodio: qui etiam privatus eadem manu poterit conciones concitare: deinde etiam intercessor parabitur. Haec mihi proficiscenti non proponebantur: sed saepe triduo summa cum gloria dicebar esse rediturus. Quid tu igitur? inquires. quid? multa convenerunt, quae ¹⁷mentem exturbarent meam: subita defectio Pompeii, alienatio consulum, etiam praetorum, timor ¹⁸publicanorum, arma. lacrymae meorum me ¹⁹ad mortem ire prohibuerunt: quod certe et ad honestatem et ad effugiendos intolerabiles dolores fuit aptissimum. Sed de hoc scripsi ad te in ea epistola, quam Phaethoni dedi. Nunc tu, quoniam in tantum luctum et laborem detrusus es, quantum nemo umquam: si relevare potes communem casum misericordia hominum; scilicet incredibile quiddam assequeris: sin plane accidimus; (me miserum!) ego omnibus meis exitio fuero, quibus ante dedecori non eram. Sed tu, ut ante ad te scripsi, perspice rem et pertenta: et ad me, ut tempora nostra, non ut amor tuus fert, vere perscribe. Ego vitam, quoad putabo tua interesse, aut ad spem servandam esse, retinebo. Tu nobis amicissimum Sextium cognosces: ²⁰credo tua causa velle Lentulum, qui erit consul. quamquam sunt facta verhis difficiliora. Tu et quid opus sit, et quid sit, videbis omnino. Si tuam solitudinem communemque calamitatem nemo despexerit: aut per te confici aliquid, aut nullo modo poterit. sin te quoque inimici vexare coeperint, ne cessaris. non enim gladius mecum, sed litibus agitur. Ve-

16 Curtius.] Sic edd. omnes. at Curtius esse legendum, bene docet Pighius ad a. 696.

17 Mentem exturbarent meam.] An conturbarent? quia in vulgato nimium est, et deberet esse exturbarent mihi.

18 Publicanorum arma.] Quomodo arma publicanorum poterant timeri? Manutius sic interpungebat: alienatio consu-

lum, etiam praetorum, timor publicanorum, arma, bene, opinor. nam equitum studiis Cicero confidebat. arma pertinent ad plebem.

19 Ad mortem ire.] Per vim resistendo Clodianis.

20 Credo tua causa vel Lentulum.] Ms. Paris. optimus velle Lentulum, quod cum Alemanno recepi.

rum hæc absint velim. Te oro, ut ad me de omnibus rebus scribas, et in me animi potius, aut consilii putes minus esse, quam antea; amoris vero et officii non minus.

M. TULLII CICERONIS
EPISTOLARUM

AD

QUINTUM FRATREM

LIBER II.

ARGUMENTUM.

1

Commemorat quid in Senatu sit actum, referente primum Lupo de lege C. Cæsaris, qua agrum Campanum plebi Romanæ dividi tulerat, deinde Racilio de judiciis, utrum ante, an vero post ædilitia comitia habenda sint. Scripta Lentulo Spinthere et Q. Metello Nepote Coss.

MARCUS Q. FRATRI S.

EPISTOLAM, quam legisti, mane dederam. sed fecit humaniter Licinius, quod ad me, misso senatu, vesperi venit, ut, ¹si quid esset actum, ad te (si mihi videretur) perscriberem. Senatus fuit frequentior, quam putabamus esse posse mense Decembri ²sub dies festos. Consulares nos fuimus, et duo consules designati, P. Servilius, M. Lucullus; Lepidus, Volcatius, Glabrio prætores. sane frequentes fuimus: omnino ad ducentos. Commorat expectationem Lupus. egit causam agri Campani sane accurate. auditus est magno silentio. ³materiam rei non ignoras. nihil ex nostris actionibus prætermisit. Fuerunt nonnulli aculei in C. Cæsarem, contumeliæ in Gellium; expostulationes cum absente Pompeio. Causa sero perorata, sententias se rogaturum negavit, ne quod onus simultatis nobis imponeret. Ex superiorum temporum conviciis, et ex præsentis silentio, quid senatus sentiret, se intelligere dixit.

¹ Si quid esset actum.] Confectum, decretum de republica.

² Sub dies festos.] Saturnalia.

³ Materiam rei non ignoras.] I. e. quantum dicendi materiam illa res de agro Campano habeat.

⁴ In illo cœpit dimittere. Tum Marcellinus, noli, inquit, ex taciturnitate nostra, Lupe, quid aut probemus hoc tempore, aut improbemus, judicare. Ego, quod ad me attinet, idemque arbitror ceteros, idcirco taceo, quod non existimo, cum Pompeius absit, causam agri Campani agi convenire. Tum ille, se senatum negavit tenere. Racilius surrexit, et ⁵ de judiciis referre cœpit. Marcellinum quidem primum rogavit. Is cum graviter de Clodianis incendiis, trucidationibus, lapidationibus questus esset, sententiam dixit, ⁶ ut ipse iudices per prætorem urbanum sortiretur; iudicium sortitione facta, comitia haberentur: qui iudicia impedivisset, cum contra rempublicam esse facturum. Approbata valde sententia, C. Cato contra dixit, et Cassius, ⁷ maxima acclamatione senatus, cum comitia judiciis anteferet. Philippus assensit Lentulo. Postea Racilius de privatis me primum sententiam rogavit. Multa feci verba de toto furore, latrocinioque P. Clodii: cum, tamquam reum, accusavi, multis et secundis admurmurationibus cuncti senatus. Orationem meam collaudavit satis multis verbis, ⁸ non meherecule indiserte, Severus Antistius: isque iudiciorum causam suscepit, antiquissimamque se habiturum dixit. Ibatur in eam sententiam. Tum Clodius rogatus, diem dicendo eximere cœpit. furebat, a Racilio se ⁹ contumaciter inurbaneque vexatum. Deinde ejus operæ repente a Græcostasi et gradibus clamorem satis magnum sustulerunt, opinor in Q. Sextilium et amicos Milonis incitatae. Eo metu injecto, repente, magna querimonia omnium, discessimus. Habes acta unius diei. reliqua, ut arbitror, in mensem Januarii rejiciuntur. De tri-

p. 307.

a.

⁴ In illo c. d.] Hoc dicto voluit dimittere senatum. Sic corrigi voluit Manutius vulgatum Milo, quia sic Alemaunus in Ms. regio reperit. cum ipso recepi.

⁵ De judiciis.] Habendis in eos, quorum nomina delata essent, in primis sc. in Clodium, qui de vi reus orat: quæ a tribb. pl. impediebantur.

⁶ Ut ipse iudices per pr. urb. sortiretur.] Ipse intelligendus Clodius. per prætorem urb. qui et decurias iudicium scribebat. Manutius autem et Lambinus malebant legi, ut ipse iudices prætor urbanus sortiretur. in qua lectione ipse friget. Alemaunus e Mss. regis edidit, ut ipsi iudices per prætorem urbanum sortirentur, i. e. præsentente ac sortitionem regente prætor urb.

sane iudices dicantur sortiri; sed sententia commoda non est.

⁷ Maxima acclamatione.] Accipendum in partem deteriorem.

⁸ Non meherecule indiserte Severus Antistius.] Tunstallus, p. 9. interpungit post indiserte, refertque collaudavit ad Racilium, et legit post Severius. Nempe hic Antistius non est Severus ille, sed Sextus Antistius Vetus. Quid si: non indiserte Sextus Ant. vel Vetus Antistius?

⁹ Contumaciter inurbaneque.] Inurbaneque placebat Mamutio, quod in libro aliquo repererat. res sane hoc postulat, et rō contumaciter. quia sic est in ed. Rom. recepi.

bunis plebis longe optimum Raciliū habemus. videtur etiam Antistius amicus nobis fore. nam Plancius totus noster est. Fac, si me amas, ut consideratē diligenterque naviges de mense Decembri.

p. 307.
a.

ARGUMENTUM.

2

Respondet de Lentuli et Sexti nominibus exigendis et Pomponianis inde dissolvendis, aliisque rebus domesticis: et de rege Alexandrino reducendo quid decretum et actum sit, et quale totum negotium sit, breviter commemorat.

MARCUS Q. FRATRI S.

NON occupatione, qua eram sane impeditus, sed parvula lippitudine adductus sum, ut dictarem hanc epistolam: et non, ut ad te solco, ipse scriberem. Et primum me tibi excuso in eo ipso, in quo te accuso. me enim adhuc nemo rogavit, num quid in Sardiniam vellem: te puto ¹⁰sæpe habere, qui, num quid Romam velis, quærant. Quod ad me de Lentuli et Sexti nomine scripsisti, locutus sum cum Cincio. quoquo modo res se habet, non est facilima, sed habet profecto quiddam Sardinia appositum ad recordationem præteritæ memoriæ. Nam, ¹¹ut ille Gracchus augur, posteaquam in istam provinciam venit, recordatus est, quid sibi, in campo Martio comitia consulum habenti, contra auspicia accidisset: sic tu mihi videris in Sardinia ¹²de forma Minuciana, et de nominibus Pomponianis in otio recogitasse. Sed ego adhuc emi nihil. Culleonis auctio facta est. Tusculano emtor nemo fuit. si conditio valde bona fuerit, fortasse non omitterem. De ædificatione tua Cyrum urgere non cesso. spero cum in officio fore. sed omnia sunt tardiora, propter ¹³furiosæ adilitatis expectationem. Nam comitia sine mora futura videntur. edicta sunt a. d. XI Kal. Febr. Te tamen sollicitum esse nolo. omne genus a nobis ¹⁴cautionis adhibebitur. De rege Alexandrino factum est senatus consultum, cum multitudine

¹⁰ *Sæpe habere.*] Vulgati addunt *etsi non semper*; quod est ineptum, delevitque P. Manutius, quod in Mss. pluribus non repererat, ed. Rom. sic habet, *te puto, etsi non semper, sæpe certe habere*: paullo melius. Sed Manutium secuti sumus, ex cuius correctione abest ab ed. Ald. nepotitis majore.

¹¹ *Ut ille Gracchus.*] Res narratur planius Nat. D. II. 4. ubi v. Boherius. add. Div. I, 17.

¹² *De forma Minuciana.*] Sc. ædificii Quinto struendi cf. ep. 6.

¹³ *Furiosæ adilitatis.*] Sc. Clodiane.

¹⁴ *Cautionis.*] Sc. a Clodii vi et insidijs.

eum reduci, periculosum reipublicæ videri. Reliqua cum esset in senatu contentio, Lentulusne ad Pompeius reduceret; ^{b.} obtinere causam Lentulus videbatur. In ea re nos et officio erga Lentulum mirifice, et voluntati Pompeii præclare satisfacimus. sed per obtrectatores Lentuli ¹⁵ res calumnia extracta est. Consecuti sunt dies comitiales, per quos senatus haberi non poterat. Quid futurum sit latrocinio tribunorum, non divino : sed tamen suspicor, per vim ¹⁶ rogationem Caninium perlaturum. In ea re Pompeius quid velit, non dispicio. Familiares ejus quid cupiant, omnes vident. Creditores vero regis, aperte pecunias suppeditant contra Lentulum. Sine dubio res a Lentulo remota videtur esse, cum magno meo dolore: quamquam multa fecit, quare, si fas esset, jure ei succensere possemus. Tu, ¹⁷ si ita expedit, velim quam primum bona et certa tempestate conscendas, ad meque venias. innumerabiles enim res sunt, in quibus te quotidie in omni genere desiderem. Tui nostrique valent. XIII Kal. Febr.

3

ARGUMENTUM.

Quid in Senatu sit actum, inprimisque quæ in judicio de Milone, quem Clodius de vi accusaverat ad populum, acciderint, commemorat, et quæ sit expectatio ejusdem judicii in Quirinalia a Clodio dilati. De Sextio de ambitu a Cn. Nerio, et de vi a M. Tullio postulato: de SCo, quo centuriati et decurii discedere jubebantur: de Bestia ambitus reo a se defenso; et alia domestica.

MARCUS Q. FRATRI S.

SCRIPSI ad te antea superiora : nunc cognosce, postea quæ sint acta. A Kal. Febr. legationes in Idus Febr. rejiciebantur, eo die res confecta non est. a. d. IIII Non. Febr. Milo affuit. ei Pompeius advocatus venit. Dixit Marcellus, a me rogatus. honeste discessimus. producta dies est in IIII Id. Febr. Interim rejectis legationibus in Idus, referebatur de provinciis quæstorum, et de ornandis prætoribus. Sed res, multis querelis de republica interponendis, nulla transacta est. Cato legem promulgavit de imperio Lentuli abrogando. vestitum filius mutavit. ¹⁸ A. d.

¹⁵ Res calumnia extr. est.] Sc. calumnia religionis, de qua in ep. ad Lentulum est.

¹⁶ R. Caninium perlaturum.] De Pompeio cum licioribus duobus mittendo ad reducendum regem Ptolemæum. v. ad Div. I, 2.

¹⁷ Si ita expedit.] Faerni liber scr.

habebat, si ista expediti. sic et in aliis reperitur. Alenannus in Mss. non reperit, atque edidit: si ista expedis. in omnibus ista est.

¹⁸ A. d. VII Id.] VIII correxi vulgata numerum IV, c sequentibus infra in hac ipsa epistola.

VIII Id. Febr. Milo affuit. dixit Pompeius, sive voluit. nam, ut surrexit, operæ Clodianæ clamorem sustulerunt: idque ei perpetua oratione contigit, non modo ut acclamatione, sed ut convicio et maledictis impediretur. qui ut peroravit: nam in eo sane fortis fuit: non est deterritus: dixit omnia; atque interdum etiam silentio, cum auctoritate ¹⁹ peregerat: sed ut peroravit, surrexit Clodius. ei tantus clamor a nostris, (placuerat enim referre gratiam,) ut neque mente, neque lingua, ²⁰ neque ore consisteret. Ea res acta est, cum H. VI vix Pompeius perorasset, usque ad H. VIII, cum omnia maledicta, versus etiam obscœnissimi in Clodium et Clodiam dicerentur. Ille furens et exsanguis interrogabat suos, in clamore ipso, quis esset, qui plebem fame necaret. respondebant operæ, Pompeius. Quis Alexandriam ire cuperet. Respondebant, Pompeius. Quem ire vellent. Respondebant, Crassum. Is aderat tum, Miloni animo non amico. H. fere IX, quasi signo dato, Clodiani nostros consputare cœperunt. Exarsit dolor, urgere illi, ut loco nos moverent. Factus est a nostris impetus, fuga operarum. ²¹ Ejectus de rostris Clodius: ac nos quoque tum fugimus, ne quid in turba. Senatus vocatus in curiam: Pompeius domum. neque ego tamen in senatum, ne aut de tantis rebus tacerem, aut in Pompeio defendendo (nam is carpebatur a Bibulo, Curione, Favonio, Servilio filio,) animos bonorum offenderem. res in posterum dilata est. Clodius in Quirinalia produxit diem. A. d. VI Id. Febr. senatus ad Apollinis fuit, ut Pompeius adesset. Acta res est graviter a Pompeio. eo die nihil perfectum est. A. d. VI Id. ad Apollinis senatus consultum factum est, EA, QUÆ FACTA ESSENT A. D. VIII ID. CONTRA REMPUBLICAM ESSE FACTA. Eo die Cato est vehementer in Pompeium in-
vectus, et cum oratione perpetua, tamquam reum, accusavit. De me multa, me invito, cum mea summa laude, dixit. Cum illius in me perfidiam increparet, auditus est magno silentio malivolorum. Respondit ei vehementer Pompeius, ²² Crassumque descripsit: dixitque aperte, ²³ se munitiorem

19 *Peregerat.*] Manutius cum P. Dantesio corrigebat *semper egerat*. bene.

20 *Neque ore consisteret.*] Sed vultum saepe mutaret, isque ei exideret.

21 *Ejectus de rostris.*] Coactus periculo lapidum fugere e rostris; quæ ut edilis occuparat: sicut ipse Cicero fugit.

22 *Crassumque descripsit.*] De eo sic dixit, ut quanquam a nomine ejus abstineret, tamen omnes sentirent, ad Crassum ea, quæ dicebantur, pertinere.

23 *Se munitiorem fore.*] Quo indicabat, sibi insidias fieri.

ad custodiendam vitam suam fore, quam Africanus fuisset; quem C. Carbo interemisset. Itaque magnæ mihi res jam moveri videbantur. Nam Pompeius hæc intelligit, nobiscumque communicat, insidias vitæ suæ fieri: C. Catonem a Crasso sustentari: Clodio pecuniam suppeditari: utrumque et ab eo, et a Curione, Bibulo, ceterisque suis obtrectatoribus confirmari: vehementer esse providendum, ne opprimatur, concionario illo populo a se prope alienato, nobilitate inimica, non æquo senatu, juventute improba. Itaque se comparat, hominẽs ex agris arcessit. Operas autem suas Clodius confirmat. manus ad Quirinalia paratur: in eo multo sumus superiores ipsius copiis. Sed magna manus ex Piceno et Gallia exspectatur, ut etiam Catonis roagationibus de Milone et Lentulo resistamus. A. d. 1111 Id. Sextius ab indice Cn. Nerio, Pupinia, de ambitu est postulatus: et eodem die a quodam M. Tullio de vi. is erat æger. domum (ut debuimus) ad eum statim venimus: eique nos totos tradidimus: idque fecimus præter hominum opinionem, qui nos ei jure succensere putabant; ut humanissimi, gratissimique et ipsi et omnibus videremur: itaque faciemus. Sed idem Nerius index ²¹edidit ad allegatos, Cn. Lentulum Vacciam et C. Cornelium. Eodem die senatus consultum factum est, UT SODALITATES, DECURIATIQUE DISCEDERENT: LEXQUE DE HIS FERRETUR, UT, QUI NON DISCESSISSENT, EA PŒNA, QUÆ EST DE VI, TENERENTUR. A. d. 111 Id. dixi pro Bestia de ambitu apud prætorem Cn. Domitium, in foro medio, maximo conventu: incidique in eum locum in dicendo, cum Sextius, multis in templo Castoris vulneribus acceptis, subsidio Bestiæ servatus esset. Hic *προφρονομησάμην* quiddam *ἐνκαίρως* de iis, quæ in Sextium apparabantur crimina, et cum ornavi veris laudibus, magno assensu omnium. res homini fuit vehementer grata. Quæ tibi eo scribo, quod me de retinenda Sextii gratia literis sæpe monuisti. Prid. Id. hæc scripsi ante lucem. eo die apud Pomponium in ejus nuptiis eram cenaturus. Cetera sunt in rebus nostris hujusmodi (ut tu mihi fere diffidenti prædicabas) plena dignitatis et gratiæ: quæ quidem tua, mi frater, prudentiæ, patientiæ, virtute, pietate, suavitate etiam, tibi, mihiq; sunt restituta. Domus tibi ad lucum Pisonis Liciniana conductæ est. sed, ut spero, pau-

21 Edidit ad allegatos.] V. Clav. in allegatus.

cis mensibus post Kalend. Quint. in tuam commigrabis. Tuam in Carinis mundi habitatores Lamiae conduxerunt. A te post illam Olbiensem epistolam nullas litteras accepi. Quid agas, et ut te oblectes, scire cupio; maximeque teipsum videre quamprimum. Cura, mi frater, ut valeas. et ²⁵quamquam est hiems, tamen Sardiniam istam esse cogites. ²⁶xv Kalend. Mart.

ARGUMENTUM.

4

De Sextio absoluto et Vatinio in judicio Sextiano vexato, aliisque domesticis rebus certiolem facit.

MARCUS Q. FRATRI S.

SEXTIUS noster absolutus est a. d. 11 Id. Mart. et, quod vehementer interfuit reipublicae, nullam videri in ejusmodi causa dissensionem esse, omnibus sententiis absolutus est. Illud, quod tibi saepe curae esse intellexeram, ne cui iniquo relinqueremus vituperandi locum, qui nos ingratos esse diceret, nisi illius perversitatem quibusdam in rebus quam humanissime ferremus: scito hoc nos in eo judicio consecutos esse, ut omnium gratissimi judicaremur. Nam in defendendo moroso homine cumulatissime satisfacimus, et (id quod ille maxime cupiebat) Vatinium, a quo palam oppugnabatur, arbitrato nostro concidimus, diis, hominibusque plaudentibus. Quin etiam Paullus noster cum testis productus esset in Sextium, confirmavit, se nomen Vatinii delaturum, si Macer Licinius cunctaretur: et Macer a Sextii subselliis surrexit, ac ²⁷se illi non defuturum affirmavit. Quid quaeris? homo petulans, et audax, Vatinus valde perturbatus debilitatusque discessit. Quintus tuus, puer optimus, eruditur egregie. hoc nunc magis animadverto, quod Tyrannio docet apud me. Domus utriusque nostrum aedificatur strenue. Redemptori tuo dimidium pecuniae curavi. Spero nos ante hiemem contubernales fore. De nostra Tullia, tui mehercule amantissima, spero cum Crassipede nos confecisse. ²⁸Dies erant duo, qui

²⁵ Quamquam est hiems.] Quae minus periculosa est valetudini, tamen, quia Sardinia est gravi caelo, cave tibi et valetudini tuae.

²⁶ xv Kal. Mart.] Ante scripserat, se hanc epistolam scripsisse prid. Id. Febr. Itaque hic numerus vitiosus videtur Pon-

tederat in epist. p. 345.

²⁷ Se illi non defuturum.] I. e. accusaturum.

²⁸ Dies erant duo, &c.] Quibus adeo res agi non poterat, de sponsalibus: de quibus v. ep. seq.

post Latinas habentur religiosi; ⁴⁰ceterum confectum erat Latiar, eram exiturus.

5

ARGUMENTUM.

De pecunia Pompeio in frumentaria causa decreta; de agro Campano quid in Senatu actum sit, et de M. Furio Flacco de collegiis ejecto.

MARCUS Q. FRATRI S.

DEDERAM ad te litteras antea, ³⁰quibus erat scriptum, Tulliam nostram Crassipedi prid. Non. April. esse desponsatam: ceteraque de re publica privataque perscripseram. Postea sunt hæc acta. Non. Apr. senatus consulto Pompeio pecunia decreta in rem frumentariam ad H-S cccc. Sed eodem die vehementer actum de agro Campano clamore senatus prope concionali. acriorem causam inopia pecuniæ faciebat, et annonæ caritas. Non
 p. 310. prætermittam, ne illud quidem, M. Furium Flaccum, equitem Romanum, hominem nequam, Capitolini et Mercuriales de collegio eiecerunt, præsentem, ad pedes uniuscujusque jacentem.

6

ARGUMENTUM.

De rebus privatis, imprimis sponsalibus et ædificatione, scribit: Consul Lentuli Marcellini in impediendis legibus perniciosis egregium studium, et alia de re publica.

MARCUS Q. FRATRI S.

A. D. viii Id. Apr. sponsalia Crassipedi præbui. Huic convivio puer optimus, Quintus tuus meusque, quod perleviter commotus fuerat, defuit: a. d. vi Id. April. veni ad Quintum, cumque vidi plane integrum, multumque is mecum sermonem habuit, et perhumanum, de discordiis mulierum nostrarum. Quid quæris? nihil festivius. Ponia autem etiam de te quæstio est. sed hæc coram agemus. A puero ut discessi, in arcem tuam veni. res agebatur multis structoribus. Longilium redemptorem cohortatus sum. fidem mihi faciebat, se velle nobis placere. Domus erit egregia. magis enim cerni jam poterat, quam quantum ex forma judicabamus. itemque nostra celeriter ædificabatur.

29 Ceterum, qui confectum erat Latiar, quia conf. qui abest ed. Jens. Rom. op- erat exiturus.] Hæc vitiosa sunt. Manu- time.

30 Quibus erat scriptum.] Hæc epistola tiare: eram exiturus: possis etiam ceterum, periit.

Eo die cenavi apud Crassipodem. cenatus, in hortos ad Pompeium lectica latus sum. Lucceium convenire non potueram, quod abfuerat. videre autem volebam, quod eram postridie Roma exiturus, et quod ille in Sardiniam iter habebat. Hominem conveni, et ab eo petivi, ut quamprimum te nobis redderet. statim dixit. Erat autem iturus (ut agebat) a. d. 111 Id. Apr. ut ³¹ aut Labrone, aut Pisis conscenderet. Tu, mi frater, simulac ille venerit, primam navigationem (dummodo idonea tempestas sit) ne omiseris. ³² ἀμφιλαφίαν autem illam, quam tu soles dicere, bono modo desidero, sic prorsus, ut advenientem excipiam libenter: latentem etiam nunc, non excitem. Tribus locis ædifico, reliqua reconcinno; vivo paullo liberalius, quam solebam. Opus erat, si te haberem, paullisper fabris locum dare. sed et hæc (ut spero) brevi inter nos communicabimus. Res autem Romanæ sic sese habent. Consul est egregius Lentulus, non impediante collega: sic, inquam, bonus, ut meliorem non viderim. dies comitiales exemit omnes. nam etiam Latinæ instaurantur: nec tamen deerant supplicationes. sic legibus perniciosissimis obsistitur, maxime Catonis: cui tamen egregie imposuit Milo noster. nam ille ³³ vindex gladiatorum et bestiariorum emerat de Cosconio et Pomponio bestiarios: nec sine his armatis umquam in publico fuerat. hos alere non poterat. itaque vix tenebat. Sensit Milo. dedit cuidam non familiari negotium, ³⁴ qui sine suspitione emeret eam familiam a Catone: quæ simul atque abducta est, Racilius, qui unus est hoc tempore tribunus plebis, rem patefecit, eosque homines sibi emptos esse dixit (sic enim placuerat) et tabulam proscriptis, SE FAMILIAM CATONIANAM VENDITURUM. In eam tabulam magni risus consequebantur. ³⁵ Nunc igitur Catonem Lentulus a legibus removet, et eos, ³⁶ qui de Cæsare monstra promulgarunt, quibus intercederet nemo. Nam ³⁶ quod de Pompeio Caninius agit, sane quam refrixit. neque enim res probatur, et Pompeius noster in amicitia P.

³¹ Aut Labrone aut Pisis.] Wesselingius ad Itinerar. Anton. p. 293. putat Ciceronem scripsisse Salebrone, quia Salebrone in illo Itinerario in ora ea ponitur, Labronis autem nulla alibi mentio fit.

³² ἀμφιλαφίαν a. illam -- excitem.] Hæc Taustallus p. 108. transfert ad ep. 9. post verba ad nostrum Iovem revertantur.

³³ Vindex gladi.] Int. Catonem trib. pl.

³⁴ Nunc igitur.] Ed. Rom. Man. et Vict. Hunc. bene opinor.

³⁵ Qui de Cæsare monstra promulgarunt.] I. e. leges monstrosas, quibus Cæsari ferunt res absurdas et periculosas reip.

³⁶ Quod de Pompeio Caninius agit.] Ut Regem Ægypti reducat. de quo supra.

Lentuli vituperatur, et hercule non est idem. nam apud illam perditissimam atque infimam faciem populi, propter Milonem, suboffendit; et boni multa ab eo desiderant, multa reprehendunt. Marcellinus autem hoc uno mihi quidem non satisfacit, quod eum nimis aspere tractat: quamquam id senatu non invito facit: quo ego me libentius a curia et ab omni parte reipublicæ subtraho. In judiciis ii sumus, qui fuimus. domus celebratur ita, ut eum maxime. Unum accidit imprudentia Milonis incommode, ³⁷ de S. Cœlio: quem neque hoc tempore, neque ab imbecillis accusatoribus mihi placuit accusari. ei ³⁸ tres sententiæ tæterrimæ in consilio defuerunt. Itaque hominem ³⁹ populus revocat, et retrahatur necesse est. non enim ferunt homines. et quia, cum apud suos diceret, pæne damnatus est, vident damnatum. Ea ipsa in re Pompeii offensio nobis obstitit. ⁴⁰ senatorum enim urna copiose absolvit, equitum adæquavit, tribuni ærarii condemnarunt. Sed hoc incommodum consolantur quotidianæ damnationes inimicorum, in quibus me

p. 311. ^a perlubente ⁴¹ Servius allisus est, ceteri conciduntur. C. Cato concionatus est, comitia haberi non siturum, si sibi cum populo dies agendi essent exempti. Appius a Cæsare nondum redierat. Tuas mirifice litteras exspecto: atque adhuc clausum mare scio fuisse: sed quosdam ⁴² venisse tamen Ostia dicebant, qui te unice laudarent, plurimique in provincia fieri dicerent. ⁴³ eosdem ajebant nuntiare, te prima navigatione transmissurum. id cupio: et, quamquam te ipsum scilicet maxime; tamen etiam litteras tuas ante exspecto. Mi frater, vale.

7

ARGUMENTUM.

De itinere suo, et expectatione Quinti.

MARCUS Q. FRATRI S.

A. d. 111 Id. April. ante lucem hanc epistolam dictaveram, scripseramque in itinere, ut eo die apud T. Titium in

³⁷ De S. Cœlio.] Manutius legit S. Clodio.

³⁸ Tres sententiæ tæterrimæ.] Quia sc. Clodium non condemnarunt: defuerunt ad condemnationem.

³⁹ Populus revocat.] Iterum accusari vult.

⁴⁰ Senatorum urna copiose absolvit.] Maxima pars judicium e senatu absolve-

runt. equitum adæquavit: numero pari absolverunt et condemnarunt equites.

⁴¹ Servius allisus est.] Prope damnatus.

⁴² Venisse Ostia.] Valde inclino ad corrigendum *Olbia*, e Sardinia scilicet: conveniunt sequentia. Sic et Manutius judicabat.

⁴³ Eosdem ajebant.] Sic cum Vict. et Lamb. dedi pro *idem*.

Anagnino manerem. postridie autem in Laterio cogitabam: inde, cum in Arpinati quinque dies fuisset, ire in Pompeianum: rediens adspicere Cumanum, ut, quoniam in Non. Maias Miloni ⁴⁴dies prodita est, prid. Non. Romæ essem, ^{b.} teque, mi carissime et suavissime frater, ad eam diem (ut sperabam) viderem. Ædificationem Arcani ad tuum adventum sustentari placebat. Fac, mi frater, ut valcas, quamprimumque venias.

ARGUMENTUM.

8

De supplicatione Gabinio negata, et desiderio suo fratris videndi.

MARCUS Q. FRATRI S.

O LITTERAS mihi tuas jucundissimas, expectatas, ac primo quidem cum desiderio, nunc vero etiam cum timore! Atque has scito litteras me solas accepisse post illas, quas tuus nauta attulit, Olbia datas. Sed cetera (ut scribis) præsentī sermōni reserventur. hoc tamen non queo differre. Id. Maiis senatus frequens, divinus fuit in supplicatione Gabinio deneganda. Adjurat Procius hoc nemini accidisse. ⁴⁵Foris valde plauditur. Mihi cum sua sponte jucundum, tum jucundius, quod me absente (est enim εὐλακρινὲς iudicium) sine oppugnatione, sine gratia nostra. cram Antii. Quod Idibus et postridie fuerat dictum, de agro Campano actum iri, non est actum. In hac causa mihi aqua hæret. Sed plura quam constitueram. coram enim. Vale, mi optime et optatissime frater, et advola. Idem te nostri rogant pueri: illud scilicet, cenabis cum veneris.

ARGUMENTUM.

9

Quid cum Pompeio et Crasso Coss. de operibus et inscriptionibus egerit, quid profecerit, et quid in Senatu actum sit, perscribit.

MARCUS Q. FRATRI S.

PLACITURUM tibi esse librum meum suspicabar: tam valde placuisse, quam scribis, valde gaudeo. Quod me admones ⁴⁶de nostra Urania, suadesque, ut meminerim Jo-

⁴⁴ Dies prodita esset.] An prodita? unde in edd. vett. quibusdam, et Rom. factum producta, quæ confusio et in aliis libris notata est: prodita dedit Jensonus.

⁴⁵ Foris Valde plauditur.] Extra senatum, a populo.

⁴⁶ De nostra Urania.] Mss. et edd. pr. de non curantia. Tunstallus p. 107. corrigit de nominum curatione. quod nunc editur, est a correctione Malaspinae: eamque veram puto.

- vis orationem, quæ est in extremo illo libro: ego vero memini, et illa omnia mihi magis scripsi, quam ceteris. Sed
- p. 312.
a. tamen postridie, quam tu es profectus, multa nocte cum Vibullio veni ad Pompeium. Cumque ego egissem de istis operibus atque inscriptionibus, per mihi benigne respondit: magnam spem attulit. cum Crasso se dixit loqui velle: mihi que ut idem facerem, suasit. Crassum consulem ex senatu domum reduxi: suscepit rem: dixitque esse, quod Clodius hoc tempore cuperet per se, et per Pompeium consequi: putare se, si ego eum non impedirem, posse me adipisci sine contentione quod vellem. totum ei negotium permisi, inque in ejus potestate dixi fore. Interfuit huic sermoni P. Crassus adolescens, nostri (ut scis) studiosissimus. Illud autem, quod cupit Clodius, est legatio aliqua: si minus per senatum, per populum, libera, aut Byzantium, aut ad Brogitarum, aut utrumque. Plena res numerorum. Quod ego non nimium laboro, etiamsi minus assequor, quod volo. Pompeius tamen cum Crasso locutus est. videntur negotium suscepisse. si perficiunt: optime. sin minus: ad nostrum Jovem revertamur. A. d. 111 Id. Maii senatus consultum est factum de ambitu in Afranii sententiam,⁴⁷ quam ego dixeram, cum tu adesses: sed magno cum gemitu senatus. Consules non sunt persecuti eorum sententias: qui Afranio cum essent assensi, addiderunt, ut prætores ita crearentur,⁴⁸ ut dies LX privati essent. eo die Catonem plane repudiaverunt. Quid multa? tenent omnia: idque ita omnes intelligere volunt.

10

ARGUMENTUM.

Respondet epistolæ Quinti, quæ se metuere scripserat, ne cum litteris suis interpellaret.

MARCUS Q. FRATRI S.

TU metuis, ne me interpellas? primo,⁴⁹ si in isto essem, tu scis, quid sit interpellare. An te Ateius? mehercule mihi⁵⁰ docere videbaris istius generis humanitatem: quæ quidem ego nihil utor abs te. Tu vero, ut me et appelles, et interpellas, et obloquare, et colloquare, velim. Quid

47 *Quam ego dixeram.*] Tibi.

48 *Ut dies lxx. privati essent.*] Sc. ab adito magistratu, sc. ut accusari possent, si ambitum fecissent.

49 *Si in isto essem.*] Si illa res meæ se

haberent, ut interpellari possem.

50 *Docere videb. istius generis humanitatem.*] Sc. Ateio illo sæpe interpellante admittendo et non indignando, et facilitate admittendi et audiendi, qui interpellent.

enim mihi suavius? Non mehercule quisquam *μουσικά-
ταχτος* libentius sua recentia poemata legit, quam ego te
audio quacumque de re, publica, privata, rustica, ur-
bana. Sed mea factum est insulsa verecundia, ut te pro-
ficiscens non tollerem. Opposuisti semel *ἀντίστατον* cau-
sam, Cicronis nostri valitudinem; conticui. iterum Cice-
rones: quievi. Nunc mihi jucunditatis plena epistola hoc
adpersit molestiae, quod videris, ne mihi molestus esses,
veritus esse, atque etiam nunc vereri. Litigareni tecum,
si fas esset: sed mehercule istuc si umquam suspicatus
ero, nihil dicam aliud, nisi verebor, ne quando ego tibi, cum
sum una, molestus sim. Video te ingemuisse. ⁵¹ sic fit, *εἰδὲν
ἐν αὐτῷ ἔχοντας*. nunquam enim dicam, *ἔα πάσας*. Marium
autem nostrum in lecticam mehercule coniecissem, non
⁵² illam regis Ptolemæi Anicieanam. memini enim cum homi-
nem portarem ad Bajas, Neapoli, octophoro Aniciano, ma-
chærophoris centum sequentibus, miros risus nos edere,
cum ille ignarus sui comitatus, repente aperuit lecticam,
et pæne ille timore, ego risu corruui. ⁵³ Tunc, ut dico, certe
sustulissem, ut aliquando subtilitatem veteris urbanitatis,
et humanissimi sermonis attingerem. sed hominem infir-
mum ⁵⁴ in villam apertam, ac ne rudem quidem etiam nunc,
invitare nolui. Hoc vero mihi peculiare fuerit, hic etiam
isto frui. nam illorum prædiorum scito mihi vicinum Ma-
rium, luncn esse. apud Anicium videbimus ut paratum sit.
nos enim ita philologi sumus, ut vel cum fabris habitare
possimus. habemus hanc philosophiam, ⁵⁵ non ab Hymet-
to, sed ab area Syra. Marius et valitudine est et natura
imbecillior. De interpellatione tantum sumam a vobis
temporis ad scribendum, quantum dabitis. utinam nihil de-
tis, ut potius vestra injuria, quam ignavia mea cessem! De

p. 113.
a.

51 Sic fit, &c.] Hæc ego non intelligo.

52 Illam regis Ptol. Anicinam.] Quam Ptolemæus Rex, Romæ cum esset, sibi strui curaverat magnifice, donoque deinde dederat, ut videtur, Anicio cuidam, sive creditori, sive familiari, cujus opera usus erat Romæ. Erat illa lectica octophoros: comitatus ille machærophororum centum fuerat opinor Ptolemæi, quem joci causa imitatus est Cicero, cum Marium lectica deferret ad Bajas.

53 Tunc, ut dico, certe sustulissem.] Manutius malebat legi: hunc -- quod sane placet.

54 In villam apertam ac ne rudem quidem.] I. e. nondum exstructam ita, ut sub tecto esse et habitare liceat, immo vondum structo omnino edificio aliquo, etsi non elaborato et culto satis.

55 Non ab Hymetto, sed ab area Syra.] Non a delicatis et elegantibus Atticis, sed e regione duriori, in qua nos nati et educati sumus, e montibus Arpinatibus. Tustallus p. 110. corrigat ex arce *Ψυρία*. alibi Arpinum dicit *ψύριον* *Ψυρία* ex Homer. Od. Γ. 172. arx *Ψυρία* erit regio montana illius palatæ suæ. *Ψυρία* Arpinum ipsum.

republica nimium te laborare dolco, et meliorem civem esse, quam Philoctetem, ⁵⁶ qui accepta injuria, illa spectacula quærebat, quæ tibi acerba esse video. Amabo te, advola: consolabor te, et omnem abstergebo dolorem: et adduc, si me amas, Marium. sed adproperate. ⁵⁷ Hortus domi est.

ARGUMENTUM.

11

De Tenediis frustra libertatem petentibus: de laudibus Quinti, et de Lucretii ac Sallustii poematibus.

MARCUS Q. FRATRI S.

EPISTOLAM hanc convicio efflagitarunt codicilli tui. nam res quidem ipsa, et is dies, quo tu es profectus, nihil mihi ad scribendum argumenti sanc dabat. Sed quemadmodum coram cum sumus, sermo nobis dcesse non solet, sic epistolæ nostræ debent interdum halucinari. Tenediorum igitur libertas securi Tenedia præcisa est. cum eos præter me, et Bibulum, et Calidium, et Favonium nemo defenderet. ⁵⁸ De te magis ab Sipylo mentio est honorifica facta, cum te unum dicerent ⁵⁹ postulationi L. Sextii Pansæ restitisse. Reliquis diebus, si quid erit, quod te scire opus sit, aut etiamsi nihil erit, tamen scribam quotidie aliquid. Prid. Id. neque tibi, neque Pomponio deero. Lucretii poemata, ut scribis, ⁶⁰ ita sunt: non multis luminibus ingenii, multæ tamen artis. Sed cum veneris, ⁶¹ virum te putabo, si ⁶² Sallustii Empedoclea legeris: hominem non putabo. Vale.

12

ARGUMENTUM.

Quomodo Appio Consuli restiterit, et cum Casare per litteras jocatus sit, commemorat.

MARCUS Q. FRATRI S.

⁶³ GAUDEO tibi jucundas esse meas litteras: nec tamen habuissem scribendi nunc quidem ullum argumentum, nisi

⁵⁶ Qui accepta injuria, &c.] Cum relictus esset in insula Lemno a sociis, gaudebat naufragiis Græcorum et malis.

⁵⁷ Hortus domi est.] Ita propinquis ædibus, ut in ipsis ædibus esse videri possit.

⁵⁸ De te magis ab Sipylo.] Hoc vitiosum est. Victorius corrigit: De te Magnæ ab Sipylo, probante Lambino et alii.

⁵⁹ Postulationi L. Sextii P.] Publicani, ut opinor.

⁶⁰ Ita sunt m. luminibus.] Ita verum esse non potest, adeo abhorret a luminibus. Victorius corrigit, non ita m. l., quod bene

convenit seqq. multæ tamen artis. ita est in ed. Jens. malim, ut scribis, ita sunt: non multis lum. i., &c. nec dubitavi ita edere quidam Mss. etiam addunt at ante multæ.

⁶¹ Virum te p. -- hominem non putabo.] Patientem laboris et molestiæ, sed sine sensu humanitatis, pulchri, venusti, &c.

⁶² Sallustii Empedoclea.] Carmen de philosophia Empedoclis, scriptum brevitate molesta et obscura, opinor.

⁶³ Gaudeo.] Hanc epistolam cum tercia conjungendam putat Pontedera.

tuas acceperissem. nam prid. Id. cum Appius senatum infrequentem coegisset, tantum fuit frigus, ut populi convicio coactus sit nos dimittere. De Commageno rege, quod rem totam discusseram, mirificum mihi et per se, et per Pomponium ⁶⁴blanditur Appius. Videt enim, hoc genere dicendi si utar in ceteris, ⁶⁵Februarium sterilem futurum: eumque lusi jocose satis: neque solum illud ⁶⁶extorsi oppidulum, quod erat positum in Euphrate ⁶⁷et Zeugmate: sed præterea togam sum ejus ⁶⁸prætextam, quam erat adeptus Cæsare consule, magno hominum risu cavillatus. ⁶⁹Quod non vult, inquam, renovare honores eosdem, quo minus ⁷⁰togam prætextam quotannis interpolet, decernendum nihil censeo. Vos autem homines nobiles, qui ⁷¹Busrenum prætextatum non ferebatis, Commagenum feretis? Genus vides et locum jocandi. Multa dixi in ignobilem regem: quibus totus est explosus. quo genere commotus (ut dixi) Appius, totum me amplexatur. Nihil est enim facilius, quam reliqua diseutere. Sed non faciam, ut illum offendam, ne imploret fidem Jovis Hospitalis, Graios omnes convocet, per quos mecum in gratiam rediit. Thecopompo satisfacimus. De Cæsare fugerat me ad te scribere. Video enim, quas

p. 314.
a.

64 *Blanditur App.*] Captans gratiam meam, ut ne idem porro faciam in rege Commag. et aliis legatorum causis.

65 *Februarium sterilem futurum.*] Sibi, sc. in muneribus accipiendis ab rege et aliis, qui per legatos aliquid peterent a senatu.

66 *Extorsi oppidulum.*] Quod petebat rex. effeci, ne regi concederetur.

67 *Et Zeugmate.*] V. Clav.

68 *Prætextam, quam erat adeptus.*] Quæ ei decreta et missa erat consule Cæsare;

quod erat honoris magni.

69 *Quod non vult, &c.*] Hæc se non intelligere fatetur Manutius, nec ego intelligo. Pro non Tunstallus vult nunc.

70 *Togam pr. quotannis interpolet.*] I. e. renovet, iterum det. interpolare est creatam addere in vestem, ut candidior sit: ergo, ut honor augeatur e repetitione decreti.

71 *Busrenum.*] Videtur esse nomen regis barbari in Oriente, clarioris tamen tunc rege Commageno.

arcae nostrae fiducia conturbaret: lusique in eo genere et familiariter, et cum dignitate. Amor autem ejus erga nos perfertur omnium nuntiis singularis. Et litterae quidem ad id, quod exspectas, fere cum tuo reditu jungentur; reliqua singulorum dierum scribemus ad te, si modo tabellarios tu praebabis. quamquam ejusmodi frigus impendebat, ut summum periculum esset, ⁷²ne Appio suae aedes urerentur. Vale.

12

ARGUMENTUM.

De rebus publicis quaedam: item de Callisthene et Philisto historicis.

MARCUS Q. FRATRI S.

RISI nivem atram: teque hilari animo esse, et prompto ad jocandum, valde me juvat. De Pompeio, assentior tibi, vel tu potius mihi. nam, ut scis, ⁷³jampridem istum canto Cæsarem. mihi crede, in sinu est: ⁷⁴neque ego disceingor.

b. Cognosce nunc Idus. ⁷⁵Decimus erat Caelio dies. Domitius ad numerum judices non habuit. vereor, ⁷⁶ne homo tæter, et ferus, Pola Servius ad accusationem veniat. nam noster Caelius valde oppugnatur a gente Clodia. certi nihil est adhuc: sed veremur. Eodem igitur die Tyrii est senatus datus frequens: frequentes contra Syriaci publicani. vehementer vexatus Gabinius: exagitati tamen a Domitio publicani, quod cum essent cum equis persecuti. ⁷⁷C. noster Lamia paullo ferocius, cum Domitius dixisset, vestra culpa hæc acciderunt, equites Romani; dissolute enim judicatis: ⁷⁸Nos judicamus, vos laudatis, inquit. Actum est eo die nihil. nox diremit. Comitilibus diebus, qui Quirinalia sequuntur, Appius interpretatur, non impediri se lege Pupia, quo minus habeat senatum, et quod Ga-

⁷² Ne Appio suae aedes urerentur.] Ne Appio ita luculento camino opas foret, ut facile incendium fieret. Sed aliud quid latet sub hoc joco, quod non assequar.

⁷³ Jampridem istum canto Cæsarem.] Ejusmodi materiam quæro jocandi.

⁷⁴ Neque ego disceingor.] Ut excedere sinu possit. i. e. nihil faciam, quo ejus amorem perdere possim. Sed forte Cicero scripsit disceingor.

⁷⁵ Decimus erat C. dies.] Sc. quo die causam dicere debebat.

⁷⁶ Ne -- Pola Servius ad acc. veniat.] Accuset Caelium, cum prior accusatio irrita fuisset; quia die judicii legitimo ju-

dices non affuerant justo numero: quod cum factum esset, reus eximebatur de reorum numero, ut tradit Asconius ad Or. Cornelianam.

⁷⁷ C. noster Lamia.] Alibi prænomen Lamiae est L. quod et placbat P. Manutius hic reponi.

⁷⁸ Nos judicamus, vos laudatis.] Nos tamen minus facinus, quam senatores, qui etiam solent reos laudare in judiciis, ut absolvantur; nec adeo habent, quod nobis, equitibus, exprobrent, qui tantum judicant et absolvent crimine, quod minus est, quam laudare.

binia sanctum sit, ⁷⁹etiam cogi ex Kal. Febr. usque ad Kal. Mart. legatis senatum quotidie dari. ita putantur de-
trudi comitia in mensem Martium. sed tamen his comitiali-
bus tribuni plebis de Gabinio se acturos esse dicunt. Om-
nia colligo, ut novi scribam aliquid ad te. sed ut vides, res
me ipsa deficit. Itaque ad Callisthenem et ad Philistum
⁸⁰redeo: in quibus te video volutatum. Callisthenes qui-
dem vulgare et notum negotium; quemadmodum Græci
aliquot ⁸¹locuti sunt. Siculus ille, capitalis, creber, acutus,
brevis, pæne pusillus Thucydides: sed utros ejus habueris
libros (duo enim sunt corpora) an utrosque, nescio. Me
magis de Dionysio delectat. ipse est enim veterator mag-
nus, et perfamilias Philisto. Sed quod adscribis, aggre-
derisne ad historiam? me auctore potes. et, quoniam ta-
bellarios subministras, hodierni diei res gestas Luperca-
libus habebis. Oblecta te cum Cicerone nostro quam
bellissime.

ARGUMENTUM.

14

*Quid agat, commemorat: Quinto operam suam in rebus ejus pollicetur: M.
Orfium et Trebatium commendat.*

MARCUS Q. FRATRI S.

DUAS adhuc a te accepi epistolas: ⁸²quarum alteram in p. 315.
ipso discessu nostro, alteram Ariminum datam. plures, quas
scribis te dedisse, non acceperam. Ego me in Cumano et
Pompeiano, præterquam quod sine te, ceterum satis com-
mode oblectabam. et eram in iisdem locis usque ad Kal.
Jun. futurus. Scribebam illa, quæ dixeram, πολιτικά: spis-
sum sane opus, et operosum. sed si ex sententia succe-
sserit: bene erit opera posita. sin minus: in illud ipsum mare
dejiciemus, quod scribentes spectamus. aggrediemur alia,
quoniam quiescere non possumus. Tua mandata perse-
quar diligenter, et adjungendis hominibus, et quibusdam
non alienandis. Maximæ mihi vero curæ erit, ut Cicero-
nem tuum nostrumque videam, scilicet quotidie: sed inspi-
ciam quid discat, quam sæpissime: et, nisi ille contemnet,

⁷⁹ Etiam cogi -- dari.] In cogi si int. tum Olivetus.

sese, pro dari videtur scribendum dare:

quia pendet ex cogi se. sed si cogi est pro
consequi, dari rectum est.

⁸⁰ Redeo.] Verbum hoc deleri volebat
Muretus Var. Lect. II, 5. defendit vulga-

⁸¹ Locuti sunt.] Hoc à veteri Mureti
libro aberat: defendit idem Olivetus.

⁸² Quarum alteram, &c.] Quarum ali-
enum est, delendumque puto.

optime et suavissime frater, ad ea dum rescribo, quæ tu in hac eadem brevi epistola *πραγματικῶς* valde scripsisti. De quo petis, ut ad te, nihil occultans, nihil dissimulans, nihil tibi indulgens, genuine fraterneque rescribam. id est, ⁸⁹utrum voles, ut dixerimus, an ad expediendum te, si causa sit, commorere. Si, mi Quinte, parva aliqua res esset, in qua sciscitarere, quid vellem: tamen, cum tibi permissurus essem, ut faceres, quod velles; ego ipse, quid vellem, ostenderem. In hac vero re hoc profecto quæris, cujusmodi illum annum, qui sequitur, exspectem: plane aut tranquillum nobis, aut certe munitissimum: quod quotidie domus, quod forum, quod theatri significationes declarant: ⁹⁰nec laborant, quod mea conscientia copiarum nostrarum, quod Cæsaris, quod Pompeii gratiam tenemus. ⁹¹hæc me, ut confidam, faciunt. sin aliquis erumpet amentis hominis furor: omnia sunt ad eum frangendum expedita. Hæc ita sentio, judico, ad te explorate scribo. dubitare te, non assentatorie, sed fraterne veto. Quare suavitatis equidem nostræ fructuæ causa cuperem te ad id tempus venire, quod dixeras: sed illud malo tamen, ⁹²quod putas; magis etiam illa (etenim magis aestimo me) *ἀμφιλαφίαν* illam tuam, et expectationem debitorum tuorum. Illud quidem sic habeto, nihil nobis expeditis, si valebimus, forte fortunatius. parva sunt, quæ desunt, ⁹³nostris quidem moribus, et ea sunt ad explicandum expeditissima, modo valeamus. Ambitus reddit immanis. numquam fuit par. Idib. Quint. ⁹⁴fœnus fuit ZZ ex Z ⁹⁵coitione Memmii, quam cum Domitio habuit Scaurus, ⁹⁶unum vincere. Messala flaccet. non dico *ὑπερβολικῶς*: vel H-S centies constituunt ⁹⁷in prærogativa pro-

89 Utrum voles, ut diximus, an ad - commorere.] Voles, i. celeriter huc venias: alibi advoles solet dicere. an addidi de iudicio Manutii. et res sio postulat.

90 Nec laborant, quod mea consc. cop. nostrarum.] Hæc vitiosa sunt: nec intelligo.

91 Hæc me, ut c. faciunt.] Me delendum est, nisi in faciunt vitium est.

92 Quod putas; magis etiam illa.] Hæc varie tentantur a viris doctis. Tnnstallus, p. 108. corrigit: quod putas, ne agas: etiam illud (etenim magni aestimare te).—et expeditum deb. tuorum. hoc quidem bene. nam et mox est nobis expeditis.

93 Nostris quidem moribus.] Qui sc. non magnifico et copiose vivimus.

94 Fœnus fuit ZZ ex Z.] Intelligunt Z notam trientis. ita est, fuit besibus ex triente, adeoque duplicatum. cf. ad Att. IV. 14.

95 Coitione Memmii.] Ad consequendum Consulatam. v. ad Att. IV. 17. 18. ad quam cum multum pecuniæ opus esset, fœnus auctum est.

96 Unum vincere.] Manutius malebat enuntiare, sc. coitionem, pro enuntiavit.

97 In prærogativa pronunciare.] Tentavi in prærogativam: sed et ad Att. XIV. 1. est in tribu pronunciare, ubi. v. not.

nuntiare. Res ardet invidia. Tribunicii candidati compromiserunt, H-S quingenis in singulos apud M. Catonem depositis, petere ejus arbitratu, ut, qui contra fecisset, ⁹⁸ab eo condemnaretur. quæ quidem comitia gratuita si fuerint, ^{p. 317.} ut putantur, ^{a.} ⁹⁹plus unus Cato fuerit, quam omnes leges, omnesque judices.

ARGUMENTUM.

16

De occupationibus suis: quid in senatu actum: quæ judicia habita sint aut insistent: materiam carminis scribendi, superata a Cæsare Britannia, gratulatur, et quid de suis versibus Cæsar judicet, sciscitatur.

MARCUS Q. FRATRI S.

CUM a me litteras librarii manu acceperis, ne paullum otii me habuisse judicato: cum autem mea, ¹⁰⁰nullum. sic enim habeto, numquam me a causis et judiciis strictiorem fuisse: atque id anni tempore gravissimo, et caloribus maximis. Sed hæc (quoniam tu ita præseribis) ferenda sunt: neque committendum, ut aut spei, aut cogitationi vestræ ego videar defuisse: præsertim cum, tamen si id difficilius fuerit, tamen ex hoc labore magnam gratiam, magnamque dignitatem sim collecturus. Itaque, ut tibi placeat, damus operam, ne' cujus animum offendamus, atque ut etiam ab iis ipsis, qui nos cum Cæsare tam conjunctos dolent, diligamur: ab æquis vero, aut etiam a propensis in hanc partem vehementer et colamur et amemur. De ambitu cum atrocissime ageretur in senatu multos dies, quod ita erant progressi candidati consulares, ut non esset ferendum: in senatu non fui. Statui ad nullam medicinam reipublicæ sine magno præsidio accedere. Quo die hæc scripsi, Drusus erat de prævaricatione a tribunis ærariis absolutus, ¹in summa, quatuor sententiis, cum senatores et equites damnassent. Ego eodem die, post meridiem, Vatinius ²aderam defensurus. ea res facilis est. Comitia in mensem Sept. rejecta sunt. ³Scauri judicium ^{b.} statim exercebitur: cui nos non deerimus. *συνδείκνους Σοφοκλέους*, quamquam a te actam fabellam video esse fes-

⁹⁸ Ab eo condemnaretur.] Ut amitteret pecuniam apud se depositam.

⁹⁹ Plus unus Cato fuerit.] Valuerit ad ambitum coercendum.

¹⁰⁰ Nullum.] Int. ex superioribus ut, i. e. aliquid.

¹ In summa.] Quoad judices universos, vicit quatuor sententiis.

² Aderam.] Corrigendum videtur eram.

³ Scauri judicium.] De repetundis.

quem tibi proximis nuntiis Arpini de Fufidio H-S cccicccc
emeramus. Ego locum æstate umbrosiorem vidi num-
quam; permultis locis aquam profluentem, et eam uberem.
Quid quæris? Jugera L prati Cæsius irrigaturum facile
te arbitrabatur. Equidem hoc, quod melius intelligo, affir-
mo, mirifica suavitate te villam habiturum, piscina et
salientibus additis, palæstra, et ⁹ silva viridicata. Fundum
audio te hunc Bovillanum velle retinere. de eo quid vide-
atur, ipse constitues. Calvus agebat, ¹⁰ aqua demta, et ejus
aquæ jure constituto, et servitute fundo illi imposita,
tamen nos pretium servare posse, si vendere vellemus.
Messidium mecum habui. is se ternis numis in pedem
tecum transexisse dicebat: sese autem mensum pedibus
agebat passuum IV c. mihi plus visum est. sed præsta-
bo, sumtum nusquam melius posse poni. Chilonem arces-
sieram Venafro. sed eo ipso die quatuor ejus conservos
et discipulos Venafri cuniculus oppresserat. Idibus Sept.
in Laterio fui. viam perspexi, quæ mihi ita placuit, ut
opus publicum videretur esse, præter CL pass. sum enim
ipse mensus ab eo ponticulo, qui est ¹¹ ad Furinæ, Satri-
cum versus. eo loco pulvis, non glarea injecta est: et
mutabitur: et ea viæ pars valde acclivis est. sed intellexi
aliter duci non potuisse, præsertim cum tu neque per Lo-
custæ, neque per Varronis velles ducere. Veluinus ante
suum fundum ¹² prope munierat. Locusta non attigerat:
quem ego Romæ aggrediar, et, ut arbitror, commovebo:
et simul M. Taurum, quem tibi audio promisisse, qui nunc
Romæ erat, de aqua per fundum ejus ducenda rogabo.
Nicephorum, villicum tuum, sane probavi: quæsi vique
ex eo, ecquid ei de illa ædificatiuncula Laterii, de qua
mccum locutus es, mandavisses. tum is mihi respondit,
se ipsum ejus operis H-S XVI conductorem fuisse: sed
te postea multa addidisse ad opus, nihil ad pretium: ita-
que id se omisisse. Mihi hercule valde placet, te illa, ¹³ ut
constituas, addere: quamquam ea villa, quæ nunc est,
tamquam philosopha videtur esse, quæ objurget ceterarum

p. 319.

a.

9 *Silva viridicata.*] Verbum hoc viri-
dicata alibi non occurrit, sed tamen viri-
dicans: unde forte legi possit *viridicante*.

10 *Aqua demta.*] I. e. si aquam in
venditione fundi exciperemus et nobis ser-
varemus, ejusque dominium constituere-

tur, ut inde servitus hæc fundo illi impo-
neretur, ut hac aqua necessario uteretur,
pro ejusque usu aliquid solveret.

11 *Ad Furinæ.*] V. Clav.

12 *Prope munierat.*] An probe?

13 *Ut constituas.*] Malim constituas.

villarum insaniam. Verumtamen illud additum delectabit. Topiarium laudavi: ita omnia ¹⁴convestit hedera, qua basim villæ, qua intercolumnia ambulationis; ut denique ¹⁵illi palliati topiariam facere videantur, et hederam vendere. jam ἀποδυνήσιω nihil alsius, nihil muscosius. Habes fere de rebus rusticis. Urbanam expolitionem urget ille quidem, et Philotimus, et Cincius: sed etiam ipse crebro interviso: quod est facile factu. Quamobrem ea te cura liberatum volo. De Cicerone quod me semper rogas, ³ ignoseo equidem tibi, sed tu quoque mihi velim ignoscas. Non enim concedo tibi, plus ut illum ames, quam ipse amo. Atque utinam his diebus in Arpinati, quod et ipse cupierat, et ego non minus, mecum fuisset. Quod ad Pomponiam: si tibi videtur, scribas velim, cum aliquo exhibimus, eat nobiscum, puerumque ducat. ¹⁶ clamores efficiam, si eum mecum habuero otiosum. nam Romæ respirandi non est locus. Id me scis antea gratis tibi esse pollicitum. Quid nunc putas, tanta abs te mihi mercede proposita? Venio nunc ad tuas litteras: quas pluribus epistolis accepi, dum sum in Arpinati. nam mihi uno die tres sunt redditæ, et quidem, ut videbantur, eodem abs te datæ tempore: una pluribus verbis, in qua primum erat, quod antiquior dies in tuis fuisset adscripta litteris, quam in Cæsaris. Id facit ^{b.} Oppius nonnumquam necessario, ut, cum tabellarios constituerit mittere, litterasque a nobis acceperit, aliqua res nova impediatur, et necessario serius, quam constituerat, mittat: neque nos datis jam epistolis diem commutari curemus. Scribis de Cæsaris summo in nos amore. hunc et tu fovebis, et nos, quibuscumque poterimus, rebus augebimus. De Pompeio, et facio diligenter, et faciam quod mones. Quod tibi mea permissio mansionis tuæ grata est, id ego, summo meo dolore et desiderio, tamen ex parte gaudeo. In hippodamis, et nonnullis aliis arcessendis, quid cogites, non intelligo. Nemo istorum est, quin abs te mihi, fundi suburbanii instar, exspectet. Trebatium vero meum quod ¹⁷isto admisceas, nihil est. Ego illum ad Cæsarem misi, quia mihi jam satisfecit. si ipsi minus, præstare nihil debeco: teque item ab eo vindico et libero. Quod scribis

14 *Convestit hedera.*] Faernus corrigit, mirentur omnes, quantum ex me vel pergebat *convestit*, et sic est in ed. Rom. me profecerit.

15 *Illi palliati.*] Signa habitus græci. 17 *Isto admisceas.*] Isto pro istue, scilicet

16 *Clamores efficiam.*] Faciam ut ad istis hippodamis et ceteris.

te a Cæsare quotidie plus diligi, immortaliter gaudeo. Balbum vero, qui est istius rei (quemadmodum scribis) adiutor, in oculis fero. Trebonium meum a te amari, teque ab illo, pergaudeo. De tribunatu quod scribis, ego vero nominatim petivi Curtio, et mihi ipse Cæsar nominatim Curtio paratum esse rescripsit, meamque in rogando verecundiam objurgavit. Si cui præterea petiero, (id quod etiam Oppio dixi, ut ad illum scriberet,) facile patiar mihi negari, quoniam illi,¹⁸ qui sibi molesti sunt, sibi negari a me non facile patiuntur. Ego Curtium (id quod p. 320. a. ipsi dixi) non modo rogatione, sed etiam testimonio tuo diligo, quod litteris tuis studium illius in salutem nostram facile perspexi. De Britannicis rebus, cognovi ex tuis litteris, nihil esse, nec quod metuamus, nec quod gaudeamus. De publicis negotiis, quæ vis ad te Tironem scribere, negligentius ad te ante scribebam, quod omnia, minima, maxima,⁴ ad Cæsarem mitti sciebam. Rescripsi epistolæ maximæ. Audi nunc de minuscula: in qua primum est de Clodii ad Cæsarem litteris: in quo Cæsaris consilium probō, quod tibi, amantissime petenti, veniam non dedit, uti ullum ad illam Furiam verbum rescriberet. Alterum est de Calventii Marii oratione, quod scribis, miror: tibi placere,¹⁹ me ad eum rescribere, præsertim cum illam nemo lecturus sit, si ego nihil rescripsero, meam in illum pueri omnes, tamquam dictata, perdiscant. Libros meos, quos exspectas, inchoavi: sed conficere non possum his diebus. Orationes efflagitatas pro Scauro et pro Plancio absolvi. Poema ad Cæsarem, quod composueram, incidi. Tibi quod rogas,²⁰ quoniam ipsi fontes jam sitiunt, si quid habeo spatii, scribam. Venio ad tertiam. Balbum quod ais mature Romam bene comitatum esse venturum, mecumque assidue usque ad Id. Maias futurum, id mihi pergratum perque jucundum erit. Quod me in eadem epistola, sicut sæpe antea, cohortaris ad ambitionem, et ad laborem; faciam equidem: ²¹sed quando vivemus? Quarta epistola mihi reddita est Id. Sept. quam a. d. III Id. Sext. ex Britannia dederas. In ea nihil sane erat novi, præter ²²Erigonam:

¹⁸ Qui sibi molesti sunt.] Pro sibi leg. mihi molesti sunt, sc. petendo commendationem meam ad Cæsarem, ut ab eo aliquid impetrent.

¹⁹ Me ad eum rescribere.] Faernus bene corrigi ad eam sc. orationem.

²⁰ Quoniam ipsi fontes jam sitiunt.] Quoniam tu, qui ipse poeta es, carmen consideras ab alio.

²¹ Sed quando vivemus?] I. e. otium habebimus, ut aliquid agere possimus.

²² Erigonum.] Poema Quinti tragicum.

quam si ab Oppio accepero, scribam ad te, quid sentiam. nec dubito, quin mihi placitura sit. Et, quod præterii, de eo, quem scripsisti de Milonis plausu scripsisse ad Cæsarem: ego vero facile patior ita Cæsarem existimare, illum quam maximum fuisse plausum. et prorsus ita fuit: et tamen ille plausus, qui illi datur, quodammodo nobis videtur dari. Reddita est etiam mihi pervetus epistola, sed sero ^{b.} allata, in qua de æde Telluris, et de porticu Catuli me admones. fit utrumque diligenter. ad Telluris quidem etiam tuam statuam locavi. Item de hortis quod me admones: nec fui umquam valde cupidus, et nunc domus suppeditat mihi hortorum amœnitatem. Romam cum venissem a. d. XIII Kal. Octob. absolutum offendi in ædibus tuis tectum: quod supra conclavia non placuerat tibi esse multorum fastigiorum: id non honeste vergit in tectum inferioris porticus. Cicero noster, dum ego absum, non cessavit apud rhetorem. De ejus eruditione quod labores, nihil est, quoniam ingenium ejus nosti: studium ego video. cetera ejus suscipio, ut me putem præstare debere. Gabinium ²³tres ⁵ adhuc factiones postulant: L. Lentulus, flaminis filius, qui jam de majestate postulavit: Ti. Nero cum bonis subscriptoribus: C. Memmius tribunus plebis cum L. Capitone. ad urbem accessit a. d. XI Kal. Octobr. nihil turpius, nec desertius. sed his judiciis nihil audeo confidere. Quod Cato non valebat, adhuc de pecuniis repetundis non erat postulatus. Pompeius a me valde contendit ²⁴de reditu in gratiam: sed adhuc nihil profecit: nec, si ullam partem libertatis tenebo, proficiet. Tuas litteras vehementer exspecto. Quod scribis te audisse, in candidatorum consularium coitione me interfuisse, id falsum est. ejusmodi enim pactio- nes in ea coitione factæ sunt, quas postea Memmius patefecit, ut nemo bonus interesse debuerit: et simul mihi committendum non fuit, ut his coitionibus interesssem, quibus Messala excluderetur; cui quidem vehementer satisfacio rebus omnibus: ut arbitror, etiam Memmio. Domitio ipsi ^{p. 321.} multa jam feci, quæ voluit, quæque a me petivit. ^{a.} Scan- rum beneficio defensionis valde obligavi. adhuc erat valde incertum, et quando comitia, et qui consules futuri essent. Cum hanc jam epistolam complicarem, tabellarii a vobis

²³ Tres factiones.] Accusatorum et sub-
scriptorum.

²⁴ De reditu in gratiam.] Cum Gabinio.

venerunt a. d. xi Kal. Sept. vicesimo die. O me sollicitum! quantum ego dolui in Cæsaris suavissimis litteris! sed quo erant suaviore, eo maiorem dolorem ²⁵ illius ille casus afferebat. Sed ad tuas venio litteras. Primum tuam remansionem etiam atque etiam probo, præsertim cum, ut scribis, cum Cæsare communicaris. Oppium miror quidquam cum Publio: mihi enim non placuerat. Quod inferiore epistola scribis, me Idib. Sept. Pompeio legatum iri: id ego non audiui, scripsique ad Cæsarem, Vibullium Cæsaris mandata ²⁶ de mea mansione ad Pompeium pertulisse, nec ad Oppium. quo consilio? quamquam Oppium ego tenui, quod ²⁷ priores partes Bibuli erant. cum eo enim ²⁸ coram Cæsare egerat, ad Oppium scripserat. Ego vero nullas *ἐντρέπας φροντίδας* habere possum in Cæsaris rebus. ille mihi secundum te et liberos nostros ita est, ut sit pæne par. videor id iudicio facere. jam enim debeo: sed tamen
 6 amore sum incensus. Cum scripsissem hæc infima, quæ sunt mea manu, venit ad nos Cicero tuus ad cenam, cum Pomponia foras cenaret. dedit mihi epistolam legendam tuam, quam paullo ante acceperat, ²⁹ Aristophaneo modo, valde mehercule et suavem, et gravem: qua sum admodum delectatus. Dedit etiam alteram illam mihi, qua
 b. jubes, cum mihi esse affixum, tamquam magistro. Quam illum epistolæ illæ delectarunt? quam me? Nihil puero illo suavius, nihil nostri amantius. Hæc inter cenam Tironi dictavi, ne mirerè alia manu esse. Annali litteræ tuæ pergratæ fuerunt, quod et curares de se diligenter, et tamen consilio severissimo juvares. P. Servilius pater, ex litteris, quas sibi a Cæsare missas esse dicebat, significat valde te sibi gratum fecisse, quod de sua voluntate erga Cæsarem humanissime, diligentissimeque locutus esses. Cum Romam ex Arpinati revertissem, dictum mihi est, hippodamum ad te profectum esse. Non possum scribere, me miratum esse, illum tam inhumaniter fecisse, ut sine meis litteris ad te proficisceretur: illud scribo, mihi molestum fuisse. jam enim diu cogitaveram, ex eo, quod

25 *Illius ille casus.*] Manutius intelligi putat jacturam navium multarum in Occano, de qua Cæs. B. G. IV, 29.

26 *De mea mansione.*] Me cupere Romæ manere, non legatum Pompeii fieri.

27 *Priores partes Bibuli erant.*] Manutius Vibullii legendum putat, quod Cæsar

et Bibulus non erant amici.

28 *Coram Cæsare egerat.*] Puto scribendum Cæsar.

29 *Aristophaneo modo.*] Festivitate et urbanitate comica, Aristophanæ ad similitudinem.

tu ad me scripseras, ut, si quid esset, quod ad te diligentius perferri vellem, illi darem: quod mehercule hisce litteris, quas vulgo ad te mitto, nihil fere scribo, quod si in alicujus manus inciderit, molestè ferendum sit. Minneio me, et Salvio, et Labeoni reservabam. Labeo aut tarde proficiscetur, aut hic manebit. Hippodamus ne nunc quidem, ³⁰ quid velim, rogavit. T. Pinarius amabiles ad me de te litteras mittit: se maxime litteris, sermonibus, cenis denique tuis delectari. Is homo semper me delectavit: fraterque ejus mecum est multum. quare, ut instituisti, complectere adolescentem. Quod multos dies epistolam ⁷ in manibus habui, propter commorationem tabellariorum, ideo multa conjecta sunt, aliud alio tempore, velut hoc. T. Anicius mihi sæpe jam dixit, sese tibi, suburbanum si quod invenisset, non dubitaturum esse emere. In ejus sermone ego utrumque soleo admirari; et te de suburbano emendo, cum ad illum scribas, non modo ad me non scribere, sed etiam aliam in sententiam scribere; et, cum ad illum scribas, ³¹ nihil te recordari de se, de epistolis illis, quas in Tusculano ejus tu mihi ostendisti, nihil de præceptis Epicharmi, γνῶθι, πῶς ἄλλῳ κέχρηται; totum denique vultum, animum, sermonem ejus: quemadmodum conjicio, ³ quasi. Sed hæc tu videris. De suburbano, cura, ut sciam, quid velis: et simul ne quid ille turbet, vide. Quid præterea? Quid? etiam. Gabinius a. d. IIII Kal. Octobr. noctu in urbem introivit: et hodie H. VIII, cum edicto C. Alfii de majestate cum adesse oporteret, concursu magno, et odio universi populi pæne afflictus est. nihil illo turpius. proximus tamen est Piso. itaque mirificum ἐμβόλιον cogito in secundum librorum meorum includere, dicentem Apollinem in concilio deorum, qualis reditus duorum imperatorum futurus esset: quorum ³³ alter exercitum perdidisset, alter vendidisset. Ex Britannia Cæsar ad me Kal. Sept. dedit litteras: quas ego accepi a. d. IIII Kalend. Octobr. satis commodas de Britannicis rebus: quibus, ne admirer, quod a te nullas acceperim, scribit, se sine te fuisse, cum ad mare accesserit. Ad eas ego ei litteras nihil rescripsi,

p. 322.
a.

³⁰ Quid velim, rogavit.] An si vel num de eo.

quid velim. nam sic semper hoc dicitur: ³² Quasi.] Oblitum videri.

c. Isic Maunius dedit.

³³ Alter p. alter vendidisset.] Ille est

³¹ Nihil te recordari de se.] De se pro Piso, hic Gabinius.

ne gratulandi quidem causa, ³⁴ propter ejus luctum. Te oro etiam atque etiam, mi frater, ut valeas.

2

ARGUMENTUM.

Gabinium redeuntem in urbem, in senatu male vexatum, et a Memmio tribuno pl. ad populum male tractatum esse, ac de judicio ejus proxime futuro, commemorat. Deinde qui de ambitu rei sint, quæ comitiorum spes sit, demonstrat.

MARCUS Q. FRATRI S.

- A. d. VI Id. Octob. Salvius Ostiam vesperi navi profectus erat cum iis rebus, quas tibi domo mitti volueras.
- b. Eodem die Gabinium ad populum luculente calefecerat. Memmius, sic, ut Calidio verbum facere pro eo non licuerit. Postridie autem ejus dici, qui erat tum finitrus, cum hæc scribebam ante lucem, apud Catonem erat divinatio in Gabinium futura inter Memmium, et Ti. Neronem, et C. et L. Antonios, M. F. Putabamus fore, ut Memmio daretur, etsi erat Neronis mira contentio. Quid quæris? probe premitur, nisi noster Pompeius, diis, hominibusque invitis, negotium everterit. Cognosce nunc hominis audaciam, et aliquid in republica perdita delectare. Cum Gabinius, quacumque veniebat, triumphum se postulare dixisset, subitoque bonus imperator noctu ³⁵ in urbem, hostium plane, invasisset, in senatum se non committebat. Interim ipso decimo die, quo ipsum oportebat hostium numerum, et militum renuntiare, ³⁶ in re hæsit, summa infrequentia. cum vellet exire, a consulibus retentus est: introducti publicani. Homo ³⁷ undique actus, cum a me maxime vulneraretur, non tulit, et me trementi voce exsulem appellavit. Hic, (o dii! nihil umquam honorificentius nobis accidit,) consurrexit ³⁸ senatus cum clamore ad unum, sic, ut ad corpus ejus accederet: pari clamore atque impetu publicani. Quid quæris? omnes, tamquam si tu esses, ita fuerunt. Nihil hominum sermone foris clarius. Ego tamen ³⁹ teneo ab accusando vix mehercule: sed tamen teneo, vel quod nolo cum Pompeio pugnare, (satis est, quod instat de

34 Propter ejus luctum.] E morte filii.

35 In urbem, hostium plane.] Nempe, quia Romæ ei omnes inimici erant. Lepide. Tunstallus mox interim conjungit cum committebat.

36 In re hæsit.] Tunstallus corrigit

irrepsit: Lipsius et Guilielmus mire hæsit.

37 Undique actus.] Pressus, vexatus.

38 Senatus - - ad unum.] Senatus, univ-

versus, ad unum omnis.

39 Teneo.] Int. vel adde me.

Milone,) vel quod ⁴⁰ iudices nullos habemus. ἀπότευγμα formido. addo etiam malivolentiam hominum: et timeo, ne illi, me accusante, aliquid accidat: nec despero, rem, et sine me, et nonnihil per me, confici posse. De ambitu postulati sunt omnes, qui consulatum petunt: a Memmio, Domitius: a Q. Curtio, bono et erudito adolescente, Memmius: a Q. Pompeio, Messala: a Triario, Scaurus. Magno res in motu est: propterea quod aut hominum, aut legum interitus ostenditur. Opera datur, ut iudicia ne fiant. Res videtur spectare ad interregnum. Consules comitia habere cupiunt: ⁴¹ rei nolunt, et maxime Memmius, quod ⁴² Caesaris adventu sperat se futurum consulem. sed mirum in modum jacet. Domitius cum Messala certus esse videbatur. Scaurus refrixerat. ⁴³ Appius sine lege curiata confirmat se Lentulo nostro successurum: qui quidem mirificus illo die (quod pæne præterii) fuit in Gabinium: accusavit majestatis, nomina data, cum ille verbum nullum. Habes forensia. Domi recte, et ipsa domus a redemptoribus tractatur non indiligenter. Vale.

p. 323.
a.

ARGUMENTUM.

3

De rebus domesticis nonnulla: desiderium litterarum a Quinto: Comitiorum dilationes: Gabinii de ambitu reus: et Ciceronis Q. filii in rhetore audiendo diligentia.

MARCUS Q. FRATRI S.

OCCUPATIONUM mearum tibi signum sit librarii manus. Diem scito esse nullum, quo die non dicam pro reo. ita, quidquid conficio, aut cogito, in ambulationis fere tempus confero. Negotia nostra sic se habent: domestica vero, ut volumus. Valent pueri, studiose discunt, diligenter docentur, et nos, et inter se amant. Expolitiones utriusque nostrum sunt in manibus: sed tua ad perfectum jam res rustica Arcani et Laterii. Præterea de aqua et via nihil prætermisi quadam epistola, quin enucleate ad te perscriberem. sed me illa cura sollicitat, angitque vehementer, quod dierum jam amplius L intervallo nihil a te, nihil a

⁴⁰ Iudices nullos habemus.] Bonos quidem.

⁴¹ Rei nolunt.] Sc. haberi comitia. rei, de ambitu: quod eorum ratio in creandis consulibus haberi non poterat.

⁴² Caesaris adventu.] Non in urbem vel ad urbem, sed in provinciam Galliam Transalpinam, ex qua multi ad comitia veniebant, quibus a Caesare commendari posset.

⁴³ Appius sine lege curiata.] V. ep. ad Div. I, 9.

Cæsare, nihil ex istis locis, non modo litterarum, sed ne
 b. rumoris quidem affluxit. Me autem jam et mare istuc, et
 terra sollicitat: neque desino (ut fit in amore) ea, quæ mi-
 nime volo, cogitare. Quare non equidem jam te rogo, ut
 ad me de te, de rebus istis scribas, (numquam enim, cum
 potes, prætermittis,) sed hoc te scire volo, nihil fere um-
 quam me sic exspectasse, ut, cum hæc scribebam, litteras
 tuas. Nunc cognosce ea, quæ sunt in republica. Comi-
 tiorum quotidie singuli dies tolluntur obnuntiationibus,
 magna voluntate bonorum omnium: tanta invidia sunt
 consules propter suspicionem pactorum a candidatis præ-
 miorum. Candidati consulares quatuor, omnes rei, causæ
 sunt difficiles: sed enitemur, ut Messala noster salvus sit;
 quod est etiam cum reliquorum salute conjunctum. Gabi-
 nium de ambitu reum fecit P. Sulla, subscribente privigno
 Memmio, ⁴⁴ fratre Cæcilio Sullæ filio. Contradixit L. Tor-
 quatus. omnibusque libentibus non obtinuit. Quæris, quid
 fiat de Gabinio? scimus de majestate triduo: quo quidem
 in judicio odio premitur omnium generum: maxime testi-
 bus cæditur: accusatoribus frigidissimis utitur: consilium,
 varium: quæsitior gravis et firmus, Alfius; Pompeius, ⁴⁵ ve-
 hemens in iudiciis rogandis. Quid futurum sit, nescio:
 locum tamen illi in civitate non video. animum præbeo ad
 illius perniciem, moderatum; ad rerum eventum, lenissi-
 mum. Habes fere de omnibus rebus. Unum illud addam.
 Cicero tuus nosterque summo studio est Pæonii sui rhe-
 toris, hominis, opinor, valde exercitati et boni. sed nos-
 trum instituendi genus esse paullo cruditius, et *Σεικώτερον*,
 non ignoras. Quare neque ego impediri Ciceronis iter, at-
 que illam disciplinam volo, et ipse puer magis illo de-
 clamatorio genere duci et delectari videtur. in quo quo-
 niam ipsi quoque fuimus, patiamur illum ire nostris iline-
 ribus; eodem enim perventurum esse confidimus. sed tam-
 p. 324. ^{a.} men, si nobiscum eum rus aliquo eduxerimus, in hanc nos-
 tram rationem consuetudinemque inducemus. Magna enim
 nobis a te proposita merces est, quam certe nostra culpa
 numquam minus assequemur. Quibus in locis, et qua
 spe hiematurus sis, ad me quam diligentissime scribas ve-
 lim. Vale.

⁴⁴ *Fratre Cæcilio.*] Fratre uterjno.

Pro Gabinio, interpositis etiam minis.

⁴⁵ *Vehe mens in iudiciis rogandis.*]

ARGUMENTUM.

4

De Gabinio propter accusatoris et subscriptorum infantiam absoluto perseverabit, et quare nec eum accusarit, nec defenderit, sed tantum testimonium contra eum dixerit, ostendit: denique de rebus domesticis quædam addit.

MARCUS Q. FRATRI S.

GABINIUS absolutus est. omnino nihil accusatore Lentulo, subscriptoribusque ejus infantius, nihil illo consilio sordidius. sed tamen nisi incredibilis contentio, et preces Pompeii, dictaturæ etiam rumor, plenus timoris, fuisset, ipsi Lentulo non respondisset, qui tum illo accusatore, illorumque consilio sententiis condemnatus sit XXXII, cum LXX tulissent. Est omnino tam gravi fama hoc judicium, ut videatur reliquis judiciis periturus, et maxime de pecuniis repetendis. Sed vides nullum esse rempublicam, nullum senatum, nulla judicia, nullam in nullo nostram dignitatem. Quid plura de judiciis? duo prætorii sederunt, Domitius Calvinus; is aperte absolvit,⁴⁶ ut omnes viderent: et Cato; is,⁴⁷ direntis tabellis, de circulo se subduxit, et Pompeio primus nuntiavit. Ajunt nonnulli, Sallustius item, me oportuisse accusare. Iis ego judiciis committerem? Quid essem, si me agente, esset elapsus? Sed me alia moverunt. Non putasset sibi Pompeius de illius salute, sed de sua dignitate mecum esse certamen: in urbem intrasset: ad inimicitias res venisset: cum Æsernino Samnite Pacidianus comparatus viderer, auriculam fortasse mordicus abstulisset. cum Clodio quidem certe rediisset in gratiam. Ego vero meum consilium (si præsertim b. tu non improbas) vehementer approbo. Ille, cum a me singularibus meis studiis ornatus esset, cumque ego illi nihil deberem, ille mihi omnia, tamen in republica me a se dissentientem non tulit, (nihil dicam gravius,) et minus potens eo tempore, quid in me florentem posset, ostendit. nunc, cum ego ne eum quidem multum posse, res quidem publica certe nihil possit, unus ille omnia possit, cum illo ipso contenderem? sic enim faciendum fuisset. Non existimo te putare, id mihi suscipiendum fuisse. Alterutrum, inquit idem Sallustius, defendisses: idque Pompeio con-

46 *Ut omnes viderent.*] Sapit hoc glori-
sam: nisi indicat, eum ostendisse abstan-
tibus tabellam, antequam in urnam mitteret.

47 *direntis tabellis.*] Non dubitavi sic
essere pro *diruptis*, de judicio doctissimo-
rum virorum.

tendenti dedisses. etenim vehementer orabat. lepidum amicum Sallustium, qui mihi aut inimicitias putet periculosas subeundas fuisse, aut infamiam sempiternam. Ego vero hac mediocritate delector: ac mihi illud jucundum est, quod, cum testimonium secundum fidem et religionem gravissime dixissem, reus dixit, si in civitate licuisset sibi esse, mihi se satisfacturum: ⁴⁸ neque me quidquam interrogavit. De versibus, quos tibi a me scribi vis, deest mihi quidem opera, quæ non modo tempus, sed etiam animum vacuum ab omni cura desiderat: ⁴⁹ sed abest etiam ἐνδοξασμός. non enim sumus omnino sine cura venientis anni: etsi sumus sine timore. Simul et illud (sine ulla mehercule ironia loquor) tibi istius generis in scribendo ⁵⁰ priores partes tribuo, quam mihi. De bibliotheca tua Græca supplenda, ⁵¹ libris commutandis, Latinis comparandis; valde velim ista confici, præsertim cum ad meum quoque usum spectent. Sed ego, mihi ipsi ista per quem agam, non habeo. neque enim venalia sunt, quæ quidem placeant, et confici nisi per hominem, et peritum, et diligentem non possunt. ^{p. 325.} Chrysippo tamen imperabo, et cum Tyrannione ^{a.} loquar. ⁵² De fisco quid egerit Scipio, quæram. quod videbitur rectum esse, curabo. De ⁵³ Ascanione, tu vero, quod voles, facies: me nihil interpono. De suburbano quod non properas, laudo: ut tu habeas, hortor. Hæc scripsi a. d. ix Kalend. Novemb. quo die ludi commitebantur, in Tusculanum proficiscens, ducensque mecum Ciceronem meum in ludum discendi, non lusionis. ea re ⁵⁴ non longius, quam vellem, quod Pomtino ad triumphum a. d. iiii Non. Novemb. volebam adesse. etenim erit nescio quid negotioli. Nam Cato et Servilius, prætores, prohibituos se minantur: nec, quid possint, scio. Ille enim et Appium consulem secum habebit, et prætores, et tribunos ple-

⁴⁸ Neque me quidquam interrogavit.] Cum testimonium dicrem: de interrogatione testium adi. Clavem.

⁴⁹ Sed abest etiam ἐνδοξασμός.] Qui sit ἐνδ. c. sequentibus patet. non possum animum cogitatione rerum scribendarum ita implere et excitare, ut possim scribere ingeniose et cum gratia poetica. cf. ep. 5.

⁵⁰ Priores partes tribuo quam mihi.] Valde languet hoc quam mihi, rectiusque abfuerit, etsi forma hæc quam post comparativum subinde in his epistolis occurrit,

ut supra notavimus,

⁵¹ Libris commutandis.] Melioribus exemplis.

⁵² De fisco quid egerit Scipio.] De ærario accipit Manutius: quid rei fuerit, ignoratur.

⁵³ Ascanione.] Videtur servus Quinti fuisse.

⁵⁴ Non longius, quam vellem.] Sententia videtur requirere brevius. fortasse scripsit Cicero quamquam vellem, sc. paullo longius ibi esse.

bis. sed minantur tamen: in primisque ἀρῇ πνέων ⁵⁵ Q. Scævola. Cura, mi suavissime et carissime frater, ut valeas.

ARGUMENTUM.

5

De libris de republica Sallustii monitu refingendis: de Cæsaris erga se amore: de versibus scribendis excusatio: de reipublicæ statu conquestio: de Gabinio a se non defenso, et de suo in libris Quinto emendis studio.

MARCUS Q. FRATRI S.

QUOD quæris, quid ⁵⁶ de illis libris egerim, quos, cum essem in Cumano, scribere institui: non cessavi, neque cesso: sed sæpe jam scribendi totum consilium rationemque mutavi. Nam jam duobus factis libris, in quibus, novendialibus iis feriis, quæ fuerunt Tuditano et Aquilio consulibus, sermo est a me institutus Africani, paullo ante mortem, et Lælii, Phili, Manilii, Q. Tuberonis et Lælii, generorum Fannii, et Scævolæ: sermo autem in novem et dies et libros distributus de optimo statu civitatis, et de optimo eive: sane texebatur opus luculenter, hominumque dignitas aliquantum orationi ponderis afferebat. Hi libri cum in Tusculano mihi legerentur, audiente Sallustio: admonitus sum ab illo, multo majore auctoritate illis de rebus dici posse, si ipse loquerer de republica, præsertim eum essem ⁵⁷ non Heraclides Ponticus, sed consularis, et is, qui in maximis versatus in republica rebus essem. quæ tam antiquis hominibus attribuerem, ea visum iri ficta esse. oratorium sermonem in illis nostris libris, quod esset de ratione dicendi, belle a me removisse; ad eos tamen retulisse, quos ipse vidissem: Aristotelem denique, quæ de republica et præstante viro scribat, ipsum loqui. Commovit me, et eo magis, quod maximos motus nostræ civitatis attingere non poteram, quod erant inferiores, quam illorum ætas, qui loquebantur. Ego autem id ipsum tum eram secutus, ne in nostra tempora incurrens, offenderem quempiam. Nunc et id vitabo, et loquar ipse tecum, et tamen illa, quæ institueram, ad te, si Romam venero, mittam. Puto enim, te existimaturum, a me libros illos non sine aliquo meo stomacho esse relictos. Cæsaris amore, quem

⁵⁵ Q. Scævola.] Tribunus plebis. ad Att. IV, 16.

⁵⁶ De illis libris.] De republica, opinor.

⁵⁷ Non Heraclides P.] Non Philosophus de schola et ex umbra.

ad me perscripsit, unice delector: promissis iis, quæ ostendit, non valde pendeo: nec honores sitio, nec desidero gloriam: magisque ejus voluntatis perpetuitatem, quam promissorum exitum exspecto. vivo tamen in ea ambitione et labore, tamquam id, quod non postulo, exspectem. Quod me de faciendis versibus rogas, incredibile est, mi frater, quam egeam tempore: nec sane satis commoveor animo ad ea, quæ vis, canenda. ὑποδείσεις vero ad ea, quæ ipse ego ne cogitando quidem consequor, tu, qui omnes ⁵⁶ isto eloquendi et exprimendi genere superasti, a me petis? Facerem tamen, ut possem: sed (quod te minime fugit) opus est ad poema quadam animi alacritate, quam plane mihi tempora eripiunt. Abduco equidem me ab omni reipublicæ cura, dedoque litteris: sed tamen indicabo tibi, quod mehercule in primis te celatum volebam. Angor, mi suavissime frater, angor, nullam esse reipublicam, nulla judicia, nostrumque hoc tempus ætatis, quod in illa auctoritate senatoria florere debebat, aut forensi labore jactari, aut domesticis litteris sustentari, illud vero, quod a pucro adamaram,

Αἰὲν ἀριστεύειν, καὶ ὑπείροχον ἔμμεναι ἄλλων,

totum occidisse: inimicos a me partim non oppugnatos, partim etiam esse defensos: meum non modo animum, sed ne odium quidem esse liberum: unumque ex omnibus Cæsarem esse inventum, qui me tantum, quantum ego vellem, amaret, aut etiam (sicut alii putant) hunc unum esse, qui vellet. Quorum tamen nihil est ejusmodi, ut ego ne non multa consolatione quotidie leniam: sed illa erit consolatio maxima, si una erimus. nunc ad illa vel gravissimum accedit tui desiderium. Gabiniū si, ut Pansa putat oportuisse, defendissem, concidissem: qui illum oderunt (ii sunt toti ordines) propter quem oderunt, meipsum odisse cœpissent. Tenui me, ut puto, egregie, tantum ut facerem, quantum omnes viderent. Et in omni summa, ut mones, valde me ad otium pacemque convertō. ⁵⁹ De libris, Tyrannio cēt cessator: Chrysippo dicam: sed res operosa est, et hominis perdiligentis. Sentio ipse, qui in summo studio nihil assequor. De Latinis vero, quo me vertam,

⁵⁶ Isto -- genere superasti.] Forte superus melius.

⁵⁹ De libris, &c.] Pertinet ad id, quod supra de bibliotheca fratris scripserat.

nescio: ita mendose et scribuntur, et veniunt: sed tamen quod fieri poterit, non negligam. ⁶⁰ Crebrius, ut ante ad te scripsi, Romæ est: et qui omnia adjurant, debere tibi valde rennuntiant. Ab ærario puto confectum esse, dum absum.

ARGUMENTUM.

G

Tragœdias a Quinto scriptas sibi mitti vult.

h.

MARCUS Q. FRATRI S.

QUATUOR tragœdias XVI diebus absolvisse cum scribas, tu quidquam ab alio mutuaris? et ⁶¹ κλέος quæris, cum Electram et Troadem scripseris? Cessator esse noli: et illud γνῶθι σεαυτὸν, noli putare ad arrogantiam minuendam solum esse dictum, verum etiam ⁶² ut bona nostra norimus. Sed et istas, et Erigonam mihi velim mittas. ⁶³ Habes ad duas epistolas proximas.

ARGUMENTUM.

7

Proluviem ingentem fuisse scribit et epistolas promittit.

MARCUS Q. FRATRI S.

ROMÆ et maxime Appia ad Martis, mira proluvies. Crassipedis ambulatio ablata, horti, tabernæ plurimæ: magna vis aquæ usque ad piscinæ publicam. Viget illud Homeri,

Ἡμεῖς ὁπωρινῶ, ὅτε λαγρότατον χέει ὕεωρ
Ζεὺς.

Cadit enim in absolutionem Gabinii

Ὅτε δὴγ' ἀνδρεςσι κοτεσσάμενος χυλεπαίνη,
Οἱ βίη ἐν ἀγορῇ σκολιὰς κρίνωσι θέμιστας,
Ἐκ δὲ δίκην ἐλάσωσι, θεῶν ὅπιν οὐκ ἀλέγοντες.

Sed hæc non curare decrevi. Romam cum venero, quæ perspexero, scribam ad te, et maxime de dictatura: et ad Labicnum, et ad Ligurium litteras dabo. Hanc scripsi

⁶⁰ Crebrius.] Qui sit, ignoramus.

⁶¹ Κλέος quæris? Κλέος ab h. l. alienum. Verum est χρέος, quod in Ms. reperit Junius. Χρέος est pecunia mutuo sumpta, id huic loco aptum, et illi ab alio mutuaris. Alemannus tamen e Ms. reg. dedit Et plenus quæris?

⁶² Ut b. n. norimus.] In hanc partem disputat Socrates de hoc dicto ap. Xenoph. Mem. Socr. III, 7. extr.

⁶³ Habes duas epistolas pr.] Verissime Ursinus addit ad, quod et recepi, cum et in Mss. regis repererit Alemannus.

ante lucem, ad lychnuchum ligneolum, qui mihi erat perjurundus, quod eum te ajebant, cum esses Sami, curasse faciendum. Vale, mi suavissime et optime frater.

8

ARGUMENTUM.

De Caesaris amicitia et cautione in litteris dandis adhibenda: de spe Candidatorum consulatus: de Dictaturæ timore, et de Milonis ludis.

MARCUS Q. FRATRI S.

SUPERIORI epistolæ quod respondeam, nihil est: quæ plena stomachi et querelarum est: quo in genere alteram quoque te scribis pridie Labieno dedisse; qui adhuc
 p. 327. non venerat. Delevit enim mihi omnem molestiam recentior epistola. Tantum te et moneo et rogo, ut in istis molestiis, et laboribus, et desideriis recordare, consilium nostrum quod fuerit perfectionis tuæ. Non enim commoda quædam sequebamur parva ac mediocria. Quid enim erat, quod discessu nostro emendum putaremus? Præsidium firmissimum petebamus et optimi et potentissimi viri benevolentia ad omnem statum nostræ dignitatis. ⁶⁴ Plura ponuntur in spe, quam in pecuniis: reliqua ad jacturam struuntur. Quare si crebro referes animum tuum ad rationem et veteris consilii nostri, et spei, facilius istos militiæ labores, ceteraque, quæ te offendunt, feres: et tamen cum volēs, depones. Sed ejus rei maturitas nequedum venit, et tamen jam appropinquat. Etiam illud te admoneo, ne quid ullis litteris committas; quod si prolatum sit, moleste feramus. Multa sunt, quæ ego nescire malo, quam cum aliquo periculo fieri certior. Plura ad te vacuo animo scribam, cum (ut spero) se Cicero meus belle habebit. Tu velim cures, ut sciam, quibus nos dare oporteat cas, quas ad te deinde litteras mittemus: Cæsarisne tabellariis, ut is ad te protinus mittat, an Labieni. Ubi enim isti sint Nervii, et quam longe absint, nescio. De virtute et gravitate Cæsaris, quam in summo dolore adhibuisset, magnam ex epistola tua accepi voluptatem. Quod me institutum ad illum poema jubes perficere; etsi distentus cum opera,

⁶⁴ Plura ponuntur in spe, quam in pecuniis, &c.] 1. e. plura faciendū sunt propter spem futuri boni, quā spem pecuniarum, aut pecuniā ipsā, quas per legationem consequi potuissemus. reliqua parantur, ut sit, quod perdere possimus. Alemannus e Mss. regis dedit reliqua ad jacturam reservantur, i. e. eorum jacturam æquo animo feremus, quia iis carere possumus.

tum animo sum multo magis, quoniam tamen ex epistola, quam ad te miseram, cognovit Cæsar, me aliquid esse exorsum, revertar ad institutum; idque perficiam his supplicationum otiosis diebus: quibus Messalam jam nostrum, reliquosque molestia levatos, vehementer gaudeo: eumque b. quod certum consulem cum Domitio numeratis, nihil a nostra opinione dissentitis. Ego Messalam Cæsari præstabo. Sed Memmius ⁶⁵ in adventu Cæsaris habet spem: in quo illum puto errare: hic quidem friget. Seaurum autem jampridem Pompeius abjecit. res prolatae. ad interregnum comitia adducta. Rumor dictatoris injucundus bonis: mihi etiam magis, ⁶⁶ quæ loquuntur. Sed tota res et timetur, et refrigescit. Pompeius plane se negat velle: antea ipse mihi non negabat. ⁶⁷ Hirrus auctor fore videtur. O dii quam ineptus! quam se ipse amans sine rivali! ⁶⁸ Crassum Junianum, hominem mihi deditum, per me deterruit. velit, nolit, scire difficile est. Hirro tamen agente, nolle se non probabit. Aliud hoc tempore de republica nihil loquebantur. agebatur quidem certe nihil. Serrani Domestici filii funus perluctuosum fuit a. d. iix Kalend. Decemb. ⁶⁹ Laudavit pater scripto meo. Nunc de Milone. Pompeius ei nihil tribuit: ⁷⁰ et omnia Guttæ: dicitque se perfecturum, ⁷¹ ut in illo Cæsar incumbat. hoc horret Milo: nec injuria: et, si ille dictator factus sit, pæne diffidit. Interecessorem dictaturæ si juverit manu, et præsidio suo, Pompeium metuit inimicum. si non juverit: timet, ne per vim perferatur. Ludos apparat magnificentissimos: sic, inquam, ut nemo sumtuosiores: stulte bis, terque, ⁷² non postulatus: vel quia munus magnificum dederat, vel quia facultates non erant, ⁷³ vel quia magister, vel quia potuerat magistrum se, non ædilem putare. Omnia fere scripsi. Cura, mi carissime frater, ut valeas.

65 In adventu Cæsaris.] V. supra ad ep. 2.

66 Quæ loquuntur.] De dictatura et de futuro dictatore.

67 Hirrus auctor fore v.] Tribunus tum plebis.

68 Crassum Junianum.] De hoc v. Clav.

69 Laudavit pater scripto meo.] Oratione, quam de scripto recitavit, sed a me scripta.

70 Et omnia.] Forte at omnia G.

71 Ut in illo Cæsar incumbat.] Puto in delendum, ut illo incumbere sit illae, in eam rem ac partem.

72 Non postulatus.] Conjeci non postulatus, nam ludi postulabantur a populo, non ii, qui edant.

73 Vel quia magister, &c.] Hæc non intelligo, neo explicare possum: nec Manutius satisfacit.

Varie de rebus publicis et domesticis perscribit.

MARCUS Q. FRATRI S.

DE Gabinio nihil fuit faciendum istorum, quæ aman-
tissime ⁷⁴ cogitata sunt. τότε μοι χάρις. feci summa cum gra-
vitate, ut omnes sentiunt, et summa cum lenitate, quæ feci.
illum neque ursi, neque levavi. testis vehemens fui: præ-
terea quievi. Exitum judicii foedum et perniciosum levis-
sime tuli. Quod quidem bonum mihi nunc denique redun-
dat, ut his malis reipublicæ licentiaque audacium, qua ante
rumpebar, nunc ne movear quidem. nihil est enim perditius
his hominibus, his temporibus. Itaque, ex republica quo-
niam nihil jam voluptatis capi potest: cur stomacher,
nescio. Litteræ me, et studia nostra, et otium, villæque
delectant, maximeque pueri nostri. Augit unus Milo. sed
velim finem afferat consulatus: in quo enitar non minus,
quam sum enisus in nostro: tuque istinc, quod facis, ad-
juvabis. De quo, cetera (nisi plane vis eripuerit) recte
sunt: de re familiari timeo,

Ὁ δὲ παίδευται οὐκ ἔρ' ἀνεκτῶς

qui ludos ⁷⁵ H-S ccc comparet. cujus in hoc uno inconside-
rantiam et ego sustinebo, ut potero et tu ut possis, est tuo-
rum nervorum. De motu temporeni venientis anni, nihil
te intelligere volueram domestici timoris, sed de communi
reipublicæ statu: in quo etiamsi nihil procuro, tamen nihil
curare vix possum. Quam autem te velim cautum esse in
scribendo, ex hoc conjicito, quod ego ad te ne hæc quidem
seribo, quæ palam in republica turbantur, ne cujusquam
animum meæ litteræ interceptæ offendant. Quare domes-
tica cura te levatum volo. In republica scio quam sollici-
tus esse soleas. Video Messalam nostrum consulens, ⁷⁶ si
per interregem, sine judicio: si per dictatorem, tamen sine
periculo. odii nihil habet. Hortensii calor multum valebit.
Gabinii absolutio, lex impunitatis putatur. ἐν παρέργῳ: de

⁷⁴ Cogitata sunt.] Sc. a te. voluerat Quintus, fratrem ejus defensionem susci-
pere, in Caesaris, Pompeii, &c. gratiam.

⁷⁵ H-S ccc.] Numerum hunc esse justo
minorem, atque adeo vitiosum, in oculos
incurrit. mox inconsiderantiam dedi pro
considerantiam, ut voluit Manutius. Tun-

stallus tamen corrigit conversationem, p.
107. Sustinebo refero ad precium ei
suppeditandam, si indigeat: id patebex eo,
quod id dicit esse nervorum Quinti.

⁷⁶ Si per interregem.] Int. comitia
habebuntur. cf. Att. V, 12.

dictatore tamen actum adhuc nihil est. Pompeius abest: Appius miscet: Hirrus parat: multi intercessores numerantur: populus non curat: principes nolunt: ego quiesco. De mancipiis, quod mihi polliceris, valde te amo: et sum equidem, uti scribis, et Romæ, et in prædiis infrequens. Sed cave, amabo, quidquam, quod ad meum commodum attineat, nisi maximo tuo commodo, et maxima tua facultate, mi frater, cogitaris. De epistola Vatinius, risi. sed me ab eo ita observari scio, ut ejus ista odia non sorbeam solum, sed etiam concoquam. Quod me hortaris, ut absolvam: habeo absolutum suave, mihi quidem uti videtur, εἰς ad Cæsarem: sed, quaero locupletem tabellarium, ne accidat quod Erigonæ tuæ: cui soli, Cæsare imperatore, iter ex Gallia tutum non fuit. * * Quid? si cæmentum bonum ⁷⁷ non habeam, deturbem ædificium? quod quidem quotidie mihi magis placet: in primisque inferior porticus, et ejus conclavia fiunt recte. De Arcano, Cæsaris opus est, vel mehercule etiam elegantioris alicujus. imagines enim istæ, et palæstra, et piscina, et nilus, multorum Philotimorum est, non Diphilorum. sed et ipsi ea adibimus, et mittemus, et mandabimus. De Felicis testamento tum ⁷⁸ magis querere, si scias. Quas enim tabulas se putavit obsignare, ⁷⁹ in quibus in uncis firmissimum tenuerat, (lapsus est per errorem et summ, et Sicuræ servi,) non obsignavit: quas noluit, eas obsignavit. ἀλλ' οἰμωζέω. nos modo valemus. Ciceronem, et ut rogas, amo, et ut meretur, et ut debeo. Dimitto autem a me, et ut a magistris ne abducam, et quod mater Pomponia discedit, sine quæ edacitatem pueri pertimesco. sed sumus una tamen valde multum. Rescripsi ad omnia, mi suavissime et optime frater.

⁷⁷ Non habeam.] Sic correxi vulgatum habere, quia sequitur deturbem.

⁷⁸ Magis querere.] Sic pro vulgato querens legi volebat editor Flagicus. ego in re manifesta sic corrigere non dubitavi. vestigium vere lectionis est in ed. Jcuso-

ni, quæ habet querar.

⁷⁹ In quibus in uncis firmissimum tenuerat.] In quibus heredes fecerat ex uncis singulis, idque non mutarat, cum autem scriptum testamentum repudiasset.

M. TULLII CICERONIS
EPISTOLARUM

BRUTUM

LIBER SINGULARIS.

ARGUMENTUM.

1

De L. Clodii Trib. pl. singulari et cognito in se Brutumque amore et fide accurate scribit.

CICERO BRUTO S. D.

L. CLODIUS, tribunus plebis designatus, valde me diligit, vel, ut ἐμφατικώτερον ¹dicam, valde me amat. quod cum mihi ita persuasum sit, non dubito (bene enim me nosti) quin illum quoque judices a me amari. Nihil enim mihi minus hominis videtur, quam non respondere in amore iis, a quibus provocere. Is mihi visus est suspicari, nec sine magno quidem dolore, aliquid a suis, vel ²per suos potius iniquos ad te esse delatum, quo tuus animus a se esset alienior. Non soleo, mi Brute, (quod tibi notum esse arbitror,) temere affirmare de altero. est enim periculosum, propter occultas hominum voluntates, multiplicesque naturas. Clodii animum perspectum habeo, cognitum, judicatum. multa ejus indicia: sed ad scribendum non necessaria. Volo enim hoc testimonium tibi videri potius, quam epistolam. Auctus Antonii beneficio est. ejus ipsius beneficii magna pars a te est. itaque cum salvis nobis vellet salvum. In eum autem locum rem adductam intelligit, (est enim, ut scis, minime stultus,) ut ³utrique salvi esse non possint.

¹ Dicam.] Deleri volunt Gruterus et alii, quia in Mss. non repereretur. delevit Almannus, non repertum in Mss. regijs. abest et ed. Rom. Sed Jens. Oratandr. habent, hæc quidem, opinor, e Mss. Germ. itaque servavi, cum et durius abfuerit.

² Per suos p. iniquos.] Sic Mss. fere et edd. pr. quia et alibi iniqui substantive dicuntur a Cicerone, v. Clav. in h. v. id pro inimicos recepi.

³ Utrique salvi esse non possint.] Mihi semper visum est, legendum esse possimus: nam præcedit salvis nobis vellet salvum.

itaque nos mavult. De te vero amicissime et loquitur, et sentit. Quare si quis secus ad te de eo scripsit, aut si coram locutus est, peto a te etiam atque etiam, mihi ut potius credas, qui et facilius judicare possum, quam ille nescio quis, et te plus diligo. Clodium tibi amicissimum existima, civemque talem, qualis et prudentissimus, et fortuna b. optima esse debet.

ARGUMENTUM.

2

Respondet epistola de cohortibus quinque a Dolabella in Cherronesum missis, ejusque clementiam miratur, et Bruti consilium de eo persequendo laudat. In seditionis auctoribus dimittendis clementiam Bruti reprehendit, et suas in Antonium invectivas defendit.

CICERO BRUTO S.

SCRIPTA et obsignata jam epistola, litteræ mihi redditæ sunt a te, plenæ rerum novarum, ⁴maximeque mirabilem. Dolabellam quinque cohortes misisse in Cherronesum? Adeone copiis abundat, ut is, qui ex Asia fugere dicebatur, Europam appetere conetur? Quinque autem cohortibus quid se nam facturum arbitratus est, cum tu eo quinque legiones, optimum equitatum, maxima auxilia haberes? quas quidem cohortes spero jam tuas esse, quoniam latro ille tam fuit demens. ⁵Tuum consilium vehementer laudo, quod non prius exercitum Apollonia, Dyrrachioque movisti, quam de Antonii fuga audisti, ⁶Bruti eruptione, populi Romani victoria. Itaque, quod scribis, postea statuisse te ducere exercitum in Cherronesum, nec pati, sceleratissimo hosti ludibrio esse imperium populi Romani, facis ex tua dignitate, et e republica. Quod scribis de seditione, quæ facta est in legione quarta, ⁷de Antoniis, (in bonam partem accipies,) ⁸magis mihi probatur militum severitas, quam tua. Te benivolentiam exercitus equitumque expertum, vehementer gaudeo. De Dolabella, ut scri-

⁴ *Maximeque mirabile.*] Vulgo libri olim habebant *mirabiles*. Manutius putavit corrigendum esse *mirabilem*. et sic est in ed. Rom. unde recepi. nam et nunc vulgata *m. mirabile*, ut intelligatur hoc est, durior est.

⁵ *Tuum consilium.*] Sic fere Mss. et edd. pr. Vulgo est *et tuum consilium*.

⁶ *Bruti eruptione.*] D. Bruti e Matina, ubi ab Antonio obsidebatur.

⁷ *De Antoniis.*] Sic edd. pr. post editum est de Catoniis, nescio e quo libro, ut et Mss. Paris. habent, unde Manutius suspicabatur verum fuisse C. Antonio, qui seditionis auctor fuisset: bene.

⁸ *Magis mihi probatur militum severitas, quam tua.*] Militum severitas, qui Antonium volvere occidi, quam tua, qui dimisisti. v. Dio Cassius L. 47. p. 340. Sed videtur excidisse atque addenda esse *lenitas*.

bis, si quid habes novi, facies me certiore: in quo valde delector, me ante providisse, ut tuum iudicium liberum esset cum Dolabella belli gerendi: et id valde pertinuit, ut ego tum intelligebam, ad rempublicam, ut nunc iudico, ad dignitatem tuam. Quod scribis, ⁹ me maximo otio egisse, ut insectarer Antonios, idque laudas; credo ita videri tibi: sed illam distinctionem tuam nullo pacto probo. Scribis enim *acrius prohibenda bella civilia esse, quam in superatos iracundiam exercendam*. Vehementer a te, Brute, dissensio: nec clementiæ tuæ concedo; sed salutaris severitas vincit inanem speciem clementiæ. Quodsi clementes esse volumus, numquam decerunt bella civilia. Sed de hoc tu videris. De me possum idem, quod Plautinus pater in Trinummio: *mihī quidem ætas acta fēme est: tua istuc refert maxime*. Opprimemini, (mihī crede,) Brute, nisi provideritis. Neque enim populum semper eundem habebitis, neque senatum, neque ¹⁰ senati ducem. Hæc ex oraculo Apollinis Pythii edita tibi puta. nihil potest esse verius. xiv Kalend. Maias.

ARGUMENTUM.

Octavianum laudat, et lætitiæ Romæ e victoria Consulum et D. Bruti ortam commemorat: Liberalitatem ejus in seditionis auctoribus reprehendi Romæ, et omnes Antonianos hostes judicatos esse scribit.

M. T. C. M. BRUTO S.

NOSTRÆ res meliore loco videbantur. Scripta enim ad te certo scio, quæ gesta sunt. quales tibi sæpe scripsi consules, tales exstiterunt. Cæsaris vero pueri mirifica indoles virtutis. Utinam tam facile eum florentem et honoribus, et gratia, regere ac tenere possimus, quam facile adhuc tenuimus! Est omnino illud difficilior: sed tamen non diffidimus. Persuasum est enim adolescenti, et maxime per me, ejus opera nos esse salvos. et certe, nisi is Antonium ab urbe avertisset, periissent omnia. Triduo vero, aut quadriduo ante hanc rem pulcherrimam, timore quodam percussa civitas tota ad te se cum conjugibus et liberis effundebat. eadem, recreata a. d. xii Kalend. Maias, te huc venire, quam se ad te ire malebat. Quo quidem die magnorum meorum laborum

⁹ Me maximo otio egisse.] Hoc nullum sensum habet. Manutius bene maximo Jena. senatus. animo; alii edidit, illud melius.

¹⁰ Senati ducem.] Sic ed. Rom. Sed

multarumque vigiliarum fructum cepi maximum, si modo est aliquis fructus ex solida veraque gloria. Nam tanta^{b.} multitudinis, quantam capit urbs nostra, concursus est ad me factus. ¹¹Ea cum usque in Capitolium deductus, maximo clamore atque plausu ¹²in rostris collocatus sum. Nihil est in me inane: neque enim debet: sed tamen omnium ordinum consensus, gratiarum actio, gratulatioque, me commovet; propterea quod ¹³popularem me esse in populi salute, præclarum est. ¹⁴Sed hæc te malo ab aliis. me velim de tuis rebus, consiliisque facias diligentissime certior: illudque consideres, ne tua liberalitas dissolutior videatur. Sic sentit senatus, sic populus Romanus, nullos umquam hostes digniores omni supplicio fuisse, quam eos cives, qui hoc bello contra patriam arma ceperunt: quos quidem ego omnibus sententiis ulciscor, et persequor, omnibus bonis approbantibus. Tu quid de hac re sentias, tui iudicii est. Ego sic sentio, trium fratrum unam et eandem esse causam. Consules duos, bonos quidem, sed duntaxat bonos, amissimus. Hirtius quidem in ipsa victoria occidit, cum paucis diebus magno prælio ante vicisset. Nam Pansa fugerat, vulneribus acceptis, quæ ferre non potuit. Reliquias hostium Brutus persequitur, et Cæsar. Hostes autem omnes iudicati, qui M. Antonii sectam secuti sunt. Itaque id senatus consultum plerique interpretantur, etiam ad tuos, sive captivos, sive dediticios pertinere. Equidem nihil disserui durius, cum nominatim de C. Antonio decernerem, quod ita statueram, a te ¹⁵cognoscere causam ejus senatum oportere. x Kalend. Maias.

ARGUMENTUM.

4

Respondet superiori epistola, et reprehensionem nimie in C. Antonium clementie diluit. Monet, ne nimis honoribus Octaviano tribuendis malum exemplum inducatur, quo regnandi cupidi abutantur, atque illis ita regnandi occasio detur, quod se vehementer timere ostendit.

BRUTUS CICERONI S.

QUANTA sim lætitia affectus, cognitis rebus Bruti nostri, et consulum, facilius est tibi existimare, quam mihi p. 275.

11 Ea cum -- deductus.] Videtur excidisse ab initio ab, et in fine essem.

12 In rostris collocatus sum.] Ut concionarer sc. de victoria apud Mutinam.

13 Popularem me esse.] Gruterus me deleri volebat. bene.

14 Sed hæc te malo ab aliis.] Omisi audivere, quod in fine addunt vulgati. abest ed. Rom. Vict. et Mss. Paris.

15 Cognoscere causam -- oportere.] Sc. ante, quam iudicaret ac decerneret.

scribere. Cum alia laudo, et gaudeo accidisse, tum quod Bruti eruptio non solum ipsi salutaris fuit, sed etiam maximo ad victoriam adjumento. Quod scribis, trium Antoniorum unam atque eandem causam esse: quid ego sentiam, mei iudicii esse: statuo nihil, nisi hoc: Senatus aut populi Romani iudicium esse de iis civibus, qui pugnantes non interierint. At hoc ipsum, inquires, inique facis, qui hostilis animi in rempublicam homines, cives appelles. Immo iustissime. Quod enim nondum senatus censuit, nec populus Romanus iussit, id arroganter non præjudico, neque revoco ad arbitrium meum. Illud quidem non muto, quod ei, quem me occidere res non coegit, neque crudeliter quidquam eripui, neque dissolute quidquam remisi: habuique in mea potestate, quoad bellum fuit. Multo quidem honestius iudico, magisque quod concedere possit respublica, miserorum fortunam non insectari, quam infinite tribuere potentibus, quæ cupiditatem et arrogantiam incendere possint. Qua in re, Cicero, vir optime ac fortissime, mihi que merito, et meo nomine, et reipublicæ, carissime, nimis credere videris spei tuæ: statimque, ut quisque aliquid recte fecerit, omnia dare ac permittere: quasi non liceat traduci ad mala consilia corruptum largitionibus animum. Quæ tua est humanitas, æquo animo te moneri patieris, præsertim de communi salute: facies tamen, quod tibi visum fuerit: etiam ego, cum me docueris. Nunc, Cicero, nunc agendum est, ne frustra, oppressum esse Antonium, gavisus simus, neu semper ¹⁶ primi cujusque mali excidendi causa sit, ut aliud renascatur illo pejus. Nihil jam
b. ¹⁷ neque opinantibus, aut patientibus nobis, adversi evenire potest, in quo non cum omnium culpa, tum præcipue tua futura sit: cujus tantam auctoritatem senatus ac populus Romanus non solum esse patitur, sed etiam cupit, quanta maxima in libera civitate unius esse potest: quam tu non solum bene sentiendo, sed etiam prudenter tueri debes. Prudentia porro, ¹⁸ quæ tibi superest, nulla abs te desideratur, nisi modus in tribuendis honoribus. Alia omnia sic abunde adsunt, ut cum quolibet antiquorum ¹⁹ comparari

16 *Primi mali excidendi causa sit.*] Brutus vult dicere, neu semper primi mali sublati hic effectus sit, sc. ne semper propterea aliquod malum tollamus, ut aliud inducatur, idque fere majus.
 17 *Neque opinantibus aut patientibus*

nobis.] Præter opinionem, aut contra voluntatem nostram. neque ad utrumque, opinantibus et patientibus pertinet, estque pro non.

18 *Quæ tibi superest.*] Abunde suppetit.

19 *Comparari possint tuæ virtutes.*] Mss.

possunt tuæ virtutes. ²⁰ unum hoc, grato animo liberalique profectum, cautio-rem ac moderatiorem liberalitatem desiderat. Nihil enim senatus cuiquam dare debet, quod male cogitantibus exemplo aut præsidio sit. Itaque timeo ²¹ de consulatu, ne Cæsar tuus altius se adscendisse putet decretis tuis, ²² quam inde, si consul factus sit, descensurum. Quodsi Antonius, ²³ ab alio relictum regni instrumentum, occasionem regnandi habuit: quonam animo fore putas, si quis, auctore, non tyranno interfecto, sed ipso senatu, putet se imperia quælibet concupiscere posse? Quare tum et felicitatem, et providentiam laudabo tuam, cum exploratum habere cœpero, Cæsarem honoribus, quos acceperit, extraordinariis fore contentum. Alienæ igitur, inquires, culpæ ²⁴ me reum subicies? Prorsus alienæ, si provideri potuit, ne existeret, quod utinam inspectare possis timorem de illo meum! Hic litteris scriptis, te consulem factum audivimus. tum vero incipiam proponere mihi reipublicam justam, et jam suis nitentem viribus, si isthuc videro. Filius valet, et in Macedoniam cum equitatu præmissus est. Idibus Maiis, ex castris.

ARGUMENTUM.

5

Scribit a Senatu permissum esse arbitrio Bruti rem de Dolabella persequendo, de eaque suam consilium ostendit: Filium suum se velle in collegium Pontificum minorum absentem cooptari, idque per leges Domitiam et Juliam fieri posse demonstrat; de quo sententiam Bruti scire cupit.

CICERO BRUTO S.

p. 276.

a.

A. D. v Kalendas Maias, cum de iis, qui hostes ²⁵ iudicati sunt, bello persequendis, sententiæ dicerentur, dixit Servilius etiam de Ventidio, et ut Cassius persequeretur Dolabellam. Cui cum essem assensus, decrevi hoc amplius, ut tu, si arbitrarere utile, eque republica esse, persequere bello Dolabellam: si minus id commodo reipublicæ

Paris. tuæ virtutes conjungunt cum sequentibus, ut et in aliis reperit Manutius.

²⁰ Unum hoc, grato animo lib. profectum, &c.] Sensum esse puto: in uno hoc, quamquam grati liberalisque animi documentum et opus est, moderatio liberalitatis desideratur.

²¹ De consulatu.] Si Cæsar consul factus sit.

²² Quam inde descensurum.] Pro, quam ut inde descendere sustineat aut possit descendere. est sane durius, sed alius sensus

commodus exsculpi e verbis non potest.

²³ Ab alio relictum regni instrumentum.] Ab alio, a Cæsare. regni instrumentum et infra ep. 15. dicitur delatum ad Antonium et Lepidum, ubi vide.

²⁴ Me reum facies.] Mss. Paris. me reum subicies, teste Alemanno, et alii, testo Jac. Gronovio, item edd. Rom. Jems. nec dubitavi cum Alemanno recipere. et est elegantius vulgato facies.

²⁵ Iudicati sunt.] Usitatius esset iudicati essent.

facere posses, sive non existimares e republica esse, ut in iisdem locis exercitum contineres. Nihil honorificentius potuit facere senatus, quam ut tuum esset iudicium, quid maxime conducere reipublicæ tibi videretur. Equidem sic sentio, si munus habet, si castra, si ubi consistat uspiam. Dolabella: ad fidem, et ad dignitatem tuam pertinere, cum persequi. De Cassii nostri copiis nihil sciebamus. neque enim ab ipso ullæ litteræ, neque nuntiabatur quidquam, quod pro certo haberemus. Quantopere autem intersit, opprimi Dolabellam, profecto intelligis; cum ut sceleris poenas persolvat, tum ne sit, quo se latronum duces ex Mutinensi fuga conferant. Atque hoc mihi jam ante placuisse, potes ex superioribus meis litteris recordari: quamquam tum et fugæ portus erat in tuis castris, et subsidium salutis in tuo exercitu. quo magis nunc liberati (ut spero) periculis, in Dolabella opprimendo occupati esse debemus. Sed hæc cogitabis diligentius, statues sapienter: facies nos, quid constitueris, et quid agas, (si tibi videbitur,) certiores. Ciceronem nostrum ²⁶ in vestrum collegium cooptari volo. Existimo omnino, absentium rationem, sacerdotum comitiis posse haberi. nam etiam factum est antea. C. enim Marius, cum in Cappadocia esset, lege Domitia factus est augur: nec, quo minus id postea liceret, ulla lex sanxit. Est etiam in lege Julia, quæ lex est de sacerdotiis proxima, his verbis, QUI PETIT, CUJUSVE RATIO HABEBITUR. ²⁷ aperte indicat, posse rationem haberi etiam non præsentis. Hac de re scripsi ad eum, ut tuo iudicio uteretur, sicut in rebus omnibus. Tibi autem statuendum est de Domitio, et de Catone nostro. Sed quamvis liceat absentis rationem haberi, tamen omnia sunt præsentibus faciliora. Quodsi statueris in Asiam tibi eundem, nulla erit ad comitia nostros arcessendi facultas. Omnino, Pansa vivo, celeriora omnia putabamus. statim enim collegam sibi subrogasset: deinde ante prætoria, sacerdotum comitia fuissent. Nunc per auspicia longam moram video. Dum enim unus erit patricius magistratus, ²⁸ auspicia ad patres redire non possunt. magna sane perturbatio. Tu tota de re quid sentias, velim me facias certiores. III Nonas Maias. Vale.

²⁶ In vestrum collegium.] Pontificum.

²⁷ Aperte indicat.] Lex his verbis, que scripsi.

²⁸ Auspicia ad patres redire non possunt.] Ut sc. interrex creari, et per eum comitia consularia et Pontificum haberi possint.

ARGUMENTUM.

Respondet epistolæ superiori: Glauconæ medicum Pansæ, ut e custodia eripiat, rogat; Flaviū, qui cum Dyrrhachinis litem habebat, commendat, et de Dolabella fugato cæsoque certiorē facit.

BRUTUS CICERONI S.

NOLI exspectare, dum tibi gratias agam. jampridem hoc ex nostra necessitudine, quæ ad summam benivolentiam pervenit, sublatum esse debet. Filius tuus a me abest. in Macedonia congregiemur. Jussus est enim Ambracia ducere equites per Thessaliam, et scripsi ad eum, ut mihi Heracleam occurreret. Cum eum videro, quoniam nobis permittis, communiter constituemus de reditu ejus ad petitionem, aut ad commendationem honoris. Tibi Glauconæ, medicum Pansæ, qui sororem Achilleos nostri in matrimonio habet, diligentissime commendo. audimus, eum venisse in suspicionem Torquato ^{p. 277.} ^{a.} de morte Pansæ, custodiri que, ut parricidam. nihil minus credendum est. quis enim majorem calamitatem morte Pansæ accepit? præterea est modestus homo, et frugi: quem ne utilitas quidem videatur impulsura fuisse ad facinus. Rogo te, et quidem valde rogo, (nam Achilleus noster non minus, quam æquum est, laborat,) eripias eum ex custodia, conservesque. Hoc ego ad meum officium privatarum rerum æque, atque ullam aliam rem pertinere arbitror. Cum has ad te scriberem litteras, ab Satrio, legato C. Trebonii, reddita est mihi epistola, ³⁰ a Tillio et Deiotaro, Dolabellam cæsum fugatumque esse. Græcam epistolam tibi misi Cycherei cujusdam, ad Satrium missam. Flavius noster de controversia, quam habet cum Dyrrachinis hereditariam, sumsit te judicem. rogo te, Cicero, et Flavius rogat, rem conficias. quin ei, qui Flavium fecit heredem, pecuniam debuerit civitas, non est dubium: neque Dyrrachini infitiantur; sed sibi donatum æs alienum a Cæsare dicunt. Noli pati, ³¹ a necessariis tuis necessario meo injuriam fieri. xvii Kalend. Jun. ex castis, ad imam Candaviam.

29 De Morte Pansæ.] Quasi venenum in vulnus indiderit: quæ tum suspicio fuit. v. Svet. Aug. c. 11. fait, non Tullius, ut omnes hodie sciunt et consentiunt.

30 a Tillio.] Sic correxi vulgatam Tullio. est enim sermo de Cimbro, qui Tullius, qui erant in Ciceronis clientela, et ipse testatur pro Plancio, c. 41.

L. Bibulum ut in Pansæ locum nominet, rogat.

BRUTUS CICERONI S.

L. BIBULUS quam carus mihi esse debeat, nemo melius judicare potest, quam tu: cujus tantæ pro republica contentiones, sollicitudinesque fuerunt. Itaque vel ipsius virtus, vel nostra necessitudo debet conciliare te illi: quo
 b. minus multa mihi scribenda esse arbitror. Voluntas enim te movere debet nostra, si modo justa est, aut pro officio necessario suscipitur. In Pansæ locum petere constituit. eam nominationem a te petimus. neque conjunctiori dare beneficium, quam nos tibi sumus, neque digniorem nominare potes, quam Bibulum. De Domitio et Apuleio quid attinet me scribere, cum ipsi per se tibi commendatissimi sint? Apuleium vero tu tua auctoritate sustinere debes. Sed Apuleius in sua epistola celebrabitur. Bibulum noli dimittere ex sinu tuo, tantum jam virum, ex quanto, crede mihi, potest evadere, qui vestris paucorum respondeat laudibus.

C. Nasennium municipem Suessanum commendat.

CICERO BRUTO S.

MULTOS tibi commendavi, et commendem, necesse est. optimus enim quisque vir, et civis, maxime sequitur judicium tuum, tibi que omnes fortes viri navare operam et studium volunt: nec quisquam est, quin ita existimet, meam apud te et gratiam et auctoritatem valere plurimum. Sed C. Nasennium, municipem Suessanum, tibi ita commendo, ut neminem diligentius. Cretensi bello, Metello imperatore, octavum principem duxit: postea in re familiari occupatus fuit. Hoc tempore cum reipublicæ partibus, tum tua excellenti dignitate commotus, vellet per te aliquid auctoritatis assumere. Fortem virum, Brute, tibi commendo, frugi hominem, et, si quid ad rem pertinet, etiam locupletem. Pergratum mihi erit, si eum ita tractaris, ut merito tuo mihi grāas agere possit.

ARGUMENTUM.

9

Brutum, de re, nesciunt eruditi qua, exquisita arte consolatur et ad fortitudinem cohortatur.

CICERO BRUTO S.

p. 278.

u.

FUNGERER officio, quo tu functus es in meo luctu, teque per litteras consolarer, nisi scirem, his remediis, quibus meum dolorem tu levasses, te in tuo non egere: ac velim facilius, quam tunc mihi, nunc tibi tute medeare. Est enim alienum tanto viro, ut es tu, quod alteri præceperit, id ipsum facere non posse. Me quidem cum rationes, quas collegeras, tum auctoritas tua, a nimio mærore deterruit. Cum enim mollius tibi ferre viderer, quam deceret virum, præsertim cum, qui alios consolari soleret; accusasti me per litteras gravioribus verbis, quam tua consuetudo ferebat. Itaque iudicium tuum magni æstimans, idque veritus, me ipse collegi: et ea, quæ didiceram, legeram, acceperam, graviora duxi, tua auctoritate addita. Ac mihi tum, Brute, officio solum erat, et naturæ; tibi nunc populo et scenæ (ut dicitur) serviendum est. Nam cum in te non solum exercitus tui, sed omnium civium, ac pæne gentium coniecti oculi sint, minime decet, propter quem fortiores ceteri sumus, cum ipsum animo debilitatum videri. Quam ob rem acceperisti tu quidem dolorem, (id enim amisisti, cui simile in terris nihil fuit,) et est dolendum in tam gravi vulnere, (ne id ipsum, carere omni sensu doloris, sit miserius, quam dolere,) sed, ut modice, ceteris utile est, tibi necesse est. Scriberem plura, nisi ad te hæc ipsa nimis multa essent. Nos te, tuumque exercitum exspectamus: sine quo, ut reliqua ex sententiâ succedant, vix satis liberi videmur fore. De tota república plura scribam, et fortasse jam certiora his litteris, quas Veteri nostro cogitabam dare.

ARGUMENTUM.

10

Quomodo bellum ad Mutinam geratur, et quid de Octaviano recreatur, totumque reip. statum perscribit; hortaturque, ut ex senatus auctoritate celeriter cum exercitu in Italiam veniat, Cassiumque, ut idem faciat hortetur.

CICERO BRUTO S.

b.

NULLAS adhuc a te litteras habebamus: ne famam quidem, quæ declararet, te, cognita senatus auctoritate, in

Italiam adducere exercitum : quod ut faceres, idque maturares, magnopere desiderabat respublica. Ingravescit enim in dies intestinum malum, nec externis hostibus magis, quam domesticis laboramus : qui erant omnino ab initio belli, sed facilius frangebantur. Erectior senatus erat, non sententiis solum nostris, sed etiam cohortationibus excitatus. Erat in senatu satis vehemens et acer Pansa, cum in ceteros hujus generis, tum maxime in socerum : cui consuli non animus ab initio, non fides ad extremum defuit. Bellum ad Mutinam gerebatur, nihil ut in Cæsare reprehenderes ; nonnulla in Hirtio. hujus belli fortuna, ut in secundis, fluxa : ut in adversis, bona. erat victrix respublica, cæsis Antonii copiis, ipso expulso a Bruto. Deinde ita multa peccata, ut quodammodo victoria excideret e manibus, perterritos, inermes, saucios non sunt nostri duces persecuti : datumque Lepido tempus est, in quo levitatem ejus, sæpe perspectam, majoribus in malis experiremur. Sunt exercitus boni, sed rudes, Bruti et Planci. Sunt fidelissima et maxima auxilia Gallorum, sed Cæsarem meis consiliis adhuc gubernatum, præclara ipsum indole, admirabilique constantia, improbissimis litteris quidam, fallacibusque interpretibus ac nuntiis impulerunt in spem certissimam consulatus. Quod simul atque sensi ; neque ego illum absentem litteris monere destiti, nec accusare præsentem ejus necessarios, qui ejus cupiditati suffragari videbantur : nec in senatu sceleratissimorum consiliorum fontes aperire dubitavi : nec vero ulla in re memini, aut senatum meliorem, aut magistratus. Numquam enim in honore extraordinario potentis hominis, vel potentissimi potius, (quandoquidem potentia jam in vi posita est, et armis,) accidit, ut nemo tribunus plebis, nemo alio magistratu, nemo privatus, auctor existeret. sed in hac constantia atque virtute, erat tamen sollicita civitas. Illudimur enim, Brute, cum militum deliciis, tum imperatoris insolentia. Tantum quisque se in republica posse postulat, quantum habet virium. non ratio, non modus, non lex, non mos, non officium valet : non judicium, non existimatio civium, non posteritatis verecundia. Hæc ego multo ante prospiciens, fugiebam ex Italia, tum, cum me vestrorum edictorum fama revocavit. Incitavisti vero tu me, Brute, Veliaë. quamquam enim dolebam, in eam me

urbem ire, quam tu fugeres, qui eam liberavisses, quod mihi quoque quondam acciderat, periculo simili, casu tristiore: perrexī tamen, Romamque perveni, nulloque præsidio quatefecī Antonium: contraque ejus arma nefanda, præsidia, quæ oblata sunt, Cæsaris consilio et auctoritate firmavi. qui si steterit idem, mihiq̃ue paruerit satis videmur habituri præsidiī. sin autem impiorum consilia plus valuerint, quam nostra; aut imbecillitas ætatis non potuerit gravitatem rerum sustinere: spes omnis est in te. Quam ob rem advola, obsecro, atque eam rempublicam, quam virtute, atque animi magnitudine magis, quam eventis rerum liberasti, exitu libera. omnis omnium concursus ad te futurus est. Hortare idem per litteras Cassium. Spes libertatis nusquam, nisi ³² in vestrorum castrorum principiis est. Firmos omnino et duces habemus ³³ ab occidente, et exercitus. Hoc adolescentis præsidium equidem adhuc firmum esse confido. sed ita multi labefactant, ut, ne moveatur, interdum extimescam. Habes totum reipublicæ statum: qui quidem tum erat, cum has litteras dabam. Velim deinceps meliora sint: sin aliter fuerit (quod dii omen avertant!) reipublicæ vicem dolebo: quæ immortalis esse debebat. mihi quidem quantum reliqui est?

ARGUMENTUM.

11

Veteris Antistii animum in remp. laudat; et ipsius petitionem præturæ ut adjuvet, ceterisque in rebus eum complectatur, rogat.

BRUTUS CICERONI S.

VETERIS Antistii talis animus est in rempublicam, ut non dubitem, quin et in Cæsare et Antonio se præstaturus fuerit acerrimum propugnatorem communis libertatis, si occasione potuisset occurrere. Nam, qui in Achaia congressus, P. Dolabella milites atque equites habente, quodvis adire periculum, ex insidiis paratissimi ad omnia latronis, maluerit, quam videri aut coactus esse pecuniam

³² In vestrorum castr. principiis est.] Principiis offendit viros doctos. Manutius, si unus liber antiquus haberet præsidiis, id se præturum dixit. Sed habet ed. Rom. Jensonus primus principiis dedit, sic autem videtur dixisse Cicero, si tamen dixit, pro in castris vestris, vel po-

tius in exercitibus vestris, quia in principiis castrorum fiunt conciones ad exercitum, quibus impelli possint ad partes aliquas suscipiendas ac defendendas.

³³ Ab occidente.] Ab Hispania et Gallia, sc. Sextum Pompeium et Asinium Pollionem, Plancum.

dare, aut libenter dedisse homini nequissimo atque improbissimo: is nobis ultro et pollicitus est, et dedit H-S XX ex sua pecunia: et, quod multo carius est, seipsum obtulit et conjunxit. Huic persuadere coepimus, ut imperator in castris remaneret, remque publicam defenderet. ³⁴statuit eundem sibi, quoniam exercitum dimisisset. statim vero rediturum ad nos confirmavit, legatione suscepta, nisi prætorum comitia habituri essent consules. Nam illi ita sentienti de republica magnopere auctor fui, ne differret tempus petitionis suæ. cujus factum omnibus gratum esse debet, qui modo judicant, hunc exercitum esse reipublicæ.

p. 280. ^{a.} tibi tanto gratius, quanto et majore animo gloriaque libertatem nostram defendis, et dignitatem; si contigerit nostris consiliis exitus, quem optamus, ³⁵perfuncturus es. Ego etiam, mi Cicero, proprie familiariterque te rogo, ut Vetterem ames, velisque esse quam amplissimum: qui etsi nulla re deterreri a proposito potest, tamen excitari tuis laudibus, indulgentiaque poterit, quo magis amplexetur ac tueatur judicium suum. et mihi gratissimum erit.

12

ARGUMENTUM.

Excusat se Bruto, quod matris ejus et sororis precibus, de liberis M. Lepidi, quem hostem Senatus judicavit, excipiendis satisfacere non posset. De Antistio liberaliter promittit, et ipsum ut in Italiam veniat, hortatur.

CICERO BRUTO S.

ETSI daturus eram Messalæ Corvino continuo litteras, tamen Vetterem nostrum ad te sine litteris meis venire nolui. Maximo in discrimine respublica, Brute, versatur, victoresque rursus decertare cogimur. id accidit M. Lepidi scelere et amentia. Quo tempore cum multa propter eam curam, quam pro republica suscepi, graviter ferrem, tum nihil tui gravius, quam me non posse matris tuæ precibus cedere, non sororis. nam tibi, quod mihi plurimi est, facile me satisfacturum arbitrabar. Nullo enim modo poterat ³⁶causa Lepidi distingui ab Antonio: omniumque judicio etiam durior erat, quod, cum hono-

³⁴ Statuit eundem sibi.] Sic legi volebant Manutius et Lamb. et sic est in ed. Rom. unde restitui. Vulgatum statuit id sibi induxit Jensonus.

³⁵ Perfuncturus es.] Mihi placet, quod Gruterus in Palat. 3. reperit, *perfunctus es*,

i. e. habes quod vis et optasti.

³⁶ Causa Lepidi distingui ab Ant.] Aliter Lepidus tractari et lenius, quam Antonius, quippe in eodem genere percarat.

ribus amplissimis a senatu esset Lepidus ornatus, tum etiam paucis ante diebus præclaras litteras ad senatum misisset: repente non solum recepit reliquias hostium, sed bellum acerrimum terra marique gerit: cujus exitus qui futurus sit, incertum est. Itaque cum rogamur, ut misericordiam liberis ejus impertiamus, nihil affertur, quo minus summa supplicia, si (quod Jupiter omen avertat!) pater puerorum vicerit, subeunda nobis sint. Nec vero me fugit, quam sit acerbum, parentium scelera filiorum poenis lui. b. Sed hoc præclare legibus comparatum est, ut caritas liberorum amiciores parentes reipublicæ redderet. Itaque Lepidus crudelis in liberos, non is, qui Lepidum hostem judicat. Atque ille si, armis positis, de vi damnatus esset, quo in judicio certe defensionem non haberet: eandem calamitatem subirent liberi, bonis publicatis. quamquam, quod tua mater et soror deprecatur pro pueris, idipsum et multa alia crudeliora nobis omnibus Lepidus, Antonius, et reliqui hostes denuntiant. Itaque maximam spem hoc tempore habemus in te, atque exercitu tuo. Cum ad reipublicæ summam, tum ad gloriam et dignitatem tuam vehementer pertinet, te in Italiam, ut ante scripsi, venire quamprimum. Eget enim vehementer cum viribus tuis, tum etiam consilio respublica. Veterem, pro ejus erga te benivolentia singularique officio, libenter ex tuis litteris complexus sum: cumque cum tui, tum reipublicæ studiosissimum amantissimumque cognovi. Cicronem meum propediem, ut spero, videbo. tecum enim illum, et te in Italiam celeriter esse venturum confido.

ARGUMENTUM.

13

Liberos Lepidi commendat, sibi ut hoc detur. rogat, ne ex lege cum iis agatur.

BRUTUS CICERONI S.

DE M. Lepido vereri me cogit reliquorum timor: qui ³⁷ si eripuerit se nobis, (quod velim temere atque injuriose de illo suspicati sint homines,) oro atque obsecro te, Cicero, necessitudinem nostram, tuamque in me benivolentiam obtestans, sororis meæ liberos obliviscaris esse Lepidi filios, meque his in patris locum successisse existimes,

37 Si eripuerit se nobis.] Ad partes hostiles transierit.

- p. 281. hoc si a te impetro, nihil profecto dubitabis pro his susci-
 a. pere. Aliter alii cum suis vivunt: nihil ego possum in sororis meae liberis facere, quo possit expleri voluntas mea aut officium. Quid vero aut mihi tribuere boni possunt, si modo digni sumus, quibus aliquid tribuatur: aut ego matri, ac sorori, pnerisque illis præstaturus sum, si nihil valuerit apud te, reliquumque senatum, contra patrem Lepidum, Brutus avunculus? Scribere multa ad te neque possum præ sollicitudine ac stomacho, neque debeo. Nam si in tanta re, tamque necessaria, verbis mihi opus est ad te excitandum et confirmandum: nulla spes est, facturum te quod volo, et quod oportet. Quare noli expectare longas preces. intueri meipsum, ³⁸ qui hoc vel a Cicerone, conjunctissimo homine, privatim, vel a consulari, tali viro, remota necessitudine privata, impetrare debeo. Quid sis facturus, velim mihi quamprimum rescribas. Kalend. Quint. ex castris.

14

ARGUMENTUM.

Paucitatem et breviteriam epistolarum Bruti accusat: rogat, ut Ciceronem secum retineat; et in Italiam quam primum ut veniat, hortatur.

CICERO BRUTO S.

- BREVES tuæ litteræ: breves dico? immo nullæ. tribusne versiculis his temporibus Brutus ad me? nihil scripsissem potius, et requiris meas. Quis unquam ad te tuorum sine meis venit? Quæ autem epistola non pondus habuit? Quæ si ad te perlatae non sunt, ne domesticas quidem tuas perlatas arbitror. Ciceroni scribis te longiorem daturum epistolam. recte id quidem: sed hæc quoque debuit esse plenior. Ego autem, cum ad me de Ciceronis abs te discessu scripsisses, statim extrusi tabellarios, literasque ad Ciceronem; ut, etiamsi in Italiam venisset,
 b. ad te rediret. nihil enim mihi jucundius, nihil illi honestius. quamquam aliquoties ei scripseram, sacerdotum comitia, mea summa contentione in alterum annum esse rejecta: quod ego cum Ciceronis causa elaboravi, ³⁹ tum Domitii, Catonis, Lentuli, Bibulorum: quod ad te etiam scripseram. Sed videlicet cum illam pusillam epistolam tuam ad me

38 Q. h. a te vel a Cic.] A te bene aberat a Ms. Balliol. et Mss. Paris. delevi.

39 Tum Domitii, Catonis, &c.] Qui et ipsi apud Brutum erant, et Pontificatum petere volebant.

dabas, nondum erat tibi id notum. Quare omni studio a te, mi Brute, contendo, ut Ciceronem meum ne dimittas, tecumque deducas: quod ipsum, si rempublicam, ⁴⁰ cui susceptus es, respicis, tibi jam jamque faciendum est. renatum enim bellum est: idque non parvo scelere Lepidi. Exercitus autem Cæsaris, qui erat optimus, non modo nihil prodest, sed etiam cogit exercitum tuum flagitari: qui si Italiam attigerit, erit civis nemo (quem quidem civem appellari fas sit) qui se non in tua castra conferat. etsi Brutum præclare cum Planco conjunctum habemus. sed non ignoras, quam sint incerti animi hominum, ⁴² et infecti partibus; et exitus præliorum. Quin etiam, si, ut spero, vicerimus, tamen magnam gubernationem tui consilii, tuæque auctoritatis res desiderabit. Subveni igitur, per deos, idque quamprimum, tibi que persuade, non te Idibus Martiis, quibus servitutem ⁴³ a tuis civibus depulisti, plus profuisse patriæ, quam, si mature veneris, profuturum. II Idus Quint.

ARGUMENTUM.

15

Messalam mirifice laudat, et reprehensionem nimiam in tribuendis honoribus facilitatis, in pœnis autem de cernendis severitatis accurate diluit. Urget præterea reditum in Italiam, et de Lepidi liberis studium suum pollicetur.

CICERO BRUTO S.

MESSALAM habes. Quibus igitur litteris tam accurate scriptis assequi possum, subtilius ut explicem, quæ gerantur, quæque sint in republica, quam tibi is exponet, qui et optime omnia novit, et elegantissimè expedire et deferre ad te potest? Cave enim existimes, Brute, (quamquam non est necesse, ea me ad te, quæ tibi nota sunt, scribere: sed tamen tantam omnium laudum excellentiam non queo silentio præterire,) cave putes, probitate, constantia, cura, studio reipublicæ quidquam illi esse simile: ut eloquentia, qua mirabiliter excellit, vix in eo locum ad laudandum habere videatur. quamquam in hac ipsa, ⁴⁴ sa-

p. 282.

⁴⁰ *Tecumque deducas.*] De provincia. Sic ed. Rom. Junt. et Mss. Paris. alie adducas, prætor Victor.

⁴¹ *Cui susceptus es.*] Ad ejus salutem natus es.

⁴² *Et infecti partibus.*] Proclives ad partium studium, puto et esse deledum, ita melius et exitus pr. conjungitur cum incerti.

⁴³ *A tuis civibus repulisti.*] Scripsi depulisti. nam jam servitutem sustinebant: ergo non repulit sed depulit. alibi etiam hæc verba sunt confusa. Sic ep. seq. *magnus pestis erat depulsa per vos, non repulsa.*

⁴⁴ *Sapientia plus apparet.*] Faernus malebat sapientia. bene.

pientia plus apparet. ita gravi iudicio, multaque arte se exercuit in verissimo genere dicendi. Tanta autem industria est, tantumque evigilat in studio, ut non maxima ingenio (quod in eo summum est) gratia habenda videatur. Sed provehor amore. non enim id propositum est huic epistolæ, Messalam ut laudem, præsertim ad Brutum, cui et virtus illius non minus, quam mihi, nota est, et hæc ipsa studia, quæ laudo, notiora: quem cum a me dimittens, graviter ferrem; hoc levabar uno, quod ad te, tamquam ad alterum me, proficiscens, et officio fungebatur, et laudem maximam sequebatur. Sed hæc hactenus. Venio nunc longo sane intervallo ad quandam epistolam, qua mihi multa tribuens, unum reprehendebas, quod in honoribus decernendis essem nimius, et tamquam prodigus. Tu hoc: alius fortasse, quod in animadversione pœnaque durior; ⁴⁵ nisi fortasse utrumque tu. Quod si ita est, utriusque rei meum iudicium tibi cupio esse notissimum: neque solum, ut Solonis dictum usurpem, qui et sapientissimus fuit ex septem, et legum scriptor solus ex septem. Is rempublicam duabus rebus contineri dixit, præmio et pœna. est scilicet utriusque rei modus, sicut reliquarum, et quædam in utroque genere mediocritas:

b. sed non tanta de re propositum est hoc loco disputare. Quid ego autem secutus hoc bello sim in sententiis dicendis, aperire non alienum puto. Post interitum Cæsaris, et vestras memorabiles Idus Martias, Brute, quid ego ⁴⁶ prætermissum a vobis, quantamque impendere rei publicæ tempestatem dixerim, non es oblitus. Magna pestis erat depulsa per vos, magna populi Romani macula deleta: vobis, vero parta divina gloria: ⁴⁷ sed instrumentum regni delatum ad Lepidum et Antonium: quorum alter inconstantior, alter impurior, uterque pacem metuens, inimicus otio. His ardentibus perturbandæ reipublicæ cupiditate, quod opponi posset præsidium, non habebamus. Erexerat enim se civitas, in retinenda libertate consentiens. Nos tum nimis acres: vos fortasse sapientius excessistis

45 Nisi fortasse utrumque tu.] Propter honores Cæsari decretos a me, et in liberos Lepidi severitatem, de qua ep. 13.

46 Prætermissum a vobis.] Non infecto sc. una Antonio.

47 Sed instrumentum regni delatum ad Lepidum et Antonium.] Instrumentum regni intelligit sine dubio copias militum Cæsarianas.

turbe ea, quam liberaratis : ⁴⁸ Italiae sua vobis studia profi-
tenti remisistis. Itaque cum teneri urbem a parricidis vi-
derem, nec te in ea, nec Cassium tuto esse posse, eamque
armis oppressam ab Antonio : mihi quoque ipsi esse exce-
dendum putavi. Tætrum enim spectaculum, oppressa ab
impiis civitas, opitulandi potestate præcisa. Sed animus
idem, qui semper infixus est in patriæ caritate, discessum
ab ejus periculis ferre non potuit. itaque in medio Achaico
cursu, cum Etesiarum diebus Auster me in Italiam, quasi
dissuasor mei consilii, retulisset, te vidi Veliae, dolique
vehementer. Cedebas enim, Brute, ⁴⁹ cedebas ; quoniam
Stoici nostri negant, fugere sapientis. Romam ut veni, sta-
tim ⁵⁰ me obtuli Antonii scelerei atque dementiæ : quem cum
in me incitavissem, consilia inire cœpi Brutina planè (ves-
tri enim hæc sunt propria sanguinis) reipublicæ liberandæ.
Longa sunt, quæ restant, prætereunda : sunt enim de me :
tantum dico, Cæsarem hunc adolescentem, per quem ad-
huc sumus, si verum fateri volumus, fluxisse ex fonte con-
siliorum meorum. Huic habiti a me honores nulli quidem,
Brute, nisi debiti : nulli, nisi necessarii. Ut enim primum
libertatem revocare cœpimus, cum se nondum ne Decimi
quidem Bruti divina virtus ita commovisset, ut jam id scire
possemus : atque omne præsidium esset in puero, qui a
cervicibus nostris avertisset Antonium : quis honos ei non
fuit decernendus ? quamquam ego illi tum verborum lau-
dem tribui, eamque modicam. Decrevi etiam imperium :
quod quamquam videbatur illi ætati honorificum, tamen
erat exercitum habenti necessarium. quid enim est sine im-
perio exercitus ? Statuam Philippus decrevit, ⁵¹ celerita-
tem petitionis primo Servius, post majorem etiam Servi-
lius. nihil tum nimium videbatur. Sed nescio quomodo
facilius in timore benigni, quam in victoria ⁵² grati reperi-
untur. Ego enim, D. Bruto liberato, cum lætissimus ille
civitati dies illuxisset, idemque casu Bruti natalis esset,
decrevi, ut in fastis ad eum diem Bruti nomen adscribere-
tur. in eoque sum majorum exemplum secutus, qui hunc

p. 283.
a.

48 Italiae sua vobis studia pr. remisistis.] Remisistis, non estis usi studiis oblati.

49 Cedebas.] Inquam : hoc verbo sum usus, quia fugientis verbum tibi non convenit.

50 Me obtuli.] Opposui, adversatus sum

et oppugnavi.

51 Celeritatem petitionis.] Ut ante æta-
tem legitimam posset magistratum petere.

52 Grati reperiuntur.] Int. homines.
Sic edd. pr. et Mss. fere. Vulgo seperi-
mur.

honorem mulieri Larentiæ tribuerunt, cui vos pontifices ad aram ⁵³in Velabro facere soletis. quod ego cum dabam Bruto, notam esse in fastis gratissimæ victoriæ sempiternam volebam. atque illo die cognovi, ⁵⁴paullo plures in senatu malivolos esse, quam gratos. Eos per ipsos dies, effudi (si ita vis) honores in mortuos, Hirtium et Pansam, Aquilam etiam. quod quis reprehendit, nisi qui, deposito metu, præteriti periculi fuerit oblitus? Accedebat ad beneficii memoriam gratam ratio illa, quæ etiam posteris esset salutaris. ^{b.} Exstare enim volebam in crudelissimos hostes monumenta odii publici sempiterna. Suspicio illud minus tibi probari, quod ab tuis familiaribus, optimis illis quidem viris, sed in republica rudibus, ⁵⁵non probabatur, quod, ut ovanti introire Cæsari liceret, decreverim. Ego autem (sed erro fortasse: nec tamen is sum, ut mea me maxime delectent) nihil mihi videor hoc bello sensisse prudentius. Cur autem ita sit, aperiendum non est, ne ⁵⁶magis videar providus fuisse, quam gratus. hoc ipsum, nimium. quare alia videamus. D. Bruto decrevi honores, decrevi L. Planco. Præclara illa quidem iugenia, quæ gloria invitantur: sed senatus etiam sapiens, qui, qua quemque re putat, modo honesta, ad reipublicam juvandam posse adduci, hac utitur. At in Lepido reprehendimur: cui cum statuam in rostris statuissimus, iidem illam evertimus. Nos illum honore studuimus a furore revocare. vicit amentia levissimi hominis nostram prudentiam. nec tamen tantum in statuenda Lepidi statua factum est mali, quantum in evertenda boni. Satis multa de honoribus. nunc de pœna pauca sunt dicenda. Intellexi enim ex tuis sæpe litteris, te in iis, quos bello devicisti, clementiam tuam velle laudari. Existimo equidem nihil a te, nisi sapienter. Sed sceleris pœnam prætermittere (id enim est, quod vocatur ignoscere) etiam si in ceteris rebus tolerabile est, in hoc bello perniciosum puto. Nullum enim bellum civile fuit in nostra re-

⁵³ In Velabro facere soletis.] Edd. pr. addunt sacrificium. non bene. ac mihi etiam ad aram suspectum est.

⁵⁴ Paulo plures esse.] Paulo non placet h. l. idque aut delendum, aut multo corrigendum esse puto, vel addendum haud.

⁵⁵ Non probabatur.] Sic per conjecturam putavi legendum, quia in Mss. regis esse tradit Alemannus, estque etiam

in ed. Rom. non dubitavi recipere, ut et Alemannus fecit.

⁵⁶ Magis providus quam gratus.] Providus videri poterat, quod ita efficere voluerit, ut Cæsar, ingressus urbem ovans, imperium deposceret, de more, atque ita exercitus ad alium veniret, quo ipse obses reip. poterat, ut et fecit. quam gratus, int. in Cæsarem.

publica omnium, quæ memoria mea fuerunt, in quo bello non, utracumque pars vicisset, tamen aliqua forma esset futura reipublicæ. hoc bello victores quam rempublicam simus habituri, non facile affirmarim; victis certe nulla umquam erit. Dixi igitur sententias in Antonium, dixi in Lepidum severas: neque tam ulciscendi causa, quam ut et in præsens sceleratos cives timore ab impugnanda patria deterrerem: et in posterum, documentum statuerem, ne quis talem amentiam vellet imitari. quamquam hæc quidem sententia non magis mea fuit, quam omnium. In qua videtur illud esse crudele, quod ad liberos, qui nihil meruerunt, pœna pervenit. Sed id et antiquum est, et omnium civitatum: siquidem etiam Themistocli liberi egerunt. et, si iudicio damnatos eadem pœna sequitur cives, qui potuimus leniores esse in hostes? Quid autem queri potest quisquam de me, qui, si vicisset, acerbiorem se in me futurum fuisse confiteatur necesse est? Habes rationem mearum sententiarum, de hoc genere dimittat honoris et pœnæ. Nam de ceteris rebus quid senserim, quidque censuerim, audisse te arbitror. Sed hæc quidem non ita necessaria. illud valde necessarium, Brute, te in Italiam cum exercitu venire quam primum. summa est exspectatio tui: ⁵⁷qui si Italiam attigeris, ad te concursus fiet omnium. Sive enim vicrimus, (qui quidem pulcherrime vicramus, nisi Lepidus perdere omnia, et perire ipse cum suis concupivisset,) tua nobis auctoritate opus est ad collocandum aliquem civitatis statum: sive etiam nunc certamen reliquum est, maxima spes est cum in auctoritate tua, tum in exercitus tui viribus. Sed propera, per deos. scis enim, quantum sit in temporibus, quantum in celeritate. ⁵⁸Sororis tuæ filiis quam diligenter consulam, spero te ex matris, et ex sororis litteris cogniturum. qua in causa majorem habeo rationem tuæ voluntatis, quæ mihi cariissima est, quam, ut ^{b.} quibusdam videor, constantiæ meæ. sed ego nulla in re malo, quam te amando constans et esse, et videri.

⁵⁷ Quodsi It. attigeris.] Quodsi a Jac. qui si. quod restitui.
Gron. editum est o Ms. Balliol. edd. vett. ⁵⁸ Sororis tuæ filiis.] Iisdem Lepidi.

*Graviter reprehendit Ciceronis ad Octavium epistolam, qua eum rogarat, ut
liberatores patriæ salvos vellet.*

BRUTUS CICERONI S.

PARTICULAM litterarum tuarum, quas misisti Octavio, legi, missam ab Attico mihi. Studium tuum, curaque de salute mea, nulla me nova voluptate affecit. Non solum enim usitatum, sed etiam quotidianum est, aliquid audire de te, quod pro nostra dignitate fideliter atque honorifice dixeris, aut feceris. At dolore, quantum animo maximum capere possum, eadem illa pars epistolæ, scriptæ ad Octavium de nobis, affecit. Sic enim illi gratias agis de republica, tam suppliciter, ac demisse, (quid scribam? pudet conditionis ac fortunæ: sed tamen scribendum est;) commendas nostram salutem illi: ⁵⁹ quæ morte qua non perniciosior? ut prorsus præ te feras, non sublatam dominationem, sed dominum commutatum esse. Verba tua recognosce, et aude negare, servientis adversus regem istas esse preces. Unum ais esse, quod ab eo postuletur et exspectetur: ut eos cives, de quibus viri boni, populusque Romanus bene existimet, salvos velit. Quid? si nolit, non erimus? Atqui, non esse, quam esse per illum, præstat. Ego, medius fidius, non existimo, tam omnes deos aversos esse a salute populi Romani, ut Octavius orandus sit pro salute cujusquam civis, non dicam pro liberatoribus orbis terrarum. Juvat enim magnifice loqui: et certe decet, adversus ignorantes, quid pro quoque timendum, aut a quoque petendum sit. Hoc tu, Cicero, posse fateris Octavium, et illi amicus es? aut, si me carum habes, vis Romæ videri; cum, ut ibi esse possem, commendandus pueri illi fuerim? Cui quid agis gratias, si, ut nos salvos esse velit et patiat, rogandum putas? An hoc pro beneficio est habendum, quod se, quam Antonium, esse maluerit, a quo ista petenda essent? Vindici quidem alienæ dominationis, non vicario, ecquis supplicat, ut optime meritis de republica liceat esse salvus? Istā vero imbecillitas et desperatio, cujus culpa non magis in te residet, quam in omnibus aliis, et Cæsarem in cupid-

p. 285.

a.

59 Quæ.] Salus ab Octavio impetrata, si, malo millies mori, quam ab Octavio perniciosior et tristior est morte acerbis- servari.

tatem regni impulit: et Antonio post interitum illius persuasit, ut interfecti locum occupare conaretur: et nunc puerum istum extulit, ut tu judicares, precibus esse impetrandam salutem talibus viris: misericordiaque unius, vix etiam nunc viri, tutos fore nos, haud ulla alia re. Quodsi Romanos nos esse meminissemus: non audacius dominari cuperent ⁶⁰ postremi homines, quam id nos prohiberemus: neque magis irritatus esset Antonius regno Cæsaris, quam ob ejusdem mortem deterritus. Tu quidem consularis, et tantorum scelerum vindex (quibus oppressis, vereor, ne in breve tempus dilata sit abs te pernicies,) qui potes intueri quæ gesseris, simul et ista vel probare, vel ita demisse ac facile pati, ut probantis speciem habeas? Quod autem tibi cum Antonio privatum odium? nempe quia postulabat hæc, salutem ab se peti: precariam nos incolumitatem habere, a quibus ipse libertatem accepisset: esse arbitrium suum de republica. Quærenda esse arma putasti, quibus dominari prohiberetur: scilicet, ut illo prohibito, rogaremus alterum, qui se in ejus locum reponi pateretur, an ut esset sui juris ac Mancipii respublica? nisi forte non de servitute, sed de conditione serviendi recusatum est a nobis. Atqui non solum bono domino potuimus Antonio tolerare nostram fortunam, sed etiam beneficiis atque honoribus, ut participes, frui, quantis vellemus. quid enim ⁶¹ neget iis, quorum patientiam videret maximum suæ dominationis præsidium esse? Sed nihil tanti fuit, quo venderemus fidem nostram, et libertatem. Illic ipse puer, quem Cæsaris nomen incitare videtur in Cæsaris interfectores, quanti æstimet (si sit commercio locus) posse, nobis auctoribus, tantum, quantum profecto poterit, quoniam vivere, et pecunias habere, et dici consulares volumus? ceterum nequicquam perierit ille: cujus interitu quid gavisi sumus, si mortuo nihilo minus servituri eramus? ⁶² Nulla cura ab aliis adhibeatur: sed mihi prius omnia dii, deæque eripuerint, quam illud iudicium, quo non modo heredi ejus, quem occidi, non concesserim, quod in illo non tuli, sed ne patri quidem meo, si reviviscat, ut, patiente me, plus legibus ac senatu possit. An hoc tibi persuasum est,

⁶⁰ Postremi homines.] Nullius pretii ac dignitatis. ret, quia sequitur videret.

⁶² Nulla cura ab aliis adhibeatur.] Ab aliis habent edd. pr. alii post male omisere.

fore ceteros ab eo liberos, quo invito nobis in ista civitate locus non sit? Qui porro id, quod petis, fieri potest, ut impetres? Rogas enim, velit nos salvos esse. Viderant ergo tibi salutem accepturi, cum vitam acceperimus? quam, si prius dimittimus dignitatem et libertatem, qui possumus accipere? An tu Romæ habitare, id putas incolumem esse? Res, non locus oportet præstet istuc mihi. neque incolumis fui Cæsare vivo, nisi postquam illud conscivi facinus: neque usquam exsul esse possum, dum servire, et pati contumelias, pejus odero malis omnibus aliis.

p. 286. Nonne hoc est in easdem tenebras recidisce, quum ab eo,
 a. qui tyranni nomen ascivit sibi, (cum in Græcis civitatibus liberi tyrannorum, oppressis illis, eodem supplicio afficiantur,) petitur, ut vindices atque oppressores dominationis salvi sint? Hanc ego civitatem videre velim, aut putem ullam, quæ ne traditam quidem atque inenlcatam libertatem recipere possit? plusque timeat in puero nomen sublatis regis, quam confidat sibi, cum illum ipsum, qui maximas opes habuerit, paucorum virtute sublatum videat? Me vero posthac ne commendaveris Cæsari tuo: ne te quidem ipsum, si me audies. Valde eare æstimas⁶³ tot annos, quot ista ætas recipit, si propter eam causam puero isti supplicaturus es. Deinde quod pulcherrime fecisti, ac facis in Antonio, vide ne convertatur a laude maximi animi ad opinionem formidinis. Nam si Octavius tibi placet, a quo de nostra salute petendum sit: non dominum fugisse, sed amiciorem dominum quæsisse videberis. Quem quod landas ob ea, quæ adhuc fecit, plane probo. sunt enim laudanda, si modo contra alienam potentiam, non pro sua suscepit eas actiones. Cum vero iudicas, tantum illi non modo licere, sed etiam a te ipso tribuendum esse, ut rogandus sit, ne nolit esse nos salvos; nimium magnam mercedem statuis. Id enim ipsum illi largiris, quod per illum habere videbatur respublica. Neque hoc tibi in mentem venit, si Octavius ullis dignus sit honoribus, quia cum Antonio bellum gerat: iis, qui illud malum exciderint, cujus istæ reliquæ sunt, nihil, quo expleri possit eorum meritum, tributurum umquam populum Romanum, si omnia simul con-

⁶³ Tot annos, quot ista ætas recipit.] sensus universus paucitatem desiderat. de-
 Mihi tot et quot suspecta semper fuere. leverim tot, et legerim quas.
 nam tot annos multitudinem exprimit, sed

